

~~Bobby~~

~~Travis~~

Ex dono gratissimo R. B.

Nicolaus Theobaldus

8.52, S. 9

QVAESTIONES MORALES SELECTIONES

A GABRIELE BEATO SOCIETATIS IESV,
Theologiæ Moralis in Collegio Romano
Professore, discussæ, ac Resolutæ.

In quibus, propositis casibus, prima quædam principia, ad plurimas alias Quæstiones similes resoluendas per-
vtilia, subinde examinantur.

DE LEGE INTERNA, ET EXTERNA.

Cum Duplici Indice Quæstionum, ac Rerum.



ROME, Sumptibus Io. Dominici Franzini sub Signo Fontis, MDCLXIII.

Ex Typographia Vitalis Mascardi.

CVM PRIVILEGIO SVMMI PONTIFICIS, ET SUPERIORVM PERMISSV.

Biondini

B + dono gratuito R. D.

~~Nicolaus Theobaldus~~

8.52.8.9

QVAESTIONES MORALES SELECTIONES

A GABRIELE BEATO SOCIETATIS IESV,
Theologiæ Moralis in Collegio Romano
Professore, discussæ, ac Resolutæ.

In quibus, propositis casibus, prima quædam principia, ad plu-
rimas alias Quæstiones similes resoluendas per-
vtilia, subinde examinantur.

DE LEGE INTERNA, ET EXTERNA.

Cum Duplici Indice Quæstionum, ac Rerum.



ROME, Sumptibus Io. Dominici Franzini sub Signo Fontis. MDCLXIII.

Ex Typographia Vitalis Mascardi.

CVM PRIVILEGIO SUMMI PONTIFICIS, ET SUPERIORVM PERMISSV.

Biondini

EMINENT.^{MO} ET REVER.^{MO}
PRINCIPI
FLAVIO
CHISIO

S. R. E. CARDINALI.

GABRIEL BEATVS FOELICITATEM.



INTER arcana dominationis,
EMINENTISSIME PRINCEPS; locum
præcipuum habet legis promul-
gatio; siquidem Animantia fræ-
no, Homines lege cohibentur.
Atque hac de causa summus il-
le, & Regnator, & Regnan-
tium exemplar Deus, excitato hominum regno;
edixit legem, per quam Populi viuere discerent
citra ruinam, non citra obsequium, quod aduer-
sus ruinam præsidium est. Duplex autem Lex ha-



3

betur,

betur, interna & externa, quarum altera coerces animos, altera corpora moderatur; etenim Lex interna eosdem habet fines, quos Conscientia, quæ cum nobis intima sit, illas exigit actiones, quibus Animus informetur, & exerceatur ad absolutam omnibus numeris virtutem, cuius imperium non extimo quodam seu rerum, seu membrorum termino coercesur, ac definitur, sed in omnia se dispergit, quæ vel ipsi cogitationi convenire possunt; quale tu, EMINENTISSIME PRINCEPS; experiris, cuius animus optimis Conscientiæ legibus compositus, per altissima diuiditur consilia, quibus vniuersam, intimamque Ecclesiæ vtilitatem tueris. Lex autem externa necessaria fuit, quia cum Homo constet corpore & animo, conscientia & usu, non satis erat, animum & conscientiam, sed etiam corpus, & externarum actionum usum, ad virtutis scopum dirigere. Atque hæc primaria legis externæ causa fuit; Homines enim, cum intima cordium consilia intueri minime possint, sed externas tantummodo, & aspectabiles membrorum exercitationes aspiciant, ex ijs intima pectorum obseruant atque explorant. Legem tamen externam ita tractamus, vt Legis internæ vel autoramentum, vel additamentum esse videatur; Namque de ijs potissimum sanctionibus agimus, quæ ad Ecclesiæ censuram pertinent, cuius arbitrium est penes maximum Patrum tuum, qui Dei viçes, & tribunal repræ-

repraesentat . Porro, cum ex his constet publica
felicitas, facturum me operæ pretium credidi, si de
utraque opus aliquod elucubrarem, quod, quale-
cumque sit, reuerenter quidem, sed iure ad te au-
deo deferre ; sedes enim ad gubernacula Pontifi-
ciæ ditionis, tuique muneris proprium est, legum
obseruantiam exigere, adeoque quidquid ad le-
gem pertinet, sub tua clientela esse debet : Quam-
quam mihi & alia causa id suaserit, quod videlicet
animaduenterim, in te eminere summam mode-
stiam in summâ potentiâ, summam facilitatem in
summo fastigio, summam amabilitatem in summâ
dignitate . Hic ergo magnes ad tuæ obsequium
Eminentia traxit hoc tenue mei laboris monu-
mentum, quod tibi minime fore ingratum, illa
ipsa mihi spondet, quam omnibus exhibes, beni-
gnitas .



INGENVO LECTORI.



*V*M omnes ferè scientiæ, ac facultates, quæ mentem humanam excolunt, suos habeant Academicos congressus, in quibus tanquam fornacibus studio multorum ardentibus, omni pretiosior auro Veritas exploretur, iniquum videbatur, unam conscientiæ doctrinam, hoc est, artem non tam recte intelligendi, aut dicendi, quàm bene viuendi, & veriore[m] scientiam de anima, hoc tum incitamento, tum adiumento carere. Sapienter igitur præter Philosophiæ, ac Theologiæ, casuum etiam conscientiæ collationes institutæ sunt, in quibus, de controuersijs illis disceptaretur, quæ non ad clamor[um] populi forum pertinent, sed ad arcanum, ut vocant, forum Poli. His ego congressibus, cum aliquot annos præfuerim, selectiores in varijs materijs quæstiones ponens in medio, ac soluens, indignum duxi, laborem hunc in irritum cadere, & quod fortasse præsentibus non inutile fuit, posteris inuidere. Auditoribus verò meis non ingratum futurum censeo, si publici iuris facta

facta vidoant, quæ solis ipsis fuere participata; neque illa crediderim eos ambitione teneri, qua magnus olim Alexander, qui cum Aristotele magistro conquestus est, quod communia faceret omnibus arcana doctrinæ sibi soli patefacta. Imò iuvabit ipsos, quæ auribus cognouerunt, oculis recognoscere, & quidem fructuosius, si verum est vetus verbum.

Segnius irritant animos demissa per aures,

Quàm quæ sunt oculis subiecta fidelibus.

Licebit etiam definitiones prolatas ad sui iudicii trutinam accuratius exigere, ubi non volat irremovibile verbum, sed characteribus, quasi catenis, inmodatum manet. Ex eisdem commodius ducere poterunt communiora quædam principia, & fundamenta, ad similes quæstiones facillimè, tutissimèque solvendas in quacunque materie. Accessere ad hanc mentem huiusmodi lucubrationes evulgandi, non modo ipsorum Auditorum meorum enixæ, atque iteratæ preces: sed & Virorum prudentium cordatæ suasiones, & quæ plurimum ponderis habuere, illorum imperia, quorum præ sapientia, auctoritate, munere, vox omnis, & nutus est apud me instar oraculi. His adeo stimulis adactus, hoc quicquid est operis in lucem dare decreui. Nec me remoratur eorum multitudo, qui de rebus hisce scripta vulgarunt. Namque etiam in Iurisprudentia, quæ nostræ huius facultatis vel mater, vel soror est, nova in dies consilia prodeunt, & pronis tamen vlnis excipiuntur. Quippe quod utile est,

est, nunquam est nimium. Hoc verò utilius ut esset, principia quædam uniuersè sumpta interserui, ex quibus facile sit, innumerabiles casus similes enodare.

Noster autem hic labor quo planior, ac fructuosior obtingeret legentibus, in varias diuisas materias est, hoc ordine methodoque; In primo volumine, duæ nostrorum operum regulæ expenduntur: Conscientia, & Lex: quas nobis indidit Deus, ut moueant atque impellant ad agenda, quæ nos ducant in æternam Beatitatem, atque ultimum finem; Qua planè ratione pondus innatum est lapidi, ut feratur ad centrum; igni leuitas, ut sursum ascendat. In secundo deuenitur ad species legis, quæ sunt præcepta Theologicarum virtutum, atque iustitiæ. In tercio mandata Decalogi, Ecclesiæque continentur. Quoniam verò Deus non intima tantum ut legum promouere nos voluit ad supremum ac felicissimum nostrum finem, sed institutis quoque sacramentis, velut impressa virtute, fortiter, ac suauiter eodem impellere dignatus est; idcirco in quarto volumine sacramenta, hoc est gratiæ leges euoluuntur.

Quod verò spectat ad Scriptorum locos, qui singulis propositis casibus subiiciuntur, hæc animaduerte, qui legis, illos inuèrdum Auctores citari, qui licet peculiarem eum casum propriè non tractent, sed alium in diuersa materie, ea tamen fundamenta ponunt, è quibus eius solutio consurgat. Deinde erratum in numeris aliquando Typographorum incu-

curia, præsertim transpositione, vii 23. loco 32.

Noris denique, Lector optime, si quid in hoc opere
imperies boni, non meum esse, sed Dei: Namque
mine datū optimum defursum est, descendens à Pa-
re luminum; sin erratum aliquod, vii facile multa,
lepræhendes; id totum esse meum. Testor tamen,
quæcumque scripsi, vel scripturus sum ad minimum
apicem, directa me velle ad æternam eius gloriam;
& honorem, cui soli debetur omnis honor & gloria;
simulque ad Christianæ cuiusque conscientie quietem;
utque facilius quisque possit per bona opera, atque ope
sacramentorum, (quæ in hunc finem Christus insti-
tuit) ad metā felicitatis æternæ peruenire.



ALE-

ALEXANDER PAPA VII.

Ad futuram rei memoriam.



CVM sicut dilectus filius Io: Dominicus Franzini Bibliothopola in alma Vrbe nostra nuper exponi fecit, ipse libros duos, vnum videlicet, cui Titulus *Quæstiones Morales Selectiores à Gabriele Beato Clerico, Regulari Societatis Iesu, & alterum, cui etiam Titulus Directorium Chori, ad vsum omnium Ecclesiarum cum quibusdam additionibus à Ioanne Guidetto dilectis filijs respecti-* nè compositos typis, expensis suis mandari curauerit, vereatur autem, nè postquam in lucem prodierint, alij, qui ex alieno labore lucrum querunt, eosdem libros imprimi facere etiam curent in ipsius exponentis præiudicium, nos eius indemnitati, nè ex impressione huiusmodi aliquod dispendium pariat, providere, illumque specialibus fauoribus, & gratijs prosequi volentes, & à quibusvis excommunicationis suspensionis, & interdicti, alijsque Ecclesiasticis sententijs, censuris, & pœnis, à iure, vel ab homine, quauis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum ferie absoluentes, & absolutum fore censentes. Supplicationibus eius nomine nobis super hoc humiliter porrectis inclinatis. Eidem exponenti, vt durante decennio, à præiudicio dictorum librorum, impressione computando, dummodò tamen à dilecto filio Sacri Palatii Apostolici Magistro approbati fuerint, nemo tam in Vrbe, quam in reliquo Statu Ecclesiastico mediâtè, vel immediâtè Nobis subiecto libros prædictos, etiam sub prætextu additionum, distinctionum, alteriusve formæ, vel tituli, sine speciali dicti exponentis, aut ab eo causam habentis licentia imprimere, aut ab alio, vel alijs impressos vendere, seu venales habere, aut proponere possit, & valeat Apostolica auctoritate tenore præsentium concedimus, & indulgemus. Inhibentes propterea vtriusque sexus Christi fidelibus præsentium librorum impressionibus, & bibliopolis, sub quingentorum ducatorum auri de Camera, & amissionis librorum, & typorum omnium pro vna Camera nostræ Apostolicæ, & pro alia eidem exponenti, ac pro reliqua tertijs partibus accusatori, & iudici exequenti irremissibiliter applicandis, & eo ipso absque vlla declaratione incurrendis pœnis, nè dicto decennio durante libros prædictos, aut aliquam illorum partem tam in Vrbe, quam in reliquo statu Ecclesiastico prædictis, sine huiusmodi licentia imprimere aut ab alijs impressos vendere, seu venales habere quoquomodo audeant seu præsumant. Mandantes propterea dilectis filijs nostris, & Apostoli-

ca Sedis de Latere Legatis, seu eorum Vicelegatis, aut Praesidentibus, Gubernatoribus, Praetoribus, & alijs Iustitiae Ministris, Prouinciariis, Ciuitatum, Terrarum, & locorum Status nostri Ecclesiastici praedicti, quatenus eidem exponenti, seu ab eo causam habenti praedictis in praemissis efficacis defensionis praesidio assistentes quodcumque ab eodem exponente fuerint requisiti, poenas praedictas contra quoscumque inobedientes irremissibiliter exequantur. Non obstantibus Constitutionibus, & ordinibus Apostolicis, ac quibuscumque statutis, & consuetudinibus etiam iuramento, confirmatione Apostolica, vel quauis firmitate alia roboratis, privilegijs quoque indultis, & litteris Apostolicis in contrarium praemissorum quomodolibet concessis, confirmatis, & innouatis, ceterisque contrarijs quibuscumque, Volumus autem, vt praesentium transumptis etiam in ipsis libris impressis manu alicuius Notarij publici subscriptis, & sigillo personae in dignitate Ecclesiastica constitutae munitis eadem prorsus fides adhibeatur, quae praesentibus ipsis adhiberetur si forent exhibitae, vel ostensae. Datum Romae apud Sanctam Mariam Maiorem sub Annulo Piscatoris Die septima Nouembris MDCLXII. Pontificatus Nostri Anno Octauo.


S. Vgolinus,

Locus & Sigilli.

IOANNES PAVLVS OLIVA
Societatis Iesu Vicarius Generalis.

CVM Quæstiones Morales P. Gabrielis Beati nostræ Societatis Sacerdotis aliquot eiusdem Societatis Theologi recognouerint, & in lucem edi posse probauerint, potestatem facimus, vt typis mandentur, si ita ijs, ad quos pertinet, videbitur, in cuius rei testimonium has literas manu nostra subscriptas, sigilloque item nostro munitas damus. Romæ 25. Martij 1662.

Ioan. Paulus Olina,



Imprimatur si videbitur Reuerendiss. P. M. Sac.
Pal. Apost.

O. Archiepisc. Patracen. Vicesg.



Imprimatur
F. Raimundus Capisuccus Sac. Apost. Pal. Mag.
Ord. Præd.

IN-

INDEX QVAESTIONVM

Quæ in primo Libro continentur.



- 1 *N Conscientia erronea, possit esse regula operandi.*
- 2 *An qualibet conscientia erronea, possit esse regula operandi.*
- 3 *Quanta sit conscientia erronea obligatio.*
- 4 *An conscientia erronea, plus obliget, quam preceptum Pralati.*
- 5 *An opinio probabilis, possit esse regula operandi.*
- 6 *An conscientia practice dubia, possit esse regula operandi.*
- 7 *An conscientia speculative dubia circa ius, possit esse regula operandi.*
- 8 *An conscientia speculative dubia circa factum, possit esse regula operandi.*
- 9 *An conscientia speculative dubia, in materia iustitia, possit esse regula operandi, quando datur titulus possessionis.*
- 10 *An conscientia speculative dubia, possit esse regula operandi in materia aliarum virtutum, quando datur titulus possessionis.*
- 11 *An conscientia dubia possit esse regula operandi, quando possessio est dubia.*
- 12 *An conscientia dubia circa factum, ullam pariat obligationem.*
- 13 *An conscientia dubia circa circumstantiam facti, ullam pariat obligationem.*
- 14 *An qualibet conscientia dubia circumstantiam facti i ullam pariat obligationem.*
- 15 *An preceptum de re dubia, obliget.*
- 16 *An votum de materia dubia obliget.*
- 17 *An conscientia speculative dubia, reddat votum irritabile.*
- 18 *An ignorantia, excuset à culpa, & à pœna.*
- 19 *An ignorantia vincibilis, sit peccatum speciale.*
- 20 *An ignorantia vincibilis, plures malitias contineat.*
- 21 *An ignorantia vincibilis sufficiens ad peccatum, sufficiat etiam ad operationis valorem.*
- 22 *An ignorantia vincibilis, aliquando saltem ad actus valorem sufficiat.*
- 23 *An error circa personam, cum qua agitur, reddat actum inualidum.*
- 24 *An error circa motum operandi, reddat operationem inualidam.*
- 25 *An error circa causam impulsivam, operationem reddat inualidam.*
- 26 *An aliquando saltem, error circa causam impulsivam, reddat operationem inualidam.*
- 27 *An error circa conditionem, reddat operationem inualidam.*
- 28 *An cessante una causa operationis, cesset etiam eius valor, ac efficacia.*
- 29 *An quilibet error circa causam finalem, operationem reddat inualidam.*
- 30 *An error, circa quamlibet causam finalem, operationem inualidet.*
- 31 *An error circa qualitatem causa materialis, operationem inualidet.*

An



LIBER PRIMVS

DE LEGE INTERNA.



PROXIMA ac immediata nostrarum operationum regula, est conscientia, quæ, quia intra nos est, appellari solet *Lex interna*; quia verò indita nobis est ab Auctore naturæ, ut per eam nos inclinet ad rectè operandum, & per eas operationes, quasi morat ad nostrum finem vltimum, qui est Beatitudo, ac vltima felicitas; sicut per grauitatem inclinat lapidem, motum deorsum, & ignem per leuitatem ad motum sursum, dicitur ius siue lex naturalis. Huius conscientiæ, & legis internæ, quinque sunt species; erronea, dubia, obambula, recta, ac scrupulosa. Singularum ergo specierum natura, ac proprietates, varijs casibus propositis, examinantur, in ordine ad culpam, ad pœnam, & ad actuum valorem. Et quoniam Conscientia dubia essentialiter supponit ignorantiam rei, de quâ dubitatur, & erronea errorem, & duo opponuntur libertati, sicut aliquo modo opponitur etiam metus; ideo simul etiam de his impedimentis tractatur, an & quomodo excusent à culpâ, & à pœnâ, & actuum valorem impediant. Denique peccati, quod legi internæ opponitur, naturâ, passionibus, ac speciebus perpenduntur.

Q V A E S T I O I.

An conscientia erronea possit esse regula operandi.

G A S V S.

CVM homicidij cuiusdam auctor quæreretur, & de Titio iam daretur semiplena probatio, Rusticus quidam, qui homicidio fuerat præsens, in iudicium vocatus, & à Iudice interrogatus, num auctor homicidij esset Titius; cum iuramento negavit, inuincibiliter putans, id sibi ad eius vitam tuendam licere; quæritur, utrum, peierando, mortaliter peccauerit.

S U M M A R I U M.

- | | | | |
|----|--|----|---|
| 10 | Quid & quæplex sit conscientia. | 25 | Obligat tamen quamvis falso proposita. |
| 11 | Quid sit Synderesis, & quomodo ex illa oriatur conscientia. | 26 | Conscientia erronea dictans, dilectionem Dei esse peccatum, repugnat. |
| 12 | Cur conscientia sit proxima regula operandi. | 27 | Non solum actio interna, sed etiam externa conscientia erronea contraria, est mala. |
| 13 | Quo principia utatur prudentia ad operationes voluntatis regulandas. | 28 | Conscientia erronea obligat solum per modum applicationis. |
| 14 | Quæ conscientia habeat vim præcepti, & qua Consilij. | 29 | Et quatenus creditur esse præceptum Dei. |
| 15 | Cur conscientia erronea excuset à culpa. | 31 | Debet esse actus, dum operamur. |
| 20 | Voluntas amans, quod siue vero siue falso proponitur ut bonum, non peccat. | 32 | Cum dictat duas actiones oppositas, peccari non potest. |
| 21 | Imo facit actum virtutis. | 33 | Est testis, Iudex, & Regula. |
| 22 | Et de eo gaudere potest. | | |
| 23 | Conscientia erronea nunquam est Diuine legi contraria. | | |
| 24 | Lex non obligat nisi ut proposita. | | |

R A T I O N E S D U B I T A N D I.

Quæ sit Conscientiæ, siue legis internæ vis ad obligandum, colligi faciliè poterit ex vi, quam habet conscientia erronea;

mea; si enim hæc tam strictè, ac indispenfabilitè obligare potest, quæ erit vis conscientiæ probabilis, ac rectæ? ut autem appareat conscientiæ erroneæ vis ad obligandum, & conscientiæ simul natura innotescat, præfens casus proponitur.

Aliquibus ergo, quos tacito nomine refert *Divus Thomas* 1. 2. q. 58. a. 5. Rusticus videtur mortalitèr peccasse. Primò, quia verè commisit periurium; hoc autem est diuinà lege prohibitum. Neque obstat, quod conscientia erronea dictauerit, non esse prohibitum; nam, cum auctoritas Dei maior sit, quam conscientiæ, voluntas illam magis sequi tenebatur, quam illam; imò, cum conscientia contra Dei legem aliquid dicat, sequenda omnino non est; expedit enim tunc obedire magis Deo, quam conscientiæ.

Secundò; quia, si non peccasset, fecisset actum bonum; fecisset enim actum charitatis, cum periurium ad vitam hominis tuendam, ordinaverit; consequens autem est impossibile; neque enim dari potest actus bonus, qui habeat obiectum malum.

Tertiò; quia, si non peccasset, potuisset deinde, cognito errore, de tali periurio, ut potè bono gaudere; consequens autem est falsum; quia gaudere de periurio, est intrinsecè malum, non minus quàm gaudere de adulterio; est enim velle malum; hoc autem idem est, ac velle peccatum, & consequenter peccare; si ergo gaudento de

periurio, peccasset, peccavit etiam illud volendo; non minus enim intentio efficax periurij, est actus voluntatis, quam gaudium.

6. Quartò; quia, si non peccasset, maxime quia conscientiam errantem securus esset; sed conscientia errans sequenda non est, quando est diuinæ legi contraria; semper enim sequenda est lex Diuina; hæc autem obligare non potest ad sequendam conscientiam errantem, quando est illi contraria, alioquin ipsamet lex diuina esset sibi ipsi contraria, dum ex vna parte præcipit, ob nullam causam, etiam ad saluandam vitam, esse peierandum; & ex alià, obediendum esse conscientiæ erranti, dum dicitur, esse peierandum.

7. Quintò; quia in tantum sequi tenemur conscientiam, in quantum est regula à lege æternà derivata; sed conscientia dictans, esse peierandum ad saluandam vitam, non potest esse derivata à lege æternà, cum lex æterna contrarium dicat; ergo illam sequi non tenemur; ideoque illum sequendo, rusticus adhuc peccavit.

8. Sextò; quia minister, falsam Principis legem promulgans, subditos non obligat ad illam adimplendam; sed conscientia errans, dum dicitur id, quod est malum, falsam Dei legem promulgat; neque enim Deus, malum vnquam potest præcipere; ergo non obligat voluntatem ad illi parendum; ideoque rusticus, illam sequendo, peccavit.

9. Septimò; quia, si conscientia erronea diceret, Deum non esse su-

per omnia diligendum, non propterea peccaret, qui Deum super omnia diligeret; impossibile enim est, Deum diligere, & per ipsam dilectionem peccare; ergo non semper conscientiam erroneam sequi tenemur, neque semper est peccatum contra illam operari; ergo etiam si conscientia erronea rustice dictaret, esse peierandum ad proximi vitam tuendam, non propterea tenebatur illam sequi, sed poterat contra illam operari; ideoque, non operando, peccauit.

NOTABILIA.

10 **A**duertendum est primò; conscientiam, nihil esse aliud, quam dictamen rationis, iudicans, aliquid esse bonum vel malum, sequendum vel fugiendum; debet autem esse actus iudicarij, quia per illum, debet intellectus iudicare, quid voluntas fugere debeat, quid amplecti. Diuidi communiter solet in remotam, & proximam; illa dicitur, quæ in communi dicitur, aliquid esse faciendum, vel omittendum; ut, audiendam esse missam die festo: hæc dicitur, quæ in particulari, & in specie, dicitur, quid hic & nunc sit faciendum, quid fugiendum; ut, esse hodie missam audiendam; quamuis autem ex conscientia, siue iudicio vniuersali, deduci regulariter, & per se, soleat similis conscientia, & iudicium particulare; ex eo enim, quod audienda sit missa in die festo, & hodie sit dies festus, regulariter, & per se, inferitur, hodie missam esse audien-

dam; per accidens tamen, & ratione alicuius circumstantiæ, potest aliquando non deduci, sed potius oppositum; potest enim quis simul iudicare, die festo, audiendum esse sacrum, & tamen, propter infirmitatem, se non esse obligatum; tunc tamen, etiam iudicium particulare, verè non est vniuersali contrarium; quia hoc, nunquam dicitur, die festo, infirmo, aut impedito audiendam esse missam, sed potius oppositum.

11 Aduertendum est secundò, Intellectui nostro, sicut indita est à naturà vis cognoscendi verum, hoc est, prima quædam principia speculatiua per se nota, qualia sunt; omne totum est maius sua parte; quodlibet est, vel non est, & similia; ita inditam esse virtutem cognoscendi bonum; hoc est prima quædam principia practica vniuersalissima, omnibus nota; qualia sunt; omne bonum est sequendum, omne prohibitum à Deo est fugiendum, & similia: quæ principia appellantur synderesis. Ex his autem, intellectus deducit aliquando conclusiones falsas, per additionem minoris falsæ; Si quis enim dicat; omne prohibitum à Deo est malum; & deinde addat; omne iuramentum est prohibitum à Deo: *Matt. 5. Ego autem dico vobis nolite iurare omnino*: quæ minor est falsa; inferet, quod omne iuramentum sit malum, & illicitum, quod tamen est falsum; hæc ergo conclusio ex primis principiis practicis falsò deducta, dicitur conscientia errans, sicut deducta per additionem minoris propositionis pro-

probabilis, dicitur conscientia probabilis; & deducta evidenter, dicitur conscientia recta.

2. Aduertendum est tertio; Voluntatem nostram, cum sit potentia ceca, ferri non posse in obiectum, nisi hoc illi proponatur ab intellectu tanquam honestum, vel turpe, sequendum vel fugiendum; hinc autem fit primo, ut voluntas non feratur in obiectum secundum se, sed solum prout illi proponitur ab intellectu; unde, si proponatur ut bonum, quamuis in se sit malum, voluntas in illud fertur tanquam in bonum, neque illud fugere potest, tanquam malum, quia eius matiam non cognoscit. 2. ut dictamen rationis, siue iudicium practicum conscientiz, voluntati proponens obiectum, tanquam bonum, vel malum, sit illius regula; cum enim voluntas eo indicio omnino indigeat ad libere operandum, sequitur, ut, dum illi conformatur, rectè operetur; amat enim tunc id, quod illi proponitur ut bonum, & fugit id, quod illi proponitur ut malum; dum verò illi non conformatur, peccet, quia tunc amat quod illi proponitur ut malum, & fugiendum, vel fugit id, quod illi proponitur ut bonum, & sequendum; voluntas autem tunc peccat, cum vel vult malum, vel fugit bonum. Tertio; ut, quamuis lex, siue diuina, siue naturalis, siue humana, sit prima regula nostrarum operationum, obligare tamen voluntatem non possit, nisi mediante regulâ proximâ, quæ est conscientia; quia illam obligare non potest, nisi ei per iu-

dicium conscientiz, siue per dictamen rationis proponatur ab intellectu, nec alio modo illam obligare potest, quàm, quò ei ab intellectu per conscientiam proponitur.

13. Aduertendum est quarto; inter principia practica primum, vniuersalissimum, ac notissimum, illud esse. Faciendum est id, quod conscientia dicat, esse honestum; & omitendum, quod eadem dicat esse inhonestum; Vnusquisque enim, eo ipso, quod facit aliquid contra id, quod conscientia dicat, existimat, se male operari, ut constat experientia, quia voluntas, cum ferri non possit in obiectum, nisi pro ut illi proponitur ab intellectu, ut dictum est, eo ipso, quod amplectitur id, quod illi proponitur ut honestum, honestè operatur, si verò illud fugiat, inhonestè. Hoc autem principium, est dictamen, siue indicium aliquod reflexum, habens pro obiecto, aliud dictamen, siue iudicium directè representans operationem aliquam, ut honestam, vel inhonestam; Dum enim dico, *quid quid conscientia dicat esse inhonestum, est fugiendum; conscientia dicat, furtum esse inhonestum; ergo furtum est fugiendum*; minor propositio habet pro obiecto iudicium dictans, furtum esse inhonestum. Ex hoc ergo principio, Prudentia, omnes suas conclusiones deducit, & per easque proximè, ac immediatè regulat operationes voluntatis; unde hæc solæ conclusiones appellantur propriè conscientia, semperque sunt veræ, certæ, ac evidentes, semper enim verum est, quod quidquid con-

conscientia dicat, esse honestum, est faciendum; semper etiam verum est, quod conscientia, hic & nunc dicat, furtum esse inhonestum, quia dictamen hoc in nobis experimur; ergo vera etiam semper debet esse conclusio inde deducta; quia ex vero non inferitur nisi verum. Iudicium autem dictans, furtum esse inhonestum, ipsum quoque dicitur conscientia, quia remore saltem, & mediante dictamine prudentie, regulat voluntatem; & hæc est conscientia, quæ aliquando est recta, aliquando erronea, & aliquando probabilis.

- 14 Aduertendum est quintò; dictamen proponens voluntati operationem aliquam ut bonam, vel malam, illam aliquando proponere, tanquã aliquod bonum, ad morum honestatem, ac animæ salutem, omnino necessarium; ut cum proponit; Deum esse super omnia diligendum; Furtum esse fugiendum, & similia; tunc autem, dictamen hoc appellatur præceptum, quia vim habet obligandi voluntatem, ita ut, si contra illud faciat, peccet; Aliquando vero proponere eandem, non tanquam bonum necessarium, sed solum magis utile, & ad morum honestatem, ac animæ salutem magis conueniens; ut cum proponit, virginitatem, aut statum religiosum esse amplectendum; tunc autem dicitur consilium, quia voluntatem, non obligat, sed solum hortatur, & si voluntas contra illud faciat, non peccat. his positis.

RESOLVTIO.

- 15 **A**D Casum respi Rusticum, perierando ad Titij vitam saluandam, ratione conscientie inuincibiliter erroneæ, non peccasse. *Sanchez lib. 1. sum. c. 11. num. 3. Valentia tom. 2. disp. 2. quest. 14. prop. 4. n. 3. Reginaldus lib. 12. n. 69. Salas. 1. 2. qu. 42. tr. 8. dist. vnic. f. 3. num. 16. Glanis regis. lib. 1. cap. 4. num. 85. Asquez 1. 2. disp. 59. cap. 2. Becanus par. 2. ar. 1. cap. 4. quest. 7. n. 3.*

16 Probatur primò, quia, quamuis perierium in se sit malum, fuit tamen rustico, per conscientiam errantem, repræsentatum ut bonum, ideoque rusticus illud volens, voluit, quantum erat ex se, aliquid bonum; velle autem bonum non potest esse peccatum; voluntas enim in hoc conformatur legi naturali dictantis bonum esse amandum, ac sequendum.

- 17 Secundò, quia, licet perierium in se sit malum, voluntas tamen in illud fertur non secundum quod est in se, sed solum secundum, quod illi à ratione proponitur; sed à conscientia errante propositum est rustico, tanquam bonum; ergo voluntas illud amplexa est tanquam bonum; illudque volens, voluit bonum; non quod esset tale in se, sed in apprehensione; voluntas autem volens bonum, peccare non potest, ut dictum est; lex enim naturalis præcipit, sequendum esse bonum, siue verè, siue falsò indicetur bonum, sicut prohibet velle malum, siue

sive verè, sive falsò iudicetur malum.

8 Tertiò; quia nulla lex obligat, nisi quatenus nobis nota est, & voluntati per cognitionem proposita, sed rustico, nulla lex per conscientiam proposita est, prohibens tale periurium, sed illi, quamvis falsò, proposita est lex illud præcipiens ad proximi vitam saluandam; ergo non obligabatur ad omittendum periurium, sed potius ad illud ponendum, ut vitæ proximi prospiceret; ideoque, peierando, nullo modo peccauit.

Quartò; quia, si quis legem, à ministro, nomine Regis, falsò promulgatam, seruet, non peccat; imo peccaret, si non seruaret, & tanquam contemptor puniretur. Similiter qui obedit ei, quem credit, suum esse Prælatum, non peccat, imo peccaret, si non obediret. Sed rusticus, peierando, seruauit legem sibi ab intellectu tanquam à Dei præcone, licet falsò, propositam; ergo non peccauit, sed potius peccasset, si periurium omisisset; diuinam enim voluntatem contempsisset, omittens id, quod præcebat, Deum velle, ac præcipere.

OBJECTIONVM SOLVTIO.

AD rationes autem in contrarium responderetur; ad primam: Rusticum commississe periurium solum materialiter, sive id, quod erat periurium, non tamen formaliter, quia non cognouit, esse periurium; nec diuinà lege prohibitum, quod tamen necessariò re-

quiritur ad peccatum; auctoritas autem diuina, & eius lex prohibens periurium, cum tunc rustico non esset ab intellectu per cognitionem proposita, illum obligare non potuit ad abstinendum à periurio; ad eam enim obligationem inducendam necessariò requirebatur, ut lex diuina rustico per cognitionem esset proposita, cum voluntas sit potentia cæca, nec ferri possit in incognitum; cum ergo illi non esset proposita, illum obligare non potuit; immo, cum esset illi, quamvis falso, proposita lex obligans ad peierandum ad vitam proximi saluandam, hanc implere debuit, ideoque, implendo, non peccauit.

21 Ad 2. Resp. Concedendo, Rusticum fecisse actum bonum; fecit enim actum misericordiæ, perinde ac si periurium verè fuisset à Deo præceptum: nam ex vna parte, periurium tunc nullam habuit formalem malitiam; & ex aliâ, recepit bonitatem à fine intento, proximi vitam saluandi; Neque obstat, quod habuerit obiectum de se malum; nam illa malitia non fuit voluntari ab intellectu proposita; ac representata, sed obiectum fuit potius representatum, ut bonum; sicut Iacob; coniunctio cum Lia fuit proposita, tanquam coniunctio cum vxore, ideoque non habuit malitiam fornicationis; obiectum autem specificat actum nostræ voluntatis, non prout est in se, sed prout est illi ab intellectu propositum.

22 Ad 3. Resp. Rusticum gaudere quidem potuisse, quod periurium, tam ignorantia inuincibili, & consequen-

sequenter sine peccato, commiserit; non tamen de periurio secundum se, & post cognitam turpitudinem, quia tunc ganisus esset de periurio cognito, ut malo, & consequenter de eius malitia, quod fieri non potest sine peccato.

23. Ad 4. Resp. Conscientiam inuincibiliter errantem, nunquam, esse Diuinæ legi contrariam; lex enim diuina nunquam præcipit, non esse peierandum in omni casu, tam per se, quam per accidens; sed solum, quando ipsa lex de non peierando, ab intellectu, absque errore, voluntati repræsentatur; in hoc autem casu, semper obligat; neque est contraria conscientiæ erroneæ distanti, esse peierandum ad salvandam proximi vitam, quia ipsa pro isto casu, non obligat.

24. Ad 5. Resp. Conscientiam nos obligare ad illam sequendam, in quantum est derivata à lege æternâ, hoc est, in quantum nobis proponit legem æternam, siue proponat deinde verè, siue falsò; nam etiam in hoc casu, dici potest derivata à lege æternâ, quia Deus præcipit, ac vult, ut posito errore, & ex suppositione, quod conscientia errans hoc diceret, ponatur periurium ad vitam proximi tuendam.

25. Ad 6. Negatur antecedens. Lex enim, quamuis falsa, Regis nomine promulgata, obligationem inducit ita ut populus obedire teneatur, & contemptores puniantur; eo enim ipso, quod illi non obediretur, censeretur contemni Rex; nam ut aliquis contemnatur, non est necesse ut fiat contra id, quod ab eo verè

præcipitur, sed satis est, ut fiat contra id, quod putatur ab eo præcipi; similiter ergo, cum conscientia erronea, Dei nomine, proponit, licet falsò, legem de peierando ad proximi vitam tuendam, obligationem per accidens inducit, ita ut voluntas ei teneatur obedire, quia non obediendo, Dei voluntatem contemneret, faciendo contra id, quod putaret, illam velle.

26. Ad 7. Resp. Impossibile esse, quod quis Deum diligat super omnia, & simul habeat conscientiam erroneam, quæ indicet, hoc esse peccatum, eo enim ipso, quod indicat esse peccatum, iudicat esse contra Dei voluntatem; ergo illud faciendo, Deum diligere non potest super omnia; impossibile enim est, diligere Deum super omnia, & simul velle aliquid, quod putatur esse contra eius voluntatem: in alijs autem materijs hoc non accidit; potest enim quis peccare, faciendo ex conscientia erroneâ id, quod alias esset ex se bonum; bonum enim est ieiunare, & tamen, si quis putaret, esse peccatum, ieiunando peccaret, quia faceret id, quod crederet esse malum; malum autem sic apprehensum, est vitandum.

COROLLARIA.

27. Colligitur ex dictis primò, non solum omnem actionem internam voluntatis, conscientię erroneæ contrariam, sed etiam externam esse malam, quoties est voluntaria; quia lex naturalis non solum prohibet velle id, quod indica-

licetur ut malum, sed etiam illud acere, vel omittere id, cuius omis-
sio, falso iudicatur, esse mala; ead-
em enim est ratio de omissione, ac
de actione.

Secundo, conscientiam, siue ve-
ram, siue erroneam, voluntatem,
non obligare proprie, per se, ac
principaliter, sed solum per mo-
dum applicationis, & conditionis
requisitæ ad hoc, ut lex, siue præcep-
tum obliget humano modo; nul-
lum enim præceptum obligat, nisi
mediante apprehensione, quæ est
immediata regula nostrarum ope-
rationum: hæc tamen est diferen-
tia inter conscientiam veram, &
erroneam, quod obligatio per con-
scientiam veram proposita, per ad-
ventum alterius cognitionis, non
cessat, quia verè datur; obligatio
verò, per conscientiam erroneam
proposita, per adventum cognitio-
nis veræ, statim cessat, quia antea,
re verà, non dabatur, sed erat so-
lum in apprehensione per conscien-
tiam erroneam, & hæc, per adven-
tum conscientie veræ, statim cessat.

Tertiò Conscientiam rectam di-
verso modo obligare, ac obliget
conscientia erronea; nam vera, cum
sit conformis legi diuinæ, est vera
lex; erronea, verò putatur, solum
Dei lex, cum verè non sit; simili-
ter, recta simpliciter obligat, erro-
nea verò solum ex suppositione, &
quatenus creditur esse præceptum
Dei.

Quarto; quoties conscientia er-
ronea deponitur, non esse pecca-
tum, agere contra illam, cum enim
tota ratio culpæ confurgat ex ipsa

conscientiâ erroneâ, & alias, cate-
ra sint bona, vel non mala; eo ipso,
quod hæc deponitur, nec perseve-
rat, cessat ratio culpæ. Ut tamen
deponi possit, necessario requiritur
aliqua ratio, alioquin voluntas eam
absolurè deponere non posset, cum
alias supponatur inuincibilis.

31 Quinto; ut sit peccatum, facere
contra conscientiam erroneam, re-
quiri, ut ea conscientia, sit tunc;
quando peccatur, & quod tunc actu
reclamet, vel per iudicium perse-
cium, vel per aliquam dubitatio-
nem: si enim non est actu, quando
sit opus, nullo modo est, cum in
nullo suo effectu sit virtualiter, ut
per se patet; si autem nullo modo
est, ad peccatum concurrere non
potest; neque satis est, quod præces-
serit, & non fuerit reuocata; Tum-
quia, quando actu sit opus, dari ne-
cessario debet aliqua cognitio cir-
ca illud, distans esse faciendum, vel
omittendum. Tum etiam, quia se-
queretur, Infidelem, qui semel per
errorem existimauit, ad operis bo-
nitatem requiri, ut referatur ad
Idolum, in omnibus operibus ex
obiecto bonis, semper peccare,
etiam si actu falsam illam opinio-
nem non haberet, quia satis esset,
boni fuisse deuotum; hoc autem
tanquam absurdum, à ne mone ad-
miratur *Vasq. 1. 2. diff. 60. c. 1.*

32 Sexto, si conscientia erronea
inuincibiliter dicat duas actiones
oppositas; ut si Pastor ouium putet,
esse mortale, omittere sacrum die
festo, & simul etiam, esse mortale,
gregem deserere, & ire ad Eccle-
siam; tunc quidquid fiat, non pec-
cat.

ari, quia mandatur libertas in genere moris, sed solum in genere entis, quatenus huiusmodi homo tunc est liber ad alterutrum eligendum. Casus tamen est omnino Metaphisicus, quia lumine naturæ apparet, ex duabus contradictorijs, vnam esse veram, alteram falsam; quare, si pastor putet, sacrum diebus festis, sub mortali esse audiendum, iudicare non poterit gregem, diebus festis, sub mortali non esse reliquendum: Sanchez lib. 1. in der. cap. 11.

33 Conscientiam, quæ ex primis principijs practicis deducitur tanquam Conclusio, peribis modis applicari posse ad actiones nostras particulares; primò ad iudican-

dum, an sint factæ, vel non factæ; & sic dicitur testis & testificari 2. 2. Cor. 1. gloria nostra hæc est, testimonium conscientia nostra. Secundo, ad iudicandum, an sint factæ bene, vel malè; & sic dicitur exercere officium Iudicis: Sap. 17. frequentes occupant pessima, redarguente conscientia &c. Tertio denique, ad præscribendum, quanam impofterum sint faciendæ, quæ verò omittendæ, & sic dicitur esse Legislator, vel Consiliarius, quatenus obligat, aut retrahit, aut consulit, aut absoluit, dictans, nos ad actionem illam non teneri &c. Conscientia autem, omnibus his modis accepta, potest esse vera, vel errans.

Q V A E S T I O I I.

An quælibet conscientia erronea possit esse regula operandi.

C A S V S.

1. **B**ENEFICIARIUS quidam, quamvis per errorem putaret, licere sibi, ad Ecclesiam restaurandam, ac ornandam, Ecclesiæ bona alienare, aliquam tamen legis hoc prohibentis suspensionem habebat. Verum, hoc non obstante, domum quandam ad Beneficium spectantem, cum orto, alienavit, eaque pecuniâ, Ecclesiam restauravit, ac ornavit. Quæritur; Vtrum contra Extravag. Ambitiosa; de rebus Ecclesiæ non alienandis mortaliter peccaverit, & in eius poenas incurreret.

SVM-

SVM MARIVM.

Conscientia erronea alia vincibilis, alia invincibilis, & utraque quid sit.

Lex humana, alia punit simpliciter delinquentem, alia solum delinquere præsumentem.

Cur operari iuxta conscientiam erroneam vincibilem, sit peccatum.

Lex obligat etiam ad vitandum periculum proximum transgressionis.

Conscientia erronea est culpabilis, non quatenus representat bonum, sed quatenus, posita suspitione de lege, obligat ad inquirendum.

Cur peccans ex conscientia erronea, penas legis aliquando non incurrat.

Lex non obligat nisi iuxta Legislatoris voluntatem verbis expressam.

Aliqua leges puniunt solum delictum directe volitum.

Tam est peccatum agere contra conscientiam erroneam, quàm iuxta illam.

In quo differat conscientia erronea culpabilis ab inculpabili.

An gravius peccetur, agendo contra, an iuxta conscientiam erroneam vincibilem.

Ad præsumptionem requiritur notitia, tam iuxta, quam facti.

32 *Decretum Clem. VIII. circa casus reservatos, quos, & ad quid obliget.*

RATIONES DUBITANDI.

2 **C**VM Conscientia non semper invincibiliter erret, queritur, utrum semper excuset à culpa. Videtur ergo Beneficiarius mortaliter non peccasse. Ita Caiet. v. præceptum in fine, & v. ieiunium cap. 3. Silvester ibi quæst. 8. dic. 1. Navar. cap. 21. sum. nu. 20. Henricus lib. 9. de Missa cap. 25, num. 10. Tolet. lib. 6. cap. 4. & 9. Azor. tom. 1. lib. 7. cap. 7. quæst. 4. & alij.

3 Probatur primò à fortiori, quia Rusticus, per errorem putans, perjuris sibi licere ad amici vitam tuendam non peccavit, ut Q. 1. dictum est. Sed etiam Beneficiarius per errorem putabat, licere sibi aliqua beneficii bona, ad Ecclesiam restaurandam, ac ornandam alienare; ergo nec ipse, ea sic alienando, peccavit; Non minus enim, quàm Rusticus, secutus est cognitionem quamvis falsam, etiamquam ducem, ac proximam regulam, à quâ voluntas, cum sit cæca, duci debet.

4 Secundò; quia hæc alienatio ad Ecclesiam restaurandam, Beneficiario, per conscientiam erroneam, proposita est tamquam bona; ergo Beneficiarius illam volens, quantum erat ex se, voluit aliquid bonum; voluntas autem, dum vult bonum, peccare non potest, quia conformat se legi naturali, quæ dicit, bonum esse amplectendum;

Ne-

5 Neque obstat, quod Beneficiarius aliquam prohibitionis suspicionem habuerit; nam hæc suspicio non erat sufficiens ad culpam, præsertim grauem; cum enim leges humanæ benignæ sint, nec cum tanto rigore obligent, sicut ius naturale; in causis excusantibus tantam diligentiam non exigunt; quantum ius naturale, sed benigniorem; in animæ fauorem, interpretationem admittunt.

NOTABILIA.

6 **A**duertendum est primò; conscientiam erroneam, aliam esse inuincibilem, aliam vincibilem. Prima est, cum quis ita falsò indicat, aliquid sibi licere, vt vel nulla occurrat cogitatio, aut suspicio legis oppositæ; vel, si occurrat, post moralem diligentiam adhibitam, nihil inueniat, per quod eam possit deponere: Secunda est, cum quis ita falsò indicat, aliquid sibi esse licitum, vt aliqua ei simul occurrat cogitatio, vel suspicio de lege oppositâ, ratione cuius per ipsius legis inquisitionem, eam possit, ac teneatur deponere. Prima deponi, vel omnino, vel saltem moraliter non potest, ideoque semper est omnino inculpabilis, quia ad impossibile nemo tenetur. Secunda deponi potest, & debet, ideoque semper est culpabilis iuxta mensuram negligentiae, quæ adhibetur in inquirendo de lege, & in ipsâ conscientia deponendâ. Quælibet enim lex, sicut obligat ad sui obseruantiam tamquam ad finem, ita,

cum eius occurrit aliqua cogitatio aut suspicio, obligat etiam ad hoc ipsum inquirendum, eiusque notitiam procurandam, cum hoc sit medium, sine quo, ipsa obseruantia poni non potest; voluntas enim ferri non potest in incognitum. Cum ergo, occurrente aliquâ suspicionem de lege, eius inquisitio negligitur, per hoc ipsum, lex violatur, & eo magis, vel minus, quo negligentia in inquirendo fuerit maior, vel minor.

7 **A**duertendum est secundò: Duo dari genera legum humanarum, quantum facit ad rem præsentem; aliqua enim poenam imponunt simpliciter delinquentibus; vt sunt leges, quæ excommunicant naufragantium bona surripientes, clericos percutientes, & alia similia: aliqua vero eam imponunt, non quomocumque delinquentibus, sed cum præsumptione, temeritate, audaciâ, scientiâ; pertinaciâ &c. vt sunt pleræque leges Ecclesiasticæ, quæ, ne fidelium conscientias scrupulis illaqueent, aut nimis rigidæ, ac rigorosæ videantur, non simpliciter delinquentibus, sed delinquere præsumentibus, poenam imponunt. Vt incurrantur poenæ, à legibus primi generis, impositæ, satis est quælibet earum transgressio grauis; eo enim ipso, est positum quidquid ad eas penas incurrendas à Legislatore requiritur; Vt vero incurrantur poenæ, à legibus secundi generis, impositæ; non est satis quælibet earum transgressio grauis sed requiritur transgressio cum præsumptione, vel audaciâ, aut scientiâ.

ientia &c. hoc enim determinatè requiritur à Legislatore, cuius voluntas est mensura totius obligationis in lege. his positis.

RESOLVTIO I.

AD Casum responderetur primò Beneficiarium, Ecclesiæ bonum, cum eà conscientia alienando, mortaliter peccasse: ita *S. Thom. 2. 2. q. 76. ar. 3. Sum. 2. 2. in 3. partem disp. 82. sec. 3. astropal. tom. 1. tract. 2. disp. 1. un. 16. Vazquez disp. 60. c. 2. n. 6. cecannus par. 2. tract. 1. cap. 4. q. 7. um. 5. Glavis regia lib. 1. cap. 4. um. 27. Sanch. lib. 1. in dec. c. 17. um. 20. Reginald. lib. 11. nu. 30. r. aliq.*

Probatur primo; quia posita suspitione de legis existentia, Beneficiarius tenebatur inquirere, um verè daretur; quælibet enim ex eo ipso, quod de eà datur suspicio, ad hoc obligat, ut dictum est. Ergo, non inquirendo, peccat contra legem; & quia materia erat gravis, & negligentia in inquirendo fuit similiter gravis, eiam peccatum fuit grave.

Secundo; quia, eo ipso, quod datur suspicio de legis existentia, potest quis erroneam conscientiam eponere; potest enim inquirere, um verè detur: ergo, si illam non eponat, voluntariè retinet, sicque valum, quod ex eà sequitur, illi indirectè censetur voluntarium, & consequenter, ut tale, ei imputatur culpa. Cum igitur Beneficiarius, prohibitionis suspitionem ha-

buerit, conscientiam erroneam deponere poterat, inquirendo; ideoque negligendo inquisitionem, eamque conscientiam non deponendo, voluntariè retinuit; atque ita indirectè voluit quiddam ex tali conscientia secutum est; legis scilicet Ecclesiasticæ transgressionem, & consequenter peccauit.

11 Tertiò; quia quælibet lex, non solum obligat ad vitandam eius transgressionem, sed etiam periculum proximum transgressionis; hoc enim ad eius observantiam est necessarium. Beneficiarius autem, posita suspitione de lege, non inquirendo, proximo periculo se exposuit illam violandi; ergo illam violauit; & quidem graviter, cum omnem inquisitionem omnino neglexerit.

OBJECTIONVM SOLVTIO.

12 **A**D rationes autem in contrarium, Responderetur; ad primam; esse maximam disparitatem inter Rusticum, & Beneficiarium; nam ille habebat conscientiam erroneam omnino inuincibilem, hic vero vincibilem.

13 Ad secundam; bonorum alienationem fuisse quidem Beneficiario propositam, ut bonam, sed vincibiliter, ita ut in eius potestate esset, illam per legis inquisitionem deponere, atque ad hoc teneretur. Conscientia autem erronea, non est culpabilis, quatenus representat alienationem, ut bonam, sed quatenus, posita suspitione de legis existentia, per eius inquisitionem

- Vinci, ac deponi potest, & debet, nec tamen vincitur, ac deponitur.
- 14 Ad confirmationem vero respondetur; leges humanas, licet benignæ sint, nec obligent cum tanto rigore, obligare tamen eam de eis datur suspicio, ad aliquam diligentiam adhibendam in inquirendo. Beneficiarius autem nullam prorsus diligentiam adhibuit, ideoque negligentia fuit grauis, & consequenter mortalis.

RESOLVTIO II.

- 15 **R**espondetur tamen secundò; Beneficiarium penas ab Extraneis impositas, non incurrisse. Ita Nauar. cap. 27 n. 141. Contru. alios referens de cr. 4. par. 2 c. 6. §. 9. num. 21. Bart. in L. si adult. num. 11. ff. ad legem Iuliam de Adult. An Baran. clem. 1. de consan. col. 3. Caietan. v. excom. cap. 58. Syluester v. ignor. qu. 8. d. f. 4. num. 18. Aluarez. 1. 2. d. 158. in fine. Henric. lib. 13. de ex. com. cap. 23. num. 3. Suarez. 10. 5. intertiam par. disp. 4. Sec. 5 n. 1. Molina tr. 5. de iust. disp. 7. nu. 13. Sanch. alios referens de matr. lib. 9. disp. 32. num. 36. Bifilius Pontius lib. 10. de matr. cap. 6. nu. 10. Auila de cens. p. 2. cap. 6. d. 10. d. 6. Toletus lib. 7. cap. 48. Bonacina de cens. disp. 1. quæst. 1. pan. 1. nu. 11. Diana par. 3. tr. 5. ref. 13. & fere omnes committer.

- 16 Probatur primò; quia in hac Extraneis; Excommunicatio, & alie penas imponuntur non Ecclesie bona alienantibus, sed alienare præs-

mentibus, ut patet ex ipso textu; Beneficiarius autem non præsumpsit; habebat enim conscientiam erroneam, cum quæ repugnat legis notitia, & consequenter præsumptio, quæ essentialiter hanc notitiam supponit, cum temeritas, præsumptio, & audacia contra legem dari non possint, quandiu hæc ignoratur.

- 17 Secundò, quia lex non obligat nisi iuxta Legislatoris intentionem verbis expressam, cum tota legis obligatio ab eius voluntate pendeat, sed in hac, & similibus legibus, Pontificis intentio verbis expressa est, punire solum præsumentes; ergo hi soli puniuntur; inter hos autem non fuit Beneficiarius, cum legis notitiam non habuerit, sed solum suspensionem.

- 18 Tertiò; quia lex, dum ad penam incurrendam, requirit præsumptionem, ac scientiam, intendit punire solum delictum expressè, ac formaliter in se volitum, non verò volitum solum indirectè, & in causâ; ad quid enim aliàs requireret præsumptionem, ac scientiam? Beneficiarius autem, huius extraneantis transgressionem formaliter, ac directè velle non potuit, cum eius notitiam non haberet, sed indirectè solum, in ipsâ negligentia inquirendi, tamquam in causâ; tota enim malitia huius transgressionis fuit, culpabilis negligentia inquirendi; imò ipsa bonorum alienatio, aliam malitiam non habuit, præter eam, quæ fuit in ipsâ culpabili negligentia. Cum ergo Beneficiarius, extraneantis transgressio-

ionem directè non voluerit, sed so-
lum indirectè, consequenter nec
eius penas incurrat.

Neque dicas cum *Grassio par. 1. decis. lib. 4. cap. 9. num. 20.* qui sus-
picionem habens de lege eam vio-
lat, irrationabiliter violat, & con-
sequenter est eius temerarius trans-
gressor; temeritas autem præsump-
tionem importat.

Negatur enim consequentia; nam ad temeritatem, requiritur vo-
luntas expressa legem transgreden-
ti; hæc autem, sine iuris, vel facti
notitiâ, haberi non potest, cum ni-
hil sit volitum, quin præcognitum.

Neque dicas secundò cum *Alte-
rio de Cens. lib. 1. disp. 14. cap. 1.*
Qui legis suspicionem habens, eam
transgreditur, contemnere videtur;
eo enim ipso, quod non inquirat, ac
conscientiam erroneam deponit,
censetur velle aliquid omittere,
vel facere, non obstante lege in-
contrarium; qui autem legem con-
temnit, eam cum præsumptione, ac
temeritate violare videtur.

Negatur enim similiter Antece-
dens. Nam ad contemptum, re-
quiritur voluntas formalis, ac di-
recta faciendi aliquid, non obstante
lege; nec sufficit voluntas, quolibet
indirecta, siue virtualis, ac inter-
prætativa; alioquin omnes legis
transgressores ex mera ignorantia,
vel errore vincibili, dici possent
temerarii, sicque non distingueren-
tur ab iis, qui legem scientes, ac
volentes transgrediuntur, quod ne-
mo contedit; hæc autem voluntas
haberi non potest, quamdò lex
ignoratur.

COROLLARIA.

23 **C**olligitur ex dictis primò; tam
esse peccatum, facere con-
tra conscientiam erroneam, quam
iuxta illam; si quis enim, ex errore
vincibili, putaret, furandum esse
ad faciendam eleemosinam, pecca-
ret non furando, quia faceret con-
tra conscientiam, & peccaret etiâ
furando, quia faceret contra de-
bitum inquirendi, ac conscientiam
erroneam deponendi; cum enim
vincibilis sit, deponi potest.

24 Secundò; hanc esse differentiam
inter conscientiam erroneam col-
pabilem, ac inculpabilem, quod in-
culpabilis obligat, non solum nega-
tively, ne contra illam faciamus, sed
etiam positivè, ut faciamus iuxta
illam, cum illam deponere, in no-
strâ potestate non sit. At vero cul-
pabilis, obligat solum, ne contra
eam faciamus, sed non ut faciamus
iuxta illam, cum illam deponere
possimus. *Vasquez. 1. 2. disp. 60.
cap. 2.*

25 Tertiò; posito, quod quis con-
scientiam erroneam deponere po-
sit, neque debitam adhibere dili-
gentiam ad veritatem inquiren-
dam, eum aliquando gravius pec-
care, conscientiam vincibiliter er-
roneam sequendo, quam non se-
quendo; aliquando vero contra
gravius non sequendo, quam fa-
cendo, iuxta materiam gravitatem,
vel levitatem; si enim existimet,
mentiendum esse ad vitam confer-
vandam, non mentiendum mortis ter-
re peccabit, mentiendo vero, solum
venia-

venialiter. Contra vero, si existimet, furandum esse ad faciendam elemosinam, furtum omitiendo, venialiter peccabit, furando vero, mortaliter. Ratio autem est, quia conscientia non ligat virtute propria, sed virtute precepti, quod representat, Ergo quale erit preceptum, talis erit obligatio, & consequenter etiam peccatum: *Casrop. tr. 1. disp. 1. pun. 6.*

- 26 Quarta; Quæ dicta sunt de conscientia erronea circa ius, intelligenda etiam esse de eadem circa factum; ad presumptionem enim, utraque notitia, tam iuris, quam facti necessario requiritur, quia altera deficiente, transgressio non est amplius directa, & in se voluntaria, sed indirecta solum in conscientia erronea, tamquam in causa; presumptio autem non datur sine directa, ac formali voluntate transgressionis. Propterea Coniux, habens copulam cum consanguinea alterius coniugis, vel baptizans, aut tenens in baptismo, vel confirmatione filium communem, vel alterius coniugis, penam priuationis petendi debitum non incurrunt, si ex conscientia erronea hoc fecerunt, quia *in c. 1. de eo, qui cognovit consangu. & c. si vir. de cognitione spirituali*, requiritur presumptio. *Sanch. lib. 9. de matr. disp. 32. num. 49.*

- 27 Quinta; Contrahentem matrimonium cum consanguinea, vel affine in gradu prohibito, si per errorem putabat, non esse consanguineam, vel affinem, non incurrere excommunicationem. *Clem:*

unic. de consangu. & affinit. quia ibi excommunicantur solum, hoc facere præsumentes. *Nau. cap. 27. sum. nu. 141. Sanch. lib. 7. de matr. disp. 48. num. 19. Suar. tom. 5. in tertiam partem disp. 23. sect. 5. num 14.*

- 28 Sexto; Eos, qui Hæreticum, vel eius receptatorem, aut fautorem Ecclesiasticæ tradunt sepulturæ, excommunicationem *c. quicumque de Hæret. in 6.* non incurrere, si quomodocumque, per errorem putabant, illum non esse hæreticum, vel fautorem, aut receptatorem, quia hæc pœna fertur in præsumentes. Ad hæc tamen excommunicationem incurrendam, quàmvis non intercederet error, requireretur, ut homines illi, per publicam sententiam, de crimine hæresis, vel receptionis, essent damnati; *ob extranag. ad evitanda*; ut notat *Suarez tom. 5. in 3. par. disp. 12. sect. 4. num. 13.*
- 29 Septimo; Excommunicationem, quæ habetur *in extranag. Sixti IV.* quæ incipit *grave nimis*; & est Papæ reservata, ubi excommunicantur omnes, qui affirmant, esse hæresim, aut peccatum mortale, asserere, Beatam Virginem esse conceptam sine peccato originali: Quam constitutionem confirmavit postea Pius V. in motu proprio, qui incipit. *Super speculam*; & extendit etiam ad eos, qui asserunt, celebrantes officium Conceptionis, vel audientes concionem illorum, qui eam sine maculâ peccati conceptam esse prædicant, aliquod peccatum, committere. Hanc inquam excommunicationem non incurrere, qui

ex errore, hoc assereret, quia fertur solum contra eos, qui ausu temerario id asserere præsumunt. *Suar. tom. 5. in 3. par. disp. 22. sec. 5. num. 31.*

Octauo; idem dicendum esse de censuris, quæ à Pio V. in bulla, quæ incipit. *Regularium Personarum*; imponuntur Religiosis, mulieres cuiuscumque status, vel conditionis, intra eorum claustra introducentibus, vel admittentibus; & à Gregorio XIII. tam mulieribus monasteria Religiosorum ingredientibus; quam Viris, ac Mulieribus, ingredientibus Monialium Monasteria; quia hæc etiam lata sunt contra præsumentes. *Sanchez lib. 6. in dec. cap. 17. num. 34.*

Nono; Idem dicendum esse etiam de censuris Papæ reservatis, quæ habentur in decr. Clem. VIII. vbi prohibetur Sacerdotibus, tam regularibus, quam secularibus, sub pena excommunicationis, pridationis officiorum, & dignitatum, aut beneficiorum, aliisque penis, ipso facto, incurrendis, ne absoluerent præsumant à casibus, clarè, vel dubiè in Bulla Cænæ contentis, vel alias quomodocumque Summo Pontifici reservatis; neque à casibus, quos locorum Ordinarii sibi reservant, sine eorum licentiâ, in scriptis obtentâ; non obstantibus quibuscumque privilegijs &c. Quia feruntur solum contra præsumentes. Hoc tamen decretum, idem Pontifex postea moderatus est, declarans, sub prohibitione comprehendere solum casus bullæ Cænæ; Violationis immunitatis Ecclesiæ

sicque in terminis constitutionis Greg. XIV. Violationis claustræ Monialium ad malum finem; Pugnantium in duello iuxta decretum Conc. Trid. & constit. Greg. XIII. Iniicientium manus violentas in Clericos, iuxta Canonem: *Si quis*; ac iuris dispositionem; Simonie realis scienter contractæ; & confidentie beneficalis; ac omnes casus, quos locorum Ordinarii sibi reservant; & auferens penam inhabilitatis ad audiendas confessiones, ac necessitatem licentiæ in scriptis.

32 Hic autem obiter aduerte primò, huius decreti censuras, ac penas, non incurrere, absoluentes Romæ vel extra Italiam; quia decretum ligat solum Sacerdotes per vniuersam Italiam, extra Urbem, degentes. Neque absoluentes à casibus, Episcopo reservatis à iure; quia decretum loquitur solum de casibus quos Episcopi sibi reservant. Imo, qui habebant priuilegium absoluedi ab omnibus casibus, & censuris, etiam Pontifici reservatis; ex vi illius, absoluerent possunt à casibus Episcopo reservatis à iure, sicut ante hoc decretum, & à Papalibus occultis, quia hi, per Tridentinum, facti sunt Episcopales, *Sanch. lib. 4. in Dec. c. 54. num. 27.*

33 Secundò; Incurrere penas huius decreti, absoluentes in Sicilia, Sardinia, Corsica, & alijs insulis Italianæ adiacentibus; tum quia dicuntur partes Italianæ *L. Insula ff. de iudic.* & inter Italice prouincias numerantur à Magino in sua *Geographia par. 2.* vbi agit de Italia. Tum quia, quamuis non essent par-

tes, sed fines Italix, adhuc veni-
rent nomine Italix; sicut, nomine
Romæ, veniunt etiam suburbia.
Tum quia, quamuis non compre-
henderentur, nomine Italix simpli-
citer prolato, adhuc venirent, ra-
tione signi vniuersalis à Pontifice
additi; in decreto enim prohibetur
absolutio omnibus Confessarijs per
vniuersam Italiam degentibus; no-
mine ergo vniuersæ Italix, veniunt
etiam Insulæ adiacentes; sicut dis-
pensatio ad omnia beneficia, ex-
tenditur etiam ad curata, licet dis-
pensatio simpliciter ad beneficia,
ad illa non extendatur. Tum de-
nique; quia in istis Insulis, vsu re-
ceptum iam est, vt Confessarij,
quantumuis privilegiati, post di-
ctum Clementis VIII. decretum, à
casibus Summo Pontifici, vel Epi-
scopis nominatim reservatis, non
absoluant, nisi iuxta moderatio-
nem in secundo decreto factam;
consuetudo autem, est optima le-
gum interpres. Die tamen 18. noui
1638. Sacra Card. Congreg. ex
mandato Urbani VIII. derogauit
priuilegijs Regularium in ordine
ad casus, quos sibi referunt E-
piscopi, etiam si Regulares exi-
stant extra Italiam, vt aduertit
*Diana par. 1. tr. 1. 17. ref. 30. in
fine.*

34 Tertiò: Probabilius, huius de-
creti pœnas non incurrere, absol-
uentes in Romæ suburbij. Primò;
quia, licet in materiâ odiosâ, no-
mine Urbis, non veniant suburbia,
vt habetur in *L. 2. ff. de verbor. si-
gnific.* secus tamen est in materiâ
fauorabili, vt prob. *Memo. de*

arb. lib. 2. cent. 2. casu 155. n. 10.
vnde natus in suburbij; dicitur na-
tus in ciuitate. *L. qui in conti-
nent. ff. de verb. signific.* In casu
autem nostro, materia est fauora-
bilis; nam, quâvis Decretum, qua-
tenus continet prohibitionem ab-
soluendi, & derogationem privile-
giorum, sit odiosum; quatenus ta-
men ab hac prohibitionem excipit
Confessarios in Vrbe degentes, est
fauorabile, ideoque extendi debet
etiam ad Confessarios, in Romæ
suburbij commorantes. Secundò;
quia, quamuis nomine Urbis, non
venirent suburbia, quatenus Vrbs
est nomen appellatiuum, venire ta-
men debent, quatenus est nomen
proprium, & significat Romam,
sicut venirent nomine Romæ.

35 Quartò: hoc decretum non tol-
lere priuilegia pro mortis articu-
lo, quia ibi expresse habetur *nisi
in mortis articulo*, hoc autem est
maximæ utilitatis; cum enim Reli-
giosi tunc absolueri possint, virtu-
te priuilegij Apostolici, conse-
quenter absolunt tanquam dele-
gati Pontificis, ideoque in Præ-
sente cessat omnis obligatio se am-
plius præsentandi Pontifici; quod
non contingeret, si non absolue-
rent, virtute talis priuilegij. *Suar.
tom. 4. in 3. par. disp. 30. Sec. 3.
num. 5.*

36 Quinto; Excommunicationem
huius decreti non incurreres; Sacer-
dotes non priuilegiatos, qui extra
Vrbem, & per Italiam existentes,
absolunt à casibus reservatis, quia
decretum expressè de ijs solum Sa-
cerdotibus loquitur, qui præter
suo-

suorum priuilegiarum, absoluerè præsumunt. Cum autem versemur in materiâ poenali, ac odiosâ, decretum extendi non debet ad Sacerdotes non priuilegiatos; ex sola enim rationis identitate, lex poenalis, ac odiosa, quoad poenam, extendenda non est, saltem quando ratio, expressa non est in lege. *Suar. de cens. lib. 3. c. 31. n. 10.*

37 Sexto; nomine Casuum reseruatorum, comprehendi, non solum peccata reseruata, sed etiam censuras; quamuis enim, nomine peccati reseruati, non veniant censuræ, quia peccatum dicit culpam, censura verò est poena; spectato tamen communi usu, ac modo loquendi Conciliorum, ac Canonum, nomine casuum reseruatorum, veniunt etiam Censuræ; sic enim *Trid. Sess. 14. cap. 7.* cui titulus est; *de Casibus reseruatis*; tradit doctrinam etiam de censuris, & Paulus II. in extrauag. quæ incipit: *Et si dominici*: dicens, se velle sibi aliquos casus reseruare, inter illos, enumerat etiam, contentos in bullâ cenzæ, qui tamen sunt reseruati solum ratione censuræ.

30 Septimò; Eos, qui in excumuni-

cationem, in hoc decreto latam, contra absoluentes à casibus Romano Pontifici reseruatis, inciderunt, absolui ab illâ non posse ab ijs Confessarijs, qui, ex vi suorum priuilegiarum, ante hoc decretum, facultatem habebant absolueri ab omnibus casibus Pontifici reseruatis; quamuis enim hic casus, neque in bullâ cenzæ, neque in 6. casibus in decreto exceptis, contineatur; Pontifex tamen, in illo, sibi hanc excommunicationem reseruât, expressè derogando omnibus priuilegijs concessis, aut concedendis, absolueri à casibus Pontifici reseruatis. Quare, in ordine ad hanc excommunicationem, non plus potest Sacerdos priuilegiatus, quam non priuilegiatus; sicut, propter eandem rationem, Sacerdotes priuilegiati absolueri non possunt ab excommunicatione latâ ab eodem Clemente VIII. contra prouocantes ad duellum; quia Pontifex, in horum casuum reseruacione, derogat omnibus priuilegijs absolueri à casibus Papæ reseruatis; ideoque priuilegiatis, quo ad hos duos casus, reuocat priuilegium. *Suar. tom. 4. de relig. lib. 2. c. 21. nu. 3.*



Q V A E S T I O I I I .

Quanta sit conscientiae erroneae obligatio.

C A S V S .

- 1 **A**D VOCATVS quidam, quamvis falsò putaret; dare consilium diebus festis, esse peccatum in genere, non distinguens, vtrum esset mortale, vel veniale, (sicut solent facere Rustici, dum in Deum iurant, vel verbum inhonestum dicunt) oblata tamen occasione, illud dedit; quæritur; vtrum mortaliter peccauerit.

S V M M A R I V M .

R A T I O N E S D V B I T A N D I .

- 3 Conscientia erronea refundit in actum, bonitatem, vel malitiam illius generis, quod representat.
- 6 Operans cum conscientia erronea, quod sit peccatum in genere, mortaliter peccat.
- 11 Volens malum in genere, censetur illud velle, siue graue sit, siue leue.
- 12 Putans, aliquid esse peccatum in genere, peccat contra preceptum dicentis, bonum esse sequendum.
- 13 Putans, aliquid esse virtuosum, facit actum illius virtutis, quam putat.
- 14 Si tamen error sit vincibilis, opus non est bonum, sed malum.
- 15 Peccans contra conscientiam, & preceptum ab eà propositum, vnum tantum peccatum committit.
- 2 **Q**uamvis conscientia erronea obliget iuxta naturam actionum, quæ exercentur, difficultas tamen est, quænam sit eius obligatio, dum dicat solum, aliquid esse peccatum in genere. Propterea, Consiliarius, venialiter tantum peccasse videtur. *Navar. in sum. pral. 9. num. 9. Valentia prim. secund. disp. 2. quæst. 14. q. 3. Salas tr. 3. dis. 4. sec. 3. num. 36.*
- 3 Primò; quia in consilio, quod dedit, apprehendit solum malitiam in communi; qui autem vult aliquod malum solum in communi, non vult malum, excedens culpam venialem, alioquin iam non veller malum veniale, ac mortali commune.
- 4 Secundò; Quia, qui vult aliquid, apprehendens solum, esse peccatum in genere, non magis consentire videtur in peccatum mortale, quàm in

in veniale, alioqui non abstra-
heret ab veroque; si autem non ma-
gis inclinat in mortale, quàm in
veniale, nulla est ratio, cur morta-
liter potius peccet, quàm veniali-
ter; cum ergo aliunde ratio illa
communis malitiæ, sit imperfecta in
atione malitiæ, eo quod se conti-
neat intra limites malitiæ, mortali,
c veniali communis, sequitur, eam
esse solum venialem, & consequen-
ter qui eam vult, peccare solum
venialiter.

NOTABILE.

Aduertendum est; cum, qui
facit aliquid contra con-
scientiam erroneam, falsò credens,
se peccatum, committere pecca-
um illius speciei, quam conscien-
a apprehendit, ita vt peccatum
contra iustitiam, si conscientia
apprehendat, esse contra iustitiam,
et contra temperantiam, si con-
scientia apprehendat, esse contra
imperantiam; eo enim ipso, quod
apprehendit, aliquid esse contra
iustitiam, voluntas in illud tendens,
consentur habere affectum ad pecca-
um contra iustitiam, cum voluntas
trahatur in obiectum, solum prout
li representatur, vt dictum est,
ocposito.

RESOLVTIO.

Responderetur, Aduocatum,
dando Consilium cum
conscientiâ erroneâ, probabiliter
mortaliter peccasse. *Bonvina d. 2.
pec. qu. 4. pun. 6. n. 12. V asqu. 1.*

2. disp. 59. cap. 3. *Clauis reg. lib. 1.
cap. 4. num. 17. Sanch. in sum. lib.
1. cap. 11. num. 6.*

7 Primò; Quia, qui facit aliquid,
falsò putans, esse peccatum, non
cogniti grauitate peccati, ita vi-
detur affectus, vt, si sciret esse mor-
tale, illud adhuc vellet; censetur
enim illud velle, qualecunque sit,
cum ex se ad vtrumque sit indiffe-
rens; qui autem affectus est ad pec-
catum mortale, mortaliter peccat.
Cum ergo Aduocatus, cum illâ
conscientiâ erroneâ, ex simili af-
fectu consilium dederit, dicendus
est, peccasse mortaliter.

8 Secundò; quia, qui putat, aliquid
esse malum in genere, tenetur exa-
minare, ac perpendere, an malum
illud sit graue, vel leue, alioquin
se exponit periculo peccandi, non
solum leuiter, sed etiam graniter,
sicque peccat mortaliter. Cum er-
go Aduocatus falsò putarit, dare
consilium diebus festis, esse malum
in genere, tenebatur inquirere, num
esset malum graue, vel leue, & con-
sequenter, non inquirendo, morta-
liter peccauit, quia se exposuit pe-
riculo peccandi mortaliter.

9 Tertiò; quia, qui vult obiectum
venialiter malum, dubitans an sit
mortale, in omnium sententiâ, morta-
liter peccat, quia exponit se pe-
riculo peccandi mortaliter. Sed,
dum quis vult aliquid, quod illi
representatur, vt malum, non di-
stinguendo, an sit mortale, vel ve-
niale, iam, quantum est ex parte
illius voluntatis, exponit se peri-
culo peccandi mortaliter; ergo
mortaliter peccat. Cum ergo Ad-

B 3 uoca-

vocatus, huic periculo se exposuerit, mortaliter peccauit.

OBJECTIONVM SOLVTIO.

10 **N**Equae obstant rationes in contrarium; ad primam enim; negatur minor. Nam, quamuis malitia in communi non excedat determinatè culpam venialem, illam tamen excedit saltem indeterminatè; hoc autem sufficit, vt voluntas illam amplectens, censeatur indeterminatè saltem, malitiam mortalem amplecti, sique mortaliter peccare.

11 Ad 2. Responderetur; Eum, qui vult aliquid, apprehendens esse malum in genere, non distinguendo, an sit veniale, vel mortale; censeari in vtrumque consentire indeterminatè; hoc autem est sufficiens ad peccandum mortaliter, quia eo ipso, se exponit periculo peccandi mortaliter, non minus, quàm qui vult aliquid veniale, dubitans esse mortale.

COROLLARIA.

12 **C**olligitur ex dictis primò; Eum, qui falsò putat, opus aliquod indifferens, esse malum in genere, ad nullam speciem in particulari descendendo, peccare contra præceptum generale, dictans, bonum esse sequendum, & malum fugiendum; sicut contra illud peccat, qui in genere proponit peccare; quia hoc præceptum prohibet peccatum in genere. *Vasqu. 1. 2. disp. 59. cap. 3.*

13 Secundò; Eum, qui facit aliquod opus malum ex conscientia erronea, inuincibiliter credens, esse bonum; facere actum illius virtutis, ad quam, errans putat, actum illum pertinere: tum quia, qui facit aliquod opus indifferens, aut bonum, putans inuincibiliter, esse malum, peccat contra illam virtutem, contra quam, errans putat, se peccare; ergo à contrario, quando putat, se elicere actum temperantiz, aut iustitiz, faciet actum temperantiz, aut iustitiz. Tum quia, qui facit actum ex præcepto debitum, facit actum bonum; qui autem facit actum, putans, esse bonum, facit actum debitum ex præcepto, à conscientia erronea, actum illum distans, apprehenso. Tum quia, actus sic elicitus, cum sit conformis conscientiz erranti, est conformis suæ regulæ; regula enim humanorum actuum, est conscientia. Tum denique, quia actus humanus, sumit suam speciem ab obiecto, prout voluntati proponitur; cum ergo obiectum malum, per conscientiam erroneam supponatur proponi vt bonum, voluntas illud volens, erit bona ac virtuosa, eo genere virtutis, in quo obiectum illud esse proponetur.

14 Tertiò; Eum, qui facit aliquod opus malum, putans vincibiliter esse bonum, non facere actum bonum; Tum, quia error, siue ignorantia vincibilis non excusat à peccato, cum habeat annexum voluntarium sufficiens ad peccatum, & obligationem inquirendi. Tum, quia conscientia erronea, eo ipso, quod

quod est vincibilis, est culpabilis; Ergo actum ex illâ factum non potest reddere bonum.

Quartò; Eum, qui agit contra conscientiam, ex eo præcisè, non peccare peccato aliquo speciali, & contra aliquod præceptum speciale; qui enim hodie sciens, esse diem festum, omittit sacrum, non committit duo peccata, vnum quatenus agit contra conscientiam distantem, audiendum esse sacrum, & contra præceptum naturale de non operando contra dictamen conscientie; aliud verò, quatenus facit contra præceptum Ecclesiæ, illudque violat: sed vnum solum contra Ecclesiæ præceptum. Ratio autem est, quia, cum nulla virtus, aut præceptum obliget, nisi me-

diantē conscientie iudicio ac dictamine, quod est immediata nostrarum operationum regula, sequitur, ipsam virtutis ac præcepti notitiam, eandem solum vim obligandi habere, quam habet ipsa virtus ac præceptum, & non aliam; ideoque qui peccat contra conscientiam, non peccat contra duplicem regulam, scilicet contra conscientiam, & contra præceptum, sed solum contra ipsum præceptum, sibi per conscientiam, siue veram, siue falsam, propositum; unde in confessione explicare non tenetur circumstantiam conscientie, siue veræ, siue erroneæ, sed satis est dicere, omisi Sacrum. *Valentia tom. 4. disp. 7. quæst. 11. pun. 7.*

Q V A E S T I O I V.

An conscientia erronea plus obliget, quàm præceptum Prælati.

C A S V S:

MONASTERII cuiusdam Procurator, cum casu, Clementis VIII. Constitutionem de muneribus legisset, eiusque moderationem penitus ignoraret, munera quædam Principi, ex Prælati præscripto, qui neque Constitutionis, neque moderationis notitiam habebat, dare recusavit. Quoniam verò Principis fauor, erat monasterio tunc, maximè necessarius, ne monasterij bona omnino perirent, & Prælatus iudicabat, aliâ viâ id obtineri non posse;

Procuratori in virtute Sancte Obedientiæ præcepit, vt munera sibi iam præscripta, Principi ferret; ille tamen, non obstante præcepto, ferre recusauit; quæritur; vtrum mortaliter peccauerit.

SUMMARIVM.

- 6 Conscientia obligat non virtute propria, sed virtute præcepti, quod representat.
- 7 Conscientia erronea, Prælati præcepto præferenda est, & cur.
- 10 Conscientia erronea obligat nomine Dei.
- 11 Præceptum Superioris regulariter obligat ad conscientiam erroneam deponendam.
- 12 Conscientia erronea, quid requirit, vt plus obliget quam Prælati præceptum.
- 14 Etiam, quando est vincibilis, strictius obligat, quam præceptum Prælati.

RATIONES DVBITANDI.

- 2 **V**T magis adhuc conscientia vis ad obligandum appareat, præfens quæstio proponitur. Videtur autem Procurator mortaliter peccasse. ita Angelus v. conscientia, num. 2. Siuester ibi quæst. 2. Alensis par. 2. qu. 120. memb. 3. ar. 2. S. Antonin. par. 1. tit. 3. cap. 10. §. 4.
- 3 Et suadetur primò; quia Procurator magis obedire tenebatur præcepto Prælati, quàm suæ conscientia erroneæ; Prælati enim præcipiebat nomine Dei; & ex potestate à Deo derivatâ;

huius autem nomine, illum non obligabat conscientia erronea; ergo sequendo conscientiam erroneam, eamque præferendo præcepto Prælati, mortaliter peccauit; Prælati enim Deum representabat, cuius virtute præcipiebat, quem non representabat conscientia erronea.

- 4 Secundò; quia præceptum Prælati obligabat Procuratorem, non solum ad rem præceptam exequendam, sed etiam ad conscientiam erroneam deponendam; quodcumque enim præceptum, habet vim obligandi, non solum ad vitandam eius transgressionem, sed etiam ad vitandum periculum proximum ipsius transgressionis; & quando de eà dubitatur, ad quærendum, an detur; & ad præsumendum, quod res præcepta sit licita, quandiu non apparet oppositum; Cum ergo Procurator, conscientiam erroneam non deposuerit, nec præcepto paruerit, consequenter mortaliter peccauit.

- 5 Tertiò; quia, si conscientia erronea, haberet vim magis obligandi, quàm præceptum Prælati, & consequenter ab eius obedientia excusandi, aperiretur subditis discipulis etiam religiosis via, ad se excusandum ab obedientia suorum Prælatorum; Respondere enim semper possent Prælati præcipientibus, eorum conscientiam illis con-

contrarium dictare; hoc autem iam maximum, tam politicę gubernationis, quàm regularis obseruantię detrimentum redundaret, vt perfecte maiorem ergo obligandi vim habere debet Prælati præceptum, quàm conscientia erronea; ideoque Procurator, illi potius, quàm huic obedire debuit, & consequenter, non obediendo, peccauit.

NOTABILE.

Aduertendum est; Conscientiam, obligare, non virtute proprià, sed solum virtute legis, quàm representat, vt dictum est supra; qu. 1. corol. 2. ipsa enim ex se, non est lex, sed solum est applicatio legis, siue Diuinę, siue naturalis, siue humanę ad obligandum, quatenus est conditio essentialiter requisita ad hoc, vt obligent; neque enim leges istę obligare possent voluntatem, nisi illi ab intellectu per cognitionem proponerentur, cum nihil possit esse volitum, quin præcognitum. Conscientia ergo, leges istas voluntati proponendo, ac representando, illam solum obligationem inducit, quam inducunt ipsę leges, siue verę, siue falsę, à conscientia propositę, ita vt, si sit proposita lex diuina, obligatio sit diuina, si representetur lex humana, obligatio sit humana, si representetur lex superior, etiam obligatio sit maior. Hoc

RESOLVTIO.

- 7** Resp. Procuratorem, contra Prælati præceptum, ex conscientia erronea, munera Principi non dando, nullo modo peccasse. *Clauis reg. lib. 1. cap. 4. num. 33. Vafqu. p. 2. disp. 61. cap. 1. Sancti. in sum. lib. 1. cap. 11. num. 16. Bonnac. disp. 2. qu. 4. pun. 6. n. 17.*
- 8** Probatur primò; quia, Procurator, per errorem inuincibiliter putabat, dare munera Principi, sibi esse illicitum; putabat enim, esse à Pontifice prohibitum; posito autem hoc errore, licet obedire non poterat Prælato præcipienti, sed tenebatur obedire conscientię erroneę; non quia conscientia erronea, ex se, illum magis obligaret, sed quia representabat legem Pontificis, quę illū magis obligabat, quàm præceptum Prælati, eo quod Pontifex esset eius superior; obediendo ergo conscientię erroneę in hoc casu, nullo modo peccauit; sic enim obediuit Pontifici, cui magis tenebatur obedire, quàm Prælato.
- 9** Secundò; Quia, si Procurator, per errorem inuincibiliter putasset, Prælati Vicarium prohibuisse, ne darentur munera Principi, peccasset, si Prælato præcipiente dare munera, non dedisset; ergo etiam, peccasset, si posita erronea apprehensione Pontificię prohibitionis, Prælato præcipiente, dedisset; ideoque non dando, peccare non potuit, ideo enim in primo casu peccasset, quia magis tenebatur obedire Prælato,

lato, quàm eius Vicario; sed etiam magis tenebatur obedire Pontifici, quàm Prælato; ergo etiam, in secundo casu, peccasset, & consequenter, obediendo præcepto Pontificio per errorem apprehenso, non peccavit.

OBJECTIONVM SOLVTIO :

10 **A**D rationes autem in contrarium respondetur; ad primam; etiam conscientiam erroneam obligasse Procuratorem, mediatè nomine Dei, quatenus, licet falsò, repræsentabat tamen legem Pontificis, qui ipse quoque præcipiebat nomine Dei; & quia Pontifex superior erat Prælato, ideo conscientia, legem Pontificis repræsentans, obligare magis potuit, quàm præceptum Prælati.

11 Ad 2. Respondetur; regulariter loquendo, præceptum Superioris, obligare etiam ad deponendam conscientiam erroneam, vel ad inquisitionem faciendam, quia dat sufficiens fundamentum dubitandi circa rem præceptam, quod sit licita; posito autem dubio; iam conscientia erronea non est amplius inuincibilis, & excusabilis, sed vincibilis, ac culpabilis, donec debita adhibeatur diligentia ad dubium vincendum; hac enim adhibita, si dubium vinci non possit, iam conscientia erronea iterùm censetur inuincibilis, & inculpabilis, sicut erat, antequàm dubium occurreret. In casu autem præsentis, error erat omnino inuincibilis, quia à Prælato tolli non poterat,

cum Prælatus ignoraret moderatorem Constitutionis non minus, quàm ipse Procurator; quando autem est omnino inuincibilis, præceptum Prælati obligare non potest ad illum deponendum, alioquin iam non esset inuincibilis.

12 Ad 3. Negatur sequela: neque enim quilibet conscientia erronea fatua, est sufficiens ad excusandum ab obedientia Prælati, sed requiritur primò, vt conscientia erronea repræsentet legem aliquam superiorem lege Prælati præcipientis; secundò, vt sit inuincibilis, & per Prælati præceptum tolli non possit; ex eo autem, quod conscientia, hoc modo erronea, excuset ab obedientia Prælati, nullum sequitur inconueniens, nec vlla discoloris aperitur via ad se excusandum; ipsis enim semper incumbit onus probandi, & ostendendi, quod eorum conscientia erronea, sit inuincibilis, ita vt Prælato præcipienti credere, & eius præcepto se conformare non possint.

COROLLARIA.

13 **C**OLLigitur ex dictis primò; conscientiam, quando inuincibiliter errat, plus, hoc est strictius obligare, secundum se, quàm Prælati præceptum, ceteris paribus, quia, qui conscientiam inuincibiliter errantem sequitur, non peccat; qui autem tunc Prælati præcepto obedit, peccat contra illius conscientia dictamen, quandiu illud non deponit.

14 Secundò; conscientiam, etiam quan-

quando culpabiliter errat, adhuc strictius, hoc est, sub grauiori culpa obligare, quam Prælati præceptum; tum quia agens contra conscientiam, peccat contra proximam regulam actionum humanarum, & quæ solum mediante, præcepta quæcumque, vim habent obligandi; tum quia peccat etiam directè contra Dei præceptum de non agendo contra propriam conscientiam; illud enim directè violat, contra conscientiam erroneam operando; Prælato autem non obediendo, frangit directè solum, præceptum humanum; & quamuis indirectè trans-

greditur etiam præceptum Dei, quatenus Prælatus, eius nomine præcipit; hanc tamen transgressionem non vult directè, sed solum indirectè, quatenus culpabiliter errat.

15 Tertiò; quando conscientia erronea est vincibilis, tunc Prælati præceptum obligare, non solum ad obediendum, sed etiam ad talem conscientiam deponendam; cum enim vincibilis sit, deponi potest, & aliunde eius depositio ad obedientiam præcepti est omnino necessaria; præceptum autem obligans ad finem, obligat etiam ad media ad talem finem necessaria.

Q V A E S T I O V.

An opinio probabilis possit esse regula operandi.

C A S V S.

CLERICVS quidam, cum, graues aliquot Auctores legens, inuenisset, beneficiorum pluralitatem, iure naturali, non esse prohibitam; tum quia Pontifex de facto in illà dispensat; tum quia hæc pluralitas videtur iam consuetudine introducta, ex c. iam dudum de præbend; tum quia multi viri docti, ac timorati conscientie plura de facto beneficia possident; tum denique quia, vt ait Card. in d. c. iam dudum; alias totus mundus damnaretur; tria beneficia satis pingua sibi procurauit, ac obtinuit. Post aliquot vero menses, dum legeret D Thomam, inuenit, beneficiorum pluralitatem, iure naturali, esse prohibitam; quia contra rectam rationem videtur esse, quod vnus, plurium stipendia, alimenta, ac præmia habeat; quod Ecclesia priuetur pluribus ministris sibi debitis;

quod

quod cultus diuinus minuat; quod templa labantur; quod detur locus ambitioni, ac avaritiæ; quod iustitia distributiva, non seruetur; quod Fundatorum intentio fraudetur; quod multi Clerici pauperes magis idonei, suâ idoneitate frustrantur &c. His tamen non obstantibus, beneficia obrenta retinuit; quaeritur, vtrum, ea retinendo, mortaliter peccauerit.

S V M M A R I V M.

- 2 Conscientia, quid sit.
- 3 Conscientia probabilis; quid sit.
- 15 Quid sit, esse probabile, & quid ad hoc requiratur.
- 16 Assensus opinatiuus, est voluntarius.
- 17 Quomodo voluntas, ex opinione probabilis, prudenter operetur.
- 18 Operatio ex opinione verè probabilis, ex duplici capite est prudens.
- 19 Opinio probabilis, non est regula immediata operandi.
- 20 Dictamen, quod est regula immediata, operationem non precipit, sed permittit.
- 21 Opinio remanet probabilis, etiam praesentibus motiuis oppositis.
- 22 Quomodo una opinio sit alia probabilior.
- 23 Clericus, cum opinione probabilis, plura retinens beneficia, non peccat.
- 25 Opinio probabilis est rationabilis, & prudens.
- 26 Causat iudicium euidens, de honestate illi se conformandi.
- 27 Voluntas illi se conformans, prudenter operatur.
- 28 Et certo scit, se prudenter operari.
- 29 Est etiam certa, quod intellectus prudenter proponit operationem, ut licitam.
- 30 Si usus opinionis probabilis esset illicitus, fere nunquam licite operemur.
- 31 Sequi opinionem probabilem, est actus prudentia.
- 32 Opinio probabilis aliquando etiam obligat.
- 33 Qui eam sequitur, nulli se periculo exponit.
- 34 Nec formido partis opposita, obstat.
- 35 Cur voluntas, opinioni probabilis se conformando, peccare non possit.
- 41 Motiua probabilia, ex Imperio voluntatis, contemni possunt.
- 42 Intellectus, tunc est voluntati perfecte subordinatus.
- 44 Voluntas, peccandi periculo se non exponit.
- 45 Experientia constat, intellectum à voluntate determinari.
- 46 Intellectus utramque partem iudicare simul potest probabilem.
- 47 Assensus opinatiuus, est regula operandi, solum radicalis.
- 48 Usus opinionis probabilis, conscientias non relaxat.
- 49 Cum opinione probabilis datur iudi-

iudicium certum, de honestate operandi.

Ex vi istius iudicii operamur.

Opinio, eo ipso, quod est vere probabilis, est tuta.

Nulla dari potest minus tuta.

Est aequè prudens, ac tuta, siue faueat praecepto, siue libertati.

Qua non est certo probabilis, non est tuta.

Illà sola est tuta, de qua dubitari non potest, quin sit probabilis.

Probabilitas, non idem significat, dum dicitur de opinione, ac de alijs rebus,

Qua opiniones sint practice improbabiles.

Opinio est similis fidei, praesertim humana.

Qua formido honestatem operationis impediatur.

Doctrina de opinione probabilis, est communis.

Eius electio est licita, in quacumque materia.

Etiam si rationum oppositarum ignoretur solutio.

Etiam alterius opinio potest esse regula operandi.

Subditus sequi potest opinionem Superioris.

Opinio probabilis potest esse regula in materia iurisdictionis.

Et in materia consilij.

Etiam in materia litis.

Etiam opinio speculativa est licita, cum nihil obstat.

Potest opinio evadere improbabilis, & è contra,

73 *Quid sit probabilitas logica, quid moralis.*

74 *Qua Auctoritas ad prudentem fidei assensum requiratur.*

77 *Syllogismus, cuius conclusio, est dictamen prudentia.*

RATIONES DUBITANDI.

2 **S**icut conscientia erronea, potest esse regula rectè operandi, ita certum est, hoc ipsum, à fortiori, prestare posse conscientiam probabilem; Nomine tamen conscientia, non intelligimus hic, ultimum iudicium practicum, praequisitum ex parte intellectus, ad rectè operandum; nam hoc, certum est, esse semper certum, ac evidens, cum sit actus prudentia, quæ, cum sit virtus intellectualis, fertur semper certo, & evidenter in verum. Dum enim format hunc syllogismum. *Voluntas amplectens, quod illi ab intellectu prudenter proponitur ut bonum, rectè operatur, & peccare non potest, quia, cum sit potentia eadem, ad aliud non tenetur: Sed hic & nunc, voluntati prudenter proponitur hoc, vel illud obiectum tanquam bonum, ut constet experientia. Ergo voluntas hic & nunc, illud amplectendo, peccare non potest, sed rectè operatur.* Conclusio hæc, quæ est actus prudentia, ultimo praequisitus ex parte intellectus ad operandum, est certa, ac evidens, & ex præmissis evidentiis, deducta. Verum, quia est actus reflexus, de eà communiter non loquuntur Auctores, sed illam supponentes, nomine

con-

conscientiæ, intelligunt actum illum, quo, in minori affectitur, ab intellectu voluntati rectè proponi aliquid, tanquam bonum, vel malum, honestum vel inhonestum. Nam hic solus est, qui potest esse aliquando verus, aliquando falsus, aliquando probabilis; & conscientiam diuidit, in rectam, erroneam, ac probabilem; Dicitur autem conscientia, quia hic etiam actus, cum sit requisitus, ex parte intellectus, ad rectè operandum, dici potest aliquo modo regula operandi.

- 3 Quæstio igitur est; an, sicut iudicium directum, voluntati falsò proponens aliquid tanquam bonum potest illi esse regula rectè operandi; ita hoc præstare possit simile iudicium, eidem voluntati proponens aliquid, tanquam bonum, non falsò, sed probabiliter; quamuis enim pars affirmatiua fuerit semper apud Antiquos indubitata, & in Ecclesiâ receptissima, quia tamen aliqui, nomine probabilitatis abutentes, quamlibet opinionem statim afferunt, ut probabilem; aliqui vero; nomine conscientiæ, siue opinionis probabilis, intelligentes vltimum illud iudicium practicum, quod prærequiritur ex parte intellectus, ad rectè operandum; quasi hoc asseratur posse esse solum probabile, in opinionem probabilem accerrimè inuehuntur, fingentes sibi hostem, cumque plurimis argumentorum telis confodientes. Ideo, ut opinio verè probabilis, ab apparenter solum probabili discerni possit, & quærelæ, ac rationes, à Recentioribus, contra opinionem

probabilem, coaceruata; pænicus euanescent; examinandum est, quid requiratur, ut opinio aliqua dici possit verè probabilis; sic enim clare apparebit, quàm immerito oppugnetur, & quàm rationabiliter à Sapientioribus, ac Theologis, imò à totà Ecclesiâ, fuerit semper admissa, nec aliter omnino fieri posse.

- 4 Aliquibus ergo, Clericus videtur mortaliter peccasse; ita *Cais-tanus v. opinio c. 2. & Summistæ, quos refert, & sequitur Paulus Comitolas lib. 5. resp. mor. qu. 15. Merenda tract. de Consilio. Iulius Mercorius, de opinionum probabilitate par. 2. ar. 4. 7. & 8. qui plurimos Auctores pro utràque parte, recenset. Peierinus tom. 3. c. x. nu. 10 Candidus Phlaethus, opusc. de praxi opin. quæst. 5. & quidam alij recentiores.*

- 5 Probatur primò; Quia Clericus, per apprehensionem motiuorum, contra beneficiorum pluralitatem, cepit esse dubius; cepit enim habere proposita motiua pro utraque parte contradictionis, & fere equalia; unde ad neutram partem determinare se potuit, cum non magis inclinaretur ad vnâ, quam ad aliâ; operari autem cum conscientia dubia, est intrinsecè malum; est enim operari sine regulâ, & peccandi periculo se exponere.

- 6 Secundò; Quia, post aduentum motiuorum contra beneficiorum pluralitatem, retinere non potuit opinionem probabilem, quam antea habebat ex motiuis oppositis; cum

um enim opinari, sit assentiri vni parti, cum solâ formidine, ortâ ex inefficiâ motiui, quod omnino non conuincit, non potuit Clericus, post aduentum motiuorum contra beneficiorum pluralitatem, habere solam formidinem ortam ex inefficiâ motiuorum, quibus minimebatur, sed necessariò expetitiam positiuè timere de falsitate artis, cui adhærebat, propter æqualem, & fortasse maiorem efficiâ motiuorû partis oppositæ; Ergo non habuit amplius opinionem probabilem, sicut antea, sed potius dubium. Cum dubio autem, plura beneficia retinere non poterat, quia peccandi periculo se exposcebat.

Tertio; quia Clericus, post aduētū motiuorū contra beneficiorum pluralitatem, de neutrà parte opinari amplius potuit; eo enim ipso, quod indicauit, vtramque partem contradictionis, esse æqualis fere probabilitatis, iudicauit, vtramque partem, non minus apparere veram, quam falsam, cum quodlibet motiuum, quò magis suam partem facit apparere veram, eo magis oppositam faciat apparere falsam; dum item obiectum æqualiter apparet verum, ac falsum, de illo opinari non possumus, quia iudicare non possumus, obiectum esse verum, nisi solâ formidine, quod sit falsum; ergo Clericus, propositis motiuis contra beneficiorum pluralitatem, operari amplius non potuit, ideoque necessariò expetit dubius. Et ratio à priori est, quia motiua vnius partis, licet,

quantum est ex se, & seorsim à motiuis oppositis, sint sufficientia ad causandum assensum opinatiuum, ab aliorum tamen præsentia impediuntur, ne de facto causent; sicut pondus in vna parte lanciis, licet ex se, sit sufficiens grauare, & lancem inclinare, à pondere tamen alterius partis impeditur, ne de facto illam inclinet; sicque saluatur, vtraque motiua esse probabilia, & vtraque suo effectu carere, & consequenter intellectum neutri parti assentiri posse.

8 Quæritò; Quia, nemo prudenter, ex duobus similibus populis, alterum eligeret, si sciret, in eorum altero venenum esse permixtum; Neque in biuio positus, alteram ex duabus vijs, quarum altera latronibus esset infesta; Aut alterum ex duobus nauigijs, quorum, alterum passurum esset naufragium. Ergo neque Clericus, alteram ex duabus partibus probabilibus prudenter eligere potuit, cum earum alteram sciret, esse falsam.

9 Quintò; Quia, si Clericus, propositis motiuis contra beneficiorum pluralitatem, perseuerasset in suo assensu probabili, quod eorum pluralitas esset licita; necessario iudicasset, opinionem oppositam esse simul falsam, & veram; falsam quidem, dum suam iudicauit veram; cum quia, idem saltem virtualiter est, affirmare, suam esse veram, ac oppositam esse falsam; sicut idem virtualiter est, amare aliquod bonum, ac odio habere malum oppositum; tum quia, vtramque simul

veram iudicare non potuit; Veram verò, quia iudicauit, esse probabilem; imo fortasse probabiliorem, hoc est, sibi apparere veram, vel magis veram. Consequens autem est impossibile, ut per se patet; quid enim absurdius, quam eam opinionem iudicare falsam, quæ sibi vera, imo magis vera videtur, & è contra; perseverare ergo Clericus non potuit in assensu probabilis, quem habebat, & consequenter remansit dubius, ac sine regulâ operandi.

10 Sextò; Quia, etiam si concedatur, Clericum, post propositionem nouorum motiuorum, retinuisse assensum probabilem, quem antea habebat, adhuc assensus ille non potuit esse sufficiens regula rectè operandi: hæc enim debet esse dictamen prudentiæ, certum, & infallibile; Opinio autem, non est certa, nec virtus, sicut est prudentia; Ergo Clericus, beneficia retinendo, sine sufficienti, ac debitâ regulâ, operatus est, & consequenter peccauit.

11 Septimò; Quia, si Clericus vtramlibet opinionem eligere potuisset, nimia daretur licentia operandi; nulla enim daretur regulâ morum, sed vnusquisque, pro suo arbitrio, ac opinione, quidlibet agere fere semper posset; duceturque potius opinione, quam certâ scientiâ, cum res morales, ut plurimum, in opinione sint positæ, & habeant opiniones vtriusque probabiles. Consequens autem sine maximâ perturbatione, ac scandalo, admitti non potest; positâ enim

semel hac libertate, sequendi opinionem probabilem, omnes ferè leges redderentur inutiles, quæ impune violari possent, sequendo opinionem probabilem; & conscientia nimis laxarentur, quia nullam aliam legem agnoscerent, quam propriam opinionem; quo quid absurdius?

12 Octauò; Quia, si Clericus perseverans in suâ opinione probabilis, ex vi illius certificari potuisset, se hic & nunc, non peccare illam eligendo, nemo vnquam peccaret, sequendo conscientiam dubiam; non enim datur conscientia dubia, nisi cum aliquâ probabilitate; sic, cum dubito, an mihi, hic & nunc, scribere liceat, hoc ideo est, quia habeo rationes probabiles vtriusque propositas; Si ergo motiua illa probabilia, etiam præsentibus oppositis, Clericum certificare potuerunt de rectâ operatione, sequitur, omnem conscientiam dubiam esse certam, vel saltem habere motiuum, quo possit certificari: sicque nullus vnquam dabitur, qui ex conscientia dubiâ operetur.

13 Nonò; Quia, qui sequitur opinionem probabilem, nunquam certus esse potest, se rectè operari, sed de hoc solum probabilitatem habere; si enim Clericus probabiliter tantum iudicauit, beneficiorum pluralitatem, esse licitam; ex hoc assensu probabili, deducere non potuit assensum certum, quod sibi hic & nunc licitum esset, plura beneficia procurare, sed solum probabilem, cum conclusio maiorem certitudinem habere non possit, quam

præ-

præmissæ, & hoc iudicium practi-
um, ex præmissis tantum proba-
bilibus sit deductum; Consequens
item est absurdum; qui enim non
est certus, se rectè operari, sed
liquo modo dubitat, siue formi-
at, num rectè operetur, sic ope-
rando, peccandi periculo se expo-
nit, ac peccat; ideoque rectè ope-
rari non potest; ergo regula ope-
randi, debet esse, iudicium certum,
non verò solum probabile. Hoc
item argumentum euidenter o-
stendere videtur, sequi nos in pra-
xi non posse opinionem probabi-
lem.

NOTABILIA.

Hæc, & fere similia sunt Re-
centiorum argumenta con-
tra opinionem probabilem, quæ,
tam parum roboris habeant, fa-
cile ex ipsâ opinionis vere proba-
bilis naturâ, ac conditione, con-
bit.

Aduertendum igitur est primò
opinionem aliquam esse probabi-
lem, nihil esse aliud, quam opi-
onem illam, ex vi suorum moti-
um, ita apparere veram, ut me-
atur, siue sit digna assensu opi-
tius; sicut misterium aliquod Fi-
te esse credibile, nihil est aliud,
quam misterium illud taliter pro-
ni, ut mereatur, siue sit dignum
ensu fidei. Ad hoc autem, ut o-
tio, tali assensu sit digna, neces-
sario requiritur, ut nitatur motiuis,
& habeant vim euidenter osten-
dendi de illâ, apparentia veritatis,
et hoc ipsum etiam, suo modo, re-

quiritur in assensu fidei. Motiua
verò, tunc habent hanc vim, cum à
pluribus Doctoribus firma, solida,
ac persuasiva indicantur, nec vllam
rationem conuincentem, contra se,
habent; eo enim ipso, ita reddunt
opinionem apparenter veram, ut
de ipsâ apparentiâ veritatis pru-
denter dubitari non possit. Hoc
autem sufficit, ut iudicetur digna,
quæ ab intellectu prudenter creda-
tur, & à voluntate prudenter ad
praxim reducat; sicut enim fidei
assensus, quia procedit à iudicio
credibilitatis, est prudens; ita assen-
sus opinatiuus, cum à simili iudi-
cio probabilitatis procedit, erit
prudens. Hoc autem iudicium,
cum omnem actum voluntatis præ-
cedat, semper est, saltem moraliter
certum, ac euident; alioquin in-
tellectus, ad illud formandum, ab
obiecto determinari non posset.

16 Aduertendum est secundò; assen-
sum opinatiuum, non minus esse
nobis voluntarium, ac liberum,
quam assensum fidei; cū enim intel-
lectus ab obiecti euentuâ non
cogatur ad assensum, sicut nec co-
gitur in fide, sequitur, quod rema-
neat subordinatus voluntati, & ab
eâ ita dependens, ut, vel determi-
nari ab eâ possit ad assensum, vel
impediri, sicut potest in Fide. Quo-
niam verò motiua probabilia pro-
poni possunt, aliquando solum pro
vnâ parte, aliquando pro utrâque
hinc fit, ut etiam intellectus, ali-
quando à voluntate determinari so-
lum possit, vel ad assensum, vel ad
omissionem assensus; aliquando ve-
ro ad assensum, vel vnius partis, vel

alterius, ita v^t voluntas, aliquando exerceat solū quodammodo libertatem contradictionis, aliquando verò libertatem contrarietatis.

17 Aduertendum est tertio; Homines, dum ex opinione probabili operantur, sic communiter procedere. Proposito intellectui obiecto probabili cū suis motiuis; V.G. proposita opinione, quod beneficiorum pluralitas licita sit, quia usu iam, ac consuetudine, in Ecclesiam est introducta; vel motiua, intellectui apparent solida, ac firma, & cum Doctorum auctoritate coniuncta, nec vllam rationem conuincentem contra se habentia; vel non? si talia non apparent; intellectus non vltius procedit, sed opinionem illam statim, tanquam parum probabilem reijcit; si verò apparent; ab illis mouetur ad iudicandum, talem opinionem esse verè probabilem, siue dignam, cui ipse probabiliter assentiatur tanquam veræ, & Voluntas ab hoc iudicio, siue dictamine, statim mouetur ad imperandum ipā intellectui assensum probabilem, quod beneficiorum pluralitas, licita sit, quia usu iam, ac consuetudine, est in Ecclesiam introducta; Quia tamen intellectus, hoc probabiliter solū credit, non credit absolute, sed solū, quantum est ex vitalis motiui, & cum formidine, ac timore, quod hoc ipsum possit esse, ac fortasse sit falsum. Hoc facto, intellectus reflectens supra suum assensum probabilem, euidenter iudicat, illum esse prudentem, siue pendentem ab illo primo dictamine prudentiæ, tam-

quam effectum à suā causā, ideoque se prudenter agere, dum ex vitalis rationis, probabiliter iudicat, beneficiorum pluralitatem esse licitam; & ab hoc assensu, quia prudens est, mouetur ad euidenter iudicandum, quod operatio voluntatis illi conformis, sit licita, siue digna, quæ à voluntate, vel eliciatur, vel imperetur; & hoc iudicium siue dictamen prudentiæ, est vltimum iudicium practicum, siue conscientia, à quā deinde voluntas mouetur ad operandum. V.G. ad plura beneficia, vel procuranda, vel acceptanda, vel retinenda.

18 Aduertendum est quarto; operationem à voluntate sic elicitam, vel imperatā, duplici titulo esse prudentem, Primò remotè, quatenus remotè pendet ab euidenti iudicio probabilitatis, siue à primo illo dictamine prudentiæ, quo opinio iudicatur digna, quæ credatur vt vera. Secundò proximè, quatenus immediate pendet, ac regulatur ab vltimo dictamine prudentiæ, quo operatio illi opinioni conformis, iudicatur digna, quæ à voluntate ponatur, quod dictamen similiter, est iudicium certum, ac saltem moraliter euident, quamuis appelletur conscientia probabilis, quia oritur ex prudenti assensu probabili, eique innititur tanquam motiui, à quo intellectus mouetur ad illud formandum. Quod autem hoc dictamen sit saltem moraliter certum, ac euident, patet; ex eo enim, quod intellectus, prudenter operatur, dum probabiliter iudicat, beneficiorum plurā-

pluralitatem, ex eo motiuo, esse licitam, evidenter sequitur, etiam voluntatem prudenter operari, dum hoc iudicium sequitur, eique se conformat, cum ipsa sit potentia recta, & feratur in obiectum solum prout illi proponitur ab intellectu. In ergo beneficiorum pluralitas, illi ab intellectu prudenter proponitur tamquam licita, ac honesta, impossibile est, ut à voluntate prudenter non ametur ut talis. Voluntas autem, dum prudenter operatur, peccare non potest.

Aduertendum est quintò; assensum probabilem, cum feratur in unum obiectum solum probabiliter, non iudicare, illud esse verum absolute, sed solum præcisive, & cum aliqua restrictione; scilicet; quantum ex vi motui, quod habet adalem assensum; siue potius iudicare, obiectum ita apparere verum, et tamen possit non esse, & fortasse non sit tale; Intellectus enim, dum probabiliter iudicat, beneficiorum pluralitatem esse licitam, non tam iudicat esse, quam apparere licitam ex vi motui, quod habet; imo simul, vel formaliter, vel virtualiter iudicat, posse, & fortasse non esse licitam; Atque hæc est formido, siue dubitatio quædam late sumpta, quam, ex suo modo tendendi includunt omnes actus probabiles, & ratione cuius, esse non possunt ultima regula rectè operandi; hæc enim debet esse omnino certa, alioquin voluntas, illam sequendo, peccandi periculo se exponeret, & exponendo peccaret; Quamvis tamen assensus probabilis, ratione formi-

dinis, ac dubitationis late sumpta, quam includit, non possit esse ultima regula voluntatis, nihil tamen obstat, quin possit esse obiectum, ac motiuum actus reflexi practici, certi, & evidenter, qui sit ultima, ac sufficiens regula voluntatis in operando; Intellectus enim, evidenter cognoscens, se prudenter operari, dum probabiliter iudicat, beneficiorum pluralitatem esse licitam, inde evidenter infert, etiam voluntatem prudenter operaturam, si se illi conformet in operando, cum eius ductum sequi debeat, ut potentia recta.

20 Aduertendum est sextò; duo dictamina prudentiæ, quæ interueniunt dum quis, ex opinione probabili, operatur. (Primum, quo intellectus iudicat, opinionem esse verè probabilem, siue dignam, quæ erodatur; & secundum, quo iudicat, operationem voluntatis, iudicio probabili conformem, esse licitam; siue dignam, quæ à voluntate eliciatur, vel imperetur;) non esse obligatoria per modum legis, sicut in assensu Fidei diuinæ, est iudicium evidens credibilitatis, siue de honestate credendi, illum præcedens; neque consultoria per modum consilij, sicut est dictamen, dictans, præferendam esse continentiam matrimonio; sed concessoria per modum cuiusdam concessionis, ac permissionis; Hinc autem fit, ut voluntas, æque licite, opinionem verè probabilem sequi possit, ac relinquere, & sequi oppositam; Si enim hæc etiam sit verè probabilis, ipsa etiam erit prudens, & consequen-

ter radix dictaminis prudentiæ , quod, si voluntas sequatur , peccare non poterit .

- 21 Aduertendum est septimò ; opinionem probabilem , suam probabilitatem non amittere , ex eo , quod intellectui de nouo motiua opposita probabilia proponantur ; Cum enim hæc supponantur non conuincencia , nec probabilitatis terminos excedentia , reddere non possunt opposita motiua improbabilia ; alioquin iam terminos probabilitatis transgredierentur , & fierent certa ; improbabili enim non opponitur probabile , sed certum . Possunt ergo simul in intellectu dari motiua probabilia opposita , sufficientia ad oppositos assensus probabiles prudenter eliciendos , saltè successiue ; Dixi saltè successiue , quia non desunt , qui asserant , posse etià ab intellectu elici simul , vt *Vasq. l. 2. q. 19. ar. 6. dis. 62. cap. 3. n. 10. Azor. lib. 2. cap. 16. qu. 2. Sanchez. lib. 1. in dec. cap. 9. num. 12. & alij apud istos* . Quid enim obstat , quominus intellectus simul iudicet , beneficiorum pluralitatem apparere licitam , quantum est ex vi consuetudinis , ac praxis Ecclesiæ ; & simul apparere illicitam , quantum est ex vi motiuorum oppositorum ; hæc enim duo iudicia , cum non sint absoluta , sed præcisiua , & de obiecto diuerso , non videntur contradictoria , neque opposita ; Imo , cum verumque , ita iudicet , suum obiectum apparere verum , vt simul iudicet , posse esse falsum , ita asserit veritatem de suo obiecto , vt non simul absolutè asserat falsitatem de opposito , sed præ-

scindat ; In hæc autem sententià , ad operandum , prærequiritur electio , quâ voluntas alteram opinionem eligat , eamque sequatur ; vtramque enim , in praxi , simul sequi non potest .

- 22 Aduertendum est octauo ; motiua opposita probabilia , aliquando esse æqualiter efficacia ad mouendum intellectum ad assensum circa suum obiectum , & tunc constituere opiniones æquè probabiles ; aliquando verò , ex vnâ parte , esse efficaciora , & ex alterâ , minus efficacia ; & tunc constituere opinionem probabiliorē , & minus probabilem ; quæ inter se non differunt , nisi secundum magis , & minus ; sicut actus intensior , & minus intensus , in eodem genere . Quando autem intellectui proponuntur simul motiua opposita æqualia , intellectus , aliquândo neutri parti adhæret , sed manet suspensus , & tunc propriè dicitur dubitare , ac hærerē ; aliquando verò à voluntate ad alteram partem determinatur ; & tunc propriè dicitur opinari , iudicando probabiliter de suo obiecto , & præscindendo ab opposito ; semper tamen ad assensum , indiget imperio voluntatis , quia motiua , cum sint tantum probabilia , illum non determinant , nec cogunt ad assensum ; sicut in Fide , quia motiuum non est euident , nec illum cogit ad assensum Fidei , indiget piâ affectione , à quâ ad illum determinetur ; Voluntas autem intellectum , pro libito , modo ad hanc , modo ad illam partem determinare potest , quia habere potest motiua pecularia , ad illum

illum modo in hanc, modo in illam partem inclinandum. His officiis.

RESOLVTIO.

AD casum Respondetur. Clericum, plura beneficia retinendo, nullo modo peccasse. Hæc opinio, in sensu explicato, est adeo communis, ut eam hæcenus nemo, præter paucissimos recentiores citos, absolute negare ausus sit; coque eius Auctores, hic congerere, superfluum duxi; videri tamen poterunt apud *Clauem Reg.* 1.1. cap.6. num.4. *Sanchez lib.1. m. cap.9. num.14. Suar. tom.5. 3. p. disp.40. sec.5. n.6. Vasqu. 62. cap.4. num.14. Azor. tom.1. 2.2. cap.16. qu.2. Valentiam. 1.2. sp.2. quæst.14. par.4. qua.4. Bennum par.2. Theol. Schol. tract.1. p.4. quæst.9. num.15. Filliac. m.2. tract.21. cap.4. num.128. Tanner. disp.2. qu.8. disp.3. n.36. ransidum. Contr.2. tr.12. disp.4. Et 3. Arag. 2.2. qu.63. art.4. disp. mult. Mälderum. 1.2. quæst.19. t.5. disp.86. asser.3. Martinez. m.1. qu.29. art.6. Alvarez. disp. 2. Lorcam. tom.1. disp.39. memb. Medinam. 1.2. quæst.19. ar.6. iust.5. Petrum Nauar. lib.3. de sp. cap.1. num.269. Basilium. ontium de Matrim. lib.10. c.15. m.4. Ioannem Sanchez disp.42. um.12. qui alios innumeros rerunt.*

Probatur autem euidenter; quia clericus, plura beneficia procuando, ac retinendo, secutus est

opinionem verè probabilem, fundatam in vsu Ecclesiæ; sequens autem opinionem verè probabilem, peccare non potest.

25 Primò; Quia opinio verè probabilis, est opinio rationalis, ac prudens, ut patet ex dictis. Sequens autem opinionem prudentem, peccare non potest, cum non possit, non prudenter operari; si enim prudenter operatur, dum probabiliter iudicat, beneficiorum pluralitatem, esse licitam, qui fieri potest, ut prudenter non operetur, dum huic prudenti iudicio se conformat?

26 Secundo; Quia, si sequens opinionem probabilem, peccare posset, ideo esset, quia non haberet regulam rectè operandi, eo quod opinio, cum sit formidolosa, & includat dubitationem, saltem latè sumptam, non possit esse regula rectè operandi; nec illam sequens eximere se possit à periculo peccandi; Hoc autem euidenter est falsum; nam, licet ipsa opinio probabilis, non possit esse, per se, formalis, ac proxima regula rectè operandi, ex eo tamen, quod sit prudens, & ab intellectu reflexe cognoscatur, ut prudens, eundem intellectum mouet, ac determinat, ad certe, & euidenter indicandum, licitum, ac honestum esse hic, & nunc, illi opinioni se conformare; quod iudicium, est certum, & regula proxima infallibilis rectè operandi.

27 Tertiò; Quia, Voluntas, dum sequitur opinionem probabilem, eique in praxi se conformat, non

minus prudenter operatur, quam, dum intellectum determinat ad ipsum assensum probabilem; non minus enim ad operandum, in vno casu, quam in alio, movetur à dictamine prudentiæ; ad determinandum quidem intellectum, ab euidenti iudicio probabilitatis, siue de honestate probabiliter assentienti; ad eliciendam vero, vel imperandam operationem assensui probabili conformem, ab euidenti iudicio conformabilitatis, siue de honestate illi assensui probabili conformandi. Si ergo, dum intellectum determinat ad assensum probabilem, prudenter operatur, prudenter etiam operabitur, dum, in operando, eidem assensui se conformat. Imo prudentius operatur, dum assensui probabili se conformat in operando, quam, dum intellectum ad ipsum assensum probabilem determinat; dum enim determinat intellectum ad assensum probabilem, ab vno tantum prudentiæ dictamine immediate regulatur; At, dum elicit, vel imperat operationem illi assensui conformem, regulatur à duplici dictamine; immediate quidem à proprio, mediata vero, ab eodem, à quo regulatur etiam ipse assensus probabilis; Voluntatis enim operatio, ab utroque pendet tamquam à causa. Si ergo voluntas prudenter operatur, peccare non potest.

28 Quarta; Quia impossibile est, peccare eum, qui certò, ac evidenter iudicat, se licitè operari; ideo enim, qui ex conscientia erronea invincibili operatur, non peccat,

quia certò credit, se licitè tunc operari. Sed qui sequitur opinionem verè probabilem, certo iudicat, se licite operari; certo enim iudicat se prudenter amare, quod illi prudenter ab intellectu proponitur tamquam amabile; Ergo impossibile est, peccare eum, qui sequitur opinionem verè probabilem.

29 Quinta; Quia, si Medicus, Infirmo medicinam proponat, ut probabiliter profuturam, hoc est, cum periculo, non proficiat, & Infirmus certus sit, Medicum illum prudenter hoc proponere, quis dicat, Infirmum temerè, & non prudenter operari, dum eam sumit? sed, quando datur opinio verè probabilis, intellectus voluntati proponit obiectum, ut probabiliter, siue apparenter bonum, licet cum periculo, ne sit tale; & voluntas est certa, intellectum, illud prudenter proponere; Ergo non temerè, sed prudenter operatur, dum illud amplectitur. Si autem prudenter operatur, peccare non potest.

30 Sexta; Quia, si sequi non possemus opinionem verè probabilem, sed semper quærere, ac sequi teneremur moraliter certam, fere nunquam licitè operaremur; cum enim, in agilibus, paucissima sint moraliter certa, eo quod moralis certitudo, non nisi ex communi usu, ac omnium fere doctorum consensu, aut Ecclesiæ definitionibus habeatur; & in rebus fere omnibus moralibus, aliqui vnam partem, alij alteram defendant; fere nunquam haberemus moralem certitudinem, ad licite operandum, necessariam.

ariam. Consequens autem, viam salutis, non solum difficilem redderet, sed moraliter impossibilem, & Christi iugum intolerabile.

Septimò; Quia, qui sequitur opinionem verè probabilem, non minus prudenter operatur, quam si eleemosinam largitur pauperi; et hic, eleemosinam largiendo, et peccat, nec, per se loquendo, eccare potest. Ergo nec ille, probabilem opinionem sequendo; maior probatur, quia ideo, qui dat eleemosinam, prudenter operatur, via, in eà largiendà, à prudentià, et hunc sillogismum evidentem regulatur. *Honestum est, dare eleemosinam pauperi, non solum erd, sed etiam prudenter apparem; alioqui fere nunquam exerceretis opus virtutis, cum fere nunquam de Petentis paupertate simus certi. Sed hic, qui petit eleemosinam, est pauper, vel verus, vel prudenter apparens. Ergo honestum est, huic eleemosinam dare, a Card. de Lugo disp. 5. de fide s. 1. tum. 16. Sed etiam, qui sequitur opinionem verè probabilem, ab eadem prudentià, per similem sillogismum, regulatur; Regulatur nim per hunc. *Honestum est, verari iuxta opinionem, non solum eram, sed etiam prudenter apparem; alioquin fere nunquam honeste operaremur, cum fere nunquam de opinionum veritate sumus certi; Sed hac opinio, est, vel vera, vel prudenter apparens, quia si vere probabilis; Ergo honestum est, iuxta eam operari. Igitur tiam, qui opinionem probabilem**

sequitur, prudenter operatur. Ali-ter etiam, sillogismus, sic proponi potest: *Honestum est, amplecti bonum, non solum verum, sed etiam prudenter apparem; quid voluntas non fertur in bonum pro ut est in se, sed solum pro ut illi, per intellectum, proponitur, vel apparet, siue deinde in se sit, siue non sit tale; Sed bonum, per opinionem verè probabilem propositum, est, vel verum; vel saltem prudenter apparem. Ergo honestum est, illud amplecti. Hoc argumentum, adeo euidenter convincere videtur, ut nullum amplius rationabili dubitationi locum relinquat. Quid enim petunt probabilitatis Impugnatores? certam regulam operandi? en certissimam? certe, si dans eleemosinam, pauperi prudenter apparem, certus omnino est, se prudenter operari, certus etià omnino est, qui amplectitur opinionem siue bonum prudenter apparem.*

32 Octauò; Quia, opinio verè probabilis, non solum habet vim dirigendi per modum regulæ, sed aliquando etiam obligandi per modum præcepti ad aliquid agendum; remotè tamen semper, ac radicalitèr, modo explicato. Pater hoc euidentèr, dum quis Ecclesiam ingreditur, tempore consecrationis; tunc enim obligatur ad hostiam adorandam, & tamen non habet plus quam probabilitatem, quod hostia illa sit consecrata; non enim certò constat, quod hostia illa sit ex critico, & non potius ex hordeo, vel farre, aut alià simili materia; neque quod Sacerdos inten-

tionem habuerit consecrandi, aut omnia verba necessaria protulerit; Cum præsertim, non semel, sed sæpius, siue bonâ, siue malâ fide, aliquis ex his defectibus contigerit; Quot, enim bonâ fide, & ob maiorem reuerentiam Sacramenti, hostias fecerunt ex Amoto, putantes, esse materiam sufficientem? quot fecerunt, aquâ tofaceâ? quot, ob defectum pronuntiationis, ad alia distracti, in formâ Consecrationis, aliquam Syllabam necessariam omiserunt, & postea in se reuersi, de hoc ipso confessi sunt; sola ergo opinio probabilis, quod hostia sit consecrata, licet cum formidine oppositi; hoc est; cum iudicio, quod res possit aliter se habere, & de facto aliter sapius se habuerit; potest habere vim, non solum directiuam, sed etiam obligatiuam, ad hostiam illam adorandam. Si autem habere potest vim obligatiuam, cur habere non poterit directiuam? certe, si prudentia formare potest hunc syllogismum euidenter obligatorium. *Reuerentia Christo Domino debita exigit, ut adoretur hostia, quoties, vel est, vel prudenter apparet consecrata; Sed hæc hostia, vel est, vel prudenter apparet consecrata; Ergo reuerentia Christo debita exigit, ut hæc hostia adoretur.* Negari non potest, quin eadem prudentia, similem syllogismum euidenter concessorium formare sic possit. *Licet poni potest, quod, vel est, vel prudenter apparet licitum; sed hæc operatio, hic & nunc, vel est, vel prudenter apparet licita, Ergo hic*

& nunc, licet poni potest.

33 Nequè obstat periculum, cui quis se exponit, materialiter violandi præceptum; Nam, etiam in hostiæ adoratione, exponit se quis periculo idololatriæ materialis, siue adorandi hostiam non consecratam; & tamen hoc periculum, non tollit obligationem, sed tamquam remotum, & nullum afferens incommodum, omnino contemnitur. Ergo, eodem modo, simile periculum non tollit concessionem, sed, tamquam nullum afferens malum, metito contemnitur. Adde, quod neque datur hoc periculum; nam, operatio probabiliter licita, sicut non continetur sub obligatione præcepti, ita nec illud materialiter violat.

34 Minus minù obstat suspicio, vel formido, quod actio fortasse sit illicita. Nam, etiam in hostiæ adoratione, datur similis formido, quod hostia fortasse non sit consecrata; & tamen; quia non tollit prudentem assensum, quod sit consecrata, non tollit obligationem, quæ ex illo oritur. Sed etiam formido, quæ est cum opinione, siue assensu probabili, quod operatio sit licita, non tollit ipsum assensum probabilem; Ergo neque tollit concessionem, quæ ex ipso oritur. Atque hoc est, in quo aliqui decipiuntur, non distinguentes formidinem, siue suspensionem, quæ oritur ex opinione probabili, ab eâ, quæ oritur ex conscientia erroneâ, vel ignorantia; cum tamen, toto Cælo, inter se differant, & una licitam operationem impediât, alia non impe-

mpediat. Formido, vel suspicio orta ex errore, vel ignorantia, impedit, quia quodlibet præceptum, eo ipso, quod de eo datur suspicio, statim obligat ad inquirendum, ut deponatur error, vel tollatur ignorantia, quæ eius observantiam impediunt. At, cum datur formido orta ex opinione probabili; Præceptum, sicut non obligat ad ipsam opinionem probabilem tollendam; ita non obligat ad tollendam formidinem ex illa ortam; Opinio enim probabilis non impedit observantiam præcepti, sicut impedit error, vel ignorantia, sed potius tollit obligationem præcepti, cum nullum præceptum prohibeat, quæ prudenter, & probabiliter iudicantur licita.

Nono denique & potest esse ratio prior; Quia, quandiu datur motiva verè probabilia pro utrâque arte, nec veritas, nec probabilitas, siue apparentia veritatis, ad nam potius partem obligare potest, quam ad aliam; Ergo voluntas remanet libera ad utramlibet eligendam, non minus, quam, cum duo præcepta impossibilia æqualia, aut fere æqualia, simul videntur.

Antecedens probatur; quia, quandiu pro utrâque parte, dantur motiva verè probabilia; veritas minime latet; cum enim utrobique videntur appareat, nec utrobique esse possit, ubi vere sit, inuincibiliter ignoratur; Dixi inuincibiliter; quia, quandiu motiva, probabilitas terminos non transgrediuntur, semper pro utrâque parte datur evidens apparentia veritatis, ideo-

que ubi veritas sit, sciri non potest. Veritas autem, quandiu inuincibiliter ignoratur, obligare non potest voluntatem, quæ est potentia cæca, nec ferri potest in incognitum.

37 Similiter, neque probabilitas, siue apparentia veritatis, obligare tunc potest voluntatem; cum enim pro utrâque parte detur, non est maior ratio, cur ad unam potius obliget, quam ad aliam. Cum ergo voluntas, neque à veritate, neque à probabilitate, ad unam potius partem, quam ad aliam, obligari possit, remanet necessario libera, ad utramlibet eligendam.

38 Neque obstat, quod probabilitas, siue apparentia veritatis, alicui videatur maior pro una parte, quam pro alia; nam, hoc non sufficit ad inducendam obligationem, sequendi illam partem, & aliam relinquendi; quod enim illi videatur maior, non facit, quod vere sit maior, cum hoc oriri possit, vel ex eius ingenij imbecillitate, vim motiuorum oppositorum penetrare non valentis, vel ex parva eorundem consideratione, vel ex speciali affectu ad eam partem, vel ex aliquo alio capite; unde alteri fortasse eadem probabilitas videbitur minor. Excessus ergo tam modicus, & incertus, non videtur sufficiens ad obligandam graviter voluntatem, ut eam partem determinate sequatur; & alteram relinquat; Unusquisque enim, semper iudicare prudenter potest; probabilitatem, quæ sibi videtur maior, ab alijs fortasse ingeniosioribus,

aut

aut prudentioribus, & ad eam partem minus affectis, iudicari minorem, nec suum ingenium, aut prudentiam, esse unicam probabilitatis mensuram.

- 39 Atque hæc est ratio, cur voluntas, dum opinionem verè probabilem sequitur, certa sit, se peccare non posse, sed rectè, ac prudenter operari; Certa enim tunc est, & se non teneri, nisi ad sequendam apparentiam veritatis, cum veritas ipsa omnino tunc lateat, ut dictum est; & apparentiam, quam sequitur, esse dignam, quam sequatur; cum ita sit certa, ut de ipsa prudenter dubitari non possit.

OBIECTIONVM SOLVTIO.

- 40 **I**Am, ad obiectiones omnes initio propositas, facilis est responsio. Ad primam. Negatur antecedens; Esto enim, Clericus habens motiua sibi, pro utrâque parte contradictionis, proposita, utramque partem simul iudicare non potuerit tanquam veram; utramque falsam iudicare certò potuit, ut probabilem, sue prudenter apparentem. Hoc autem satisfuit, ut voluntas, intellectum ad alteram partem determinare posset, & sic dubium deponeret.

- 41 Ad secundam; Negatur similiter antecedens; motiua enim, Clerico de nouo proposita, cum non fuerint plus quàm probabilia, intellectum ad se rapere non potuerunt, & consequenter nec impedire voluntatem, ne intellectum determinaret ad ea contemnenda, ipsque

non obstantibus, ad perseverandum in suo assensu. Quamvis autem concederemus, motiua de nouo aduenientia, positiuam formidinem de falsitate suæ opinionis generare potuisse, adhuc tamen, hoc satis non fuisset, ut Clericus retraheretur ab assensu probabili, quem habebat; formido enim, non est cum assensu probabili impossibilis, imo est eius proprietas.

- 42 Ad tertiam; Negatur item antecedens; quamvis enim concederemus, Intellectum, propositis sibi motiuis probabilibus æqualibus, pro utrâque parte contradictionis, ad neutram se posse determinare; hinc tamen non sequeretur, illum à voluntate, ad alteram determinari non posse; cum enim neutrius partis motiua illum cogant ad assensum, remanet perfectissimè subiectus voluntati, à quâ proinde, modo ad vnam, modo ad alteram partem determinari potest prohibito; imo, cum hæc subiectio, intellectui concedatur in ordine ad fidem, negari omnino non potest in ordine ad opinionem; motiua enim probabilia, longe minorem vim habent ad rapiendum intellectum, quam motiua fidei. Hoc autem admissio, pleraque Aduersariorum argumenta statim corruunt.

- 43 Præterea, falsum est, intellectum tunc iudicare, utramque partem, non minus apparere veram, quam falsam; tunc enim potius, utramque partem iudicat apparere veram, licet cum periculo falsitatis; motiua autem vnius partis, tunc solum

um à motibus partis oppositæ im-
mediuntur, quando non datur im-
perium voluntatis, intellectum ad
vnam partem impellens; verum,
in hoc detur, statim impedimen-
tum illud à voluntate superatur;
sicut, quamvis duo pondera æqua-
lia, in lance posita, illam in æqui-
librio constituent, & vnam impe-
lant, ne aliud lancem inclinet, si
quis tamen lancem impellat ad
vnam partem, per impulsus, supe-
rat impedimentum ponderis exi-
stentis in lance oppositæ, sicque
inclinatur ad vnam partem determina-
tur, ac inclinatur.

Ad quartam; Negatur conse-
quentia; cum enim, in moralibus,
veritatem fere nunquam certò asse-
qui possimus, fere nunquam ope-
ari possemus. Melius igitur est,
qui veritatem probabilem cum
periculo errandi, quam illà omni-
o carere; sicut infirmo satius est,
medicinâ sumere probabiliter pro-
curam, quamvis cum periculo
e proficiat; quam ab illâ omnino
abstinere; & quando opinio est
vere probabilis, intellectus, sicut
prudenter opinatur, ita prudenter
errandi periculo se exponit; se-
cundum, non voluntatem; Nam hæc,
cum prudenter feratur in bonum,
non pro ut est in se, sed pro ut illi
proponitur, & apparet, errare non
potest, cum obiectum illi per as-
sensum probabilem propositum, ve-
re appareat, ut bonum; Vnde ipsa,
implectendo bonum, quod illi pro-
babiliter proponitur, nulli pec-
candi periculo se exponit, quia per
iudicium reflexû certificatur, quod,

sic operando, prudenter operatur;
& hoc iudicium certum, est pru-
dentia, siue conscientia. Porro
ergo Clericus prudenter eam opi-
nionem eligere, eique in praxi se
conformare.

45 Ad quintam; Respondetur pri-
mò; Argumentum hoc, sicut, & cæ-
tera præcedentia, nimis probare;
probat enim, ne ex imperio qui-
dem voluntatis, intellectum deter-
minari posse ad alterutrum partis
assensum, quando pro utrâque par-
te habet proposita motiva proba-
biliâ; hoc autem, non solum est con-
tra quotidianam experientiam, quâ
experimur, nos, ex duobus luden-
tibus æque peritis, optare, ut vnus
vincat, quod fieri non posset, nisi
probabiliter crederemus, illum esse
victurum; sed etiam manifestè con-
tra rationem; cum enim neutrius
partis motiva intellectum ad se ra-
pian, illum consequenter eò ma-
gis relinquunt voluntati subiectum,
quò motiva proposita, sunt magis
æqualia, alias assensus probabilis
nunquam posset esse prudens, quia
ad hoc necessario requiritur, ut sit
liber, ut patet in fidei assensu; liber
autem esse non posset, si intellectus
ad illum à voluntate determinari
non posset.

46 Respondetur tamen secundò;
Negando Sequelam; Esto enim;
intellectus, dum vnam partem iu-
dicat veram, oppositam virtualiter
iudicat falsam; at oppositam non
iudicat simul veram, aut magis ve-
ram, sed solum probabilem, aut
probabiliorem; In hoc autem, nul-
lum est inconueniens; intellectus
enim,

enim, veramque partem iudicare, simul potest probabilem, licet non veramque veram; Adde, quod intellectus, dum vni parti probabiliter adhæret, illam non iudicat veram absolute, sed solum præcisiuè, siue quantum est, ex vi talis motui, quod habet; vnde nec oppositam iudicat absolute falsam, sed solum, quantum est ex vi eiusdem motui; In hoc autem sensu, nullum videtur absurdum, quod intellectus, eandem partem iudicet simul, apparere veram ex vi vnius motui, & falsam ex vi alterius oppositi; hoc enim, nihil est aliud, quam, intellectum simul iudicare, quod duo illa motiua opposita, de eadem parte ostendunt, vnum quidem veritatem, alterum vero falsitatem, in quo nullum videtur inconueniens, vt docent *Vasquez disp. 62. cap. 5. num. 12. & Sanchez lib. 1. sum. cap. 9. nu. 10. & Azor. lib. 2. cap. 16. quæst. 2.*

47 Ad sextam Respondetur; assensum opinatiuum, non esse regulam formalem operandi, siue dictamen illud, à quo voluntas immediatè regulatur, dum operatur; hoc enim, nos etiam fatemur, debere esse dictamen prudentiæ, siue iudicium practicum certum, & infallibile de honestate hic & nunc operandi; sed solum radicalem, quatenus, ex eo, quod intellectus, aliquid prudenter proponit apparetur bonum, inde deducitur tamquam certum ac infallibile, quod voluntas, illud hic & nunc amplectendo, prudenter operatur; & hoc iudicium est voluntati regula formalis cer-

tissima rectè operandi:

48 Ad septimam; Negatur Sequela; ex eo enim, quod opinionem verè probabilem sequi liceat, non solum nimia in operando licentia non oritur, sed potius certissima morum regula præscribitur, vt infra patebit. Nimia in operando licentia, aliaque incommoda verè graui, ex opinione non verè, sed ex leui quolibet motiuo, & apparèter tantum probabili, nascuntur; Neque enim, ad probabilitatem opinionis conciliandam, leue quodlibet motiuum sufficit, sed requiritur firmum, ac solidum, quod demum est tale, cum, communi, vel saltem plurium doctorum suffragio iudicatur tale; opiniones igitur, leuibus fundamentis nixæ, hæ sunt, quæ mores peruertunt, legum obseruantiam euertunt, ac licentiam verè nimiam, ac compescendam inducunt.

49 Ad octauam; Negatur Sequela; dum enim, cum opinione probabili operamur, datur in nobis iudicium certum de ipsà probabilitate; siue apparentiæ veri, & consequenter de prudentiâ ipsius assensus probabilis, ex quo deinde deducitur iudicium certum de honestate operandi, ex vi cuius iudicij, voluntas operatur; Hoc autem iudicium non datur, dum cum dubio operamur; & si in nobis aliquando daretur iudicium certum de honestate dubitandi, ex illo deduci non posset iudicium certum de honestate operandi, sed potius de honestate abstinendi ab operatione; deduceretur enim iudicium certum de

de honestate; in praxi, illi dubitationi se conformandi; Voluntas autem, dubitationi intellectus se conformat, nihil operando, cum ab intellectu nullum ei bonum determinate tunc proponatur operabile.

50 Ad nonam; Negatur sequela; qui enim sequitur opinionem probabilem, non operatur immediate ex vi ipsius opinionis, siue iudicii probabilis, sed ex vi iudicii certi, quod ipsa opinio sit probabilis, ac prudens, ac proinde prudenter, ac honestè ad praxim reducibilis; quod ultimum iudicium, ex præmissis non probabilibus, sed certis est deductum; Sic enim deducitur; *opinio verè probabilis, est ad praxim honestè reducibilis, quia est prudens; sed hac opinio, est verè probabilis, quia habet motum ad hoc requisita; ergo est ad praxim honestè reducibilis*; in hoc autem sillogismo, Omnes præmissæ, sunt certæ, sicut sunt in hoc alio, qui æquiuvalenter est idem. *Qui opinionem moralem verè probabilem eligit, ac in praxi sequitur, certus est, se rectè operari, quia certus est, se operari prudenter; sed hac opinio, est verè probabilis, quia habet motum ad hoc sufficientia; ergo qui illam hic & nunc sequitur, certus, est se rectè operari*; vides, hic, nullam interuenire præmissam probabilem, sed omnes esse certas; Errant autem Aduersarij, quia putant, probabilitatis defensores asserere, quod voluntas operetur ex vi conclusionis, ex ipsa opinione, siue assensu probabili, tamquam ex vnâ præmissâ deductæ, quæ con-

clusio non potest esse plus quam probabilis; verum ipsi etiam vltro hoc negant; atque hoc est, in quo plerique ex Aduersarijs, hostem sibi fingunt, ac impugnant, cum tamen, ne de hoc quidem, sit quæstio.

COROLLARIA.

51 **C**olligitur ex dictis primò, omnem opinionem, eo ipso, quod est vere probabilis, esse omnino tutam in praxi; Tutum enim dicitur, quod per se, & non solum ratione ignorantie inuincibilis, peccatum excludit; opinio autem, eo ipso, quod est certò probabilis, & consequenter prudens, per se, & essentialiter peccatum excludit; impossibile enim est, peccare eum, qui certus est, se prudenter iudicare, licitum sibi esse, hic & nunc operari; de hoc autem certus est, qui opinionem verè probabilem sequitur; hic enim certus est, opinionem illam esse dignam, quæ credatur operari, dum eam credit licitam, ac vt talem sequitur; Qui autem certus est, se prudenter operari, per illam operationem peccare non potest, cum essentialiter sit prudens, & pendens à dictamine prudentiæ.

52 Secundò; Inter opiniones probabiles; nullam dari alià magis, aut minus impossibilem cum peccato, & consequenter magis, aut minus tutam, sed omnes esse cum illo æque impossibiles, ac tutas; Cum enim omnes, eo ipso quod

quod sunt verè probabiles, sint essentialiter prudentes, omnes sunt essentialiter impossibiles cum peccato, non minus, quam sint impossibiles, omnes actus contritionis; impossibilitas autem cum peccato, consistit in indiuisibilitate; vel enim excludit totum peccatum, vel nihil. Quemadmodum ergo, inter actus contritionis, non datur vnus alio impossibilior cum peccato, ita inter opiniones vere probabiles, non datur vnus cum peccato magis impossibilis, quam alia, & consequenter nec magis tuta.

- 53 Tertiò; Opinionem certò probabilem, cum sit essentialiter prudens, æque esse prudentem, siue faueat præcepto, siue faueat libertati; quod enim faueat præcepto, aut libertati, merè per accidens se habet, ac proinde eius naturam non mutat; sic, quia æque certò iudicare possum, probabile esse, quod res, quam possideo, sit mea, & consequenter, quod eam retinere possim; & quod non sit mea, & consequenter, quod eam teneat restituere; alteram præ libito, æque prudenter eligere possum, ac sequi, quamuis vna faueat præcepto, altera libertati; quia utraque, cum sit certò probabilis, est etiam certo prudens, & consequenter tuta, & impossibilis cum peccato. Motiua verò, quæ opinionem aliquam reddere possunt certo probabilem; imo etiam fortasse moraliter certam, sunt; Doctorum auctoritas; exempla, & praxis Virorum omni exceptione maiorum; præsumptiones; titulus possessionis;

legitima consuetudo; Superiorum tolerantia in lege humana; regula ab incontinenti vitando, vel promiori bono in ijs, quæ mala sunt, quia prohibita, & similia.

- 54 Quartò; Opinionem, quæ non est certò probabilis, non esse, in praxi, tutam; quia eo ipso, quod dubitari potest, an sit probabilis, siue digna assensu probabili, voluntas intellectum prudenter determinare non potest ad eam indicandam, vt veram, & consequenter nec ipsam, in praxi, prudenter sequi potest, vt talem; ad hoc enim prærequiritur iudicium certum, quo sciat, se prudenter iudicare illam esse veram, & consequenter dignam praxi, vel vsu, cum hoc iudicium reflexum, sit dictamentum prudentiæ, immediatè regulatiuum ipsius operationis, vel praxis, & à quo operatio habet, vt sit prudens, ac recta; Hoc autem iudicium nemo habere potest, nisi verè habeat opinionem, siue assensum opinatiuum prudentem; cum enim hoc iudicium, sit experimentale, ac reflexum supra ipsum assensum opinatiuum prudentem, illum essentialiter supponit. Si ergo voluntas intellectum prudenter determinare non potest ad probabiliter iudicandum, quod opinio sit vera, neque illam prudenter sequi potest, in praxi, ideoque temere, ac imprudenter operatur, & consequenter opinio illa non est tuta; quid autem requiratur, vt de alicuius opinionis probabilitate dubitari non possit dictum est supra.

- 55 Quintò; hanc statui posse tamquam

quam regulam generalem. In rebus moralibus, illam solam opinionem probabilem, esse tutam in praxi, de qua dubitari non potest, quin sit probabilis; quia eo ipso, quod dubitare non possumus, quin sit probabilis, siue digna, quæ credatur tamquam vera, dubitare etiam non possumus, quin sit ad praxim reducibilis, siue digna, quæ ad praxim reducatur; usus enim, siue praxis, sequitur cognitionem, & voluntas intellectum. Hinc autem fit, ut usus opinionum probabilium, non cuiuscumque relinquatur arbitrio, sed ab hac certâ regulâ dependeat, quæ tandem in prudenti sapientum existimatione fundatur; tunc enim demum de aliquâ opinione dubitari non potest, quin sit probabilis, cû plures Doctores eâ le re, ex professo, tractantes, in eâ conveniunt; difficile enim est, plures decipi. Quare, quâvis hæc vel illa opinio alicui videatur esse probabilis, non tamê propterea probabilis censenda est, nisi à pluribus saltem doctoribus, de eâ, ex professo agētibz, talis esse iudicetur. Atque ita sufficientissime colligitur nimia in sequendis opinionibus licentia, ex qua tot incommoda in Christianam Rempublicam introducta sunt; & aliunde Fidelium conscientiz non nimis aretantur, fingendo peccatum, ubi vere non est, nec esse potest, & reddendo bona, opera moraliter impossibilia; sicuti fit ab ijs, qui ad recte operandum, moralem certitudinem requirunt.

Secundò probabilitatem, in sensu longe diverso accipi, dum dicitur

de opinione versante circa aliquâ actionem nostram moralem; ac dum dicitur de alijs rebus; V. G. de materiâ & formâ Sacramentorum; de medicinâ; de iure litigantium; &c.; dum enim applicatur opinioni, significat, illam esse dignam assensu opinatio; dum vero applicatur V. G. medicinæ, significat, illam ita esse utilem ad sanitatem, ut tamen possit non prodesse. Hinc autem fit, ut non valeat argumentum à rebus probabilibus ad opinionem probabilem; quamvis enim Medicus teneatur adhibere medicamentum probabile, hoc ideo est, quia vel ex officio, vel ex charitate, vel ex conventionem tacitâ, vel expressâ cum Ægro, eius sanitatem, meliori modo, quo potest, procurare tenetur, ideoque adhibere debet media magis ad hoc conducentia; Hæc autem locum non habent in opinione probabilis. neque enim homo tenetur meliori modo, quo potest, procurare salutem; alioqui status continentiz, non esset consilium, sed præceptum. Tenetur ergo solum propriam salutem simpliciter procurare, & consequenter adhibere media ad hoc utilia; Inter hæc autem est, usus opinionis vere probabilis; nulla enim lege vetitum est, sequi opinionem vere probabilem, siue opere operationem, quâ certo probabile est, non esse vitiosam. Quod autem dictum est de Medico, dicendum est etiam de Ministro Sacramentorum; nam hic etiam ex officio, vel charitate, vel Ecclesiæ consuetudine, Sacramentorum va-

lorem, quantum potest; procurare tenetur, ideoque materiam certam, vel probabiliorē adhibere, cum potest; idem de Iudice, cum hic etiam à Republicā constitutus sit, ut unicuique tribuat, quod suum est; idem de Tabellione, qui similiter, ex officio, contractuum, ac scripturarum valorem, meliori modo, quo potest, procurare tenetur; idem denique de alijs similibus.

57 Septimò; Opinionem, quod in Sacramentorum administratione adhibere liceat materiam probabilem, etiam quando adhiberi potest certa; saltem in ijs Sacramentis, quæ ad salutem sunt necessaria, vel in quibus, ex Ecclesiæ consuetudine, certus administrandi modus, est præscriptus; non esse probabilem; quia Ecclesiæ consuetudo, ac præceptum, sicut contrariam reddit certam, ita hanc reddit improbabilem. Si tamen non daretur Ecclesiæ consuetudo in contrarium; vel nullum sequeretur inconueniens, tunc esset certò probabilis, eiusque usus proinde licitus, ut melius infra patebit.

58 Octauò; Magnam esse affinitatem, inter assensum probabilem, & assensum Fidei, præsertim humanæ. Primò enim, uterque est voluntarius, ac liber. Secundò, uterque debet esse prudens; sicut enim, *qui citò credit*, ita, qui citò opinatur, *leuis est corde: Eccl. 19.* Tertiò, uterque est voluntati regula infallibilis in operando; mediata tamen, siue radicalis, quatenus est radix, ex quâ oritur dictamen prudentiæ

omnino certum, quod deindè est regula infallibilis immediata. Differunt tamen primò, quia assensus Fidei Diuinæ, est assensus firmissimus; opinatiuus verò, est formidolosus. Secundò, quia assensus Fidei Diuinæ, oritur ex iudicio euidenti credibilitatis, obligante ad ipsum assensum; Opinatiuus verò, oritur ex iudicio euidenti probabilitatis, non obligante, sed concedente ipsum assensum. Hinc autem fit, ut voluntas, ipsum pro libito, prudenter, vel imperare possit, vel prohibere, ac oppositum imperare; & consequenter etiam prudenter, in praxi, sequi modo hunc, modo illum; iuxta diuersos fines; quos ad hoc præstandum habere potest. Et sicut, cum duo præcepta incompossibilia, æqualis ferè obligationis, simul vrgent, quamcumque partem sequatur, peccare non potest: Ita, dum proposita simul habet motiua verè probabilia pro utraque parte, quamcumque partem sequatur, peccare non potest, quia semper prudenter operatur. Neque hoc est, conscientias laxare, sed regulā infallibilem recte operandi præscribere. Sicut, cum ad dandam prudenter elemosinam pauperi, præscribitur opinio prudens, quod ille sit pauper, vel cognitio certa, quod appareat pauper, hæc laxatur conscientia, nec restringitur: sed assignatur regula prudens operandi, modo supra explicato num. 31.

59 Nonò; Argumentum, quod contra opinionem probabilem afferri solet tanquam ineuitabile, nihil pror-

prorsus concludere. Sic enim arguitur, Qui suspicionem, vel formidinem habet, quod operatio aliqua sit illicita, absque peccato, eam ponere non potest; Sed qui probabiliter credit, operationem esse licitam, habet simul formidinem, quod sit illicita. Ergo, qui habet opinionem probabilem, quod actio sit licita, eam, absque peccato, ponere non potest. Hoc argumentum nullius prorsus est roboris; nam vel in maiori loquitur. vniuersaliter de omni formidine, vel suspicionem, aut scrupulo, & sic est manifestè contra omnes Theologos tam veteres, quàm recentiores, & contra communem sensum Ecclesiæ; Omnes enim in hoc conveniunt, quod operari contra scrupulum (qui nihil est aliud, quàm levis quædam suspicio, vel formido, quod actio sit illicita) non solum liceat, sed plerumque etiam sit laudabile; Imò aliquando etiam necessarium; Et rationem reddunt; Tùm, quia scrupulus, si cut non tollit iudicium determinatum, quod operatio sit licita; ità nec tollit dictamen prudentiæ ex eà ortum, a quo voluntas infallibiter regulatur in operando; Tùm quia, si, propter quamlibet formidinem, abstinendum esset ab opere, de quo probabiliter iudicamus, esse licitum, nimis ardua esset ad Cælum via, cum homines valdè raro, sine aliquà formidine oppositi, veritates cognoscant in hac vitâ.

60 Vel in eadem maiori, sermo est solum de suspicionem, ac formidine, quæ cum errore, vel ignorantia est

coniuncta; aut formido confunditur cum dubio; & tunc evidenter apparet, de hac, sermonem non esse in minori, ideoque argumentum nihil prorsus concludere; formido enim, quæ stat cum opinione, nec est, nec esse potest dubium, cum dubium essentialiter excludat adhesionem intellectus ad veramlibet partem, & consequenter etiam ipsam opinionem, siue iudicium probabile, quod operatio sit licita.

61 Imò; ex hoc ipso evidenter ostenditur, doctrinam de opinione probabili, in sensu explicato, non solum non esse novam in Ecclesiâ, sed ab omnibus Theologis, tam veteribus, quàm recentioribus, sine vllâ controversiâ fuisse, semper admissam, & suppositam tamquam omnino certam; Cum enim doceant, licitum esse, operari contra scrupulum, quia scrupulus, siue formido, non impedit iudicium determinatum, quod operatio sit licita; iam satis constat, eos admittere iudicium determinatum probabile; cui iudicio enim certo, vel evidenti, dari non potest formido, aut scrupulus partis oppositæ; hoc tamen iudicium probabile, non admiserunt tanquam regulam ultimam operandi, sed solum tanquam radicem, ex quâ deinde oritur iudiciû, siue dictamè reflexum omnino certum, quod est immediata, ac infallibilis regula voluntatis in operando.

62 Quod si, quis assereret, ultimam regulam, requisitam, ex parte intellectus ad operandum, posse esse opinionem, siue iudicium aliquod

D pra-

practicum solum probabile, is merito impugnaretur, quia hoc iudicium, verè procedere non posset à Prudentia, quæ, cum sit virtus intellectualis, semper determinatè ferretur in verum; nec ullus unquam posset esse certus, de rectitudine, ac honestate suæ operationis, prout requiritur ad rectè operandum; Verum, hoc, aut nullus, aut ferè nullus unquam ex Theologis admittit. Omnes enim, qui opinionem probabilem admittunt, afferunt etiam, ad rectè operandum, requiri necessariò dictamen prudentiæ, & Prudentiam, cum sit virtus intellectualis, debere esse, noticiam omnino certam agendorum.

63 Decimo; Quæ hætenus dicta sunt, valere in quacumque materia, dummodo in eà dari possit evidentia de probabilitate utriusque partis; eo enim ipso, quod hæc dari potest, dari etiam potest necessariò evidentia de prudenti assensu probabili ad utramque, & consequenter etiam de prudenti utriusque usu, ac electione; Vnde Iudex, duplicem legis interpretationem inveniens, utramque evidenter probabilem, modo unam, modo alteram amplecti potest, eique in praxi se conformare; dummodo tamen absit scandalum, & nullum sequatur inconveniens; & hoc, est arbitriū, quod communiter Amicis promittunt Iudices, dum ab eis rogantur.

64 Undecimo; Possè aliquem tuto sequi opinionem, quam iudicat evidenter probabilem, quamvis rationes oppositas solvere nesciat; Nam licet ipse solutionem ignoret, iudi-

cate tamen prudenter potest, Eas ab alijs posse dissolui; nemo enim tantum iudicii, aut ingenij arrogare sibi debet, ut, quod ipse nescit, putet, etiam alios omnes ignorare. Imò, in iudicio de aliorum opinionibus ferendo, imprudenter ageret, qui eas improbabiliter indicaret, quia ipse rationes oppositas solvere nescit; nò enim ideo nescit, quia ipse solui non possit, sed quia ipse hebetioris fortasse ingenij est, & non adeo perspicacis, ut alij, qui illis vix auditis, statim soluerent.

65 Duodecimo; Possè aliquem sequi opinionem aliorum, si illam iudicet evidenter probabilem. Sic enim *Arist. 1. Top. c. 1. & 1. Ethic. 4. tradit*; Virorum sapientum consilium sequi, reprehendi non posse, & *S. Thos quolib. 2. a. 10. docet*, posse vnumquemque amplecti opinionem, quam a Magistro audiuit in ijs, quæ ad mores spectant; Et ratio est clara; quia, eo ipso, quod iudicatur evidenter probabilis, iudicatur etiam prudenter credibilis, ut vera, & consequenter etiam prudenter eligibilis, ut bona. Vnde potest Confessarius, opinioni Penitentis se conformare, si eam iudicet evidenter probabilem; Nec solum potest, sed tenetur; Cum enim, Penitens, eam licite sequi possit, est ad absolutionem sufficienter dispositus, nec ullum habet impedimentum; Confessarius autem, Penitenti disposito, sine gravi culpa, absolutionem negare non potest; Tum quia Penitens ad illam habet ius, ne priuetur bono Sacramenti; Tum quia, posita causâ iudicii, qua

est

est peccatorum accusatio , siue materia , sequi necessariò debet sententia siue forma , ne mutilum reddatur Sacramentum . Tum denique , quia graue onus esset , Pœnitentem ad alium Confessarium remittere , præsertim , quando confessio facta est de mortalibus . Ità doctores communiter , quos refert , & sequitur *Baldellus lib. 4. d. 13. num. 9.*

- 66 Decimo terriò ; Posse Subditum , sequi opinionem probabilem Superioris , eique se conformare , si Superioris opinio , circa materiam præceptam , sit verè probabilis ; Si enim vnusquisque sequi Prudenter potest aliorum opinionem in rebus suis , quando hæc est verè , ac euidenter probabilis , cur non opinionem Superioris , qui iuris præsumptionem habet pro se ? Imò aliqui volunt , Subditum teneri tunc obedire , quia Superior ias habet præcipiendi , quoties non constat , rem præceptam , esse illicitam , & est in possessione istius iuris , ideòque melior est conditio ipsius possidentis , quam Subditi non possidentis . *Lesf. tamen lib. 2. c. 41. d. 9. nu. 76. Io. Sanchez in selectis d. 73. Gastrophal. tr. 1. d. 2. p. 6. num. 7.* Et alij putant , Subditum tunc non teneri obedire ; quia præceptum Superioris , strictius obligare non potest , quam præceptum Christi , & Ecclesiæ . Hoc autem nõ obligat , quando datur opinio verè probabilis , quod res præcepta non contineatur sub materia præcepta ; sic enim Pœnitens , Pœnitenti non tenetur peccatum , quod probabiliter putat , se non commississe ;

ergo neque præceptum Superioris obligabit , quoties Subdito est euidenter probabile , quod res præcepta , vel sit illicita , vel limites iurisdictionis excedat , Superior enim , potestatem non habet præcipiendi , nisi licita , & terminos suæ iurisdictionis non excedentis .

- 67 Decimo quartò ; Eum , qui habet opinionem verè probabilem de suâ iurisdictione ; licet habeat etiam , proposita motiua contraria probabilia ; posse iurisdictionem exercere ; Tum quia , dictam opinionem sequendò , prudenter operatur , vt patet ex dictis ; Tum quia , quandiu datur verimque opinio probabilis de aliquâ re , eius veritas omnino latet . Quandiu autem veritas latet circa iurisdictionem , datur error communis , qui , ex tacito Ecclesiæ consensu , sufficit , ad illam conferendam . Hinc fit , vt Parochus , quamuis sit in alienâ Parochiâ , aut Sacerdos non sit , assistere tamen possit Matrimonio , quia de hoc datur opinio verè probabilis .

- 68 Decimo quintò ; Posse Confessarium , iuxta opinionem verè probabilem , consilium dare Pœnitenti ; & Aduocatum Clientis ; quia si Confessarius , & Aduocatus , ex illâ opinione , proprias actiones regulare possunt ; cur non etiam actiones aliorum , cum eisdem iudicio de omnibus . Tum quia , & humana infirmitati multum prospiciunt , & plurima peccandi pericula videntur . *Responsum d. 6. r. 4. n. 8.*

- 69 Decimo sexto ; Posse Aduocatum sumere patrocinium Clientis , quod

ties. Hic licet contestari licite potest: hoc autem potest, quoties habet pro se, rationes verè probabile; his enim positis, licitum illi est, suum ius experiri; Nam, quod ipsi videtur solum probabile, Iudici fortasse videbitur moraliter certum; vel, quod in principio discussionis videtur solum probabile, in progressu fortasse apparebit moraliter certum. Aduocatus tamen, Clientem admonere tenetur, quem gradum probabilitatis habeat eius ius, nè Clientis plus speret, quam habet, alioquin ipse Aduocatus teneretur de damno. *Vasquez* 1.2. d.64.c.1. num.4.

70. Decimo septimò; Non solum vsum opinionis probabilis practicæ, esse licitum, sed etiam speculativæ, per se loquendo, & cum nihil obstat. Opinio speculativa dicitur illa, quæ est de aliquâ re non factibili: ut, cum quis probabiliter iudicat, rem, quam possidet, esse suam; aliquam circumstantiam non mutare speciem, Cocolatam habere rationem, non cibi, sed potus; & similia. Practica dicitur illa, quæ versatur circa aliquam operationem nostram, ut faciendam, distans, esse licitam, vel illicitam, honestam, vel inhonestam; ut, cum quis iudicat, licitam, sibi esse retentionem rei, quam possidet; talem circumstantiam non esse necessariò manifestam in Confessione. Cocolatam, ieiunium non violare; & similia.

71. Vfus ergo etiam opinionis verè probabilis speculativæ, per se loquendo, est licitus. Tum quia,

etiam opinio speculativa, eo ipso, quod est verè probabilis, est prudens, non minus quam practica. Tum quia, opinio probabilis practica, regulariter deducitur ex simili speculativa, tamquam effectus ex sua causa, cum nihil obstat; ex eo enim, quod quis probabiliter iudicat, rem, quam possidet, esse suam, statim inferri simile iudicium probabile practicum, quod rem illam retinere licite possit. Dixi tamen, cum nihil obstat, quia hæc illatio impediri aliquando potest, vel ab aliquo inconuenienti, quod ex vfu opinionis speculativæ sequeretur, vel ab aliquâ lege eundem vsum specialiter prohibente: quamvis enim probabile sit, aquam ex sale resolutam, esse materiam sufficientem baptismi; hinc tamen inferri non potest, probabile esse, quod adhiberi licite possit ad baptizandum, quia eius vsum, proximi salutem periculo exponeret. Similiter, quamvis probabile sit, panem, aquâ rosacâ confectum, esse panem vsualem; probabile tamen non est, ipsum consecrari licite posse, quia specialiter ab Ecclesiâ prohibetur. Quando tamen, nullum sequitur inconueniens, nec vlla datur prohibitio, aut consuetudo contraria: tunc vsum opinionis speculativæ, non minus est licitus, quam practicæ. Ita Suar. 10. q. in 3. p. d. 22. Sec. 3. nu. 5. Sapch. lib. 1. in dec. c. 10. nu. 76. Layman. lib. 1. tr. 1. c. 3. num. 4. Valentia 1. 2. d. 2. q. 14. p. 1. Vasq. d. 62. c. 4. Navar. c. 17. n. 280. Priu. Navar. lib. 3. de res. c. 1. d. 13.

d. 13. nn. 297. Io: Saneb. plures
referens d. 42. num. 12. Diana
p. 2. tr. 13. ref. 1. & 3. & alij cõ-
muniter.

- 72 Decimo octauo : Possẽ aliquas
opiniones, temporis decursu, muta-
ri, ita vt ex probabilibus fiant im-
probabiles, vel è contra. Potest
enim aduenire, vel noua lex, vel
noquũ decretum, vel de nouo ap-
parere aliqua ratio conuincens, quẽ
illas reddat improbables, vel è
contra. Sic, opinio, quod, qui a-
lium occidit, cum moderamine in-
culpate tueletur, quamuis non pec-
cet, fiat tamen irregularis, (quẽ
opinio apud antiquos erat com-
munis), nunc non est ampliũ pro-
babilis, quia in *Clem. si Furiosus;*
de homic. statuitur oppositum: quod
scilicet non fiat irregularis. Simi-
liter, opinio, quod datur obligatio
sub mortali recitandi matutinum
ante Missam (quam opinionem se-
quebantur antiqui) iam reddita
est fere omnino probabilis, cum
Matutinum nullam prorsus habeat
connexionem cum Missa extra-
chorum. Item opinio, quod ha-
benti conscientiam peccati mortali-
s, Sacramentalis confessio ante
communione, necessaria non sit;
quẽ ante Tridentinum habebatur
vt probabilis; post Tridentinum
facta est probabilis; quia Tri-
dentinum *sess. 13. cap. 11. ad Eccle-*
siam pacem, & vnionem conseruan-
dam, & ad vitandum scandalum,
aut aliud periculum, sub penã ex-
communicationis prohibuit; ne-
quis eam opinionem pertinaciter
teneat, aut publice doceat, vel

pradicer. Denique opinio, quod
in mortale peccatum lapsi, habitã
copiã Confessarij, statim confiteri
teneantur, quẽ erat opinio *Aleñs.*
par. 4. quæst. 77. memb. 4. ar. 3.
S. Bonauentura dist. 17. par. 2. ar. 2.
quæst. 2. & aliorum. modo cense-
tur communiter probabilis cum
S. Antonino par. 1. tit. 3. cap. 10.
§. 10. S. Tho. in 4. dist. 17. qu. 1.
ar. 3. & alijs communiter.

- 73 Decimonono; Quẽ hactenus de
opinione probabili dicta sunt, in-
telligenda esse de opinione proba-
bili, probabilitate morali, non
verò solũ Logicã, vt aliqui vo-
luerunt; Illa opinio dicitur vocẽ
probabilis, quẽ, licet, vt plurimum
aut fere semper verificetur, potest
tamen aliquando non verificari; vt;
quod sub accidentibus panis sit pro-
pria substantia; quod homo sit bipes;
quod scriptura Notarij sit vera &c.
Hæ tamen propositiones, dicuntur
physicæ, ac moraliter certæ, quia
in eis, formido de falsitate, ratio-
nabiliter, vt leuis conuenitur;
nemo enim dubitat de Notarij scri-
pturã, quia quamuis non repugnet,
Notarium ipse iri, ex eo tamen,
quod sit persona publica, ac iura-
ta, præsumitur non mentiri. Illa
opinio dicitur physica, ac morali-
ter probabilis, quẽ aliquando ve-
rificatur, aliquando non; vt; quod
post Iridem sequatur serenitas;
quod res, quam possideo, sit mea;
quod hic & nunc sit media nox;
quod votum non emissem, dum
non recorder &c.; Hæ autem dicuntur
physicæ, ac moraliter incertæ, quia
annexam habent rationabilem for-

midinem de falsitate facta enim putasse hic & nunc mediam noctem; rem, quam possideo, esse meam; me votum non emisisse &c. ut tamen de hoc ipso sim incertus; De opinionibus igitur, etiâ hoc modo probabilibus, intelligenda sunt, quæ Stenus diximus, quia de his etiam potest esse quæstio, & de his etiam locuti sunt hactenus Doctores, ut eos legentibus euidenter constabit; quæritur enim, an, si sint duo horologia, quorum unum, aliud per quadrantem præcedat; possit quis in nocte bacanalium, dum primum dat signum medię noctis, adhuc carnes comedere, probabiliter putans, aliud esse verum, licet de hoc sit incertus. Hac autem, est probabilitas moralis, non Logica; & de hac loquentes, fere omnes, asserunt, posse nos tuto in praxi sequi opinionem probabilem, dummodo sit vere probabilis. Cuius rei alia ratio vltior esse potest; quia formido iudicio opinatio annexa, sicut ab illo non tollit, quin sit iudicium determinatum, prudenter dictans, hoc opus esse licitum; ita nõ impedit, quin voluntas prudenter illud sequatur in praxi; regulara tamen semper immediate ab alio dictamine prudentiæ certò, quod ex ipso iudicio probabilis, non tamquam ex præmissâ, sed tamquam ex motiuo, reflexè formatur, & hoc solum voluit *Sancti in sum, lib. 1. cap. 6.*

- 74 Vigesimo; Quæ dicta sunt de opinione, applicari posse etiam Fidei humanæ; Hæc enim ab opinione differt solum in hoc, quod opi-

nio nititur rationibus, vel à priori vel à posteriori; Fides verò, extrinsecâ Doctorem auctoritate. Auctoritas autem, ut sit apta ad reddendam quæstionem aliquam euidenter probabilem, & consequenter prudenti fidei assensu dignam, sequitur primò; ut sit Doctorem, in eo genere, insignium, quales censentur communiter esse, qui eam impressis voluminibus, ex professio, accurate, & cum laude, tractant; de his enim iudicari prudenter potest; quod materiam illam profundius scrutati sint, ac optime noverint, ideoque quod in eâ non tam facile fuerint decepti. Secundò; ut Doctores illi non sint singulares, sed habeant socios; quantis enim vnus, aut etiam alter decipi fortasse potuerit; cum tamen plus videant oculi, quam oculus, et ipso, quod tres, vel quatuor; aut quinque Doctores in aliquâ materia insignes, in eâ conueniunt, prudenter iudicari potest, quod non omnes errauerint.

- 75 Hinc sit primò, ut in materia Theologicâ, vnus insignis Theologi auctoritas, longe maioris ponderis sit, quam quinquaginta Iuristarum, aut Canonistarum; de his enim, cum materias Theologicas vix à limine salutaruerint, dubitari semper meritò potest, quod terminos ipsos confundentes, sæpe, & in multis errauerint.

- 76 Secundò; Ut longe plus valeat auctoritas vnus Doctores classici, qui rem ex professio tractauit, quam quinquaginta aliorum, qui more pecudum, solâ aliorum auctoritate

ducti

ducti eam obiter asserunt; In opinionum enim delectu, non tam attendendus est Doctorum numerus, quam sapientia, ut optime aduertit *Paulus Comitolus lib. 5. resp. mor. quaest. 15.* Negari autem non potest; quin Theologis recentioribus, cum vere Classici sunt, magis deferendum sit quam Antiquis. Sicut enim, in cælo, à recentioribus Astronomis, nouæ veritates detectæ sunt, quæ Antiquos latuerunt; ita à recentioribus Doctoribus, in Theologia, aliisque materijs; Neque hoc mirum videri debet; nam, cum *Sapientia infinitus thesaurus sit hominibus; Sap. 7.* nouæ semper ex eo veritates extrahi possunt. ita *Sanchez lib. 1. in dec. cap. 9. num. 11.*

77 Vigesimo primò; Syllogismus certum, ac euidentem, cuius conclusio, est dictamen prudentiæ, à quo proxime regulatur quicumque opinionem vere probabilem sequitur; esse huiusmodi; *Licetum est, ponere operationem, quam certò probabile est, non esse vitiosam; eo enim ipso certò digna est, quæ prudenter eridatur non esse vitiosa, & consequenter etiam, quæ tamquam*

non vitiosa, prudenter ponatur. Sed certò probabile est (hanc operationem non esse vitiosam, ut eius motus ostendunt. Ergo licetum est, eam ponere. Ea syllogismus vndeque certum ac euidentem. Ne mireris autem leior, quod illud toties, sub varijs terminis proposuerim, quia hoc semel perfecte intellecto, difficultates omnes, quæ in hac materia fieri possunt, statim euanescent; ut considerant facile patebit; Et ex eius ignorantia, orta sunt quæstiones fere omnes, contra opinionem probabilem, excitate. Hunc verò syllogismum, requiri ad prudenter operandum, docent: *S. Thom. quolib. 8. art. 13. Nauarr. de si quis num. 63. dist. 7. de pan. Suar. de cens. disp. 40. sec. 5. num. 14. Card. de Lugo de fide disp. 5. sec. 1. num. 16. Laym. lib. 1. tract. 1. cap. 5. §. 1. Lessius lib. 1. cap. 1. disp. 1. Arias tom. 3. disp. 23. sec. 2. subs. 2. Salas 1. 2. tr. 8. sec. 5. Azor. par. 1. lib. 3. cap. 25. quaest. 12. Clauis reg. lib. 1. cap. 13. num. 13. Sanchez lib. 1. ca. 6. & lib. 6. cap. 3. & alij ferè omnes communiter cum prudentia debeat esse notitia certæ agendorum.*



Q V A E S T I O V I.

*An conscientia practice dubia possit esse
regula operandi.*

C A S V S.

- 1 **M**VLIER quædam, nondum certa de morte Mariti, alteri nupserat; Post Matrimonium verò dubitare cœpit, an secundo Marito petenti, posset debitum reddere. Cum hoc tamen dubio, petenti reddidit; quæritur; Vtrum mortaliter peccauerit.

S V M M A R I V M.

- 2 Quid intelligatur nomine conscientia dubia.
- 7 Quid, & quotuplex sit dubium.
- 8 Quid sit dubium speculativum, quid practicum.
- 9 Vxor debitum reddens cum dubio practico, mortaliter peccat.
- 10 Operari cum dubio practico, est intrinsecè malum.
- 11 Est contra præceptum, quod prohibet operationem.
- 12 Qui cum dubio practico operatur, saltem indeterminatè, vult malum.
- 13 Necessario male operatur.
- 14 Operari cum dubio speculativo, potest non esse malum.
- 15 Quando non est malum.
- 16 Dubitans de utràque parte, vel minus malam, vel utramli-

bet, eligere potest.

- 17 Ad peccandum sufficit dubium; quod operatio sit illicita.
- 18 Conscientia dubia non est propriè conscientia.
- 19 Operans cum dubio, committit peccatum illius speciei, de qua dubitat.
- 20 In dubio practico, pars tuior necessariò est eligenda.
- 21 Conscientia obiectivè dubia, in quo differat à dubià formaliter.

R A T I O N E S D V B I T A N D I.

- 2 **S**Icut nomine conscientie error, ac probabilis non intelligitur aliquid, ex parte intellectus immediate præcedens operationem voluntatis, sed error, vel opinio, quatenus ex illis oriri potest actus quidam experimentalis, ac reflexus Prudentie, certò & infallibiliter

liter dictans, operationem illis conformem, esse licitam, vel illicitam; honestam, vel inhonestam. Ita nomine conscientiz dubix, intelligitur, dubium intellectus, quatenus ex illo oriri potest similis actus reflexus Prudentiz, dictans, operationem ipsi dubio conformem, esse licitam, vel illicitam; honestam vel inhonestam; & quoniam dubium, aliud est practicum, aliud speculativum, quæritur hic de practico, an ex illo oriri vquam possit actus prudentiz, dictans, operationem illi conformem, esse licitam, an vero semper oriatur actus, dictans esse illicitam.

3 Videtur autem, etiam ex dubio practico, oriri posse actus prudentiz dictans, esse licitum operari. Ideoque Mulier mortaliter non peccasse primò; quia potest iudex; quamvis dubitet, an licitum sit, cognitum Innocentem, secundum allegata, & probata iudicare, licitè secundum allegata, & probata illum eodēmare; & Miles obedire Principi, à quo vocatur ad bellum, quamvis dubitet, an bellum sit illicitum, ut fatentur Doctores omnes communiter.

4 Secundò; quia certum est, esse licitum, cum dubio speculativo, operari; certum enim est, me posse licitè retinere rem, quam possideo, etiam si dubitem, esse alienam; Ergo erit etiam licitum, operari cum practico; dubium enim practicum, oritur necessario ex speculativo; nam si dubito, rem esse alienam, impossibile est, me statim non dubitare, an eam teneat restituere

ro; si ergo semel licitum est, operari cum dubio speculativo, necessariò debet esse licitum etiam, operari cum practico.

5 Tertiò; quia si non liceret operari cum dubio practico, sequeretur, sape necessarii homines ad peccandum; ponamus enim, quod quis ab altero gladium mutuo accepit, cum iuramento illum restituendi, quotiescunque petierit, & Dominus petat ad occidendum inimicum; in hoc casu, habens gladium, & dubitans, an liceat restituere, cum hoc dubio, licitè operari non posset, sed necessitaretur ad peccandum; Ex una enim parte, restituendo, reus esset homicidij; ex altera verò, non restituendo, reus esset periurij. Cum ergo nemo necessitari possit ad peccandum, dicendum est, posse homines, in similibus casibus, cum dubio practico, licitè operari; ideoque Mulierem, debitum reddendo, mortaliter non peccasse.

6 Quarrò; Quia qui operatur cum dubio, operatur sine cognitione determinatè bonitatis, vel malitiz ipsius operationis; qui enim dubitat, neque indicat, operationem esse licitam, neque illicitam, alioquin non dubitaret; sine cognitione autem determinatè malitiz, ac peccati, non potest quis peccare; non enim dici potest, velle malum, & peccatum, cum, hoc illi per cognitionem determinatè non acpresenteretur, ac proponatur; sicut sine cognitione bonitatis, dici non potest bene operari, quia, volens ferri non potest in bonitatem, nisi huiusmodi

Hi per cognitionem determinate proponatur; Sicut ergo qui operatur cum dubio, non bene operatur, ita nequo peccat, cum non sit maior ratio vnius, quam alterius.

NOTABILIA.

- 7 **A**duertendum est primum, Dubium propriè, esse mentis hætitationem, ortam ex eo, quòd Intellectus, proposito sibi obiecto, neutri parti assentiatur, sed remaneat quasi suspensus, & ambiguus. Ex duplici autem capite oriri potest, vt Intellectus, proposito sibi per apprehensionem obiecto, neutri parti per assensum adhæreat; Primum ex eo, quod pro neutrà parte habeat sibi propostam motiua; vt, cum dubitat, an sidera Cœli sint paria, an imparia; & tunc dicitur, habere dubium negatiuum, quod, cum, ex defectu motiuorum, deponere non possit, rationes pro alterutrà parte querere tenetur, vt illud deponat; Secundò ex eo, quod intellectus, hinc inde, propositas habeat rationes probabiles æque efficaces; Tunc enim, si cum non sit maior ratio, cur in vnam potius partem inclinet, quam in aliam, Neutri parti determinatè adhæret, sed quasi manet in æquilibrio; & tunc dicitur habere dubium positiuum, quod, vel ex imperio Voluntatis, vel rationibus, pro alterutrà parte melius perpensis, deponere potest, vni parti determinatè, per assensum, adhærendo. Quod, si intellectus, supra, huiusmodi dubia reflectens, deter-

minatè iudicet, dubium esse, an sidera sint paria, vel an aliquid liceat, aut non liceat; dicitur tunc habere conscientiam dubiā obiectiue, quia habet pro obiecto dubium. Cæterum, formaliter non est dubius, sed potius certus, cum iudicium illud sit certum, & euident; sicut, cum intellectus reflectè iudicat, probabile esse, quod aliquid sit licitum, vel illicitum; iudicium illud, dicitur conscientia probabilis obiectiue, quia habet pro obiecto probabilitatem; Cæterum, formaliter est conscientia certa, quia iudicium illud, est in se certum, ac euident; In ordine tamen ad praxim, conscientia obiectiue dubia æquiualeat conscientiæ dubiæ formaliter, quia regulariter eosdem parit effectus; sicut eodem parit effectus, iudicium probabile, quod res sit licita, & iudicium euident de probabilitate, quod res sit licita.

- 8 **A**duertendum est Secundò, dubium, aliud esse speculatiuum, aliud practicum; speculatiuum, dicitur, quando est de aliquo facto, vel iure; vt, cum quis, dubitat, an vigilium primum annum expleuerit in ordine ad ieiunium; vel, an matrimonium sit validum; an detur aliqua lex; vel præceptum; & similia; aut quando, in genere, dubitatur, an aliquid liceat, vel non liceat; vt, an liceat, dño festo, iter agere, vel dare consilium, & similia; Practicum dicitur, quando est de aliquà operatione in particulari, an ibi & nunc liceat, vel non; an sit facienda, vel omittenda; vt,

an

an liceat mihi, hunc librum legere, vel detrahentes additæ, & similia; Hoc autem dubium, regulariter oritur ex speculativo, tanquam proprietas ex sua radice; Ex eo enim, quod quis dubitat, an res, quam possidet, sit sua, oritur statim dubium; an eam restituere teneatur: ex eo quod dubitat, an vigesimum primum annum expleverit, an teneatur ieiunare, & similia; Aliquando tamen Intellectus, aliquam rationem efficacem habere potest, ratione cuius, licet speculativè dubitet, practicè tamen non dubitet; Dubitare enim quis potest; an res, quam possidet, sit sua, & tamen nullo modo dubitare, an eam liceat retinere, sed de hoc esse certus, ratione possessionis; Unde, cum dubio speculativo, stare optimè potest, indicium practicum de rectâ operatione. Ut tamen, cum dubio speculativo, rectè quis operetur, necessariò requiritur, ut aliquam rationem saltem probabilem habeat, quâ tale dubium, practicè deponat; siue quæ persuadeat, talem operationem, v. g. rei retentionem, huiusmodi esse licitam; alias, si dubio speculativo, practicum discordare non possit; his positis.

RESOLUTIO.

9. **A**D casum Resp. Mulierem, cum eo dubio, debitum reddendo, mortaliter peccasse *Suar. 10.6. in 3. p. d. 40. sec. 5. nu. 2. V. asq. 1.2. d. 65. c. 1. n. 4. Sæb. lib. 1. in dec. c. 10. Bon. d. 2. de leg. q. 4. puni 7. n. 4. Claus. reg. lib. 1. c. 13. Salas. 1.2. q.*

2. 1. tr. 8. d. 2. ff. Layman. lib. 4. v. 1. c. 9. d. 1. Lessius lib. 2. c. 1. d. 1. & alii communiter.

10. Probatum Primò; quia Mulier operata est cum dubio practico. Operati autem cum dubio practico, est interinsecè malum; eo enim ipso, quod quis dubitans, an operatio aliqua sit licita, vel illicita, illam facit, manifesto periculo se exponit faciendi illicitam, & consequenter peccandi; Exponere autem se peccandi periculo, est interinsecè malum, & ac peccatum; *Qui enim amat periculum, peribit in illud. Eccles. 3.* Cum ergo Mulier, cum dubio practico, debitum reddiderit, exposuit se periculo peccandi, sicque moraliter peccavit.

11. Secundò; quia Mulier, operando cum illo dubio, fecit contra præceptum, prohibens fornicationem. Qui enim operatur cum dubio, an aliquid sit peccatum, facit contra præceptum, quod prohibet tale peccatum; Nam præceptum, eo, ipso, quod prohibet aliquod peccatum, prohibet etiam, ne quis operetur cum dubio, illius peccati; prohibet enim, ne quis se exponat periculo proximo illius peccati, quod facit, qui cum dubio operatur. Qui autem facit contra præceptum, prohibens fornicationem, moraliter peccat. Ergo Mulier, operando cum illo dubio, moraliter peccavit.

12. Tertiò; Quia, qui facit aliquid, dubitans, esse malum, censetur, quantum in se est, illud velle, etiamsi sit malum; vult enim illud absolute, siue bonum sit, siue malum; quod

quod autem illud in se realiter non sit malum, per accidens omnino se habet, in ordine ad eius voluntatem; Voluntas autem, volens hoc modo malum indeterminatè, non minus est mala, quàm, si illud vellet determinatè; non minus enim, in vno casu, est affecta ad malum, & peccatum, quàm in alio; Cum ergo Mulier debitum reddiderit, dubitans esse peccatum, censetur reddere voluisse, etiamsi esset peccatum, ideoque peccasse.

- 13 Quartò; Quia, qui operatur cum dubio, operatur putans, operationem fortasse esse licitam, fortasse illicitam; Qui autem hoc modo operatur, necessariò malè operatur, benè enim operari non potest, cum non habeat cognitionem determinatam de honestate operationis; quæ tamen cognitio necessariò requiritur ad hoc, ut voluntas dici possit, velle bonum, & ad hoc, ut honestas operationis, sit illi voluntaria. Ergo necessariò male operatur; Eo enim ipso, quod non bene operatur, cum deberet, datur aliquis defectus in ipsa operatione, ratione cuius, non est bona; Hic autem defectus sufficit, ut operatio sit mala, quia bonum ex integrà causâ, malum ex singulis defectibus; Neque ad hoc, ut voluntas sit mala, necesse est, ut velit malum; sed satis est, si non velit bonum, quando illud velle deberet, Unde neque requiritur cognitio determinata malitiæ, sed sufficit illius cognitio sub dubio.

OBJECTIONVM SOLVTIQ.

- 14 Ad rationes autem in contrarium. Ad primam, Negatur antecedens; Iudex enim, & Miles, tunc non operatur cum dubio practico, sed speculatio; Nam Iudex, solùm in vniuersali, dubitat, an licitum sit, Innocentem cognitum iudicare secundum allegata ac probata; Cum hoc autem dubio speculatio, operari licitè potest, quia simul habere potest iudicium practicum certum, quod hic & nunc sibi liceat, propter aliquas rationes particulares, sic iudicare; Hoc autem iudicium, est regula sufficiens operandi, & consequenter sufficiens, ut operatio sit licita.
- 15 Ad secundam; Negatur consequentia; Neque enim, cum dubio speculatio, semper datur simile dubium practicum, sed solùm, quando non datur ratio aliqua specialis dubium practicum deponendi; quamuis enim dubitet quis, semper, quam possidet, esse alienam, non tamen dubitat, an illam sibi liceat retinere, sed ratione possessionis, hoc determinatè, ac certò iudicat, sicque iam habet regulam aliquam suæ operationis, quam sequatur. At, cum dubio practico, an hic & nunc sit licita operatio, nullum datur iudicium determinatum, & consequenter neque vlla regula operandi, quæ tamen, ad licitè operandum, omnino requiritur.
- 18 Ad tertiam; Negatur sequela. Qui enim dubius esset, an gladium

re-

restituere deberet ad vitandum periculum, an vero illum retinere ad vitandum homicidium, debitam prius diligentiam adhibere deberet ad veritatem inquirendam, cum recta ratio dicat, hanc esse adhibendam, ne in operando quis peccet; Si autem, illà adhibità, adhuc dubium rationabiliter deponere non posset, tunc eligere posset, quod minus malum iudicaret; Perinde enim esset, ac, si inter duo mala constitutus esset; Ex duobus autem malis, minus est eligendū; Quod si discernere non valeret, quodnam maius esset, eligere posset quodcumque vellet, quia, in re, nunquam datur perplexitas; ita, vt. homo necessarîo peccare debeat.

- 17 Ad quartā; Negatur minor; Cū enim ad peccatum, sufficiat quilibet defectus alicuius circumstantiæ requisitæ ad bonum, eo quod malum ex singulis defectibus; sequitur, ad peccatum non requirere cognitionem determinatam, quod operatio sit illicita & peccatum, sed sufficere cognitionem sub dubio; Ad peccatum enim, non requiritur, vt volente positiuè velit malum, sicut ad actum bonum requiritur, vt velit positiuè bonum, sed sufficit, si non velit debito modo bonum; Eo enim ipso, actus est defectuosus, & consequenter malus; Eo autem ipso, quod non habet determinatè cognitionem boni, sed solum sub dubio, non vult debito modo bonum; non enim ita vult, vt illud absolutè amare possit, cum ad hoc, non habeat suf-

ficientem cognitionem bonitatis, & aliunde bonum postulet amari absolutè.

COROLLARIA.

- 18 **C**olligitur ex dictis primò. Conscientiam dubiam, non esse propriè conscientiam; conscientia enim propriè, est actus Intellectus practici, iudicantis quid hic & nunc faciendum sit, tanquā licitum, vel omittendum, tanquam illicitum; qui actus, ad libertatem, & honestatem operationum voluntatis, est omninò necessarius, tanquam earum regula, eo quod, voluntas, cum sit potentia ceca, non feratur in obiectum, nisi prout illi per cognitionem proponitur. Conscientia autem formaliter dubia, nullum dicit actum intellectus; tunc enim solum datur, cum Intellectus neutri parti assentitur; Vnde, cum dicitur, conscientia dubia; idem est, ac dicere, non conscientia; sicut cum dicitur, homo mortuus, idem est ac dicere, nō homo.
- 19 Secundò, Enim, qui facit aliquid, practicè dubitans, esse peccatum; committere tale peccatum; quale dubitat illud esse; ita vt, si dubitat, esse mortale, sit mortale, si veniale, veniale; Tum quia habet affectum ad peccatum eiusdem rationis cum eo, de quo dubitat, eiusque periculo se exponit; Tum quia facit contra idem præceptum, contra quod, est peccatum, de quo dubitat, cum idem præceptum quod prohibet peccatum, prohibeat

beat etiam operari cum dubio, eo quod prohibeat, eiusdem peccati periculo se exponere.

- 20 Tertiò; In dubio pratico; teneri unumquemque, partem tutiorem eligere, & in hoc dubio, regulam illam iuris (*in dubijs tutior pars est eligenda*) non esse consiliu, sed præceptum; Ratio autem est, quia unusquisque, proximum peccandi periculum vitare tenetur; Vitatur autem solum, partem tutiorem eligendo; illa vero dicitur pars tutior, in qua nihil mali representatur, vel saltem minus; Vnde, qui dubitat, an teneatur ieiunare, ieiunium eligere, tenetur, quia sic certo non peccat, & non ieiunando peccaret, quia peccandi periculo se remere exponeret. Similiter, qui dubitat, an contraheatur, quem vult celebrare, sit usurarius, tenetur illum non celebrare, quia, non celebrando, nullum incurrit peccandi periculum, celebrando verò, peccandi pe-

riculo se exponeret. *Sanch. lib. 2. matr. d. 41. n. 9.*

- 21 Quartò; Conscientiam obiectivè dubiam, quamvis regulariter eundem effectum producat, ac conscientia dubia formaliter; aliquando tamen, aliquem effectum habere, quem non habet conscientia formaliter dubia; Si enim, proposita alicui aliquà Fidei propositionem, Intellectus, rationibus hinc inde perpenſis, neutri parti assentiatur, sed maneat ambiguus, an sit vera, vel non, non dicitur propriè hæreticus, & per consequens hæreticorum poenas non incurrit; At verò, si actu reflexo, ac iudicio determinato, affirmaret, illam Fidei propositionem, esse dubiam, esset perfectè hæreticus, quia tunc daretur consensus, siue iudicium intellectus, affirmans, rem Fidei, non esse certam; quod est hæres manifesta. *Sanch. lib. 2. sum. c. 7. na. 12. contra Suar. d. 19. de fide sc. q. num. 16.*



Q V A E S T I O V I I.

*An consensu speculatiue dubia circa ius possit
esse regula operandi.*

C A S V S.

- 1 **T**itius, mortuo Patre, inter deposita sibi ab eo relicta, Adamantem inuenit, de quo dubitabat, an esset Cæsar, an Pompeij; Cumque de hoc certificari non posset, eo quod Verique esset iam mortuus, & soli superessent Hæredes, Adamantem dedit Hæredibus Pompeij, quia eius erant amici, Quæritur, Vtrum mortaliter peccauerit.

S Y M M A R I U M.

- 6 *Dubium speculatiuum, per se loquendo, trahit practicum.*
7 *Titius, uni parti, rem dubiam applicando, mortaliter peccauit.*
8 *Operari cum dubio speculatiuo, quando non datur ratio illud practice deponendi, est intrinsece malum.*
9 *Idem est, ac operari cum dubio practico.*
10 *Vnum necessario inferitur ex alio.*
11 *In dubio iuris duorum, res vni iuste applicari non potest.*
12 *Iudex, in simili dubio, Hæreditatem diuidere tenetur.*
13 *Sola Amicitia, non est ratio sufficiens, dubium practice deponendi.*
14 *In dubio dignitatis duorum,*

Concurrentium, Episcopus vtrilibet beneficium conferre potest.

- 15 *Dubium nunquam potest esse regula operandi.*
16 *Circumstantia particulares, sunt saepe ratio sufficiens dubium practice deponendi.*

R A T I O N E S D Y B I T A N D I.

- 2 **C**onsensu speculatiue dubia, versatur, vel circa ius, vel circa factum. Examinamus hic dubium iuris, examinaturi postea dubium facti. Titius ergo, Adamantem, Pompeij Hæredibus concedendo, non videtur peccasse. Petrus Ledesma qu. 45. matr. ar. 1. d. 2. ad 3. Salom. 2. 2. quæst. 62. art. 6. contr. 4. concl. 4. Bannes ibidem quæst. 40. art. 1. d. 3.
3 *Primo; Quia dubium Titij fuit spe-*

speculatiuum; fuit enim dubium iuris; scilicet; An adamas esset Cæsar, an Pompeij. Cum dubio autem speculatiuo, potest quis licite operari. Cum dubio enim speculatiuo, optimè stare potest iudicium practicum de recta operatione; Sic Miles, de belli iustitia dubitans, formare simul potest iudicium practicum, quod sibi liceat, suo Principi illum ad bellum vocanti, obedire, quandiù de belli iniustitia non constat, sicque licite militare; Ergo etiam Titius, dubitans, an Adamas esset Cæsar, an Pompeij, potuit formare iudicium practicum, quod sibi esset licitum, Adamantem dare Hæredibus Pompeij, ratione peculiaris amicitie, quandiù non constaret, illum ad Cæsar's hæredes pertinere, sicque licite illam dare.

4. Secundò; Quia Episcopus, quando ex duobus, ad beneficium Curatum concurrentibus, dubitas, uter sit dignior, si vnus sit eius amicus, beneficium illi licite conferre potest, quia eius amicus est; quamuis enim, ex iustitiâ, teneatur, beneficium conferre digniori, quando constat de maiori dignitate; quando tamen non constat, sed de hoc est dubiũ, potest illud vni potius, quam alteri licite conferre, pro vt voluerit, perinde ac, si essent æquè digni: Sed eodem modo, Titius dubitauit, cuius esset Adamas, Cæsarisne, an Pompeij; Ergo ipse etiam potuit, illum pro libito, dare potius Hæredibus Pompeij, quam Cæsar's, & ad hoc arbitrium moueri, à peculiari ami-

citiâ, quam cum ipsi habebat; non enim magis teneatur ipse, ex iustitiâ cõmutatiuâ, respicere ius alterius, quàm Episcopus dignitatem.

5. Tertiò; Quia, quando, inter duos litigantes, non constat de æqualitate iuris, ac causæ, sed sunt hinc inde opiniones probabiles, tenentes, quemlibet, integrum ius ad hæreditatem habere, potest Iudex, cui maluerit, integram hæreditatem applicare, cum in hac applicatione, cõformet se opinioni probabili assertenti; illum, ius integrum ad hæreditatem habere, ei que integram hæreditatem esse debitam. Sed etiam, quando datur dubiũ de æqualitate iuris, ac causæ, de ipsa æqualitate non constat; Ergo tunc etiam, potest Iudex, cui cumque maluerit, hæreditatem applicare. Hoc autem totum, applicari potest Titio; nam, cum ipse etiam non constaret de æqualitate iuris partium, potuit vtrilibet, pro libito, Adamantem applicare, & consequenter Hæredibus Pompeij potius, quàm Cæsar's, propter amicitiam, quam cum illis habebat.

NOTABILE.

6. **A**duertendum est; dubiũ speculatiuum, secum regulariter necessariò trahere dubiũ practicum; ita vt impossibile sit, dari dubiũ speculatiuum, & quod ex illo non sequatur, per se, dubiũ practicum, nisi hoc, ab aliquâ circumstantiâ, aut ratione speciali saltem probabili, per accidens, vel impediatur, vel tol-

collatur; Si quis enim sciat, contra-
ctum usurarium, esse illicitum,
& dubitet, an hic contractus, sit
usurarius, dubitare necessariò de-
bet, an hic contractus sit licitus;
Nam hoc deducitur, per evidentem
consequentiam, ex illis præmissis:
similiter, si quis dubitet, an die-
bus festis, iter agere liceat, &
sciat, hodie esse diem festum; im-
possibile est, quod simul non dubi-
tet, an hodie sibi iter agere liceat;
Hoc enim evidenter sequitur ex
illis præmissis; Nisi ergo detur
aliqua specialis ratio, cogens, vel
suadens, dubium practicum deponere,
semper ex dubio speculativo,
oritur, per se loquendo, dubium
practicum; sola autem amicitia, nõ
est ratio sufficiens dubium specula-
tium deponendi, sicut neque pro-
prium beneplacitum, siue exerci-
tium propriæ libertatis; alioquin es-
set etiam ratio sufficiens dandi A-
mico rem alienam, quod tamen
nemo unquã concederet. Hoc posito.

RESOLVTIO.

7 **R**esp. Titium, Adamantem, cū
eo dubio, Hæredibus Pom-
peij tribuendo, mortaliter peccasse.
*Azor to. 1. lib. 2. nu. 16. Sanchez
lib. 2. matr. d. 41. nu. 8. Molina to. 1.
de iust. d. 113. concl. 3. Reginaldus
lib. 13. num. 83. Valentia p. 2. d. 2. qu.
14. p. 4. qu. 4.*

8 Primò; Quia Titius operatus est
cum dubio speculatiuo; dubitabat
enim, num Adamas esset Cæsaris,
an Pompeij, nec ullam habuit ra-
tionem cogentem, vel suadentem,

dubium practicum inde confurgens
deponere. Operari autem cum du-
bio speculativo, quando non datur
ratio aliqua peculiaris, tollens,
vel impediens dubium practicum,
non minus est intrinsece malum,
quàm operari cum dubio practico,

9 Secundò; Quia Titius, dubita-
uit, Adamatē esse Cæsaris. Ergo du-
bitauit etiā, esse sibi illicitum, dare
illum Hæredibus Pompeij; idem
enim est, Adamantem esse Cæsaris,
ac esse illicitum, dare illum Hære-
dibus Pompeij, vel saltem vnum
est necessariò connexum cum alio,
& ex illo inferitur. Sed dubitans,
esse sibi illicitum, dare Adaman-
tem Hæredibus Pompeij, dubitat
practicè: Ergo Titius practicè du-
bitauit, ideoque mortaliter pec-
cauit.

10 Tertiò; Quia, bene inferitur;
Adamas est Cæsaris, ergo illicitum
est, dare illum Hæredibus Pompeij,
& qui scit antecedens, scire etiam
necessariò debet consequens; Ergo
etiam, qui dubitat de antecedenti;
dubitare necessariò debet de con-
sequenti; Cum ergo Titius, Ada-
mantem dederit Hæredibus Pom-
peij, dubitans, hoc sibi esse illicit-
um, mortaliter peccauit.

11 Quartò; Quia Cæsaris Hæredes,
posito dubio, non minus ius habe-
bant in Adamantem, quàm Hære-
des Pompeij, sed omnino æquales;
Ex æqualitate enim iuris vtriusque
partis, oriebatur in Titio dubium;
Ergo Titius, cum non esset domi-
nus, sed Restitutor, illum dare non
poterat Hæredibus Pompeij. Cæsaris
Hæredibus omnino exclusus; In

E. iu-

iustum enim est, vni totum dare, & excludere alium, æquale ius habentem cum illo, cum nulla sit ratio illam excludendi, ac defraudandi iure, quod habet: Debit ergo Titius vni parti dare Adamantem, & alteri dimidium pretij, vel alio modo satisfacere parti, cui Adamantem non tribuebat; sicut enim Hæredes Pompeij, integrum Adamantem sibi vindicare non poterant, cum non haberent ius certum, ac integrum; ita neque Titius potuit, eis illum integrum applicare, Cæsaris Hæredibus exclusis; ideoque applicando, mortaliter peccauit.

- 12 Quinto; Quia Iudex, in simili dubio, ex iustitiâ, hæreditatem inter partes, habentes æquale ius facti, diuidere tenetur; nec potest, sine iniustitiâ, illam integram vni parti applicare, alterâ omnino exclusâ, cum non sit dominus, sed distributor, & hæc æquale ius habeat cum illâ, & consequenter hæreditas, non minùs ad hanc pertineat, quàm ad illam; Iudex enim, nihil aliud facit, quàm declarare, cui competat ius in hæreditatem; Cum ergo vtrique parti æquè competit, pro vtrâque parte illud declarare tenetur. Sed etiam Titius non erat Adamantis dominus, sed restitutor, & quasi distributor, & vtrâque pars, ratione dubij, æquale ius habebat in Adamantem. Ergo ipse etiam, ex iustitiâ tenebatur, vel rem diuidere, vel alio modo satisfacere parti, cui Adamantem non tribuebat; atque adeo, vnam partem excludendo, mortaliter peccauit.

OBJECTIONVM SOLVTIO.

- 13 Neque obstant rationes in contrarium; Nam ad primam resp: Cum dubio speculatiuo, esse licitum operari, quando datur aliqua ratio specialis, quæ illud practicè deponere persuadeat; secus autem, si talis ratio non detur; Per se enim loquendo, semper dubium speculatiuum, simile dubium practicum generat, cum quo, certum est, non esse licitum operari. Titius autem, nullam habuit rationem, dubium speculatiuum practicè deponendi, quia amicitia non est ratio sufficiens dandi Amico, quod suum, non est; in alio autem casu, ibi adducto, datur specialis ratio dubium practicum deponendi quia, cum nõ constet de belli iniustitiâ, & simul constet, bellum fuisse à Regio Cõfilio decretum, ac statutum, habet Miles sufficiens fundamentum presumendi, non esse iniustum, ideoque sibi esse licitum militare.
- 14 Ad secundâ Resp. In dubio, vter ex concurrentibus ad beneficium sit dignior, posse Episcopum, illud, cui maluerit, conferre; Tum quia, neuter ex eis, ad illud habet ius, etiam iustitiæ distributiue, quousque eligatur; Tum quia, iustitiâ distributiua distat, & obliga, vt vni tantum conferatur: At in casu, vtrâque pars, ratione dubij, habebat ius iustitiæ in Adamantem, quia hic erat vtriusque sub dubio, neque erat maior ratio, illum vni potius applicandi, quàm alteri, cum vtrâque pars, ius haberet æquale: Ergo diuidi

di necessariò debebat, iuxta mensuram iuris, quod qualibet pars habebat; sicut fuisset diuidendus à Iudice, si partes ad illum confugissent.

- 15 Ad Tertià Resp. quando datur opinio probabilis; iam dari regulam sufficientem operandi: At dubium, nunquam potest esse regula operandi, sed necessariò practicè deponi debet, ut quis rectè opere-
tur; nec prudenter deponi potest, nisi derur aliqua ratio illud deponendi; Cum ergo Titius, nullam rationem haberet illud prudenter deponendi, & vni parti potius adhzrendi, quàm alteri; neque prudenter potuit, vni parti potius, quàm alteri Adamantem applicare, alterà omnino exclusà, sed diuidere debuit, vel alio modo satisfacere parti, cui Adamantem non tribuit.

COROLLARIUM.

- 16 Colligitur ex dictis; Dubium Speculacium, impediri aliquando, ne generet practicum; Cum enim actus humani versentur circa singularia; dari possunt aliquando, in singularibus, aliquæ circumstantiæ particulares, ratione quarum, facere licet, quod in communi, & præcindendo ab illis circumstantiis, non esset licitum: Sic licitum est Infirmis, ratione incontinentiæ, carnes comedere, die Veneris, quod ei, seclusà infirmitate, non esset licitum; In his ergo casibus, quando datur ratio aliqua persuadens, hic & nunc, operationem esse licitam, tunc practicè deponere quis potest dubium Speculacium, & contra illud operari; Aliqua tamen ratio saltem probabilis ad hoc, necessario requiritur, quia alias, dubium, temere, & non prudenter deponeretur.



Q V A E S T I O V I I I .

*An conscientia speculative dubia circa factum ,
possit esse regula operandi .*

C A S V S .

TITIVS, dum circa mediam noctem comederet; dubitavit, an media nox adhuc esset elapsa; Cumque, adhibitâ diligentia, certificari non potuisset; cum hoc dubio, die sequenti ad Eucharistiam accessit; Quæritur; Vtrum mortaliter peccaverit.

S U M M A R I U M .

- | | | | |
|----|---|----|--|
| 8 | <i>Factum in dubio non præsumitur, sed probari debet.</i> | 17 | <i>Possessio non stat pro obligatione, quando eius incipio est incerta.</i> |
| 9 | <i>Dubium, cum post debitam diligentiam, vinci non potest, æquivalens ignorantia inuincibili.</i> | 18 | <i>Dubitans, in media nox sit elapsa, non dubitat, an sit ieiunus.</i> |
| 10 | <i>Titius, cum dubio mediæ noctis, ad Eucharistiam accedens, nō peccavit.</i> | 19 | <i>Hoc rationabiliter præsumit.</i> |
| 11 | <i>Cum dubio speculativo formari potest iudicium practicum certum.</i> | 20 | <i>Habens ius ad aliquid, propter solum dubium, illo spoliari nō potest.</i> |
| 12 | <i>Dubium facti trahit secum dubium iuris.</i> | 21 | <i>Cum dubio mediæ noctis, haberi potest certitudo ieiunii.</i> |
| 13 | <i>In dubio facti, præceptum non est in possessione obligandi.</i> | 22 | <i>Dubius de ieiunio à culpa, ad Eucharistiam accedere non potest.</i> |
| 14 | <i>Præceptum, in dubio obligationis, non obligat.</i> | 23 | <i>Dubium speculativum, fieri potest practice certum.</i> |
| 15 | <i>Dubium superveniens, certâ rei possessione, spoliare non potest.</i> | 24 | <i>An, & quando, in dubijs, tunc pars sit eligenda.</i> |
| 16 | <i>Factum dubium, post debitâ</i> | 25 | <i>Post adhibitam debitam diligentiam, qualibet pars est æque</i> |

diligentiâ, inuincibiliter ignoratur.

RATIONES DUBITANDI.

2 **D**E dubio facti, est specialis difficultas, an dari possit ratio sufficiens, ad illud prudenter deponendum; Videtur enim, dari non posse; Ideoque, Titium, ad Eucharistiam, cum eo dubio, accedentem, mortaliter peccasse, ita *Sanch. lib. 2. matr. d. 41. n. 40. Bonac. de contract. d. 1. quæst. 2. p. 2. Salas 1. 2. tom. 2. tr. 8. d. 1. sec. 25. nu. 263.*

3 Primò; quia præceptum sumendi Eucharistiam ieiunè, semper obligat. Ergo qui, dum accedit ad Eucharistiam, dubitat, an sit ieiunus, dubitat, an violet præceptum sumendi Eucharistiam ieiunè: Cum ergo Titius, antecederet ad præceptum, nullam haberet possessionem, ratione cuius, formare sibi posset iudicium practicum, quod illi liceret, ad illam sic accedere; accedendo, peccauit; possessio enim erat pro præcepto.

4 Secundò; Quia; qui dubitat, an sit ieiunus, dubitat, an sit dignus. Sed qui dubitat, an sit dignus, non potest ad sacramentum accedere sine culpa, se enim exponit periculo accedendi indignè: Ergo, qui dubitat, an sit ieiunus, ad Eucharistiam accedere non potest sine culpa, sed probare prius debet, se esse ieiunum, & tunc de pane illo edere, & de calice bibere.

5 Tertiò; Quia; qualitas non presumitur, nisi probetur, ut optime probat *Mench. consil. 35. n. 31.* Sed ieiunium est qualitas, siue conditio ad Eucharistiae susceptionem

necessaria: Ergo non presumitur, nisi probetur; Qui autem dubitat, probare non potest;

6 Quartò; Quia; volens beneficium Ecclesiasticum acquirere, probare debet, se esse legitimum; & volens ad sacros ordines promoueri, probare debet ætatem ad illos requisitam; Ergo etiam, volens recipere Eucharistiae beneficium, probare debet ieiunium naturale; Non minus enim, hoc, ad Eucharistiā suscipiendā requiritur, quàm ætas ad ordines, & esse legitimum, ad beneficiū.

7 Quintò; Quia; Ad Eucharistiam suscipiendam, non minus requiritur, esse ieiunum à cibo, & potu in corpore, quàm esse ieiunum à culpa, in animā; Sed ad dignè accedendum, requiritur, ut accedens certo sit ieiunus à culpa, in animā: Ergo etiam requiritur, ut certo sit ieiunus à cibo, & potu, in corpore; Sicut ergo peccaret, qui accederet dubius de ieiunio à culpa; ita peccabit, qui accedit dubius de ieiunio à cibo, & potu.

NOTABILIA.

8 **A**Duertendum est primò; Factum, quandiu est dubium, hoc peculiariter habere in foro externo, ut nunquam, per se loquendo, presumatur, sed habeatur pro non facto, quandiu non probatur; *Li. (enim) in bello, facta, ff. de Captivis, & postliminio reuerfis dicitur; Factum, in dubio, non presumitur nisi probetur.* Cuius rei ratio est, quia factum dubium, quandiu non probatur, ignoratur; factum

autem ignoratum, in ordine ad nos, perinde omnino est, ac si factum non esset; ideoque, nec vllum omnino effectum morale parere, aut relinquere potest. Cum autem Forum internum, semper sequatur externum, quandiu externum non nititur falsà præsumptione; sequitur, quod etiam in Foro interno, factum dubium, per se loquendo, non præsumat, quandiu non probatur. Hinc autem fit, ut quoties non probatur, rationabiliter præsumat non factum, & consequenter, quod in dubio facti; cuiuscumque, eodem modo, operari liceat, ac si factum non esset; unde fit, ut præsumptio sit ratio sufficientissima, practice deponendi dubium speculativum, circa factum.

- 9 Advertendum est secundò; Dubium speculativum, sicut essentialiter supponit ignorantiam rei, de qua dubitatur, ita, si post adhibitam debitam diligentiam, tolli non possit, æquivalere ignorantie invincibilis; vere enim vinci non potest; ideoque, eodem prorsus modo, posse quemlibet operari, ac si rem, de qua dubitat, invincibiliter ignoraret. Diligentia enim adhibita, tunc est ratio sufficiens dubium rationabiliter practice deponendi, & contra illud operandi. Hæc autem duo principia, mirum est, quot scrupulis liberent. A Prudentia enim formari possunt hi syllogismi certi, & evidentes. *Res, quæ rationabiliter præsумitur, esse propria, retineri licite potest. Sed res, quæ possidetur, & de qua dubitatur, sed non constat, esse alienam, ra-*

tionabiliter præsумitur esse propria ut constat ex dictis. Ergo retineri licite potest: Item. Licet ponere actionem, quæ invincibiliter ignoratur, esse prohibita. Sed quoties datur dubium de prohibitione, & post adhibitam debitam diligentiam vinci non potest, actio invincibiliter ignoratur esse prohibita. Ergo non obstante dubio, eam ponere licet. His ergo positis.

RESOLUTIO.

- 10 **R** Esp. Titium, cum eo dubio, ad Eucharistiam accedentem mortaliter non peccasse; ita Ioan. Sanch. disp. 42. num. 9. Emanuel Sd. v. Euch. num. 28. Medina in sum declar. 3. S. 42. Layman. lib. 1. tr. 1. cap. 5. S. 4. num. 36. Vasq. d. 65. c. 3. & alij apud istos.
- 11 Primò; Quia Titius, cum dubio speculativo de mediz noctis hora, formare potuit iudicium practicum, quod sibi esset licitum, ad Eucharistiam accedere; Cum enim dubium esset, facti; an media nox elapsa esset, vel non elapsa; sic potuit ratiocinari: *Factum, in dubio, non præsумitur, nisi probetur; sed probari non potest, mediam noctem iam esse elapsam; Ergo rationabiliter præsумitur, non esse elapsam.* Positâ autem hæc rationabili præsumptione, accedere possum, quia sum naturaliter ieiunus; Ieiunium enim naturale, ad Eucharistiam non requiritur, nisi à mediâ nocte.
- 12 Secundò; Quia; qui die Iouis comedit carnes, dubitans, an me-
- dia

dia nox effluerit, non violat præceptum abstinentiæ à carnibus; dubium enim est, an tunc tale præceptum vrgeat; Sed est etiam dubium, an tunc vrgeat præceptum ieiunij naturalis. Ergo neque violabit præceptum ieiunij naturalis; ideoque poterit, tanquam ieiunus, ad Eucharistiam accedere; hæc enim duo præcepta, quoad modum obligandi, non differunt.

- 13 Tertio; Quia, si quis haberet præceptum ieiunandi, die crastina, ieiunio naturali, & hodie dubitans de mediæ noctis horâ, comederet; per talem comestionem, ieiunium naturale non violaret; præceptum enim, non esset, pro tunc, in possessione obligandi. Ergo neque per talem comestionem, reddetur ad Communionem inhabilis. In tantum enim redderetur inhabilis, in quantum, per illam comestionem, præsumeretur, ieiunium naturale soluisse. Sed non præsumitur, ieiunium naturale soluisse. Ergo non redditur ad Communionem inhabilis.

- 14 Quarto; Quia, idem est, dubitare, an mediæ nox effluerit, & dubitare, an deserit dies hodierna, & incœperit crastina, & consequenter, an incœperit obligatio præcepti de ieiunio naturali. Sed quando est dubium de obligatione præcepti, præceptum non obligat, quia in hoc dubio, tota possessio est pro libertate voluntatis, quæ est certâ; Ergo, in dubio de mediæ noctis horâ, præceptum ieiunij naturalis, non obligat; ideoque nec violatur; & consequenter potest sic dubitans,

ad Eucharistiam, tanquam ieiunus, accedere.

- 15 Quinto; Quia, qui rem aliquam possidet, si ei dubium superuegiat, an res illa sit sua, & adhibita diligentia, dubium vincere non possit ratione certæ possessionis, vel potest re illâ, tanquam suâ, nec ob dubium superueniens, spoliari potest, aut debet certâ possessionem, quam habet: sed homo est in possessione communicandi. Ergo, ob dubium superueniens, an mediæ nox effluerit, vel non effluerit; hæc possessione spoliari non debet; Cum præsertim, stans hoc dubio, adhuc rationabiliter præsumere possit, se esse naturaliter ieiunum, eo quod sit dubium facti.
- 16 Sexto; Denique, quia unusquisque licet ad Eucharistiam accedere potest, quoties inuincibiliter ignorat, dari impedimentum; sed quoties comedens dubitat, an mediæ nox effluerit, & adhibita debita diligentia, certificari non potest, inuincibiliter ignorat, esse elapsam, & consequenter dari impedimentum; Ergo comedens, post adhibitam debitam diligentiam, non obstante tali dubio, ad Eucharistiam accedere potest. Cum ergo Titius supponatur, debitam adhibuisse diligentiam ad cognoscendum, an mediæ nox esset elapsa, neque de hoc certificari potuisse, licet ad Eucharistiam accedere potuit, ideoque accedendo, non peccauit.

OBJECTIONVM SOLVTIO.

17 **A**D rationes contrarium, Respondetur; Ad primam, Negatur Antecedens, Præceptum enim ieiunij naturalis, intelligitur incipere obligare; solum à mediâ nocte, sicut præceptum ieiunij Ecclesiastici; unde, in dubio de mediâ nocte, non pro præcepto; cuius incipio obligatoria est incerta, sed pro libertate certâ, stat possessio; Hac ergo potuit, dare Titio fundamentum sufficiens formâdi iudicium practicum, quod sibi liceret ad communionem accedere, & se reputare ieiunum.

18 Ad Secundâ Resp. Titium non dubitasse, an esset ieiunius, sed, an mediâ nox effluxisset; Cum hoc in sem dubio, rationabiliter præsumere potuit, se esse ieiunum, quia præsumere potuit, mediâ nocte nondû effluxisse, ex quodâ factum, in dubio, non præsumatur, nisi probetur.

19 Ad Tertiâ similiter Resp. Titium non dubitasse de ieiunio, sed illud sufficeret probasse ex præsumptione, quod mediâ nox non esset elapsa, quia erat dubium facti.

20 Ad Quartâ Resp. primò; Eo ipso, quod non probatur, mediâ nocte fuisse elapsam, probari sufficenter, ieiunium naturale; ex præsumptione; eo enim ipso, præsumitur, mediâ noctem non fuisse elapsam, quia factum non præsumitur, nisi probetur; unde consequenter etiam præsumitur, ieiunium naturale non fuisse solum.

21 Resp. tamen secundò, disparita-

tem esse, quia, beneficium, & ordines, sunt merus fauor, ad quem, nullum datur ius. At Eucharistia; ita est fauor, vt, ex Diuinâ benignitate, detur nobis ad illam ius, Quoties autem datur ius ad aliquid, nemo, propter, solum dubium superueniens, illo spoliatur, sed constare debet de causâ: Cum ergo non constet de solutione ieiunij naturalis, spoliari non debemus iure ad Eucharistiam accedendi, cum, sumus in illius possessione; Nam etiam Filius, qui est in possessione suâ legitimatâ, propter dubium superueniens de illegitimitate, non impeditur, ne hereditatis sit particeps cum alijs filijs legitimis.

22 Resp. Tertiò Ad Eucharistiam requiri, vt probetur solum possessio ieiunij naturalis, sicut ad beneficium, probari debet solum possessio legitimatâ. Possessio autem certa ieiunij, stare potest cum dubio, an mediâ nox sit elapsa: Ad ordines verò requiritur probatio ætatis, quia ætas, cum sit quid facti, non præsumitur, nisi probetur.

23 Ad Quintâ Resp. Obligationem ad ieiunium à culpâ, cum sit absoluta, & semper obliget, esse certam, post mediâ noctem, sicut etiam, post mediâ noctem, est certa obligatio ad ieiunium à cibo, ac potu; unde possessio tunc stat pro præcepto, cuius obligatio est certa, non verò pro excusatione, quæ est dubia. Quare, sicut, si quis mane, os ablucendo, dubitaret, an ieiunium naturale, soluisset, teneretur à communionem abstinere, quia tunc possessio stat pro præcepto, quod, est

certum, non verò pro libertate; Ita qui dubitat de ieiunio à culpa, abstinere debet, quia possessio stat pro precepto certo, non verò pro innocentia incerta. Resolutio tamen melius adhuc patebit inferius.

COROLLARIA.

- 24 **C**olligitur ex dictis primò; si-
cut opinio speculative proba-
bilis, fieri potest improbabilis
practice, per hoc, quod eius v-
sus, vel sit prohibitus, vel aliquid
asserat inconueniens; ita è contrà,
dubium speculative, fieri posse,
practice certum, ac tutum, per hoc,
quod detur aliqua ratio, ipsam pra-
xim, siue operationem honestans;
sicut enim, non obstante probabi-
litate speculative, prohibitio cer-
ta, vel inconueniens, habet vim
reddendi praxim illicitam; ita è
contra, ratio certa, ac prudens, ha-
bet vim reddendi licitam praxim,
non obstante dubio speculative.
Quare, sicut, quamvis speculative
probabile sit, aquam ex sale reso-
lutam, esse mortalem, siue certum
Baptismi, quia tamen, extra casum
necessitatis, & datur Ecclesiæ pro-
hibitio, & proximi salus periculo
exponitur, huiusmodi aqua, ad bap-
tismum, licite adhiberi non potest;
Ita è contrà, quamvis speculative
dubium sit, an media nox sit elapsa;
ad Eucharistiam tamen accedere
licet, quia datur rationalis prax-
sumptio, quod elapsa non sit, & cō-
sequenter, quod ieiunium natura-
le, ad illam requisitum, solutum non
sit: Ex hac autem præsumptione

oritur iudiciū Prudentiæ certū, & in-
fallibile de rectitudine operationis.
25 Secundò; Quinam sit legitimus
sensus illius vniuersalisissimi Axio-
matis, a quibusdam recentioribus
perperam intellecti. In dubijs, tu-
tior pars est eligenda: c. iuuenis de
spons. vel illius ex c. si quis dis. 7. de
pan. Tene certum, & dimitte
incertum. Nam primo intelligen-
da sunt de dubio, ac incertitudine
practica; cum in dubio practico,
peccandi periculo se quis exponat,
nec ullam habeat certam regulam
operandi; non vero de dubio spe-
culatiuo, quando datur aliqua ra-
tio illud prudentiæ practice depo-
nendi; tunc enim datur Prudentiæ
dictamen, siue iudiciū certum de
rectitudine operationis, vt dictum
est; & consequenter regula infalli-
bilis operandi; quā posset, sicut im-
possibile est, aliquem peccare, ita
impossibile est, peccandi periculo se
exponere, ideoquē non datur am-
plius pars minus tuta, sed utrāque
sit æque tuta, cum, in impossibili,
non detur magis, aut minus.
26 Tertio; Eadem principia, vni-
uersaliter etiam intelligi posse, de
omni dubio, antequam debita dili-
gentia, ad illud expellendum, sit
adhibita; tunc enim, dubium, si-
cut obligat ad inquirendum de le-
ge, vt vitetur periculum transgres-
sionis; ita, propter eandem ratio-
nem, obligat ad partem tutiorem
amplectendam. At, post debitam
diligentiam, cum æqualeat igno-
rantia innuncibili, vt dictum est; nō
obligat amplius ad partem tutiorem
sequendam, quia iam non datur
am-

amplius pars formaliter tior, aut minus tuta; cum enim implicet, eum, qui legem inuincibiliter ignorat, contra legem peccare, in ipsa impossibilitate transgressionis, non datur magis, aut minus. Hæc autem, sunt valde notanda, quia, his semel intellectis, cessat statim omnis difficultas in hac materia; & ex horum ignorantia, quidam, non distinguentes inter dubium speculativum, ac practicum; nec inter du-

bium, ante, & post adhibitam diligentiam; communem omnium Theologorum doctrinam, tanquam animarum salutis perniciosam, immerito damnant; cum tamen, & certissima sit, & Sacrorum Canonum, ac Sanctorum Patrum sensui, omnino conformis, ut doc. Laym. lib. 1. tr. 5. c. 3. §. 4. n. 38. plures autem casus particulares inferius afferemus 7. 12. dum ostendemus, dubium facti nullam omnino parere obligationem,

Q V A E S T I O I X.

An conscientia speculative dubia, in materia iustitiæ, possit esse regula operandi, quando datur titulus possessionis.

C A S V S.

- 2 **T**ITIVS, cum inter bona paternæ hæreditatis, sericos quosdam pannos inuenisset; de quibus dubitabat, an à Patre, mutuo fuissent accepti; nec post debitam diligentiam, certior fieri potuisset: hoc dubio non obstante, ex ijs, vestes, & alia domus ornamenta fieri curauit. Quæritur; utrum mortaliter peccauerit.

S U M M A R I U M.

- | | | | |
|---|---|----|--|
| 2 | <i>An titulus possessionis sit ratio sufficiens dubium depouendi.</i> | 10 | <i>Titius, sericis pannis utendo, cum dubio, non peccauit.</i> |
| 8 | <i>Possessio generat præsumptionem domini.</i> | 11 | <i>Legitima Possessio, est sufficiens titulus Conscientiam dubiam depouendi.</i> |
| 9 | <i>Forum internum conformatur externo, & cur.</i> | 12 | <i>Cur, in dubio, melior sit conditio Possidentis.</i> |

13 Pos-

- 13 *Possessio, in dubio, sufficit ad formandum iudicium certum de licito rei usu.*
- 14 *Cur Possessor praferendus sit Domino dubio.*
- 16 *Dubium, in Inchoante possessionem, impedit bonam fidem non in Continuante.*
- 17 *Possessor, rem, in dubio retinendo, nulli se periculo exponit.*
- 18 *Possessio, utramlibet partem reddit omnino tutam.*
- 20 *Dubitans de valore Matrimonij, an petere possit.*
- 21 *Possessor, debitam diligentiam omittens, ad dubium vincendum, tenetur ad restitutionem.*
- 22 *Ante adhibitam diligentiam, re possessa vti non potest.*
- 23 *Post illam, vti potest; si tamen vendat, Emptorem monere tenetur.*
- 24 *Possessionem Inchoanti, cum dubio, non fauet possessio.*
- 25 *Depositarius, ad quid, in dubio, teneatur.*

RATIONES DUBITANDI.

- 2 **C**um ex dictis constet, vnumquemque, non obstante dubio speculatio, licite operari posse, quando datur ratio aliqua sufficiens ad illud practice deponendum; Quæritur, an, in materia iustitiæ, titulus possessionis, sit sufficiens ratio simile dubium practice deponendi, eoquæ non obstante, licite operandi.
- 3 Videtur autem non esse, ideoquæ Titium mortaliter peccasse. Ita A-

drian. 4. de restit. quæst. de praesent. & quolib. 2. art. 2. Sotus lib. 4. de iust. quæst. 3. art. ult. Ledesma p. 2. quæst. 18. art. 1. d. 14. Aragon. 2. 2. quæst. 62. art. 1. tract. de Dominio.

- 4 Probatur primò; Quia Titius, dubitans, pannos esse mutuo acceptos, dubitavit, an essent alieni, & consequenter, an eos teneretur restituere; Cum hoc autem dubio, illis licitè vti non poterat, quia exposcebat se periculo vtendi re non sua, siquæ peccandi contra iustitiam; Neque solùm operatus est cû dubio speculatio, sed etiam pratico.
- 5 Secundo; Quia; in dubijs, tutior pars est eligenda c. Iuuenis de Spõsalibus & c. ad audientiam; de homic. Sed tutius est restituere, quàm retinere, cum in restitutione, nullum possit esse peccatum, in retentione verò esse possit. Ergo Titius dubitans, an panni essent alieni, eos restituere tenebatur; ideoque, non restituendo, sed ijs vtendo, peccauit.
- 6 Terriò; Quia Titius, posito illo dubio, eos pannos saltem diuidere tenebatur cum pauperibus, si de nullo certo Domino dubitabat; Ratione enim dubij, vel alius Dominus, vel Pauperes, loco illius, æquale ius habebant; Ergo, manente illo dubio, eos saltem diuidere tenebatur, vt seruaretur æqualitas ideoque, non diuidendo, peccauit.
- 7 Quartiò; Quia, si is, qui rem aliquam, in dubio possidet, eà vti possit, sequeretur, etiam Coniugè, in dubio de valore matrimonij, eo vti

veti posse, ideoque non tantum reddere; sed etiam petere, ratione possessionis. Consequens autem est falsum; *Tam ex d. Dominus de se cum nupt. & cap. Inquisitioni, de sent. excom.* Vbi expressè hoc desinitur. Tum quia; ex debiti petitione, imminet periculum fornicationis, si non sit verus Coniux. Tum denique; quia; ante adhibitam diligentiam ad tollendum dubium, non licebat petere. Ergo, cū idem dubium maneat, post adhibitam diligentiam, nec post illam petere licebit.

NOTABILIA.

8 **A**duertendum est primò; Possessionem, ex naturā suā, esse actum, siue exercitium; imo complementum domini; tunc enim aliquis; dicitur esse rei alicuius perfectè dominus, cum eam iuridice possideat. Hinc autem fit primo: vt in iure, possessio bonæ fidei, ad certum tempus continuata, habeat vim præscribendi; hoc est, transferendi dominium rei possesse, in ipsum Possessorem. Secundò, vt habeat vim, generandi præsumptionem iuris; hoc est; verisimilitudinem, siue euentem quandam probabilitatē, quod res possessa vere sit Possessoris. Sicut enim actus, conaturalior indicat potentiam, à quā procedit, & quilibet effectus suam causam; Ita legitima possessio, est indicium domini; Atque ita etiam statuitur in c. si Virgo: 34. q. 1. & L. 15. qui destinant: ff. de rei vindic. & L. 1. in fine C. de condit. in-

sertis; & probat Menosch. de præsumpt. lib. 1. q. 4. Vade Possessor bonæ fidei, re possessā, nunquam spoliatur, donec plene, ac euidenter probetur, ad illum non pertinere; nec ipsi incumbit onus probandi, quod res sit sua, sed alteri prætendenti; *Et reg. 65. de reg. iuris in 6. dicitur: in dubio, siue in pari delicto, ac causā, meliorem esse conditionem possidentis.* Tum quia, cum possidens, habeat, pro se, iuris præsumptionem; quandū delictum, vel ius, non probatur, Reus absoluitur, & remanet in possessione suæ innocentia, vel rei, quam possidet. Tum quia Possidens, in re, quam possidet, habet non solum ius dominiū dubium, sicut alius prætendens, sed præterea etiam ius certū possessionis, quod alius non habet. Hæc tamen, locum non habeant in possessione malæ fidei, quia hæc, à iure, merito reprobat. Titulus ergo possessionis, in foro externo, est Iudici sufficiens ratio, in dubio iuris, bonæ fidei Possessori, rem possessam prudenter concedendi, & consequenter etiam ipsi Possessori, rem possessam retinendi.

9 Aduertendum est secundò. Forū internum conscientia, semper conformari externo, quando hoc, falsā præsumptione non nixitur. Ratio autem est; quia, cum utrumquē Forum, procedat modo humano, eo ipso, quod internum, externo conformatur, rationabiliter, ac prudenter procedit; Hoc autem sufficit, vt in Foro interno, rectè quisiudicet, ac operetur; Sicut enim in foro externo, inter Actorem, & Reum

& Reum, est Iudex à Republica constitutus, ut unicuique tribuat, quod suum est; Ita, in Foro interno, inter hominis Libertatem, ac Præceptum, siue legem, constituta est à Deo Conscientia, tanquam Iudex, ut unicuique tribuat, quod suum est. Et sicut Iudex, in Foro externo, agit ad poenam imponendam; Ita Conscientia, in Foro interno, ad impurandam culpam; Denique, sicut, in Foro externo; Iudex, per suum iudicium, est regula infallibilis rectè viuendi; ita Conscientia, per suum, est regula infallibilis rectè operandi. Vnde, cum Forum externum, cogit ad seruandum promissum, vel quid simile, etiam internum, ad idem obligat sub mortali; & cum Forum externum supplet defectum iurisdictionis, illum etiam supplet Forum internum; Et ideo hanc variusque Fori conformitatem, tenent *Bald. Authent. ingressi. num. 49. cap. de Sacros. Eccl. Sotus lib. 4. de iustit. quæst. 5. art. 3. Couarrus. in cap. cum esset. num. 7. de testam. Garzias tom. 2. de benef. par. 9. cap. 1. num. 10. Salas. quæst. 21. tract. 8. disp. vnic. sect. 18. num. 166. Thomas Sanchez lib. 1. de matrim. disp. 5. nu. 20. & lib. 2. disp. 41. nu. 12. & lib. 2. in dec. cap. 10. num. 9. & lib. 2. cap. 23. num. 40. Vasquez 1. 2. tom. 1. disp. 66. cap. 1. num. 3. Suar. de Genf. disp. 40. sec. 5. nu. 16. Io. Sanchez in select. disp. 42. n. 4. & disp. 48. num. 55. & alij plurimi ab his relati. Cum ergo titulus possessionis, in Foro externo, sit ratio sufficiens retinendi rem pos-*

sessam, erit etiam in Foro interno. His positis.

RESOLVTIO.

10 **R**esp. Titium, sericis pannis vendendo, cum eo dubio, nullo modo peccasse. Ita *Thom. Sanchez. lib. 2. matr. disp. 41. num. 12. Coninch. de Sac. disp. 34. dub. 10. num. 93. Io. Sanchez. disp. 43. nu. 12. Clauis reg. lib. 1. cap. 13. num. 13. Vasq. disp. 66. cap. 7. num. 36. Salas 1. 2. tract. 8. disp. vnic. f. 23. num. 223. Azor. tom. 1. lib. 1. cap. 19. quæst. 5. Molina tom. 1. de iust. tract. 2. disp. 35. in fine Conarumias reg. possessor 2. par. 9. 7. num. 4.*

11 **P**rimò; Quia, Cum Titius, pannos illos, inter bona hereditaris, inuenisset, eos, bonà fide, possidebat. Ergo eos licitè, non obstante dubio, retinere sibi poterat; possessio enim, est sufficiens titulus conscientiam dubiam deponendi, & retentionem honestandi, eo quod, ex regulà 65. de reg. Iuris in 6. in pari delicto, & causà, melior sit conditio possidentis. Sed in dubio, par erat causa, quantum ad illorum pannorum dominium; par enim in eos dominium habebant Titius, ac Dominus incertus. Ergo melior erat conditio Titij possidentis; ideoque licitè eos poterat retinere.

12 **S**ecundò; Quia, ideo, in dubio, melior est conditio possidentis, quia, in dubio, Possessor præsumitur Dominus rei possessæ, & præsumptio iuris habetur pro veritate.

te, donec oppositum manifestè probetur. Vnde, in Foro externo, in hoc dubio, protegitur Possessor in sua possessione, nec aliquid compellitur restituere. Sed præsumptio iuris, est titulus sufficiens, ad licitè retinendam, in dubio, rem possessam, & dat ius sufficiens, ad dubium speculativum practicè deprehendendum; est enim titulus sufficiens, in Foro externo, & iudicia Fori interni, & externi diuersa non sunt, nisi quando Forum externum falsè innititur præsumptioni, internum verò nouit veritatem. Ergo, cum, in casu, res in utroque Foro sit dubia, etiam possessio erit titulus sufficiens, ad eandem rem, in dubio, licitè retinendam.

13 Tercio; Quia, posita possessione, formare sibi potuit Titius iudicium practicum certum de licità pannorum retentione, ac vsu, deductum, non ex dubio speculativo, sed ex certis principiis; Sic enim, ratiocinari potuit. *In dubio, melior est conditio possidentis, & possidens præsumitur dominus; ideoque uti potest re possidè. Sed ego pannos possideo. Ergo ego præsumor Dominus; ideoque illis licitè uti possum.* Posito autem hoc iudicio, pannos retinendo, iisque utendo, non peccauit; habuit enim iudicium practicum certum de licito eorum vsu, & consequenter regulam sufficientem ad rectè operandum.

14 Quarto; Quia, quamvis Titius, ratione dubij, haberet æquale ius proprietatis & dominij cum Domino incerto, habebat tamen ius non

dubium, sed certum possessionis. Ergo retinendò, ac possidendo, nulli fecit iniuriam, sed vsus est iure suo, & consequenter non peccauit.

15 Neque dicas; per dubium, Titij, possessionem fuisse interruptam, eo quòd cessauerit bona fides, quæ consistit in hoc, quod possidens putet, rem, quam possidet, esse suam; Qui autem dubitat; hoc existimare non potest. Cessante autem possessione, iam ius veriusque partis fuisse æquale, ideoque pannos retineri non potuisse à Titio, sed cum pauperibus fuisse diuidendos.

16 Nam, dubium, quamuis bonam fidem impediat in incipiente possidere, quia iniuste rem sibi arrogat, quam non magis existimat ad se, quam ad alium pertinere; in continuatione tamen possessionis, illam non impedit, quia ad continuationem possessionis, sufficit, quod ignoretur, rem esse alienam; hac enim ignorantia posita, dum res non probatur esse aliena, semper pro possidente est præsumptio, ut dictum est. Vnde illi semper fauendum est, nec obligandus est, aliquid restituere. *Less. lib. 3. c. 6. dub. 3.*

OBIECTIONVM SOLVTIO.

17 **A**D rationes autem in contrarium, resp. ad primam; Titium, quamuis dubitauerit, pannos esse suos, non tamen dubitasse, an eos restituere teneretur; cum eos possideret; & possessio sit titulus, ac ratio sufficiens dubium speculati-

culatium deponendi, & formandi iudicium practicum certum, ut dictum est; Neque pannos retinendo, vlli se periculo magis exposuit, quam si inuincibiliter ignorasset, esse alienos; cum enim debitam adhibuerit diligentiam, dubium illud, factum est, æquiualens ignorantie inuincibili. Sicut ergo si inuincibiliter ignorasset, esse alienos, nulli se periculo formaliter exposuisset, ita nulli periculo se exposuit, eos, cum illo dubio, retinendo.

- 18 Ad 2. In dubio practico, tutiorem partem esse eligendam, & quando nulla datur ratio sufficiens, ad dubium practice deponendum. At in dubio speculatio, nulla datur obligatio, partem tutiorem eligendi, quando adest iusta causa, dubium practice deponendi, & contra illud agendi. Neque Titius, pannos retinendo, vlli iniustitie periculo, se formaliter exposuit; Quamuis enim panni, à parte rei, forsitan essent alieni, optimam tamen habuit rationem illos retinendi, iisque vtendi; Hæc autem ratio, illum ab omni iniustitie peccato excusauit, ut dictum est; parumque refert, an, à parte rei, panni essent sui, vel alterius.

- 19 Ad 3. Resp. posito illo dubio, Dominum incertum, habuisse quidem æquale ius proprietatis cum Titio, sed non æquale ius possessionis. Hoc autem reddidit Titio licitam retentionem, ac possessionis continuationem, quandiu non constabat de certo domino.

- 20 Ad 4. Resp. Concedendo, quod

dubicans de valore matrimonij, post adhibitam diligentiam, non solum reddere possit, sed etiam petere debitum; est enim Possessor bonæ fidei, non minus, quam Possessor cuiuscumque alterius rei. Si ergo, in alijs materijs, possessio est titulus sufficiens, vtendi re, de qua speculatiue dubitatur, an sit sua; erit etiam sufficiens in matrimonio, cum post debitam diligentiam, dubitatur, an alter Coniux, sit suus; Neque cum tali dubio, ad illum accedendo, exponit se formaliter periculo fornicationis; cū, ratione suæ possessionis, practice non dubitet, & fornicatio sit accessus solum ad cognitam non suam.

Ad 5. autem *Dominus*; respondetur; Eam definitionem intelligendam esse, quandiu non est adhibita debita diligentia; quamuis enim ibi, ius loquatur indistincte, ratio tamen distinguere cogit, ne bonæ fidei Possessor, ob dubium inuincibile, ab usu rei suæ, in perpetuum abstinere cogatur. Ante adhibitam autem diligentiam, petere non licet, quia tunc, petens, fornicationis periculo se exponeret; nondum enim est Possessor bonæ fidei; Ac post adhibitam diligentiam, ratione possessionis, nulli periculo moraliter se exponit, perinde ac, si ignorantia inuincibili laboraret; dubium enim, cum, post adhibitam diligentiam, vinci non potest, æquiualeat ignorantie inuincibili; ut dictum est.

COROLLARIA.

21 **C**olligitur ex dictis primò ; Possidentem, si, adueniente dubio speculatio, an res possessa sit sua, omittat debitam diligentiam, ut veritatem assequatur, & ea omisio sit causa, ne veritas amplius imposterum deprehendi possit; teneri restituere, vel ei, de quo dubitat, an sit dominus, vel, eo ignoro pauperibus, partem valoris rei, maiorem, vel minorem, pro quantitate dubij; quia Possidens, per tale dubium, accedente eà negligentia culpabili, constituitur Possessor malæ fidei. Hic autem, tenetur ad restitutionem, cum possessio ei non faueat. *Leff. lib. 2. c. 14. d. 4. num. 23.*

22 Secundò; Possessorem; ante adhibitam diligentiam ad veritatem assequendam, teneri à rei usu, vel alienatione, abstinere, quia frustra Dominum inquireret, pro ut teneretur, si ei rem integram conservare non teneretur. Si tamen res, de qua dubitatur, esset equus, vel servus, posset dubitans, dum diligentiam adhibet, eo uti, animo solvendi Domino, pretium illius usus, deductis expensis, quia in hoc, Dominus non posset esse rationabiliter iniurus. *Vasqu. 1. 2. qu. 66. c. 7. n. 36.*

23 Tertiò; Possessorem, post debitam diligentiam, domino non inuento, non solum licet rem retinere, ac possidere posse, sed eà etiam uti, eamque alienare, quia, si

iuste possidere potest, nulla est ratio, ob quam, debeat ab eius usu perpetuò abstinere; Si tamen rem, cum hoc dubio, possidem, venderet; Emptorem, de vitio admonere teneretur, quia aliàs rem vitiosam venderet, tacito vitio, quo cognito, Emptor, eam nunquam emisisset, & ex tali emptione, sequi posset Emptori damnum *Clavis regia lib. 10. tr. 2. c. 3. n. 29.*

24 Quartò; Possessorem, quando coepit, rem possidere, dubitans esse alienam, eo quod eam emerit, vel dono acceperit, dubitans esse furtivam; si post adhibitam diligentiam, adhuc remanet dubius, teneri ad restitutionem, quia, cum non coeperit bonà fide possidere, ei non suffragatur possessio, ut in dubio, eius conditio, sit melior; Non tenetur tamen integrè restituere; quia licet ei non ita suffragetur possessio, ut ratione illius, possit rem integram retinere, cum tamen, post adhibitam diligentiam, non constet, esse alienam; hoc satis est, ut non teneatur rem integram, sed solum eius partem, pro ratione dubij, restituere. *Rebell par. 1. oblig. Inst. lib. 2. de rest. quæst. 5. nu. 7.*

25 Quintò; Depositarium, ac Commodatarium, si dubitent, an, eorum culpa, depositum, vel commodatum perierit, & post adhibitam diligentiam, dubium vincere non valeant, non teneri ad restitutionem; quia, cum delictum, in dubio, non præsumatur. *L. Merito ff. pro socie: Depositarius, & Commodatarius, sunt in possessione propriæ innocentie, ratione cuius possessio,*
nis,

nis, eximuntur ab omni onere restituendi, quandiu delictum certo

non constat: Bonacc. de contr. et. d. 1. quæst. 2. pun. 4. num. 4.

Q V A E S T I O X.

An Conscientia speculative dubia, possit esse regula operandi in materia aliarum virtutum, quando datur titulus possessionis.

C A S U S.

I T I T I V S, Cum instaret quadragesimale ieiunium, dubitare coepit, an vigesimum primum annum adhuc expleuisset; omniq. adhibita diligentia, certificari de hoc non potuit. Quæritur, vtrum ieiunare teneatur.

S U M M A R I U M.

- | | |
|---|--|
| <p>9 In Foro interno, Conscientia est legitimus Iudex inter Voluntatem, ac Legem.</p> <p>10 In quacumque materia, melior est conditio Possidentis.</p> <p>11 Quando in dubio tutior via sit eligenda.</p> <p>12 Quomodo dari simul possint dubium speculativum, & indicium practicum certum.</p> <p>13 Obligatio non ligat, nisi Conscientia sit nota.</p> <p>14 Dubitans an. 21. annum expleverit, ieiunare non tenetur.</p> <p>15 In omni materia, Possessor, prater ius dubium, habet certam possessionem.</p> | <p>16 Titulus possessionis, omnibus Vir-
tutibus est communis.</p> <p>17 In Foro externo obligatio dubia
non ligat.</p> <p>18 Operans cum dubio, ante debi-
tam diligentiam, iuste pu-
nitur.</p> <p>19 Cur aliquid etiam moraliter cer-
tum, appelletur aliquando du-
bium.</p> <p>20 Preceptum, in dubio, obligat, cum
pro ipso fiat possessio.</p> <p>21 Cur ex homicidio dubio contra-
batur irregularitas.</p> <p>22 An semper, ex duobus malis, mi-
nus sit eligendum.</p> <p>23 Quando nam dubium facti tra-
bat dubium iuris.</p> <p>24 Dubitans de precepto, post de-
bi-</p> |
|---|--|

- bitam diligentiam, non obligatur.*
- 25 *Similiter, nec dubitans de Voto, aut Iuramento.*
- 26 *Lex certa, licet quoad circumstantiam dubia, obligat.*
- 27 *Dubitans de impedimento dirimente, post debitam diligentiam, Episcopi dispensatione non indiget.*
- 28 *Dubitans de matrimonij valere, an petere possit.*
- 29 *Alij tituli, prater possessionem, sufficientes ad dubium deponendum.*

RATIONES DVBITANDI.

- 2 **S**icut in materia iustitiae, possessio rei, est sufficiens ratio eam, in dubio, retinendi. Ita quæri solet, an in alijs materijs, similis possessio propriæ libertatis, sit iusta causa eam retinendi, ac conservandi, cum de aliquo præcepto, vel lege dubitatur, & post adhibitam moralem diligentiam, dubium vinci non potest. Videtur enim, non esse causa iusta, ac sufficiens; & consequenter Titium, stante eo dubio, ad ieiunium teneri. Ita *Vasq. l. 2. d. 65. cap. 3. Clavis reg. lib. 1. cap. 13. art. 36. Azor. tom. 1. lib. 2. cap. 19. quæst. 10. & lib. 11. cap. 15. quæst. 2. Comit. lib. 2. quæst. 12. Turrian. de cons. d. 3. d. 1.*
- 3 **P**rimò; Quia, *In dubijs, tutior pars est eligenda, ex illud de Cleric. excom. ministr.* Ibi enim Pontifex expressè declarat, dubitatem de suâ excommunicatione, esse deponendum, si ante absolutio-

nem, celebrauerit; huiusque rei rationem reddit; *Quia, in dubijs, tutior via est eligenda; Quam rationem, Pontifex supponit tanquam principium morale, vniuersaliter iam receptum; illique innixus, declarat, celebrantē cum dubio de suâ excommunicatione, esse deponendum; Nam, si ipse, principium illud tunc statuisset, ex vi illius, iurè deponere non potuisset Clericū, qui antea, cū eo dubio, celebrauerat: contra nullam enim legem deliquisset: Cum ergo tutius sit, ieiunare; dicendum est, Titium, de suâ atate dubitantem, ad ieiunium teneri; sic enim nulli peccandi periculo se exponit.*

- 4 **S**ecundò; Quia, *In ijs, quæ dubia sunt, quod certius existimamus, tenere debemus: ex cap. Iuuenis; de Sponsal.* Ibi enim, ex hac sola ratione, decernit Pontifex, Iuuenem, qui puellam nondū septennem duxerat, & postea illius consobrinam sibi in matrimonium copulauerat, debere ab hoc posteriori matrimonio, tanquam irritò, separari, ratione impedimenti publicæ honestatis; quod tamen erat dubium, sicut erat dubius valor priorum sponsalium; Imò erat præsumptio de nullitate, cum fuissent contracta ante septennium; Cum igitur certius sit ieiunium, quàm omisso ieiunij, dicendum videtur, Titium, in dubio, teneri ad ieiunium.
- 5 **T**ertiò; Quia extra materiam iustitiæ, possessio non est titulus sufficiens ad eligendam in dubio partem, cui fauet possessio, quamvis sit

fit minus tuta; Tum quia possessio; est titulus solius iustitiæ proprius; Tum quia, si etiam in materiâ aliarum virtutum, præter iusticiam, possessio esset titulus sufficiens ad eligendam, in dubio, partem minus tutam, nunquam haberet locum principium illud: *In dubijs, tutior pars est eligenda*; Semper enim eligi posset pars favorabilior libertati, quamvis minus tuta; quia, in quocunque dubio, semper datur certa possessio propriæ libertatis; Imò, in dubio, nullum præceptum obligaret, quia semper melior esset conditio libertatis possidentis; Cum ergo, extra materiam iustitiæ, non detur titulus possessionis, dans ius ad licitè operandum contra conscientiam speculatiue dubiam, & ad dubium practicè deponendum, & ad partem etiam minus tutam eligendam; dicendum est, in aliis materiis, partem tutiorem esse amplectendam; ideoque Titium, in dubio, teneri ad ieiunium.

6. *Quartò; Quia, si in dubio, titulus possessionis suffragaretur, in materiâ aliarum virtutum, extra iusticiam; sequeretur, dubitantem de homicidio, non esse irregularem; Cum enim unusquisque possideat immunitatem ab irregularitate, melior esset conditio eam possidentis. Consequens autem est contra c. ad audientiam: Cre. significasti; de homicid.*

7. *Quintò, Quia ex duobus malis: quorum alterum necessariò eligendum est, minus est eligendum; cap. duo mala d. 13. Ergo à fortiori, cū dubium est, an aliquid sit illicitum,*

eligendum est, quod tutius est, & in quo nullum est peccandi periculum; Nullum autem est periculum in electione ieiunij.

8. *Sextò; Quia, si quis dubitet, an aliquis dies festus, sit de præcepto, necessariò dubitare etiam debet, an teneatur, eà die, sacrum audire; Sed, stante hoc dubio, licitè operari non potest, nisi partem tutiorem amplectendo, & sacrum audiendo: Ergo tenetur sacrum audire; Cum ergo Titius, dubitans, ad vigesimum primum annum expleverit, dubitare etiam necessariò debeat, an ad ieiunium teneatur; licite operari non poterit, nisi partem tutiorem amplectendo, ac ieiunando; ideoque tenetur ad ieiunium.*

NOTABILIA.

9. **A**duertendum est primò; Voluntatem, cum sit potentia exca, immediate obligari non posse, nisi à Conscientiâ; Lex enim obligare non potest, nisi prius sit cognita, & voluntati, per Conscientiam, proposita; Imò eo solum modo obligari, quò à Conscientiâ proponitur; hoc est, vel tanquam certa, vel tanquam probabilis, vel tanquam dubia, pro vt à Conscientiâ, per iudicium experimentale, reflexum, euidenter indicatur, vel certa, vel probabilis, vel dubia. Hinc autem fit, vt, cum sola Conscientia, in Foro interno, voluntatem immediate obligare possit, ipsa etiam sola, in eodem Foro, sit Index legitimus, & Ordinarius,

inter voluntatem, ac legem; sicut, in Foro externo, solus Superior, est Ordinarius, ac legitimus Iudex inter Subditum, & Accusatorem. Hinc autem sequitur primò, quod sicut, in Foro externo, Iudex, quandiu est incertus, ac dubius de delicto, Subditum iuste, ac rationabiliter, innocentiam, quam certo possidet, spoliare non potest; Ita, in Foro interno, Conscientia, quandiu est dubia, ac incerta de legis obligatione, voluntatem, iuste, ac rationabiliter spoliare non possit libertate, quam certo possidet. Secundò; quod, sicut, in Foro externo, certa innocentie possessio, est Subdito ratio sufficiens gerendi se tanquam innocentem, quandiu Iudici delictum certo non constat; ita, in Foro interno, certa possessio libertatis, sit Voluntati ratio sufficiens, gerendi se tanquam liberam, quandiu legis obligatio, Conscientie certo non constat. Tertio, quod sicut in Foro externo, ut Subditus, certà possessione suæ innocentie spoliatur, non satis est, quòd delictum notum sit alijs, sed requiritur, ut ipsi Iudici notum sit, cum ab hoc solo, & non ab alijs, iuridice, innocentie possessione, spoliari possit; ita in Foro interno; ut Voluntas, certà libertatis possessione priuaretur, non satis sit, quod legis obligatio vere detur, aut nota sit Deo, vel Angelis, aut alijs hominibus; sed necessario requiritur, ut ipsi Conscientie certo constet, cum Voluntas, ab hac solà, & non ab alio, suà libertate priuari possit. Imò, sicut, quamvis legis

obligatio vere non daretur, si tamen à Conscientia, per errorem, iudicaretur, dari; hoc sufficeret, ut voluntas ligaretur; & proprià libertate priuaretur; ita e contrà, quamvis vere detur; si tamen hoc Conscientie certo non constet; hoc sufficit, ut Voluntas, proprià libertate non priuaretur; Voluntas enim, obligatur à lege, non pro ut est in se, sed solum pro ut illi, per Conscientiam, proponitur.

10 Aduertendum est secundò. Ex ijs, quæ dicta sunt, satis constare, Principium illud: *In dubio, melior est conditio possidentis*. Verificari, non solum in materià Iustitiæ, sed etiam in materià aliarum Virtutù; sicut enim, in Foro externo, possidet quis suam innocentiam, quandiu Iudici delictum certo non constat; ita, in Foro interno, certo possidet suam libertatem; quandiu, in Conscientie tribunali, certo non constat de legis obligatione. Sicut ergo, in dubio delicti, certa innocentie possessio præualeat, & est ratio sufficiens gerendi se tanquam innocentem; ita in dubio obligationis, certa libertatis possessio præualebit, eritque ratio sufficiens se tanquam liberum gerendi; non est enim prior ratio vnius, quam alterius. Neque mirum videri debet, quod ante tribunal Conscientie, inter Legem, & Voluntatis libertatem, agitur, iudicium; nam Deus ipse, Conscientiam constituit Iudicem, ut nomine ipsius, in hac causà pronunciet. Addo tamè, in dubio iuris, alià etiam rationem vniuersalem efficacissimam, ac cuiusdam

dentem dari, ad dubium illud practice deponendum. Quia scilicet, eo ipso, quod ius, est dubium, non est sufficienter propositum, sed ignoratur; ius autem, quandiu non est sufficienter propositum, non obligat.

11 Aduertendum est terriò; ex dictis constare etiam, quomodo intelligendum sit, principium illud; *in dubijs, tutior via est eligenda*; Intelligi enim primò debet, de dubio practico, cum, in eo, una pars semper annexum habeat peccandi periculum. Secundò de dubio speculativo, ante debitam diligentiam ad veritatem cognoscendam; tunc enim, pars minus tuta, vincibiliter ignoratur, & potest esse mala; Ergo eligi non potest sine peccato. Tertio, quando electio partis tutioris, à iure expressè præcipitur, ut in c. *Ad audientiam: de homicidio, & alibi*; Ius enim, hoc potest præcipere. Quartò denique, quando non datur ratio sufficiens ad dubium speculativum practice deponendum; Quia tunc, ex dubio speculativo, oritur practicum, tanquam effectus ex sua causa, ideoque, cumque etiam, pars minus tuta, peccandi periculo est exposita. Atque cum datur ratio sufficiens ad, secundum iudicium practicum certum de honestate operationis non obstante dubio; Tunc non datur amplius obligatio, sequendi partem tutiorem, quia tunc non datur amplius pars tutior, cum utraque pars sit prudens; & consequenter ibi compositibilis cum peccato, ideoque, neque tuta, quia non est

12 Quod autem dari simul possint, dubium speculativum, & ex aliquà ratione peculiari, iudicium practicum certum de honestate operationis, tali dubio non obstante; in dubium reuocari non potest; si enim iudicare simul quis potest, & cardium comestionem, die Veneris, non esse licitam; & sibi, ratione infirmitatis, esse licitam: cur dubitare non poterit, an votum emiserit, & simul certò iudicare, se ad illud non teneri, quia de eo non constat, & factum, in dubio, non præsumitur, sed rationabiliter reputatur tanquam non factum? vel dubitare, an lectio aliquorum librorum, sit specialiter prohibita, & simul certò iudicare, se licite legere posse, quia, cum, post debitam diligentiam, non constat de lege, lex rationabiliter ignoratur, ideoque non est sufficienter promulgata, & consequenter non obligat?

13 Nequè refert, quod sciatur a Deo, an ego Votum emiserim, vel non emiserim. Nam hoc, in ordine ad obligandum, nihil facit. Requiritur, ut à Conscientiâ, hoc sciatur, cum ipsa sit, quæ immediate obligat voluntatem, & non Deus; his positis, non est opus, ut sciamus, an ego Votum emiserim.

RESOLVTIO.

14 **R** Esp. Titium dubitantem, ad vigesimum primum annum expleverit, ad ieiunium non tenetur ita *Suar. top. 5. in 3. par. d. 40. §. 9. n. 14. & tom. 2. de relig. lib. 4. de voto cap. 15. nu. 7. Sanchez d. 41. nu. 35.*

de lib. 1. sum. cap. 10. n. 11. Coninch. de sac. d. 34. d. 10. nu. 86. Fagundes de prac. Eccl. par. 4. lib. 1. cap. 8. n. 7. Layman lib. 1. tract. 1. cap. 5. §. 4. nu. 33. Bonac. de contr. d. 1. quest. 2. pun. 2. n. 11.

- 15 Primò; Quia principium illud. *In dubio, melior est conditio Possidentis*, est vniuersaliter verum, non minus in materiâ aliarum virtutum, quàm in materiâ iustitiæ; Ideo enim est verum in materiâ iustitiæ, quia ille, qui rem aliquam possidet, præter dominium, siue ius proprietatis dubium, habet etiam ius possessionis certum, ratione cuius, rem illam, stante dubio, licitè retinere potest, quem titulum non habet alius, qui rem non possidet, sed habet solum dominium dubium proprietatis; Sed etiam, qui suam libertatem possidet, præter ius dubium ad libertatem, habet etiam certam illius possessionem, quam non habet præceptum, habens solum ius dubium, illam obligandi: Ergo, sicut, in materiâ iustitiæ, in dubio, melior est conditio rem Possidentis, ita in materiâ aliarum virtutum, melior est conditio Voluntatis suam libertatem possidentis; ideoque, sicut in materiâ iustitiæ, Possidens, nunquam obligatur ad restituendam rem, quam possidet, nisi de æterius dominio certo constet, & quod sit aliena: ita in materiâ aliarum virtutum, voluntas nunquam obligabitur ad aliquid agendum, vel omittendum, nisi certo constet de præcepto actionem illam, vel omissionem præcipiente. Vnde, cum Titio, non

constet, an præceptum ieiunij, illum obliget, & aliunde suam libertatem possideat, illà spoliandus non est, nisi constet de obligatione præcepti.

- 16 Secundò; Quia gratis dicitur, quod titulus possessionis, sit titulus proprius iustitiæ, & non potius omnibus virtutibus communis; non minus enim propriè dicitur quis suam libertatem possidere, quàm dicatur possidere rem, quam apud se habet: Ergo, sicut, in materiâ iustitiæ, titulus possessionis, est ratio sufficiens licitè retinendi rem ceteroqui dubiam; ita in materiâ aliarum virtutum, erit sufficiens ad licitè retinendam libertatem, quamvis alias dubiam; & sicut in materiâ iustitiæ, est ratio sufficiens ad formandum iudicium practicum certum, quod liceat hic & nunc, rem possessam retinere, non obstante dubio speculatio, an sit mea, vel aliena; Ita in materia aliarum virtutum, erit ratio sufficiens ad formandum iudicium practicum certum, quod hic & nunc liceat retinere libertatem, eiusque possessionem continuare, non obstante dubio speculatio, an à præcepto ligetur, vel non ligetur; Atque hoc iudicium formare potest Titius quamvis speculatiuè dubitet, an habeat, vel non habeat etatem requisitam ad obligationem præcepti & consequenter, an præceptum obliget, vel non obliget.

- 17 Tertiò; Quia Idem debet esse iudicium Fori interni, ac exteriori, quando Forum externum non innuitur falsæ presumptioni, ut fusi-

pro-

probat *Sanch. lib. 1. in dec. c. 10. num. 11.* Sed in Foro externo, non solum quando constat, esse dubiam obligationem iustitiae, sed etiam quando constat, esse dubiam obligationem aliarum virtutum; nemo adstringitur, sed ratione possessionis, iudicatur in fauorem libertatis; Nemo enim cogitur seruare votum, dum dubiet, an illud emisserit; neque ieiunare, dum non constat, an vigesimum primum annum expleverit; Ergo etiam in Foro conscientiae, in dubio obligationis, vel præcepti; Voluntas non ligabitur, sed poterit suæ libertatis possessionem continuare.

OBJECTIONVM SOLVTIO.

18 **N**equè obstant rationes in contrarium; Ad primam enim Resp. Principium illud, esse verissimum, antequam sit præmissa debita diligentia ad veritatem assequendam; Et in hoc sensu, illud adhibet ibi Pontifex; Episcopus enim ille, non præmissa debita diligentia ad assequendam veritatem suæ excommunicationis, celebravit ideoque merito, tanquam temerarius, & qui tunc abstinere tenebatur, & sequi partem tutiorem, punitus est. At nos loquimur solum, quando, post adhibitam diligentiam, veritas cognosci non potest, sed remanet dubia; & in hoc casu dicimus, principium illud, non obligare, nec esse præceptum, sed ad summum, consilium.

19 Ad secundam Resp. ibi à Pontifice, priora sponsalia appellari du-

bia, non quod vere essent dubia; ob conatum enim ad copulam, qui inter illos interuenerat, ut ibi dicitur, præsumebatur, puellam fuisse doli capacem, & maliciam supplere ætatem, & consequenter sponsalia, & impedimentum publicæ honestatis, ex illis ortum, esse moraliter certum; sed appellantur dubia, quia, cum ex coniecturis essent probata, non erant vadequaque certas, & ideo Pontifex dixit, in dubijs, non tutius, sed certius esse amplectendum; nam tutius fuisset, stare pro matrimonij valore, cum huius fauor tantus sit, ut pro eo sit in dubio iudicandum; c. *Licet ex quadam de test. & attest.* Cum ergo certius iudicauerit, priora sponsalia fuisse valida, iudicauit etiam consequenter, subsequens matrimonium cum Consobrina puellæ, fuisse nullum.

20 Ad tertiam; Negatur antecedens; Neque enim possessio, est titulus proprius iustitiae, sed omnibus virtutibus communis. Principium autem illud; *in dubijs, tutiorem partem esse eligendam;* semper verificatur de dubio practico, & aliquando etiam de speculativo; quando scilicet omnia sunt paria. siue quando non datur possessio, quæ iustam causam præbeat contra dubium speculativum operandi; ac denique, antequam debita sit adhibita diligentia ad veritatem assequendam. ut dictum est; extra hos autem casus, est consilium, non præceptum; Præceptum autem, in dubio, obligat, quando pro ipso stat possessio, quod sufficit.

F 4 Ad

21 Ad quartam; Negatur sequela;

Ex homicidio enim dubio, contrahitur irregularitas certa; hoc tamen est aliquid speciale; & specialiter expressum in iure; aliquando, etiam in casu homicidij dubij, prævaleret possessio libertatis; Ius autem Canonicum, sicut imponere potuit irregularitatem homicidio certo, ita potuit, & dubio; In quo casu, ius prævalet possessioni libertatis. Addo tamen, etiam, in dubio homicidij, quo dubitatur, an securum sit, nec ne; probabilius non contrahi irregularitatem, sed solum in dubio, quo dubitatur, an homicidium certo securum, securum fuerit ex meo consilio, mandato, aut alia simili cooperatio; ne; Hoc enim sufficit ad saluandam illa iura. In hoc autem casu, iam datur præsumptio iuris pro homicidio, non verò pro libertate.

22 Ad quintam; Resp; Ex duobus malis, minus esse eligendum, cum non datur aliqua iusta causa eligendi partem minus tutam, qualis est possessio; si tamen hæc detur, sicut in materia iustitiæ, sufficit ad eligendam partem minus tutam, ita sufficit in materia aliarum virtutum.

23 Ad sextam Resp; Dubitantem, an aliquis dies festus, sit de præcepto, debere etiam necessariò practice dubitare, an teneatur eo die sacrum audire, solum quando nulla adhuc est adhibita diligentia ad veritatem assequendam, & quando non datur aliqua iusta causa practice non dubitandi, qualis est possessio; Si tamen hæc detur, potest

ex dubio speculatio non oriri practicum, sed simul haberi iudicium practicum certum, quod liceat hic, & nunc operari, ut dictum est.

COROLLARIA.

24 Colligitur ex dictis primo; si post adhibitam diligentiam dubitetur, an aliquod præceptum, vel Divinum, vel humanum, sit impositum de aliqua re; dubitantem non obligari; Tum quia, in hoc dubio, tota possessio est pro libertate voluntatis. Tum quia, nemo obligatur lege, nisi hæc sit illi sufficienter proposita; Quando autem, post sufficientem diligentiam, manet quis dubius, an sit, vel non sit imposita, non censetur esse sufficienter proposita. Idemque dicendum est, quando dubitatur, an aliquid comprehendatur sub verbis legis, & quod verba sint ambigua, quia hoc, perinde est, ac dubitare, an de eorum sit lex; *Suarez 1.2. §.3. disp. 12. §.5. n.7.*

25 Secundò; Dubitantem, an votum, aut iuramentum emisit; post debitam diligentiam, voto, aut iuramento non teneri. Tum quia, nulla tunc est possessio pro voto, aut iuramento, sed tota pro libertate voluntatis. Tum quia, dubium, post adhibitam debitam diligentiam, æquivalet ignorantie inuincibili. Ignorans autem inuincibiliter votum, ad nihil tenetur. *Filluc. tom. 2. tract. 21. cap. 4. n. 165.*

26 Tertiò; Quando constat de lege, vel præcepto, & dubium est, an, ratione aliquius circumstantiæ, vel

nc-

necessitatis, aliquis ab eius obligatione eximatur non eximi, quia possessio stat pro præcepto, quod est certum, excusatio autem est incerta; similiter, quando dubitatur, an lex aliqua, sit vsu recepta; legem illam obligare, quia, cum constet de lege; pro eâ, eiusque conditionibus necessarijs, est præsumptio, ac possessio. *Sanchez, lib. 1. sum. c. 10. num. 35.*

- 27 Quarto; Si volentes matrimonium contrahere, dubitent, an aliquod interueniat impedimentum; nulla ad contrahendum, indigere. Episcopi declaratione, aut dispensatione; quia, in hoc dubio, præsumptio, ac possessio est pro libertate ad contrahendum; hanc enim habent homines, iure Naturæ, nec illâ spoliari debent, nisi constet de impedimento; si verò præsumptio stet pro impedimento, tunc opus erit dispensatione, quia tunc possessio stat pro impedimento. *Sanchez lib. 8. matrim. disp. 6. num. 18.*

- 28 Quinto; Si post contractum, bona fide, matrimonium, superueniat dubium de eius valore; post adhibitam diligentiam, posse dubitantem, & reddere; & petere; Tum quia possessio stat pro valore matrimonij, quandiu non constat de inualiditate, cum actus semper censetur fieri validus. Tum quia possessor bonæ fidei, post adhibitam diligentiam, ad inueniendum, an res, quam possidet, sit aliena, eam potest licite retinere, eaque

uti; Ergo etiam Coniux altero Coniuge. *Sanchez, lib. 2. matr. disp. 41. num. 46.*

- 29 Sexto; Præter titulum possessionis, dari etiam alias causas sufficientes, ad dubium speculationum, practicè deponendum. Prima, & vniuersalis, est, æquivalencia, quæ dubium, quando, post debitam diligentiam, vinci non potest, æquualet ignorantie inuincibili. Sicut enim ignorantia inuincibilis, ad nihil obligat, ita ad nihil obligat dubium inuincibile; si autem ad nihil obligat, eo non obstante, licita est operatio. Secunda pro dubio iuris est, repugnantia dubij cum promulgatione, & notitiâ, ad legis obligationem requisitâ; dubium enim iuris, cum, post adhibitam diligentiam, vinci non potest, facit, ut lex non sit, Conscientiæ, sufficienter promulgata; lex autem, sine sufficienti promulgatione, non obligat. Tertia pro dubio facti; est, Tum præsumptio, quæ rationabiliter præsumitur non factum. Tum quia debitum incertum, rationabiliter obligare non potest ad certam solutionem; alioquin, inter debitum, & solutionem, non daretur proportio, nec æquitas seruaretur. Vnde iura statuunt; Primò, quod, *in dubio, nemo præsumi debet obligatus. Gloss. in c. cum sunt. de reg. iuris in 6.* Secundò, quod, *quando partium iura, sunt obscura, fauendum est reo, ibidem.* Tertiò, quod *in pari causa, melior est conditio possidentis.*

Q V A E S T I O X I.

*An conscientia dubia, possit esse regula operandi,
quando Possessio est dubia.*

C A S V S.

- 1 **P**ER obitum cuiusdam Beneficiarij, beneficium quoddam pingue vacauerat; Quia tamen Beneficiarius circa mediam noctem vltimi diei mensis Maij, mortuus fuerat, constare non potuit, an esset expletus mensis Maij, & coeptus Iunius, & consequenter, an Beneficium, vacauerit mense Pontificis, an mense Ordinarij, quæritur, ad quem prouisio Beneficij pertineat.

S V M M A R I V M:

- 6 Quomodo cognosci possit, pro quâ parte stet possessio.
7 Ad quem, in dubio, pertineat Beneficij prouisio.
8 Possessio stat pro reservatione Pontificis.
9 Non pro Episcopi iurisdictione.
10 Dubium est, de eius inceptio-
ne.
11 Præsumptio iuris, est pro reservatione.
12 Constet de reservatione, non de eius cessatione.
14 Inceptio iurisdictionis Episcopi, cum sit quid facti, non præsumitur.
15 Dubitans de Beneficij tenuitate. Officium recitare tenetur.

- 16 In dubio an Expositus sit legitimus, reputandus est, illegitimus.

R A T I O N E S D V B I T A N D I.

- 2 **P**Osito, quod possessio, in quamcumque materiâ, sit sufficiens ratio dubium speculatiuum practicè deponendi, formandique iudicium certum de honestate operationis. Superest adhuc non levis difficultas distinguendi, pro quâ parte, in dubio, stet possessio; aliquando enim non minus videtur dubia possessio, quam ipsum ius. Hinc Beneficiarij prouisio videtur ad Ordinarium pertinere, ita Garzias. tom. 1. de benef. par. 5. cap. 1. num. 528. Decius conf. 167. Nau. in c. accepta, de rest. spol. oppos. 10. num. 42.

Pri-

3 Primò; Quia de iure communi cessantibus reservationibus, ad Episcopum spectat prouisio beneficiorum suæ Diocesis, ut constat *ex c. Ex frequentibus de instit. c. Conquerente de off. ord.* quo iure priuari non debet Episcopus, quando non constat de reservatione. Sed in hoc casu, non constat de reservatione; non enim constat, an beneficium, vacauerit mense Maii, pro quo mense facta est reservatio. Ergo Episcopus priuandus non est iure collationis; ideoque ad ipsum spectat, beneficium conferre.

4 Secundo; Quia, in dubio, melior est conditio possidentis; ut *reg. in par. 165. de reg. iuris in 6.* In hoc autem casu, possessio est pro Episcopo; nam Pontifex reservat sibi beneficia, quæ vacant mense Maii; sed non constat, an beneficium vacauerit mense Maii. Ergo non constat de reservatione. Cum ergo Episcopus, sit in possessione suæ potestatis beneficia conferendi, ad ipsum spectabit prouisio.

5 Tertiò; Quia, in dubio, interpretatio facienda est pro non reservatione, cum reservatio sit odiosa, eo quod deatrahatur potestati Ordinarij; *ex c. presenti de off. leg. in 6.* & fauendum est Ordinarij iurisdictioni, quæ fauorabilis est; *ex clem. 2. de off. ord.* Cum ergo hic versetur in dubio; interpretatio facienda videtur pro potestate Ordinarij. & consequenter dicendum est, beneficij prouisionem, ad ipsum spectare.

NOTABILE.

6 Aduertendum est; ad cognoscendum, pro quâ parte, in dubio, stet possessio, hanc statui posse regulam. Possessionem stare pro eâ parte, cui non incumbit onus probandi; is enim, contra quem probatur, præsumitur esse in possessione. Sic, qui hæresim protulit, si ad penas contra hæreticos latas fugiendas, dicat, se non ita interius sensisse, non creditur, sed probare tenetur. Similiter, si dubitetur, an Filius, ex adulterâ, in domo Marici natus, sit legitimus, & Filij legitimi contendant, hæreditatem ad eum non spectare, quia illegitimus est; illis incumbit onus probandi, quod non sit legitimus. Signum ergo est, possessionem stare pro hæresi, ac pro Illegitimo. Ratio autem vniuersalis, est, quia pro eo, qui probare non debet, stat præsumptio; hoc est, verisimilitudo quædam, ac probabilis coniectura. Hæc autem, in re dubiâ, facit, vnâ partem haberi pro certâ, donec pars opposita aliunde probetur. Possessio ergo stat pro eâ parte, pro quâ est præsumptio; & hæc, est pro eâ parte, cui non incumbit onus probandi; ita *Gastrop. d. 3. pnn. 5. Sanch. lib. 1. in dec. cap. 10. n. 13* hoc posito.

RESOLVTIO.

7 R Espondetur, beneficij prouisionem, ad Pontificem pertinere. *Sanch. disp. 41. nu. 42. Layman.*

man. lib. 1. tract. 1. c. 5. §. 4. n. 36. Salas 12. tr. 8. disp. 1. §. 25. num. 263. Bonac. de contract. d. 1. q. 2. pun. 2.

- 8 Primò; Quia, posita Pontificis reservatione pro mense maio, intelligitur pro eo mense cessare Ordinarij potestas, ac iurisdictio, & incipere mense Iunii; Hoc autem posito, possessio verè fiat pro reservatione, non verò pro potestate Ordinarij; idem enim est, dubitare; an beneficium vacauerit mense maij, an mense iunii; ac dubitare, an cessauerit reservatio, & inceperit iurisdictio ordinaria; Eo autem ipso, quod de reservatione dubitatur, an cessauerit, iam reservatio possidet, quia ipsa est certa, nec constat adhuc de eius cessatione; Cum ergo, in dubio, melior sit conditio Possidentis, ad Pontificem spectabit beneficij prouisio.
- 9 Secundò; Quia, in dubio, an detur aliquod præceptum, vel votum; nec præceptum, nec votum obligat, quia, in hoc dubio, tota possessio est pro libertate voluntatis, quæ est certa, & nulla pro præcepto, vel voto, quæ sunt incerta. Sed dubitare, an inceperit Episcopi iurisdictio, idem omnino est, ac dubitare, an detur; Ergo, in hoc dubio, nulla possessio est pro Episcopi iurisditione, cum sit incerta, sed tota pro Pontificis reservatione, quæ est certa.
- 10 Tertiò; Quia, Ideo dubitans, an medix noctis hora sit transacta; potest edere carnes, licet dies sequens sit dies ieiunij, quia tunc pos-

sessio est ex parte libertatis, & dubium, an tunc inceperit præceptum ieiunij; Sed eodem modo dubium est, an inceperit potestas ordinaria; Ergo possessio est ex parte reservationis, ideoque ad Pontificem spectat beneficij prouisio.

- 11 Quartò; Quia versamur in dubio facti; dubitatur enim, an, dum beneficiarius mortuus est, desierit mensis maij, & inceperit mensis Iunii; & similiter, an cessauerit reservatio, & inceperit iurisdictio ordinaria; factum autem, in dubio, nunquam præsumitur, sed demonstrari debet; *L. in bello §. facta ff. de captiuis & post liminio reuersis*; & ei incumbit probatio, qui dicit (hoc est, affirmat aliquod factum) non qui negat. *L. 2. ff. de probat.* Cum ergo factum non præsumatur, nisi probetur; dicendum est, nondum desisse mensem maij, dum Beneficiarius mortuus est, & nondum incepsisse mensem iunii, donec probetur oppositum; & similiter non dum cessasse reservationem, nec iurisditionem ordinariam incepsisse, quandiu non demonstratur oppositum; Ideoque beneficium vacasse mense Pontificis, & consequenter eius prouisionem ad Pontificem pertinere; præsumptio enim iuris, est pro mense Pontificis, & pro eius reservatione.

OBIECTIONVM SOLVTIO.

- 12 **A**D rationes, in contrarium. Resp. ad primam; Constat de reservatione, quia reservatio erat pro mense maio, nec adhuc con-

constabat de eius cessatione.

- 13 Ad secundam Resp. Meliorem esse conditionem Pontificis, quia reservatio erat in possessione; Erat enim certa pro mense maij, & non dum constabat de eius cessatione; Sicut, cum votum, est certum, nec constat de eius excusatione, votum possidet, ipsiusque conditio est melior.

- 14 Ad tertiam Resp. Nos versari in dubio facti, non iuris. In dubio autem facti, factum non præsumitur, nisi probetur; Ideoque, cum non probetur, mediam noctem fuisse elapsam, & cessasse reservationem, hæc non cessavit. Si autem dubium, esset dubium iuris, tunc interpretatio esset facienda pro non reservatione, ut contendit obiectio.

COROLLARIA.

- 5 Colligitur ex dictis primò; habentem beneficium tenue, & ob id dubitantem, an Divinum Officium recitare teneatur; teneri; Quia, cum beneficium, sit certum,

est etiam certa obligatio recitandi officium illi annexa. Dubium autem est, an Beneficiarius, ob fructuum renuitatem, excusetur. Quando autem obligatio est certa, & excusatio incerta, obediendum est; Hæc enim, est praxis etiam in foro externo. *Vasqu. 1. 2. dis. 65. c. 3. num. 11.*

- 16 Quando, de Infante Exposito, dubitatur, an sit legitimus, vel illegitimus, reputandum esse illegitimum. Quamvis enim delictum non præsumatur, nisi probetur, & Expositus, suam innocentiam possidere videatur; re tamen verà non possidet; quia ipsamet expositio, est ratio sufficiens, ad inducendam præsumptionem illegitimitatis cum illegitimi, regulariter, sic soleant exponi. Possesso autem, stat pro eà parte, pro quà est iuris præsumptio, ut dictum est. Quare, si Expositus, sit ad Ordines promovendus, petenda prius erit dispensatio irregularitatis, ortæ ex defectu natalium, & tunc poterit promoveri. *Suar. disp. 50. de Cens. s. 3. num. 4.*



Q V A E S T I O X I I .

*An Conscientia dubia circa factum, ullam
pariat obligationem.*

C A S V S .

- I** **D** V M Sempronius, de matrimonio cum Febronia contrahendo ageret, Amicus quidam ei dixit, se à quodam audiuisse, Febroniam, eius esse consanguineam. Hoc audito: Sempronius, omnem adhibuit diligentiam, vt de hoc certificaretur, cumque dubium expellere non posset, petijt, num matrimonium cum Febronia contrahere posset, an vero dispensationem prius petere teneretur. Quæritur; an petere teneatur dispensationem.

S V M M A R I V M .

- | | | | |
|----|--|----|--|
| 7 | <i>Principium vniuersalissimum, pro dubio Facti.</i> | 16 | <i>Neque lex, aut Præceptum.</i> |
| 8 | <i>Idem principium magis probatur.</i> | 17 | <i>In dubio ætatis, Ordines suscipere non licet.</i> |
| 9 | <i>Dubitans de impedimento, dispensationem petere non tenetur.</i> | 18 | <i>Censura dubia, non ligat.</i> |
| 10 | <i>Factum, in dubio, in neutro Foro, præsumitur, nisi probetur.</i> | 19 | <i>Debitum dubium, ad nihil obligat.</i> |
| 11 | <i>Aequiualeat ignorantia inuincibili.</i> | 20 | <i>Iurisdictio, in dubio, exerceri non potest.</i> |
| 12 | <i>Iusta causa, partem minus tutam, reddit omnino tutam.</i> | 21 | <i>In dubio ætatis, professio non valet.</i> |
| 13 | <i>In dubio practico, nulla datur iusta causa sequendi partem minus tutam.</i> | 22 | <i>Factum, cum de iure faciendum est, in dubio præsumitur.</i> |
| 14 | <i>Votum, in dubio, non obligat.</i> | | |
| 15 | <i>Neque Peccatum, aut Reservatio.</i> | | |

R A T I O N E S D Y B I T A N D I .

- Q** Væstio hæc, sicut etiam sequens, proponitur, quia continet principium vniuersalissimum, vere aureum; Ad innumeros enim casus resoluendos viam aperit, & conscientias ab innumeris perplexitatibus

ratibus, ac perturbationibus liberat. Dum autem hic quæritur, an ex dubio facti, vlla certa obligatio oriatur; quæstio est præsertim de dubio negatiuo, cum scilicet, pro neutrà parte, dantur rationes: Nam quando dantur pro vtraque parte; iam diximus, intellectum à voluntate ad alterutrâ determinari posse iuxta varia motiua, quæ ipsa, ad hoc, habere potest.

- 3 Sempronius ergo teneri videtur ad petendam dispensationem; ita *Emanuel Sà v. dispensatio num. 1. Salas de legib. d. 20. f. 3. num. 28. Azor. tom. 1. lib. 2. cap. 18. qu. 4. & cap. 19. quæst. 10. & lib. 11. cap. 15. quæst. 9. Glavis reg. lib. 1. cap. 13. num. 9. Siluester v. dubium quæst. 2. num. 4. & qu. 4. n. 7.*

- 4 Primò; quia in dubio, tutior pars est eligenda, sicut ex duobus malis, minus est eligendum; ut dictum est; alioquin dubitans de homicidio, an sit commissum, non se gerere deberet, tanquam irregularem; ideo enim; *ex c. ad audientiam: & ex c. significasti*: gerere se debet tanquam irregularem; quia hoc, est tutius, & nos tutiorem, ac certiozem partem amplecti debemus; si, ergo in dubio, sequi possemus partem minus tutam, posset quis, in dubio homicidij, non se gerere, tanquam irregularem. Hæc est obiectio, quæ ab Aduersarijs, tanquam eorum Achilles, perpetuo decantatur, ideoque hic etiam affertur, ut clarius pateat, quam parum roboris habeat.

- 5 Secundo; Quia, in dubio practico, cum quis dubitat, an hic, &

nunc, legere possit, aut comedere, vel pingere, tenetur semper partem tutiorem amplecti, ita ut nunquam sequi possit partem minus tutam; si quis enim, cum eo dubio pingeret, aut comederet, semper peccandi periculo se exponeret; & consequenter peccaret; Ergo, semper, & in omni dubio, tenemur, partem tutiorem amplecti; quia, in omni dubio, eadem semper est ratio, cum in omni dubio, partem minus tutam sequendo, peccandi periculo nos exponamus.

- 6 Neque obstat principium illud; *in dubio melior est conditio possidentis*; nam primo *ex V. asquez* hoc principium valet solum in materia iustitiæ, in qua solâ datur propria, ac vera possessio. Secundò quamuis valeret etiam in materia aliarum virtutum, adhuc Sempronius, cum illo dubio, contrahere non posset, quia adhuc possessio stare pro præcepto non contrahendi, cum impedimento dirimente, cum hoc sit certum; & dubium sit, an ipse, huiusmodi impedimentum habeat, vel non habeat. Sicut ergo, si dubitaret, an satisfecisset debito certo, vel non satisfecisset, illi satisfacere teneretur; Ita dubitans, an habeat, vel non habeat impedimentum, dispensationem petere, tenetur.

NOTABILIA.

- 7 **A**duertendum est primò; pro dubio facti, dari principium quoddam, ac regulam vniuersalissimam superius insinuatâ, & in Foro ex-

externo communiter, & sine cōtro-
uersiā, receptam; scilicet; quod,
Factum, in dubio, non præsumi-
tur, nisi probetur; & affirmanti
incumbit onus probandi, non ne-
ganti. L. in bello: §. facta ff. de
Captiuis, & postliminio reuersis.
Hoc autem principium fundatur in
iure naturali. Nam, cum dubium,
quando, post debitam diligentiam,
vinci non potest, æqualeat igno-
rantiz inuincibili; ut dictum est su-
pra; sequitur, quod, sicut factum, in-
uincibiliter ignoratum; nullam
prorsus obligationem, aut alium
quemcumque effectum moralem
post se relinquit, perinde, ac si ve-
rè, & realiter factum non esset;
ideoque reputatur moraliter tan-
quam non factum; Ita, quando, post
debitam diligentiam, remanet du-
bium, nullam similiter asserat obli-
gationem, sed reputetur moraliter
tanquam non factum. Atque hinc
est, quod neganti non incumbit
onus probandi, sed affirmanti; quia
præsumptio stat pro non facto; præ-
sumptio autem, est ratio sufficiens
prudenter iudicandi, quod non sit
factum; cum *præsumptio*; quandiu
certa veritatis notitia non habe-
tur, *pro certitudine sit habenda, e.*
veniens in fine: de presb. non ba-
piz. & c. afferente; de præsumpt.

- 8 Aduertendum est secundò, ex
alio etiam capite, factum, cum,
post debitam diligentiam, remanet
dubium, nullam parere obligatio-
nem, & reputari moraliter tanquam
non factum; quia, scilicet, factum
dubium, parere non potest obliga-
tionem certam; debitum enim du-

bium, rationabiliter obligare non
potest ad solutionem certam, nec
delictum dubium, ad certam pœ-
nam, cum pœna debeat esse pro-
portiouata delicto, & solutio, de-
bitò; & pœna certa, sit proportio-
nata delicto certo, & certa solutio
debito certo. Ad summum ergo,
parere posset obligationem dubiā;
hæc enim sola illi esset proportio-
nata, & non excedens, sicut certa;
Verum, quia hæc non datur, nullam
parit. Neque obstat; quod iura
aliquando, ex rationabili causā, fa-
cto dubio, imponant pœnam cer-
tam. Nam primò, in eo casu, ius
additum, facit præsumptionem pro
facto; vnde in eo casu; neganti in-
cumbit onus probandi, non affir-
manti. Secundò, si iura attentè per-
pendantur; inuenietur, ipsa nunquam
imponere pœnam certam, quando
est verè dubium facti, sed solum,
quando est dubium de circumstantiā
facti. In hoc autem casu, pruden-
ter, ac rationabiliter procedunt,
vt patebit *quæst. sequ.* his positis,

RESOLVTIO.

- 9 AD Casum Respondetur. Sem-
pronium, sic dubitantem, ad
petendam dispensationem nullatenus
obligari, ita *Sanch. lib. 1. sum.*
cap. 10. num. 12. & 36. & lib. 8.
matr. d. 6. num. 18. Suar. tom. 5.
in 3. p. d. 40. f. 5. num. 14. & f. 6.
num. 8. Nauar. cap. 27. num. 281.
Rebell. par. 2. lib. 1. quæst. 3. f. 2.
num. 10. Filliuc. 1r. 13. c. 6. qu. 11.
num. 130. Henriq. lib. 14. cap. 14.
num. 3. Coninch. d. 17. dub. 2. n. 22.
Aui-

*Aula par. 7. disp. 2. dub. 5. con. l. 5.
Layman. lib. 1. tract. 1. cap. 5. §. 4.
num. 36.*

10 Probatur primò; Quia, hic ver-
samur in dubio facti; an scilicet;
Sempronius habeat, vel non ha-
beat cōsanguinitatis impedimētum;
Factum autem, in dubio, non præ-
sumitur, nisi probetur, vt osten-
sum est. Quod principium, cum
valeat in Foro externo, valet etiā
in interno; cum iudicium Fori in-
terni, sequatur iudicium Fori exter-
ni, quando hoc, falsā præsumptio-
ne non nititur.

11 Secundò; Quia factum, cum, post
post debitam diligentiam, vinci
non potest, æquualet facto inuin-
cibiliter ignorato; Sed factum in-
vincibiliter ignoratum, ad nihil ob-
ligat. Ergo etiam factum dubium
ad nihil obligabit. Cum ergo non
probetur, Sempronium habere im-
pedimentum cōsanguinitatis, se-
gerere poterit, perinde, ac, si illud
non haberet; & consequenter, ma-
trimonium celebrare licitè poterit,
absque aliā dispensatione.

OBJECTIONVM SOLVTIO :

12 **A**D rationes autem in contra-
rium, Respondetur; ad pri-
mam, In dubio, sequendam esse
partem tutiorem, quando nulla est
causa sequendi partem minus tu-
tam; quando autem datur inris
præsumptio pro parte minus tutā,
iam datur causa sufficiens illam se-
quendi; quia iuris præsumptio, sem-
per est iusta, ac rationalis; &
tunc non datur amplius propriè

pars minus tuta, sed veraque pars,
cum sit prudenter eligibilis, est
æquè tuta. Ex duobus autem ma-
lis, semper minus est eligendum,
quia nulla vnquam dari potest cau-
sa eligendi malum maius, &, si da-
retur talis causa, iam malum illud,
non esset maius, sed minus; si enim
daretur causa deferendi potius In-
firmum morti proximum, quam
omittendi Sacrum die festo; iam
deferere Infirum, esset minus ma-
lum, quam sacrum omittere; Quod
verò dubitans de homicidio, gere-
re se debeat tamquam irregularem,
& verè sit irregularis; oritur; quia
ita est expressim in iure. *Causa au-
dientiam: de homicidio; & alibi.*
Verum, hic casus, est vnicus, nec
ab eo, vlla regula pro alijs similibus
desumi potest, cum in censuris, ac
pœnis, argui non possit ab vno ca-
su ad alium, ex paritate rationis, eo
quod pœnæ, ac censuræ incurran-
tur solum quatenus in iure sunt ex-
pressæ, & non aliter.

13 Ad secundam, Respondetur; In
dubio practico, semper sequendam
esse partem tutiorem; quia nulla
vnquam datur causa sequendi par-
tem minus tutam; Immo datur po-
tentiū causa illam non sequendi,
quatenus, illam sequendo, peccandi
periculo se quis exponeret. In
dubio autem speculatio, dari
potest aliquando causa sequendi
partem minus tutam, quia pro
parte minus tutā, dari potest ali-
quando possessio, vel iuris præsum-
ptio in quo tamen casu, amittit esse
minus tutam, & sic æque tuta, vt
patet ex dictis.

COROLLARIA.

14 **E**X hoc principio vniuersalissi-
mo; Colligitur primò, in ma-
terià Voti; si quis dubitet, an vo-
tum emiseric, vel non emiseric, ad
nihil teneri; Quia cum factum, in
dubio, non præsūmatur, nisi probe-
tur; eò ipso, quod ei non constet,
illud emiseric, censendus est, illud
non emiseric; Si verò sciat, se vo-
tum emiseric, dubitet autem, an im-
pleuerit, vel non impleuerit; tunc
censendus est, non impleuisse; quia
non constat, quod impleuerit, ideo-
que teneretur implere. Quod si du-
bitet, an, dum votum emisit, 14.
annum expleuerit, si votum sit per-
sonale, vel 25, si votum sit reale;
censendus est, non expleuisse; ideo-
que tale votum irritari posse à Pa-
tre, vt melius constabit, *Quaest.*
XVII.

15 **S**ecundo; In materià poeniten-
tiæ; Si quis dubitet, an peccatum
aliquod mortale commiserit, non
teneri illud confiteri; quia hoc, est
dubium facti, quod non præsūmitur,
nisi probetur. Si vero certus sit,
se mortale peccatum commississe,
dubitet autem, an illud confessus
sit; teneretur confiteri, quia confes-
sio est quid facti, ideoque non præsū-
mitur, nisi probetur. Similiter
si quis dubitet, an peccatum refer-
uatum commiserit, Superiorem ad-
dire non teneretur, quia, cum sit du-
bium facti, præsūmitur illud non
commississe, donec probetur: *Io.*
Propositus in 3. p. qu. de integr.
conf. d. 3. num. 17. Henriq. in sum.

lib. 8. de Euch. cap. 45. num. 3.

16 **T**ertiò; In materià temperantiæ;
Si quis dubitet, an vigesimum pri-
mum ætatis annum compleuerit, ad
ieiunium non teneri, quia, cum ætas
sit quid facti, præsūmitur eam non
expleuisse. Similiter si quis, in no-
cte bacchanalium, dubitet, an ela-
psa sit media nox, potest carnes co-
medere; contra verò, si Nox, esset
alicuius Peruigilij, carnes come-
dere non posset, quia in vtroque
casu, cum sit dubium facti, media
nox præsūmitur non elapsa. *San-*
chez lib. 2. de matrim. dis. 41. num.
40. Laym. lib. 1. tract. 1. cap. 3 §. 4.
num. 36.

17 **Q**uartò; In materià Ordinis; Si
quis dubitet, an vigesimum quar-
tum annum compleuerit, sacrum
presbyteratus ordinem suscipere
non posse; quia non præsūmitur il-
lum compleuisse; ad Presbyteratum
autem, requiritur vigesimus quar-
tus annus completus.

18 **Q**uintò; In materià censurarum;
Si quis dubitet, an aliquod delit-
tum, sit sub excommunicatione
prohibitum, non præsūmi prohibi-
tum; Tum quia est dubium facti; an
scilicet extet, vel non extet pro-
hibitio; Tum quia, posito hoc du-
bio, lex prohibitionis non censetur
sufficiens promulgata; Lex au-
tem non obligat, nisi sit sufficienter
promulgata. Similiter, si quis du-
bitet, se Clericum percussisse, non
teneretur tanquam excommunicatum
se gerere, quia delictum non præsū-
mitur, nisi probetur, nec ipse
in dubio spoliandus est iure certo,
quod habet communicandi cum
alijs.

alijs . Immo si quis dubitet , an
 dum Presbyteratum suscepit , vi-
 gesimum quartum annum comple-
 uerit , non se gerere debet tanquam
 suspensum ; Tum quia poena su-
 pensionis est imposita solum deli-
 cto certo , non dubio ; Tum quia de-
 lictum , in dubio , non præsumitur , ni-
 si probetur ; Si quis denique , mor-
 tua vxore , volens statum Clerica-
 lem amplecti , dubitet , an vxorem
 duxerit virginem , an verò corru-
 ptam , & consequenter , an sit biga-
 mus ; se tanquam irregularem ge-
 rere non debet , sed potest statum
 Clericalem amplecti ; Tum quia
 in dubijs delictum non præsumitur
 Tum quia , propter delictum , aut
 impedimentum dubium , ipse non
 est priuandus iure certo , quod ha-
 bet ad statum Clericalem . *Sansb.
 lib. 1. cap. 10. num. 56. Laym. lib. 1.
 tract. 5. cap. 5. §. 4. num. 38.*

19 Sextò ; In materià Inliciti ; si quis
 dubitet , se ære alieno laborare ,
 non teneri soluere ; Tum quia de-
 bitum , in dubio , non præsumitur ;
 & est regula , quod *Nemo soluere
 cogitur , antequam monstretur esse
 Debitor* . Tum quia , ipse possidet ,
 & melior est conditio possidentis .
 Tum denique , quia , in Foro exter-
 no cogi non potest ad soluendum ;
 Ergo neque in Foro interno ; Idem
 enim est iudicium Fori interni , ac
 externi ; quando Forum externum
 non nititur falsà præsumptione . Si-
 militer , si quis dubitet , an sit le-
 gitimus , vel illegitimus , potest
 cum alijs fratribus hæreditatem di-
 videre ; Tum quia delictum non
 præsumitur ; Tum quia , ipse est in

legitima possessione , quod sit legi-
 timus , quandiu non probatur oppo-
 situm . In dubio autem , melior est
 conditio possidentis : Tum quia ,
 quando iura partium sunt obscura ;
 Reo potius fauendum est , quam
 Actori . *De regulis iuris in 6.*

20 Septimò ; In materià iurisdic-
 tionis . Confessarium , dubitantem , an
 casus sit reservatus , ab illo absol-
 uere posse . Contra verò , dubitan-
 tem de suà iurisdictione , absolvere
 non posse , quia cum verumque sit
 dubium facti , casus rationabiliter
 præsumi potest non reservatus , &
 iurisdic-
 tio non data , quandiu oppo-
 situm non probatur . *Suar. de cens.
 d. 40. sect. 6. num. 4. & tom. 2. de
 relig. lib. 4. cap. 15. Emanuel Sà v.
 casus refer. num. 5.* Similiter , Sa-
 cerdotem ordinatum ab Episcopo
 incognito , de quo dubium est , an
 sit Episcopus ; debere iterum ordi-
 nari ; vt statutum est in *c. Presby-
 teris d. 68.* & paruulos à parentibus
 subtrahos , de quibus ignoratur , an
 sint baptizati , esse baptizandos , vt
 decernitur in *c. Paruulos de consecr.
 d. 4* Item in minoribus ordi-
 nibus constitutum , & de baptismo
 dubitantem , iterum sub conditio-
 ne baptizandum , ac ordinandum
 esse ; *ex c. veniens de Presb. non
 baptiz. eodemque modò iterum con-
 secrandam esse Ecclesiam , de quâ
 incertum est , an fuerit consecrata ;
 ex c. solemnitates de consecr. d. 1.*
 Quia omnia ista , sunt dubia facti ,
 quod propterea non præsumitur do-
 nec probeatur . Vnde etiam in *c.
 Dominus de sec. nupt. deciditur ,*
 mulierem de morte prioris coniu-

gis dubitantem, pergere non posse in possessione debitum exigendi à secundo marito; quia hoc etiam est dubium facti, an scilicet primus maritus mortuus sit, an non mortuus; & factum non præsumitur, donec probetur. Hæc autem omnia intelligenda sunt, quando, post adhibitam debitam diligentiam, dubiū vinci non potest.

- 21 Denique in dubio, an, dū quis professionem emisit, 16. annum completum habuerit, vel non habuerit, professionem censendam esse nullam, iterūque emittendam; quia est dubium facti; an scilicet 16. an-

num compleuerit, vel non compleuerit; Factum autem, in dubio, non præsumitur.

- 22 Quæ tamen hætenus, de Facto, dicta sunt, intelligenda sunt de Facto; quod alias de iure, non erat faciendum; Nam, si de iure faciendum erat, tunc, in dubio, factum præsumitur. *L. in contrahenda: ff. de reg. iuris.* Quia unusquisque præsumitur, munus suum rectè obijisse, atque in eo, quod egit, nihil necessarium omisisse. Vnde iuris præsumptio tunc stat pro facto: *Mascard. vol. 2. de probat. concl. 734.*

Q V A E S T I O X I I I.

An conscientia dubia circa circumstantiam facti, ullam pariat obligationem,

C A S V S.

- 1 **S** E M P R O N I V S, post emissum castitatis votum, dubitare cœpit, an habuerit tunc animum se obligandi, & aduertentiam sufficientem ad illud emittendum. Quæritur; Vtrum votum implere teneatur.

S U M M A R I V M.

- | | |
|--|--|
| <p>4. Principium vniuersalissimum pro dubio circumstantiæ Facti.</p> <p>5. Circumstantia facti, in dubio, semper præsumitur.</p> | <p>6. Factum tunc possidet.</p> <p>7. Dubitans, an, ex animo, votum emisit, obligatur.</p> <p>8. Defectus circumstantiæ, in neutro foro, præsumitur.</p> <p>9. Voti obligatio, est certa, & excusatio dubia.</p> |
|--|--|

Gen

- 10 *Censura, de cuius valore, ac circumstantijs, dubitatur, ligat.*
 11 *Cui homicidio dubio, à Iure, irregularitas sit imposita.*
 12 *Lex, de cuius abrogatione dubitatur, obligat.*
 13 *Votum, de cuius materia dubitatur, an sit indifferens, obligat.*
 14 *Matrimonium, in dubio, censendum est, validum.*
 15 *Alienatio, de cuius valore dubitatur, est valida.*

RATIO DVBITANDI.

2 **H**Æc, est alia Quæstio continens principium, non minoris utilitatis, nec minus vniuersale, quàm præcedens. Sempronius, ergo ex vna parte, non videtur teneri; quia in dubio, factum non præsumitur; nisi probetur, ut dictum est *Quæst. præcedenti*; Sed in casu præsentis, versamur in dubio facti; dubitatur enim, an vouens habuerit animum se obligandi, ac iudicium sufficiens, vel non habuerit; quod est quid facti. Ergo sequitur, animum non esse præsumendum, & consequenter, Vouentem non obligari ad votum seruandum.

3 Ex alia verò; Cum constet, votum fuisse emissum, & dubitetur de eius excusatione, possessio stare videtur pro voto, non verò pro eius excusatione. In dubio autem, melior est conditio possidentis.

NOTABILE.

4 **A**Duertendum est; sicut factum valde differt à circumstantiâ facti; Ita valde inter se differre, dubium facti, Et dubium de circumstantiâ facti; Valde enim differunt inter se, dubium, quo quis dubitat, an votum emisit, vel non emisit; & dubium, quo dubitat, an, dum votum emisit, habuerit animum se obligandi, vel nō habuerit. In primo dubio; principium illud; *factum, in dubio, non præsumitur, nisi probetur*; vniuersalissimè & sine vllâ exceptione, valet in omni casu, etiam irregularitatis, ratione homicidij, ut infra patebit; In dubio verò circumstantiâ facti, non valet; Imo, in hoc dubio, datur aliud principium oppositum, non minus vniuersale; Quod; scilicet; *In dubio circumstantia, qua comitari solet actiōem, defectus non præsumitur, nisi probetur; & neganti incumbit onus probandi, non afferenti*; siue, quod idem est; circumstantia semper præsumitur, quandiu oppositum non probatur.

5 Veritas autem huius principij; fundatur in modo, quo connaturaliter operamur; Dum enim operamur, semper, regulariter loquendo, operamur cum debitis circumstantijs. Sic, qui loquitur, regulariter loquitur id, quod habet in corde; Qui promittit; serio, & ex animo promittit; Qui agit, deliberatè agit, & cum debita aduertentiâ. Hinc ergo fit, ut, cum constet de aliquâ

operatione, semper præsumentur in iure, omnes circumstantiæ debite, nisi earum defectus probetur, quia hic, est modus operandi, nobis magis connaturalis, & consuetus; Et præsumptio, nihil est aliud, quam probabilis coniectura ex ijs, quæ communiter solent contingere. Cum autem, iudicium Fori interni, semper conformetur iudicio Fori externi, quando hoc non nititur falsâ præsumptione, ut dictum est; hinc fit, ut etiam in Foro conscientie, cum constat de facto, & operatione, semper præsumentur adesse debite circumstantiæ, quandiu non probatur oppositum.

- 6 Quod confirmari ulterius potest etiam ex regulâ illâ vniuersali, quod *in dubio, melior est conditio possidentis*; nam, cum constat, de facto, & dubium est de circumstantiâ, possessio stat pro facto, quod est certum, & non pro circumstantiâ, quæ est dubia. Ergo tunc, melior est conditio facti, quam circumstantiæ, sicque præualeat obligatio, quæ connaturaliter sequitur ex facto. His positis.

RESOLVTIO.

- 7 **A**D casum Respondetur: Cum versetur, in dubio, non facti, sed circumstantiæ Sempronium obligari ad votum implendum, ita *Sanch. lib. 2. matr. d. 41. num. 37. & lib. 4. sum. c. 1. num. 13. Suar. de cens. tom. 5. dis. 40. s. 6. num. 5. & tom. 2. de relig. lib. 4. de voto c. 6. num. 3. Layman. lib. 1. tr. 1. cap. 5. s. 3. num. 30. Bonac. de cens. dis. 2.*

quæst. 2. pun. 6. s. 2. num. 50. & d. 4. de voto quæst. 2. pun. 3. s. 2. nu. 17. circa medium. Sayns lib. 3. c. 28. Henrig. lib. 6. cap. 26. num. 7.

- 8 Probatur primò; Quia, in dubio circumstantiæ, defectus, in Foro externo, non præsimitur, nisi probetur, & præsumptio iuris stat pro circumstantiâ, non verò pro eius defectu; Iudicium autem Fori interni sequitur iudicium Fori externi, quando hoc non nititur falsâ præsumptione; ut sæpius dictum est.
- 9 Secundò; Quia possessio stat pro facto, eiusque obligatione, quæ, cum ex facto connaturaliter sequatur, est certa, sicut certum est ipsum factum; non verò pro excusatione obligationis, cum hæc sit dubia, sicut dubia est circumstantia, ad quam sequi deberet.

COROLLARIA.

- 10 **C**olligitur ex dictis primò; cum constat, latam esse censuram, sed dubitatur, an Superior habuerit causam sufficientem, ad eam ferendam; vel an censura ipsa, sit iusta; vel an sit debito modo lata; vel an sit lata animo ligandi, &c. semper censuram esse validam, & ligare, quia, in his omnibus casibus, constat de facto, & est dubium solum de aliquâ circumstantiâ facti. In dubio autem circumstantiæ, defectus non præsimitur, nisi probetur; Et possessio stat pro obligatione censuræ, quæ est certa, non verò pro eius excusatione, de qua dubitatur.
- 11 Secundò; Cum in cap. Ad ad-

scientiam: & in cap. significasti: deciditur; in dubio homicidij, dubitantem, iudicandum esse irregularem; decretum illud, intelligendū esse, non de dubio facti, cum scilicet, dubitat quis, an ab eo grauius vulneratus, mortuus sit, vel non mortuus; & adhibita debita diligentia, certificari non potest; In hoc enim casu, valet regula vniuersalis, quod *factum, in dubio, non presumitur, nisi probetur*; sed de dubio circumstantiæ facti; quando scilicet, dubitat quis, an Titius à Sempronio occisus; ab eo fuerit occisus, propter suum consilium; vel, quando sequitur abortus, dubitat, an fetus esset animatus, vel non &c; In his enim & similibus casibus, cum constet de homicidio, & de abortu, & sit dubium solum, de circumstantiâ; dubitans, censendus est, irregularitatem incurrisse, quia possessio stat pro homicidio, & pro abortu, quæ certa sunt, & non pro circumstantiâ, quæ est dubia; Et cum defectus circumstantiæ non presumatur, consequenter, dubitans presumitur, suo consilio, in homicidium influxisse, vel fetum per abortum emissum, fuisse animatum. Ita *Henriques lib. 14. cap. 14. n. 3. & alij, quos refert Rebellius par. 2. lib. 1. quæst. 3. sec. 2. num. 13.*

- 12 Tertiò; cum constet, latam esse legem, & dubitatur, an fuerit acceptata, vel sufficienter promulgata, aut vñ recepta, vel abrogata; legem obligare; Tum quia acceptatio, promulgatio, & abrogatio, sunt circumstantiæ legis. In dubio autem circumstantiæ, defectus non

presumitur, nisi probetur. Tum quia, possessio stat pro lege, eiusque obligatione, quæ est certa; nõ verò pro eius acceptione, & abrogatione, quæ sunt incertæ; Tum denique; quia, cum constet de lege in Foro externo, etiam circumstantia presumatur. Ergo etiam in Foro interno; idem enim est iudicium Fori interni, & externi, quando externum falsâ presumptione non nititur.

- 13 Quartò; Eum, qui scit, se votum emisisse, sed dubitat hic, & nunc, an votum obliget ratione alicuius circumstantiæ occurrentis; V. G. ratione finis, vel ratione materiæ, quæ dubitatur esse indifferens; teneri, votum implere; Tum quia, possessio stat pro Voto, de quo constat fuisse emissum, non verò pro eius excusatione, cum de illâ dubitetur; Tum quia, presumptio stat pro circumstantiis, cum earum defectus nunquam presumatur, nisi probetur; Tum denique, quia obligatio, naturaliter sequitur ad votum, nisi contrarium ostendatur. Cum ergo constet de voto; constat etiam de eius obligatione, nec contrarium ostenditur.

- 14 Quintò; In dubio, an promissio, vel votum, aut Matrimonium sit validum; censendum esse validum; Tum quia, votum, vel matrimonium, est certum, & dubium est solum de aliquâ circumstantiâ ad eius valorem requisitâ. In dubio, autem circumstantiæ, defectus non presumitur, nisi probetur; Tum quia, possessio stat pro voto, vel matrimonio, quod est certum; Tum

denique, quia præsumentum est, votum, vel matrimonium, factum esse, cum omnibus conditionibus, ad valorem necessarijs, cum hic sit modus operandi nobis connaturalis, vnde, in *c. si quis acceperit*: 33. q. 1. deciditur, cum dubium est, an matrimonium sit validum, iterum non esse contrahendum, sed pro matrimonij valore esse præsumentum.

- 15 Sexto; In dubio, an alienatio sit facta cum debitis solemnitatibus, talem alienationem esse validam; Tum quia, solemnitates, cum sint circumstantiæ, alienationem regulariter comitantes, præsumentur adfuisse, cum illarum defectus nunquam præsumatur, nisi probetur; Tum quia, possessio stat pro alienatione, de qua constat fuisse factam,

& consequenter etiam pro eius valore, cum hic connaturaliter sequatur ad alienationem, sicut obligatio connaturaliter sequitur ad promissionem.

- 16 Quotiescumque ergo occurreret aliquod dubium; videndum statim erit, an illud, sit dubium facti, an verò dubium de circumstantiâ facti. Si fuerit dubium facti, valebit principium illud vniuersalissimum. *Factum, in dubio, non præsumitur nisi probetur.* Si verò fuerit dubium de circumstantiâ facti, valebit hoc aliud; *Defectus, non præsumitur, nisi probetur;* sicque ex his duobus principijs, solui facile poterunt, omnes similes casus, in quacumque materiâ, occurrentes.

Q V A E S T I O X I V.

An qualibet conscientia dubia circa circumstantiam facti, ullam pariat obligationem.

C A S V S.

- 1 **T**ITIVS, Consilium dederat Cæsari; vt Pompeium occideret, sed postea consilium reuocauerat. Accidit tamen, vt Cæsar, Pompeium occiderit; quo audito, Titius statim dubitare coepit, an Cæsar, eius consilio, ad homicidium illud morns fuerit; & consequenter, an ipse, homicidij particeps fuerit, & ad damnorum restitutionem teneatur: Quæritur, an teneatur.

SYMMARIUM.

- 8 Quot modis, consuli possit homicidium.
- 9 Consulens, aliquando, reuocato consilio, ad nihil tenetur.
- 10 Possessio tunc stat pro reuocatione.
- 11 In Foro externo, consilium censetur sufficienter reuocatum.
- 12 Aliquando consulens, etiam reuocato consilio, tenetur ad damna.
- 13 Possessio tunc stat pro efficacia Consilij.
- 14 Dubitans se, suo Consilio, fuisse causam mortis, tenetur ad damna.
- 15 Sufficiens reuocationis Consilij, in Foro externo, non presumitur.
- 16 Efficacia, sequi solet Consilium.
- 17 Datus gladius, semper censetur ad homicidium concurrere, quando quis, illo gladio, occiditur.
- 18 Delictum tunc, est certum, & excusatio incerta.
- 19 Rationabiliter Consiliarius obligatur ad damna.
- 21 Efficacia Consilij, rationabiliter presumitur.
- 22 Reuocatio mandati, semper est sufficiens, non sic reuocatio Consilij.
- 23 Coniectura in oppositum, probant sufficientiam reuocationis.
- 24 Subditus, in dubio, an Prelati potestas sit legitima, obedire tenetur.

RATIONES DVBITANDI.

- 2 Quamuis, ex dictis Quæst. præced. constet, operationis qualitatem, siue circumstantiam, regulariter præsumi, quando non probatur oppositum. Ut tamen veritas huius principij, clarius adhuc appareat, præfens casus proponitur in quo Titius, ad damnorum restitutionem, non videtur teneri; ita *Clauis reg. lib. 10. tr. 2. c. 8. nu. 1. Rebell. p. 1. de iust. lib. 2. q. 14. f. 2. Henric. lib. 14. de irreg. c. 3. nu. 4. Castrop. p. 1. d. 3. n. 4. Pillinc. to. 2. tract. 21. c. 4. num. 167.*
- 3 Primò; quia Titius, dum dubitauit, an, suo Consilio, causa fuerit homicidij, dubitauit de delicto. Ergo, stante tali dubio, teneri non potest ad restitutionem damnorum; hæc enim restitutio, cum sit poena delicti, debet esse proportionata delicto. Delicto autem dubio, non potest esse debita, ac proportionata, poena certa.
- 4 Secundò; Quia æquum non est, obligare ad satisfactionem certam, quæ certum non est, causam damni fuisse. Quando autem Titius dubitat, certum non est, se fuisse, per suum Consilium, causam homicidij, & consequenter damni, ex illo, secuti.
- 5 Tertiò; Quia, in dubio, melior est conditio possidentis; Consilij autem reuocatio, videtur possidere; quia Consilium fuit reuocatum. Ergo, quando non constat, Consilium Titij, ad homicidium concurrere; Titius ad restitutionem obligari iuste non potest.
- 6 Quartò; Quia, pro illo hæc pos-

sessio, pro quo stat iuris præsumptio; quando enim, suborto dubio, & debita adhibita diligentia, veritas non apparet, standum est præsumptioni; ac iudicio Fori externi, cum idem sit iudicium Fori interni ac externi, quando Forum externum, falsâ præsumptione non nititur. Sed iuris præsumptio stat pro reuocatione Consilij; In dubio enim, delictum, & factum, in Foro externo, non præsumuntur, nisi probentur. Ergo possessio, in dubio, stat pro reuocatione Consilij: Unde Titius formare sibi potest certum iudicium practicum, quod ad festinationem non teneatur; Sic enim ratiocinari potest. *In dubio, melior est conditio possidentis, & possessor ad nihil tenetur: Sed Consilij reuocatio possidet, cum pro illâ stat iuris præsumptio; Ergo melior est illius conditio*: Sicque ad nihil tenor.

- 7 Quinto; Quia, si Titius, mandatum dedisset ad occidendum, & postea reuocasset; quamuis mandataris, homicidium commisset, non propterea imputaretur Titio, & possessio, ac præsumptio staret pro reuocatione: Sed etiam supponitur reuocasse Consilium. Ergo homicidium secutum; Titio imputari non potest, & præsumptio stat pro reuocatione, quam constat fuisse factam; mandatum enim, & Consilium in ordine ad concurrendum ad homicidium, eodem modo se habere videntur. Imò mandatum, videtur efficacius influere, ac mouere, quam Consilium.

NOTABILE.

- 8 **A**duertendum est; tribus modis, potuisse Titium, homicidium consulere; Primò, solis præcibus, & auctoritate, Cæsarem ad illud inducendo, ac mouendo. Secundò; Rationes ad hoc idoneas, sed falsas proponendo: Vt, quod Pompeius, eius fratrem occiderit; vel hereditatem impediens; vel ei mortem machinetur. Tertiò; rationes idoneas proponendo, sed veras; Vt; quod eius mors futura sit utilis ad lites terminandas, ad hereditatem Titij consequendam, &c. Si Titius, Consilium primò, aut secundo modo dedit, illud sufficienter reuocauit, vel similibus præcibus contrarijs, vel indicando rationes à se illi propositas, fuisse falsas; Sic enim cessauit in Cæsare, motuum occidendi Pompeium, & censetur à Titio sufficienter sublatum, ita vt homicidium imputandum iam sit soli malitiæ Cæsaris. At, si consilium dedit tertio modo; quantumcunque illud reuocare conatus sit, nunquam tamen sufficienter reuocauit; quia semper remansit in Cæsare, ratio illa, à qua primo motus fuit ad Pompeium occidendum; Eo modo, quo, si gladium ad id commodasset; nunquam sufficienter reuocasset concursum in homicidium, nisi re ipsa ei gladium abtulisset. Vfus enim gladij, semper imputatur tradenti. Hoc posito.

RESOLVTIO I.

9 **A**D Casum Resp. primò; Titium, si primo, aut secundo modo Consilium dedit, ac reuocauit; ad restitutionem non tenetur; ita Bonac. d. 1. de contract. quæst. 2. p. 4. nu. 3. & reliqui omnes superius citati.

10 Primò; Quia possessio tunc stat pro reuocatione Consilij; cum hæc sit certa, & communiter iudicetur sufficiens; Vnde homicidium, rationabiliter præsumi potest, ex solâ Cæsaris malitiâ secutum.

11 Secundò; Quia, in Foro externo, Consilium sic reuocatum, censetur fuisse sufficienter reuocatum, nec homicidium imputaretur amplius consulenti; positis enim præcibus contrarijs, vel indicatâ falsitate rationis, ac motui propositi ad occidendum, Cæsar moueri amplius rationabiliter ab illâ ratione non potuit ad Pompeium occidendum. Ergo etiam censetur sufficienter reuocatum in Foro Conscientiæ; idem enim est iudicium, utriusque Fori, vt sapius dictum est.

RESOLVTIO II.

12 **R**Esp. 2. Titium, si tertio modo Consilium dedit, ac reuocauit; ad restitutionem tenetur; ita Sanch. d. 41. num. 17. Lessius lib. 2. c. 27. d. 3. Molina tom. 3. dis. 736. num. 6. Salas 1. 2. tr. 8. d. 1. s. 23. num. 242.

13 Primò; Quia possessio tunc stat

pro Consilio, eiusque efficaciâ; Certum est enim, fuisse datum Consilium, & Consilium, ex se, fuisse aptum ad homicidium causandum; sed non est certum, fuisse sufficienter reuocatum. Cum ergo constet de efficaciâ Consilij, & non constet de sufficienti reuocationis, possessio stat pro efficaciâ Consilij, & consequenter pro obligatione restituendi.

14 Secundò; Quia, qui post votum emissum, dubitat, an habuerit animum se obligandi, tenetur seruare votum, perinde ac, si animum certè habuisset. Ergo etiam, qui post datum Consilium, ex se aptum ad mouendum ad homicidium, dubitat, an illud sufficienter reuocauerit; secuto homicidio, tenetur ad damnorum restitutionem, perinde ac, si illud certè non reuocasset, sed Consilium, verè homicidium illud causasset. Ideo enim, cum vouens dubitat, an habuerit animum se obligandi, tenetur seruare votum, quia, cum nemo præsumatur dicere id, quod in corde non habet; Eo ipso, quod constat de promissione, & dubitatur de animo se obligandi, præsumptio, ac possessio est pro animo se obligandi, cum verba promissionis hoc significant. Sed etiam, qui dat Consilium, proponere regulariter solet, rationes efficaces ad mouendum. Ergo, eo ipso, quod constat de Consilio dato & de homicidio secuto, præsumptio, ac possessio stat pro eius efficaciâ in homicidium; Ergo, sicut vouens, in dubio animi, tenetur seruare votum; ita consulens, secuto homi-

sessio, pro quo stat iuris præsump-
tio; quando enim, suborto dubio,
& debita adhibita diligentia, veri-
tas non apparet, standum est præs-
umptioni, ac iudicio Fori externi,
cum idem sit iudicium Fori interni
ac externi, quando Forum exter-
num, falsà præsumptione non niti-
tur. Sed iuris præsumptio stat pro
reuocatione Consilij; In dubio enim,
delictum, & factum, in Foro exter-
no, non præsuntur, nisi proben-
tur; Ergo possessio, in dubio, stat
pro reuocatione Consilij: Vnde
Titius formare sibi potest, certum
iudicium præsument, quod ad resti-
tutionem non teneatur; Sic enim
ratiocinari potest. *In dubio, me-
lior est conditio possidentis, & pos-
sessor ad nihil tenetur. Sed Con-
silij reuocatio possidet, cum pro illà
sit iuris præsumptio; Ergo melior
est illius conditio;* Sicque ad nihil
teneor.

- 7 Quintò; Quia, si Titius, manda-
tum dedisset ad occidendum, & po-
stea reuocasset; quamuis mandata-
rius, homicidium commisset, non
propterea imputaretur Titio, &
possessio, ac præsumptio staret pro
reuocatione: Sed etiam supponitur
reuocasse Consilium. Ergo homi-
cidium secutum; Titio imputari non
potest, & præsumptio stat pro re-
uocatione, quam constat fuisse fa-
ctam; mandatum enim, & Consilium
in ordine ad concurrendum ad ho-
micidium, eodem modo se habere
videntur. Imò mandatum, videtur
efficacius influere, ac mouere,
quàm Consilium.

NOTABILE.

- 8 **A** Duertendum est; tribus mo-
dis, potuisse Titium homici-
dium consulere; Primò, solis præ-
cibus, & auctoritate, Cæsarem ad
illud inducendo, ac mouendo. Se-
cundò; Rationes ad hoc idoneas,
sed falsas proponendo: Vt, quod
Pompeius, eius fratrem occiderit;
vel hereditatem impedierit; vel ei
mortem machinetur. Tertiò; ra-
tiones idoneas proponendo, sed
veras; Vt, quod eius mors futura
sit utilis ad lites terminandas, ad
hereditatem Titij consequendam
&c. Si Titius, Consilium primò, aut
secundo modo dedit, illud sufficien-
ter reuocauit, vel similibus præci-
bus contrarijs, vel indicando ra-
tiones à se illi propositas, fuisse
falsas; Sic enim cessauit in Cæsare,
motuum occidendi Pompeium, &
censetur à Titio sufficienter subla-
tum, ita vt homicidium imputan-
dum iam sit soli malitiæ Cæsaris.
At, si consilium dedit tertio modo;
quantumcunque illud reuocare co-
natus sit, nunquam tamen sufficien-
ter reuocauit; quia semper reman-
sit in Cæsare, ratio illa, à quâ pri-
mo motus fuit ad Pompeium occi-
dendum; Eo modo, quo, si gladium
ad id commodasset; nunquam suf-
ficienter reuocasset concursum in
homicidium, nisi re ipsa ei gladium
abtulisset. Vt enim gladij,
semper imputatur tra-
denti. Hoc po-
sito.

RESOLVTIO I.

9 **A**D Casum Resp. primò; Titium, si primo, aut secundo modo Consilium dedit, ac reuocauit; ad restitutionem non tenetur; ita Bonac. d. 1. de contract. qu. 2, p. 4. nu. 3. & reliqui omnes superius citati.

10 Primò; Quia possessio tunc stat pro reuocatione Consilij; cum hæc sit certa, & communiter iudicetur sufficiens; Vnde homicidium, rationabiliter præsumi potest, ex solâ Caesaris malitiâ secutum.

11 Secundò; Quia, in Foro externo, Consilium sic reuocatum, censetur fuisse sufficienter reuocatum, nec homicidium imputaretur amplius consulenti; politici, enim præcibus conerarijs, vel indicatâ falsitate rationis, ac motui propositi ad occidendum, Caesar moueri amplius rationabiliter ab illâ ratione non potuit ad Pompeium occidendum. Ergo etiam censetur sufficienter reuocatum in Foro Conscientiæ; idem enim est iudicium vtriusque Fori, vt sæpius dictum est.

RESOLVTIO II.

12 **R**Esp. 2. Titium, si tertio modo Consilium dedit, ac reuocauit; ad restitutionem tenetur; ita Sanchez. d. 41. num. 17. Lessius lib. 2. c. 27. d. 3. Molina tom. 3. dis. 736. num. 6. Salas 1. 2. tr. 8. d. 1. s. 23. num. 242.

13 Primò; Quia possessio tunc stat

pro Consilio, eiusque efficaciâ; Certum est enim, fuisse datum; Consilium, & Consiliū, ex se. fuisse aptum ad homicidium causandum; sed non est certum, fuisse sufficienter reuocatum. Cum ergo constet de efficaciâ Consilij, & non constet de sufficienti reuocationis, possessio stat pro efficaciâ Consilij, & consequenter pro obligatione restituendi.

14 Secundò; Quia, qui post votum emissum, dubitat, an habuerit animum se obligandi, tenetur seruare votum, perinde ac, si animum certè habuisset. Ergo etiam, qui post datum Consilium, ex se aptum ad mouendum ad homicidium, dubitat, an illud sufficienter reuocauerit; secuto homicidio, tenetur ad damnorum restitutionem, perinde ac, si illud certè non reuocasset, sed Consilium, verè homicidium illud causasset. Ideo enim, cum vouens dubitat, an habuerit animum se obligandi, tenetur seruare votum, quia, cum nemo præsumatur digere id, quod in corde non habet; Eo ipso, quod constat de promissione, & dubitatur de animo se obligandi, præsumptio, ac possessio est pro animo se obligandi, cum verba promissionis hoc significant. Sed etiam, qui dat Consilium, proponere regulariter solet, rationes efficaces ad mouendum. Ergo, eo ipso, quod constat de Consilio dato & de homicidio secuto, præsumptio, ac possessio stat pro eius efficaciâ in homicidium; Ergo, sicut vouens, in dubio animi, tenetur seruare votum; ita consulens, secuto homi-

homicidio, in dubio, efficacia sui Consilij, tenetur ad restitutionem.

- 15 Tertiò; Quia, pro eo eo stat possessio, pro quo stat Iuris præsumptio; Unde, cum non constat de veritate, standu est iuris præsumptioni, quia hæc habetur pro veritate, donec oppositum probetur, ut probat *Molin. tom. 1. tract. 2. d. 196. & Menoch. lib. 1. de præsumpt. qu. 4. num. 3.* Sed, posito Consilio ad homicidium, & homicidio secuto, & incertitudine de sufficientia reuocationis; præsumptio iuris stat pro efficacia Consilij; In Foro enim externo, Consilium præsumeretur, suu habuisse effectum, & consulenti incumberet onus probandi, quod homicidium secutum, non fuerit effectus sui Consilij; Ergo possessio stat pro efficacia Consilij, & consequenter pro obligatione restituendi.

- 16 Quartò; Quia, non minus connaturaliter, ad Consilium sequitur ex se efficacia in ordine ad suum effectum, quàm ad promissionem, sequatur obligatio. Ergo sicut, dum constat de promissione, præsumptio stat pro obligatione; ita, dum constat de Consilio, & de homicidio secuto, præsumptio stat pro efficacia Consilij, & consequenter pro obligatione restituendi; qualitas enim, quæ à natura inest, semper inesse præsumitur, ut probat *Menoch. de præsumpt. lib. 1. q. 14. num. 3.*

- 17 Quintò; Quia, si Titius, gladium Cæsari commodasset ad Pompeium occidendum, nec illum ei deinde re ipsa, abstulisset, quamuis sa-

pins efficaciter tentasset, & Cæsar de facto Pompeium occidi fecit; Titius, in Foro externo, præsumeretur, ad homicidium illud concurrisse, nisi aliunde constaret, Cæsarem non occidisse Pompeium gladio, sed alio instrumento. Sed Titius, eiusdem Cæsaris animo impressit de facto rationem sufficienter, ex se, inducentem ad homicidium; & homicidium secutum est; Ergo, per eam rationem, præsumeretur ad homicidium concurrisse, quandiu non constabit, Cæsarem aliunde fuisse motum, ad illud homicidium parandum.

OBJECTIONVM SOLVTIO.

- 18 **A**D rationes autem in contrarium; ad primam; Negatur Antecedens; delictum enim est certum, & dubium solum est de qualitate delicti, scilicet de Consilij efficacia; sicut, cum vouens dubitat de animo se obligandi, dubium non est de voti emissionem, sed solum de eius qualitate; Hæc autem, sicut præsumitur in vno, ita præsumitur etiam in alio, in ordine ad effectum obligandi.

- 19 Ad secundam Resp; non esse contra æquitatem, obligare ad restitutionem certam, quando constat de causa damni posita, & de damno secuto, & est præsumptio pro efficacia illius causæ; sicut non est contra æquitatem, obligare ad votum seruandum, quando constat de voto, & est præsumptio de animo se obligandi. In utroque enim casu, causa obligationis, est sufficien-

ter

ter certam Foro externo; Forum autem externum, & internum, quo ad iudicium, idem sunt, ut patet ex dictis.

20 Ad tertiam; Negatur minor; Consilij enim efficacia possidet, non eius reuocatio; nam de hac, incertum est, an fuerit sufficiens, de illa verò, dantur omnes coniecturæ, ac iuris præsumptiones, quod effectum sortita sit.

21 Ad quartam; Negatur minor; Nam, de Consilio dato, non est dubium, sed solum de eius efficacia in homicidium; Efficacia autem, cum connaturaliter comitari soleat Consilium, sicut animus se obligandi, promissionem; præsumitur adfuisse, quandiu non probatur oppositum; Sicut, in vouente, præsumitur adfuisse animus se obligandi, quandiu ipse oppositum non probat; cum præsertim, ad hoc præsumendum, sit coniecturæ fortissimæ: Consilium datum; homicidium secutum; & incertitudo de sufficienti reuocationis; & præsumptio semper stet pro insufficienti reuocationis Consilij, cum tertio modo datum est, ac deinde reuocatum; ut dictum est.

22 Ad quintam; Est manifesta disparitas; nam Mandans, impossibile est, quod mandatum reuocet, & illud non reuocet sufficienter; Cum enim mandatarius agat solum nomine Mandantis, & in gratiam illius, reuocato mandato, necessario statim cessat ratio agendi in mandatario. At, qui accepit Consilium, non agit nomine Consulenti, & in gratiam illius, sed nomine pro-

prio, & ut rebus suis prospiciat. Hinc autem fit, ut, reuocato Consilio, non statim cesset, in eo, qui Consilium accepit, ratio agendi, illi à Consulente impressa, sed requiratur, ut hæc, rationibus omnino contrarijs, ab ipso auferatur; Quod, cum rationes impressæ, fuerunt veræ, difficillimum est, eo quod difficillimum sit, alias rationes illis contrarias æquè efficaces, earumque destructiuas inuenire.

COROLLARIA.

23 **C**olligitur ex dictis primò, quæ dicta sunt, locum habere, ubi non essent validæ coniecturæ, quæ oppositum suaderent. Si enim Cæsar, independenter à Consilio Titij, fuisset inimicus capitalis Pompeij, vel ei mortem minatus esset, vel omnia ad necem necessaria, iam præparasset, aut aliæ similes coniecturæ darentur; in hoc casu, præsumptio esset pro sufficienti reuocationis, quia coniecturæ illæ sufficienter indicarent, homicidium ortum esse, non tam ex Titij Consilio, quam ex Cæsaris odio, ac inimicitia.

24 Secundò; Dubitantem, an Prælati potestas sit legitima, teneri illi obedire; quia, esse legitimam; cum sit qualitas, siue circumstantia potestatis; semper præsumitur, quandiu oppositum non probatur. Similiter, dum Coniux dubitat de impedimento dirimente, posse debicum exigere. Tum quia, an detur impedimentum dirimens, est dubium factij; factum, autem in-

dubio, non præsумitur, nisi probe-
tur. Tum quia, idem est, dubitare
de impedimento dirimente, ac du-
bitare de valore matrimonij; in du-
bio autem valoris, præsumpcio stat
pro valore, cum valor sit circum-
stantia, vel qualitas ipsius ma-
trimonij: *c. si quis acceperit: 33.*

*quæst. 1. Quod si c. inquisitioni; de
sententia excomm.* Coniux dubi-
tans de impedimento dirimente,
debitum exigere prohibetur. Hoc
intelligitur, ante adhibitam debi-
tam diligentiam, ad dubium ex-
pellendum.

Q V A E S T I O X V.

An præceptum de re dubia obliget.

C A S V S.

- 1 **C** V M Titius, ob scientiæ defectum, de suâ idoneitate
ad Confessiones audiendas dubitaret; Prælatus, ha-
bens, aliàs, ab Episcopo facultatem, quemcumque
ex suis subditis approbandi; ei in virtute Sanctæ Obedientiæ
præcepit, vt Confessiones audiret; Titius tamen, cum aliquot
viros doctos consulisset, & dubium deponere non
potuisset, eas audire noluit; Queritur; vtrum mortaliter pec-
cauerit.

S V M M A R I V M.

- | | | | |
|----|--|----|---|
| 2 | <i>An materia dubia eximat ab obligatione præcepti.</i> | 13 | <i>Quomodocumque dubitet.</i> |
| 9 | <i>Duplex dubium circa materiam præceptam.</i> | 14 | <i>Superioris præceptum, rem illicitam, reddere non potest, licitam.</i> |
| 10 | <i>Actus obligatorius, obligat ad minimum, quod potest.</i> | 15 | <i>Præceptum Divinum prævalet.</i> |
| 11 | <i>Subditus, ad obedientiam tenetur, solum ratione voti.</i> | 16 | <i>Superioris potestas, ad materiam solum certò licitam, se extendit.</i> |
| 12 | <i>Dubitans de materia honestate, obedire non tenetur.</i> | 17 | <i>Subditus, ad eam solum obligare se voluit.</i> |
| | | 18 | <i>Superioris potestas, non se</i> |

ex-

extendit, ad dubia.

- 19 Superior, illud solum ius habet, quod subditi, per votum, contulerunt.
- 21 Superioris præceptum, non semper, præsumitur iustum.
- 22 Præsumitur, quando oritur, ex Potestate Legislativâ.
- 23 Nullum hinc sequitur inconueniens.
- 24 Superior, in dubio, obligare non potest ad secreti reuelationem.
- 25 Nec Tempore Quadragesimæ, ad carnes comedendas.
- 26 Possessio fiat pro præcepto Ieiunij.
- 27 Nec in dubio de belli iniustitiâ, ad militandum.
- 28 Multo minus, si subditus, de belli iniustitiâ, habeat iudicium probabile.

RATIONES DVBITANDI.

- 1 Sicut dubium, circa circumstantiam facti, non eximit ab obligatione, quia circumstantiâ, semper præsumitur, quandiu oppositum non probatur; Ita quæri solet, an dubium circa honestatem materix promissæ, vel præceptæ; quæ honestas, videtur esse circumstantia materix; eximat ab obligatione Voti, vel Præcepti. Et ab obligatione quidem præcepti, videtur non eximere; ideoque Titium mortaliter peccasse. Ita Azor. tom. 1. lib. 2. c. 19. num. 9. Molina tom. 1. tract. 2. d. 113. Concl. 3. Valentia 1. 2. d. 2. quæst. 14. p. 4. Glauis reg. lib. 1. c. 13. n. 40. Naz. c. 23. sam. n. 37.

3 Primò; Quia Superior Titio præcipere poterat; vt Confessiones audiret, cum esset in possessione suæ potestatis præcipiendi, nec de inhonestate rei præceptæ, constaret, sed ad summum, de eâ esset dubiû; in quo casu, melior erat conditio Superioris possidentis. Si autem, Superior erat in possessione præcipiendi, etiam Titius, vt potè, subditus, erat in obligatione obediendi; Ergo, non obediendo, peccauit.

4 Secundò; Quia Superior, habet ius præcipiendi omne id, quod euidenter non constat, esse malum, aut limites eius potestatis excedere; Quandiu enim non constat, rem præceptam esse malam, aut limites eius potestatis excedere, nulla est ratio illum spoliandi iure præcipiendi, quod habet, cum hoc sit certum, & consequenter, sine causâ, illo spoliari non possit. Sed Titio non constabat, esse malum, cum eâ idoneitate confessiones audire, sed, ad summum, de hoc dubitabat; Ergo Superior habebat ius, hoc illi imperandi, & consequenter ipse quoque obligationem obediendi; ideoque non obediendo peccauit.

5 Tertiò; Quia toties subditus, præcepto Superioris obedire tenetur, quoties non probat suam exemptionem à tali præcepto; cum enim possessio, & iuris præsumptio stet, pro præcepto, quod est certum, Subdito incumbit onus suam exemptionem probandi, & afferendi rationes, illum à præcepto excusantes. Sed Titius, probare non poterat, quod,

quod, audire, in illis circumstantiis, Confessiones, sibi esset illicitum; de hoc enim solum dubitabat; Ergo tenebatur obedire, & consequenter, non obediendo, peccauit.

6 Quattò; Quia, Superioris præceptum, in dubio, præsumitur iustum nec limites potestatis excedere; unde, in dubio, de iure belli, omnes communiter docent; Subditos teneri, Principi obedire, nec debere, belli causas inquirere; sed præsumere, bellum esse iustum, cum, Oprimatum Consilio, decretum fuerit; sed, cum præceptum præsumitur iustum, habet vim obligandi; Ergo, in dubio, habet vim obligandi, & Subditus obligationem obediendi; Subditus enim præsumere potest, ac debet, præceptum esse iustum; cum non magis sibi credere teneatur, quàm Superiori.

7 Quintò; Quia, si, in dubio, præceptum Superioris non præsumeretur esse iustum, sequeretur, quod Superior, quotiescumque aliquid præcipit, sui præcepti rationem reddere teneretur, & manifestare, quo iure, hoc faceret, antequam Subditi tenerentur obedire. Hoc autem in maximum gubernationis damnum vergeret; Illam enim redderet difficillimam, & Subditorum iudicio subijceret, quatenus eorum esset, iudicare, an rationes, essent ad præciendum sufficientes. Cum ergo Superioris præceptum, semper præsumatur iustum, semper habet vim obligandi, quandiu non probatur oppositum; & consequenter, Subditus, in dubio, ei tenetur obe-

dire, dubium deponendo; habet enim rationem sufficientem illud deponendi, quæ ratio, est præcepti possessio.

NOTABILIA.

8 **A**duertendum est primò; Titium, dupliciter dubitare potuisse; primò de scientià, ad confessiones audiendas requisitâ, an esset sufficiens, vel insufficiens; & hoc fuisse dubium facti, & speculatiuum, sicut si dubitasset, an Cæsaris homicidium, secutum esset ex eius consilio, an non; secundò de ipsâ Sacramenti administratione, an sibi esset licita, an illicita; & hoc fuisse dubium practicum, quia, fuisse de ipsâ operatione, an esset faciendâ, vel non.

9 Aduertendû est secundò; Actum, quemcumque obligatorium, ita præsumi factum, ut minus, quam fieri possit, sit agenti onerosus; hinc autem fit, ut, si quis voueat calicem, satisfaciât, dando cupreum, nec teneatur dare argenteum; & qui vouit ieiunare, vel dare elemosynam indeterminatè, per vnicum ieiunium, satisfaciât, & quantitatem quamcumque minimam tradendo; Quia Votum, strictè, quantum fieri potest, interpretandum est; Tum, ut vitetur, quantum fieri potest, peccati periculum; Tum quia, ita habetur *c. ex partes de censib.* Tum quia, in legatis, quando non constat de intentione Testatoris, Testator præsumitur legare voluisse minimum, quod potuit, ut ad minimum grauariet hæredem. *L. n 73.*

ff. de

ff. de Legatis 3. Ergo etiam in voto, Vouens censendus est, voluisse se obligare ad minimum, quod potuit; Tam enim vota, quam legata, ex libera Vouentis intentione pendent; ita *Menoch. de præsumpt. lib. 6. præsumpt. 9. & Sanch. lib. 4. c. 15. num. 46.*

- 10 Adnertendum est tertio; Titium non teneri ad obediendum Prælati, nisi ratione professionis religiosæ, ac voti Obedientiæ, in eâ, emissis; ratione enim solius professionis, ei erat subditus; Cum ergo professio sit actus obligatorius, censetur obligare ad minimum, quod potest; ideoque solum ad materiam certam, ac licitam, non verò ad dubiam. Hinc autem fit, ut neque Superioris potestas, ac iurisdictio; quamvis data à Pontifice, ad aliam materiam se extendere possit, quam ad certam, ac licitam; Superioris enim iurisdictio, cum radicaliter oriatur ex voto subditi, ad alia se extendere non potest, quam ad ea, ad quæ votum ipsum extenditur. His positis.

RESOLVTIO.

- 11 **R**esp; Titium, quomodounque dubitauerit, Superioris præcepto non obediendo, non peccasse. *Vasq. l. 2. d. 66. c. 6. n. 51. Sanch. lib. 2. matr. d. 41. num. 33. & lib. 4. sum. c. 15, num. 32. Ioan. Sanch. d. 43. num. 3. Suar. tom 3. de relig. lib. 10. c. 3. in prim. resp. Castropal. p. 1. d. 3. p. 13. num. 8. Menoch. de præsumpt. lib. 6. præsumpt. 9. multis relatis.*

12 Primò; Quia quomodounque dubitauerit, non tenebatur obedire; quocumque enim modo dubitauerit, semper illicitum ei erat obedire; Nam; si de ipsâ Sacramenti administratione practicè dubitauit, an ei esset licita, vel illicita; Cum hoc dubio, licitè obedire non potuit; quia operari cum dubio practico, est in seipso malum; & aliunde, hoc dubium, deponere non potuit, etiam si ad illud vincendum, debitam adhibuerit diligentiam. Si verò dubitauit de ipsâ scientiâ, an esset sufficiens, vel insufficiens, neque, post adhibitam diligentiam, dubium hoc vincere potuit; etiam, cum hoc dubio, licitè obedire non potuit; Tum quia, cum hoc esset dubium facti, & factum, in dubio, non præsumatur; præsumere non poterat, se, scientiam sufficientem, habere. Tum quia, poenitentiarum administratio, stante hoc dubio, illi erat illicita; erat enim contra præceptum Diuinum, obligans ad Sacramenta ritè ministranda, quod, in dubio, adhuc obligabat, cum pro illo staret possessio, eo quod esset certum, & excusatio incerta. Posito ergo, quod Titius, cum eo dubio licitè obedire non potuerit, obedire non tenebatur; ideoque non obediendo, non peccauit; cum præstetim, Superioris præceptum, ei sufficiens, non fuerit, ad dubium deponendum.

13 Secundo; Quia, Superioris præceptum, non potuit Titio reddere licitum, quod antea illi erat illicitum, neque enim ex eo, quod Superior præcipiat reuelationem pec-

H
cari

eati in Confessione auditi, reddere potest reuelationem illam, ex illicita, licitam. Sed ante Superioris præceptum, erat Titio simpliciter illicitum; Confessiones audire; Tum quia erat illicitum, operari cum dubio. Tum quia erat illicitum, Confessiones, cum dubio de scientia debita, audire; Ergo Superioris præceptum non potuit ei poenitentiae administrationem reddere licitam, & consequenter nec ad illam obligare.

13. Tertiò; Quia, si Superior, Sacerdos dubitanti, an homicidium aliquod eius confilio, secutum sit, præciperet, iuxta celebraret; Sacerdos ille, nec obedire teneretur, nec posset; quia Ecclesia, in dubio de homicidio, declarat irregularem, & prohibet celebrationem. Sed etiam præceptum Diuinum prohibet, ne quis, in dubio, de scientia necessaria, Sacramentum vllum ministret; prohibet enim, ne quis illud, sine debita scientia, ministret, & qui dubitat, illam non habere præsumitur; cum sit dubium facti; Ergo Titius, obedire nec tenebatur, nec poterat.

15. Quartò; Quia, Superior nunquam habuit potestatem præcipiendi nisi licita; Ergo, eo ipso, quod dubitatur, an res præcepta, sit licita, dubitatur, an potestas Superioris, ad illam se extendat; se autem idem, est dubitare, an præceptum ad rem præceptam se extendat, ac dubitare, an detur præceptum; Ergo eo ipso, quod dubitatur, an res sit licita, dubitatur, an de illa detur præceptum; In dubio autem obligatio-

nis, vel præcepti, nulla datur obligatio, quia possessio stat pro libertate, quæ est certa, quandiu non constat oppositum; Cum ergo Titius dubitauerit, an poenitentiae administratio ei esset licita, dubitauit consequenter etiam, an in Superiore, esset potestas præcipiendi; ideoque obligari non potuit ad obediendum.

16. Quintò; Quia Titius, Prælate obedire non tenebatur, nisi ratione professionis religiosæ, ac Voti Obedientiæ in illi emissi; ratione enim solius professionis erat ei subditus. Sed in dubio, de honestate rei præceptæ, ex vi voti, obedire non tenebatur. Vouens enim, nunquam vult se obligare ad casum dubium; Tum quia, illa esset voluntas imprudens, non minus, quam voluntas se obligandi ad rem illicitam; Tum quia, Vouens habet intentionem, se obligandi solum sub conditione, si res promissa sit Deo grata; In dubio autem, aa sit grata, iam non datur conditio. Cum ergo Titius, per Votum, noluerit se obligare, nisi ad materiam certam, & licitam; neque Prælati, ad aliam, per suum præceptum, obligare illum potuit. Prælati enim, potestatem non habet obligandi ad alias materias, præter eas, ad quas religiosorum vota se extendunt, cum tota Prælati iurisdictio, ac vis præcepti, fundetur in voto, ex eoque oriatur, & ab illo mensuretur, ut dictum est. Cum ergo res Titio præcepta, esset dubia, nec Titius per votum ad illam obligare se voluit, nec Superior eam potuit præcipere, ideoque

e Titius, illam non ponendo, non occauit.

DICTIONVM SOLVTIO.

NEquè obstant rationes in contrariam. Ad primam, nim. resp. Negando, quod Superior em illam præcipere poterit; Tum quia erat illicita, vt probatum est; Tum quia erat dubia; Superioris autem potestas, non se extendit ad res dubias, sed solum, ad certas, cum ad eas solas Titius per votum se obligare voluerit.

Ad secundam Resp. Negando maiorem; Superior enim, non habet maius ius, quàm, quod ei subditi, per votum, conuenerunt; Subditi autem, non conuenerunt potestatem præcipiendi, nisi licita, & non dubia, quia per votum, ad ea solum se obligare voluerunt, & non ad ista.

19 Ad tertiam Resp. Negando minorem; eo enim ipso, quod dubitabat de sufficienti, probare poterat, illicitum sibi esse, confessiones audire, quia in dubio de scientiæ sufficienti, Confessiones audire, est contra præceptum Diuinum de Sacramentis non nisi ritè administrandis. Adde, quod, in illis circumstantiis, poenitentiae administratio saltem erat dubia; Titius autem, per votum, se obligauit solum ad materiam certam, ideoque in illa solà, Superiori obedire tenebatur, & non in dubiâ.

20 Ad quartam Resp. primò Præceptum, in dubio, præsumi iustum, quando dubium, non reddit rem

præceptam illicitam; si enim reddat illicitam, iam extrahit illam à materiâ præcepti. Dubium autem, in casu præsentis, reddit poenitentiae administrationem illicitam, vt patet ex dictis;

21 Resp. secundò; Præceptum, præsumi, in dubio, iustum, quando oritur ex potestate Legislatoris; hoc enim, cum eius obligatio pendat ex voluntate, ac potestate Legislatoris, ex eius iurisdictione metiendâ est. At quando oritur ex voto, in dubio rei præceptæ, non præsumitur iustum, quia Votens, noluit se obligare ad casum dubium, sed solum ad certum; & præceptum tunc extendere se iuste non potest, nisi ad ea, ad quæ votum se extendit.

22 Ad quintam Resp; Illam probare de Superioribus habentibus iurisdictionem, ac potestatem legislatoriam, à subditorum voluntate independentem, non verò de Superioribus Religiosorum, totam iurisdictionem habentibus fundatam, ac radicatam in votis subditorum, ideoque ab eorum voluntate pendentem, & quo ad extensionem, ad aliquas solum materias certas limitatam, & non ad omnes.

COROLLARIA.

23 **C**olligitur ex dictis primò; Nō posse Superiorem per suum præceptum, obligare subditum, ad reuelandum secretum, & multo minus delictum proximi occultum; (præsertim, si ex tali reuelatione, sequi illi posset aliquod damnum;) quando subditus dubitat, an talis

reuelatio, sit licita, an illicita; vel quando dubitat, an Superior, hoc præcipere possit, vel non possit; In utroque enim casu, est dubium de extensione præcepti ad illum casum, ideoque, an detur; vel non detur præceptum; in quo casu, possessio stat pro libertate certà, & vis præcepti est probanda, cum sit dubia.

- 24 Secundò, Non posse Superiorem præcipere subdito, vel comestionem carniū in die ieiunij, vel omissionem Diuini Officij, nec subditum teneri obedire, quando dubitat de sufficientia valetudinis, aut impedimenti; nisi Superior potestatem habeat dispensandi in Ecclesiæ præceptis de ieiunio, aut officij recitatione. Posito enim dubio, de sufficientià impedimenti, præcepta Ecclesiastica obligant, cum sint certa, & eorum excusatio sit tantum dubia. Superior autem, si potestatem non habeat dispensandi; per suum præceptum, obligationem præcepti Ecclesiastici tollere non potest, & consequenter, nec per suum præceptum obligare.

- 25 Tertiò; In dubio, an res præcepta, sit licita, possessionem non stat pro præcepto Superioris, sed pro illo præcepto, contra quod dubitatur, esse res præcepta; si enim Superior præcipiat, in die ieiunij carniū comestionem, subdito dubitanti, an eas licitè comedere possit; possessio, in eo dubio, non stat pro præcepto Superioris, sed Ecclesiæ, cuius præceptum, cum sit certum, possidet, quandiu de excusatione non constat. Vnde à præcepto

Superioris superueniente, tolli non potest, nisi Superior, potestatem habeat dispensandi; Tunc enim, illud per dispensationem tollere potest. Atque hinc apparet differentia inter præceptum ieiunij V. G. & præceptum Superioris: nam præceptum ieiunij, in dubio, semper possidet, & obligat, quia non dum constat de excusatione. At præceptum Superioris, in dubio, statim cessat possidere, quia statim constat de excusatione; Eo enim ipso, quod de honestate rei præcepta dubitatur, iam res illa, est alteri præcepto contraria, ideoque incapax, vt præcipiatur à Superiore.

- 25 Quartò; Subditum, si dubium habeat fundatum de belli iniusticià, & adhibita debità diligentia, dubium expellere, ac vincere non possit, non teneri zimò nec posse, cum eo dubio, obedire; Tum propter rationes superius factas; Tum quia, certum est, ex bello, securitæ damna grauissima, & ipsi subdito, & alijs; Superior autem, cum tanto damno, obligare non potest; cum non magis obligare possit, quam Ecclesiæ præcepta, & hæc, quamuis certa, cum graui detrimento proprio, vel alieno, obligare non soleant; Tum denique; quia, in dubio de iusticià belli, possessio stat pro iure iustitiæ, quod vnusquisque habet, ne lædatur in bonis suis absque manifesto titulo. Hic autem titulus, non datur, dum dubitatur, an Superior habeat ius imperandi; si tamen subditus fundatam rationem dubitandi non habeat, tenetur dubium frivolum depone-

;& bellâ iusticiam præsumere, & ræsumendo præceptum Superioris diuino esse conforme, quandiâ non constat, vel rationem fundam non habet dubitandi, quod illi sit contrarium.

Quintò, Quæ dicta sunt, valore fortiori, cum datur opinio probabilis, quod materiâ præcepta, sit illicita; si enim solum dubium, quod sit illicita, sufficit ad excusandum ab obligatione præcepti, multò magis sufficiet probabilitas, quod sit illicita; & cum Prælati præceptum habeat vim obligandi, solu

limitatam ad certò licitâ, vtiq; obligare non poterit ad probabiliter illicitâ. Nam subditus, dum vouet obedientiam Prælato, sicut excludit materiam dubiam, ita excludit probabiliter illicitam; non minus enim esset imprudens voluntas obligandi se; ad obediendum pro casu probabiliter illicito, quam pro casu dubio. Mensura autem obligationis, in voto obedientiæ, & consequenter etiam potestatis in Prælato, tota desumitur ex intentione vouentis, cum tota obligatio, ab eius voluntate dependeat.

Q V A E S T I O XVI.

An votum de materiâ dubiâ obliget.

C A S V S.

TITIVS votum emiserat, librum aliquem spiritua-lem, singulis diebus, per semihoram, legendi; accidit autem, vt in grauem morbum inciderit; ex eoque, dum conualesceret, dubitauit; lectionem illam fore tunc capiti grauiter nocituram; cumque, medici copiam non haberet, nec alium, à quo de hoc certificari posset; lectionem omisit; Quæritur, vtrum mortaliter peccauerit.

S V M M A R I V M.

- 1 An votum obliget sicut Lex.
- 6 Dubitans de materiâ honestate, voto non obligatur.
- 7 Votum, intentionem non habuit

se obligâti ad materiâ dubiâ.
8 Neque tunc, materia est grata à Deo.

- 9 Dubium de honestate materiâ, trahit dubium de ipso voto.
- 10 Voluntas se obligandi, etiam in

materia dubia, est imprudens.

- 11 *Ideo votum, in dubio, non obligat.*
- 12 *Votum, est stricte interpretandum.*
- 13 *Ideoque se extendit solum ad materiam, certo, gratam Deo.*
- 14 *Votum, à fortiori non obligat, cum datur iudicium probabile, de inhonestate materiae.*

RATIONES DUBITANDI.

- 2 **C**um, ex dictis, præceptum Legislatoris, in hoc differat à præcepto Prælati, quod primum obligat, etiam, cum materia est dubia: secundum verò solum, cum materia certo est honesta, quæri solet, cuiusnam ex his duobus præceptis, sit simile vorum, in modo obligandi. Videtur enim esse simile præcepto Legislatoris, aut legi, ideoque obligare, etiam, cum materia est dubia; unde Titius videtur, mortaliter peccasse. Ita *Suar. tom. 2. de relig. lib. 4. de voto c. 6. num. 12. Castropal. p. 1. q. 3. p. 12.*

- 3 Primò; Quia fecit contra voti obligationem; cum enim certus esset, se iussisse, & quantum est ex parte sua, se obligasse; propter solum dubium, ex parte materiæ; excusari non poterat; nam dubium illud, iam ei non sanebat tanquam suam libertatem possidenti, sed possessio tota erat pro voto, quod erat certum, excusatio autem, suæ libertatis, incerta.

- 4 Secundò; Quia, cum ad voti va-

lorem, duo necessario requirantur; unum ex parte hominis, ut velit se obligare; alterum ex parte Dei, ut velit acceptare; quando est dubium de materia voti, non est dubium de voti valore, ex parte Voluntatis Voventis, sed ex parte Dei acceptantis; Ergo, cum de sua voluntate, sit certus, procurare tenetur, ut de diuina acceptione certior fiat; Ergo, in eo dubio, consulere debet Prælatus, qui est loco Dei, ut, vel interpretetur, vel dispense; alioquin exponeret se periculo, rem Deo gratam, eique promissam omittendi, quod, sine peccato, fieri non potest. Cum ergo Titius, Prælatus non consuluerit, consequenter mortaliter peccauit.

- 5 Tertiò; Quia; Titius, dubitans, an lectio esset capiti nocitura, non dubitauit, se votum fecisse saltem sub conditione, si lectio illa Deo esset grata; hoc enim erat certum; Ergo tenebatur à Prælati inquirere, an esset Deo grata, nec sua auctoritate, ac arbitrio, rem in suum fauorem interpretari poterat, ne transgressionis periculo se exponeret; Cum ergo Prælati dispensationem non procurauerit, consequenter mortaliter peccauit.

RESOLVTIO.

- 6 **R**esp. tamè; Titium, post adhibitam debitam diligentiam, dubitantem de lectione, an esset grauitè capiti nocitura, illam omittendo, mortaliter non peccasse. Ita *S. Thom. 2. 2. quæst. 88. ar. 2.*

Solutus

Sotus lib. 7. quæst. 1. art. 3. ad ult. Syluester v. votum. 1. quæst. 4. & votum 2. qu. 14. Sanchez lib. 4. sum. c. 6. num. 5. Bonac. D. 4. q. 2. de voto p. 3. §. 1. num. 5.

7 Primò; Quia nihil fecit contra votum; per votum enim, nunquam se obligauit ad lectionem, pro casu, quo dubitaretur, placere Deo, vel esse capiti grauius nocitura, sed solum, posito, quod certò placeret Deo, eique esset grata; nam, quando agitur de obligatione inducenda, facienda est stricta interpretatio; c. 1. *de iur. iur. in 6. & L. quidquid adstringende: ff. de verb. oblig.* ita vt actus obligatorius censetur obligare ad minimum, quod potest, vt operanti sit minus onerosus, quam fieri possit: Cum ergo votum censetur sufficienter obligare, si obligat solum ad materiam certò gratam Deo, dicendum est non obligare ad materiam dubiam, qualis est lectio, habens annexum periculum grauis nocimenti capitis, vel saltem dubium.

8 Secundò; Quia exponere se periculo nocimenti grauis, Deo placere non potest; ergo neque ei placere potest lectio, habens annexum hoc periculum, ideoque esse non potuit materia voti; hæc enim esse debet, res Deo grata; ergo Titius, cum eo dubio, lectionem omittens, votum non violauit.

9 Tertiò; Quia, qui dubitat de honestate materię per votum promissę, nec dubium vincere potest, formaliter dubitat etiam de ipso voto; dubitat enim de aliquo, ad voti valorem essentialiter requisi-

to, cum votum essentialiter, in materia, honestatem requirat; Qui autem dubitat de voto, ac lege, non obligatur, quia tunc tota possessio stat pro libertate. Ergo, qui dubitat de honestate materię per votum promissę, non obligatur voto; Cū ergo Titius, dubitans, an lectio esset grauius capiti nocitura, dubitauerit de honestate materię per votum promissę, (exponere enim se temerè periculo, grauis nocimenti; honestum non est) dubitauit etiam de voti obligatione; & consequenter voto non ligabatur.

10. Quartò; Quia Titius, nunquam censetur habuisse voluntatem se obligandi, etiam cum periculo quouis dubio, grauis damni; talis enim voluntas fuisset imprudens, sicut fuisset imprudens, voluntas se obligandi ad aliquid, etiam cum secum haber annexum periculum, quouis dubium, peccati; sed lectio habebat annexum periculum saltem dubium damni grauis; ergo Titius non censetur, voluisse, ad eam se obligare, pro eo casu; ideoque illam omitendo, non fecit contra votum.

OBIECTIONVM SOLVTIO.

11 **A**D rationes in contrarium. Resp. ad primam; Titium nunquam fuisse certum de voto, pro eo casu; imò, cum dubitauerit de materia honestate, consequenter dubitauit de ipso voto; In dubio autem voti, votum non obligat, & tota possessio stat pro libertate, quę est certa.

12. Ad secundam Resp; Votum, cum sit actus obligatorius, ideoque strictè interpretandus, non obligat, nisi quando constat, materiam esse Deo gratam, siue Deum tale votum acceptare; Ergo, eo ipso, quod hoc non constat, votum non obligat; neque datur obligatio tunc Prælatum adeundi pro dispensatione; nam hæc datur solum, quando datur obligatio; cum dispensatio, illam supponat.

13. Ad tertiam Resp. Titium vouisse lectionem, solum, posito, quod certò esset Deo grata, non verò etiam posito, quod de hoc esset dubium; fuisse enim voluntas imprudens. Ergo, eo ipso, quod Titio non constabat, lectionem, in illis

circumstantijs, esse Deo gratam, ex vi voti, ad illam non tenebatur, & consequenter, neque hoc inquirere à Prælato.

COROLLARIUM.

14. Colligitur ex dictis; quæ dicta sunt, valere non solum in casu dubij, sed etiam in casu opinionis probabilis pro vtraque parte de honestate materiz, & periculo nocumenti, lectioni annexo; semper enim, quando sunt duæ opiniones probabiles, fas est unicuique, quamlibet amplecti, siue opiniones sint speculatiuæ, siue practicæ, modo explicato. *Sanch. lib. 4. sum. c. 6. num. 5.*

Q V A E S T I O XVII.

An conscientia speculatiuè dubia, reddat votum irritabile.

C A S V S.

1. **Q**UAMVIS Titius certò sciret, se votum quoddam emisisse, dubitauit tamen, an illud, ante pubertatem, an post eam, emisisset; omnique adhibitâ diligentia, certificari de hoc non potuit; Quæritur, an huiusmodi votum irritari possit à Patre.

S V M M A R I U M.

3. Votum, in dubio pubertatis, non videtur, à Patre irritabile.

1. Sicut, nec contractus, in dubio minoritatis.

6. Voti irritatio, & rescissio contra-

tractus, sunt favor atatis.

- 9 *Verè tamen votum, in eo dubio, est, à Patre irritabile.*
- 10 *Potestas irritandi, in Patre, possidet.*
- 11 *Impuber, non est dominus sua voluntatis, sed pater.*
- 12 *Sicut, nec servus sua, sed Dominus.*
- 13 *Cum dua possessiones concurrunt, antiquior pravalet.*
- 14 *Votum possidet, respectu Filij, sed non respectu Patris.*
- 15 *Valor irritationis, in potestate Patris fundatur.*
- 16 *Hac, ut potè, antiquior, pravalet voto.*
- 17 *Dubium de Filij atate, non trahit dubium de Patris potestate.*
- 18 *Habilitas ad Sacerdotium, est favor atatis.*
- 19 *A fortiori, votum irritari potest, cum datur indicium probabile de Filij impubertate.*
- 20 *Potestas irritandi, se extendit etiam, ad tempus antecedens.*

RATIONES DVBITANDI.

- 2 **Q**UAMVIS circumstantia dubia, voti certi, à voti obligatione non eximat; adhuc tamen remanet difficultas; an saltem circumstantia dubia temporis, in quo votum est emissum, illud reddere possit irritabile. Et pro parte quidem negativà sunt. *Salas 1. 2. tom. 2. quæst. 21. tract. 8. d. 1. f. 23. n. 261. Nan. c. 12. n. 64. Lessius lib. 2. cap. 40. num. 71. Sylvest. v. votum 4. quæst. 2.*

3 Primò; Quia voti obligatio, cum sit certa, possidet, sicut possidet præcepti obligatio, quando est certa; potestas autem irritandi, est dubia, sicut est dubia, excusatio præcepti, Ergo, sicut, qui dubitat de excusatione præcepti, non excusatur; ita, qui dubitat de potestate, vota irritandi, ea irritare non potest.

4 Secundò; Quia, cum votum sit certum, & irritatio sit dubia, Filius, per irritationem, acquirere non potest possessionem suam libertatis; Ergo manet obligatus, sicut antea, donec constet de potestate irritandi, & de valore irritationis.

5 Tertiò, Quia qui dubitat, an contractum inierit, tempore minoritatis, petere non potest rescissionem contractus, nisi probe, fuisse celebratum, tempore minoritatis; Ergo etiam, qui dubitat, an votum emiseric, tempore impubertatis, petere non potest irritationem, nisi constet, tempore impubertatis, fuisse emissum: Ideo enim, dubitans, an contractum celebraverit, tempore minoritatis, petere non potest rescissionem contractus, quia, per illum contractum, alteri contrahenti acquisitum est ius, quo, in dubio, spoliari non debet per rescissionem contractus; sed etiam, per votum, cum sit contractus quidam cum Deo, acquisitum est Deo ius, quo spoliari, in dubio, non debet per irritationem; Ergo, sicut dubius de minoritate, petere non potest rescissionem contractus, ita dubius de impubertate, petere non poterit irritationem voti, & consequenter

sequenter, nec pater poterit irritare;

6 Quartò; Quia, sicut, posse rescindi contractum minoris, est fauor illius ætatis, ita posse irritari votum impuberis, est fauor illius ætatis; Ergo, sicut in dubio minoritatis, præsumptio iuris est contra illam, & pro iure alterius contrahentis certò; ita, in dubio impubertatis, præsumptio, ac possessio erit contra illam, & pro iure Dei, quod est certum.

7 Quintò; Quia, cum potestas vota irritandi non sit absoluta, sed limitata ad tempus impubertatis, sequitur, eo ipso, quod dubium est, de tali ætate, ac tempore, dubium esse etiam de potestate irritantis; Ergo irritans, nulla priuatur possessione, quamvis ei hæc potestas denegetur; Non enim ei denegatur aliquid certum, sed dubium. Possessio autem, semper est aliquid certum.

8 Sextò; Quia, dubitans, an vigesimum quartum annum expleuerit, non est capax sacrum Presbyteratus ordinem suspiciendi; Ergo neque dubitans, an tempore impubertatis, votum emiseric, erit capax irritationis: Non minus enim, ad capacitatem irritationis requiritur tempus determinatum impubertatis, quam ad capacitatem Presbyteratus, requiratur determinatum tempus annorum viginti quatuor; Ergo, sicut, cum de isto tempore non constat, non datur capacitas ad Sacerdotium, ita, dum non constat de tempore impubertatis, non datur capacitas ad irritationem.

RESOLVTIO.

9 Respond. tamen; postq. Titij dubio, an votum emiseric tempore pubertatis, posse votum illud à Patre irritari. Ita *Strar. to. 2. de relig. lib. 4. de voto, c. 6. num. 1. & lib. 6. c. 6. num. 4. Sanch. lib. 2. matr. d. 41. num. 39. & lib. 4. sum. c. 32. num. 2. Bonac. d. in 2. præc. dec. quæst. 2. pun. 7. §. 2. num. 1. S. Thom. 2. 2. quæst. 88. art. 8. Sotus lib. 7. de iust. quæst. 3. art. 1. Reginaldus lib. 18. num. 309.*

10 Primo; Quia, Pater habet possessionem iuris, ne filius, independenter ab eius voluntate, votum emitat; possidetque potestatem dominatiam illud irritandi, si à filio fuerit emissum; Ergo, dum non constat de exemptione filij ab hoc dominio, per temporis decursum, & lapsum ætatis, quò dominium hoc durat; retinere potest Pater hanc potestatem, nec est illà priuandus. Sed, quandiu dubitatur, an Votum fuerit emissum, tempore pubertatis, non constat de exemptione Titij à Patris dominio; Ergo stante hoc dubio, Pater censetur retinere potestatem, eius vota irritandi, nec eà est spoliandus; ideoque ea possit irritare.

11 Secundò; Quia voluntas impuberis, quo ad omnia vota, & minoris, quoad vota realia, non est propria ipsius Impuberis, sed aliena; Est enim Patris, & Pater illam possidet; Ergo, quandiu non constat, esse factam propriam ipsius Filij, per lapsum ætatis, remanet aliena,

&

& in Patris possessione, & consequenter, in dubio, an per lapsum ætatis, facta sit propria Filij, melior est conditio Patris possidentis.

12 Tertiò; Quia, si dominus aliquis, seruum, eà conditione, possideat, ut, transacto vigesimo ætatis anno, euadat liber; in dubio illius ætatis, eius serui dominio priuari non potest, sed seruo libertatem petenti incumbit onus probandi, se illam ætatem expleuisse. Ergo eodem modo, cum Pater, Filij voluntatem, vsque ad certam ætatem, possideat, quoad vota irritanda; In dubio lapsæ ætatis, hoc dominio priuari non potest, sed ipsi Filio propriam libertatem possidere volenti, incumbit onus probandi, quod ætas, sit lapsa. Stante ergo Titij dubio, potest Pater eius vota irritare.

13 Quarto; Quia, quando duz possessiones concurrunt, antiquior præualet, iuxta *reg. qui prior est tempore, potior est iure, de reg. iuris, in 6.* eo quod obligatio superueniens, priori detrimentum afferre, aut cū eius præiudicio induci non possit; Vnde seruus, qui absque Domini licentiâ matrimonium contrahit, tenetur potius Domino obsequium, quam vxori debitum reddere, quando utrique satisfacere nequit; quia possessio Domini in corpus serui, tanquam antiquior præferenda est possessioni vxoris in idem corpus. Sed possessio Patris in voluntatem Filij, est antiquior possessione voti in eandem voluntatem; illa enim est acquisita à Filij natiuitate, hæc verò solum, post votum emissum; Ergo, quamuis votum, Filij volun-

tatem possideat, præualeat tamen possessio Patris antiquior.

OBJECTIONVM SOLVTIO.

14 Ad rationes dubitandi; Resp. ad primam; Votum possidere quidem respectu voluntatis Vouentis; non tamen respectu Patris; Huius enim possessio tanquam antiquior præualeat; imò, cum dubium sit, an votū emissum sit, in ætate legitimâ, ratione cuius non pendeat à Patris consensu, est etiam dubium, an firmiter obliget, & independentem à Patris voluntate; ideoque, neque respectu Vouentis, est certum quoad firmitatem obligandi, & consequenter, neque quoad hoc, possidet respectu ipsius Vouentis; in casu autem præcepti, nullatur possessio pro libertate, sed tota est pro præcepto; vnde eius instantia, non militat contra casum præsentem.

15 Ad secundam Resp. Valorem irrationis, esse moraliter certum, quia pro eo stat possessio, ideoque per irrationem, Filium acquirere posse possessionem suæ libertatis; valor enim irrationis non fundatur in possessione libertatis, quam habet Filius, sed in possessione, quam Pater habet eiusdem libertatis in ordine ad vota, quæ fortior est possessione voti, cum sit antiquior.

16 Ad tertiam, & quartam Resp. Rationem disparitatis esse, quia per contractum, compariuntur est in alteri contrahenti, quod, cum sit certum, possidet, & in eâ possessione est.

est vnicum, nec cum eo datur alia possessio praeualens. At ex voto, comparatum quidem est ius Deo, quod cum sit certum respectu voluntatis vouentis, respectu illius possidet; quia tamen in ea possessione non est solùm, sed cum eo concurrit possessio Patris antiquior; hinc est, ut huic praeualere non possit, nec illi detrimentum asferre, & consequenter, quod hæc semper maneat in sua possessione, irritandus donec constet de Filij exemptione ab eius potestate per lapsum debitæ ætatis. Præterea, cum habilitas ad rescissionem contractus sit fauor solius ætatis minoris, non est mirum, si volens eo privilegio gaudere, & à communi contractum lege eximi, minorem ætatem probare debeat; at habilitas ad votorum irrationem, non est fauor solius ætatis impuberis, vel subditi, sed etiam Patris, ac Superioris, cum Superior, subditorum vota irritare possit, etiam ipsis inuitis, ut fuse probat *Suar. tom. 2. de relig. lib. 1. de voto c. 1.* imò aliquando non est in fauorem subditi, sed ut vitetur damnum Superioris, ut patet in potestate irritandi vota seruorum; Ergo Filio, ut eius vorum sit capax irrationis, non incumbit onus suam impubertatem probandi; hæc enim oritur ex possessione potestatis irritandi, quam habet Pater antecederet ad votum, quò, in dubio impubertatis, spoliari non potest.

17 Ad quintam Resp; Ex dubio ætatis, non oriri dubium de potestate Superioris ad irritandum; hæc

enim est certa, quia fundatur in certa possessione, quam Superior habet, ne subditus independentem ab ipsius voluntate possit se voto adstringere, quæ possessio antiquior est possessione voti; sicut ex dubio, an res, quam quis possidet, sit sua, non oritur dubium, an possit illà uti; hoc enim, ratione certæ possessionis, est certum; Sicut ergo priuaretur possessor rei possessione certà, si ei, in dubio, denegaretur potestas, illà vtendi; ita priuaretur Pater possessione suæ potestatis ad irritandum, si ei hæc potestas denegaretur.

18 Ad sextam Resp. Habilitatem ad Sacerdotium, esse fauorem illi ætati concessum, ideoque non mirum, si eo gaudere volenti incumbat onus, ætatem illam probandi, & certa illa ætas requiritur; at habilitas ad votorum irrationem, non tam est fauor ætatis impuberis, vel subditi, quam ius existens in Patre, vel Superiore ad irritandum; ideoque Filio, ad huius irrationis capacitatem, probandam non esse impubertatem, sed semper in eo præsumi, quandiu non probatur fluxus ætatis, quia in eo præsumitur, quandiu præsumitur in Patre potestas irritandi, cum hæc duo sint correlatiua; potestas autem ad irritandum, in Patre semper præsumitur, quandiu non probatur in Filio exemptio per fluxum ætatis.

COROLLARIA.

19 Colligitur ex dictis primò; Potestatem Patrem, vota Filij irritare, non solùm quando dubitat, an ea;

tempore impubertatis, emiserit, sed etiam quando de hoc habet opinionem probabilem, dummodo non habeat moralem certitudinem; quia propter hanc opinionem probabilem; Pater non priuatur potestate, ac possessione, quam habet; sequi enim adhuc potest opinionem probabilem oppositam; sicut, quamvis coniux haberet opinionem probabilem de nullitate matrimonii, non propterea alteri teneretur negare debitum, nec spoliare illum probabili possessione, quam habet, sed sequi posset opinionem probabilem oppositam.

20. Secundò; Idem dicendum esse, quando dubium, est circa tempus non subsequens subiectionem, ut in casu impuberis, sed eam antecede-

dens; ut si vxor dubitet, an ante matrimonium, votum emiserit; aut seruus, qui aliquando fuit liber, an tempore libertatis; & pupillus, qui aliquando caruit tutore, & minor, qui aliquando caruit curatore; an tempore subiectionis, an verò tempore, quo sui iuris erant, votum emiserint; Quia possessio præfens, quam habet Superior de voluntate subditi, est certa, cum certum sit, illum esse seruum, aut minorem, & illam vxorem &c. At exemptio quo ad illa vota, est dubia; unde dubia est etiam, vel saltem sub opinione, votorum possessio quo ad eorum independentiam à consensu Superioris; Hæc autem non sufficit ad spoliandum Superiorem certâ possessione, quam habet.

QVAESTIO XVIII.

An ignorantia excuset à culpâ, & à pœnâ.

C A S V S.

1. **E**PISCOPVS Smirnenfis, iustis de causis, blasphemiam sub excommunicatione prohibuerat. Cum autem, post annum, Ciuis quidam Cartaginensis, illuc appulisset; & posito ibi domicilio, Ciuem Smirnensem in matrimonium duxisset, die quadam, (quia blasphemandi habitum iam contraxerat) inter ludendum; Episcopi statutum inuincibiliter ignorans; sepius blasphemauit. Queritur; Vtrum in excommunicationem incidit.

- SVM MARIVM.**
1. Ignorantia notitia, cur nesciatur.
 8. Ignorantia quid, obiectumque.
 9. Multiplex fit, in ordine ad varios terminos considerato.
 10. Ignorantia concomitans, quam dispositionem includat ad actum ignoratum.
 11. Ignorantia inuincibilis, etiam concomitans, excusat à culpà.
 14. In quo sensu, non excuset.
 15. Excusat etiam à pœnâ.
 18. Reddit actum non voluntarium.
 20. Quando censetur reddere voluntarium.
 22. Cur, in Foro externo, Ignorantia facti, sed non iuris, excuset.
 23. Ignorantia inuincibilis excusat etiam à suspensione.
 24. Et ab Irregularitate.
 25. Et à Reservatione.
 26. Impedit actus nullitatem, quando hac, est pœna.
 27. Excusat etiam ab alijs pœnis.
 29. Non solum Ignorantia iuris, sed etiam facti, excusat.
 30. Nec solum Antecedens, sed etiam Concomitans.
 31. Imò etiam, penitus inuincibilis.
 32. Vincibilis tamen mortaliter, non excusat.

RATIONES DVBITANDI.

3. **C**um, Conscientia dubia, essentialiter supponat ignoran-

tiam rei, de qua dubitatur & ignorantia opponatur libertati, quæ ad honestatē, operationis necessariò requiritur. Vt legis incipere limites cognoscamus, ac veluti proprium Territorium, sciamusque, quodque in nostris, operationibus dirigendis, consuevit regulæ se excusdat. Ignorantia notitia necessestaria est; cum hæc, aliquando, excuset & à culpâ, & à pœnâ, & ætuum valorem impediatur.

3. Videtur ergo Cuius Cartaginensis, in excommunicationibus, incidisse. Ita Gonor. c. Alma Mater. 1. par. 5. 10. num. 9. Alvarez. 1. 2. disp. 138. num. 7. Comitatus. lib. 5. Resp. mon. quest. 3. Grass. 1. par. de off. lib. 4. c. 9. num. 42. Rodrig. tom. 1. cap. 80. n. 11. congl. 1.
4. Primò, quia Cuius ignorantia, ex circumstantijs, videtur fuisse non antecedens, sed concomitans; Cum enim blasphemandi habitum haberet, videbatur ad blasphemandum paratus, etiam si Episcopi legem cognouisset. Hæc autem ignorantia, cum actum non reddat inuoluntarium, nec excusare videtur à culpâ, & consequenter nec à pœnâ.

5. Secundo; Quia, rei illicitæ vacans, consentium præstare censetur etiam ijs, qui præter rursus intentionem sequuntur, ex c. fin. de homic. in 6. Vbi, iubens, aliquem verberari, cauens, ne occidatur, irregularis asseritur, si Mandatarius, fines mandati excedens, illum occidat. Sed Cuius, quamvis Episcopi statutum ignorans, actionem illicitam posuit, nempe blasphemiam. Ergo cen-

consentetur etiam in eius specialem malitiam, contra Episcopi statutū, consensisse; Ideoque statuti quāvis à se ignorati, poenas incurrit.

- 6 Tertiò; Quia, in e. cum illorum: de sent. excom. statuitur, dispensari posse, in irregularitate, cum quibusdam excommunicatis, qui iuris ignari, ad Ordines, se promoueri curarunt. Ergo ignorantia iuris humani, ab irregularitatis poenā nō excusat; Ideoque, nec ab excommunicatione, Cuius excusauit.

- 7 Quartò; Quia, ex reg. Ignorantia, 13. de reg. iuris in 6. Ignorantia facti, nō verò iuris, excusat. Cuius autem ignorantia, non fuit facti, sed iuris. Neque hoc, intelligi potest, de ignorantia vincibili; Nam hæc, etiam facti, non excusat.

NOTABILIA.

- 8 Aduertendum est primò; Nōmine ignorantie, intelligi aliquando, carentiam scientiæ in subiecto, quod illam, nec habere debet, nec potest; in quo sensu, dicitur esse in Infantibus, ac Amentibus. Aliquando, carentiam scientiæ in subiecto, quod illam, habere quidem potest, sed non debet; In quo sensu, Muscus ignorare dicitur Artem edificatoriam, quia licet illam scire possit, non tamen debet. Aliquando, carentiam scientiæ in subiecto, quod illam habere potest, ac debet; in quo sensu, qui nescit ea, quæ ad eius officium, ac munus spectant, ea dicitur ignorare. Aliquando denique, errorem, scientiæ

etiam oppositum; ut, si quis, non solum nesciret, contractum usurarium esse illicitum, sed putaret, esse licitum. Primæ tres ignorantie, dicuntur negatiue; quia consistunt in mera negatione, siue priuatione scientiæ. Quarta verò, dicitur positia; quia, præter scientiæ negationem, continet etiam actum positium erroris.

- 9 Aduertendum est secundò; Quamlibet ex his ignorantie, considerari posse, vel in ordine ad rem ignoratam; vel in ordine ad Voluntatem; vel in ordine ad eius actum. Primò modo considerata; diuiditur in ignorantiam iuris, & facti. Ignorantia iuris; est ignorantia legis, siue præcepti, aut consuetudinis, aliquid præcipientis, vel prohibentis; Ut, cum quis ignorat præceptum; de bonis Naufragantium non surripiendis. Ignorantia facti; est ignorantia ipsius rei prohibita, vel præceptæ; Ut, cum quis carnes comedit, ignorans, esse diem Veneris. Secundo modo considerata; diuiditur in inuincibilem, ac vincibilem. Inuincibilis, est; quæ expelli à nobis, vel non potest; Ut, cum de iure; vel facto, nulla nobis occurrit cogitatio, aut principium dubitandi; tunc enim voluntas, cum sit potentia ætæ, moueri non potest ad inquirendum. Vel non debet; Ut si, dum aliqua nobis occurrat cogitatio; ad eam ignorantiam inquirendam adhibita sit diligentia, quæ pro qualitate Rei, Præcepti, ac Personæ iudicari poterat moraliter sufficiens. Postea enim hæc diligentia, si adhuc non tollatur, iam eam tollere; non

his est moraliter impossibile. Vin-
cibilis est; quæ tolli à nobis potest,
& debet. Vt, cum de iure, vel fa-
cto occurrat nobis dubitatio, & in-
quirere possumus. Tercio modo
considerata; diuiditur in anteceden-
tem, concomitantem, & consequentem.
Ignorantia antecedens, dicitur illa,
quæ est causa actus, qui fiti ita vt, si
illa non esset, actus, non fieret; Vt,
cum quis, carnes comedit die Ve-
neris, quia ignorat, esse diem Vene-
ris, aliàs non comesturus, si sciret.
Concomitans verò, est; quæ ita
est coniuncta cum actu, vt, quan-
vis ipsa non esset, adhuc fieret actus;
Vnde per accidens solum, est con-
iuncta cum actu; Vt, cum quis ita
carnes comedit, ignorans esse diem
Veneris, vt tamen eas adhuc, eod-
em modo comederet, si sciret.
Consequens denique, est; quæ ali-
quo modo, vel directè, vel indire-
ctè, nobis est voluntaria.

IO Aduertendum est tertio; Bui,
qui, ex ignorantia concomitante,
operatur, tripliciter posse esse dis-
positum ad actum ignoratum. Pri-
mò habitualiter tantum, siue in
causâ, & in radice; Vt, cum quis,
ita carnes comedit die Veneris, vt,
si sciret, esse diem Veneris, ex vi di-
spositionis, quam habet, eas adhuc
veller comedere, de facto tamen
hanc voluntatem non habet. Atque
hic, carnes sic comedendo, nulla-
tenus peccat, quia dispositio, so-
lum per modum habitus, non est
culpa. Secundò potest ad illum
esse dispositus actualiter, siue per
actum conditionatum; Vt, si; dum
carnes, cum eâ ignorantia comedit,

dicat: *Vellem eas comedere, etiam,
si esset dies Veneris; vel, Vtinam
esset dies Veneris.* Et tunc, actus
istius, sunt quidem peccatum mortale,
sed tamen merè internum; in eam
enim comestionem, nihil influunt;
Cum hæc, ex illo affectu, oriri non
possit, eo quod, dies Veneris om-
nino ignoretur. Tertiò denique
potest Operans, ad actum ignora-
tum, esse actu dispositus, per actum
absolutum, quo dicat: *Volo carnes
comedere, siue sit, siue non sit dies
Veneris.* Et tunc, non solum actus
internus, sed etiam externa come-
stio, est contra Ecclesiæ præceptum.
Quamvis enim, Operans, inuinci-
biliter ignoret, esse diem Veneris;
Actu tamen cogitat de carniū com-
estione die Veneris, eamque vult
saltem indeterminate. Hoc autem
sufficit, vt comestio, etiam ex illo
affectu intelligatur procedere: Si-
cut enim, dum quis Filium Inimici
inuincibiliter ignoratum baptizat,
cum intentione baptizandi Infan-
tem præsentem, quicumque sit; In-
tentio illa, influit in baptismum, &
ad eius valorem sufficit; Ita, dum
quis, inuincibiliter ignorans, esse
diem Veneris, vult absolute car-
nes comedere, siue sit, siue non sit
dies Veneris; voluntas ista, influit
in carniū comestionem, & sufficit;
vt illa comestio, sit contra Eccle-
siæ præceptum. His positis,

RESOLVTIO I.

II AD Casum respondetur pri-
mò; Ciuem Cartaginensem,
per blasphemiam, peccasse quidem
con-

contra secundum Decalogi præceptum; sed non contra Episcopi statutum. Ita *Siluester v. ignorantia*, num. 15. *Sotus in 4. dist. 22. quæst. 1. ar. 2. Nau. c. 27. sum. num. 16. & 274. Suar. tom. 5. in 3. par. disp. 4. Sec. 8. n. 20. Sanch. lib. 9. matr. disp. 32. num. 9. Et in sum. lib. 1. c. 12. num. 13. Valentia par. 3. disp. 7. quæst. 17. pun. 7. Molina tom. 4. de iust. tract. 5. disp. 71. num. 9. Tolet. Sum. lib. 1. c. 8. Salas 1. 2. tract. 13. disp. 8. sect. 10. Azor. tom. 1. lib. 1. c. 15. quæst. 3. Sayr. de Cens. lib. 5. c. 18. num. 24. Vgolin. de Cens. tab. 1. c. 9. §. 3. num. 10. Henriquez lib. 13. de excom. c. 23. num. 3. Grassus tom. 1. decis. lib. 4. c. 9. nu. 16. Vasq. 1. 2. disp. 125. c. 2. & 3. Bonacina de cens. d. 1. quæst. 2. pun. 1. num. 7. Filliuc. tr. 1. c. 8. qu. 10. & alij communiter.*

12 Probatur primò; Quis, Cuius Cartaginensis, Episcopi statutum inuincibiliter ignorabat, saltem ignorantia concomitante; ut ex blasphemandi habitu, & ex circumstantijs, colligitur. Ergo contra Episcopi statutum peccare non potuit; Ad peccatum enim necessariò requiritur, ut aliquo modo sit voluntarium; Ignorantia verò concomitans inuincibilis, licet non reddat actum inuoluntarium, sicut reddit ignorantia antecedens, reddit tamen non voluntarium.

13 Secundò; Quia, impossibile est, peccare, quando Conscientia inuincibiliter dicat, actionem non esse illicitam; Conscientia enim, est proxima regula bonitatis, &

malitiae nostrorum actuum; Sed, posita ignorantia inuincibili concomitante prohibitionis Episcopi, Conscientia, Cui Cartaginensi inuincibiliter dictabat, blasphemiam habere solum malitiam contra secundum Decalogi præceptum, non verò contra Episcopi statutum; De hoc enim, cum inuincibiliter ignoraretur, nihil dicere poterat. Ergo Cuius Cartaginensis, blasphemando, peccauit solum contra secundum Decalogi præceptum, & non contra Episcopi statutum.

14 Neque obstat D. Thomas 1. 2. quæst. 76. ar. 3. ubi dicit; ignorantiam concomitantem à peccato non excusare. Nam, vel S. Doctor loquitur ibi de ignorantia concomitante secundum se, & pro ut abstrahit à vincibili, & inuincibili; & sic, quemadmodum neque est voluntaria, neque inuoluntaria, ita neque accusat, neque excusat; vel, si loquitur de ignorantia concomitante inuincibili, adhuc de hac verificatur, quod operantem omnino à peccato non excuset circa obiectum ignoratum, cum sit talis naturæ, ut simul cum eà, esse possit affectus peccaminosus circa obiectum ignoratum, ut dictum est supra; Qui affectus, cum ignorantia inuincibili antecedente, esse non potest. Ita Vasquez & S. n. bez locis citatis.

RESOLVTIO II.

15 R Espondetur secundò; Cuius Cartaginensem, in excommunicationem non incidisse. Ita

Doctores omnes supra citati, & alij communiter.

16 Probatum primò; Quia, poenâ non incurritur absque culpâ; & quantitas poenâ proportionari debet quantitati culpâ; *ex c. felicis; de poen. in 6. & c. 2. in fine, de his que fiunt à mai. par. Capit.* Sed Cîvis Cartaginensis, Episcopi Smirnenſis legem inuincibiliter ignorans, blasphemando, offendit tantum, ius Diuinum, contra quod, se agere cognoscebat; non verò ius positium Episcopi; Cum illud inuincibiliter ignoraret. Ergo solius prioris iuris poenas incurrit, non verò excommunicationem, quæ est poena, per legem Episcopalem, impositâ.

17 Secundò; Quia, in c. *Vt animarum; de Const. in 6.* expressè decernitur; sententijs, per Statuta Ordinariorum prolatis, non ligari ignorantes, quamuis sententiæ sint latæ pro facto, etiam iure naturæ damnato; quale est furtum; Vt ex ipso tex. patet. Cum ergo Cîvis Cartaginensis, Episcopi legem inuincibiliter ignorauerit, eius sententiâ ligari non potuit.

OBJECTIONVM SOLVTIO.

18 **N**Equè obstant rationes, superius in contrarium adductæ. Nam ad primam Resp. Ignorantiam concomitantem, licet non reddat actionem inuoluntariam, illam tamen reddere non voluntariam; Cû enim omnino ignoretur, nullo modo, neque directè, neque indirectè, potest esse volita. Hoc autem suf-

ficit, vt excuset à culpâ, cum hæc, necessariò debeat esse libera, ac voluntaria, vt sit impurabilis.

19 Ad secundam; Responderetur primò; *cum Suir. tom. 5. d. 45. sec. 6. num. 10.* hoc esse peculiare, in eo casu; quia in iure, est expressum. Ad alias tamen poenas, imo neque ad alias irregularitates extendendum non esse, quia materia est odiosa.

20 Responderetur secundò; *cum Sanchez lib. 9. matr. d. 32. num. 10.* Dantem operam rei illicitæ, censeretur consensus præstare etiam ijs, quæ præter eius intentionem sequuntur, quando hæc prævideri ab illo debebant, ideoque fuerunt culpabiliter ignorata; Vt contingit in casu ipsius textus; Mandans enim, ea prævidere debebat, & cogitare, quod possent euenire. Respectu autem Cîvis Cartaginensis, non dabatur hæc obligatio; alioquin non fuisset ignorantia concomitans, sed consequens, & aliquo modo voluntaria.

21 Ad tertiam Responderetur; Pontificem, ibi loqui de ignorantia vincibili; ac culpabili; æquè enim loquitur de ignorantia iuris, ac facti. Certum est autem, ignorantiam facti, si sit omnino inuincibilis, excusare à culpâ.

22 Ad quartam Responderetur; Eam regulam, non valere in Foro Conscientiæ; Vtraque enim ignorantia, cum est inuincibilis, excusat à culpâ; & neutra, cum est vincibilis. Valer ergo solum, pro Foro externo; quia in hoc, iuris ignorantia non præsumitur, sicut præsumi-

mitur ignorantia facti; Eo enim ipso, quod leges, solemnî ritu sunt promulgatæ, earum dispositionem, scire, omnes tenentur; Ideoque, eam ignorare, est culpa lata. *L. lata culpa ff. de verb. signif.* Cum ergo, delictum non præsumatur, ex *L. merito. ff. pro Soc.* Hinc est, ut neque præsumatur ignorantia iuris. *L. Leges Sacratiss. & L. fin. Cod. de legibus.* Et consequenter; quod regulariter, in Foro externo, non excuset à culpâ.

COROLLARIA.

23 **C**olligitur ex dictis primò; Ignorantiam inuincibilem cõcomitantem; & à fortiori, etiã antecedentem, excusare, non solum à pœna Excommunicationis, sed etiã à pœnâ Suspensionis, & Interdicti, quamvis sit imposita pro facto, iure naturali damnato: Quia pœna, nunquam incurritur absque culpâ. Vbi autem datur ignorantia inuincibilis, siue antecedens, siue concomitans, impossibile est, dari culpam, cum impossibile sit dari voluntarium, quod, ad culpam, necessariò requiritur. *Nauar. c. 23. sum. num. 47.*

24 Secundò; Eandem ignorantiam, excusare etiã ab Irregularitate, quæ, in puram delicti pœnam, imponitur: Eadem enim militat ratio; quod scilicet, pœna, absque culpa, non incurrat. Hinc sit, ut celebrans in statu excommunicationis, non fiat irregularis, si Ius, eam irregularitatem imponens, inuincibiliter ignoret. Quod autem di-

ctum est de ignorantia inuincibili, intelligendum est etiã de inaduer- tentia, ac obliuione inuincibili *Reginald. lib. 30. c. 2. num. 15.*

25 Tertiò; Inuincibiliter ignorantem, Constitutionem aliquam nouam, in qua alicuius peccati referuatur absolutio; Vt seruauit Sixtus V. malè promotorum ad ordines: eam referuationem non incur- rere; Quamvis enim, se peccare cognoscat, non tamen contra constitutionem, cum eã inuincibiliter ignoret. Ergo incurrere non potest referuationem, quæ est pœna, per illam constitutionem imposita. *Sanchez lib. 9. matr. dis. 32. num. 8.*

26 Quartò; Actus irrationem, quãdo est imposita in pœnam delicti, non incurrî ab ijs, qui legem, eam imponentem, inuincibiliter ignorant. Tum quia, cum actus irritatio, sit pœna, est consequenter effectus culpæ, ac delicti, Sed, ob ignorantiam inuincibilem, cessat culpa, ac delictum. Ergo cessare debet etiã actus irritatio, quæ, pœna quidam est; ut supponitur. Tum quia, cessante, ob ignorantiam inuincibilem, culpâ, cessant aliæ pœnæ. Ergo cessare debet etiã, actus irritatio; cum non sit maior ratio istius, quam aliarum. Tum denique, quia, qui, ex obliuione inuincibili, officium omittit, facit fructus suos, non obstante lege pœnali, contra non recitantes, latâ, fructuum acquisitionem irritante; quia, ratione illius obliuionis, non peccat; Ergo, quoties dabitur ignorantia, vel obliuio inuincibili-

lis, cessabit actus irritatio, quando hæc, in pœnam, est imposita, *Suar. lib. 5. de legibus c. 22. num. 3.*

- 27 Quintò; Coniugem, qui alterius Coniugis Consanguineâ cognouit, vel Filium communem, in Baptismo tenuit, inuincibiliter ignorans, hæc, specialiter, per legem Ecclesiasticam, esse prohibita; non incurrere priuationem petitionis debiti, quæ, per eam legem imponitur; Quia ignorantia inuincibilis iuris, sicut excusat à culpâ, ita excusat à pœna, eo iure, impositâ; quamvis factum, alias sit iure naturali, vel diuino, damnatum; ut probatum est supra. Sed priuatio debiti, est poena, per legem Ecclesiasticam, imposita. Ergo non incurritur ab eo, qui legem illam inuincibiliter ignorat; Sicut enim non delinquit in legem, ita nec à lege puniri debet. *Natur. c. 16. sum. num. 34.*

- 28 Sexto; Eum, qui sibi certam pœnam per Votum, imposuit, si delictum aliquod commiserit; V. G. dare decem aureos in elemosynam, si fornicatus fuerit; Non teneri ad pœnam soluendam, si Voti inuincibiliter immemor, delictum illud committat; Quia pœna, iure nouo imposita, etiam pro facto, alias, iure naturali, damnato, non incurritur ab eo, qui ius illud inuincibiliter ignorat. Sed Votum obligat, ad modum legis; Est enim quædam, veluti lex priuata, quam homo, circa materiam promissam, sibi spontè imponit. Ergo, quando inuincibiliter ignoratur, vel de eo datur obliuio inuincibilis, non incurritur pœna, ab eo statuta; Tunc

enim non violatur. *Sanch. lib. 4. sum. cap. 23. num. 18.*

- 29 Septimò; Etiam ignorantiam inuincibilem facti, excusare à pœnâ, illi facto, per legem, impositâ; Quia, hæc etiam excusat à culpâ; pœna autem non incurritur absque culpâ. Idemque valet etiam de ignorantia inuincibili qualitatis culpæ, vel facti. Si quis enim Clericum percutiat, inuincibiliter ignorans, esse Clericum, excommunicationem non incurrit. *ex c. si uerò: il 2. de sent. excom.* Quia ignorantia illa status Clericalis, percuSSIONem excusat à culpâ Sacrilegij. Ergo etiâ à pœnâ excommunicationis, propter illam culpam, impositâ, *Sayrus de cens. lib. 1. c. 18. num. 19.*
- 30 Octauò; Ignorantiam inuincibilem facti, excusare à pœnâ iuris, non solum, quando est antecedens, sed etiam quando est concomitans; Quamvis enim, cum ignorantia concomitante, stare possit, circa obiectum ignoratû, prauus affectus, non solum habitualis, sed etiam actualis; ut si quis Clericum percutiat, inuincibiliter ignorans, esse Clericum, ita tamen dispositus, ut illum percuteret, quamvis cognosceret esse Clericum; Ille tamen prauus affectus, non influit in actum externum, nec illum imperat; cum hic, omnino ignoretur; ideoque, nec illi suam malitiam communicat; Dum enim quis, Clericum percutit, inuincibiliter putans, esse Laicum, illum percussurus, etiam si cognosceret esse Clericum; percussio illa, non imperatur à voluntate Clericum percutiendi, cum hic omnino ignoretur;

retur; sed à voluntate percutiendi eum, qui putatur Laicus; ideoque nec aliam malitiam habet, præter illam, quæ illi communicatur à voluntate percutiendi Laicum. Hæc autem, illi communicare non potest malitiam Sacrilegij ignorati. Quem admodum ergo, percussio illa, caret malitiâ Sacrilegij, ita carere etiam debet, pœnâ impositâ Sacrilegio; pœna enim, absque culpâ, incurri non debet. Ita *Suarez de cens. d. 4. sec. 8. num. 8. Vasquez 1. 2. disp. 125. c. 2. Molina tom. 4. de iust. tract. 3. disp. 53. num. 2. Petrus Nauar. lib. 2. de rest. c. 1. dub. 7. Henriquez lib. 11. de Matrim. c. 10. num. 1. Alvarez 1. 2. disp. 158. num. 4. Sanchez lib. 9. de Matrim. disp. 32. num. 26. & alij plurimi apud istos.*

- 31 Nonô; Quæ dicta sunt de ignorantia inuincibili, valere etiam de venialiter tantum vincibili; Quia hæc, licet omnino non excuset à culpâ; excusat tamen à mortali. Pœna autem grauis, etiam ob culpæ leuitatem, non incurritur; cum

debeat esse proportionata delicto; Vnde, qui etiam scienter, opus prohibitum, cum semiplenâ solùm de liberatione, ac imperfectâ aduerrentiâ, faceret, adhuc legis pœnam grauem non incurreret; quia hæc esset supra meritum delicti. *Sanchez lib. 4. c. 22. num. 20.*

- 32 Decimô; Quæ dicta sunt de ignorantia inuincibili; non valere de ignorantia mortaliter vincibili; hoc est; quæ vinci potest, ac debet. Hæc enim, cum, saltem indirectè sit voluntaria, actum prohibitum non excusat à culpâ; & regulariter neque à pœna. Dixi, regulariter; quia, cū ignorantia vincibilis, ex *S. Thoma 1. 2. quæst. 76. a. 4.* minuat voluntarium, & consequenter culpam, eamque reddat leniorem, quam, si scienter admitteretur, plorumque, in iure, non eadem pœnâ punitur, quâ culpa scienter admissa; vt sic, inter delictum, & pœnam, debita seruetur proportio. Qualis autem culpa, sit, ignorantia vincibilis; melius, ex dicendis, constabit.



Q V A E S T I O X I X.

An Ignorantia Vincibilis sit peccatum speciale.

C A S V S.

TR E S Confessarij, scire ea, quæ ad eorum munus spectabant, notabiliter neglexerant; Accidit autem, ut, dum Confessiones audirent; Primus, suum Poenitentem absoluerit à Casu Bullæ Coenæ. Secundus verò, quamvis dubitaret, suum ad restitutionem non obligauerit, cum teneretur. Tertius denique, suum rectè absoluerit. Queritur; quot peccata singuli commiserint.

S U M M A R I U M.

- | | | | |
|----|---|----|--|
| 1 | Datur aliquis ignorantia culpabilis. | 17 | Non semper opponitur virtuti studioſitatis. |
| 2 | Cur videatur culpa diuerſa, à præcepti transgreſſione, quam cauſat. | 18 | Num peccatum, ex ignorantia, ſit grauius, quam ſcienter commiſſum. |
| 3 | Ignorantia, ex ſe, non eſt peccatum. | 19 | Male abſoluens ex ignorantia; commiſiſſi vnum peccatum, conſumatum. |
| 10 | Præceptum obligans ad ſui obſeruantiam, obligat etiam ad ſui cognitionem. | 20 | Scientia eorum, quæ ad proprium munus ſpectant, eſt debita ſolum propter opus. |
| 11 | Ignorantia, non eſt peccatum diuerſum à peccato transgreſſionis. | 21 | Obligatio ſciendi præcepta Decalogi, oritur ex duplici præcepto, credendi, & ſeruandi. |
| 12 | Eſt violatio eiſdem præcepti. | 22 | Virtus ſtudioſitatis, non ſemper ſpecialiter obligat. |
| 13 | Actus internus, & externus non ſunt duo peccata. | 23 | Ex diuerſo modo maniſeſtandi peccatum externum, & internum, non rectè inferitur, eſſe peccata diuerſa. |
| 14 | Ignorantia, eodem præcepto prohibetur, quo transgreſſio. | 24 | Ebrietas, ex ſe, ſemper eſt contra Temperantiam. |
| 15 | Non prohibetur propter ſe, ſed ſolum tanquam occaſio transgreſſionis. | 25 | |

Ignor-

- 26 Ignorantia Præcepti, non habet
malitiam ab eius transgressi-
one diversam.
27 Imo, neque est peccatum, ab eâ
diversum numero.

RATIONES DVBITANDI.

2 **C**ertum est, dari aliquam igno-
rantiam culpabilem. Prima
enim *Corint. 14.* dicitur. *Si quis*
ignorat, ignorabitur, & Ps. 24.
ignorantis meas ne memineris. Ec-
ratio est; Quia vnusquisque, ea om-
nia scire tenetur, quæ tenetur ope-
rari. Ergo ea ignorare, est cul-
pa. Quia tamen ignorantia, est in
solo intellectu, sicut est etiam scien-
tia opposita; peccatum vero, cum
necessariò esse debeat voluntarium;
ac liberum, in solâ voluntate for-
maliter reperitur; Hinc est, vt pec-
catum ignorantia, præter ipsam
ignorantiam, aliquam voluntatis li-
bertatem includere debeat. Hæc
autem, est, voluntaria negligentia
veritatis indagandæ; in quâ propte-
rea, tota culpæ ratio consistit. Que-
stio igitur solum esse potest. An
voluntaria hæc negligentia, ac igno-
rantia, habeat aliquam malitiam di-
stinctam à malitia transgressionis
præcepti, quæ ex illâ ignorantia
procedit, an verò eandem.

3 Aliquibus enim videtur, habere
specialem, ac distinctam; Ideoque
ram Primus, quam Secundus Con-
fessarius, videntur plura peccata
commisisse. Tertius verò vnum
solum. Ita *Rodrig. p. 1. sum. c. 23.*
concl. 7. Almain. tract. 1. mor. c. 9.
prop. 2. Cordub. in qu. quæst. 6. &

21. Carol. 1. 2. quæst. 76. d. 1. s. 4.

4 Probatur autem primò; Quia
Primus, & secundus Confessarius,
magis peccarunt, quam Tertius;
Sacramentum enim Pœnitentiæ ma-
le administrarunt, quod Tertius
non fecit; Sed Tertius peccauit pec-
cato negligentia, ac ignorantia, si-
cut illi; Ergo illi, præter peccatum
ignorantia, aliud peccatum malæ
administrationis commiserunt, quod
Tertius non commisit.

5 Secundò; Quia negligentia, siue
ignorantia eorum, quæ ad propriū
munus pertinent, non solum est ma-
la, quia est occasio munus illud
male gerendi; sed etiam, quia est
opposita scientia, ratione muneris,
specialiter debita; Sicut enim scien-
tia, ratione muneris, est debita, non
solum in ordine ad operandum, &
exequendum, sed etiam propter se,
siue in ordine ad sciendum; Ita
Ignorantia opposita, est mala, nō so-
lū quatenus opponitur debito, pro-
ximū peccandi periculū vitandi, sed
etiam, quatenus opponitur præcisè
debito sciendi; Vnusquisque enim
tenetur scire ea, quæ ad proprium
munus pertinent; quamvis non sem-
per ea exequi tenetur; Ergo ne-
gligentia, siue ignorantia eorum,
quæ ad proprium munus spectant,
non vnam tantum, sed duas mali-
tias continet, alteram oppositam
debito exequendi; alteram præci-
sè oppositam debito sciendi.

6 Tertiò; Quia negligentia, siue
ignorantia præceptorum Decalo-
gi, non solum continet malitiam
periculi proximi, Decalogi præ-
ceptis oppositam, sed præterea etiā

malitiâ specialem contra Fidem; Ergo etiam negligentia, siue ignorantia eorum, quæ ad proprium munus pertinent, non solum continebit malitiâ periculi proximi contra debitum exequendi; sed etiam aliam malitiâ specialiter oppositam debito sciendi. Non solum enim tenemur scire ea, quæ ad proprium munus pertinent, ut ea seruemus, sed etiam, ut sciamus; Sicut Decalogi præcepta, non solum tenemur credere, ut seruemus, sed etiam specialiter, ut credamus.

- 7 *Quartò; Quia ex S. Thoma secunda secunda, qu. 116. art. 2. ad tertium.* Inter virtutes morales, datur etiam Virtus Studioſitatis, quæ studium, siue appetitû sciendi moderatur, ita, ut neque excedat, plura sciendo, quàm oportet; neque deficiat, sciendo pauciora. Huic autem Virtuti, opponitur negligentia sciendi ea, quæ scire debemus, siue deinde ea sint agenda, siue non; hoc enim vitium, contingere potest circa materiam omnium virtutum, ut docet idem S. Thomas art. 1. ad primum; Ergo negligentia sciendi ea, quæ ad proprium munus pertinent, erit speciale peccatum oppositum Studioſitati, diuersum à malâ muneris administratione, quæ ex tali negligentia sequitur; Sicut enim in medicinâ dulci, præter bonitatem vtilem ad sanitatem, datur etiam bonitas delectabilis; ita in negligentia sciendi, quæ ad proprium munus pertinent, præter malitiâ occasionis, siue periculi proximi peccandi, est etiam malitiâ sciendi pauciora, quàm

oporteat, quæ malitiâ Virtuti Studioſitatis opponitur.

- 8 *Quintò; Quia, si omnes tres Confessarii, vnum tantum peccatum commisissent, illud eodem modo possent in Confessione aperire.* Non possunt autem, quia Primus non satisfacit dicendo; *Neglexi scire ea, quæ ad meum munus spectant*; sicut satisfacit Tertius; sed præterea dicere debet, *Pœnitentem malè absolui*; Hoc enim est sacrilegium, non illud; Signum ergo est; Primum, duo peccata diuersa commisisse, duabus Virtutibus diuersis opposita.
- 9 *Sextò; Quia, si quis, in Ebrietate, hominem occidat, cum prauisione periculi; non solum committit homicidium, sed præterea etiam peccatum Ebrietatis omnino diuersum.* Ergo eodem modo, qui ex negligentia, siue ignorantia culpabili, non ieiunat; non solum peccat contra præceptum ieiunij, sed etiam peccato ignorantie, siue negligentie.

NOTABILIA.

- 10 **A**duertendum est primò. Ignorantiam, ex se, non esse peccatum, cum, scire, non sit actus Virtutis, sed Virtutem antecedat. Hinc autem fit, ut nemo scire teneatur, præcisè, ut ignorantiam expellat; Cum enim hæc non sit peccatum, nemo eam per se expellere tenetur, sed solum in ordine ad operandum, siue, ut rectè operetur; Sicut enim vnusquisque tenetur rectè operari, ita tenetur scire ea, quæ ad

reſtè operandum neceſſaria ſunt; Sic vnusquique ſcire tenetur Ieiunij præceptum, & diem, in quo obligati quia tenetur ieiunare; Quare, ſcientia præcepti ieiunij, non eſt debita propter ſe, ſed ſolùm propter Ieiunium, ad quod immediate ordinatur.

- 11 Aduertendum eſt ſecundò; Quæcumque præcepta, ſiue naturalia, ſiue Diuina, ſiue humana, eo ipſo, quod primario obligant ad ſui obſeruantiam, tanquam ad finem, obligare etiam ſecundario ad ſui cognitionem, tanquam ad medium ad ipſam executionem neceſſarium; Nemo enim ſeruare poteſt præceptum, quod ignorat. Hinc autem ſit primò, vt, ex eodem motiuo, ſit debita cognitio alicuius præcepti, ex quo eſt debita eius executio; Ex eodem enim motiuo Temperantiæ, ex quo principaliter tenemur ieiunare, tenemur etiam minus principaliter ſcire ieiunij præceptum, & diem in quo obligat. Secundò, vt negligentia, ſiue ignorantia præcepti, non ſit peccatum diuerſum ab eius transgreſſione; Non enim habet malitiam diuerſam à malitiâ transgreſſionis, cum eodem præcepto, ac eiufdem Virtutis motiuo opponatur. Vnde, cum quis ex negligentia, ſiue ignorantia culpabili, Ieiunium violat, non committit duo peccata, alterum ignorantia, alterum violationis Ieiunij, ſed vnicum violationis Ieiunij; quia vtræque opponitur eidem præcepto, obliganti ad Ieiunium, & eidem motiuo Temperantiæ, quod, ſicut principaliter obligat ad Ieiunium,

ita ſecundario obligat ad ſciendum & ipſum præceptum, & diem in quo obligat. Tertiò, vt peccatum internum, non ſit diuerſum ab externo; Voluntas enim furandi, non eſt peccatum diuerſum à furto, ſed cum illo componit, ac conſtituit vnum peccatum conſummatum, ac completum; Quia, quamuis detur obligatio non volendi furtum, hæc tamen oritur ex eodem præcepto, ex quo oritur obligatio non furandi. His poſitis.

RESOLVTIO.

- 12 **A**D Caſum Reſpondetur; Omnes tres Confeſſarios, vnicum peccatum commiſiſſe; duos quidem Primos conſummatum, ac completum; Tertium verò non conſummatum, ſed incompletum. Ita *Vaſq. l. 2. d. 119. c. 2 Sanch. lib. 1. ſum. c. 17. num. 11. Laym. lib. 1. tract. 2. c. 4. num. 10. Filliuc. tract. 21. c. 10. num. 365. Azor. lib. 1. inſt. mor. c. 12. quaſt. 5.*
- 13 Primò; Quia omnes peccanturunt contra idem præceptum, obligans ad rectam Sacramentorum adminiſtrationem; Tertius quidem, exponendo ſe periculo ea malè adminiſtrandi; Duo verò primieriam de facto malè adminiſtrando; Exponere autem ſe periculo ſilicuius peccati, non eſt peccatum diuerſum ab ipſo peccato, quando committitur. Vnde, in confeſſione, ſatis eſt, dicere; *Ieiunium violauit vel Sacrum omiſi*; quando peccatum de facto committitur; ſic enim ſufficienter manet explicatum peccatu-

seculum ; Cum verò non committitur, necesse est dicere; *exposui me periculo Ieiunium violandi, vel Sacrum omittendi*; quia tota malitia tunc consistit in illo periculo, & hæc aliter tunc explicari non potest, quàm in se ipsâ.

- 14 Secundò; Quia actus internus, & externus, non sunt duo peccata, sed vnum consummatum, ac completum; Ergo etiam ignorantia, siue negligentia, & præcepti transgressio, quæ ex illa sequitur, non erunt duo peccata, sed vnum consummatum, ac completum; Sicut enim, velle furari, non est peccatum distinctum ab ipso furto, quando sequitur; Ita, velle culpabiliter ignorare ea, quæ ad Confessarij munus pertinent, vel exponere se periculo, munus suum malè administrandi, non erit peccatum ab ipsâ malà muneris administratione diversum, si sequatur; Nam, eo ipso, quod quis vult culpabiliter ignorare, quæ ad suum munus spectant, vel exponere se periculo, illud malè administrandi, virtualiter habet voluntatem illud malè administrandi. Vult enim illam malam administrationem in causâ; Ergo, si de facto malè administraret, non erunt duo peccata, sed vnum completum; Ideoque, satis erit, in confessione, dicere; *Sacramenta malè administravi*; quia sic manebit simul sufficienter explicata voluntas illa, male Sacramenta administrandi.

- 15 Tertiò; Quia negligentia, siue ignorantia culpabilis eorum, quæ ad Confessarij munus pertinent, eodem præcepto prohibetur, quo

prohibetur mala Sacramentorum administratio; Idem enim præceptum, quod primariò, ac directè malam Sacramentorum administrationem prohibet, secundariò, & consequenter prohibet etiam ignorantiam eorum, quæ necessaria sunt; & periculum eam malè administrandi; Sicut idem præceptum furandi, quod furtum externum principaliter prohibet, minus principaliter prohibet etiam voluntatem furandi; Ergo, sicut voluntas furandi, & furtum externum, non sunt duo peccata, sed vnum; ita Ignorantia culpabilis eorum, quæ ad rectam Sacramentorum administrationem necessaria sunt, & mala eorundem Sacramentorum administratio, non erunt duo peccata, sed vnum.

- 16 Quartò; Quia negligentia, siue culpabilis Ignorantia eorum, quæ ad Confessarij munus pertinent, non prohibetur propter se, sed solum tanquam occasio malè Sacramenta administrandi; sicut eorum conscientia, vel cognitio non præcipitur propter se, sed solum tanquam medium ad ipsa Sacramenta rectè administranda; Ergo, ex se, non est peccatum, sed solum quatenus est occasio malè Sacramenta ministrandi; Ideoque non erit peccatum speciale, ab ipsâ malà Sacramentorum administratione diversum.

- 17 Quintò; Quia, quamvis daretur specialis virtus, ac præceptum, obligans ad scienda necessaria; adhuc tamen Ignorantia, vel negligentia sciendi, in nostro casu, non esset speciale peccatum, à mala Sa-

cra;

eramentorum administratione diuersum; Obligatio enim sciendi, in nostro casu, non oritur ex tali Virtute, ac præcepto, sed à præcepto Sacramenta benè administrandi; Sicut, quamuis detur præceptum Diuini naturale Contritionis, adhuc tamen, si quis, peccati mortalis conscius, sine contritione, Sacramenta ministraret, non propterea duo peccata diuersa committeret, alterum omissionis Contritionis, alterum Sacrilegæ Sacramentorum administrationis; quia obligatio Contritionis non oritur tunc ex præcepto Contritionis, sicut oritur in mortis articulo, sed solum ex præcepto, ad dignam Sacramentorum administrationem, obligante; Ergo, sicut, qui, sine Contritione, Sacramenta ministraret, vnicum peccatum committeret indignæ Sacramentorum administrationis; ita qui eadem Sacramenta administrat, cum ignorantia culpabili, vnicum peccatum committit, malæ administrationis.

18. Sextò; Quia, si Primus, & Secundus, duo peccata commisissent, sequeretur, grauius peccare eum, qui ex Ignorantiâ culpabili peccat, quàm qui peccat scienter; Primus enim, duo peccata commisisset, alterum Ignorantiæ, ac negligentiz, alterum malæ Sacramentorum administrationis. Secundus verò, vnicum tantum peccatum simplex malæ Sacramentorum administrationis; Consequens autem est absurdum, quia peccatum Primi, semper est minus voluntarium; quàm peccatum Secundi. . .

19. Hæc tamen ratio, *qua est P.V. a. squæ*, non videtur efficax; potest enim quis plura peccata committere, & tamen, per illa, minus grauius peccare, quàm peccet alius vnicò peccato simplici; Nam homicidium, in ebrietate commissum, est peccatum minus graue, quàm si fiat ab homine sobrio; & tamen, cum sit in ebrietate, est duplex peccatum, alterum ebrietatis, alterum homicidij.

OBJECTIONVM SOLVTIO.

20. **A**D rationes in contrarium, respondetur, ad primam; non magis, cæteris paribus, peccasse Primum, & Secundum, quàm Tertium, sed illos peccatum consummasse, quod Tertius non fecit; Sicut non magis peccat, qui vult furari, & de facto furatur, quàm qui solum vult furari, licet ille, per actum exrenum, compleat, ac consummet peccatum, quod hic non facit.
21. Ad secundam, Negatur, scientiam eorum, quæ ad proprium munus spectant, esse debitam propter se; Est enim debita solum propter operationem; quia, quamuis non semper teneamur exequi, quæ cognouimus, semper tamen ideo teneamur cognoscere, quia tepemur exequi, ac operari.
22. Ad tertiam, patet disparitas; Næ obligatio sciendi præcepta Decalogi, oritur ex duplici obligatione, ea scilicet credendi, & implendi; Obligatio verò sciendi ea, quæ ad proprium munus spectant, oritur solum ex obligatione munus illud rectè

rectè exequendi; Ideo enim solùm scire tenemur ea, quæ ad proprium munus pertinent, quia rectè munus illud exequi tenemur, & si ad hoc non teneremur, neque teneremur ad illud. Vnde Confessarius, quia munus Aduocati exercere non tenetur, neque ea, quæ ad Aduocati munus spectant, scire tenetur.

23 Ad quartam, Respondetur; Quamuis admitamus, dari Virtutem Studiōsitatis; hinc tamen non sequi, eam semper, per se, ac specialiter obligare ad debitam scientiam procurandam; Sicut, quamuis detur præceptum Contritionis, non tamen hinc sequitur, illud semper, per se, ac specialiter ad Contritionem obligare, sed solùm in mortis articulo. Sicut ergo, in Sacramentorum administratione, Contritionis obligatio oritur, non ex ipso præcepto Contritionis, sed ex præcepto Sacramenta dignè administrandi; Ita, in eorundem administratione, obligatio sciendi ea, quæ necessaria sunt, oritur, non ex Virtute Studiōsitatis, sed ex præcepto rectè Sacramenta ministrandi; Ideoque Ignorantia, siue negligentia, & mala administratio, non sunt duo peccata, sed vnum.

24 Ad quintam; Negatur sequela; Nam peccatum internum, & externum, non sunt duo peccata, sed vnum, & tamen non eodem modo manifestari debent in Confessione; peccatum solum internum, ac peccatum internum simul & externum; hoc enim sufficienter manifestatur, dicendo; *furatus sum*; illud verò manifestari non potest, nisi dicen-

do; *habui voluntatem furandi*; Ex solo ergo modo diuerso, peccata in Confessione manifestandi, colligi non potest, quod sint peccata diuersa.

25 Ad sextam denique, patet disparitas; nam ebrietas, ex se, & ex genere suo, semper est mala contra Temperantiam, & prohibita, quamuis non esset causa, vel occasio homicidij; Cum autem est occasio, habet etiam hanc malitiam iniustitiæ, quæ illi est addita. At Ignorantia, ex se, non est peccatum, sicut scientia opposita, ex se, non est opus Virtutis, sed solùm quatenus est occasio, Confessarij munus malè administrandi; Vnde habebit solùm malitiam malè administrationis, & non aliam.

COROLLARIA.

26 Colligitur ex dictis primò; Ignorantiam, siue sit præceptorum Naturalium, siue Diuinorum, siue Humanorum, non habere malitiam diuersam ab eà, quàm habet eorundem præceptorum transgressio, cum, iisdem præceptis opponatur, & ab iisdem præceptis prohibeatur, non primario, & per se, sed secundario solùm, & in ordine ad vitandam transgressionem. Vnde eodem prorsus modo se habet, sicut peccandi periculum, & scandalum; Sicut enim ista peccata, non sunt vnius speciei, sed plurium, iuxta pluralitatem peccatorum, quorum sunt periculum, vel occasio, & & iuxta pluralitatem præceptorum, qui-

quibus opponuntur; Ita Ignorantia, non est peccatum vnius speciei, sed plurium, iuxta diuersitatem peccatorum, quorum est occasio, Nam ipsa etiam est peccatum eiusdem speciei, cum peccato, cuius est occasio, sicut sunt, proximum peccandi periculum, & scandalum.

- 27 Secundo; Ignorantiam, neque esse peccatum numero diuersum ab ipsâ transgressionem præcepti, quando hæc sequitur; Sicut Furtum externum, non est peccatum numero diuersum à voluntate furandi; nec homicidium, in ebrietate secutum, ab ipsâ ebrietate, licet ebrietas, præter esse causam homicidij, habeat etiam suam propriam malitiam, contra Temperantiam; Nec omisso recitationis officij, à projectione Breuiarij in mare; Actualis enim præcepti transgressio, non habet nouam malitiam, diuersam à malitiâ ignorantiz, cum non adsit noua cognitio; sed cum illâ con-

stituit vnum peccatum completum, ac consummatum; sicut constituit actus externus, cum interna voluntate, & homicidium in ebrietate commissum, cum ipsâ ebrietate, habens totam suam malitiam in causâ; Idemque dicendum est, de Officij omissione, orta ex projectione Breuiarij in mare; Vnde, in Confessione, satis erit, dicere; *Sacramenta male administrari; Officium omisi; &c.* Sic enim sufficienter explicatur totum peccatum; cum ignorantia non prohibetur, nisi propter peccatum. Si tamen daretur noua libertas, tunc, sicut daretur nouum debitum inquirendi, ita daretur nouum peccatum ignorantiz; sicut, si post proiectum Breuiarium in mare, daretur aliud Breuiarium, tunc daretur nouum debitum recitandi Officium, ideoque illud omittere, esset nouum peccatum, ab ipsâ Breuiarij projectione, diuersum.



Q V A E S T I O X X .

An Ignorantia vincibilis plures malitias contineat .

C A S V S .

D V M duo Rustici, qui nostræ Fidei mysterijs instrui, notabiliter neglexerant, cum Hæretico quodam colloquerentur; Eorum alter, Hæretici sophismis deceptus, realem Christi præsentiam, in Eucharistiâ, negavit; Alter verò, quamvis dubitans, negare noluit . Quæritur, quot peccata singuli commiserint.

S V M M A R I V M .

- 3 Ignorantia vincibilis mysteriorum Fidei; plures specie malitias continere videtur .
- 6 Verè tamen non continet .
- 7 Obligatio sciendi Myſteria Fidei, oritur ex Præcepto obligante ad ea credenda .
- 8 Ante Euangelij promulgationem, nulla dabatur obligatio illud sciendi .
- 9 Ignorantia mysteriorum Fidei, unico tantum Præcepto, opponitur .
- 10 Ignorantia, est speciale peccatum, solum, cum, ex intentione ignorandi, ignorantur res scitu necessaria .
- 11 Articulum aliquem, ex ignorantia vincibili, negans, peccat solum contra Fidem .
- 12 Contra eandem peccat etiam,

- qui, ex eadem ignorantia, negandi periculo se exponit .
- 13 In quo differant ignorantia Articulorum Fidei, ac Præceptorum Decalogi .
- 16 Cur plures malitias numero diuersas contineat .
- 17 Exponit periculo plures Articulos negandi .
- 18 Imo censetur esse, indirecta voluntas plures negandi .
- 19 Contra idem Præceptum, plura numero peccata committi possunt .
- 20 Vnum mysterium, moraliter cū alio continuari non potest .

R A T I O N E S D V B I T A N D I .

- 2 **Q** Væstio hæc, duplicem continet difficultatem . Prima est; An ignorantia vincibilis, includat plures malitias specie di-

uerfas, Secunda est; An saltem includat plures, diuersas numero. Quamuis autem prima, eadem ferre videatur cum Quæstione præcedenti; Verè tamen ab eà differt, quia est in materiâ Fidei, de quâ, est peculiaris controuersia inter Auctores.

3 Quod ergo facit ad primam; Ignorantia culpabilis mysteriorum nostræ Fidei, præter malitiam contra Fidem, continere videtur etiam aliam specialem malitiam contra Virtutem Studioſitatis. Ita *Vasq. 1. 2. quæst. 76. art. 2. d. 119. c. 2. Sanch. lib. 1. sum. c. 17. num. 11. Filliuc. tract. 21. c. 10. num. 365. Rodrig. p. 1. sum. c. 13. concl. 7. Almain. tract. 1. mor. c. 5. prop. 2.*

4 Primò; Quia hæc ignorantia, opponitur, non solùm præcepto negatiuo, infidelitatis peccatum, quod ex illâ sequitur, prohibenti, sed etiam affirmatiuo, ad scientiam oppositam positiuè obliganti. Præceptum autem affirmatiuum, & negatiuum, cum habeant motiua distincta, refundunt malitiam specie diuersam in actum oppositum; Unde, ex eorum distinctione, rectè colligitur, distinctio specifica peccatorum, quæ illis opponuntur.

5 Secundo; Quia, si Mysteriorum Fidei Ignorantia, non contineret specialem malitiam contra Virtutem Studioſitatis, nunquam Ignorantia culpabilis, esset peccatum speciale; Consequens autem est absurdum; quia, si Ignorantia, nunquam esset peccatum speciale, neque Virtus Studioſitatis, illi oppo-

ſita, esset Virtus specialis; quod tamen fusè probatur, à *S. Thoma secunda secunda, quæst. 166. art. 2.*

RESOLVTIO I.

6 **R**espondetur tamen; Ignorantiam culpabilem mysteriorum Fidei, non continere specialem malitiam contra Virtutem Studioſitatis, sed solam malitiam contra Fidem; quatenus Rustici, eorum scientiam negligentes, exposuerunt se periculo sentiendi aliquid contra Fidem, vel eam, quando tenebantur non confitendi. Ita *Azor. to. 1. lib. 1. c. 12. quæst. 5. Clauis reg. lib. 2. c. 9. num. 31. Aluar. 1. 2. d. 162. num. 3. Layman. lib. 1. tract. 2. c. 4. num. 10. Valent. 2. 2. d. 1. qu. 1. p. 1. diff. 4. Salas. 1. 2. tract. 13. d. 7. f. 7. num. 49.*

7 Probatur primò; Quia obligatio Fidei mysteria sciendi, oritur ex eodem præcepto Diuino, quod eorum Fidem præcipit; sicut obligatio sciendi præcepta Decalogi, & Ecclesiæ, oritur ex eodem præcepto, quod obligat ad illa seruanda; Sicut enim, quia datur Præceptum ieiunij, scire tenemur, & Præceptum ipsum, & dies, in quibus est ieiunandum; ut illud seruare possumus. Ita, quia, post legem Evangelicam, datur præceptum Diuinum de credendis Mysterijs reuelatis, scire tenemur, tam hoc præceptum, quam Mysteria credenda, quia aliàs ea credere non possemus. Ergo, sicut, qui, ex ignorantia vincibili præcepti Ieiunij, vel dierum, in quibus ieiunandum est, non ieiun-

nat,

at, non committit duo peccata specie diuerſa, ſed vnum ſolùm contra ieiunij præceptum, obligans primario ad ieiunium, & ſecundario ad ſciendum ipſum præceptum, & dies, in quibus eſt ieiunandum; Ita qui, ex ignorantia vincibili myſteriorum Fidei, vel præcepti de illis credendis, ſentit aliquid contra Fidem, non committit duo peccata ſpecie diuerſa, ſed vnum tantùm contra Fidei præceptum; Nam hoc etiam, ſicut primario obligat ad credendum, ita obligat ſecundario ad ſciendum, tam ipſum præceptum, quàm myſteria credenda.

- 8 Secundò; Quia, ante Euangelij promulgationem, ſicut nulla dabatur obligatio illud credendi, ita nulla dabatur obligatio illud ſciendi. Ergo ſignum euident eſt, totam obligationem illud ſciendi, oriri ex obligatione credendi, & conſequenter, eius ſcientiam non præcipi propter ſe, ſed ſolùm in ordine ad credendum. Hoc autem poſito; Ignorantia non habet aliam malitiam, quam contra Fidem.

OBJECTIONVM SOLVTIO.

- 9 **A**D rationes in contrarium facile Reſpondetur; Ad primam; Negando, quod ignorantia opponatur præcepto diuerſo à præcepto, vel Fidei conſtitendâ, vel illam negandi; Idem enim præceptum, quod primario obligat ad credendum, obligat etiam ſecundario ad Fidei Myſteria ſcienda vt ea, vel conſiteri poſſimus, tempore

debito, vel non negemus; neque alia datur obligatio ſciendi, ſue hanc ignorantiam expellendi; Ignorantia enim, ex ſe, non eſt peccatum, ſicut ſcientia oppoſita non eſt opus Virtutis; Ceſſante ergo obligatione credendi, ſtatim ceſſat etiam obligatio ſciendi.

- 10 Ad ſecundam; Negatur ſequela; Tunc enim ignorantia vincibilis, eſt ſpeciale peccatum contra Virtutem Studioſitatis, cum quis, vult ignorare ea, quæ aliàs ſcire tenetur, hac ſpeciali intentione, vt ea neſciat; Sic enim etiam, peccatum quodlibet contra aliquod præceptum, ſue Diuinum, ſue Humanum, tunc ſolùm eſt ſpeciale peccatum Inobedientiæ; cum, per illud, violatur præceptum, ex intentione ſpeciali, præceptum contemnendi. Ergo, ſicut, præciſo hoc caſu, peccatum Inobedientiæ, reperitur in qualibet tranſgreſſione præcepti, nec vnquam habet malitiam oppoſitam ſpeciali Virtuti Obedientiæ; Ita, præciſo ſimili caſu, Ignorantia vincibilis, habebit ſolum malitiam tranſgreſſionis præcepti Fidei; nunquam tamen peculiarem malitiam, ſpeciali Virtuti Studioſitatis oppoſitam.

COROLLARIA.

- 11 **C**olligitur ex dictis primò; Reſponſio ad Caſum propoſitum; Ignorantia enim vincibilis Myſteriorum Fidei, non eſt peccatum diſtinctum ab eo, quod ex illà ſequitur, tanquam ex cauſâ Vnde, quæuiſ Ruffici, vincibiliter ea igno-

ignorantes; peccauerunt, non solū. aliquid contra illa sentiēdo, & realem Christi præsentiam, in Eucharistia, negando; sed etiam illa ignorando; Non tamen propterea duo peccata commiserunt, neque vnum habens duas malitias; sed vnum tantum, habens vnam malitiam, quæ non est propriè hæresis, vel infidelitas, sed ad illam reducitur *Clavis reg. lib. 2. c. 9. num. 31.*

12. Secundò; Secundum Rusticū; Quamuis, de facto, nihil senserit, aut asseruerit, contra Fidem, peccasse tamen, vincibiliter ignorando, & teneri, hanc ignorantiam confiteri, quia Fidei mysteria addiscere non curando, sicut tenebatur, exposuit se periculo aliquid sentiendi, vel asserendi contra Fidem, Hoc autem peccatum, non est diuersum ab illo, quod commisit Primus, realem Christi præsentiam, in Eucharistia, ignoranter negādo, sed cum illo comparatur, tanquam peccatum internum cum externo; Sicut enim Voluntas furandi, non est peccatum, ab actione externa furri diuersum; sed per hanc vltimò cōpletur in ratione peccati consummatis; ita ignorantia culpabilis, mysteriorum Fidei, per negationem externam, vltimò completur in ratione peccati consummatis contra Fidem, saltem reduciue *Azor. to. 1. lib. 1. c. 12. quæst. 5.*

13. Tertiò; Ignorantiam vincibilem Mysteriorum Fidei, in hoc differre ab Ignorantiā vincibili præceptorum Decalogi, ac Ecclesiæ, quod Ignorantia Mysteriorum Fi-

dei non continet tot malitias, specie diuersas, quot sunt Mysteriorum Fidei ignorata; Ignorantia verò præceptorum Decalogi, continet tot malitias specie diuersas, quot sunt præcepta ignorata; Ex diuersitate enim præceptorum Decalogi, vel Ecclesiæ, consurgunt diuersæ species ignorantie, pro quod ea ignorans, exponat se periculo committendi peccata specie diuersa, pro diuersitate præceptorum. Ex diuersitate autem Mysteriorum Fidei, non consurgunt diuersæ species Ignorantie, nec ea ignorans, exponit se periculo committendi peccata, iuxta Mysteriorum diuersitatem specie diuersa. Cuiuscumque enim Mysteriorum sit Ignorantia, semper est eiusdem speciei, quia semper opponitur eidem præcepto, ac Virtuti Fidei; sicut omnes hæreses, sunt eiusdem speciei, quia eidem præcepto, ac Fidei Virtuti opponuntur; Vnde, qui aliquem articulum negauit, illum, in confessione, explicare non tenetur.

14. Quod facit ad secundam difficultatem: An Ignorantia Mysteriorum Fidei tot saltem malitias numero diuersas contineat, quot sunt Mysteriorum ignorata.

15. *P. Suarez tract. de fide d. 15. sec. 1. num. 7. & tom. 3. in 3. p. d. 22. § 5. num. 33. Layman. lib. 1. tract. 3. c. 3. num. 2. Bonac. d. 2. de pecc. quæst. 4. p. 2. & alij, putant, vnicam solū malitiam continere; Primò, quia opponitur præcepto Fidei, quod est vnum, præcipiens omnium Mysteriorum assensum per modum vnius. Secundò, quia*

omissio omnium horarum canonicarum, est vnum tantum peccatum, eo quod opponatur præcepto horas canonicas recitandi, quod est vnum, eas omnes præcipiens per modum vnius; Sed etiam Ignorantia Myſteriorum Fidei, opponitur præcepto Fidei, quod est vnum, eorum omnium Fidem præcipiens per modum vnius. Ergo etiam, eorum omnium ignorantia, erit vnum tantum peccatum.

RESOLVTIO II.

16 **P**robabilius tamen videtur; Ignorantiam Myſteriorum Fidei, continere tot malitias numero diuerſas, quor sunt Myſteria ignorata. Ita *Vasq. l. 2. d. 75. cap. 2. num. 10. & tom. 4. in 3. p. qu. 93. art. 1. d. 4. Azor. tom. 1. lib. 4. c. 4. quæſt. 5. Glanis reg. lib. 2. c. 5. nu. 14. Conineb. de Sacr. Pæn. d. 7. d. 1. Tannerus 2. 2. dub. 4. quæſt. 2. d. 4. num. 55. Diana de circumſt. aggrau. reſol. 29. & alij plurimi.*

17 **P**robatur primò; Quia Fidei Myſteria culpabiliter ignorans, ideo peccat, quia exponit ſe periculo illa negandi, vel illis non aſſentienti, quando tenetur; Ergo ſi ignoret, plura Myſteria, plura numero peccata committeret, ſicut plura numero peccata committeret; ſi plura Fidei Myſteria negaret; Idem enim præceptum, quod obligat ad illa non neganda, obligat etiam ad vitandum periculum ea negandi.

18 **S**ecundò; Quia, non ſolùm committit plura numero peccata, qui plures homines occidit, ſed etiam

qui illos occidendi periculo ſe exponit. Eo enim ipſo, cenſetur vel ſe, in cauſa, plura numero homicidia; Ergo ſimiliter, non ſolùm committit plura peccata, qui plura Fidei Myſteria negat, ſed etiam, qui, per Ignorantiam vincibilem, exponit ſe periculo illa negandi.

OBJECTIONVM SOLVTIO.

19 **A**D rationes in contrarium; Respondetur; Ad primam; Præceptum Fidei, eſſe quidem vnum; Ex hoc tamen inferri non poſſe, ignorantiam omnium Myſteriorum, eſſe vnum numero peccatum, ſed ſolùm, eſſe vnum ſpecie; Contra idem enim præceptum, plura numero peccata committi poſſunt; Nam, qui plures homines occidit, vel exponit ſe periculo illos occidendi, plura numero peccata committit contra idem præceptum; Neque præceptum Fidei, videtur, omnium Myſteriorum Fidem præcipere collectiue ſolum, ſed etiam diſtributiue, ira vt præcipiat Fidem omnium, & ſingulorum Myſteriorum; Sicut præceptum Ieiunij Quadrageſimalis, ieiunium præcipit, non ſolùm omnibus, ſed etiam ſingulis diebus Quadrageſimæ.

20 **A**d ſecundam Respondetur; Rationem diſparitatis eſſe; quia omnes Horæ canonicæ, ſunt partes vnius Officij, & vnius actionis moralis integræ, cuius recitatio præcipitur; Cum horæ canonicæ deſiniantur; Oratio publica, ſub certo numero Pſalmorum, Lectionum, & aliorum huiusmodi, à Sanctis Patribus,

tribus, ad Dei laudem, ordinata, & per septem congruentes horas, distributa. Sicut ergo, omnes horæ Canonicæ, sunt una Oratio, ita earum omissio, erit vnum peccatum mortale; Quia erit vnius Orationis, ac Officii omissio. At omnia Fidei Mysteria; componere non possunt vnum Mysterium, nec vnū cum altero moraliter continuari; sed semper remanent plura Mysteria. Sicut plures dies Quadrage-

simæ, componere non possunt vnum diem, vel vnum Ieiunium Quadragesimale; Sed semper remanent plures dies, & plura Ieiunia. Sicut ergo, qui, integrā hebdomadā, Ieiunium omittit, sex peccata mortalia committit; Ita sex peccata committet, qui, ex Ignorantiā, exponit se periculo, sex Fidei Mysteria negandi. Sed, de his, plura infra, dum agemus de peccatis.

Q V A E S T I O X X I.

An Ignorantia vincibilis sufficiens ad peccatum, sufficiat etiam ad operationis valorem.

C A S V S.

MERCATOR quidam, inter plures lapides, quos vendendos exposuerat, vnum videns alijs lucidiorē, dubitauit: An esset Adamas, an Vitrum. Nullā tamen prius adhibita diligentia, vt certior fieret; illum, inter alios, vendendum exposuit. Accidit autem, vt Titius, dum inde transiret, eundem lapidem videns, dubitauerit similiter, an esset Adamas, an Vitrum; nullaque prius adhibita diligentia, vt certior fieret, illum emerit, pretio Vitri. Postea verò, domum reuersus, comperit esse Adamantem. Queritur; vtum Emptio illa fuerit valida.

S V M M A R I V M.

2. *Quæ voluntas, ac libertas ad actus valorem requiratur.*

3. *Operans cum Ignorantiā vincibilis, regulariter peccat.*

4. *Ipsa tamen operatio aliquibus*

R 2 vide-

- videtur valida, & cur.*
8. *Aliquibus verò inualida, & cur.*
9. *Quæ Voluntas, ad actus valorem requiratur.*
11. *Ignorantiâ; Error; & Dolus, per quid, inter se differant.*
13. *Mera alicuius circumstantia ignorantia, actus valorem non impedit, error impedit.*
14. *Ignorantiâ circumstantia, quando actus valorem impedit.*
15. *Ignorantiâ Antecedens, & Concomitans; quæ.*
16. *Duplex, cum Ignorantiâ, dari potest dispositio, erga obiectum ignoratum.*
17. *Emptio, quamvis cum ignorantia, circa qualitatem rei emptæ, est valida.*
18. *Est volita per voluntatem absolutam, & hæc sufficit ad valorem.*
19. *Voluntas absoluta rei, virtualiter fertur etiam in circumstantias occultas, cum re illâ connexis.*
20. *Similis voluntas, in Sacramentorum administratione, regulariter datur.*
21. *Si voluntas non esset absoluta, actus non esset validus.*
23. *Ignorantiâ, tollit voluntatem directam, quam non tollit metus.*
24. *Ad peccatum sufficit voluntas indirecta. Ad valide verò operandum requiritur directâ.*
26. *Error etiam vincibilis circa materiam Voti, sufficit ad illud reddendum inualidum.*
26. *Error concomitans alicuius circumstantia, actus valorem non impedit.*
28. *Ignorantiâ affectata circa aliquam conditionem, aut circumstantiam; actus valorem non impedit.*

RATIONES DVBITANDI.

2. **C**um libertas, sicut requiritur ad peccandum, ita requiratur ad valide operandum; Quæri solet; An, sicut ad peccandum sufficit voluntas, ac libertas indirecta, in ipsâ ignorantia, tanquam in causa? Itæ eadem sufficiat ad valide operandum. Si enim sufficit, Actus, ex ignorantia vincibili factus, sicut est voluntarius, liber, ac peccaminosus, ita erit validus. Quoniam verò Ignorantiâ, aut Error, contingere potest, vel circa Personam, cum quâ agitur; vel circa Causam motiuam, aut impulsivam, aut finalem actus; vel denique, circa eundem actus materiam, aut circumstantias. Ideo, de his omnibus, singillatim quaeritur. An eorum ignorantia vincibilis, ad actus valorem sufficiat.
3. Cæterum autem videtur; Titium, emendo lapidem cum illo dubio, mortaliter peccasse; Tum quia periculo se exposuit emendi Adhæmæm pretio laiuo; hoc est infæ pretium infimum, & consequenter iniusticiam committendi. Tum quia eadem Iustitia, quæ in contractibus prohibet iniusticiam, præcipit; ut ad eam vitandam, rei emendæ noticia procuretur. Tum denique,

que, quia emendo lapidem cum illo dubio, emere illum voluit absolute, siue esset Vitrum, siue Adamas, pretio Vitri. Hoc autem, siue iniustitia, fieri non potuit; Unde supplere saltem tenetur, quantum defuit ad pretium iustum. Si tamen, cum ista voluntate, animum simul conditionatum habuisset, soluendi deinde pretij incrementum, usque ad pretium iustum, si detegeret, esse Adamantem; In isto casu, non peccasset. Verum, qui cum dubio operatur; hoc modo regulariter non operatur, sed absolute vult obiectum dubium.

4 Posito ergo, quod, tam Venditor habuerit voluntatem absolutam vendendi, quam Empor emendi lapidem illum; quidquid tandem esset, siue Adamas, siue Vitrum; Difficultas est, an Emptio illa fuerit valida, propter ignorantiam vincibilem, quâ uterque Contrahens laborabat. Ratio aurem dubitandi est; primò; Quia, si Emptio illa non fuit valida, neque fuisset valida benedictio, quâ dedit Isaac Iacob Filio suo; Nec matrimoniû, quod Iacob contraxit eum Lia; Eodem enim modo ignorauit Titius materiam emendam, esse Adamantem, ac ignorauit Isaac, eum, quem benedicebat, esse Iacob; cum uterque dubitauerit. Sed benedictio fuit valida; Ergo, & Emptio.

5 Secundò; Quia Ignorantia, quam Titius habuit, quod res emenda esset Adamas, fuit vincibilis, & facta, eum de facto dubitauerit, Ignorantia autem vincibilis, non tollit voluntarium, sed illum solum mi-

nuit, sicut metus; Quemadmodum ergo Emptio illa, si facta fuisset, ex metu leui, fuisset valida; Ita facta, ex ignorantia vincibili, fuit valida. Iura enim, sicut nihili faciunt metum leuem, ita, & fatuam ignorantiam.

6 Tertiò; Quia Ignorantia, præsertim crassa, æquiparatur scientiæ, in ordine ad culpam, & ad poenam; Ita vt, in materiâ pœnali, quando Ius punit delictum scienter, admissum, Ignorantia crassa, non excuset à poenâ. Ergo etiam illi æquiparabitur, in ordine ad actus valorem; Non minus enim requiritur ratio voluntarij, ac liberi, vt actus sit culpabilis, quam, vt sit validus. Imo libertas, quæ sufficit ad peccandum, sufficit etiam ad validè operandum; Alioqui nunquam possemus esse certi, quoniam libertas ad validè operandum requiritur, ac sufficit.

7 Quarto; Quia, cum Titij ignorantia, fuerit voluntaria, ac crassa; sequitur, quod Titius virtualiter emere voluerit rem expositam, siue esset Vitrum, siue Adamas; Si enim nolisset; aliquam adhibuisset diligentiam, vt certior fieret, num esset Vitrum, an Adamas. Posita autem tali voluntate, non est, cum Emptio illa non fuerit sufficiente voluntaria, ac valida.

8 Aliunde verò; Emptio illa videtur non fuisse valida; primò; quia, Emptio Adamantis, cum supponatur fuisse ignorata, quamuis vincibiliter, esse non potuit in se positæ, ac directæ volitæ; Nihil enim volitum, quin præcognitum; Sed, ad

summum, indirectè, ac interpretatiuè, in ipsâ ignorantia, tanquam in causâ. Hoc autem, ad actus valorem, non sufficit. Si enim sufficeret, sequeretur, esse validum Votum in ebrietate factum ab eo, qui prauident, se, in ebrietate, similia vota emittere solere; se inebriauit, & in ebrietate, verba promissoria protulit; Efferet enim indirectè voluntarium, ac volutum, in ipsâ ebrietate, non minus, quam efferet volutum homicidium, si, cum eius prauisione se inebriasset, & illud deinde, in ebrietate, commisisset. Consequens autem est falsum; Quia, quamuis ille, ante ebrietatem, prauiderit, se solere, in ebrietate, Vota proferre, nullam tamen habuit positivam voluntatem se obligandi, sine quâ tamen, Votum non obligat; Sicut, sine positivâ intentione consecrandi, non conficitur Sacramentum: Non minus enim Vouens, est causa efficiens obligationis, ac Voti, per voluntatem se obligandi, quam Minister sit causa efficiens Sacramenti, per intentionem illud conficiendi. Sicut ergo, ad valide absoluendum, non sufficit intentio indirecta, & interpretatiua, quæ quis, auditâ confessione, inebriare se voluit, prauident, se, in ebrietate, solere verba absolutionis proferre; Sed requiritur intentio positiva, & directa, qua velit, Poenitentem absolvere; Ita, ad Voti valorem, non sufficit voluntas indirecta, & interpretatiua, qua Vouens, prauident, se esse solitum, in ebrietate, similia Vota proferre, inebriare se voluit; Sed requiritur positiva

ua voluntas se obligandi.

9 Confirmatur. Quia, sicut, ad valorem absolutionis, non est satis intentio verba proferendi, sed requiritur præterea etiam intentio conficiendi Sacramentum; Ita ad valorem Voti, Emptionis, ac reliquorum Contractuum, non sufficit voluntas verba promissoria proferendi, sed præterea requiritur voluntas se obligandi; Imo hæc voluntas, est mensura totius obligationis. Ergo, sicut absolutio, debet esse actus humanus, in se liber, & directè volutus; Ita esse debent, Votum, Emptio, ac alij Contractus.

10 Secundò; Quia, quod Ignorantia, sit vincibilis, vel inuincibilis, conferre quidem potest, ut emptio, siue actus, ex illâ ignorantia factus, sit prudenter, vel imprudenter factus, & consequenter peccaminosus, vel non peccaminosus; Sed non, ut sit validus, vel invalidus; Hoc enim non pendet ex eo, quod ignorantia, sit vincibilis, vel inuincibilis; sed ex eo, quod detur, vel non detur directa, ac positiva voluntas se obligandi. Hanc autem æque tollit Ignorantia vincibilis, ac inuincibilis, cum veræ Ignorantia, æque occultet obiectum, necque impediat voluntatem, nec directè in illud feratur. Sicut ergo Ignorantia inuincibilis, tollere voluntarium, ad emptionis valorem, necessarium, ac sufficiens, ita illud tollit Ignorantia vincibilis.

11 Tertiò; Quia non semper Ignorantia vincibilis, censetur propriè voluntaria, etiam indirectè, sed tunc solùm, quando datur obligatio illam

illam expellendi ; ad peccatum vitandum ; Cum quis enim, ad peccatum vitandum, diligentiam adhibere tenetur, ut ignorantiam expellat ; Si, in hoc, sit negligens, tunc Ignorantia censetur indirectè voluntaria. At, in ordine ad contrahendum, vel ad Votum emittendum, non datur hæc obligatio diligenter inquirendi, & ignorantiam expellendi ; Nulla enim lege, constat de tali obligatione. Ergo hæc Ignorantia, non tam est voluntaria, seu volita, quam permissa ; Ideoque non sufficit, ut Emptio censetur voluntaria, etiam indirectè, quoad rem ignoratam.

NOTABILIA.

12 **A**duertendum est primò ; Ignorantiam, Errorem, ac Dolū, inter se valde differre : Ignorantia enim, est mera carentia scientiæ, nullum importans iudicium, ex S. Thom. in 4. dist. 30. quæst. 1. ar. 1. ad. 1. Error verò, est actus positiuus, vnum pro alio putans ; Ideoque importans iudicium Intellectus peruersum, ac erroneum ; Dolus denique, supra Ignorantiam, vel errorem, importat deceptionem iniuriosam in eo, qui petit celebrari contractum, quatenus, vel rei vitium occultat, vel virtutem asserit, quæ, in illà, vere non est.

13 Aduertendum est secundò ; cum aliquid volumus, vel circa aliquid operamur, aliquam illius noticiam dari semper in nobis ; Volūtas enim in penitus ignotum, nec consensum, nec affectum dirigere potest, cum

nihil sit volitum, quia præcognitum, & voluntas sit potentia cæca, quæ non fertur in incognitum. Per hanc autem noticiam ; Aliquando, res nobis proponitur præcisè ; hoc est, ita ut ab aliquà eius conditione, vel circumstantia præscindatur, de illà non cogitando ; Aliquando verò negatiuè ; hoc est, ita ut eadem conditio, vel circumstantia positiuè negetur. Primo modo, ita cognoscitur Res, ut eius conditio, aut circumstantia propriè dicatur ignorari. Secundo verò modo, ita cognoscitur res, ut alia dicantur peruersè, ac erroneè iudicari. Res primo modo posita, secundum id, quod per ignorantiam occultatur, propriè voluntatem non mouet, illam attrahendo, vel retrahendo, ideoque nec propriè causat inuoluntarium ; Dici tamen potest, illud causare improprè, tanquam remouens prohibens ; Quia, si talis rei conditio, vel circumstantia fuisset proposita, & non occultata, Voluntatem à præstando consensu retardasset. At verò, secundo modo proposita, ac cognita, Voluntatem mouet, non solum secundum id, quod verè proponitur, sed etiam secundum conditionem, aut circumstantiam, quæ falsò in re illà, representatur ; Mouet enim ; ut affecta, siue vestita tali conditione, quæ in illà vere non est, sed esse iudicatur ; & voluntas, in rem illam sic vestitam, positiuè fertur ; Ideoque error iste, propriè causat inuoluntarium ; Errantis enim, nulla est voluntas ; ut dicitur in L. cum testam. ff. de iuris, & facti ign.

14 **Advertendum est tertio ; Ignorantiam, Errorrem, & Dolum, contingere posse ; Vel circa ea, quæ pertinent ad substantiam Actus, Contractus, aut voti ; V.G. circa eius materiam, aut conditiones individuales ; Vt, si quis vendat lapidem, putans, non esse gemmam, quæ alias non vendidisset ; Vel circa circumstantiam aliquam accidentalem, Vt si quis, sciens, lapidem, esse gemmam, illum vendat Homini, quem putat, esse fidelem, cum tamen sit infidelis, & cui non vendidisset, si cognovisset esse infidelem. Si Ignorantia, Error, aut Dolus contingant solum, circa circumstantiam aliquam accidentalem ; Tunc, sicut non tollunt notitiam, & consensum, circa ea, quæ pertinent ad substantiam Contractus, Voti, vel Actus ; Ita non tollunt eius valorem. At verò, si contingant, circa aliquam conditionem individualement, & pertinentem ad substantiam actus ; Tunc error circa illam conditionem, tollit actus valorem ; quia conditionem illam excludendo, eam reddit inuoluntariam ; sicque tollit consensum absolutum circa rem volitam, qui consensus, ad actus valorem, omnino requiritur. Qui enim vult vendere lapidem, quia putat, non esse Gemmam, non habet voluntatem absolutam vendendi lapidem, sed solum conditionatam, posito quod non sit Gemma. Ergo, eo ipso, quod est Gemma, non habet voluntatem illum vendendi ; Sicque non datur consensus absolutus, ad venditionis valorem omnino necessarius, At verò, si conditio illa**

tantummodo ignoretur, Ignorantia, valorem actus non tollit ; cum enim conditionem illam non excludat, eam non reddit propriè inuoluntariam ; Vnde cum tali Ignorantiâ, dari simul potest voluntas absoluta circa rem, cuius conditio ignoratur. Qui enim vult vendere lapidem, quem ignorat, esse Gemmam, potest eum velle absolute vendere, siue sit, siue non sit Gemma ; Qui autem hoc modo absolute vult aliquid ; eo ipso censetur simul virtualiter, ac implicite velle, quidquid est necessario connexum cum illo, & consequenter etiam ipsam conditionem, eo ipso, quod illam non excludit ; sicque conditio, non solum, non est inuoluntaria, sed est virtualiter, ac implicite voluntaria ; Quod, ad actus valorem sufficit ; Qui enim Sacros Ordines suscipit, quamvis ignoret, illos Votum Castitatis annexum habere ; illud tamen censetur emittere, quia Sacros Ordines volendo, illud etiâ censetur implicite velle ; Si tamen, per errorem putaret, tale Votum Ordinibus non esse annexum tunc, illud non censetur emittere ; quia per errorem excluderet ; Neque obstat, quod, si Titius Votum cognovisset, esse Ordinibus annexum, illos non suscepisset. Nam, hæc conditionalis, est de futuro, non de presenti ; Ideoque præsentem voluntatem non mutat, sed illam relinquit absolutam. Nemo autem incipit, vel desinit obligari, propter ea, quæ in his, vel in illis circumstantiis facturus esset, sed propter ea, quæ de facto facit. Cum ergo,
in

in hoc casu, Titius velit Ordines absolutè suscipere, præsens hæc voluntas non mutatur per hoc, quod illos non esset suscepturus, si hoc vel illud accideret; ideoque nec impeditur obligatio.

- 15 Aduerrendum est quartò; Ignorantiam, Errorem, & Dolum, respectu actus, aliquando dici antecedentes ipsum actum, ut dictum est supra; quando scilicet illum causant, & ad illum faciendum inducunt; Vt, cum quis ignorans, esse diem Veneris, carnes ita comedit, ut illas non comederet, si sciret, esse diem Veneris. & hic error, cum, alicuius dolo contingit, à Iuris pericis. *L. Et eleganter. ff. de dolo.* Appellatur, dolum, dans causam actui; quia, si non adesset, actus non fieret; Aliquando verò, dici concomitantem eundem actum; quando scilicet, illum non causat, nec ad illum faciendum inducit, sed cum eo, per accidens coniungitur; Vt, cum quis ita comedit carnes, ut eas adhuc comederet, quamvis sciret, esse diem Veneris; & hic, appellatur, error incidens in actum; quia, eo etiam non existente, adhuc fieret actus. Ita *S. Thom. 1.2. quæst. 6. art. 8.*

- 16 Aduerrendum est quintò; Duplitter posse aliquem ita esse dispositum, ut, si sciret, esse diem Veneris vel non comederet, vel adhuc comederet; Primò habitualiter; cum, scilicet, de facto, nullum habet actum, quo velit, vel nolit carnes comedere, sed illum probabiliter haberet, si aduerteret, esse diem Veneris; Et hæc dispositio habitua-

lis, nullum causat effectum moralem, quoad non prodir in actum; Quia homo, non obligatur per id, quod facturus, vel non facturus esset, si hoc vel illud ei accideret, vel non accideret; sed per id, quod actu facit, vel non facit. Secundò actualiter; cum scilicet, de facto habet voluntatem conditionatam comedendi, vel non comedendi, si sciret; Et hæc, actus valorem impedit, quando Ignorantia est antecedens, quia excludit Voluntatem absolutam talis obiecti; Non vult enim illud obiectum, ut affectum, ac vestitum tali proprietate, vel conditione; Quæ, licet tunc absolute ignoretur, sub conditione tamen apprehenditur, quantum sufficit. At quando Ignorantia, est concomitans, actus valorem non impedit; quia neque causat, neque impedit, aut excludit voluntatem absolutam talis obiecti; Cum enim tunc detur voluntas carnes comedendi, etiam si constaret, esse diem Veneris; Voluntas hæc non excludit voluntatem absolutam carnes comedendi, siue sit, siue non sit dies Veneris; esto; ex errore quis putet; non esse tunc diem Veneris. Hæc autem Voluntas absoluta, ad actus valorem sufficit. His positis,

RESOLVTIO.

- 17 **A**D Casum, respondetur; Spectato modo connaturali operandi illius, qui cum dubio operatur; Emptionem factam à Titio, cum eo dubio, iure naturæ, fuisse validam, tam ex parte Ementis, quam

quam ex parte Vendentis. Ita *Suarez de cens. d. 4. f. 8. num. 10. Sanchez in sum. lib. 1. c. 16. num. 14. Fillius tr. 11. c. 8. quest. 9. num. 247. Avila p. 2. c. 5. d. 5. d. 6. Bonac. quest. 3. de matr. p. 1. num. 4. in fine.*

18 Primò; Quia tam Venditor, quàm Emptor, habuerunt voluntatem absolutam vendendi, ac emendi; Modus enim operandi proprius eorû, qui cum dubio operantur, est, velle rem dubiam absolutè, quacumque tandem illa sit. Nam, ideo est peccatum, operari cum dubio; Quia qui vult Contractum, de quo dubitat, an sit usurarius, vel non; censetur illum velle absolutè, siue Usurarius sit, siue non; Hæc autem voluntas absoluta, ad actus valorem sufficit, quia illum reddit plenè, ac perfectè voluntarium. Cum ergo Titius, lapidem emerit, dubitans, an esset Vitrum, an Adamas; illum consequenter emere voluit, quidquid tandem esset, siue Vitrum, siue Adamas, similemque voluntatem habuit Venditor. Hæc autem Voluntas, fuit sufficiens, ut Emptio illa esset valida. Sicut similis Voluntas, in Isaac, fuit sufficiens, ut eius benedictio data Jacob, esset valida: Cum enim Isaac benedixit Jacob, dubitans, an esset Esau; ex Communi Doctorum sententiâ cum *Abulensi in c. 27. Gen. qu. 7.* eius mens, ac intentio fuit, dirigere benedictionem ad Filium præsentem, utervis ex illis esset, ideoque fuit valida.

19 Secundò; Quia modus operandi, proprius eorum, qui operantur cum

Ignorantiâ, & non cum errore positivo; est; Velle rem cognitam absolutè, & explicitè, simulque virtualiter, ac implicitè, eius conditionem individualement ignoratam, siue occultam; Qui enim vocat Peregrinationem Ierosolimitanam, non cogitando de navigatione, sed ignorando, eam fieri per mare, censetur etiam virtualiter vouisse navigationem. Et qui Sacros Ordines suscipit, non cogitando de Castitatis voto, illis annexo, adhuc tamen censetur Castitatem vouere; Quia, per voluntatem Ordinum, censetur etiam virtualiter, ac implicitè velle Castitatis Votum, quamvis ignoratum, eo quod, per Ignorantiâ, non fuerit exclusum; sicut exclusum fuisset, per errorem, si Ordines suscipiens, putasset, Castitatis Votum, illis annexum non esse; Tunc enim volens Ordines, voluisset illos, sine Voto Castitatis, illud excludendo, sicque illud non emisisset. Qui autem operantur cum dubio, operantur cum Ignorantiâ, cum dubium eam essentialiter supponat.

20 Tertiò; Quia, hic est, modus operandi, qui in Sacramentorum administratione communiter servatur; Qui enim baptizat, semper habet intentionem baptizandi Infantem præsentem absolutè, quicumque ille sit; in quo non errat; licet aliquando ignoret, eum esse Filium sui inimici. Imo, per errorem, putet, esse Filium Amici. Similiter, qui absoluit; semper absolvere intendit hominem præsentem, quicumque ille sit; Et qui consecrat,

erat; intendit consecrare totam materiam præsentem, quæcumque sit, licet ignoret, quot particulæ, materiam illam præsentem consecrandam ingrediantur; Et si Minister, aliam intentionem haberet, mortaliter peccaret; quia Sacramentum, nullitatis periculo exponeret. Sicut ergo, Sacramentorum Minister, hanc intentionem sic absolutam regulariter habet; Ita operans cum dubio, vel Ignorantiâ negatiuâ, regulariter similem habet voluntatem, dum contrahit vel vover; Ideoque eius Contractus sunt validi, non minus, quam sine valida Sacramenta; Non minus enim, in uno casu, quam in alio, adest Voluntas & consensus substantialis directus, ad valorem sufficiens.

- 21 Si tamen Titius, per errorem putasset, Lapidem, siue Adamantem, illum, esse Vitrum, & habuisset voluntatem conditionalem, illum non emendi, nisi esset Vitrum; Tunc Emptio, non fuisset valida ex parte Ementis; sicut neque esset validus baptisumus, si Minister, illum conferens, per errorem putaret, Infantem præsentem, esse Filium Amici, & haberet intentionem conditionalem, illum non baptizandi, nisi esset Filius Amici; quia tunc voluntas non esset absoluta, sed condicionalis: & conditio non subsisteret; Ideoque Contractus, & baptisumus, tunc essent inuoluntarij. Cæterum, sicut hic operandi modus, regulariter in Sacramentorum administratione, non seruatur; Ita neque seruatur in Contractibus ab Operantibus cum ignorantia, vel dubio.

OBJECTIONVM SOLVTIO.

- 22 **A**D rationes autem dubitandi initio propositas, facile respondetur; Ad primam; Benedictio-nem, fuisse validam, quia Isaac absolute benedicere voluit Filium præsentem, quicumque tandem ille esset, quamuis dubitaret, num esset Esau, an Iacob; Iacob verò, vel contrahere voluit cum Muliere præsentem, quæcumque esset, & tunc Matrimonium fuit sufficienter voluntarium, & validum, quamuis ille putaret, esse Rachelem; vel habuit determinatam voluntatem contrahendi cum Rachele, & tunc matrimonium, propter errorem personæ, fuit inuoluntarium, & consequenter inuolidum.
- 23 Ad secundam; Inter metum, & Ignorantiam, quamuis fatuam, hanc esse disparitatem; quod metus, non tollit consensum directum, quamuis illum minuat; Ignorantia verò, quamuis fatua, illum tollit.
- 24 Ad tertiam; Disparitatem esse; quia, ad peccandum, non est necesse, velle formaliter, ac directe malitiam, siue actum, vt malum; sed satis est, velle actum, cui est coniuncta malitia. At verò, ad Voti, ac Contractuum valorem, necessaria est voluntas positua se obligandi; Sine hac enim, nulla datur obligatio; sicut, sine positua intentione conficiendi Sacramentum, nullum est Sacramentum.
- 25 Ad quartam; Voluntatem illam fuisse quidem sufficientem ad valorem Emptionis; Non tamen esse

Voluntatem indirectam, & interpretatiuam causæ, siue ipsius Ignorantiæ, sed directam, & absolutam ipsius Emptionis.

COROLLARIA.

26 **C**olligitur ex dictis primò; Errorem antecedentem, circa materiam Contractus, aut Voti, quamuis sit vincibilis, & voluntarius, ad eorum valorem non sufficere; Quia facit Contractum, aut Votum, voluntarium, ac volitum solum indirectè in ipsâ ignorantia, tanquam in Causâ; Hoc autem, ad Contractus valorem non sufficit; Tum quia, ut Contractus sit validus, debet esse voluntarius, ac volitus directè, & in se ipso, & debet esse actus humanus, non minus, quam Sacramentorum administratio. Tum quia, alias, Votû emissum ab Ebrio, validum esset, si ante ebrietatem, esset præiudicatum. Sicut homicidium ante ebrietatem præiudicatum, & postea, in ebrietate, commissum, est peccaminosum. Consequens autem est absurdum, ut per se patet. In ordine verò ad culpam, & ad penam; Hoc voluntarium indirectum, siue in causâ, sufficit; Quia voluntas causæ, quando datur obligatio vitandi effectum, censetur voluntas interpretatiua ipsius effectus; semperque datur obligatio vitandi culpam. At, non semper datur obligatio vitandi, vel contrahendi. Cum ergo obligatio, quæ ex Voto, vel Contractu, aut alio simili actu oritur, esse debeat omnino voluntaria. Sequitur, eam debere esse

volitam, in se ipsâ, nec sufficere, ut sit volita in causâ; Ideoque, Errorem antecedentem, siue vincibilis sit, siue inuincibilis, actuum valorem impedire; semper enim, eodem modo tollit cognitionem, & consequenter voluntatem, quæ, ad actus valorem, est omnino necessaria.

27 Secundò; Ignorantiam, siue Errorem concomitantem conditionis rei, quando est vincibilis, valorem Voti, ac Contractus circa rem illam non impedire; Quia, cum tali Ignorantiâ dari potest; imò regulariter, de facto, datur voluntas absolutâ, etiam ad conditionem ignoratam se extendens; Cum ignorantia enim vincibili concomitante, quod Peregrinatio Hierosolimitana, navigationem requirat, potest quis habere voluntatem absolutam Peregrinationis Hierosolimitanæ, siue navigationis includat, siue non includat; quia, licet ignoret; navigationem de facto requiri; de illâ tamen cogitat sub conditione, si requireretur; Hoc autem sufficit, ut voluntas, per actum absolutum, in illam tendat.

28 Tertiò; Ignorantiam conditionis rei, affectatam, siue positivè volitam, Voti, ac Contractuum circa rem ignoratam valorem, regulariter non impedire; Quia regulariter, cognitionem directam conditionis ignoratæ non excludit, & consequenter neque eius voluntatem; Qui enim vult aliquid ignorare, iam necessariò de illo cogitat, ideoque velle etiam potest, se ad illud obligare saltem sub conditio-

ne,

ne, quod decipiatur; Imo, eo ipso, quod non vult tollere ignorantiam, habet voluntatem se obligandi sub quacumque conditione; quæ voluntas sufficit ad obligandum, & consequenter ad Voti, vel Contractus valorem. Dixi regulâriter; Quia, si voluntas ignorandi, non oriatur ex voluntate faciendi, sed ex ali-

quo timore humano, vel alio simil respectu; tunc, qui vouet, vel contrahit, potest non habere intentionem se obligandi absolute, & omnibus modis, sed solum iuxta exigentiam materiæ; sub tali conditione propositâ; in quo casu, Voluntas, non esset ad valorem sufficiens,

Q V A E S T I O XXII.

An Ignorantia Vincibilis, aliquando saltem, ad actus valorem sufficiat.

C A S V S.

TITIVS, audiens ab Amico, se solere subinde, in Ebrietate, plura promittere; dixit, se velle impofterum obligari, si eas promissiones, in Ebrietate, proferret; Accidit autem, post hoc, vt, die quadam, dum esset ebrius, centum aureos Sempronio promiserit; sed, in se deinde, ex Ebrietate, reuersus; eidem Sempronio illos perenti, dare noluerit; Quæritur. Vtrum eos soluere teneatur.

S V M M A R I V M.

2. Ignorantia vincibilis, actuum valorem impedit, sicut ebrietas.
4. Ad valorem Voti requiritur, vt sit, in se, formaliter volitum, ac liberum.
9. Cur ad valorem Sacramenti, requiratur intentio aliqua tunc,

cum conficitur Sacramentum.

10. Promissio, facta in ebrietate, aliquando obligat.
11. Promissio conditionalis, postea conditione obligat.
12. Voluntas, etiam præterita, sufficit, ad Sacrificium applicandum.
13. Promissio per positionem conditionis

nis

- nis, ex conditionali sit absoluta.*
- 14 *Contrahit quis valide per Procuratorem, quamvis tempore contractus dormiat.*
 - 15 *Promissio, includens conditionem, in ebrietate ponendam, est valida.*
 - 16 *Votum, in ebrietate, emissum, non est volitum in se ipso.*
 - 17 *Iuramentum ex consuetudine, in ipsâ solùm est volitum.*
 - 18 *Ad validam promissionem quid sufficiat.*
 - 19 *Obligatio promissionis conditionata, incipit, cum ponitur conditio.*
 - 20 *Promissio conditionata, in quo adequatè consistat.*
 - 21 *Quid requiratur, ut obliget.*
 - 22 *Cur ad Sacramenta conficienda requiratur voluntas, aliquo modo, præsens.*
 - 23 *Intentio præterita ad baptizandum non sufficit.*
 - 24 *Ad Baptismum recipiendum, sufficit,*

RATIONES DVBITANDI.

- 2 **V**T melius constet, quæ voluntas, ad actum valorem requiratur; Et an, & quomodo Ignorantiâ, eundem valorem impediat, proponitur casus de ebrietate; Quia, in eâ, res clarius apparet, & quæcumque de eâ dicentur, applicari poterunt Ignorantiæ. Sicut enim promissio, facta in ebrietate, aliam libertatem non habet, quam ipsius ebrietatis; ita similis promissio, facta, ex Ignorantiâ vin-

cibili, aliam libertatem non habet, quam ipsius ignorantie vincibilis; si ergo ebrietas sufficit ad actus valorem impediendum, sufficiet etiam ignorantia; & si ebrietas aliquando illum non impedit, neque, in simili casu, impedit ignorantia vincibilis.

- 3 In Casu itaque proposito, Titius, generi non videtur ad soluendam pecuniam, in ebrietate promissam. Ita *Ledesma. quest. 58. ar. 3. d. 1. Syluester v. Votum. 2. quest. 2. Aragon. 2. 2. quest. 88. ar. 1. & alij quos refert Sanch. lib. 1. de matr. d. 8. num. 20.*
- 4 Primò; Quia promissio, non videtur fuisse valida; Alioquin validum etiam esset Votum, in ebrietate, emissum; Non minorem enim libertatem habet promissio facta in ebrietate, quam haberet Votum. Votum autem ad Ebrius emissum, non est validum, quia non est formaliter, & in se ipso voluntarium, sed solum denominatiuè, & in causâ; hoc est, in voluntate ebrietatis, Cum tamen, ad Voti valorem, necessario requiratur, vt sit volitum, ac liberum formaliter in se ipso, Tum quia voti obligatio, per hoc distinguitur ab obligatione satisfaciendi, quæ oritur ex iniuriâ, & ab obligatione ad poenam, quæ oritur ex culpâ; quod illa, est formaliter, & simpliciter voluntaria, ac in se libera; Istæ verò, sunt in se simpliciter, ac formaliter inuoluntariæ, & voluntariæ solum denominatiuè, & in causâ. Tum quia, sola voluntas verba promissoria proferendi, non sufficit ad obligandum

dum, nisi adsit etiam formalis voluntas, se obligandi; Sicut sola voluntas proferendi verba consecrationis, non sufficit ad consecrandum, nisi simul adsit voluntas actualis, vel virtualis consecrandi. Cum ergo, Votum in ebrietate emissum, non teneat, neque tenebit promissio, in eadem ebrietate, à Titio facta.

5 Secundò; Quia, qui, ex consuetudine iurat, quamvis cum iuramento promittat, se peregrinaturum Lauretum, si amplius iuserit, Voto tamen, vel iuramento non tenetur. Ergo, à fortiori, qui in ebrietate promittit, non tenetur servare promissum; Ideo enim consuetudinarius, non tenetur; quia, cum ex consuetudine, & sine advertentiâ promittat, non habet animum promittendi, qui tamen, ad Votum essentialiter requiritur. Sed etiam, qui in ebrietate promittit, non habet animum promittendi; Aliam enim voluntatem non habet, quam ebrietatis. Ergo etiam, in ebrietate promittens, non tenetur servare promissum. Titius autem supponitur, in ebrietate, promississe.

6 Terziò; Quia, si quis, ante ebrietatem, voluntatem haberet consecrandi, & in ebrietate deinde, supra materiam debitè præsentem, verba consecrationis proferret, nõ propterea consecraretur. Ergo etiam, si Titius, ante ebrietatem, voluntatem habnerit se obligandi, & in ebrietate deinde, verba promissoria protulerit, non propterea se obligavit, & consequenter neque tenetur solvere, quod sic promissit.

Consequentia probatur; Ideo enim ille non consecraret, quia consecrandi voluntas, quam ante ebrietatem habuit, tunc non concurreret, neque influeret in prolationem verborum consecrationis, neque illam vlllo modo causaret, quod tamen, ad veram, ac validâ consecrationem, necessariò requiritur; Eius enim concursus, ab ebrietate impediretur. Sed, propter eandem rationem voluntas se obligandi, quam ante ebrietatem Titius habuit, non influit in verba promissoria, tempore ebrietatis prolata. Ergo neque Titius, per talem promissionem, obligabitur.

7 Quartò; Quia, assignari non potest, quando nam promissio à Titio in ebrietate sic facta, incipiat esse valida, eumque obligare; Ergo nõ est valida. Antecedens probatur; Quia non incipit esse valida ante ebrietatem; tunc enim non datur voluntas absoluta se obligandi, sed solum velut conditionata; si verba promissoria protuleris; quæ tamen voluntas, ad promissionis valorem essentialiter requiritur. Neque incipit esse valida, cum Titius, verba promissoria protulit; quia tunc, cum careret libertate, erat incapax obligationem contrahendi. Cum ergo assignari non possit, quando nam inciperit obligare, nunquam obligavit, & consequenter non fuit valida.

8 Quintò; Quia, Ideo absolutio data sub conditione de futuro; *et si quis dicat; absolvo te, si restiteris*; non est valida, quia neque est valida tunc, cum impenditur, neque

quo tempore, quò conditio adimpletur; sed etiam promissio, sic conditionaliter facta, neque est valida tempore, quo datur voluntas conditionata se obligandi; neque tempore, quo ponitur conditio. Ergo neque promissio, sic facta, est valida; Minor probatur; quia ideo absolutio, neutro tempore, est valida, quia, tempore adimpletæ conditionis, non existit materia, & forma, quæ tamen sunt partes, ad Sacramenti valorem, essentialiter requiritur; tempore verò, quò verba absolutionis proferuntur, non datur intentio conficiendi Sacramentum, ad illud essentialiter requisitum; Cum voluntas conditionata, quandiu talis est, maneat suspensa, & nihil operetur, sed intendat Sacramentum conficere, solum, quando erit adimpleta conditio. Hæc autem omnia, militant etiam in promissione, quæ supponitur facta à Titio, ut dictum est. Ergo hæc etiam, erit inualida; ideoque illum nullo modo obligabit.

NOTABILE.

- 9 **A**duertendum est; ad Sacramentum valide conficiendum, necessario requiri voluntatem, siue intentionem Sacramentum conficiendi, vel actuale, vel virtuale, tunc, cum à Ministro proferuntur verba formæ; V.G. Verba Consecrationis, vel absolutionis; Quia Voluntas illa, siue intentio, ad illam verborum prolationem concurrere debet, eamque causare; Externa enim verborum prolatio, in-

tantum est consecratio, in quantum pendet, & oritur ab intentione consecrandi. Id autem, quod ad aliud per modum causæ efficientis concurrere debet, tunc, cum ad illud concurrit, existere necessarium debet, vel in se, vel in sua virtute, quia causa efficiens, causat, ut existens; nec sol. illuminare. posset, si actu non existeret. Quod si intentio consecrandi, ad prolationem verborum Consecrationis eocurrere non deberet, neque necesse esset, ut tunc existeret, vel in se ipsa, vel in sua virtute; sed satis esset, quod aliquo modo præcessisset, nec fuisset retractata; Sic enim, qui heri habuit intentionem, ac voluntatem offerendi hodie Sacrificiū pro Caio; etiam si hodie nullam habeat voluntatem applicandi Sacrificiū Caio, satisfacit obligationi, quæ illi hodie Sacrificiū applicare tenetur; quia voluntas ista, influere non debet in Sacrificiū. Hoc posito.

RESOLVTIO.

- 10 **A**D Casum, Respondetur; Titium, teneri ad soluendos Sempronio centum aureos, quos illi, in ebrietate, promissit. Ita *Suar. tom. 3. de Relig. lib. 6. c. 5. num. 9. & tr. 2. lib. 4. de Voto cap. 17. num. 9.* ubi probat, non esse promissionem factam in ebrietate, sed ante ebrietatem; conditionaliter tamen; *Nau. c. 12. sum. n. 46. Clauis reg. lib. 6. c. 8. num. 3. Bonac. d. 1. de Sacr. qu. 3. p. 2. §. 3. n. 17. Azor. lib. 11. c. 20. Arag. 2. 2. q. 88. ar. 1. & alij communiter.*
Pri-

11 Primò; Quia promissio conditionalis obligat, posita conditione; si quis enim voueret, se nunquam amplius vinum bibiturum, si quempiam, in ebrietate, occiderit; Et deinde aliquem, ebrius, occideret; à vino abstinere teneretur; & Votum seruare. Sed etiam Titius promisit, se soluturum, si quid, in ebrietate, promitteret; & in ebrietate promisit 100. Sempronio. Ergo etiam Titius, illos soluere tenetur. Maior probatur; Quia Vovens, vere habuisset animum se obligandi, & animus ille fuisset omnino liber, nec quidquam illi deesset ad obligandum.

12 Secundò; Quia, si quis Sacrificium teneretur cras applicare pro aliquo, & hodie voluntatem haberet offerendi cras Sacrificium pro illo; etiam si postea cras nullam aliam voluntatem haberet Sacrificium offerendi pro illo; Ex vi voluntatis hodiernæ, verè satisfaceret obligationi; & Sacrificium illi validè esset applicatum. Ergo etià Titius, ex vi illius voluntatis se obligandi, quam ante ebrietatem habuit, manere postea potuit sufficienter obligatus, cum in ebrietate verba promissoria protulit; quamuis tunc nullam aliam voluntatem habuerit se obligandi; Si enim voluntas illa, sine alià noua voluntate, valide Sacrificium applicare potuit; cur non potuit etiam voluntas se obligandi, quam Titius ante ebrietatem habuit, validè illum, sine alià noua voluntate obligare? Antecedens autem probatur; Quia voluntas Sacrificij applicatæ, cum

ad Sacrificium concurrere non debuerit, nec in illud influere, consequenter neque ad illud valide applicandum, existere debuit tunc, cum Sacrificium celebrabatur, sed satis fuit, quod præcesserit, nec fuerit reuocata.

13 Tertiò; Quia, si Titius Sempronio centum aureos, promississet, si Pater consentiret vel, si à Deo, ex tali infirmitate, liberaretur; certe, posita conditione, illos soluere teneretur; Per positionem enim conditionis, voluntas, ex statu conditionalis, transiret ad absolutum; Sicque inciperet obligare; Sed etiam per prolationem promissionis verbalis, in ebrietate factam, promissio conditionalis transiit in absolutam. Ergo illa etiam, Titium obligauit ad soluendos centum Sempronio; Neque obstat, quod prolatio illa promissionis verbalis, facta fuerit sine libertate; Nam, non est conditio, quatenus libere ponenda, sed quatenus ponenda in ebrietate. Adde, quod, neque in Titij potestate esset, consensus Patris, vel liberatio ex infirmitate; Et tamen nihilominus, istorum positio sufficeret, ad obligationem contrahendam. Ergo, eodem modo, sufficiet positio promissionis verbalis, quamuis sine vllà noua libertate.

14 Quartò; Quia Titius, per Procuratorem, contrahere, & obligari, potest vinculo matrimonij, quod est vinculum omnium maximum quamuis ipse dormiat, vel sit ebrius. Idem Procurator, actu, eius nomine, contrahit. Ergo, à fortiori, obligari potuit, dum protulit verba

L pro-

promissoria, quamvis tunc fuerit ebrius. Sicut enim, dum matrimonio coneractus, ab eius Procuratore poneretur, ipse principaliter obligaretur à voluntate, quâ Procuratori mandavit, ut eius nomine contraheret, quâ voluntas fuit omnino libera, ac plene voluntaria; Ita, in casu præsentis, obligatur principaliter à voluntate, quâ ante ebrietatem, libere obligari voluit, quoties, in ebrietate, Verba promissoria proferret; Et, sicut, tunc, minus solum principaliter obligaretur ab Procuratoris actione, ipso tunc infcio, postea, tanquam à conditione; Ita, in casu præsentis, à verbali promissione, minus solum principaliter obligatur, & tanquam à conditione.

- 15 Quirto; Denique, quia tota promissio, quoad substantiam, ante ebrietatem, omnino libere fuit posita; fuit enim posita voluntas se obligandi, in quâ essentialiter consistit promissio, quoad substantiam; quamvis, quia voluntas, est conditionalis, requiratur deinde promissio verbalis, tanquam conditio, ut actus obliget; sicut, cum accenditur lucerna, ponitur tota causa illuminativa cubiculi, licet, ut illud, de facto, illuminet, requiratur approximatio, siue eius positio in cubiculo. Non est tamen necessè, ut conditio, ponatur libere, quia neque est necesse, ut sit in nostrâ potestate; Vnde, sicut potest non esse in nostrâ potestate, ita potest non esse in nostrâ libertate. Satis ergo est, ut quomodo cumque ponatur, ad hoc ut voluntas conditionalis, tran-

seat in absolutam, & obligare incipiat.

OBIECTIONVM SOLVTIO.

- 16 Atque hinc faciliè ad rationes oppositas patet responsio. Ad primam enim; Respondetur; Disparitatem esse, quia Votum, ante ebrietatem, nullo modo, fuit volitum in se ipso, & directè, sed solum indirectè, interpretative, ac præsumptivè, quatenus fuit volita ebrietas, cum prævisione consuetudinis vota emittendi in illâ. At, in casu proposito promissio, siue voluntas directè se obligandi, ante ebrietatem fuit posita; In hac autem, consistit proprie essentia promissionis. Quod si, supponeremus, etiam Votentem in ebrietate, ante illam, habuisse voluntatem se obligandi, si Vox emitteret in ebrietate; In eo casu, etiam Votum, ab eo, in ebrietate emissum, esset validum, ex vi voluntatis se obligandi, quam ante ebrietatem habuisset.
- 17 Ad secundam; Responderetur eodem modo; Iuramentum ex consuetudine, ad nihil teneri; quia iuramentum illud, ac promissio, non est volita in se ipsâ, sed solum indirectè in præviam consuetudinem, in cuius victoria negligens fuit. At verò, promissio, in casu proposito, ante ebrietatem, fuit à Titio volita, directè, & in se ipsâ; ideoque illum obligare potuit.
- 18 Ad tertiam; Responderetur; Disparitatem esse, quia ad valide consecrandum, requiritur, ut ipsa prolatio verborum consecrationis, actu

actu procedat: ex intentione consecrandi, vel actuali, vel virtuali, & ab ipsâ dependeat, tanquam à causâ efficiente, cum ipsâ verborum prolatio, solum ut procedens ex tali intentione, sit forma Sacramenti. At, ad valide promittendum, non est necesse, ut promissio verbalis procedat, ex actuali, vel virtuali voluntate se obligandi, sed satis est, quod quomocunque ponatur; cum non obliget tanquam eius effectus, sed solum, tanquam conditio, ad obligandum requisita.

19 Ad quartam; Respondetur; Obligationem cepisse, cum Titius verba promissoria protulit in ebrietate. Tunc enim, posita fuit conditio, ad obligandum requisita. Neque obstat, quod tunc Titius non esset liber; Nam hoc ad obligationem non requiritur; Sicut enim, conditio potuit non esse in potestate Titij; ut, si promississet dependenter à consensu Patris; Ita potuit non esse in eius libertate; Neque conditio obligat, ex eo, quod sit libera, sed solum ex eo, quod sit posita.

20 Ad quintam; Respondetur; Dissimilitudinem esse, primò; quia absolutio, requirit voluntatem absolutam Sacramentum conficiendi tunc, cum verba absolutionis proferuntur; cum Sacramenta suspendi non possint, excepto matrimonio; Verum Verò, vel Promissio, non requirit necessariò voluntatem absolutam, sed fieri etiam potest per conditionatam. Secundò; Quia Sacramentum Pœnitentiæ, cum sit signum

sensibile, consistit, non solum in voluntate Sacramentum conficiendi, sed etiam principaliter in verbis absolutionis. At Verbum, vel Promissio, ad quod consistit, in voluntate se obligandi, licet deinde, quando hæc, est conditionata, requiratur conditionis positio, ut actu obliget. Tertiò denique, Quia, in Sacramentis, verborum prolatio, oriri debet ex voluntate Sacramentum conficiendi, vel actuali, vel virtuali, quæ propterea tunc debet adesse. At prolatio promissionis verbalis, causari necessariò non debet ab ipsâ voluntate se obligandi; sed quando est conditio, satis est, quod quomocunque ponatur.

COROLLARIA.

21 Colligitur ex dictis primò; Ad obligandum, sufficere voluntatem quomocunque præteritam, non retractatam, & positionem illius conditionis, sub quâ, quis vult obligari; Sicut, ad applicandum Sacramentum præ aliqua, sufficit voluntas præterita non retractata, & positio Sacrificij; Si quis enim, hodie promittat, dare, post mensem, centum aureos Sempronio; Sciatim, post mensem, sine novâ voluntate, incipit obligari. Cuius rei ratio est; Tum quia, voluntas ipsa, cum sit causa obligationis, et etiam eiusdem obligationis mensura, ut eo solum modo obligetur, quo ipsa vult obligari, & non aliter; Tum quia, est causa obligationis, non physica, sed moralis, sicut ipsa

obligatio, est effectus moralis, non physicus. *Suar. de Sac. disp. 13. sect. 3. concl. 2.*

11. Secundò; Ad Sacramenta, non sufficere voluntatem præteritam, non retractatam, sed requiri aliquo modo præsentem, vel actualiter, vel virtualiter; quia voluntas Sacramentum conficiendi, debet esse causa physica consecrationis, ac prolationis verborum formæ, eo quod verba illa, determinare debeat adesse Sacramentale. Ad hoc autem requiritur, ut sit aliquo modo præsens, *Sayrus lib. 2. c. 5. quest. 5. art. 2. ad finem.*

13. Terriò; Illum inualidè baptizare, qui, ante ebrietatem, intendit aliquos, tempore ebrietatis, baptizare; Tum quia, tempore ebrietatis, non adest intentio actualis, vel

virtualis; Cum, per ebrietatem, interruptatur. Tum quia, actio baptizandi, debet esse humana, ac libera. *Coninch. de Sacramentis qu. 64. art. 8. d. 2. num. 74.*

24. Quartò, Eum, qui in ebrietate, recipit baptismum, quem, ante ebrietatem petierat, validè illum recipere; Quia voluntas baptismum recipiendi, non debet esse causa, ad illum concurrens, sed solum mera dispositio, ex parte subiecti, ad illum recipiendum; nec receptio necessariò requirit in recipiente libertatem, cum esse non debeat actio humana ipsius Recipientis; Sicut, cum conficitur Sacramentum, actio, per quam conficitur, debet esse actio humana ipsius Conficientis. *Suar. sec. 3. concl. 1.*

Q V A E S T I O XXIII.

An error circa Personam, cum qua agitur, reddat actum inualidum.

C A S U S.

1. **T**ITIVS, equum emit à Cæsare, quem putabat, esse Pompeium; & eundem deinde donauit Scio, putans esse Sempronium. Quæritur, an emptio illa, & donatio, fuerint valide.

SYMMARIVM.

RATIONES DVBITANDI.

- 6 De cuiuscunque actus essentia, sunt, eius materia, & causa finalis.
- 7 Qua sit causa materialis, & finalis Emptionis.
- 8 Qua sit causa materialis; & finalis Donationis.
- 9 Emptio ex errore circa Personam Venditoris, est valida;
- 10 Persona Venditoris est circumstantia Emptioni accidentalis.
- 11 Sicut qualitas Personæ, cum quâ contrahitur, in Matrimonio.
- 12 Emptio essentialiter respicit solum æqualitatem, inter pretium, & rem.
- 13 Metus inducens ad emendum, emptionis valorem non tollit.
- 14 Emens, regulariter, voluntatem habet absolutam, non conditionatam.
- 15 Donatio ex errore circa personam Donatarij, est invalida.
- 16 Persona Donatarij, pertinet ad causam finalem Donationis.
- 17 Voluntas, in Donatione, semper est virtualiter conditionata.
- 18 Donatio, Personam essentialiter respicit.
- 19 In quo differant contractus onerosi, & gratuiti.
- 20 Error circa causam inductivam, Onerosos non vitiat.
- 21 Aliquando etiam non vitiat Gratuitos.

2 C Vm ex dictis constet, ad actus valorem, requiri necessarium voluntatem directam se obligandi, nec sufficere indirectam; ideoque Ignorantiam, præsertim antecedentem, eorum valorem, vt plurimum, impedire. Quæri solet, an hæc voluntas, ita requiratur circa Personam, cum quâ agitur, vt error, vel ignorantia, circa illam, sufficiat ad reddendum actum inualidum.

3 Et quidem, in Casu proposito, emptio videtur fuisse inualida ex defectu consensus necessarij, ac sufficientis. Ita *Reginaldus lib. 31. num. 92. Conincb. d. 31. de matr. d. 1. num. 9. Henric. lib. 11. c. 10. num. 1. Rebell. lib. 3. quæst. 2. nu. 2. Sanch. lib. 7. matr. d. 18.* qui hoc probant de simili contractu Matrimonij.

4 Primò; Quia Titius, dum equum emit à Cæsare, putans, esse Pompeium, videtur voluntatem conditionatam habuisse, emendi equum, si Venditor esset Pompeius, illum aliàs non empturus ab alio. Cum ergo, hæc conditio defecerit, defecit etiam consequenter consensus, ad emptionis valorem, omnino necessarius; Emptio enim, sicut & quilibet alius contractus, in hoc consensu consistit.

5 Secundò; Quia, si emptio equi, facta cum errore, circa Personam Venditoris, valida fuisset, etiã valida fuisset donatio eiusdem equi, facta Seio, cum simili errore circa Personam Donatarij. Si enim Personæ

Venditoris, ad emptionis substantiam non pertinet, neque Persona Donatarij pertinebit ad substantiam Donationis; Et, si sola emptionis materia, ad emptionis substantiâ pertinet, cur non etiâ sola materia donationis pertinebit ad substantiam donationis; Consequens autem est falsum; Quia Donatio, facta cum errore Personæ, est invalida; Non solum enim res, quæ donatur, sed etiam Persona, cui fit donatio, pertinet ad substantiam donationis, ut docent communiter Doctores; cum *Vsq. opusc. de rebus situt. c. 7. d. 10. num. 91.*

NOTABILIA.

Aduertendum est primò; In quocumque Voto, ac Contractu, duo esse necessariò de eorum essentia, ac substantiâ; materiam, scilicet, & causam finalem, siue finem, propter quem, circa talem materiam, ponitur operatio; Sic enim, cum quis vouet, talem domum non ingredi, ad vitandam occasionem peccandi; non solum ingressus in talem domum, quæ est materia; sed etiam vitatio occasionis peccandi, qui est finis; ita sunt de essentia istius Voti, ut altero eorum deficiente, Votum statim desiciat; Siq. enim domus destruat, siue abeat inde meretrix, Voti obligatio statim cessat. Similiter cum quis equum pretio emat, non solum pretium, quod est emptionis materia, & id, quod traditur ab Emptore; sed etiam equus, qui est causa finalis, siue id, ad quod obtinendum,

traditur pretium, ad emptionis substantiam pertinet; altero enim eorum deficiente, iam non est amplius emptio. Ratio autem huius rei est; quia, cum voluntas operetur semper circa aliquid, & propter aliquem finem; sequitur, quod ad omnem suam operationem, hæc duo essentialiter requirat; & consequenter, quod hæc duo, ad essentiam cuiuscumque operationis nostræ voluntatis pertinere dicatur; inter quas etiam, sunt, Votum, & contractus.

Aduertendum est secundò; Causam materiale, siue materiam emptionis; esse pretium; hoc enim est id, quod traditur; Causam verò finalem, siue finem, esse, equi acquisitionem; hæc enim est id, quod intenditur, & ad quod obtinendum, ordinatur pretij traditio: Quod autem equus habeatur à Petro, vel à Paulo, est circumstantia, emptioni mere accidentalis; sine illâ eorum tota venditionis essentia haberi potest. Quoniam verò pretium non est emptionis materia, nisi, ut æquivalens equo, neque equus est finis, nisi, ut æquivalens pretio; (cum enim emptio sit actus iustitiæ commutatiuæ, essentialiter respicit æqualitatem inter pretium & rem;) hinc fit, ut ad emptionis valorem, omnes qualitates, & conditiones communiter cognitæ, tam pretij, quam Rei, notæ esse debeant Emptori; Error enim circa illas, tolleret consensum circa ipsam materiam, vel finem; & consequenter circa essentialia contractus; cum ipsæ, essentialiter constituant æquivalentiam pretij, cum re.

re, & è contra: Aliæ vero qualitates, & circumstantiæ accidentales, ignorari possunt, siue præiudicio valoris, quia non tollunt consensum substantialem, qui ad contractus valorem essentialiter requiritur.

- 8 Aduertendum est tertio; in donatione, materiam esse, rem, quæ traditur à Donatore, finem verò, esse, Donatarij beneuolentiam erga se, & amicitiam, acquirere, aut fouere, aut augere; vel, si donatio fiat titulo gratitudinis, beneficia à Donatario accepta aliquo modo compensare. Beneuolentia autem, est essentialiter connexa cum tali Personâ; huius enim beneuolentiæ determinate intendit acquirere Donator, per donationem, & non alterius, & beneficia ab hoc accepta compensare; beneficia enim, non accepit ab alio, sed ab hoc. Hinc ergo fit, vt donatio, Personam Donatarij essentialiter respiciat, tanquam, aliquid pertinens ad eius causam finalem, & non solum tanquam circumstantiam, mere accidentalem; sicut emptio, respicit Personam Venditoris. His positis.

RESOLVTIO I.

- 9 Respondetur primò; Emptionem fuisse validam. Ita *Vasq. l. 2. d. 30. cap. 4. num. 28. Sanchez. lib. 4. sum. c. 2. nu. 3. Azor. tom. 1. c. 18. quæst. 4. Reginald. to. 2. lib. 33. c. 14. n. 97. & alij communiter.*

- 10 Primò; Quia, in emptione, error circa Personam Venditoris, est er-

ror solum circa circumstantiam accidentalem. Cum hoc autem errore, dari potest consensus circa substantiam contractus, ad eius valorem sufficiens; cum enim, nihil sit volitum, quin præcognitum, quando error est solum circa circumstantiam accidentalem, non tollit, quin contractus sit, quoad essentiam, voluntarius, & consequenter voluntarius simpliciter; est, si inuoluntarius secundum quid, siue respectu illius accidentis, circa quod, est error. Contractus autem, eo ipso, quod est voluntarius simpliciter, est voluntarius quantum ad eius valorem, & requiritur, & sufficit.

- 11 Secundò; Quia, in matrimonio, error etiam antecedens circa qualitatem Personæ; Vt, si quis cum Bertâ contrahat, quia putat esse diuitem, cum tamen sit pauper; Iure naturæ, matrimonium non irritat, quia causa, siue diuitiæ, in quibus erratur, sunt extra essentiam Matrimonij; ideoque consensum substantialem ad Matrimonium sufficientem non tollunt. Sed etiam, in emptione, Persona Venditoris, est extra emptionis essentiam, vt patet ex dictis. Ergo error circa illam, emptionem non irritabit.

- 12 Tertio; Quia contractus emptionis, pertinet ad iusticiam commutativam. Hæc autem essentialiter respicit solum æqualitatem inter pretium, & rem, nec curat de Venditoris Personâ, quæ propterea, ad emptionis valorem, omnino per accidens se habet.

- 13 Quarto; Quia, meus, quauis

inducat ad emendû, non propterea reddit emptionem,iure naturæ,irritam, cum relinquat libertatem sufficientem ad eius valorem. Sed etiam error circa Personam Venditoris, relinquit libertatem sufficientem circa emptionem, cum Venditoris Persona ad eius essentiam non pertineat, vt dictum est. Ergo neque error Personæ Venditoris,reddet emptionem,iure naturæ, irritam; ideoque emptio equi, facta à Titio, fuit valida.

14. Neque obstat, quod Titius, sub hac implicitâ conditione, in emptionem consenserit; *si Venditor sit Pompeius*; Nam, quamvis habere potuerit hanc voluntatem conditionatam, (in quo casu, emptio non fuisset valida, quia, non subsistente conditione, non fuisset simpliciter consensus in illam;) de facto tamen, illam non habuit, sed absolutam; Quia, hæc est, quæ regulariter haberi solet; Neque vllus præsumitur vnquam habere conditionatam, nisi hoc exprimat: Sic enim, etiam in Matrimonio, cum quis contrahit cum Bertâ, putans, esse diuitem, cum tamen sit pauper; Quamvis ille, qui contrahit, veramque hanc voluntatem habere possit; *Contraho tecum, quia diues es; & contraho tecum, si diues es.* Nisi tamen, de hac secundâ, se explicet; semper præsumitur habere primam; quia hæc regulariter haberi solet ab omnibus; Error enim circa causam, quæ inducit ad contrahendum, non reddit regulariter consensum conditionatum, & consequenter neque contractum simpliciter involuntarium.

RESOLVTIO II.

- 15 **R**espondeo secundò; Donationem fuisse inualidam: Fuit enim facta, cum errore circa Personam Donatarij; Error autem, persona; donationem reddit inualidam. Ita *Vasq. opusc. de rest. c. 7. d. 10. num. 91. Layman. lib. 3. tr. 4. s. 5. c. 3. nu. 1. Sanchez lib. 7. matr. d. 19. num. 20. Suar. tom. 2. de relig. lib. 2. de iuram. c. 11. num. 5. Lessius lib. 2. c. 42. d. 7. num. 33. & alij communiter.*

- 16 Primò; Quia, Persona Donatarij, pertinet ad causam finalem donationis, vt dictum est; & consequenter ad eius essentiam; Sicut Persona pauperis in genere, pertinet ad causam finalem eleemosynæ, cum hæc essentialiter ordinetur ad eius indigentiam subleuandam. Error autem circa causam finalem, tollit consensum necessarium ad Valorem donationis.

- 17 Secundò; Quia, Donatio, Promissio, Votum, & omnes contractus non onerosi, sed gratuiti; totam suam vim habent ex voluntate, ac intentione Donantis; hæc autem semper censetur esse conditionalis, si videlicet causa, à quâ quis inducitur, ad donandum, subsistat; hic enim censetur esse animus saltem implicitus Donantis; non donare, nisi causa subsistat. Cum ergo, causa inducens ad donandum, non subsistat, quando circa Donatarij Personam contingit error; sequitur, donationem tunc esse inualidam.

- 18 Tertiò; Quia, Donatio non pertinet

tinet ad Virtutem Iustitiæ, sicut emptio, alique contractus Onerosi; sed ad virtutem liberalitatis, vel gratitudinis. Hæ autem Virtutes, essentialiter respiciunt Personam determinatam, in quam liberalitas, vel gratitudo exercetur; sicut Virtus eleemosynæ, siue misericordiæ, essentialiter respicit in genere Personam pauperis, cuius indigentiam subleuat.

COROLLARIA.

- 19 **C**olligitur ex dictis primò; Contractus onerosos, in hoc differre à gratuitis, quod in onerosis, Persona non pertinet ad essentiam contractus; excepto tamen matrimonio, in quo Personæ ipsæ Contrahentium sunt materia contractus; In Gratuitis verò Persona pertinet ad essentiam, ac substantiam contractus.
- 20 Secundò; In contractibus onerosis, errorem antecedentem, siue circa causam, quæ inducit ad contrahendum, illos, iure naturæ, non irritare. Cum quis enim, ex errore, dicit; *Contraho cum Bertâ, quia dives est*; Matrimonium est validum, licet contingat error circa causam, quæ inducit ad contrahendum; quia

scilicet, causa illa, est extra substantiam, & essentiam matrimonij, sed solum circumstantia aliqua accidentalis. In Gratuitis verò, errorem circa causam induciendam ad contrahendum, illos, iure naturæ, irritare; quia in his, voluntas contrahendi, est semper conditionata. *Si causa, quæ inducit ad contrahendum, subsistat*; Quod, in contrahibus onerosis, non contingit.

- 21 Tertiò; Donationem, quamvis Donatarij Personam essentialiter respiciat, illam tamen non respicere semper determinatè, & in indiuiduo, sed aliquando solum indeterminatè, & sub aliquâ ratione communi; Cum quis enim dat eleemosynam Petro, ad eius inopiam subleuandam, non dat illi eleemosynam, quatenus Petrus est, sed solum quatenus pauper est. Hinc autem fit, ut etiamsi ille, se fingat Paulum, adhuc eleemosyna valida sit, quia adhuc est pauper; Quod autem sit Petrus, vel Paulus, est solum conditio aliqua, & circumstantia accidentalis, quæ eleemosynæ essentiam non mutat; Vnde error circa illam, non est error circa substantialia eleemosynæ, qui solus eam reddere potest inualidam, sed solum circa aliquod accidens.



Q V A E S T I O XXIV.

An error circa motium operandi, reddat operationem inualidam.

C A S V S.

BERTA, putans, Maritum à Purgatorij poenis non liberandum, nisi illius debitis solutis. Ei mortì proximo cum iuramento promisit, se eius debita soluturam. Queritur; an, iure naturæ, ex vitalis promissionis, ea solvere teneatur.

S V M M A R I V M.

- 7 Contractus Onerosi, habent motium distinctum à motu Operantis; secus gratuiti.
- 8 In gratuitis, idem semper est motuum Operis, & Operantis.
- 9 Ideo error circa motium operandi, hos semper irrisat.
- 10 Motium operandi, in istis, est causa finalis, intrinseca operationis.
- 11 Promissio ex errore circa motium promittendi, non obligat.
- 12 Error circa motium, tollit animum se obligandi.
- 13 Est error antecedens.
- 14 Est error circa causam finalem intrinsecam.
- 15 Debitorum solutio, Anima Defuncti non prodest.
- 16 Promissio obligat, cum includit animum se obligandi.
- 19 Promissio conditionata, hunc animum non includit, cum datur error circa conditionem.
- 20 Iuramentum, non magis obligat, quam Promissio.
- 21 Debitorum solutio, prodest defuncto, cum rationem habet Eleemosynæ.
- 22 In contractibus lucrativis, idem est finis operis & Operantis.

R A T I O N E S D V B I T A N D I .

- 2 **C**VM Homo, ex eo, quod rationalis sit, nunquam sine aliquo motivo operetur; Queritur, an, sicut; dum errat circa personam, cum quâ agit, error ille, sufficit aliquando ad reddendam ipsam actionem inuoluntariam, & consequenter inualidam; Ita, ad hoc, sufficiat error circa motium, à quo ad operandum inducitur; Si enim non sufficit; Berta, Mariti debita solvere

vere tenebitur, si verò sufficit, non tenebitur.

3 Aliquibus ergo videtur Bertam ex vi promissionis, teneri ad debita Mariti soluenda. Ita Medina. c. de restit. qu. 4. §. sequitur. Salas. l. 1. tract. 3. d. 4. num. 45. Gonsalves. de Sacr. d. § 1. d. 1. num. 7.

4 Primò; Quia promissio de relicta, imò, honesta, obligat, cum sit datio fidei, & hæc obliget ad fidem seruandam. Sed Berta, Mariti debitorum solutionem promittendo, promisit aliquid honestum; aliena enim debita soluere ad alium subleuandum, est actus charitatis. Ergo promissionem implere tenetur, & Mariti debita soluere.

5 Secundò; Quia Berta, non fidei, sed verè, Marito promisit, se eius debita soluturam. Ergo animum habuit se obligandi ad ea solvenda, ideoque verè se obligauit, & ea soluere tenetur.

6 Tertiò; Quia Berta, promissioni addidit iuramentum; hoc autem obligat ad rem promissam ponendâ, ne Deus, per iuramentum, dicatur adductus in testem falsitatis.

NOTABILIA.

7 **A**duertendum est primò; Contractus Gratuitos; quales sunt, Promissio, Donatio, &c. In hoc differre ab Onerosis; quales sunt; Emptio, Locatio, Conductio, & similes. Quod Gratuiti, nullum aliud habent motiuium, aut finem, quam motiuium, vel hæc ipsius Operantis; Cum quis enim, hoc Pauperi pecuniam, ad eius inopiam suble-

uandam; donatio illa, nullum alium habet finem, quam pauperis subleuationem, qui est etiam finis ipsius Donantis. At verò Onerosi, proprium habent motiuium, ac finem, à fine Operantis, pletumque, diuersum; Si quis enim, Pauperem conduceret ad laborandam in Vineâ, vt deinde det illi mercedem, ad eius inopiam subleuandam; Conductio illa, proprium habet finem, ab eâ inseparabilem, qui est Vineæ cultura; Ad hanc enim, Conductio illa essentialiter ordinatur; Hic autem finis, est diuersus, ab inopie subleuatione; quæ est finis, ac meriuium Conducantis, ad conducendum.

8 Aduertendum est secundò; Hinc necessariò sequi, vt in Contractibus gratuitis, idem semper sit motiuium, siue finis operationis, ac Operantis; & consequenter, quod motiuium Operantis, sit intrinsecum operationi, & ad eius essentiam pertineat. Inopie enim subleuatio, ita est finis intrinsecus illius donationis, vt hæc, ab illâ essentialiter pendeat, & per illam constitutur in esse talis donationis. At, verò in Onerosis, licet idem possit esse aliquando finis operationis, ac Operantis; (vt, si quis pauperem conduceret ad laborandam in Vineâ, ad Vineæ culturam obtinendam;) potest tamen etiam esse diuersus; (vt, si eum conduceret, ad eius inopiam; mercede, subleuandam;) Tunc enim, est ipsi operationi extrinsecus, & ad eius essentiam non pertinens.

9 Aduertendum est tertio; Ex his omnibus; colligi; Errorem circa moti-

motium operandi, in Contractibus Gratuitis, illos reddere omnino inuoluntarios, ac inualidos; Eo enim ipso, quod erratur circa motium, erratur circa aliquid, pertinens ad essentiam, ac substantiam ipsius operationis, siue contractus; Error autem circa aliquid, pertinens ad essentiam operationis, illam reddit inuoluntariam; & consequenter inualidam. At in contractibus onerosis; Error circa motium operandi, non est error circa aliquid, pertinens ad essentiam ipsius operationis, siue contractus; sed circa aliquid, illi mere accidentale, ac extrinsecum; Error autem circa aliquid accidentale operationi, sicut non impedit consensum in ipsa operatione, ita nec impedit eius valorem.

- 10 Aduertendum est quartò; Ex his, vterius colligi. In contractibus Gratuitis, motium, siue id, quod inducit, V. G. Ad donandum, esse causam finalem intrinsecam ipsius donationis, sicut est causa finalis intrinseca Intentionis, ac voluntatis donandi. Hinc autem fit, vt, sicut, per errorem circa causam finalem intentionis, tollitur intentio donandi; Hac enim semper est conditionata; (si causa inducens ad donandum, subsistat, cum nemo supponatur habere animum donandi, etiam si causa donandi non subsistat) ita per eundem errorem, tollatur donatio, eiusque valor; Donatio enim, in tantum est valida, in quantum procedit ab intentione, ac voluntate donandi; ideoque, eâ sublata, est omnino nulla. At, in con-

tractibus onerosis, motium, quod inducit, V. G. Ad Operarium conducendum, non est causa finalis intrinseca conductionis; hæc enim, est Vineæ cultura, vt dictum est; sed solum extrinseca, & impulsiva, siue finis operantis, non verò ipsius operis. Hinc autem fit, vt, quamuis contingat error circa tale motium adhuc conductio sit valida, quia, etiam, posito tali errore, dari potest Intentio, ac Voluntas, siue Consensus, ad conductionis valorum sufficiens; adhuc enim dari potest voluntas, dandi mercedem, ad Vineæ culturam obtinendam, in quo consistit essentia conductionis; quamuis deinde, hoc totum, per aliam voluntatem imperantem, ad Operarii inopiam subleuandam, ordinetur; quare inopix subleuatio, respectu Conductionis, non est causa finalis, sed solum impellens. His positis.

RESOLVTIO.

- 11 **A**D Casum, Respondetur; Bertram, ex vi promissionis, ad debita Mariti soluenda non teneri. Ita *Sanch. lib. 4. matr. d. 9. num. 15. Suar. tom. 2. de relig. lib. 4. de voto c. 18. num. 6. Nau. c. 17. n. 68. & 107. Valentia 2. 2. d. 5. que. 6. p. 2. Clauis reg. lib. 10. tr. 1. cap. 2. num. 6. Petr. Nauarr. lib. 1. de restitut. c. 2. num. 23. Syluester v. Testam. 1. quest. 9. Bellarm. lib. 2. de purg. c. 16. in fine, & alij apud istos.*
- 12 Primò; Quia Bertram, non magis tenetur, quàm si sic se promississet; Nō magis enim habuit animum promit-

ten-

sendi, ac se obligandi, quam habuisset, si sicut promississet. Nam, in promissione, eius intentio fuit, Mariti debita solvere, si hoc esset utile ad eum à Purgatorii poenis liberandum. Hoc autem non erat utile; Defunctorum enim Animæ, à Purgatorii poenis subleuantur solum, Ecclesiæ suffragijs, Missæ Sacrificio, Indulgentijs, Orationibus, alijsque poenalibus fidelium operibus, non verò debitorum solutione. Cum ergo Mariti debita solvere ad eius liberationem, non esset utile, sicut Berta, ex errore putabat, consequenter, nec ipsa habuit intentionem, ac animum promittendi; qui tamen animus, ad promissionis valorem, est omnino necessarius.

- 13 Secundò; Quia promissio, est contractus gratuitus. In his autem, error antecedens, siue dans causam contractui, illum reddit omnino nullum, ex defectu consensus necessarii; nihil enim magis est contrarium consensui, quam error. *L. si per errorem: ff. de iurisdic. omn. Ind.*

- 14 Terriò; Quia, Error circa causam finalem intrinsecam promissionis, cum tollat consensum, reddit irritam promissionem. Berta autem, erravit circa causam finalem intrinsecam suæ promissionis; Causa enim finalis promissionis, fuit, Maritum à Purgatorii poenis liberare. In hoc autem decepta est; Quia, falsum est, Animam, à Purgatorii poenis non liberari, donec eius debita solvantur; Nam Deus Animas, in Purgatorio, non punit, nisi pro

culpæ proprijs, in hac vitâ, contractis; Vel ergo Defunctus, non soluendo peccauit, vel non peccauit; Si non peccauit, vel quia solvere non poterat, vel aliâ ex causâ; puniri non debet; Poena enim, essentialiter supponit culpam; Si peccauit, punitur quidem pro culpâ negligentiae in soluendo, iuxta mensuram ipsius negligentiae, & quantum ad eius expiationem satis est; Verum, postquam hanc poenam sustinuerit, statim coronam gloriæ consequetur, siue debitum sit solutum, siue non. Ipse enim iam est impotens ad soluendum, neque eius Salus, ab alterius voluntate pendere debet; Alioquin aliquis in aeternum in Purgatorio manere posset; Si nimirum, eius Hæres, nunquam debita solueret.

- 15 Nequè dici potest; quod debiti solutio, prosit Animæ defuncti, dum sit ab aliquo, qui aliàs, solvere non tenebatur; sicut tenebatur Hæres, bona Defuncti possidens, Quia tunc, talis solutio habet rationem elemosynæ, sicque est satisfactoria pro Animâ ipsius Defuncti. Sicut, si quis solueret debita alicuius, ea solvere non potens, talis solutio, haberet rationem elemosynæ.
- 16 Hoc inquam dici non potest; Quia gratis dicitur, debiti solutionem, factam ab eo, qui solvere non teneretur, habere rationem elemosynæ; Non enim illam habet respectu Creditorum, cum hi non sint ita pauperes, ut elemosynâ indigeant, eiusque sint capaces; Neque respectu Animæ Defuncti; Quia, in tantum respectu Defuncti esset elemosyna.

mosyna, in quantum esset actus Virtutis; V. G. Iustitiæ commutativæ erga Creditores, & liberalitatis erga debitorem; Et quilibet actus Virtutis, est satisfactorius; ideoque Animæ à Purgatorij pœnis subleuatus; Falsum est autem, quemlibet actum Virtutis, esse pro peccatis satisfactorium; Neque enim, qui ludit, vel iocose, intra Eutrapeliæ terminos, confabulatur, vel lautè comedit intra terminos Temperantiæ; ludendo, vel comedendo, satisfacit pro peccatis, vt constat ex communi sensu Fidelium; Alioquin etiam Hæres, solvendo, satisfaceret; Talis enim solutio, esset actus Iustitiæ commutativæ; Quod tamen communiter non admittitur,

- 17 Neque est eadẽ ratio de solutione Debiti alicuius Viventis, ad soluendum impotentis; Nam, hæc solutio, habet veram rationem eleemosynæ; Debitorem enim subleuat à miseriâ, in quâ reperitur; cum, vel à Creditoribus in carcerem conjici posset, vel spoliari bonis, quibus indiget, ad vitæ sustentationem; Quod in Animâ Defuncti non militat; siue enim eius debita solvantur, siue non, nihil ei prodest, vel obest,

OBIECTIONVM SOLVITIO.

- 18 **A**D rationes autem in contrarium, patet solutio. Ad primam enim, Respondetur; Promissionem de re honestâ, obligare, quando est vera promissio, & includit animum se obligandi. Berta autem in promissio, propter errorem

circa motuum promittendi, non, fuit vera promissio, nec Berta animum habuit se obligandi.

- 19 Ad secundam; Respondetur, Bertam verè Marito promississe, & non fuisse; Quia tamen, eius promissio fuit conditionata, si debitorum solutio ad Maritum à Purgatorij pœnis liberandum esset, utilis; & hæc conditio, fuit erronea, ac non subsistens; ideo etiam promissionem fuisse nullam, & subsistentem.
- 20 Ad tertiam; Iuramentum, non magis obligasse Bertam, quam obligaverit promissio; Iuramentum enim, fuit accessorium promissioni. Cum ergo, eam promissio non obligaverit, vt constat; consequenter; neque illam obligavit Iuramentum.

COROLLARIA.

- 21 **C**olligitur ex dictis primo; cum in Spec. Exemp. dist. 5. exemp. 123. & dist. 9. exemp. 101. Legitur. Animas aliquando apparuisse, & petisse, vt earum debita soluerentur, vt sic à Purgatorij pœnis liberari possent, & cum lib. 6. reuel. 1. S. Brigitta, affirmari videtur. Animas tandiu cruciari, donec iniuste ablatum restituatur; Hæc omnia, ita intelligenda esse; vt Animæ, solutionem illam peterent, tanquam eleemosynam, creditoribus faciendam, eo quod essent pauperes, & ab ijs, qui alias soluere non tenebantur; sicque tanquam opus satisfactorium, quod ipsis Animabus prodesse poterat, sicut Ieiunia, orationes, & alia suffragia;

Bel-

Bellarmin. lib. 2. de purg. c. 16. in fine.

- 22 Secundò; Hanc statui posse regulam generalem. In contractibus lucrativis, siue gratuitis; eundem esse finem Operis, ac Operantis; Idem enim semper, est finis promissionis, vel donationis, ac Promittentis, vel Donantis. In contractibus verò onerosis; non semper eundem esse finem Operis, ac Operantis; Dum

enim quis emit aliquid, ut Amico complaceat, complacere Amico, licet sit finis Emptoris; non est tamen finis Emptionis; nam hic, est rei empræ acquisitio, vel possessio, aut dominium: Hinc autem fit, ut donatio, causà non subsistente, semper sit invalida, emptio verò non semper, ut melius constabit ex dicendis. *Mol. tom. 1. de inst. tr. 2. d. 109.*

Q V A E S T I O XXV.

An error circa causam impulsivam, operationem reddat invalidam.

C A S V S.

- T**ITIVS, videns Mercatorem quendam laceris vestibus indutum; putans, eum esse pauperem; misericordia motus, omnes eius merces, pretio rigoroso emit, quantumvis illis non indigeret, solum ut sic eius inopiam subleuaret. Post emptas verò merces, comperit, Mercatorem illum, non esse pauperem, sed Avarum; Quæritur, Vtrum emptio ista, iure naturæ, fuerit valida.

S U M M A R I U M.

- | | | | |
|---|---|----|--|
| 1 | <i>Error circa causam impulsivam, Operationem non vitiat.</i> | 9 | <i>Quid, causa finalis, quid Impulsiva.</i> |
| 7 | <i>Quid sit causa finalis intrinseca; quid extrinseca.</i> | 10 | <i>Emptio, quomodo ex errore circa motum emendi, est valida.</i> |
| 2 | <i>Quis finis Operis, & quis Operantis.</i> | 11 | <i>Error tunc, est solum circa Circumstantiam accidentalem.</i> |

Sicut

- 11 *Sicut in Eleemosynâ, error circa Pauperis mores.*
- 12 *Et sicut in matrimonio, error circa Sponsæ diuitias.*
- 13 *Est error circa finem Operantis, non operis.*
- 14 *Quæ sit Voluntas emptionis constitutiva.*
- 15 *Voluntas imperans emptionem, ad eius essentiam non pertinet.*
- 16 *Deceptio circa illam, est deceptio circa causam impulsuam.*
- 17 *Regula ad distinguendam causam finalem ab impulsuâ.*
- 18 *Causa finalis, quæ.*
- 19 *Respectu voluntatis conditionata, qualibet causa est finalis.*

RATIONES DVBITANDI.

- 1 **C**ausa motiua, siue inducens ad operandum; aliquando est finalis, aliquando impulsua; aliquando finalis simul, ac impulsua. Error circa causam impulsuam, Operationis valorem non impedit; Quia, cum hæc, ad eius essentiam non pertineat, non tollit consensum, qui ad eius valorem & requiritur, & sufficit. Error verò circa reliquas duas causas, operationis valorem impedit; quia tollit consensum, ad illum necessarium.
- 2 Quia tamen, causas istas ab invicem distinguere, difficile est: Indeque oritur, ut aliqui actus reputentur invalidi, qui tamen verè sunt validi; & è contrâ aliqui habeantur, ut validi, qui verè sunt invalidi; Ideo, ut facilius discerni pos-

sint, præsens casus proponitur. In quo, emptio facta à Titio, videtur non fuisse valida. Ita *Rebell. p. 2. de iust. & lib. 1. de contract. in gen. quest. 6. f. 2. Salas. 1. 2. tr. 3. d. 4. f. ult. num. 42.*

- 4 **P**rimò, Quia non videtur adfuisse consensus, ad eius valorem necessariò requisitus; Titius enim, in tantum intentionem habuit Mercatoris merces emendi, in quantum putavit, Mercatorem illum, esse pauperem. Cum ergo Mercator verè non esset pauper, consequenter neque Titius voluntatem habuit eius merces emendi. Sine hac autem voluntate, emptio non fuit voluntaria, & consequenter nec valida.

- 5 **S**ecundò; Quia Titius, videtur intentionem habuisse merces emendi solum sub conditione, quod Mercator esset pauper; Ab eius enim paupertate motus est, ad eius merces emendas. Sed conditio non fuit posita, quia Mercator verè non erat pauper, Ergo Titius absolute, & simpliciter intentionem non habuit eius merces emendi. Sine hac autem intentione, emptio, valida esse non potuit.

- 6 **T**ertiò; Quia Titius deceptus est circa causam finalem emptionis; deceptus enim est circa Mercatoris paupertatem, ad quam subleuandam, mercium emptionem ordinavit. Error autem circa causam finalem dispositionis, irritat dispositionem; Cum enim causa finalis, sit illa, à qua mouetur voluntas ad disponendum, tanquam à ratione, siue motiuo formali, quamque disponens

pria.

principaliter intendit; hinc fit, vt, quando datur error circa illam, deficiat omnino voluntatis consensus, sique, ex defectu necessarii consensus, vitietur dispositio.

NOTABILIA.

- 7 **A**duertendum est primò; Voluntatem, non solum alijs potentij, sed sibi etiam aliquando aliquos actus imperare; Experiencia enim constat, ex motu charitatis, moueri nos aliquando, ad actus Pœnitentię, vel Temperantię exercendos; vt, ad ieiunandum, ad dandam eleemosynam, &c. Tunc autem, obiectum formale actus imperati, appellatur causa finalis intrinseca eiusdem actus; obiectum, verò formale actus imperantis, dicitur eiusdem causa impulsua, quatenus est id, sine quo, actus ille non fuisset à Voluntate imperatus. Et causa quidem impulsua, respectu actus imperati, est Circumstantia, omnino accidentalis, ac, extrinseca, & appellari solet finis Operantis, quia est finis intentus ab Operante, & à quo Operans mouetur ad actum imperandum; Causa verò finalis, pertinet ad substantiam ipsius actus imperati, cum sit eius motuum formale; & appellari solet finis Operis, quia est finis non tam ab Operante, quam ab ipso opere intentus; cum Opus, ad illam essentialiter ordinetur, tanquam medium ad finem. Sic, cum quis à Pauperis Sanctitate mouetur ad ei dandam eleemosynam; Sanctitas, quia est motuum Voluntatis ad impe-

randum actum Eleemosynę, dicitur causa impulsua respectu Eleemosynę; Ipsa verò Paupertas, causa finalis; quia hæc, est motuum formale ipsius actus Eleemosynę, cum hæc ad alterius miseriam, ac paupertatem subleuandam essentialiter ordinetur. Similiter, paupertas dicitur finis Operis; hoc est, Eleemosynę; Sanctitas verò finis Operantis; quia, prima, immediatè, & directè mouet ad dandam alteri pecuniam, vel aliud simile; secunda, verò, mouet ad ipsum actum Eleemosynę imperandum. Error ergo circa causam impulsuam, actum non vitiat; quia, cum, respectu actus, sit circumstantia merè accidentalis, cum errore circa illam, adhuc dari potest consensus sufficiens, circa substantiam ipsius actus. At verò, error circa causam finalem, illum vitiat, quia tollit consensum, ac voluntatem, quæ ad eius valorem, est necessaria; Cessant enim sine, cessant omnia, quæ sunt ad finem, & consequenter etiam ipsa mediorum voluntas.

- 8 **A**duertendū est secundò; Quamlibet nostram Operationem, essentialiter ordinari ad aliquid, tanquam medium ad finem; Sic enim Eleemosyna ordinatur ad alienam miseriam subleuandam; quia ipsa, nihil est aliud, quam alienę miserię subleuatio; Et emptio, ad rei alterius dominium obtinendum; quia emptio, nihil est aliud, quam solutio pretij, ad rem illam obtinendam. Hic ergo finis, necessario semper intenditur ab Operante, dum operatur; Ideoque dicitur finis operis; quia

quia opus illud ab Operante poni non potest, quin finem illum intendat; dicitur etiam finis intrinsecus, quia essentialiter ab operatione respicitur, tanquam aliquid ab eâ principaliter intentum. Dixi ab eâ, & non ab Operante; Quia ab Operante, dum eam ponit, alius finis principalitèr intendi potest; imò regulariter intenditur, cum ipsâ Operatio assumatur, ut medium ad illum consequendum; Qui enim, ad alterius miseriam subleuandam, eius merces emit; eius miseriam subleuationem principalitèr intendit, quam mercium acquisitionem, cum hanc, ad illam ordinet, tanquam medium ad finem. Error ergo circa hunc finem, qui non potest ab Operante non intendi, dum eam operationem ponit, vitiat operationem, quia illam reddit inuoluntariam, eo quod operatio sine illo fine poni non possit; Error verò circa omnia alia motiua, non vitiat; Quia operatio, sine alijs omnibus, poni potest; ideoque est error solum circa aliquid accidentale, quod propterea non impedit consensum ad eius valorem, & necessarium, & sufficientem.

- 9 Aduertendum est tertio; Hinc colligi posse, quid sit, causa finalis; quid impulsua. Causa enim finalis alicuius operationis, est illa, sine quâ, operatio illâ ab Operante poni non potest. Impulsua verò, sine quâ, licet de facto non ponatur, absolute tamen poni potest. Sic, dum quis, ad Mercatoris inopiam subleuandam, eius merces emit; mercium acquisitio, est

causa finalis, quia emptio, ac pretij solutio, sine illâ poni non potest. Impossibile enim est, soluere pretiū pro re, & eius acquisitionem non intendere. Eius verò inopiz subleuatio, est causa impellens, quia etiam sine illâ, poni potuit emptio, Emptor enim ab alio fine, quam, Mercatoris inopiz subleuandæ, moueri potuit ad merces illas emendas. His positis.

RESOLVTIO.

- 10 **A**D Casum respondetur; Emptionem, fuisse validam. *Lessius lib. 2. c. 17. d. 5. Sanchez. lib. 7. matr. d. 18. num. 18. Laym. lib. 3. tract. 4. §. 5. c. 5. num. 6. Coninch. d. 31. de Sacr. d. 1. nu. 3. Reginald. tom. 2. lib. 25. c. 8. §. 2. num. 123. Bonac. de contract. d. 3. qu. 1. p. 2. §. 2. num. 3. & alii communiter.*
- 11 Primò; Quia, quamuis Titius, circa Mercatoris paupertatem deceptus fuerit, adhuc tamen emptio fuit sufficienter, ac simpliciter voluntaria; Error enim circa Mercatoris paupertatem, non fuit error circa aliquid necessarium, & ad emptionis essentiam pertinens, sed solum circa aliquid illi accidentale. Error autem circa circumstantiam emptioni accidentalem, facit solum, ut emptio sit inuoluntaria secundum quid; hoc est, quoad illam circumstantiam; non verò, quod sit inuoluntaria simpliciter, & quoad emptionis essentiam. Cum ergo, non obstant errore circa Mercatoris paupertatem, emptio adhuc fuerit simpliciter voluntaria; consequen-

sequenter fuit etiam valida.

12. Secundò; Quia, Cum quis, videns Sacerdotem aliquem pauperem, sed pessimum, qui tamen se fingit eximie Sanctitatis, ac perfectionis; ex hoc mouetur ad eleemosynam illi largiendam, quam nunquam contulisset, si cognouisset, esse peccatorem; largitio illa eleemosynæ, valida est. Similiter, cum Medicus, ad preces alicuius, qui eius Consanguineum se fingit, sumit curam Infirmi, quem aliàs non curasset, cura illa est voluntaria. Ergo voluntaria etiam, ac valida fuit, mercium emptio facta à Titio; Non minus enim ficta Mercatoris paupertas, fuit solum causa impulsiva Titij ad eius merces emendas, quam ficta Sanctitas Sacerdotis pauperis, ad eleemosynam illi largiendam, vel preces ficti Consanguinei, ad curam Infirmi suscipiendam; Quia non magis ad emptionis essentiam pertinet Mercatoris inopia; quam ad essentiam eleemosynæ, Sanctitas pauperis; vel ad curam Infirmi, preces ficti Consanguinei: Cum Emptio, intrinsecè & essentialiter, ordinetur solum, ad rei emptæ dominium acquirendum; Sicut eleemosyna essentialiter ordinatur solum ad paupertatem subleuandam; Et curatio, ad infirmitatem sanandam. Sicut ergo, in eleemosynâ, sola alienæ paupertatis subleuatio, est causa finalis, seu motiuum intrinsecum, ac obiectum formale. Sanctitas verò, vel infirmitas, aut quodlibet aliud motiuum est motiuum extrinsecum, & causa solum impulsiva. Ita, in emptione,

sola dominiij in rem emptam acquisitionis, est motiuum intrinsecum, & causa finalis, Venditoris verò paupertas, vel amicitia, aut quodlibet aliud motiuum, est motiuum solum extrinsecum, & causa solum impulsiva; Ideoque error circa ista, emptionis valorem non impedit, sicut error circa Sanctitatem, non impedit valorem eleemosynæ.

13. Tertiò; Quia, cum quis mouetur ad Matrimonium contrahendum, cum aliquò propter eius diuitias; Quamvis decipiat, putans, illam esse diuitem, cum sit pauper; adhuc tamen matrimonium iure naturæ, validum est. Ergo valida etiam fuit emptio, facta à Titio, ad Mercatoris inopiam subleuandam, quamvis Titius, circa eius inopiam deceptus fuerit; Non minus enim Mercatoris inopia, in quâ fuit error, est extra essentiam emptionis, quam Mulieris diuitiæ, sint extra essentiam Matrimonij.

14. Tertiò; Quia Mercatoris inopia, licet fuerit finis Operantis, & motiuum ad emptionem imperandam, non tamen fuit finis Operis, seu ipsius emptionis. Error autem circa finem Operantis, operationis imperatæ naturam non mutat, cum sit extra eius essentiam; Unde nec tollit consensum, ad eius valorem necessariò requirum.



OBIE-

OBJECTIONVM SOLVTIO :

15 **A**D rationes autem in contrarium, respondetur; Ad primam. Titium, in tantum habuisse intentionem, siue voluntatem mercium emptionem imperantem, in quantum putauit, Mercatorem esse pauperem; per hunc enim actum imperantem, ordinauit mercium emptionem, tanquam medium, ad eius inopiam subleuandam. Hæc tamen intentio, non est illa, quæ ad emptionis valorem necessario requiritur, eamque constituit; nam hæc, est voluntas dandi pretium ad mercium dominium obtinendum; Hæc autem voluntas, etiam cum errore circa paupertatem Mercatoris, dari potuit.

16 Ad secundam; Respondetur similiter; Titium, habuisse voluntatem sibi mercium emptionem imperandi solum sub conditione, quod Mercator esset pauper; ideoque, errorem circa eius paupertatem, hanc intentionem abstulisse, & consequenter etiam emptionis ordinationem ad illam subleuandam; At, non per hoc, voluntatem abstulisse dandi pretiū ad merces obtinendas. Hæc autem sola ad emptionis valorem, & requiritur, & sufficit, quia hæc sola, est de eius essentia.

17 Ad tertiam; Negatur antecedens Titius enim, non deceptus est circa causam finalem intrinsecam emptionis, quæ erat mercium acquisitio, sed solum circa causam impulsuam, siue circa causam finalem

extrinsecam. Error autem circa causam finalem extrinsecam, siue impulsuam, sicut non tollit consensum circa emptionis substantiam, ita nec impedit eius valorem.

COROLLARIA.

18 **C**olligitur ex dictis primò; Hanc statui posse tanquam regulam vniuersalem, ad cognoscendum, quæ sit causa finalis, quæ verò solum impulsua. Illa enim, quæ voluntatem mouet ad aliquid directè volendum, dicitur causa finalis illius actus, & obiecti; illa verò, quæ voluntatem mouet ad illum actum reflexè imperandum, sicut dicitur causa finalis intrinseca, respectu ipsius actus imperantis, ita dicitur causa solum impulsua, respectu actus imperati, quatenus talis actus, sine illa non fuisset à voluntate per alium actum imperatus. Sic pauperis miseria, quæ voluntatem immediate mouet ad pecuniam illi dandam, dicitur causa finalis intrinseca illius largitionis; siue eleemosynæ; Sanctitas verò, vel Infirmitas eiusdem pauperis, quæ voluntatem mouet ad talem largitionem reflexè imperandam, sicut respectu ipsius voluntatis imperantis, est causa finalis, & motuum formale; ita respectu largitionis, dicitur solum causa impulsua; quatenus talis est, vt sine illa, huiusmodi largitio non fuisset imperata, & consequenter, nec posita. Quare largitio eleemosynæ, sicut ab actu imperante pendet tanquam à cau-

à causa efficiente, ita ab eius motu pendet, tanquam à causâ impulsivâ, siue tanquam à causâ finali extrinsecâ.

- 19 Secundò ; Causam finalem, dici etiam posse illam, quam Operans, per illum actum, principaliter intendit ; Causam verò impulsivam, dici omne aliud motuum extrinsecum, quod voluntatem ad operandum impellit, etiam si tale sit, ve sine eo, voluntas operationem illam non fecisset. Et in hoc sensu, paupertatis subleuatio, est causa finalis intrinseca eleemosynæ, quia eleemosyna, cum sit actus misericordiz, circa pauperem, vt pauperem, essentialiter versatur ; Pauperis verò Infirmus, vel Sanctitas, aut Religio, est causa solum impulsiva, quia est motuum extrinsecum, & circumstantia, eleemosynæ omnino accidentalis, quamvis eleemosynam largiens, supponatur ita affectus, vt eleemosynam non daret, si sciret, illum non esse infirmum, vel Sanctum, aut Catholicum.

- 20 Tertiò ; Si eleemosynam largiens propter pauperis infirmitatem ; dum eam largitur, haberet actum voluntatis efficacem, quo diceret ; *nolo dare eleemosynam pauperi, si non esset Infirmus* ; In isto casu, non fore validam donationem, si causa impulsiva non subsisteret ; hoc est ; si pauper, verè non esset infirmus ; quia tunc voluntas donandi, non esset formaliter absoluta, sed conditionata ; ideoque, conditione non subsistente, redderetur nulla. Si tamen largiens, hanc voluntatem, non haberet actu, & de presenti, sed solum esset habiturus, si sciret, causam impulsivam non esse veram, sed simulatam, tunc non vitjaretur donatio, quamvis ille de presenti velleitatem quandam haberet ; quâ diceret ; *Nollem dare, si scirem, non esse Infirmum* ; Quia, in hoc casu, donandi voluntas, quam de facto haberet, esset formaliter absoluta, nec ex consortio huiusmodi velleitatis, desineret esse talis.



Q. V. AESTIO XXVI.

*An aliquando saltem, error circa causam
impulsivam, reddat operatio-
nem inuvalidam.*

CASVS.

QUAMVIS Titius, & Caius, æqualiter, quoad
sufficienciam, ad beneficium quoddam Parochiale
approbati fuissent: Cæteris tamen paribus, benefi-
cium conferendum erat Titio, quia erat Cuius. Verum, quia
Caius, morum Sanctitatem, & Canonum doctrinam simula-
uit; ei de facto collatum est, aliàs non conferendum. Que-
ritur: an talis collatio, iure naturæ, fuerit valida.

SUMMARIVM.

- 7 Causa impulsiva, est etiam ali-
quando circumstantia causa
finalis.
- 8 Hoc contingit, cum Causa fi-
nalis, est terminus compara-
tius.
- 9 Beneficij Parochialis collatio, ex
errore circa mores, ac do-
ctrinam, est inuvalida.
- 10 Mores, ac doctrina, concurrunt
ad constituendum digniorem.
- 11 Ideoque sunt simul causa impul-
siva, ac finalis.
- 12 Sicut infirmitas, constituit Pau-
perem magis indigentem.
- 13 Et sicut, in Matrimonio, qua-
litas, pertinet ad Personam.
- 14 In beneficij simplicis collatione,

mores, & doctrina, sunt cau-
sa solum impulsiva.

- 15 In collatione verò beneficij Pa-
rochialis, sunt etiam causa
finalis.
- 16 In eleemosyna distributione,
Pauperis infirmitas, regula-
riter, est causa solum impul-
siva.
- 17 In quibus casibus, error circa
causam impulsivam, vitiet
actum.
- 18 Circumstantia, que respectu
vnius actus, sunt accidenta-
les, respectu alterius sunt sub-
stantiales.



RATIONES DUBITANDI.

2 **Q**uamvis error circa causam impulsivam ad operandum, regulariter, operationem non viciet; eo quod causa impulsiva, ad eius essentiam non pertineat; sed sit aliquid illi merè accidentale, ut dictum est. Quia tamen, aliquando; ita est impulsiva, ut simul etiam pertineat ad finalem; in quo casu, error circa illam, viciat operationem. Ideo explicandum adhuc superest; quando hoc contingat, ut sic, causa impulsiva, melius, ac facilius distinguatur à finali.

3 Beneficii ergo Parochialis collatio, ob morum Sanctitatem, ac Canonum doctrinam simulatam, facta Caio; videtur fuisse valida; *Vasquez opusc. de elem. c. 3. d. ult. num. 18. Azor. tom. 1. lib. 1. c. 18. prope finem Aragon. 2. quæst. 77. ar. 3. Alvarez. 1. 2. quæst. 8. art. 8. num. 7.*

4 Primò; Quia collatio illa, non fuit facta, ex errore circa causam finalem, siue circumstantiam substantialem collationis; sed solam circa causam impulsivam; Quamvis enim, Episcopus, Caio, propter simulatam eius Sanctitatem, ac doctrinam, beneficium contulerit potius, quam Titio; illa tamen causa, non fuit, nec esse debuit, causa finalis, siue principalis; sed solam impulsiva; Nam causa finalis, fuit idoneitas ad tale beneficium. Cum ergo error circa causam impulsivam, non viciet dispositionem, dicendum est, beneficij collationem

factam Caio, quamvis, propter simulatam Sanctitatem, ac doctrinam, fuisse validam.

5 Secundò; Quia, si quis, paupertate pressus, suggeret se, inter Chri-
stianos inermem, vel inter infideles infidelem; & elemosynam consequetur, & ob hanc causam simulatam; qui eum viderent, moverentur ad elemosynam illi largiendam, talis largitio esset valida; Esset enim sufficienter voluntaria, ut potè facta verò pauperi, titulo elemosynæ, & error esset solam circa circumstantiam aliquam accidentalem, quæ donationis essentiam variare non potest. Sed etiam Episcopus, ad beneficium Caio conferendum, motus est ab eius Sanctitate, ac doctrinæ simulatæ, tanquam à causâ impulsivâ, & non finali. Ergo etiam eius collatio, fuit valida.

6 Tertiò; Quia, si alicui certâ pecuniæ summa esset commissâ; ut eâ pauperibus distribueret, & unus ex pauperibus, ipsius Distributoris consanguineum se simulans, ob hoc principaliter, ab eo elemosynam acciperet; talis largitio esset valida; quia pauper, ratione veræ paupertatis, haberet ius ad illam pecuniam, quamvis non ipse magis, quam alij pauperes; sed etiam Caïus, ratione veræ idoneitatis, haberet ius ad beneficium, quamvis non magis, quam Titius. Ergo etiam ab Episcopo, illi; ob Sanctitatem simulatam, fuerit collatum, talis collatio fuit valida; Non enim fuit error in causâ finali, neque in aliâ circumstantiâ substantiali collationis; ut suppono.

NOTABILIA.

7 **A**duertendum est primò; Causam impulsuam, aliquando non esse parè impulsuam, sed simul etiam constitutiuam Causæ finalis; Si quis enim, ex legato, certam pecuniæ summam, magis Indigenti distribuere teneatur; Et duo in paupertate sint æquales, sed vnus eorum, Infirmus sit; In hoc casu; Si Dispensator, ob Infirmiorem, moueretur ad pecuniam Infirmo potius quàm Sano distribuendam; Infirmi-
mitas, non solùm esset causa impellens ad pecuniam Infirmo largiendam; Sed præterea constitueret etiam causam finalem illius distributionis, quatenus Infirmum redderet magis indigentem. Cum autem causa impulsua pertinet simul ad causam finalem, tunc error circa illam, viciat dispositionem; quia, cum sit error circa essentiam dispositionis, eam reddit simpliciter inuoluntariam.

8 **A**duertendum est secundò; Causam impulsuam, regulariter, esse etiam Causæ finalis constitutiuam; quando Causa finalis, est terminus aliquis comparatiuus, siue consistit in aliqua comparatione; Tunc enim, cum necessariò, sit aggregatum aliquod ex pluribus circumstantijs, vna ex illis mouere potest ad operandum, sicque esse causa impulsua. In hoc autem Casu, esset impulsua simul, & constitutiuam Causæ finalis. Sic in proposito Casu; maior idoneitas, cum constitui prudenter nõ possit, nisi pensatis omnibus cir-

cumstantijs; Desumi necessariò debet etiam ex morum Sanctitate, ac Canonum Doctrinâ. Hæ enim Virtutes, cæteris paribus, reddunt magis idoneum; ideoque sunt integratiuæ Causæ finalis, ad rectam Beneficij Parochialis collationem requisitæ. Si ergo simul moueant ad vnũ alteri præferendum, iam habebunt simul rationem causæ impulsuæ, ac finalis. Vnde error circa illas, erit error circa causam finalem collationis beneficij, eamque propterea, reddet inuoluntariam, & consequenter inualidam. His positis.

RESOLVTIO.

9 **A**D Casum respondetur; Beneficij Parochialis collationem, factam Caio, non fuisse validam. Ita *Sanch. lib. 7. matr. d. 19. num. 20. & lib. 4. sum. c. 2. num. 6. & 41. Vasquez loco cit. num. 19. Layman. lib. 3. tract. 4. f. 5. cap. 5. num. 1. Reginald. lib. 25. num. 66. Molina tract. 4. d. 272. Syluester v. Votum. 2. quæst. 8. & alij apud istos.*

10 Probatum primò; Quia in beneficijs Parochialibus; quæ conferuntur per concursum, tenetur Episcopus, iuxta decretum Tridentini, *Seff. 24. c. 18. reform.* ex approbatis per examinatores Synodales, magis idoneum eligere. Sed, non existente in Caio Sanctitate, ac doctrinâ, quam simulabat, Caius non erat magis idoneus, quam Titius. Ergo Episcopus, voluntatem non habuit, ei beneficium Parochiale conferendi, potius quàm Titio; ideo-

ideoq; collatio fuit inualida ex defectu consensus .

11 Secundò; Quia Caij Sanctitas, ac Canonum doctrina simulata, non fuerunt solùm, respectu Episcopi, causa impulsua, ad Parochiale beneficium ei conferendum, sed parzialiter etiam causa finalis, quaremus, ratione illarum, fuit ab Episcopo iudicatus magis idoneus, quam Titius, ideoque simpliciter dignus, vt ei beneficium conferretur, potius quàm Titio. Error autem circa causam finalem, reddit irritam dispositionem, quia tollit consensum substantialem circa illam, eamque reddit inuoluntariam.

12 Tertiò; Quia, si ex duobus pauperibus æque indigentibus, vnus se fingeret infirmum, ob idque Dispensator, aliàs ex legato ad certam pecuniam, magis indigenti, largiendam obligatus, moueretur ad dandam ei potius, quam alteri pauperi talem pecuniam, largitio illa esset inualida, quia intentio Dispensatoris esset, dare pecuniam magis indigenti. Simulans autem infirmitatem, verè non esset magis indigens. Sed etiam intentio Episcopi fuit, beneficium conferre magis idoneo, ac digniori; Et Caius, Sanctitatem, ac Canonum doctrinam simulans, non erat magis idoneus, nec dignior. Ergo etiam beneficii collatio facta Caio, fuit inualida.

13 Quartò; Quia, in Matrimonio, quamuis error circa qualitatem personæ, regulariter, Matrimonium non irritet, quia qualitas personæ regulariter ad Matrimonij substantiam non pertinet; vt, cum quis vult

contrahere cum Lià, putans esse nobilem, vel diuitem, cum sit ignobilis, vel pauper; quando tamen qualitas pertinet etiam ad designandam indiuiduationem personæ; vt, cum quis vult contrahere cum primogenita Titij; quia tunc error circa qualitatem personæ, trahit secum errorem etiam circa ipsam personam, Matrimonium est nulum. Ergo similiter, quamuis error circa causam impulsuam, regulariter, dispositionem non vitiet, quia causa impulsua ad substantiam dispositionis regulariter non pertinet; Quando tamen causa impulsua pertinet etiam ad causam finalem, quia error circa illam, trahit secum errorem etiam circa ipsam causam finalem, dispositio erit inuoluntaria, ac nulla.

OBIECTIONVM SOLVTIO.

14 **A**D rationes autem in contrarium facilè respondetur; ad primam; Rationem illam, in beneficii simplicis collatione, oprime probare; Cum enim, in eà, spectetur solùm idoneitas ad beneficium; non verò maior idoneitas, sicut spectari debet in beneficii Parochialis collatione, ex Tridentino; hinc fit, vt, in beneficii simplicis collatione, Sanctitas, & Canonum doctrina, sint causæ merè impulsuæ; & extrinsecæ; Non enim requiruntur ad hoc, vt persona, sit ad beneficium simpliciter idonea; In collatione verò beneficii Parochialis, pertineant etiam ad causam finalem, quia, illis positis, persona est sim-

simpliciter magis idonea, ac dignior. Quamvis ergo beneficij collatio, facta Calo, fuisset valida, si beneficium fuisset simplex, & solum conferendum digno; quia tamen beneficium fuit Parochiale, & conferendum digniori, collatio, fuit inualida.

15 Ad secundam; Negatur minor; Episcopus enim, ad conferendum beneficium Calo potius, quam Titio, motus est, ab eius Sanctitate, ac canonum doctrinâ simulatâ, non solum tanquam à causâ impulsuâ, sed etiam tanquam à causâ partialiter finali; quatenus Sanctitas illa, ac doctrina simulatâ, concurrebant, ad illum constituendam, ac iudicandum magis idoneum, & digniorem, quæ maior idoneitas, in huiusmodi collatione, est causa finalis.

16 Ad tertiam responderetur; Rationem disparitatis esse, quia causa finalis, quam spectare debebat pecuniæ Dispensator, erat sola pauperum simpliciter. Ad hanc autem, erat aliquid omnino extrinsecum, & accidentale, consanguinitas, ideoque solum causa impulsiva ad talem distributionem. Ac causa finalis, quam in beneficij Parochialis collatione spectare debebat Episcopus, non erat idoneitas simpliciter, sed maior idoneitas. Hæc autem, constituitur etiam per Sanctitatem, ac doctrinam, quia constitutor, pensatis omnibus.

”

COROLLARIA.

17 Colligitur ex dictis primò; Errorem circa causam impulsivam, licet, quantum est ex se, nunquam vitiet dispositionem, si in duobus tamen casibus illam, quasi per accidens, vitiare. Primus est; quando causa impulsiva, in quâ erratur, apponitur per modum conditionis; ut, si datus eleemosynam pauperi, frugenti se infirmum; dicere *tibi eleemosynam, si es infirmus*; tunc enim, non subsistente conditione, largitio esset nulla. Secundus est; quando error circa causam impulsivam, trahit secum errorem circa causam finalem; ut in casu prædicti: tunc enim, causa finalis non subsistente, neque subsistit dispositio. Idemque dicendum est etiam de errore circa qualitatem personæ, in contractu Matrimonij; Nam hic etiam illum vitiat solum, quando qualitas, in quâ erratur, apponitur per modum conditionis, vel quando error circa qualitatem, redundat in errorem personæ, propter easdem rationes.

18 Secundò; Aliquæ, quæ respectu unius dispositionis, sunt circumstantiæ solum accidentales, posse respectu alterius, esse substantiales; Sanctitas enim, & doctrina, quæ respectu collationis beneficij simplicis, sunt circumstantiæ merè extrinsecæ, & accidentales; respectu collationis beneficij Parochialis, sunt circumstantiæ substantiales, ut patet ex dictis.

Q V A E S T I O XXVII.

An error circa Conditionem, reddat operationem inuvalidam.

C A S U S.

- 1 **T**ITIVS, audiens ab Amico; hæreditatem opulentam sibi esse relictam, vouit, Ecclesiam quandam, in honorem Beatæ Virginis, edificare. Post aliquot verò dies, comperit, hereditatem, non sibi, sed alteri eiusdem nominis, sed patriæ diuersæ, fuisse relictam. Ipse tamen, etiam independenter ab illà hereditate, erat valde diues; Quæritur, Vtrum Ecclesiam ædificare teneatur.

S U M M A R I U M.

- | | | | |
|----|---|----|--|
| 2 | Etiam Conditiō participat rationem causæ motiue. | 13 | Votum restituendi, si res antea non erat debita, non obligat. |
| 3 | Videtur participare rationem Causæ impulsivæ. | 14 | Cur Causa, in dubio, præsumenda sit impulsiva. |
| 5 | In quo differat voluntas conditionata ab absoluta. | 15 | Error circa unam causam, non tollit valorem voti, si alia subsistat. |
| 6 | Conditiō, est similis causæ finali. | | |
| 7 | Votum, ex suppositione erroneæ factum, non obligat. | | |
| 8 | Non est absolutum, sed conditionatum. | | |
| 9 | Cessante suppositione, cessat, sicut cessante causâ finali. | | |
| 10 | Et sicut, cessante eadem causâ, cessat lex. | | |
| 11 | Causa, quæ, respectu Voti simplicis, est finalis, respectu solemnis, est impulsiva. | | |
| 12 | In Voto simpliciter, conditiō, est causâ finalis. | | |

R A T I O N E S D U B I T A N D I.

- 2 **C**um Conditiō, sit ratio volendi obiectum, sicut est causâ motiua; Ipsa quoque participat videtur rationem Causæ motiue. Difficultas ergo solum est, quam rationem Causæ participet; finalis ne, an impulsiva. Videtur enim participare rationem impulsivæ, cuius error adum non irritat. Ideoque Titius, teneri videtur ad votum solvendum, ac Ecclesiam ædificandam. Ita Ancharan. c. magna de voto

voto num. 13. notab. 15. ibique An-
son. num. 15. Hostien. num. 10. &
glosa. Et ex parte Molina tom. 1.
tract. 2. d. 209.

3 Primò; Quia in c. ex parte; de
conuers. Coniug. Pontifex respon-
dit, validum fuisse votum castitatis,
emissum à quadam Muliere, quæ
Sponsum habebat, cum quo Matri-
monium ratum contraxerat; quam-
uis, ad vouendum, mota fuerit ex er-
rore; putans, Maritum esse lepro-
sum; in quo tamen decipiebatur.
Ergo etiam, validum fuit Titij Vo-
tum; quamuis ad vouendum motus
fuerit ex errore, putans, sibi Hæ-
reditatem fuisse relictam; quod ta-
men erat falsum. Non minus enim
Titij error, fuit solum circa causam
impulsuam, quam error Mulieris.

4 Secundò; Quia Titij error, non
fuit circa causam finalem Voti; Nō
enim fuit circa rem pertinentem ad
substantiam Voti, sed solum circa
motiuum quoddam, vel occasionem
valle extrinsecam; quæ Titij vo-
luntatem excitare quidem potuit,
& applicare ad vouendū; sed ita ta-
men, vt neque ad Voti materiam,
neque ad eius finem intrinsecum;
vllō modo pertineret. In omni
enim Voto, causa finalis intrinseca,
videtur esse, Dei cultus, per eum
Virtutis actum exercendus, qui à
Vouente promittitur. Si ergo Ti-
tij error, non fuit circa causam fina-
lem Voti, fuit solum circa causam
impulsuam; Hic autem error, Vo-
ti valorem non impedit, quia non
aufert consensum, neque circa
promissionem, neque circa rem
promissam; non solum materialiter;

hoc est; quo ad suum esse materia-
le; Sed etiam formaliter; hoc est;
quo ad finem, ad quem, per se, ac
principaliter ordinatur, in quan-
tum res illa est promissa.

NOTABILIA.

5 **A**duertendum est primò; Vo-
luntatem conditionatam, in
hoc differre ab absolutâ, quod con-
ditionata, essentialiter fertur, non
solum in obiectum, sed etiam in
conditionem; imo in obiectum, non
fertur, nisi vt vestitum tali condi-
tione; absoluta verò, fertur solum
in obiectum secundum se. Cum
quis enim, vult ducere Bertam, si
diues est; per eam voluntatem, ita
tendit in Bertam, vt simul tendat
in eius diuitias. Imò, in Bertam
non tendit, nisi quatenus est affecta
diuitijs. Qui verò vult ducere Ber-
tam diuitem; per eam voluntatem,
ita tendit in Bertam; vt in eius di-
uitias non tendat. Hinc autem fit,
vt deficiente conditione, statim de-
ficiat etiam voluntas conditionata;
eademque conditione non subsistente,
nec voluntas conditionata sub-
sistat; Deficientibus enim diuitijs;
statim cessat voluntas conditionata
ducendi Bertam; iisdemque non
subsistentibus, non subsistit. At, si
voluntas, sit absoluta, quamuis di-
uitiarum circumstantia deficiat, vo-
luntas tamen ducendi Bertam,
non deficit, eademque circumstan-
tiâ non subsistente, adhuc voluntas
illa subsistit.

6 Aduertendum est secundò; Hinc
colligi primò; Conditionem, esse
simi-

similem causæ finali, non verò impulsuæ. Sicut enim Intentio tollitur, sublatà causà finali; Ita, sublatà Conditione, tollitur voluntas conditionata. Secundò; errorem circa conditionem, reddere operationem inualidam, sicut reddit error circa causam finalem; Eodem enim modo eam reddit simpliciter inuoluntariam, cum voluntas conditionata, non minus essentialiter feratur in conditionem, quam quilibet voluntas, in suam causam finalem. His positis.

RESOLVTIO.

7 **R**espondetur; Titium non teneri, Ecclesiam ædificare, eiusque Votum non fuisse validum. Ita, *Sanch. lib. 10. matr. d. 9. num. 16. & lib. 4. sum. c. 2. num. 42. Azor. lib. 11. c. 15. quæst. 3. Syluester v. Votum. 2. quæst. 8. Snar. tom. 2. de relig. lib. 4. de voto c. 18. & alij plurimi apud istos.*

8 **P**rimò; Quia Titius, non absolute vouit, aut voluit Ecclesiam ædificare, sed solū ex suppositione hæreditatis adeptæ. Cum ergo hæreditatem adeptus non sit, consequenter neque voluit Ecclesiam ædificare, ideoque ex vi Voti, illam ædificare non tenetur; Votum enim cum fuerit conditionatum, & conditio posita non fuerit, non fuit validum ex defectu consensus.

9 **S**ecundò; Quia, cessante causà finali Voti, cessat Votum, eo quod deficiat intentio Vouentis; deficit enim eius proprium, formale, ac principalè motiuum; Nam causæ

finalis, est quasi obiectum formale, & motiuum intrinsecum ædus per Votum promissi, sicut causa finalis eleemosynæ, est paupertas, quia eleemosyna, cum sit essentialiter paupertatis subleuatio, essentialiter versatur circa pauperem, vt pauperem, tanquam circa proprium motiuum intrinsecum, ac formale. Cum ergo non fuerit posita hæreditas, quæ fuit, & conditio, & causa finalis vouendi; neque fuit posita intentio, per Votum se obligandi. Sicque Votum, non fuit voluntarium, & consequenter neque obligatorium, ac validum.

10 **T**ertio; Quia, cessante causà finali legis, cessat lex; Votum autem, est lex quædam priuata, quam homo sibi imponit. Similiter, donatio cessat, quando cessat causa finalis donationis; Votum autem, est species quædam donationis, vel promissionis; Quod verò hæreditatis adeptio, fuerit Conditio, siue Causa finalis vouendi, & non tantum impulsua, ex eo euidenter colligitur, quia Votum fuit factum, quasi in gratiarum actionem, propter beneficium illud à Deo acceptum. Gratiarum autem actio, essentialiter præsupponit beneficium, tanquam conditionem, & ad eiusdem beneficii compensationem ordinatur, tanquam ad finem.

OBJECTIONVM SOLVTIO.

11 **A**d rationes in contrarium; respondetur. Ad primam; *In dicto c. ex parte*: non esse sermonem de Voto simplici, sed de Pro-

Professione religiosa, quæ non irritatur ex errore circa causam finalem, ut infra patebit. Atque hanc interpretationem amplectitur *Sanch. lib. 10. matr. d. 9. num. 20.*

Dici etiam posset; *ex illo cap. non colligi, eam Mulierem, Votum Castitatis emisisse post matrimonium ratum, sed tantum, habitum Religionis assumpsisse, eo errore ductâ, quia falsò putabat, Sponsum suum esse leprosum; Vnde Pontifex eam non obligat ad Castitatem seruandam, sed ei tantum consulit perseverantiam in religione, quamvis falsa sit causa, quæ ad habitum religionis suscipiendum, illam induxit; Quia, inquit, etiam sine tali causâ, idem facere potuisset.* Verùm hoc ipsum melius infra patebit, *Quaest. 30.*

- 12 Ad secundam; Negatur, Errorem Titij, non fuisse circa conditionem, vel causam finalem; Votum enim, fuit à Titio emissum in recognitionem, ac quasi compensationem hereditatis adeptæ, tanquam propter finem; Recognitio autem, essentialiter præsupponit hereditatem adeptam. Dei verò cultus per actum promissum exercendus, licet sit causa finalis, quasi vniuersalis, Votis omnibus communis; Non tollit tamen, quin, dentur etiam alij fines particulares principaliter intenti, quibus cessantibus, Votum cessat. Sic enim, qui peregrinationem vouet ad Filij Sanctitatem obtinendâ, illâ non obtentâ, ad nihil tenetur. Cuius rei ratio à priori est, quia Votum, censetur factum solùm sub illâ conditione. Conditione autem

non posita, Votum non obligat, quia absolutè non datur.

COROLLARIA.

- 13 **C**olligitur ex dictis primò; Eū qui certæ Ecclesiæ vouit, restituere agrum, quem illi putabat esse debitum; Si postea constet, agrū illum ad talem Ecclesiam non pertinere, nec illi esse debitum; ad nihil, ex vi Voti, teneri; Quia verbum restituendi, Votum limitauit ad rationem Iustitiæ, tanquam primario intentam, quamvis ad Votum illud emittendum, impellere potuerit etiam Religio.
- 14 Secundò; In dubio, an causa, circa quam contigit error, fuerit finalis, vel impulsua; præsumendum esse, quod fuerit impulsua, & consequenter, quod Votum obliget. Tum quia, possessio stat pro Voto, quod constat, fuisse emissum; In dubio autem, melior est conditio possidentis. Tum quia, in omni Voto, causa finalis certa, est Dei cultus per actum promissum exercendus; Ergo in dubio, ceteræ causæ, censendæ sunt impulsuæ. *Sanchez lib. 10. matr. d. 9. nu. 17.*
- 15 Tertiò; Si Votum fiat propter duplicem causam finalem; Quamuis in vna erreretur, adhuc Votum obligare; Quia vna sufficit ad obligandum, & ut Votum teneat. Si quis tamen, intenderet, se obligare solùm, vtrâque illâ causâ existente; tunc, vna cessante, Votum non obligaret, quia Votum non obligat, nisi iuxta intentionem Voueris.

QVÆ.

Q V A E S T I O XXVIII.

*An cessante una Causâ operationis , cesset etiam
eius valor , ac efficaciâ .*

C A S V S .

TITIVS, à quodam Sacerdote paupere, enixè rogatus, ei vigintiquinque aureos, cum iuramento, promissit; Antequam tamen daret; Sacerdos ille, in quodam concursu, beneficium Parochiale, satis pingue obtinuit. Titius, hoc audito, ei promissos aureos, dare amplius nolēbat, dummodo licitè posset; Ideoque quæsiuit, an teneretur. Quæritur, an, ex vi promissionis, eos dare teneatur.

S V M M A R I V M .

- 3 *Promissio, mutatis circumstantijs, an obligat.*
- 6 *Ex se, nullum habet finem intrinsecum, quem respiciat.*
- 7 *Iuxta varios promittendi modos obligat, vel non obligat.*

R A T I O N E S D V B I T A N D I .

- 2 **Q**Uoniam non solum in causas motivas, sed etiam in conditiones, pluribus modis ferri potest voluntas conditionata; Ideo quæritur; An, quando fertur in plures, ita in eas feratur, ut qualibet earum deficiente, cesset statim ipsa intentio, ac voluntas, & consequenter etiam valor operationis ab eâ dependens; An vero adhuc intentio perseveret. Idemque

dicendum est, quando circa eas, vel earum aliquam, contingit error; An, scilicet, illâ non subsistente, nec subsistat intentio; & consequenter nec liberris, nec valor operationis; An verò adhuc detur intentio, sicque operatio sit valida.

- 3 Titius igitur, ex vi promissionis teneri non videtur, ad aureos promissos Sacerdoti soluendos, *Coinch. de Sacr. d. 31. d. 1. num. 7. Azor. tom. 1. lib. 11. cap. 15. quæst. 12. Sylvest. v. Votum. 2. quæst. 8.*

- 4 Primò; Quia, cessante causâ finali promissionis, cessat promissio; sed causa specialis promissionis, fuit Sacerdotis paupertas; ad hanc enim subleuandam, videtur Titius, eos aureos promississe; quod colligi etiam potest ex mutatione voluntatis, auditâ mutatione status Sacerdotis. Ergo

Ergo, cessante Sacerdotis paupertate, cessauit etiam in Titio obligatio promissionis. Hæc autem, per beneficij Parochialis acquisitionē, cessauit.

aliqua verò per modum causæ impulsuæ. Hoc posito.

RESOLVTIO.

5 Secundò; Quia Titius, quando, cum iuramento, Sacerdoti pecuniam promisit, intentionem habuit, se obligandi solùm conditionatè, si esset pauper. Voluntas autem conditionata, ad nihil obligat, nisi ponatur conditio. Sicut ergo Titius, ex vi promissionis, ad nihil fuisset obligatus, Si Sacerdos, tempore promissionis, non fuisset verè, sed fidei pauper; ita neque obligatur, si desinat esse pauper.

NOTABILE.

6 **A**duertendum est; Promissionem, ex se, nullum habere finem specialem intrinsecum, sicut habet eleemosyna, vel misericordia, quæ ad alienam miseriam subleuandam essentialiter ordinatur, tanquam ad suum finem intrinsecum, ac motiuum formale; Sed fieri posse, propter hunc, vel illum finem, ad libitum Promittentis. Hinc autem sic primò, vt, in promissione, intentio promittendi, ac se obligandi, sit semper virtualiter conditionata; si causa mouens ad promittendum, subsistat; Quia illa causa, est motiuum formale specificatiuum talis promissionis. Secundò, vt eadem intentio, habere simul possit plura motiua formalia promittendi; quorum, vel omnia moueant per modum causæ finalis, vel aliqua per modum causæ finalis,

7 **A**d Casum responderetur; Titium, ad pecuniam Sacerdoti pauperi promittendam, moueri potuisse, Vel à solâ paupertate, tanquam à causâ finali, & à Religione, siue Sacerdotio, tanquam à causâ impulsuâ; Vel ab utroque tanquam à causâ finali; Et hoc rursus dupliciter; scilicet; Vel ab utroque, solùm tanquam à causâ adæquatâ, ac totali, ita vt, singula motiua; essent causæ partiales; vel à singulis tanquam à pluribus causis totalibus.

8 Si Titius motus fuit à solâ Paupertate principaliter, siue tanquam à causâ finali, & à Sacerdotio solùm minus principaliter, & tanquâ à causâ impulsuâ. Responderetur; cessasse in Titio promissionis obligationem, propter rationes superius assignatas; ideoque Titium ad nihil amplius teneri.

9 Si verò è contra, Titius principaliter motus est à Religione, vel Beneficiantiâ, ratione Sacerdotij; minus verò principaliter à paupertate; tunc Responderetur; Non cessasse in Titio obligationem; Quia non cessauit causa finalis promissionis, sed solùm impulsuâ.

10 Si autem motus fuit ab utroque simul per modum vnius causæ adæquatæ; Responderetur; Etiam, in hoc casu, cessasse obligationem; Quia, alterutrâ causâ deficientē, cessauit iam causa motiua, ac finalis;

lis; Non enim intentionem habuit aliter se obligandi, nisi illà duplici causà existente.

11 Si denique motus fuit à singulis tanquam à causis, ac motiuis totalibus; tunc Respondetur; obligationem non cessasse; Quia, cessante paupertate, non cessauit motuum Religionis, siue Sacerdotij.

12 Si autem, de hac ipsà intentione suà dubitet Titius; tunc Respondetur; probabilius videri, quod obligatio non cessauerit. Tum quia in dubio, melior est conditio possidentis, & promissio possidet; certum enim est, quod fuerit facta, in-

certum verò, an cessauerit. Tum quia, in dubio, semper præsumitur pro actus perseverantia, sicut præsumitur pro eius valore. *L. quoties. ff. de reb. dub.* Præsertim in fauorabilibus, ut est in casu præsentis c. cum dilecti: de donat. Atque ita, præter Auctores superius citatos, sentire videntur. *Suarez tom. 2. de relig. tract. de voto lib. 4. c. 18. num. 7. Sanch. lib. 1. matr. d. 4. num. 9. & lib. 10. matr. d. 9. num. 16. Molina tom. 1. de iust. tract. 2. d. 209. Less. lib. 2. de iust. c. 18. d. 17. num. 129. Nau. sum. c. 17. num. 107.*

Q V A E S T I O XXIX.

*An quilibet error circa Causam finalem;
operationem reddat inuvalidam.*

C A S V S.

1 **T**ITIVS Romam venturus, cum audisset, in quadam Domo habitare Foeminam, quæ aliàs illi fuerat occasio peccandi; vouit, per illam viam non transire. Postea verò, ab Amico cognouit, Foeminam illam, ibi verè tunc non habitare. Accidit tamen, ut post aliquot menses, habitare ibi coeperit; & Titius hoc rescians, dubitare coepit; Num per illam viam transire posset, & an Votum teneat. Queritur; An Votum fuerit validum, ac teneat.

SUMMARIVM.

- 3 *Aliquis error circa causam finalem Voti, illud non inuvalidat.*
- 6 *Satis est, ut causa motiva, tempore executionis subsistat.*
- 7 *Sicut in Voto, facto ad Filij sanitatem obtinendam.*
- 8 *Etiam in Dispensatione, satis est, ut causa subsistat, tempore concessionis.*
- 9 *Vouentis intentio, est, se obligare pro tempore executionis.*
- 10 *Causa, existere potest tempore executionis, licet non existat tempore emissionis Voti.*
- 11 *Error circa causam, pro tempore executionis, reddit Votum inuvalidum.*
- 12 *Per Causa cessationem, Votum non extinguitur, sed suspenditur.*

RATIONES DVBITANDI.

- 2 **Q**uamuis error circa causam finalem intrinsicam operationis, eam regulariter reddat inuvalidam, quia tollit consensum, qui ad eius valorem necessario requiritur; Adhuc tamen superest difficultas; an quilibet error circa causam finalem, tollat intentionem, ad operationis valorem, requisitam. Et eam quidem tollere videtur; sicque Titij Votum non teneat. Ita Nauar. c. 18. num. 7. in fine. Molina tom. 2. d. 272. Henriquez lib. 11. matr. c. 14. Syluester

v. Votum. 2. quæst. 7. Angel. v. iuram. num. 35.

- 3 Primò; Quia, quando Titius Votum emisit, Fœmina non habitabat in illâ domo; Titij autem intentio fuit, obligare se ad non transeundum per illam viam, non absolute, sed solum conditionatè, & posito, quod Fœmina habitaret in illâ domo. Cum ergo Fœmina ibi non habitaret, quando Titius Votum emisit, consequenter Titius intentionem non habuit simpliciter se obligandi; sicque, ex defectu conditionis, ac consensus, Votum non fuit validum.
- 4 Secundò; Quia error circa causam finalem Voti, reddit Votum inuoluntarium, & consequenter nullum; Titius autem, Votum emisit, ex errore circa causam finalem; illud enim emisit ad vitandum peccandi periculum, imminens ex habitatione Fœminæ in tali domo; quod periculum, verè non imminebat, dum Votum emisit, cum Fœmina ibi tunc non habitaret. Cum ergo Titius, Votum emisit, ex errore causæ finalis, consequenter Votum fuit inuoluntarium, ac nullum.

RESOLVTIO.

- 5 **R**espondetur tamen; Titium, teneri, per illam viam non transire, & Votum ab eo emissum, fuisse validum. Sanchez lib. 4. sum. cap. 2. num. 45. & lib. 10. matr. d. 9. num. 16. Suar. tom. 2. de relig. lib. 4. de Voto c. 19. num. 5. Azor. tom. 1. lib. 11. cap. 15. quæst.

quæst. 13. & alij apud istos.

6 Primò; Quia ad hoc, ut Votum, ex errore causæ finalis emissum, non sit validum, nec obliget non sufficit, quod tempore emissionis Voti; causa non subsistat, sed necesse est, ut non subsistat, eo tempore, quo Votum est exequendum; Si enim tunc subsistat, iam res per Votum promissa, tunc est utilis ad finem illum obtinendum; Vouens autem, dum vouet, intendit se obligare ad rem promissam ponendam, si tempore, quo est ponenda, ad finem intentum consequendum sit utilis; non verò, si sit utilis tempore, quo Votum emittitur; Quod enim tunc sit utilis, vel inutilis, parum refert, dummodo sit utilis tempore, quo ponitur; ad hoc enim ponitur, ut per eam finis obtineatur.

7 Secundò; Quia, Si quis audiens ab Amico, Filium suum esse in extremo vitæ periculo constitutum, ad eius sanitatem obtinendam, voueat peregrinationem lauretanam post tres menses ponendam; licet tunc, quando vouit, Filius in eo periculo constitutus non esset, si tamen tempore, ad Voti executionem præfixo, Filius in eo periculo existeret, Votum teneret; Quia pro eo tempore, causa finalis Voti existeret; ideoque peregrinatio, esset tunc medium, ad sanitatem Filio obtinendam utile. Hoc autem solum requiritur, ex intentione Vouentis, ut Votum obliget.

8 Tertiò; Quia, Dum Romam mittitur pro dispensatione aliquâ obtinendâ; quamvis falsa causa

expressa, vitiet dispensationem; Si tamen causa, sit falsa solum eo tempore, quo ad dispensationem obtinendam, Romam mittitur; sed sit vera tempore, quo Pontifex dispensationem concedit, valet dispensatio, quia ad valorem dispensationis, attenditur solum tempus concessionis, & non aliud. Sed etiâ, ad Voti valorem, attenditur solum tempus executionis, & non aliud. Ergo, quamvis causa finalis falsa, Votum vitiet, si tamen causa est falsa solum tempore, quo Votum emittitur, sed non tempore, quo Votum est exequendum, valebit Votum.

OBIECTIONVM SOLVTIO.

9 **A**D rationes autem in contrarium respondetur; Ad primam; Titij intentionem fuisse; obligare se ad non transeundum per illam viam, posito quod Fœmina ibi habitaret, non eo tempore, quo Votum emisit, sed eo tempore, quo transeundum illi erat per illam viam, quia pro eo tempore, abstinentia à transitu per illam viam, erat medium utile ad peccatum vitandum; tempore autem, quo Titius per illam viam transire poterat, iam Fœmina habitabat in illâ domo.

10 Ad secundam; Respondetur; Errorem circa causam finalem Voti, vitare Votum, si detur tunc, cum Votum est exequendum; quia, deficiente fine, media tunc ad illum sunt inutilia. At, si detur solum, dum Votum emittitur, non sufficere

ad Votum irritandum; quia, cum eo errore, dari potest causa finalis, tempore executionis, siqueres per Votum promissa, esse medium utile ad eum finem consequendum. Hoc autem sufficit, ut Votum vim habeat obligandi; non enim spectatur tempus emissionis, sed tempus executionis; sicut, in dispensatione, requiritur veritas causæ, non tempore petitionis, sed tempore concessionis.

COROLLARIA.

11 **C**olligitur ex dictis primò; Quando tempore Voti executioni præfixo, Causa finalis non subsistit, Votum tunc esse inualidum; posito autem, quod semel sit inualidum, semper est inualidum, etiamsi postea superueniat causa finalis. Sicut, si semel, tempore, quo Pontifex dispensationem concessit, causa erat falsa, etiam si postea cesset falsitas causæ, non propterea sit valida dispensatio; quia, quod ab initio fuit inualidum, tractu temporis conualidari non potest.

12 Secundò; Quando, tempore executionis Voti, causa finalis verè subsistit, & consequenter Votum est validum; Quamvis postea, eadem causa cesset, non propterea Votum omnino extinguatur, sed solum

suspendi; ideoque, redeunte causâ finali, etiam Voti obligationem redire. Tum quia, alioqui, si quis, dum est sanus, voueat, singulis festis feriis, ieiunare in pane, & aquâ, Et postea efficiatur infirmus, ac malæ valetudinis, ita ut à ieiunio excusetur. Si deinde ad pristinam redeat sanitatem, dictum ieiunium seruare amplius non tenebitur; Hoc autem est contra communem sensum Fidelium. Tum quia Votum semel validum, per materiæ mutationem de bonâ in malâ, vel de possibili, in impossibilem, aut minus bonum impediens, non extinguitur, sed suspenditur, si mutatio illa, sit tantum temporalis, & non perpetua. Ergo etiam suspendetur solum, si cessatio causæ finalis, sit tantum temporalis, & non perpetua. Unde qui vouit, non transire per aliquam viam, eo quod ibi habitet Mulier, quæ illi est occasio peccandi; si illa domicilium mutet, illac transire poterit. At, si ea Mulier ibi postea iterum habitare incipiat ad Votum tenebitur; quia, per cessationem temporalem causæ finalis, Votum fuit tantum suspensum, non extinctum; sicut suspenditur tantum, & non extinguitur, per mutationem temporalem materiæ. Suarez tom. 2. de relig. tract. de Voto l. 4. c. 19. num. 3.



Q V A E S T I O X X X.

*An error circa quamlibet causam finalem,
operationem inualidet.*

CASVS.

MVLIER quædam, post contractum Matrimonium cum Scio, falsò putans, illum esse leprosum; ad lepre periculum vitandum, ante Matrimonij consummationem, Monasterium ingressa est; ibique, post annum professionem emisit. Postea verò comperit, illum verè non fuisse leprosum. Queritur; Vtrum professio illa fuerit valida.

S V M M A R I V M.

- 1 Error circa causam finalem Professionis, illam reddere videtur inualidam.
- 2 Videtur error circa substantialia Professionis.
- 3 Sicut, si esset circa materiam Professionis.
- 4 Et sicut est, in Voto simplici.
- 5 Verè tamen illam non vitiat.
- 6 Professio, est contractus onerosus.
- 7 Sicut est Matrimonium.
- 8 In contractibus onerosis, error circa causam motiuam, non tollit eorum voluntatem absolutam.
- 9 Hac voluntas, datur in Professione, sicut in Matrimonio.
- 10 Tam Professio, quam Votum simplex, debent esse libera.
- 11 Error circa causam motiuam Professionis, non est circa substantialia.
- 12 In Contractibus Onerosis, causa motiua, ad eorum substantiam non pertinet.
- 13 Professionis emissio, est absoluta.
- 14 Differentia inter contractus gratuitos, & onerosos.
- 15 Alia differentia.
- 16 Regula vniuersalis pro Contractibus gratuitis, & onerosis.

RATIONES DVBITANDI.

- 2 **Q**uamuis huius Quæstionis resolutio, colligi fortasse posset ex resolutione Quæstionis 5. Quia tamen, in professione religiosa, est specialis difficultas; & vt clarius appareat, in quo Professio differat à Voto simplici; & præsertim, vt,

in contractibus, causa finalis extrinseca, melius distinguatur ab intrinseca; Quæritur; an Mulieris professio, in casu proposito, fuerit valida; Aliquibus enim videtur non fuisse valida. Vt *Rebell. p. 2. de oblig. iuss. lib. 1. de contract. in gen. quæst. 6. f. 2. Salas 1. 2. tr. 3. d. 4. f. ult. num. 42. Rosel. v. diuortium num. 7.*

3 Primò; Quia, Professio Religionis, non minus liberum consensum requirit, quàm Votum simplex, cum Professio sit Votum solemne. Sed Votum simplex, ex errore causæ finalis, est irritum, propter defectum consensus, ad illud necessarij; nihil enim est magis contrarium consensui, quam error. Ergo etiam Professio. Sed Professio fuit facta à Muliere, ex errore circa causam finalem, & motiuam; fuit enim facta, ad vitandam lepram, quàm Mulier putabat, se contrahendam, ex consortio cum Sero leproso; in quo decepta est. Ergo fuit inuoluntaria, & consequenter irrita.

4 Secundò; Quia error circa substantialia alicuius dispositionis, illam irritat, cum reddat inuoluntariam; Sed error circa causam finalem Professionis, est error circa substantialia Professionis, sicut est respectu Voti simplicis. Ergo error circa causam finalem Professionis, illam vitiat, ac reddit inuoluntariam; ideoque Professio facta à Muliere, ex simili errore, fuit inualida.

5 Tertio; Quia, si Mulier decepta fuisset circa materiam Professionis, & putans, se profiteri in Religione

Sancti Augustini, professæ esset in Religione *Sancti Benedicti*; Professio fuisset nulla, ex defectu voluntatis, & consensus. Ergo etiam, cum professæ sit, ex errore circa causam finalem, Professio fuit nulla; Non minus enim error circa causam finalem, quàm circa materiam Professionis, est error circa substantialia Professionis.

6 Quarto; Quia, ideo Votum simplex, ex errore causæ finalis emissum, est nullum, quia qui illud emittit, habet intentionem illud emittendi solum sub conditione, quod causa finalis subsistat; siue, illud emittit deperdenter solum à tali causâ finali; Sed etiam, qui proficitur, Professionem emittit solum deperdenter à causâ finali motiua, habetque intentionem proficendi solum conditionatam, *posito, quod talis causa subsistat*; Nulla enim est ratio, cur hæc intentio habeatur in Voto, & non in Professione; Ergo etiam Professio, ex errore circa causam finalem emissæ, erit nulla.

RESOLVTIO.

7 **R** Espondetur tamen: Professionem fuisse validam. *Sanch. lib. 20. mate. d. 9. num. 20. Nau. lib. 3. conf. de conu. coniug. conf. 3. num. 4. Rodrig. p. 1. sum. cap. 238. num. 3. Syluester v. diuortium quæst. 22. num. 5. Reginald. lib. 25. c. 8. f. 2. num. 121. Bonac. de contract. d. 3. qu. 1. p. 2. d. 2. num. 3. Layman. lib. 3. tract. 4. f. 5. c. 5. num. 6. & alij apud istos.*

Pri-

- 8 Primo; Quia; *in r. fin. 20. qu. 3.* deciditur; Professionem dolo Monachorum factam, esse validam; ipsos tamen priuandos esse hereditate illius Professi. Et, *in c. ex parte: de conuers. coniug.* dicitur; loquendo de Muliere, quæ falsò existimans, se posse à Viro leproso recedere, Monasterium ingressa erat; *Quamuis falsa sit causa, per quam ad susceptionem veli prædicta mulier est inducta; cum sine qualibet tali causa, id ipsum, religionis obtentu facere potuisset.* Ergo, ex mente Pontificis, Mulieris Professio fuit valida. Ex hoc tamen textu, hoc clarè colligi non potest; vt dictum est.
- 9 Secundò; Quia Professio, est contractus onerosus, initus inter Professum, ac Religionem, quo Religiosus traditur, ac obligatur Religioni; & è contra Religio obligat se ad ipsum Religiosum alendum, ac retinendam: Omnes autem contractus onerosi, celebrati, ex errore, vel dolo, dante causam Contractui, siue ex errore circa causam finalem contractus, spectato solo iure naturæ, sunt validi; dummodo error non contingat circa substantialia Contractus. Cum ergo, nullum exeer ius positium, quod Professionem dolo emissam irritauerit; dicendum est, eam fuisse validam.
- 10 Tertiò; Quia Matrimonium, ex errore circa causam inducentem, ad contrahendum celebratum, non est, ipso iure, irritum, nisi error sit circa substantialia contractus, vt est error Personæ. Ergo neque

Professio, ex eodem errore facta, erit irrita, nisi error contingat circa substantialia Professionis, vt est error circa Religionem; Nam, etiam Professio, est Matrimonium quoddam spirituale, & contractus onerosus.

- 10 Quarto; Quia, in Contractibus onerosis, error circa causam inducentem ad contrahendum, non tollit voluntatem, siue intentionem absolutam contrahendi, vt patet in contractu Matrimonij, Emptionis, Venditionis, & alijs similibus; in quibus, intentio contrahendi, est omnino absoluta, & independens ab omnibus circumstantijs accidentalibus, ac extrinsecis; Sed Professio, est contractus onerosus; Ergo error circa causam illius inducentem, non tollit voluntatem absolutam profutendi; alioquin hoc idem asseri posset etiam de Matrimonio, & alijs contractibus onerosis: Adde; quod, cum contractus isti, sint, ex se, irrevocabiles, ac perpetui, hic modus illos volendi absolute, est illis magis connaturalis, ac conformis, quia est modus illos volendi irrevocabiliter.
- 11 Quintò; Quia, ideo in Matrimonio, Voluntas contrahendi, est absoluta, & independens ab omnibus, quæ ad ipsum Matrimonij essentiam non pertinent; Quia, si dependenter ab alijs rebus extrinsecis, sequeretur, plurima Matrimonia censenda esse irrita, neque ullius Matrimonij valorem, fore vnquam certum; Semper enim dubitari posset, an intentio contrahendi, fuerit conditionata, & solum, posset tali

circumstantiâ accidentali, ac extrinseca; Hoc autem cederet in graue damnum Reipublicæ; Sed hoc idem prorsus dici posset de Professione, si intentio profitendi non esset absoluta, cum ipsa sit Matrimonium quoddam spirituale. Ergo etiam, in Professione, Voluntas profitendi, erit absoluta; ideoque independens à veritate causæ inducentis ad profitendum.

- 13 Sextò; Quia Error, vel Dolus, quando est circa substantialia Professionis, non tollit perfectam libertatem, ad substantiam Professionis requisitam, sicut nec illam tollit ad Matrimonium, cui æquiparatur; Vnde Ecclesia, Professionem dolo emissam, non irritauit; Sicut nec irritauit Matrimonium, quando error non est circa substantialia. Ergo nec tollit eius valorem, sicut illum non tollit, in Matrimonio.

OBIECTIONVM SOLVTIO.

- 14 **N**Equè obstant rationes in contrarium. Ad primam, enim, respondetur; Tam Votum simplex, quam Professionem religiosam debere esse simpliciter libera, ac voluntaria, ita vt non interueniat error circa substantialia; In Voto tamen simplici, cum sit simile contractibus gratuitis; (est enim promissio facta Deo de re aliqua facienda, vel omittenda;) Error circa causam finalem, censetur error circa substantialia, quia procedit ex intentione virtualiter conditionali, si videlicet causa, à

quâ inducitur ad promittendum, subsistat. At verò, in Professione religiosa, cum sit similis contractibus onerosis, vt dictum est; Error in causâ finali, non censetur esse error circa substantialia, quia causa finalis, siue inductiua, non est intrinseca, nec ingreditur essentiam contractus onerosi. Hinc ergo fit, vt Votum simplex, ex errore circa causam finalem, sit irritum, Professio verò non sit irrita.

- 15 Ad secundam respondetur; negando, errorem circa causam finalem Professionis, esse errorem circa substantialia illius, sicut est in Voto simplici. Ratio autem disparitatis est; quia Votum simplex, est contractus quidam gratuitus; Professio verò, est contractus onerosus, de cuius essentia non est, causa inducens ad contrahendum, vt patet in Matrimonio, & ceteris contractibus onerosis.
- 16 Ad tertiam respondetur; negando similiter consequentiam; Nam, in omnibus contractibus, materia contractus, est de illius essentia; At causa finalis, in contractibus onerosis, non est de illorum essentia, sed est illis extrinseca, & accidentalis, cum in illis, sit potius finis operantis, quam finis operis, & sit potius causa impulsiva, quam finalis; est enim variabilis ad libitum Contrahentium, cum idem contractus, sit indifferens, vt fiat propter illum, vel alium finem. Si autem est extrinseca, error circa illam, non est error circa substantialia.
- 17 Ad quartam respondetur, Negando minorem; Qui enim profes-

professionem emittit, illam emittit absolute, siue erretur, siue non, in causâ inductivâ; Cum enim sit voluntas eligendi statum perpetuū, consequenter est voluntas illum eligendi independenter à quibuscumque circumstantiis extrinsecis, & etiam si erretur in circumstantiis illius status quacumque magnis; Alioquin de quacumque Professione dubitari semper posset, an esset valida, sicque oriretur magna confusio. Hæc autem, non oritur, ex eo, quod in Voto simplici, voluntas illud emittendi, sit dependens à causâ finali, & virtualiter conditionalis; *si talis causa subsistat*; Cum enim Votum simplex, simile sit contractibus gratuitis, & promissioni; & Promissio nullam habeat ex se causam finalem determinatam & intrinsecam, sed sit indifferens, ut fiat propter hunc potius finem, quam alium; fieri debet dependenter à causâ finali motivâ; alioquin nullum haberet finem; & consequenter per voluntatem virtualiter conditionatam; *si talis causa subsistat*.

COROLLARIA,

18 **C**olligitur ex dictis primò; Hanc esse differentiam inter contractus onerosos, & gratuitos; quod in onerosis, causa finalis intrinseca, est identificata cum eorum materia; cum enim sint essentialiter mutui, illud, quod respectu unius Contrahentis est materia, respectu alterius est causa finalis. Sic in Emptione, ac Venditione, pre-

tium, quod, respectu Ementis, est materia, quæ traditur ad rei emptæ dominium obtinendum; respectu Vendentis, est causa finalis; Venditor enim tradit rem, ad eius pretium obtinendum, Similiter in Matrimonio, unus Contrahens tradit proprium corpus alteri, ad alterius dominium obtinendum in ordine ad generationem; & sic in omnibus contractibus onerosis. At in contractibus gratuitis; cum non sint propriè mutui; causa finalis, non est necessariò identificata cum eorum materia; Qui enim promittit peregrinationem, vel calicem, nullum habet finem determinatum, qui cum peregrinatione, vel calice sit identificatus; sed hæc promittere potest propter quemcumque finem voluerit. Hinc ergo sit primò; ut in contractibus gratuitis, intentio, ac voluntas contrahendi, sit virtualiter conditionalis, & dependens à causâ finali motivâ; in onerosis verò, voluntas contrahendi, sit absoluta, & independentes à causâ ad contrahendum inductivâ. Secundò, ut, in gratuitis, causa finalis, pertineat ad eorum substantiam; in onerosis verò, sit solum circumstantia extrinseca, & accidentalis; quia non est finis operis, sed Operantis.

19 **S**ecundò; Ex primâ illâ differentia, oriri etiam aliam differentiam. Nam in contractibus onerosis, cum causâ finalis, sit identificata cum eorum materia, non est variabilis ad libitum Contrahentium, sed est essentialiter determinata, sicut est determinata materia; ita ut; quicum-

cumque talem contrahum celebra-
re velit, illum celebrare necessario
debeat propter talem finem intrin-
secum, nec posse illum celebrare
sine tali fine; Esto, moneri etiam
possit ab alijs finibus; Sic enim, qui
vult aliquid emere, necessario vult
eradere pretium ad rei emptæ do-
minium obtinendum; & qui vult
Matrimonium contrahere, vult tra-
dere proprium corpus alteri, ad al-
terius dominium obtinendum, in
ordine ad generationem; Alioquin
neque illa esset emptio, neque hoc
Matrimonium. Contra verò, in
Contractibus gratuitis, causâ fi-
nalis, cum non sit necessario iden-
tificata, cum eorum materia, non
est essentialiter determinata, sed
est variabilis ad libitum Contra-
hentium; Qui enim Calicem Ec-
clesiæ promittit, nullum habet fi-
nem determinatum, propter quem
illum promittere necessario debeat
sed illum promittere potest pro-
pter quemcumque finem voluerit;
Hinc ergo fit, vt intentio promit-
tendi, debeat esse dependens à cau-
sâ finali motiua, & inductiua ad
contrahendum; Quia, si ab illâ non
penderet, nullum, haberet finem,
ad quem intrinsecè terminaretur;
quod tamen est contra naturam vo-
luntatis, quæ per omnes suos actus,
ferri debet in aliquod bonum per
se expetibile, & consequenter in
aliquem finem; Intentio verò emen-
di, non debeat esse dependens a cau-
sâ inductiua ad emendum, quia,
cum sit essentialiter determinata
ad dandum pretium, vt rei emptæ
dominium obtineat, iam habet suf-

ficientem causam finalem, ad quam
terminetur. Secundò fit, vt inten-
tio promittendi, debeat esse virtua-
liter conditionata, si causa subsi-
stat; Quia causa finalis, intrinsecè
cum non sit, ex se, determinata,
sed pro libito à voluntate deter-
minabilis, potest esse vera, vel fal-
sa; Intentio verò emendi, debeat
esse absoluta; Quia, cum causâ fina-
lis intrinsecè, sit, ex se, essentiali-
ter determinata, non potest esse
variabilis; Ideoque debet esse ne-
cessario vera; Qui enim dat pre-
tium, necessario rei emptæ domi-
nium acquirit; neque in hoc con-
tingere potest error.

20 Tertiò; Hinc desumi posse hanc
regulam vniuersalissimam. Primò
in omnibus contractibus onerosis,
causam inductiuam ad contrahen-
dum, esse regulariter ipsis contra-
ctibus extrinsecam; ideoque erro-
rem circa illam, huiusmodi contra-
ctus non vitare; In contractibus
verò gratuitis, causam inductiuam
esse intrinsecam, ideoque errorem
circa illam, eos vitare. Secundò
in omnibus contractibus onerosis,
causam inductiuam, esse motiuum,
non ipsius intentionis contrahendi,
sed actus, per quem contractus o-
nerosus à voluntate imperatur; ideo-
que posse variari ad libitum vo-
luntatis, & appellari posse potius
causam impulsivam, quam finalem,
cum sit propriè finalis solùm respec-
tu actus imperantis. In gratuitis
verò, esse motiuum immediatum
ipsius voluntatis promittendi, vel
donandi, quæ alias nullum ha-
beret motiuum, ad quod vlti-

mo

mò terminaretur ; ideoque appellari debere, respectu istorum con-

tractuum, causam finalem intinsecam.

Q V A E S T I O XXXI.

An error, circa qualitatem Cause materialis, Operationem inualidet.

C A S V S.

MERCATOR quidam, moriens, plures merces in hereditatem. Filio reliquerat; singulisque mercibus, propria nomina apposuerat. Inter alias autem, erat etiam Arboris cuiusdam Sinensis Cortex; Virtutis, contra febres, præsertim quartanas; admirabilis. Filius, Patre mortuo, merces omnes cum suis nominibus, vendendas exposuit, Corticis virtutem ignorans; Titius verò, illac casu transiens, & Corticem videns, quia eius virtutem optimè nouerat, illum tribus aureis emit: Sed paulo post, quia virtus erat iam communiter nota; eà patefacta, eundem Corticem statim vendidit aureis septuaginta. Quæritur; Vtrum Emptio illa, fuerit valida.

S V M M A R I V M.

- | | |
|---|--|
| <p>2 <i>Ad operationis substantiam, pertinet, non solum finis, sed etiam materia.</i></p> <p>6 <i>In emptione, ac venditione, non solum res vendenda, sed eius etiam qualitates pertinent ad materiam.</i></p> <p>7 <i>Rei valor, desumitur ex eius utilitate in ordine ad usum, ad quem vendi solet.</i></p> | <p>8 <i>Et ex communi affirmatione; quam Res habet, in illo loco.</i></p> <p>9 <i>Error circa virtutem Rei vendenda, irritat venditionem.</i></p> <p>10 <i>Illam reddit simpliciter inuoluntariam.</i></p> <p>11 <i>Ad venditionis substantiam, non minus pertinet qualitas, Rei, quam Res.</i></p> <p>12 <i>Nec minus, quam causa finalis.</i></p> <p>13 <i>Qualitas Rei vendenda, constituit</i></p> |
|---|--|

- tuit valorem, qui est Venditionis materia.
- 14 *Quæ qualitas, Rei valorem, ac venditionis materiam constituit.*
- 15 *Qualitas Persona, regulariter Matrimonij materiam non constituit.*
- 16 *Non omnes Rei qualitates, ad venditionis materiam pertinent.*
- 17 *Thesaurus absconditus, non pertinet ad materiam venditionis Agri.*

RATIONES DVBITANDI.

- 3 **S**icut ad Operationis substantiam, pertinet eius motuum, siue causa finalis, ita pertinet etiam obiectum, siue causa materialis; Tam enim sine vna, quam sine aliâ, operatio esse non potest; ideoque ad eius valorem, etiam causæ materialis - notitia requiritur, sicut finalis; & ex errore circa materiam, quæ est inuálida operatio, ac ex errore circa finalem. Hoc ergo posito; sicut quæsitum est; An, & quando, error circa causam finalem, eiusque circumstantias, operationem reddat inuálidam? Ita quærendum superest; An, & quando, eandem irriter, error circa causam materialem, eiusque qualitates, ac circumstantias; Sic enim, & eorum, quæ ad cuiuslibet operationis valorem, necessariò requiruntur, habebitur perfecta notitia, & quanta ad ipsius valorem impediendum, sit erroris, ac ignorantie, efficacia, constabit.

3 Corticis igitur Emptio, videtur fuisse valida. *Turrian. 2.2. tom. 2. d. 58. d. 4 n. 6. P. Nau. de res. c. 2. num. 36. & alij.*

4 Primò; Quia, quamuis Mercatoris Filius, Corticis virtutem ignoraret, ipsius tamen Corticis notitiam habebat; Hoc autem sufficere videtur, ut eius venditio, illi fuerit voluntaria, & consequenter, ut emptio fuerit valida. Sicut enim ad Matrimonij valorem, sufficit notitia Personæ, cum quâ contrahitur, quamuis circa eius qualitates detur ignorantia, vel error; ita ad valorem venditionis, & consequenter etiam emptionis, satis est notitia rei, quæ venditur; licet circa eiusdem rei qualitates detur ignorantia, vel error; Non minus enim, in emptione, ac venditione, res, est materia contractus, quàm, in Matrimonio, persona. Si ergo in Matrimonio, ignorantia, vel error circa qualitatem personæ, illud non vitiat; neque in venditione, error, vel ignorantia circa qualitatem rei venditæ, illam vitiat; Verobique enim, qualitas videtur esse circumstantia merè accidentalis.

5 Secundò; Quia, si ad emptionis ac venditionis valorem, requiretur, non solum notitia Rei emendæ, vel vendendæ, sed etiam qualitatis ipsius Rei; sequeretur, inuálidâ esse venditionem, ac emptionem quacumque rei qualitate ignoratâ; Eo enim ipso emptio, vel venditio esset inuoluntaria, Consequens autem est absurdum; Hoc enim, esset iugum grauissimum, hominum cõ-

mer-

mercijs imponere, quod nec timorati ferre posses; Et artifices, quoscunque defectus rerum, quas vendendas exponunt, cum ipsorum notabili detrimento, omnibus manifestare tenerentur; ex quo fieret, ut paucos haberent emptores, multumque illis de pretio detraheretur. Cum ergo ad venditionis valorem, in Venditore, qualitatis rei vendendæ notitia non requiratur, dicendum videtur, Corticis venditionem, factam à Filio Mercatoris, eius virtutem ignorante, & consequenter etiam eius emptionem, fuisse validam.

NOTABILIA.

6 **A**duertendum est primò; In contractu emptionis, ac venditionis; & locationis, ac conductionis, non solum rei venditæ, vel locatæ substantiam, ad eorum essentiam pertinere, sed eius etiam qualitates; Tum quia, per venditionem, venditur, & alienatur quidquid utilitatis est in re, ac in Emptorem transfertur; Et per locationem, in Conductorem transfertur usus, non solum substantiæ rei, sed etiam qualitatum ipsius; Hinc autem fit, ut vitium rei ignoratæ, contractum reddat inuoluntarium, ac nullum; Qui enim rei vitium ignorauit, ignorauit aliquid pertinens ad substantiam emptionis, ac venditionis, ideoque illam simpliciter noluit. Tum quia, totum illud, quod in re, quæ emitur, aut venditur, est pretio æstimabile; est de venditionis, ac emptionis

substantia; Est enim eius materia, vel finis. Non solum autem res, sed etiam eius qualitates, sunt pretio æstimabiles; Nam etiam qualitates concurrunt ad rei utilitatem, ac valorem intrinsecum constituendum, cum hic, semper oriatur ex aliquâ rei virtute, & qualitate, ratione cuius plus æstimatur; Vnde Herba, naturali virtute, ad morbum aliquem curandum, prædita, ratione illius virtutis, in magna est apud homines æstimatione.

7 Aduertendum est secundò; In Emptione, ac Venditione; attendi utilitatem, ac valorem, quæ res, secundum communem æstimationem habet, in ordine ad usum, ad quem vendi communiter consuevit, Hic enim, est, per se, valor illius rei; Nam valor, quem res habet, ratione virtutis occultæ, siue in ordine ad alium usum particularem, ab Emptore specialiter cognitum; est valor per accidens rei, & fructus peritæ ipsius Emptoris. Vnde, si quis, singularem alicuius Gemmæ, aut Herbæ virtutem, ad morbum aliquem curandum, cognosceret, quam alij homines communiter non cognoscunt; eam non solum validè, sed etiam licitè, emere posset pretio, quo communiter æstimatur; quamuis Venditor, si eius virtutem singularem cognosceret, illam non venderet, vel saltem non nisi pretio longe maiori; Quia, in tali emptione, nullam Venditori injuriam faceret, daret enim illi pretium, quo, in ordine ad usum, ad quem vendi solet, in eo loco, communiter, æstimatur. Hic autem est,

est, per se, rei illius valor, ac utilitas.

- 8 Aduertendum est tertio; Rei utilitatem, ac valorem, pensandum esse, iuxta communem æstimationem, quam res habet in eo loco, in quo venditur, aut emitur; Res enim non pluris valere censetur, quam, in eo loco communiter æstimetur; Vnde, si in alienâ Regione, res parui æstimetur, paruo emi potest; Atque ita, apud Indos, licitum est, pro Auro, aliisque rebus pretiosissimis Specula, Tintinnabula, & alia similia commutare; quia Aurum ibi, parui æstimatur; contra verò, Specula, ac Tintinnabula, magni. His positis.

RESOLVTIO.

- 9 **A**D Casum responderetur; Emptionem illam, fuisse inuvalidam. Ita *Molina tom. 2. d. 353. num. 13. Lessius lib. 2. c. 21. d. 11. num. 85. Fillius, tract. 35. cap. 6. num. 126. Bonac. d. 3. de contr. q. 2. p. 4. num. 5. Salon. 2. 2. quest. 77. art. 3. contr. 3. concl. 2. Arag. ibidem;* & alij apud istos.

- 10 Primò; Quia Filius Mercatoris, dum Corticem vendidit, eius virtutem, quamuis alias communiter notam, ignorauit; nec illum, eo saltem pretio, vendidisset, si eius virtutem cognouisset. Ignorantia autem, vel error circa qualitatem rei, quæ venditur, aut emitur, emptionem, ac venditionem reddit simpliciter inuoluntariam, & consequenter inuvalidam. In emptione enim, ac venditione, ignorantia,

vel error circa qualitatem rei emendæ, aut vendendæ, est error circa aliquid pertinens ad earum materiam, quæ est, rei valor; nam hic, ex rei qualitatibus, potissimum defumitur, ac specialiter attenditur.

- 11 Secundò; Quia, non minus pertinet ad essentiam emptionis, ac venditionis, qualitas rei, quam ipsa rei substantia, imò multò magis; Magis enim ex rei qualitatibus, defumitur eius valor, qui in venditione, ac emptione, primario, ac principaliter attenditur, quàm ex ipsa substantia; Nam Herbarum, vel Lapidum, idèò habent valorem, quia habent virtutem aliquam specialem ad morbos curandos, vel ad alios similes effectus. Sed ignorantia, vel error circa substantiam rei vendendæ, reddit irritam venditionem, eo quod illam reddat simpliciter inuoluntariam: ergo etiam ignorantia, vel error circa qualitates eiusdem rei, illam reddet inuvalidam, & consequenter etiam emptionem. Cum igitur Mercatoris Filius, Corticis virtutem ignorauerit, nec illum, eo saltem pretio vendidisset, si cognouisset; dicendum est, venditionem illam, & consequenter etiam emptionem fuisse inuvalidam.

- 12 Tertiò; Quia; Qualitas rei vendendæ, non minus pertinet ad substantiam emptionis, ac venditionis, quam causa finalis; qualitas enim rei vendendæ, pertinet ad materiam venditionis, ut dictum est; Materia autem, non minus pertinet ad essentiam dispositionis, quàm causa finalis, ut per se patet. Sed

error,

error, vel ignorantia causæ finalis, reddit irritam emptionem, ac venditionem, ut potè inuoluntariam; Ergo eam etiam reddit inualidam ignorantia, vel error circa rei vendendæ qualitates.

OBIECTIONVM SOLVTIO :

12 **A**D rationes autem in contrarium, respondetur. Ad primam; Esse magnam disparitatem inter qualitates Personarum, in contractu Matrimonij, & qualitates rei vendendæ, in contractu emptionis, ac venditionis; In Matrimonio enim, qualitas Personæ, nullo modo concurrit ad constituendam ipsam Personam, quæ est materia contractus Matrimonij, sed est aliquid illi merè accidentale; At in emptione, ac venditione; qualitas rei vendendæ, cōstituit eius valorem, qui est materia venditionis; Res enim, ut habens talem, vel talem valorem, est materia venditionis; Talem autem, vel talem valorem habet à qualitatibus. Hinc ergo fit, ut, in Matrimonio; qualitas Personæ, sit circumstantia accidentalis; in emptione verò, ac venditione, qualitas rei vendendæ, sit circumstantia substantialis, siue pertinet ad substantiam venditionis, & consequenter, ut ignorantia, vel error circa illam, irritet emptionem, ac venditionem, error verò, vel ignorantia circa qualitatem Personæ, non irritet Matrimonium.

14 Ad secundam respondetur; Distinguendo sequelam; Ignorata qua-

cunque qualitate, quæ reddit rem notabiliter magis, vel minus utilem ad id, ad quod emitur, emptio esset inuoluntaria, ac inualida. Concedo sequelam. Si qualitas ignorata, non reddat rem notabiliter magis, vel minus utilem ad id, ad quod emitur; Nego sequelam. Quando enim qualitas, non reddit rem notabiliter magis, aut minus utilem ad id, ad quod emitur, Emptor censetur irrationabiliter inuoluntarius, quia nemo legem tam rigorosam in contrahendo admittit, ut ignorantia cuiuscunque qualitatis rei, sufficiat ad reddendam emptionem inualidam, neque hoc, bono communi expedit. Ad valorem, ergo venditionis, ac emptionis, satis est, notitia earum qualitatum, vel vitiorum, quæ reddunt rem notabiliter magis, vel minus utilem ad id, ad quod emitur; Sic enim contractus emptionis, ac venditionis, est humano modo vsualis, neque vllū ex hoc sequitur inconueniens. Contra vero, si Sutor, qui calceos confecit ex parte corij debiliore; Ea de re emptorem admonere teneretur; multum de isto pretio, cum notabili suo detrimento detrudere cogeretur, & paucissimos emptores inneniret. Hi enim, virijs cognitis, ab emptione retraherentur; & aliunde calcei sic confecti, suo modo, ad vsum, pro corij qualitate, sunt viles, neque omnes esse possunt ex corio firmo. Satis ergo erit, si Sutor pro calceorum qualitate, pretium moderetur. Si tamen, corium esset adustum, eaque de causâ, calcei statim

essent rumpendi; tunc Sutor vitium illud manifestare teneretur, quia calceos redderet notabiliter minus utiles ad usum, ad quem communiter emuntur, & si non manifestaret, venditio esset nulla,

COROLLARIA.

- 15 **C**olligitur ex dictis primò; In contractibus emptionis, venditionis, locationis, ac conductionis, hanc statui posse tanquam regulam generalem. Qualitatem rei emendæ, locandæ &c. ad eorum materiam, ac essentiam pertinere; ideoque ignorantiam, vel errorem circa illam, eos reddere irritos. In contractu verò Matrimonij, qualitatem Personæ, esse ipsi Personæ, ut plurimum, omnino accidentalem; ideoque eius ignorantiam, vel errorem, Matrimonij valorem non impedire.
- 16 Secundò; Si à Rustico afferantur herbæ, ad Iumentorum pabulum, vendendæ, & Pharmacopola,
- in arte peritus, aliquam inter illas agnoscat magni pretij, ac valoris, ad Pharmaca conficienda; posse hunc, herbæ illas emere pretio, quo communiter venduntur in illo foro, eius valorem Rustico non detegendo; Quia herbæ illæ, ex modo ipso vendendi, hoc est, ad pabulum iumentorum, non plus communiter æstimantur; Quod autem aliquæ ex illis, Pharmacopola, ad aliū usum deseruiant, fructus est suæ Artis, ac peritiæ. *Less. lib. 2. de iust. c. 21. d. 11. n. 85.*
- 17 Tertiò; Si quis thesaurum, aut venam Auri, in agro alicuius latere scias; posse hunc, agrum illum emere pretio communi, quo æstimatur ad usum, ad quem vendi communiter consuevit, & quo emere posset, si thesaurum, aut venam illam non haberet; Quia iustum pretium rei per se, est illud, quo communiter res æstimatur ad usum, ad quem emi consuevit; Nec Venditor, vllâ re suâ defraudatur, cum thesaurus, in nullius bonis sit, & *thesaurus: in st. de rer. diui S.*



Q V A E S T I O XXXII.

An error circa quamlibet qualitatem Causæ materialis, operationem irritet.

C A S V S:

TITIVS, decem Adamantes, quos secum ex Poloniâ attulerat, Romæ vendidit, mille aureis, quia hic erat in Poloniâ eorum valor, ignorans, Romæ, ubi erat Aduena, valere aureos decem mille. Quæritur; Vtrum, venditio ista fuerit valida.

S U M M A R I U M.

R A T I O N E S D V B I T A N D I.

- 2 Non semper error circa qualitates materia, contractum vitiat.
- 6 Rei vendenda valor duplex; intrinsicus, & extrinsecus.
- 7 Error valoris, quem ibi res habet, contractum non irritat.
- 8 Est error circa valorem extrinsecum.
- 9 Valor rei extrinsecus, est venditioni accidentalis.
- 10 Error circa illum, reddit venditionem inuoluntariam solum secundum quid.
- 11 Pretium, pertinet ad substantiam venditionis, non quantitas pretij.
- 12 Idem valet in Donatione.
- 13 Id. quod in illis fuit inuoluntarium, est restituendum.

Sicut Causa impulsiva, tenens se ex parte Causæ finalis, aliquando est illi extrinseca, aliquando etiam intrinseca, eiusque constitutiva; Ita qualitates, tenentes se ex parte obiecti, siue Causæ materialis, aliquando sunt illi merè accidentales; aliquando etiam essentialis, eamque constituunt. Hinc autem sit, vt sicut error circa causam impulsivam, aliquando operationem vitiat; aliquando non vitiat: Ita eam aliquando reddat inuolidam, error circa qualitates causæ, siue obiecti materialis; aliquando non reddat.

3 Vt ergo qualitates istæ, præsertim in contractibus Emptionis, ac Venditionis, melius ab inuicem distingui possint, præfens Casus proponitur; in quo, venditio videtur fuisse inuolida. Ita Nauar. cap. 3.

O

sum.

*sum. num. 89. Syluester v. emptio
quæst. 20. Medina r. de restitut.
quæst. 24. Molina tom. 2. d. 353.
num. 20.*

4. **Primò;** Quia dum Titius Romæ vendidit Adamantes, eorum valorem ignorauit, neque eo pretio vendidisset, si cognouisset. Ergo venditio illa fuit inuoluntaria, & consequenter inualida, Ignorantia enim, vel error circa rei vendendæ valorem, est error circa substantiam venditionis, cum rei valor ad effectum venditionis pertineat, vt dictum est. Ignorantia autem, vel error circa substantiam alicuius dispositionis, eam reddit inuoluntariam, & consequenter inualidam.

5. **Secundò;** Quia Titius errauit circa pretium. Pretium autem pertinet ad substantiam contractus venditionis, non minus quàm rei vendendæ valor. Ergo errauit circa aliquid pertinens ad substantiam venditionis; sicque venditio fuit omnino inuoluntaria, ac inualida.

NOTABLE.

6. **A**duertendum est; Rem vendendam, duplicem habere valorem; Alium intrinsecum, qui scilicet provenit ex aliquâ virtute, vel qualitate ipsius rei, ex quâ virtute oritur, vt magis æstimetur; Alium extrinsecum, qui provenire solet ex ipsius rei abundantia, vel penuria; ex multitudine Emptorum, ex raritate Venditorum; &c. Et, qui, mancante re, in se ipsâ

immutatâ, pro locorum, ac temporû diuersitate, variatur; Primus pertinet ad substantiam venditionis, quia oritur ex rei qualitatibus, quæ in venditione, sunt circumstantiæ substantiales, vt dictum est. Secundus verò, est circumstantia, venditioni omnino accidentalis; sicut est omnino accidentalis, ipsi rei vendendæ, ac variatur, ipsâ re inuariatâ. Hoc posito.

RESOLVTIO.

7. **R**espondetur; Venditionem, fuisse validam, etiam si Titius, cognito Adamantium valore, eos, eo saltem pretio, non vendidisset. *Vasq. l. 2. d. 30. cap. 4. num. 28. Azor. tom. 8. c. 18. qu. 4. Reginald. tom. 2. lib. 31. cap. 14. num. 97. & lib. 25. num. 340. d. 3. Sanch. lib. 1. c. 2. num. 11. Arag. 2.2. quæst. 77. ar. 3. Salas. de contr. d. 36. de empt. num. 7. & alij communiter.*
8. **Primò;** Quia, licet eos vendiderit ex errore, putans valere Romæ, solum mille auteis, sicut valebant in Patriâ; adhuc tamen, error ille, fuit, solum circa eorum valorem extrinsecum, & provenientem, ex locorum diuersitate, & fortasse ex eorum penuria, Romæ. Error autem circa valorem, rei extrinsecum, cum sit error circa circumstantiam, venditioni omnino accidentalem, non tollit consensum ad illam necessarium, & consequenter nec eius valorem.
9. **Secundò;** Quia non minus est accidentalis venditioni, valor extrinsecus.

secus, proveniens rei, ex locorum diuersitate, vel ex Venditorum penuria, quam sit accidentalis Matrimonio, qualitas personæ, cum quâ contrahitur. Sicut enim sola personæ, cum quâ contrahitur, pertinet ad essentiam Matrimonij, vel tanquam materia, vel tanquam finis, non verò eius diuitiæ, vel pulchritudo, aut nobilitas. Ita solus valor, proveniens ex qualitativis rei vendendæ, pertinet ad essentiam venditionis, tanquam materia, vel finis, non verò valor extrinsecus; Nam hic variari potest, eodem valore intrinseco manente; Sicut variari possunt diuitiæ, vel pulchritudo, manente eadem Personâ. Sicut ergo, in Matrimonio, error circa personæ qualitatē, quamvis sit antecedens, & causa Matrimonij, illud non irritat quia causa, in quâ erratur, est extra eius essentiam. Ita in venditione, error circa valorem extrinsecum, quamvis sit antecedens, & causa venditionis, illam non irritabit; quia, etiam in venditione, causa, in quâ erratur est extra eius essentiam.

OBJECTIONVM SOLVTIO.

NEquè obstant rationes in contrarium; Ad primam enim respondetur; Venditionem fuisse simpliciter voluntariam, & inuoluntariam solum secundum quid, ratione erroris circa valorem extrinsecum Adamantium; Sicut Matrimonium contractum cum aliquâ, quæ putabatur diues,

est simpliciter voluntarium, & inuoluntarium solum secundum quid ratione erroris circa diuitias. Quæ admodum ergo Matrimonium, cum hoc errore contractum est validum; Ita valida fuit venditio, ex illo errore facta; Licet enim error circa valorem, rei intrinsecum, sit circa substantialia venditionis; error tamen circa valorem extrinsecum, non est circa substantiam venditionis, sed solum circa circumstantiam aliquam, illi prorsus accidentalem.

11 Ad secundam respondetur; Licet pretiū in genere, ad substantiā venditionis pertineat, ad illā tamen non pertinere quantitatem pretij, sed hanc pertinere potius ad iusticiam venditionis; In casu autem posito, fuit error solum circa pretij quantitatem, quæ variari potest, manente eodem valore intrinseco rei, sicut variari potest valor extrinsecus; Huic enim regulariter proportionari solet quantitas pretij.

COROLLARIA.

12 Colligitur ex dictis primò; Quæ dicta sunt de venditione, applicari etiam posse donationi; Si quis enim Caio donaret eorum, valoris mille aureorum, putans valere solum quadringentos, donatio esset valida, etiam si, cognita veritate, non donasset; Quia non interueniret error circa eorum, qui est de substantia Donationis, sed solum circa pretij quantitatem, quæ est circumstantia acci-

dentalis . Idem contingeret , si quis alicui donaret nummum aureum , putans valere quindecim Iulij , cum valeret triginta ; tunc enim etiam , error esset solum circa pretij quantitatem , non circa nummum ; ideoque valida esset donatio . In his tamen casibus , teneretur Donatarius , excessum supra quindecim , restituere , quia donatio , ad illum excessum non se extenderet , nec in ordine ad illum excessum esset voluntaria ; Donator enim haberet voluntatem donandi nummum , solum ut valentem quindecim Iulij , non verò ut va-

lentem triginta . Totus autem valor donationis , desumitur ex voluntate Donatoris .

- 13 Secundò ; Quamvis venditio fuerit valida , teneri tamen Emptorem ad restituendum Titio pretium , quod deerat ad pretium ibi iustum . Tum quia ; quo ad illum defectum , Venditio fuit Titio omnino igno-
luntaria , cum Titius intentionem habuerit Adamantes vendendi pretio ibi iusto . Tum quia iustitia vnumquemque obligat ad res emendas , pretio iusto ; sicut obligat Venditorem ad eas , eodem pretio vendendas , & non supra illud .

QVAESTIO XXXIII.

An quilibet error circa Causam, siue obiectum materiale operationis, eam vitiet.

C A S V S.

- 1 **T**ITIVS, putans, Lauretum, centum milliaribus, Româ distare, & Templum quoddam Virgini Sacrum, decem; Vtramque peregrinationem, ad eiusdem peregrinationis labores sustinendos, vouit. Post Votum autem emissum, comperit, Lauretum distare milliaribus centum, & decem; Templum verò, viginti. Quæritur, Vtrum Votum istud fuerit validum.

SVMMARIVM.

- 3 *Error circa materiam operationis, cur illam vitare videatur.*

4 *Inconueniens inde consequens.*

5 *Materia Voti, aliquando coïncidit cum eius causâ finali.*

6 *Error circa Voti materiam, ali-*

aliquando levis, aliquando notabilis.

- 7 *Error levis, Votum non irritat.*
- 8 *Notabilis irritat.*
- 9 *Error circa accessorium, non irritat Votum circa principale.*
- 10 *Error circa circumstantiam materialem, illam non semper reddit inuoluntariam.*
- 11 *Votum irritum circa principale, est, etiam irritum circa accessorium.*
- 12 *Quandoque, in Emptione, causa finalis, coincidat cum materia.*

RATIONES DUBITANDI.

2 **N**on est hic Quæstio de qualitatibus, obiecto materiali operationis, accidentalibus; sed de substantialibus; Itineris enim longitudo, vel breuitas, ad eius substantiam pertinere videntur. Quare queritur hic; an quilibet error circa qualitates materię intrinsicas, ad operationem irritandam sufficiat.

3 Ratio autem dubitandi est; Quia ex vno capite, error circa substantiam, siue circa essentialia alicuius dispositionis, illam vitiat, cum eam reddat inuoluntariam, & nihil magis sit contrarium voluntati, quam error. *L. si per errorem: ff. de iurisdict. omn. iud.* Sed Titius, dum putabat, Lauretum Romæ distare solum milliaribus centum; errauit circa Voti materiam; Verè enim distabat milliaribus centum, ac de-

cem; & Templum Beatę Virginis, quod ipse putabat distare decem, verè distabat viginti. Ergo Votum, ex hoc errore factum, fuit inuoluntarium, ac nullum.

4 Ex alio verò capite; si quilibet error, etiam circa substantialia, alicuius dispositionis, sufficeret ad illam vitiandam; sequeretur, nunquam, aut ferè nunquam, esse validas dispositiones, quę communiter fiunt, & quę communiter tanquam validę admittuntur; Semper enim, aut ferè semper, interuenit aliquis error, vel circa materiam, vel circa finem; Nam, dum quis peregrinationem aliquam vouet, nunquam, aut ferè nunquam, itineris longitudinem, & consequenter peregrinationis laborem, ita exactè vouet, vt in aliqua itineris parte non erret, putans; V. G. Iter, esse milliariorum decem, cum sit, vel solum nouem, vel vndecim. Si ergo quilibet error, sufficit ad dispositionem inuolidandam, nunquā aut ferè nunquam, Vota, ac dispositiones, quę communiter fiunt, erunt validę. Quod tamen est contra communem sensum, ac praxim.

NOTABILIA.

5 **A**duertendum est primò; Causam vouendi, aliquando, cum Voti, aut dispositionis materiā, non coincidere, sed illi esse omnino extrinsecam; Vt, cum quis, ad Filij sanitatem obtinendam, vouet ieiunium; Tunc enim, Filij sanitas, est omnino distincta à ieiunio, quod

est Voti materia; Aliquando verò cum ipsâ Voti materiâ coincidere, itaut sit, vel ipsa res promissa, vel eius pars; Vt, cum quis vouet peregrinationem, ad eius labores sustinendos; Tunc enim, labor, non distinguitur ab ipsâ peregrinatione quæ est Voti materia. Quando causa vouendi, cum Voti materiâ non coincidit, Tunc error circa causam finalem, irritat Votum, & error circa causam impulsivam non irritat, ut dictum est. Quando verò coincidit; Tunc, si error sit circa partem modicam, Votum obligat; quia error circa illam, non est propriè error, qui consensui ad valorem necessariò aduersetur, cum sit in re modicâ; At verò, si error sit circa partem notabilem, Votum non obligat, quia error circa illam tollit consensum, qui ad valorem est necessarius.

- 6 Aduertendum est secundò; Vt cognoscamus, num qualitas, circa quam est error, magni sit, aut parui momenti, itaut ex errore circa illam, Votum, aut dispositio irritetur, vel non irritetur; Spectandam esse rem illam, non absolutè, & secundum se, sed respectu totius materiæ Voti, aut dispositionis; Id enim, quod respectu vnius dispositionis, erit modicum, respectu alterius erit magnum, ac notabile. Nam decem milliaria, quæ respectu centum, censentur quid modicum; respectu viginti, non censentur modicum, sed notabile. His positis.

RESOLVTIO I.

- 7 **A**D Casum responderetur primò; Votum peregrinationis ad Virginem Lauretanam, fuisse validum. Quia error circa itineris longitudinem, fuit modicus, ideoque insufficiens ad illud viriandum; In moralibus enim, parum pro nihilo reputatur.

RESOLVTIO II.

- 8 **R**esponderetur secundò; Votum peregrinationis ad aliud Beate Virginis Templum, fuisse inuvalidum; Quia error circa itineris longitudinem, fuit notabilis; Decem enim, quàmuis comparata ad centum, sint quid modicum; comparata tamen ad viginti, sunt aliquid magnum, ac notabile; ideoque error circa illa, fuit sufficiens ad Votum irritandum. Atque ita tenent. *Suar. tom. 2. de relig. tr. de Voto. lib. 1. c. 11. num. 8. Sanch. lib. 10. matr. d. 9. n. 13. & lib. 4. sum. c. 1. n. 11. Sotus lib. 7. qu. 1. art. 2. Arag. 2. 2. quæst. 88. ar. 1. Rodr. p. 2. sum. c. 92. num. 4. Aluarez 1. 2. d. 157. num. 6. & alij plures.*

COROLLARIA.

- 9 **C**olligitur ex dictis primò; Quando error, non est circa materiam per Votum principaliter promissam, sed solum circa aliquid illi accessorium, tunc Votum obligare solum ad principale, non ve-

rd ad accessorium ; Si quis enim, voueat peregrinationem Lauretanam pedestrem, non aduertens, vel putans, illam circumstantiam, non esse valde difficilem; tenebitur quidem ire Lauretum, sed non pedibus; Quia Votum, censetur voluntarium solum circa rem principaliter promissam, quo ad illam verò circumstantiam, inuoluntarium.

Sanch. lib. 4. sum. c. 2. num. 15.

- 10 Secundò; Cum quis vouet, ire Lauretum, putans distare centum milliarijs, cum distet centum, & decem; Quamuis Votum quo ad illum excessum videatur inuoluntarium, ideoque ad illum non obligare; Verò tamen, etiam illum excessum esse virtualiter voluntarium; Quia circumstantia illa leuis decem milliariorum, circa quam fuit error, est inseparabilis à materia principaliter promissa. Ergo eo ipso, quod est volitum principale, censetur etiam virtualiter volita circumstantia; ideoque vouens, ad illam tenetur. Cum verò circumstantia, à rei promissæ substantiâ est inseparabilis; vt accidit in circumstantiâ itineris pedestris; Tunc error circa illam, eam reddit inuoluntariam; ideoque Vouens, ad illam non tenetur, sed solum ad principale.

- 11 Terriò; Quando Votum, est iteritum propter errorem notabilem,

circa rem principaliter promissam; esse etiam irritum circa accessorium, quamuis hæc fuerit cognita.

Si quis enim peregrinationem Lauretanam obire voueat, sacco indutus; putans distare solum quadraginta milliarijs, cum distet plus quam centum; non solum non tenetur ad illa quadraginta milliaria, in quibus non errauit, sed neque ad saccum induendum; Quia verumque accessorie tantum, & non principaliter, per Votum, promissæ. Principali autem destructo, coaruit etiam accessorium; Cum hoc, eius naturam sequatur. *reg. accessorium; de reg. iuris in 6.*

- 12 Quartò; Cum quis ad gemmam emendam mouetur à virtute aliquâ quam in illâ putat esse, ad certum morbum sanandum; Tunc causam finalem cum emptionis materiâ coincidere; Virtus enim, & qualitas illa, quæ ad gemmam emendam mouet, vt causa finalis, eo quod empirio ad talem virtutem obtinendam ordineretur; pertinet etiam ad emptionis materiam, cum ex illâ, valor gemmæ intrinsecus, qui est emptionis materia, desumatur. Quare, si circa talem virtutem contingat error, empirio ex defectu voluntarij erit inualidum, quia error, erit circa emptionis substantialia.



Q V A E S T I O XXXIV.

An semper, Ignorantia circa qualitates materiae intrinsecas, operationem reddat inuvalidam.

C A S V S.

TITIVS, Ordinis Carthusianorum difficultates ignorans, & precipuè, quod ibi carnes nunquam comederentur, vouit eius Religionis ingressum. Verum, cum postea de eorum regula certior esset factus, ingredi amplius noluit; & Quæsiuit; Vtrum Votum, ex tali Ignorantiâ emissum, fuerit validum.

S V M M A R I V M.

- 3 In Voto difficultates notabiles ignoratæ, illud reddere videntur nullum.
- 6 Aliud est, difficultates ignorare; aliud, circa illas errare.
- 7 Ignorantia, difficultates ignoratas non excludit, error excludit.
- 8 Votum Religionis, etiam difficultatibus ignoratis, tenet.
- 9 Ignorantia difficultatum, voluntatem vouendi absolutam non impedit.
- 10 Ad Voti valorem, cognitio confusa rei promissæ sufficit.
- 11 Cur cognitio distincta non requiratur.
- 12 Non obstat, quod Ignorantia sit antecedens.

- 13 Cur Ignorantia vitiorum Reimendæ, emptionem irritet.
- 14 Quæ Ignorantia, causet inuoluntarium.
- 15 Obligationem impediens, si illi superueniat, eam tollit.
- 16 Eleemosyna facta etiam cum Ignorantia antecedente, aliquando est valida.

R A T I O N E S D V B I T A N D I.

- 2 Q Vamuis error circa qualitates, obiecto materiali operationis intrinsecas, illam reddat inuvalidam, vt constat ex dictis; Superest tamen adhuc difficultas, an hoc idem præstet etiam ignorantia. Sic enim, haberi poterit optima regula ad cognoscendum; An plurima Vota obligent, vel non obligent; Et quæ ratio voluntarij

tarij, ad eorum valorem requiratur, ac sufficiat.

- 3 Titij ergo Votum videtur fuisse inualidum. Ita *Molina tom. 2. d. 272. Nou. c. 18. sum. num. 7. in fine. Henric. lib. 11. de matr. c. 14. Siluest. v. Votum. 2. quæst. 17. in fine.*

- 4 Primò; Quia vitium notabile rei emendæ, ignoratum, reddit irritam emptionem; Ergo etiam difficultates notabiles in re per Votum promissæ, ignoratæ, reddent irritum Votum; Non minus enim ignorantia vitij rei emendæ, reddit illius emptionem inuoluntariam, quam ignorantia difficultatum, inuoluntarium reddat Votum.

- 5 Secundo; Quia error notabilis circa rem, per Votum, promissam, reddit Votum simpliciter inuoluntarium, ac irritum. Ergo etiam ignorantia notabilis circa difficultates rei, per Votum, promissæ, reddet Votum simpliciter inuoluntarium, ac irritum; Non minus enim ignorantia antecedens, causat inuoluntarium, quam error; si ergo error notabilis circa aliquid pertinet ad materiam Voti, illud reddit inuoluntarium, ac irritum, etiam ignorantia notabilis circa difficultates rei per Votum promissæ, Votum reddet inuoluntarium, ac irritum. Nam etiam difficultates, ad Voti materiam pertinent,

NOTABILIA.

- 6 **A**duertendum est primò; cum quis rem aliquam confusè cognoscit, sine circumstantijs du-

pliciter illam sine circumstantijs posse cognoscere; primò præcisè; hoc est, præscindendo ab ipsis circumstantijs, & illas non cognoscendo; & hoc sit per ignorantiam, quatenus ipsæ circumstantiæ, non cognoscuntur, nec penetrantur. Secundo negatiuè; hoc est, illas à re cognita excludendo; & hoc sit per errorem; Quatenus circumstantiæ illæ, positivè iudicantur, in re cognitâ non esse. Sic, potest quis, officium aliquod ita confusè apprehendere, ut eius difficultates non penetret, nec aduertat; & tunc, dicitur illas ignorare, & ab eis præscindere, quia illas non cognoscit; Aliquando verò, potest officium illud ita confusè apprehendere, ut simul habeat iudicium falsum in intellectu; quo iudicet, in officio illo, non esse difficultates; & tunc circa illas errare dicitur, & illas à re cognita excludere, quia indicat illas, in re, non esse.

- 7 Aduertendum est secundo; Hanc esse differentiam, inter ignorantiam, & errorem; quod ignorantia, circumstantias ignoratas non excludit, error verò illas excludit; hinc autem fit, ut qui confusè rem aliquam cognoscens, eius circumstantijs non penetratis, eam voverit, ac promittit, censeatur eam velle absolutè, circumstantias ignoratas non excludendo, sed ab eis præscindendo; ideoque illas tanquam inseparabiliter connexas cum re volitâ, implicite, ac virtualiter volendo. Qui enim absolute vult aliquid, censetur simul virtualiter, ac implicite velle, quidquid est cum

cum illo inseparabiliter connexum. Qui verò rem confusè cognoscēs, habet simul cognitionem erronē circa aliquam eius circumstantiam, putans, illam non esse in re, censetur, rem illam velle solū, vt spoliata tali circumstantia, & consequenter rem illam velle, non absolute, sed solūm conditionatè, posito; quod tali circumstantiâ careat; hinc autem fit, vt talis circumstantia, sit omnino inuoluntaria. His positis.

RESOLVTIO.

8 **A**D Casum respondetur; Votum fuisse validum; ideoque Titium teneri ad Religionis ingressum. *Suar. tom. 2. de relig. lib. 4. de Voto c. vlt. num. 7. Valent. 2. 2. q. uest. 20. pun. 4. in fin. Saneb. lib. 10. matr. d. 9. num. 14. & lib. 4. sum. c. 2. num. 10. C. i. c. 2. 2. q. uest. 89. art. 3. Sotus lib. 7. de iur. q. uest. 2. ar. 1. ad. 3. & alij communiter.*

9 Primò; Quia ignorantia difficultatum, non impediuit, quin Titius ad ingressum Ordinis Carthusianorum, simpliciter & absolute obligare se voluerit; Ergo neque impediuit, quin virtualiter, & implicite ad illas se obligare voluerit; Qui enim absolute vult aliquid, eo ipso, virtualiter, ac implicite simul vult, quidquid est cum illo necessario connexum; & ideo, qui vult ludum, eo ipso, virtualiter, ac implicite, vult omissionem Sacri, studij, & omnium aliorum actionum, cum ludo impossibilem, quia

istarum omnium actionum omisso, est inseparabiliter connexa cum ludo. Cum ergo difficultates Ordinis Carthusianorum, sint cum illo inseparabiliter connexæ, eo ipso, quod Titius, ad Ordinem obligare se voluit, virtualiter etiam ac implicite obligare se voluit, ad illas, quamuis eas ignorauerit. Per ignorantiam enim, illas non exclusit, sicut exclusisset per errorem, si putasset; V. G. ibi comedi carnes; ibi non esse silentium &c. Eo autem ipso, quod eas non exclusit, implicite voluit, volendo Ordinem, cum quo erant inseparabiliter connexæ.

10 Secundò; Quia ad valorem Voti, eiusque obligationem contrahendam, satis est cognitio confusa rei, quæ per Votum promittitur; satis enim est, habere intentionem faciendi id, quod faciunt alij; dum simile Votum emittunt; ad hoc autem, sufficit cognitio confusissima rei, quæ per Votum promittitur, & ipsius promissionis. Sicut ergo, quia ad Sacramenti valorem, sufficit intentio confusa faciendi id, quod facit Ecclesia, sufficit etiam cognitio confusissima eiusdem Sacramenti; Ita, ad valorem Voti, cum sufficiat intentio faciendi id, quod alij faciunt, dum simile Votum emittunt, sufficit etiam, cognitio confusissima rei, per Votum promissæ, quamuis non distinguat, nec penetret difficultates, quæ in re promissæ continentur.

11 Tertiò; Quia si ad Voti valorem requireretur cognitio distincta omnium difficultatum, vel circumstan-

ciarum, quæ sunt in re per Votum promissa, nullum fere daretur Votum, quod esset validum; & in rebus humanis, nullus contractus esset firmus. Nunquam enim, aut fere nunquam, datur in votentibus cognitio rei per Votum promissa, adeo clara, & distincta, ut omnes rei circumstantias, ac difficultates, quæ voluntatem retrahere possunt à vouendo, repræsentet. Si ergo ad Voti valorem, requireretur cognitio distincta rei per Votum promissa, aut ipsius promissionis, nunquam, aut fere nunquam, Votum esset validum.

12 Neque obstat, quod, si quis talem difficultatem cognouisset, non vouisset. Nam primò voluntas ista non datur de facto; sed daretur, si daretur cognitio difficultatis; voluntas autem, quæ de facto non datur, sed solum daretur, nihil de facto operatur, sed solum operaretur; ideoque non impedit, ne res per Votum promissa, sit simpliciter & absolute promissa, independentem à difficultatibus non præiis, quæ à Voto retraxissent; Secundo Sicut ex eo, quod certo constat, quod si Testator sciuisse, Titium esse furem, ei legatum non reliquisset, non rectè colligitur, quod illud de facto ei absolute non reliquerit, vel quod de facto non habuerit animum illud ei relinquendis; ita ex eo, quod, si quis cognouisset difficultates, non vouisset, non rectè colligitur, quod de facto absolute, & independentem ab ipsis difficultatibus, non vouerit.

OBJECTIONVM SOLVTIO.

13 **A**d rationes autem in contrarium respondetur; Ad primam; Ignorantiam vitiorum rei emendæ, reddere emptionem inuoluntariam, ac irritam primò, quia illa non est propriè ignorantia, sed error; Dum enim quis emit equum infirmum, eius infirmitatem ignorans, putat, esse sanum, alias non emeret; Error autem antecedens, causat inuoluntarium, quia facit, ut emptor velit emere equum sanum, siue non habentem infirmitatem, & consequenter habeat voluntatem illum emendi solùm conditionatè, & posito, quod non sit infirmus. Secundo; Quia, qui emit equum, emit illum, ut utilem ad usum, ad quem emitur; Non est autem utilis, si sit infirmus; Ergo non habet voluntatem illum emendi absolute, sed solum conditionatè, & posito, quod sit sanus. Cum autem quis absolute vouet aliquid, eius difficultates ignorans, rem illam promittit absolute, & independentem à difficultatibus ignoratis, cum ignorantia, illas non excludat, sicut excludit error; ideoque censetur, illas etiam virtualiter, & implicite valde, tanquam cum re promissa, inseparabiliter connexas; hinc ergo fit, ut, quamuis rei vitia ignorata, reddant emptionem inuoluntariam, ac irritam, difficultates ignoratæ, Votum non reddant inuoluntarium, nec irritum.

14 Ad secundam, respondetur; Ignoran-

ram

rantiâ totalem rei, causare inuoluntarium, sicuti causat error, quia est causa, cur de facto fiat aliquid, quod alias non fieret; Dum enim quis, ignorans, esse diem ieiunij carnes comedit, ignorantia est causa, cur carnes comodat, quas alias non comederet, si sciret, esse diem ieiunij; ideoque illa carnum comestio est illi inuoluntaria. At ignorantia alicuius circumstantiæ rei, orta ex confusione cognitionis, quam quis habet de re, quam vult vel promittit, non propriè causat inuoluntarium; sicut enim confusam rei cognitionem non excludit, ita neque excludit eius volitionem. Ignorantia autem difficultatum rei per Votum promissæ, est ignorantia solum secundæ generis, non excludens rei cognitionem, sed solum cognitionem distinctam; ideoque non reddit Votum inuoluntarium, nec tollit eius obligationem.

COROLLARIA.

- 15 **C**olligitur ex dictis primo; *Sanctum Thomam*, dum, in 4 d. 38. *quest. 1. art. 3. questiunt. 1. ad primum dicit*; id, quod impediret Voti emissionem, si præsens esset eo tempore, quo vouetur; Voto emissio superueniens, eius obligationem auferre. Intelligendum esse de eo impedimento, quod impediret, ne obligatio coningeret ex Voto, dum fit; Morbus enim, qui impediret, ne Votum ieiunij obligaret, dum fit; si Voto superueniat, eius obligationem auferre.

At difficultas, quæ præuisa, impediret solum, ne Votum emitteretur sed non eius obligationem, posito quod fieret; si Voto iam facto superueniat, eius obligationem non auferre. Non maiorem enim vim habet obligationem tollendi, dum Voto superuenit, quam illam impediendi, ne confurgat, dum Votum emittitur. *Sancti lib. 10. matr. d. 9. n. 14. & lib. 4. sum. c. 2. n. 10.*

- 16 **S**ecundò; Dum quis odio máximo habens fures, facit eleemosynam pauperi, quem ignorat, esse furem; Eleemosynam illam, esse voluntariam, ac validam; Quamuis enim eleemosynam largiens, tempore, quo illam largitur furi, virtute odij, quo tunc est affectus erga fures, nullum eis bonum impertiri velit, & recusaret si nosset; actu tamen, & absolute, nulla conditione appositâ, dare vult eleemosynam illi pauperi, quem ignorat esse furem. Neque hunc esse furem obstat, quin includatur in voluntate illa dandi eleemosynam; cum vere sit pauper; Hic enim euentus, non censetur exceptus ab illâ voluntate, ob tacitam conditionem, quod largiens eleemosynam, si nouisset, illum esse furem, exceptisset, & dare nolisset; nisi expressè, tempore dandi eleemosynam, exceperit, & positiuè voluerit, illam dare solum sub conditione, quod non esset fur; quia hac tacita conditio, non abtulit voluntatem absolutam dandi eleemosynam petenti. Hoc autem sufficit, ut eleemosyna sit simpliciter voluntaria, ac valida.

QVÆ.

QVAESTIO XXXV.

An error, ortus ex dolo illius, cum quo agitur, operationem, iure ciuili, reddat inuvalidam.

C A S V S.

TITIVS, vt Caium ad Equum, magno pretio, emendum induceret; per mendacium asseruit; sibi ab alio septuaginta aureos fuisse oblatos, nec tamen dare voluisse. Caius verò, eo mendacio deceptus, Equum septuaginta aureis emit, cum solum valeret quinquaginta. Queritur, Vtrum emptio ista, iure ciuili, fuerit valida.

S V M M A R I V M.

- 3 Dolus Venditoris, Emptionis valori non videtur obflare.
- 9 Contractus bona fidei, & stricti iuris quid.
- 10 Quomodo inter se differant.
- 11 Dolus Venditoris, emptionem, iure ciuili irritat.
- 12 Quenam iura, hoc decernant.
- 13 Alij contractus, iure ciuili, irriti.
- 14 Iura, contractum irritant, in odium deceptoris.
- 10 Non obstat lex. si dolo.
- 16 Argumentum ab aequiparatis, quando valeat.
- 17 Quinam dolus, contractum irritet.
- 18 Dolus velatus, non irritat.
- 19 Deceptor, per contractum dolosum acquisita, restituere tenetur.

- 20 Lex, & eleganter, contractus dolosos bona fidei irritat, non stricti iuris.
- 21 Dolus, Matrimonium non irritat.
- 22 Neque Professionem Religiosam.
- 23 Nec semper reliquos contractus.

R A T I O N E S D Y B I T A N D I.

- 2 **E**X hactenus dictis, satis constat, quomodo Operationum inualiditas, sit effectus naturalis erroris, vel ignorantiae, & quomodo ex illis, iure naturæ, oriatur, ex defectu consensus, ad valorem necessario requisiti. Examinandum superest; an aliquando, esse etiam possit eorum effectus ciuilis, ita vt operatio, ex errore, vel ignorantia procedens; aliquando, iure ciuili sit irrita, quamuis alias, iure natu-

re sit valida; & è contra, aliquando, iure civili, sit valida, quamvis, iure naturæ, sit irrita. Sermo tamen semper est de errore, & ignorantia antecedente, & quæ dat causam operationi; Nam de concomitante, & quæ in operationem dicitur incidens, agetur postea.

- 3 Dolus ergo illius, cum quo agitur, operationis valori non videtur obstare; Ideoque emptio, facta à Caio, iure civili, videtur valida. Ita *Lessius lib. 2. c. 17. d. 5. n. 31. Conineb. de Sacr. d. 23. d. 9. Filius tom. 2. tr. 33. c. 7. num. 119. Layman. lib. 3. tract. 4. f. 3. c. 5. num. 6. Becan. tom. 2. c. 3. asser. 3. num. 18.*

- 4 Primò; Quia in *L. si dolo. §. C. de rescind. vendit.* dicitur; *si dolo adversarij deceptum, venditionem prædij te fecisse, Præses animadvertenter, rescindi venditionem iubebit.* Ergo insinuat, venditionem, non esse omnino irritam, sed irritandam.

- 5 Secundò; Quia metus, dans causam contractui, illum non reddit irritum, sed irritandum. Ergo etiâ dolus; ab æquiparatis enim valet argumentum, etiam in pœnalibus.

- 6 Tercio; Quia; *ex L. Iulianus 14. ff. de action. empt.* aperte datur actio ex Empto, ei, qui dolo venditoris inductus, pecus scabiosum emit; sed actio ex empto, nunquam datur, quando emptio est nulla. Ergo emptio, cui dolus causam dedit, est valida; ideoque valida etiam fuit emptio equi, quamvis illi, Titij venditoris dolus causam dederit.

- 7 Quartò; Quia in *L. qui vas 49. §. ult. ff. de furt.* expressè definitur; Vendentem in furtivam, fieri dominum pretij. Hoc autem, esset falsum, si venditio esset nulla; Et tamen Emptor, ad emendum inducitur dolo Venditoris, fingentis, rem esse suam, quam Emptor nunquam emisset, si sciisset esse furtivam.

- 8 Quintò; Denique, quia; in *L. rem alienam; ff. de contrah. empt.* definitur; Venditionem rei alienæ esse validam; & tamen Emptor ad contrahendum inducitur à dolo venditoris, fingentis, rem illam esse suam. Ergo emptio est valida, quamvis illi, Venditoris dolus causam dederit.

NOTABILIA.

- 9 **A** Duertendum est primò; Duo dari genera contractuum; alij dicuntur bonæ fidei, quia in illis, vnus Contrahentium alteri obligatur de omni eo, quod ex æquo, & bono, præstare oportet; Et in his, Iudex, amplam facultatem habet iudicandi, quod sibi bonum, & æquum visum fuerit; Quamvis de eo, actum, dictum aut expressum à Contrahentibus non sit. Alij verò dicuntur stricti iuris; quia in eis, Iudicis arbitrium, nihil potest; sed Iudex iudicare tenetur solum iuxta id, quod nominatim, & expressè à Contrahentibus conventum est; eos contractus stricte, ac proprie, iuxta corticem literæ, & absque vllâ benignitate, ac æquitate, interpretando. Primi generis

neris; sunt emptio, ac venditio; locatio, & conductio; mandatum; depositum; commodatum; pignus; tutela; & alij similes. Secundi generis sunt; promissio; donatio; mutuum stipulatio; transactio; emphyteusis; feudum, & alij omnes, qui in lege tanquam bonæ fidei expressi non sunt.

10 Aduertendum est secundò, ex *Rebell. p. 2. lib. 1. de contract. in genere. quæst. 2. sec. 1. num. 3.* Differentiam, inter contractus bonæ fidei, ac stricti iuris assignatam, oriri posse saltem radicaliter ex naturâ ipsorum contractuum; Alij enim, in ordine ad obligandum ex naturâ suâ ampliorem; alij restrictiorem exigunt interpretationem; Nam, si quis, in contractu venditionis, quo se, iusto pretio accepto, rem venditâ dare obligauit, fidem datam non impleat, lumen naturale dicere videtur, eam obligationem ita esse extendendam, ut Venditor, ad omnia damna, & mora, secuta, sit obligandus; Secus verò, si fidem datam, in liberali promissione non adimpleat; Hæc enim obligatio, restringenda potius est, quàm extendenda, cum indignum videatur, ut Donator, suæ liberalitatis pœnam patiatur. Dixi tamen, saltem radicaliter, quia, quamuis aliquis contractus, ex naturâ suâ, ampliorem; alius verò restrictiorem interpretationem recipiat; Sine iuris tamen adminiculo, non apparet, quomodo hoc discrimen, in omnibus contractibus stricti iuris, ac bonæ fidei, ex ipsorum contractuum naturâ colligi possit; Con-

tractus enim commodati; V G est bonæ fidei, mutuum verò est stricti iuris, & tamen in utroque, obligatio, post moram, extenditur ad omnia damna, inde creditori subsecuta, quamuis à contrahentibus, hoc expressum non sit; Sunt ergo stricti iuris, vel bonæ fidei, quia ita à iure positius dispositum est.

RESOLVTIO.

11 **A**D Casum respondetur; Emptionem equi à Caio factam, cum ei dolus Titij venditoris, causam dederit, iure ciuili, fuisse irritam. Ita *Molina tom. 2. d. 352. num. 1. Sanchez lib. 1. matr. d. 64. num. 3. Covarr. reg. possess. p. 2. §. 6. num. 6. Nauar. com. 2. de regul. num. 31.*, & alij apud illos.

12 Primò; Quia ita expressè definitur in *L. Eleganter. ff. de dolo*; Vbi dicitur; *hoc enim sic accipimus; carere dolo emptorem, ut ex empto teneri non possit, aut nullam esse venditionem, si in hoc ipso ut venderet, circumscriptus est.* In hac autem lege, agitur de Minori, per dolum decepto, ut seruum venderet; in quo dolo participauit emptor cum ipso seruo; Nam, primò, Minor, consilio serui fuit circumscriptus, ut cum cum peculio venderet; Secundò, in eo ipso, ut cum venderet, deceptus est. Primus fuit dolus non dans causam contractui, sed incidens in contractum; Nam Minor, non videtur fuisse deceptus, ut venderet seruum, quem fortasse aliàs vendere intendebat, sed solùm, ut eum, minori pre-

precio, venderet; Hoc autem non sufficit, ut venditio sit omnino nulla, quia dolus incidens, ex communi Doctôrum sententiâ, contractum non irritat; Et de hoc dolo, intelligenda sunt verba illa legis; *carere dolo Emptorem, ut ex empto, teneri non possit*; Si enim Emptor, de dolo incidenti participasset, utique obligatus fuisset actione ex empto. Secundus, fuit dolus, dans causam contractui; & de hoc dolo, loquitur lex, dum ait: *aut nullam esse venditionem, si in hoc ipso, ut venderet, circumscriptus est*; scilicet ab Emptore; Et hic dolus, contractum, ipso iure irritat. Cum ergo Titij dolus, emptioni equi causam dederit, emptio illa, ipso iure fuit irrita.

- 13 Secundò; Quia, ideo solùm promissio dotis, metu facta, ipso iure, est nulla; quia *in L. si mulier: §. si dos: ff. de eo, quod met. caus.* dicitur; Talem dotis promissionem, esse nullam. Ideo prorogatio iurisdictionis, metu facta, ipso iure, est nulla; quia *text. in L. 2. ff. de indic.* dicit; eam esse nullam. Ideo societas, si dolo malo, aut fraudandi causa, contracta sit, est ipso iure irrita; quia *in L. 3. §. fin. ff. pro socio, cui responderi non potest*; expressè definitur; esse nullius momenti; Eo enim ipso, quod lex vitur verbo *nullum*, semper significat, contractum, ipso iure, non valere, sed esse à iure reprobatum. Sed *in d. L. & eleganter*: expressè dicitur; venditionem, cui Emptoris dolus causam dedit, esse nullam; Ergo, ipso iure, erit ir-

rita, & non solùm irritanda; idemque dicendum est de emptione equi, facta à Caio, inducto à Titio, per dolum; eadem enim prorsus est ratio.

- 14 Tertiò; Quia lex, venditionem in odium deceptoris, & in poenam ipsius deceptionis, ipso iure, iuste irritare potuit, ne Deceptor sui fraus proderet, & ne delictum maneret impunitum; Cum ergo ex verbis legis colligi aliquo modo possit, illam de facto irritasse; dicendum est, legem de facto venditionem, ipso iure, irritasse; Iam enim expediebat ad bonum commune, quod est finis legis; Et aliàs innumeris fraudibus, ac dolis pateret via, quibus, hoc modo, sufficienter occurratur; Si autem venditio illius serui, ipso iure, fuit irrita; propter eandem rationem, irrita etiam fuit, emptio facta à Caio.

OBJECTIONVM SOLVTIO.

- 15 **A**D rationes in contrarium, responderetur; Ad primam; Verba illius legis, non esse intelligenda, quasi contractus venditionis, ante rescissionem, fuerit validus; sed in ordine ad reuocandam traditionem, & factum; hoc est, ad cogendum Emptorem ad reddendam rem, quam accepit, recipiendo pretium, quod pro ea dedit, eo quod contractus, ipso iure, ad eum effectum, esset nullus.
- 16 Ad secundam; negatur consequentia; Argumentum enim ab æquiparatione valet solùm in ijs, quæ à iure

iure vniuersaliter, & per modum regulæ, sunt æquiparata, non verò, si in aliquibus solum casibus particularibus sint æquiparata. Dolus autem, & metus, non æquiparantur in omnibus, & per modum regulæ, sed in aliquibus solum casibus à iure expressis; vt, in stipulatione, quæ est contractus stricti iuris & in iuramentis, quæ siue metu, siue dolo præstita, seruanda sunt, quando in aliorum damnum non redundant.

- 17 Ad tertiam; responderetur; Dolum expliciunt, & apertum, dantem causam contractui, reddere contractum, ipso iure irritum; Et de hoc dolo loquitur *l. & eleganter*: non verò dolum velatum tantum, & implicitum, de quo loquitur *l. Iulianus*; Ibi enim, adfuit dolus velatus tantum, & implicitus, quatenus Venditor, vendidit rem vitiosam scienter, vitium tacendo; in quo casu, valida est venditio de iure ciuili, sed datur Emptori, non solum actio ad repetendum id, quod non dedisset, si rei vitium cognouisset; sed etiam detrimentum, quod ex eà emptione passus est: Lex ergo *Iulianus*; non est contra nos.

- 18 Ad quartam, & quintam responderetur; Etiam *ex hac lege* probari solum, quod dolus velatus, ac implicitus, qualis reperitur in fure, vel alio, qui rem alienam vendit, non reddit contractum, ipso iure, irritum, quod à nobis non negatur. Immo vendens rem alienam, propriè nec dolum committit; Neque enim tenetur Venditor, rei

dominiū transferre in Emptorem, sed solum rei possessionem vacuum tradere, *text. iun. p. 1. glos. in l. ex empto: ff. de act. empt. Tuscus tom. 8. l. 1. concl. 53. Mantica lib. 2. tit. 4. num. 87.*

COROLLARIA.

- 19 Colligitur ex dictis primò; Deceptorem teneri in conscientia, non solum ad restituendam rem, per contractum dolum, acquisitam, sed etiam ad resarcienda omnia damna decepto; ex eo contractu, secuta. Quia decipiens, per suum dolum, fuit causa iniusta omnium illorum damnorum; causa autem damnorum iniusta, ad ea resarcienda tenetur.

- 20 Secundò; Dictam *l. & eleganter*: non solum, ipso iure, irritare contractum venditionis, sed omnes contractus bonæ fidei; Quia eadem prorsus est ratio de omnibus. Contractus verò stricti iuris, ex dolo alterius Contrahentis celebratos, non esse, ipso iure, irritos, quia, non deest illis consensus substantialis, cum dolus non contingat circa substantialia, vt suppono, sed solum circa causam, quæ inducit ad contrahendum; Nec ius humanum illos irritauit, sicut irritauit contractus bonæ fidei; Deceptus tamen, illos ad libitum rescindere potest, & Deceptor, in conscientia, tenetur, rem, per eum contractum acquisitam, restituere, & damna resarcire, quia fuit illorum causa iniusta, & cum, per iniuriam, talem contractum extorserit, tenetur de-

ceptum in integrum restituere .

21 Tertiò; Quæ hæcenus dicta sunt, non valere in contractu Matrimonij; si quis enim per dolum, aliquam inducat ad contrahendum, falsò affirmans, se esse nobilem, vel diuitem, validum est Matrimonium, quamvis dolum apertus Contrahentis, illi causam dederit . Quia alij contractus bonæ fidei, sunt irriti solum ex dispositione iuris Civilis; Nullum autem extat ius positivum, quod Matrimonium dolo contractum irritauerit, nisi quando dolum est circa conditionem seruilem . nam ius civile, comprehendere non potest Matrimonium fidelium, cum sit Sacramentum, sed solum Summus Pontifex, ut fusè probat. *Sanch. lib. 7. matrim. d. 3. n. 4.*

22 Quartò; Neque valere in Professione Religiosa, ex eodem dolo, emissà; quia nullum ius positivum illam irritauit. *Lex enim; & eleganter*; cum sit civilis, extendere se non potest ad professionem religiosam, quæ est materia Ecclesiastica, ideoque ad solum Pontificem spectat, sicut Matrimonium . Imo, quamvis Lex Civilis eam irritare posset, de facto tamen non irritauit; quia de illâ mentionem non facit . Professio autem, sicut & Matrimonium, specialem mentio-

nem requirunt, vt irriterentur, cum sint contractus qualificati, ideoque speciali nota digni: *Et Lex; & eleganter*; odiosa sit, eo quod exorbitet à iure naturæ; Sic enim dispensatio cum illegitimo ad obtinenda beneficia, non comprehendit beneficium curatum, quia hoc, est beneficium qualificatum, ideoque speciali notâ dignum; & dispensatio est odiosa, cum exorbitet à iure communi: *C. fin. §. ille verò: de filijs Presb. in 6.* Ita, propter eandem rationem, *Lex, & eleganter*; Matrimonium, ac Professionem, non comprehendet .

23 Quintò; Dolum apertum alterius Contrahentis, dantem causam contractui, ipso iure, contractum irritare, solum quando Deceptus, est inuincibiliter deceptus, ita vt prudentissimus quisque falli posset; secus verò, si deceptio non sit prudens, sed vincibilis, ac crassa. Tum quia iura vigilantibus subueniunt. *L. pop. illus 24. in fin. ff. de his que in fraudem.* Tum quia metus, vt contractum rescindere valeat, debet esse talis, vt cadat in constantem vitium. *L. interpositas 13. C. de transact.* Ergo etiam dolum debet esse prudens; non fatuus, vincibilis, ac crassus. *Sanch. lib. 3. matr. d. 22. num. 8.*



QVAESTIO XXXVI.

An error, ortus ex dolo Tertij, operationem, iure civili, reddat inuvalidam.

CASVS.

TITIVS, quia persuadere volebat Caio, vt magnam frumenti copiam Sempronio venderet pretio currenti, quod erat vile; inscio Sempronio, illi asseruit, se à Principe audiuisse, aliquot tritici Naues breui superuenturas; ideoque tritici pretium esse notabiliter minuendum. Hoc autem dolo, Caius inductus est, vt centum tritici modios pretio currenti Sempronio venderet. Securâ tamen venditione, contrarium accidit. Nam tritici valor notabiliter creuit. Caius, errore detecto, triticum iam venditum, dare noluit, sed voluit contractum rescindere. Quæritur; Vtrum, stando in iure civili, potuerit.

SVMMARIVM.

3. Quod error ex dolo Tertij, contractum irritet.
5. Quod non irritet.
7. Contractus imperfecti, & perfecti, quid.
8. Quot modis errare possit Contrahens circa causam inducivam.
9. Venditio orta ex dolo Tertij, est valida.
10. In eâ, nulla interuenit iniuria ex parte Contrahentium.
11. Cum sit contractus perfectus, censetur celebratus absolute.
12. Error circa valorem extrinse-

cum rei vendenda, venditionem non vitiat.

13. Quando dolus circa causam inducivam, trahit errorem circa substantialia, Contractus est nullus.
14. Si tamen addatur protestatio, est validus, & quomodo.
15. Dolo inducens, tenetur ad damna.
16. Si alius Contrahens, sit doli confcius, contractus est nullus.
17. Imo etiam, si illum ignoret ignorantia mortaliter vincibili.

BTJCB

RATIONES DVBITANDI.

2 Error antecedens, siue ex quo aliquis mouetur ad operandum, aut contrahendum, oriri potest aliquando ex dolo alterius, cum quo contrahitur, aliquando ex dolo alicuius Tertiij, aliquando demique ex merâ ipsius Contrahentis deceptione. Quando error oritur ex dolo alterius Contrahentis, iura in odium ipsius decipientis, contractum irritant. Vt *Quæst. præced.* dictum est. Quæritur nunc; an illum irritent etiam, quando error oritur ex dolo Tertiij, & consequenter, an Caius, venditionis contractum rescindere poterit.

3 Ratio autem dubitandi est. Quia ex vno capite, videtur non potuisse. Venditio enim facta à Caio, spectatò tam iure naturæ, quam iure ciuili, fuit omnino valida, spectatò quidem iure naturæ; Quia error, vel dolus non fuit circa substantialia venditionis, sed solum circa causam inductiuam ad vendendum; & alias, nulla interuenit iniuria partis. Spectatò verò iure positiuo; Quia nullum extat ius positiuum, quod similem contractum irritum reddat, nisi quando alter contrahens est doli particeps. Si autem venditio fuit valida, rescindi non potuit; alias, omnes contractus rescindi possent, orireturque magna confusio, ac perturbatio in Republicâ.

4 Secundò; Quia, quando contractus, ex alterâ saltem parte, est completus, iuxta *L. Iulianus 14.*

ff. de act. empti in princ. non datur Decepto actio ad contractum rescindendum, sed solum ad repetendum à Venditore totum id, quod Empior, detecto errore, non dedisset. Cum ergo Sempronius iam pretium dederit, sique contractum impleuerit, illum Caius rescindere non potuit.

5 Ex alio verò capite; videtur potuisse; Quia venditio, sicut & ceteri contractus, semper censetur celebrati sub tacitâ conditione; si *causa inducens ad contrahendum, subsistat*; Si quis enim, ex errore putans, aliquam Mulierem esse nobilem, vel diuitem, cum ea contrahat sponsalia de futuro, quæ alias non contraxisset; ea, errore detecto, dissoluere potest, vt fusè probat, *Sanch. lib. 1. matr. d. 63.* Cum ergo, in venditione, causa inducens ad vendendum, non fuerit subsistens, poterit Caius, errore detecto, venditionem rescindere.

6 Tertiò; Quia, cum deceptio fuerit circa rem magni momenti, Deceptus meritò non censetur consentire voluisse; Ergo, in conscientia, rescindi potuit venditio: Ita *Lessius lib. 2. c. 17. d. 5. num. 31.*

NOTABILIA.

7 Aduertendum est primò: Duo dari genera contractuum onerosorum. Quidam enim sunt essentialiter omnino imperfecti, eo quod, ex naturâ suâ, sint via ad alium contractum; vt est contractus sponsalium, qui est via ad Matrimonium; & quilibet promissio

mu-

mutua, quæ ad alium contractum, in futurum celebrandum ordinatur. Alij verò sunt essentialiter, omnino in se, perfecti, eo quod sint in se vltimò consummati, nec sint via ad alium contractum; vt sunt contractus emptionis, locationis, Matrimonij, &c.

- 8 Aduertendum est secundò; Tripliciter errare posse Contrahentem, circa causam inductiuam ad contrahendum. Primò, si putet, rem, à se, per contractum, comparandam, non habere aliquod vitium, quod re verà habet; vt, si quis ignoranter emat equum infirmum. Secundò; si putet, rem illam, aliquam habere virtutem, quæ re vera non habet, sicut nullum habeat vitium; vt, si quis emat gemmam, putans, eam habere virtutem ad curandum aliquem morbum, quam verè non habet. Tertiò denique, si putet, habere aliquam circumstantiam accidentalem, quam non habet; vt, si quis emat frumentum, putans, eius pretium, propter penuriam, esse augendum, cum tamen propter supernientem abundantiam, verè sit minuendum. His positis.

RESOLVTIO.

- 9 **A**d Casum respondetur; Validam fuisse tritici venditionem, factam à Caio, non solum iure naturæ, sed etiam iure ciuili; ideoque illam, errore detecto, rescindere non potuisse. Ita *Sanch. lib. 1. matr. d. 64. num. 5. Lessius lib. 2. c. 17. d. 5. num. 31. Molina.*

tóm. 2. d. 352. num. 11. Becan. to. 2. c. 13. num. 13. Medina c. de rest. quæst. 33. & alij communiter.

- 10 Probatur autem; Tum propter rationes superius allatas; Quia error, vel dolus, non fuit circa substantialia contractus; fuit enim solum circa valorem, tritico ab extrinseca copia, vel penuria, prouenientem, qui valor, est rei omnino extrinsecus, & accidentalis, vt patet ex dictis; Et alias, nulla interfuit partis iniuria. Tum quia, alias, sequeretur, quod, si quis, ad frumentum, vel vinum, aut aliud quid simile vendendum induceretur; eo quod falsò putaret, post aliquot dies, superuenturum triticum, vel vinum in magnà abundantia, Sicque ipsius pretium esse minuendum, nulla esset venditio, vel saltem illam pro libito rescindere posset; quod tamen, sine maximo absurdo, & maximè Reipublicæ perturbatione, concedi non potest.

OBJECTIONVM SOLVTIO.

- 11 **A**d rationes autem dubitandi pro parte oppositæ, facillè respondetur; Ad primam; Contractus essentialiter imperfectos, qualis est, contractus sponsalium, semper censi celebratos sub tacita conditione, *si causa inducens ad contrahendum, subsistat*; Promissio enim, cum sit lex quædam priuata, vltra promittentis voluntatem non obligat; Intentio autem, ac virtualis voluntas promittentium, est; si causa, propter quam

ad promittendum inducuntur, subsistat. At verò contractus perfecti, sub hac tacita conditione non celebrantur, nisi quando causa inductiva, est simul etiam materialis, vel aliquo modo pertinet ad materiam; Ut, cum quis à virtute gemmæ mouetur ad eam emendam; tunc enim, virtus gemmæ, non solum est causa inductiva ad emendum, sed pertinet etiam ad materiam emptionis. Cum ergo, in casu proposito, Causa inductiva ad vendendum, nullo modo ad materiam venditionis pertineat, sed omnino sit illi extrinseca, contractus non fuit celebratus, sub conditione quod causa subsisteret, sed absolute; ideoque fuit validus independentè ab eius veritate, nec rescindendus, cum nulla data fuerit causa rescindendi; Quod enim Titius, causam dederit; in ordine ad contractum rescindendum, perinde fuit, ac si Carus, à se ipso fuisset deceptus.

- 12 Ad secundam, respondetur; Errorem, non fuisse circa aliquid magni momenti, intrinsecum venditioni, sed solum circa aliquid extrinsecum. Hoc autem, ad reddendum contractum nullum, vel ad illum rescindendum, non sufficit; alioqui daretur occasio contrahentibus, errorem fingendi, nec vllus vnquam daretur contractus firmus; sed de cuiusunque valore dubitari semper possit.

COROLLARIA.

- 13 **C**olligitur ex dictis primò; Quando dolus circa causam inductivam ad contrahendum, trahit secum errorem circa substantialia contractus; ut cum quis ad contrahendum inducitur, putans, quod res per contractum acquirenda, aliquam habeat virtutem, quam non habet, vel non habeat aliquid vitium, quod habet; contractum esse nullum, ac rescindendum quoad factum: quia, sicut Venditor, dum rem aliquam vendit, eius qualitatem ignorans, perinde est, ac si rem vnam pro aliâ venderet, eo quod rerum qualitates, in contractu venditionis, sint circumstantiæ substantiales, & ad eius materiam pertineant, non minus quam res ipsa; Ita, in emptione, dum Emptor, rem aliquam emit, putans, habere aliquam perfectionem, seu qualitatem connaturalem, quam verè non habet; vel non habere defectum ei non connaturalem, què verè habet; nulla est emptio, quia error est circa substantialia contractus. Vnde deceptus, in conscientia, contractum implere non tenetur, sed potest rescire.
- 14 Secundò, Si Venditor, in contractus celebratione, dicat, se nolle de vitio rei occulto teneri, sed errorem suo periculo rem illam emere debere, si velit, & re verà vitium ignoret; Tunc, contractum esse validum; quia Emptor, illam tunc emere vellet etiam cum vitio occulto; sicque contractus esset perfectus.

fectè voluntarius. Imo, si pretium, tempore contractus, spectatis circumstantijs, & rei apparentiâ, ipsi rei esset æquale; Tunc, quamvis postea detegatur vitium, quo detecto, iam pretium fieret excedens. Vēditor tamen ad nihil teneretur; quia Emptor, pretio iusto, rem illam emit, attentis circumstantijs, quæ tempore contractus aderant, & vitij occulti periculum in se suscepit. *Mol. d. disp. 353. num. 15.*

15 Terriò; Titium, qui dolo Caium, ad triticum vendendum induxit, teneri ex iustitiâ ad omnia damna, quæ Caius ex tali venditione passus est, & ad illum restituendum in integrum; Suo enim dolo, sicut fuit causa iniusta venditionis, ita fuit causa iniusta omnium damnorum, quæ ex illâ sunt subsecutæ. Causa autè iniusta damni, ad illud refarciendum tenetur.

16 Quartò; Si Sempronius, conscius fuisset doli, in eo casu, posse Caium contractum non impleri, sed ab eo recedere; Quia iam Sempronius censeretur doli parriceps; dolum enim manifestare, vel impedire tenebatur; ideoque, non manifestando, peccasset contra iustitiâ, & iniuriam Caio fecisset; sicque in conscientia, illû in integrum

restituere teneretur, non solum rem per contractum acquisitam restituendo, sed etiam refarciendo damna, quæ Caius ex ea venditione passus esset; fuisset enim omnium illorum damnorum causa iniusta.

17 Quintò; Idem omnino dicendum esse, etiam si Sempronius doli conscius non fuisset, sed tamen vincibiliter ignorasset, ignorantia moraliter vincibili; teneretur enim similiter non solum ad dissolutionem contractus, sed etiam ad damnorum restitutionem; Quia ipse culpâ; secuta fuisset, eo quod Ignorantia moraliter vincibilis, non excuset à culpâ; cum causet voluntarium saltem indirectum. Si tamen ignorantia fuisset vincibilis solum venialiter; tunc probabile est, fore, ut ipse neque sub veniali ad restitutionem teneretur; quia obligatio in materiâ graui, non potest esse nisi sub peccato graui; obligatio enim pendet ex materiæ gravitate posito præcepto naturali, vel positivo; neque vllus vnquam dicit, aliquem sub veniali tantum obligari ad restitutionem centum, vel mille aureorum, nec posse hoc peccato liberari, nisi proponat restituere. *Less. lib. 2. cap. 7. dub. 6. num. 28.*



Q V A E S T I O XXVII.

*An error ; ortus ex mera deceptione ipsius
Operantis , operationem , iure civili ,
reddat inuvalidam .*

CASVS.

TITIVS, falsò putans, Gemmam quandam, habere virtutem contra febres acutas, illam emit summo pretio iusto, eo pretio nunquam empturus, si veritatem cognouisset; huius tamen erroris Venditore omnino inscio. Postea verò, experimento comperit, Gemmam, illà virtute non esse præditam; Quæritur; Vtrum emptio illa, iure civili, fuerit valida.

SVMMARIVM.

- 2 Error, an contractus, iure natura, irritos, irritet etiam semper, iure civili.
- 4 Quam potestatem habeat Respublica, in ordine ad contractus.
- 5 De facto, aliquos contractus, iure natura, irritos, conuallidat.
- 6 Emptio, ex solâ Emptoris deceptione, orta, iure civili est valida.
- 7 Ius civile, quandomam det actionem ad contractum rescindendum.
- 8 Et quando concedat actionem redbibitoriam.
- 9 Respublica, supplere potest defe-

ctum consensus ad valorem requisiti.

- 10 Irritare potest contractus, iure natura, validos.
- 11 Dum supplet defectum consensus, reddit contractum, etiam iura natura, validum.
- 12 Supplet hunc defectum solum, quando error est prudens.
- 13 Conuallidat contractum, saltem quo ad effectus.
- 14 Conuallidare solum potest, inuallidum, ex defectu consensus.
- 15 Conuallidat etiam, quando error est solum concomitans.
- 16 Hinc efficaciter probatur, conuallidare etiam gesta, quando datur error communis.

RATIO DVBITANDI.

NOTABILIA.

2 **S**icut error, ortus ex dolo Tertij, iure ciuili, operationem non irritat, quando error contingit, non circa substantialia, sed solum circa circumstantiam aliquam accidentalem; Ita à fortiori illam non irritabit, similis error, ortus ex merà deceptione ipsius Operantis, cum nullus omnino tunc dolus interueniat. Difficultas tamen adhuc non leuis est; An, stante etiam errore circa substantialia; in quo casu, Operatio, ex defectu consensus, iure naturæ, est inualida; Ius ciuile, illam aliquando conualidet: Hinc enim faciliè constabit, quæ sit, in Principe, potestas, ac Voluntas in ordine ad Reipublicæ bonum procurandum, & ad eiusdem perturbaciones vitandas.

3 Emptio ergo ista, non videtur, iure ciuili, fuisse valida; Quia non fuit valida, iure naturæ, ex defectu consensus, cum error, fuerit circa substantialia ipsius emptionis; scilicet, circa Gemmæ virtutem, ac qualitatem connaturalem, quæ ad materiam emptionis pertinet, non minus quam ipsa Gemma. Stante enim hoc errore, dari non potuit consensus, ad emptionis Valorem, iure naturæ, necessarius. Si autem emptio, iure naturæ, fuit inualida; iure ciuili, valida esse non potuit; quia ius ciuile, supponit ius naturæ, in eoque fundatur. Si ergo iure naturæ fuit inualida, fuit etiam inualida, iure ciuili.

4 **A**duertendum est primò; Principem, sicut Rempublicam conferuare tenetur, eiusque tranquillitatem, ac pacem, quantum potest, procurare, & perturbaciones vitare; Ita potestatem habere, præstandi quidquid ad hoc, est necessarium. Hinc est, ut, non solum de bonis subditorum, sed etiam de vitâ disponere possit, quando hoc ad Reipublicæ bonum, est necessarium. Vnde, tempore bellicæ, Milites obligare potest, ut militent, & certum locum in bello teneant, etiam si, ex hoc, manifestum vitæ periculum eis imminuat; & tempore pestis, Medicis præcipere potest, ut pestilentia laborantibus, quamuis cum vitæ periculo medeantur. Denique de subditorum bonis, de facto, disponit, in lege præscriptionis, bona vnius in alium transferendo, ad tollendas lites, & alia inconuenientia vitanda. Eodem ergo modo, de iisdem bonis disponere potest, etiam in contractibus, vim illis tribuendo, rerum dominia transferendi, sicut tribuit præscriptioni.

5 Aduertendum est secundò; Ius ciuile, aliquibus contractibus, quamuis, iure naturæ, inualidis, hanc vim de facto tribuisse; In lege enim, *Julianus 24. ff. de act. empt.* expresse definitur. Venditionem, in qua Venditor, rem vitiosam ignoranter vendit, tacendo vitium, esse validam. Similiter, contractibus, ex errore antecedenti celebratis, con-

concedit actionem redhibitoriam, per quam Venditor cogi possit, ut pretium restituat, & rem venditam sibi accipiat, sique contractus rescindatur; quod fieri non posset, si contractus non fuisset validus. His autem contractibus, Ius, valorem contulit, ut Contrahentibus tolleretur occasio fingendi errorem, sique maxima vitaretur confusio, ac perturbatio, quæ, alias, ex hac fictione oriretur in Republicâ. Sicut præscriptioni vim dedit rerum dominia transferendi, ut sic, & lites, & dominiorum incertitudo, tollerentur. His positis.

RESOLVTIO.

6 Respondetur; Emptionem factam à Titio, iure civili, fuisse validam, quamvis, iure naturæ, esset inualida. Ita *Molina. tom. 2. d. 353. num. 8. Lessius lib. 2. c. 17. d. 5. num. 31. Nau. cap. 23. num. 89. Sotus lib. 6. quest. 3. ar. 2. circa 6. concl. 1. in 4. d. 27. qu. 1. ar. 2. concl. 1. Henriq. lib. 11. de matr. c. 1. num. 3. Medina c. de reff. quest. 33. & alij communiter apud istos.*

7 Probatur autem primò; Quia in l. Iulianus 24. ff. de actio. empt. Venditio, in qua, Venditor, rem vitiosam scienter vendidit, tacens de vitio, iure civili, dicitur valida; sed ex illâ, ortam esse Emptoris actionem ad repetendum à Venditore, non solum excessum pretij, sed etiam damnum, quod inde passus est; ad quod tamen damnum, per dictam l. Venditor

non tenetur, quando rem vitiosam vendidit ignoranter. Dolus autem, in hac venditione, fuit circa substantialia; fuit enim circa vitium rei, & consequenter venditio ista, stando in iure naturæ, erat irrita. Ergo, iure civili, potest esse validus contractus, licet, iure naturæ, sic inualidus; ideoque potuit etiam emptio, ex errore, facta à Titio, esse iure civili valida, quamvis iure naturæ fuerit inualida.

8 Secundò; Quia, in huiusmodi contractibus, ex dolo, siue errore antecedenti celebratis; Ius civile concedit actionem redhibitoriam, per quam cogi potest Venditor, ut restituat pretium acceptum, & rem venditam sibi accipiat, ac rescindi iubet contractum; Ergo contractus præsumitur à iure validus; si enim esset irritus, rescissione non indigeret, idemque colligitur etiam aperte, ex l. aliter, & seq. ff. de contrah. empt. Contractus autem, ex dolo, siue errore antecedenti, celebrati, quando error est circa substantialia contractus; ut accidit in emptione supraposita, sunt iure naturæ irriti. Ergo contractus, iure naturæ, irriti, possunt esse, iure civili, validi. Atque ita, est de facto, emptio Gemmæ.

9 Terriò; Quia Ius civile, cum habeat dominium in bona subditorum, propter bonum commune, supplere potest defectum consensus ipsius Contrahentis decepti, sique reddere contractum, in utroque foro, omnino validum; ut sic tollatur occasio Contrahentibus

bus errorem fingendi, ex quâ fitione, maxima oriretur perturbatio, ac confusio in Republicâ; cum ergo *ex l. Iulianus; ex l. aliter; & ex alijs similibus*; habeamus; Ius civile, contractus ex dolo, vel errore antecedenti, celebratos, reddere validos; Dicendum est; Ius civile, eos reddere validos, etiam in foro conscientiæ, supplendo defectum consensus, ac voluntarij ad valorem naturalem requisiti; Ex hoc enim, nullum sequitur absurdum, & sic melius consulitur bono communi. Hoc autem posito, emptio Gemmæ, fuit omnino valida, in utroque foro; supplente Iure, defectum consensus circa vitium rei, ad valorem emptionis necessario requisiti.

10. Quarto; Quia ius civile, sicut propter bonum commune irritare potest contractus, aliâ iure naturæ, validos. Ita è contra, non est cur reddere non possit, iure civili, validos eos, qui alias, iure naturæ, sunt invalidi. Ergo validam, iure civili, reddere potuit emptionem Gemmæ, quamvis alias iure naturæ, esset invalida.

OBJECTIONIS SOLVITIO.

11. **A**D rationem in contrarium; patet responsio; Dicendum enim est, Emptionem fuisse validam & iure civili, & iure naturalisquæque, & potuit, & propter bonum commune, voluit, supplere defectum consensus, ad eius valorem iure naturæ, necessario requisiti.

COROLLARIA.

12. **C**olligitur ex dictis primò; Ius positivum, in contractibus, ex errore antecedenti circa substantialia celebratis, supplere defectum consensus, solum, quando error est prudens, ac iniocibilis, non verò quando est vincibilis, ac fatuus; Sicut rescindit contractus metu celebratos, solum, quando metus est cadens in constantem virum; & sicut reddit validos actus, ac gesta, per iudicem habentem titulum coloratum, solum, quando error communis est insvincibilis, non verò quando est crassus, vel supinus; Quia error crassus, vel supinus equiparatur scientiæ *ex c. 2. de consis. in 6. & probat Sanchez lib. 3. matrim. d. 22. n. 8.*

13. Secundo dici etiam posse; quod Ius positivum, quamvis efficere non possit, ut contractus, alias iure naturæ invalidi, validi sint, in ratione contractus, & quoad essentiam, eo quod implicet, quod datur contractus, & quod legitimus duorum consensus non interveniat; Statuere tamen potest, ut sine validi quoad effectum, ita ut habeant omnes effectus, quos haberent, si essent, consensu explicito celebratis V. G. ut per eos transferatur dominium, & oriatur in Contrahentibus iuxta obligatio. Quia, cum translatio dominij, & mutua Contrahentium obligatio, quæ ex contractu consurgit, ad contractus essentiam non pertineat; sed sit effectus ipſus; nihil obstat, quin per leges

leges humanas, fieri possit; sicut etiâ leges humanæ, in multis casibus, sine Dominorum consensu, rerum dominium in alios transferunt: ut patet in legibus præscriptionis.

- 14 Tertiò; Ius humanum, non omnem Contractum, iure naturæ irritum, posse efficere validum, sed eum solum, qui est irritus ex defectu legitimi consensus Contrahentium; Quia eorum consensum supplere potest. Hinc autem fit, ut si contractus sit irritus, ex defectu materiæ; ut est, contractus usurarius, in quo, pro mutuo datur pretium, vel aliquid pretio æstimabile; illum reddere non possit validum, quia materiæ defectum supplere non potest, sicut supplere potest defectum consensus, cum consensus sit causa efficiens, & hæc ab aliquo extrinseco suppleri possit; Unde etiam est, ut in Matrimonio, Contrahentium consensus suppleri possit à Deo; Tum quia, consensus est causa efficiens Matrimonij, & hæc à Deo suppleri potest; Non minus enim Deus efficere potest, ut sine mutuo Coniugum consensu oriatur inter illos vinculum, indissolubile, & mutua corporum translatio, quam calefacere possit sine igne. Tum quia, Deus; majus dominium habet in corpora coniugum, quam habeant ipsimet Coniuges; Cum ergo, ipsi, eo quod suorum corporum sint Domini; eorum dominium in alium transferre possint; à fortiori hoc idem poterit Deus. Hæc tamen potestas, in ordine ad Matrimonium, in nulla Republicâ, neque Ecclesiasticâ,

neque saculari reperitur, sed in solo Deo, ut benè probat *Sanch. lib. 2. matrim. d. 27.*

- 15 Quartò; Quæ dicta sunt de dolo, siue errore antecedenti, & dante causam contractui; idem omnino dicendum esse de errore concomitante, & incidente in Contractum, Quia argumenta, quæ probant de vno, æquè probant etiam de altero; Cum dolus incidens, causee non voluntarium, sicut antecedens causat inuoluntarium; & uterque æquè tollat consensum, ad valore actus necessariò requisitum. Neque solùm eadem rationes militant in utroque dolo, stando in iure naturæ; sed etiam, stando in iure civili; Quando enim error, non est circa materiam totalem, sed solum circa partem materiæ; ut cum quis aureolam vendit, quæ postea magnâ ex parte inuenitur, ænea, valida est venditio, quia auri aliquid habuit, & si inauratum aliquid sit, valet venditio, licet aurum putetur, propter eandem rationem: Atque ita statuitur in *l. quid tamen: ff. eodem.*

- 16 Quintò; Ex hoc valore, quem Ius, propter bonum commune, Contractibus, alias, iure naturæ, inualidis confert; non leue desumi posse argumentum; quod idem Ius, eodem modo, valorem etiam conferat actibus, qui, posito errore communi, ac bonâ Populi fide, sunt non solum ab Habente titulum coloratum, sed etiam ab habente solam possessionem Officij: Si enim Respublica, ad vitandam inconuenientiam, quæ ex huiusmo-

di

di Contractuum invaliditate sequerentur, eos conualidat; Cur, posito errore communi, non conualidet actus factos ab Habente possessionem Officij; cum ex horum nullitate, eadem, imo maiora sequantur inconuenientia; Et si ad hos contractus validandos, supplet defectum consensus, ad eorum valorem requisiti ex parte Decepti; Cur etiam, posito errore communi, ad actus, qui sunt, conualidandos; non suppleat defectum iurisdictionis ad eorum valorem, in Habente possessionem Officij, requisita; cum longe minus sit, suplere defectum iurisdictionis, quam defectum consensus, & vterque defectus, eodem modo suppleatur

in genere Causæ efficientis. Tam enim Iurdictio, est causa efficiens valoris in actu, quam Consensus in Contractu. Certè, non apparet; cur Respublica, vnam præstare debeat, & non aliud, cum non minus vnum, quam aliud conferat ad bonum commune, quod ipsa procurare tenetur. Posito autem, quod Respublica, solum propter bonam Populi fidem, actus conualidet, & iurisdictionis defectum, etiam in Habente solam possessionem Officij suppleat, quot perturbationes vitantur, & quot perplexitatibus, ac angustiis liberantur Conscientiæ, cum præsertim nullum hinc sequatur inconueniens. Sed de hoc fufius suo loco.

Q V A E S T I O XXXVIII.

An error incidens in Operationem, illam, iure naturæ, irritet.

C A S V S.

TITIVS, Gemmam emit, falsò putans, illam specialem habere virtutem contra morbos oculorum, quam verè non habebat; Eam tamen empturus, etiamsi talem virtutem non habuisset; Et hoc nulla prius adhibita diligentia, ad rei veritatem cognoscendam. Quæritur; Vtrum emptio ista, iure naturæ, fuerit valida.

SUMMARIVM.

- 3 *Error incidens in emptionem, an eam irritet.*
- 6 *Verè non irritat.*
- 7 *Non tollit voluntatem absolutam emendi.*
- 8 *Error supponitur vincibilis.*
- 9 *Non tollit voluntatem emendi rem, quacumque circumstantiâ possit.*
- 10 *Non est circa materiam emptionis adequatum.*
- 11 *Cur, cum errore circa materiâ sit valida emptio, & non Matrimonium.*
- 12 *Ignorantiâ, & error concomitans, dummodo non sint circa materiam adequatam, contractum non vitiant.*

RATIONES DVBITANDI.

- 2 **C**ausa hic, à præcedenti differt, primò, quia, ibi error, in Emptore, supponitur antecedens, & dans causâ Contractui, hic verò concomitans, & incidens in contractum. Secundò; quia error, ibi supponitur omnino inuincibilis, hic verò vincibilis. Proponitur autem, & ut melius appareat diuersus modus, quo Voluntas, posita utroque errore, operatur; & ut constet, quæ libertas, ad valorem, ex parte actus, requiratur, ac sufficiat.
- 3 Aliquibus ergo, Emptio videtur non fuisse valida. Ita *Fillius. 10. 2. tr. 25. c. 6. num. 17. & Merolla d. 1. c. 2. d. 21. dif. 5. num. 963.*

4 Primò; Quia, si quis contrahat Matrimonium cum Liâ, putans esse Rachelem, quamvis sic dispositus ad contrahendum cum illâ, etiam si sciret, esse Liâ, adhuc Matrimonium illud, est nullum; Sed similem voluntatem habuit Titius in emptione Gemmæ; Vtrobique enim datur ignorantia concomitans circa materiam contractus; Ergo emptio facta à Titio fuit nulla; Ideo etiam Matrimonium est nullum, quia, ratione Ignorantiæ concomitantis, non est voluntarium, quamvis non sit inuoluntarium. Sed etiam emptio Gemmæ, propter eandem rationem; non fuit voluntaria, quamvis non fuerit inuoluntaria. Ergo etiam Emptio Gemmæ fuit nulla.

5 Secundò; Quia, ad hoc, ut Matrimonium sit validum, requiritur expressus Contrahentium consensus, & ut contractus expressè, ac positiuè sit voluntarius. Ergo hoc totum requireretur etiam, ad hoc, ut emptio, iure naturæ, sit valida; Non minus enim emptio, est contractus onerosus, quam Matrimonium; Imo, inter hos contractus, nulla videtur esse diuersitas, nisi in hoc, quod materia Matrimonij, est persona Contrahentium; materia verò emptionis, est res quæ emittitur. Sicur igitur in Matrimonio, error tollit positium consensum; ita illum tollit in emptione.

RESOLVTIO.

- 6 **R**espondetur tamen; emptio nem factam à Titio, iure natu-

naturæ, fuisse validam. Ita *Vasq.* 1. 2. d. 13. c. 4. num. 30. *Molina* tom. 2. c. 352. num. 13. *Sanc.* lib. 1. matr. d. 64. num. 6. & d. 65. *Medina* Cod. de restit. quæst. 33. *Syluester* de culpa. quæst. 7. & alij apud illos.

7 Primò; Quia error, quem Titius habuit, fuit non circa Gemmam, sed circa specialem eius virtutem; Hic autem, non impedivit voluntatem absolutam emendi Gemmam, independentem ab eà virtute: Potuit ergo Titius, cum eo errore, habere voluntatem absolutam emendi Gemmam, & consequenter emptio Gemmæ esse perfectè voluntaria, ac libera, sicque stando in iure naturæ, valida.

8 Secundò, Quia error, quem Titius habuit, fuit vincibilis, ut in casu supponitur Error autem vincibilis, causat voluntarium saltem indirectè. Cum ergo Titius habuerit voluntatem absolutam emendi Gemmam, & vincibiliter errans circa eius virtutem, virtualiter illam emere voluerit etiam sine tali virtute, videtur habuisse voluntatem, ad emptionis valorem sufficientissimam, stando in iure naturæ.

9 Tertiò; Quia, si Titius explicite hanc voluntatem habuisset: *Volo emere hanc Gemmam, siue habeat, siue non habeat virtutem contra morbum oculorum*; Emptio fuisset sufficientissimè voluntaria, ac valida; Nihil enim ei deesset ad valorem, sicut nihil deesset ad valorem Matrimonij, si haberet animum contrahendi cum muliere

præsentè, quæcumque illa esset; quamvis per errorem putaret, esse Rachelem. Sed Titius, similem habuit voluntatem circa Gemmā; Illam enim emere voluit absolute, siue haberet, siue non haberet virtutem contra morbum oculorum; alioquin error non fuisset concomitans, sed antecedens, nec fuisset vincibilis, sed innvincibilis. Ergo valida etiam fuisset illius emptio, non obstante errore circa eius virtutem; Error enim non impedivit voluntatem, ad eius valorem sufficientem.

OBJECTIONVM SOLVTIO.

10 **A**D rationes in contrarium, respondetur; ad primam; Disparitatem esse primò, quia in Matrimonio, error supponitur circa Personam, quæ est materia adæquata Matrimonij; In emptione verò, error supponitur, non circa Gemmam, quæ est emptionis materia, sed solum circa Gemmæ qualitatem, siue circumstantiam aliquam materiæ, sine quâ dari potest consensus, & voluntas circa ipsam materiam. Secundò; quia; in Matrimonio, error supponitur innvincibilis; in emptione verò vincibilis. Ex viroque autem hoc capite, error circa Personam, reddit Matrimonium non voluntarium; quæ duo, cum non reperiuntur in errore circa Gemmæ virtutem, consequenter error circa illam, non erit sufficiens ad reddendam emptionem Gemmæ non voluntariam, & invalidam.

Ad

RATIONES DVBITANDI.

2 Error antecedens, siue ex quo aliquis mouetur ad operandum, aut contrahendum, oriri potest aliquando ex dolo alterius, cum quo contrahitur, aliquando ex dolo alicuius Tertij, aliquando demique ex merâ ipsius Contrahentis deceptione. Quando error oritur ex dolo alterius Contrahentis, iura in odium ipsius decipientis, contractum irritant. Vt *Quæst. præced.* dictum est. Quæritur nunc; an illum irritent etiam, quando error oritur ex dolo Tertij, & consequenter, an Caius, venditionis contractum rescindere poterit.

3 Ratio autem dubitandi est. Quia ex vno capite, videtur non potuisse. Venditio enim facta à Caio, spectato tam iure naturæ, quàm iure ciuili, fuit omnino valida, spectato quidem iure naturæ; Quia error, vel dolus non fuit circa substantialia venditionis, sed solum circa causam indistinctam ad vendendum; & alias, nulla interuenit iniuria partis. Spectato verò iure positiuo; Quia nullum extat ius positium, quod similem contractum irritum reddat, nisi quando alter contrahens est doli particeps. Si autem venditio fuit valida, rescindi non potuit; alias, omnes contractus rescindi possent, orireturque magna confusio, ac perturbatio in Republicâ.

4 Secundo; Quia, quando contractus, ex alterâ saltem parte, est completus, iuxta *L. Iulianus 14.*

ff. de act. empti in princ. non datur Decepto actio ad contractum rescindendum, sed solum ad rependendum à Venditore totum id, quod Emptor, detecto errore, non dedisset. Cum ergo Sempronius iam pretium dederit, sicque contractum impleuerit, illum Caius rescindere non potuit.

5 Ex alio verò capite; videtur potuisse; Quia venditio, sicut & ceteri contractus, semper censentur celebrati sub tacita conditione; *si causa inducens ad contrahendum, subsistat*; Si quis enim, ex errore putans, aliquam Mulierem esse nobilem, vel diuitem, cum ea contrahat sponsalia de futuro, quæ alias non contraxisset; ea, errore detecto, dissoluere potest, ut fusè probat, *Sanch. lib. 1. matr. d. 63.* Cum ergo, in venditione, causa inducens ad vendendum, non fuerit subsistens, poterit Caius; errore detecto, venditionem rescindere.

6 Tertio; Quia, cum deceptio fuerit circa rem magni momenti, Deceptus merito non censetur consentire voluisse; Ergo, in conscientia, rescindi potuit venditio: Ita *Lessius lib. 2. c. 17. d. 5. num. 31.*

NOTABILIA.

7 Aduertendum est primò: Duo dari genera contractuum onerosorum. Quidam enim sunt essentialiter omnino imperfecti, eoque, ex naturâ suâ, sint via ad alium contractum; ut est contractus sponsalium, qui est via ad Matrimonium; & qualibet promissio

mutua, quæ ad alium contractum in futurum celebrandum ordinatur. Alij verò sunt essentialiter, omnino in se, perfecti, eo quod sint in se ultimò consummati, nec sint via ad alium contractum; vt sunt contractus emptionis, locationis, Matrimonij, &c.

- 8 Aduertendum est secundò; Tripliciter errare posse Contrahentem, circa causam inductiuam ad contrahendum. Primò, si putet, rem à se, per contractum, comparandam, non habere aliquod vitium, quod re verà habet; vt, si quis ignoranter emat equum infirmum. Secundò; si putet, rem illam, aliquam habere virtutem, quæ re vera non habet, licet nullum habeat vitium; vt, si quis emat gemmam, putans, eam habere virtutem ad curandum aliquem morbum, quam verè non habet. Tertiò denique, si putet, habere aliquam circumstantiam accidentalem, quam non habet; vt, si quis emat frumentum, putans, eius pretium, propter penuriam, esse augendum, cum tamen propter supernientem abundantiam, verè sit minuendum. His positis.

RESOLVTIO.

- 9 AD Casum respondetur; Validam fuisse tritici venditionem, factam à Caio, non solum iure naturæ, sed etiam iure ciuili; ideoque illam, errore detecto, rescindere non potuisse. Ita *Sanch. lib. 1. matr. d. 64. num. 5. Lessius lib. 2. c. 17. d. 5. num. 31. Molina*

tóm. 2. d. 352. num. 11. Becan. to. 2. c. 13. num. 13. Medina c. de rest. quæst. 33. & alij communiter.

- 10 Probatur autem; Tum propter rationes superius allatas; Quia error, vel dolus, non fuit circa substantialia contractus; fuit enim solum circa valorem, tritico ab extrinseca copia, vel penuria, prouenientem, qui valor, est rei omnino extrinsecus, & accidentalis, vt patet ex dictis; Et alias, nulla interfuit partis iniuria. Tum quia, alias, sequeretur, quod, si quis, ad frumentum, vel vinum, aut aliud quid simile vendendum induceretur; eo quod falsò putaret, post aliquot dies, superuenturum triticum, vel vinum in magnà abundantia. Sicque ipsius pretium esse minuendum, nulla esset venditio, vel saltem illam pro libito rescindere posset; quod tamen, sine maximo absurdo, & maximà Reipublicæ perturbatione, concedi non potest.

OBJECTIONVM SOLVTIO.

- 11 AD rationes autem dubitandi pro parte oppositæ, facilè respondetur; Ad primam; Contractus essentialiter imperfectos, qualis est, contractus sponsalium, semper cenferi celebratos sub tacitâ conditione, *si causa inducens ad contrahendum, subsistat*; Pignificatio enim, cum sit lex quædam priuata, ultra promittentis voluntatem non obligat; Intencio autem, ac virtualis voluntas promittentium, est; si causa, propter quam

ad promittendum inducuntur, subsistat. At verò contractus perfecti, sub hac tacitâ conditione non celebrantur, nisi quando causa inducta, est simul etiam materialis, vel aliquo modo pertinet ad materiam; Ut, cum quis à virtute gemmæ mouetur ad eam emendam; tunc enim, virtus gemmæ, non solum est causa inductiva ad emendum, sed pertinet etiam ad materiam emptionis. Cum ergo, in casu proposito, Causa inductiva ad vendendum, nullo modo ad materiam venditionis pertineat, sed omnino sit illi extrinseca, contractus non fuit celebratus, sub conditione quod causa subsisteret, sed absolute; ideoque fuit validus independenter ab eius veritate, nec rescindendus, cum nulla data fuerit causa rescindendi; Quod enim Titius, causam dederit; in ordine ad contractum rescindendum, perinde fuit, ac si Carus, à se ipso fuisset deceptus.

- 13 Ad secundam, respondetur; Errorem, non fuisse circa aliquid magni momenti, intrinsecum venditioni, sed solum circa aliquid extrinsecum. Hoc autem, ad reddendum contractum nullum, vel ad illum rescindendum, non sufficit; alioqui daretur occasio contrahentibus, errorem fingendi, nec ullus vnquam daretur contractus firmus; sed de cuiusmodi valore dubitari semper posset.

COROLLARIA.

- 13 **C**olligitur ex dictis primò; Quando dolus circa causam inductivam ad contrahendum, trahit secum errorem circa substantialia contractus; ut cum quis ad contrahendum inducitur, putans, quod res per contractum acquirenda, aliquam habeat virtutem, quam non habet, vel non habeat aliquod vitium, quod habet; contractum esse nullum, ac rescindendum quo ad factum: quia, sicut Venditor, dum rem aliquam vendit, eius qualitatem ignorans, perinde est, ac si rem vnam pro aliâ venderet, eo quod rerum qualitates, in contractu venditionis, sint circumstantiæ substantiales, & ad eius materiam pertineant, non minus quam res ipsa; Ita, in emptione, dum Emptor, rem aliquam emit, putans, habere aliquam perfectionem, seu qualitatem connaturalem, quam verè non habet; vel non habere defectum ei non connaturalem, què verè habet; nulla est emptio, quia error est circa substantialia contractus. Vnde deceptus, in conscientia, contractum implere non tenetur, sed potest resilire.
- 14 Secundò, Si Venditor, in contractus celebratione, dicat, se nolle de vitio rei occulto teneri, sed emptorem suo periculo rem illam emere debere, si velit, & re verà vitium ignoret; Tunc, contractum esse validum; quia Emptor, illam tunc emere vellet etiam cum vitio occulto; sique contractus esset per-
- fectus

fectè voluntarius. Imo, si pretium, tempore contractus, spectatis circumstantijs, & rei apparentiâ, ipsi rei esset æquale; Tunc, quamvis postea detegeretur vitium, quo detecto, iam pretium fieret excedens. Vendidit tamen ad nihil teneretur; quia Emptor, pretio iusto, rem illam emit, attentis circumstantijs, quæ tempore contractus aderant, & vitij occulti periculum in se suscepit. *Mol. d. disp. 353. num. 15.*

15. Tertiò; Titium, qui dolo Caium, ad triticum vendendum induxit, teneri ex iustitiâ ad omnia damna, quæ Caius ex tali venditione, passus est, & ad illum restituendum in integrum; Suo enim dolo, sicut fuit causa iniusta venditionis, ita fuit causa iniusta omnium damnorum, quæ ex illâ sunt subsecutæ. Causa autè iniusta damni, ad illud refarciendum tenetur.

16. Quartò; Si Sempronius, conscius fuisset doli, in eo casu, posse Caium contractum non impleri, sed ab eo recedere; Quia iam Sempronius censeretur doli particeps; dolum enim manifestare, vel impedire tenebatur; ideoque, non manifestando, peccasset contra iustitiâ, & iniuriam Caio fecisset; sicque in conscientia, illi in integrum

restituere tenebatur, non solum rem per contractum acquisitam restituendo, sed etiam refarciendo damna, quæ Caius ex ea venditione passus esset; fuisset enim omnium illorum damnorum causa iniusta.

17. Quintò; Idem omnino dicendum esse, etiam si Sempronius doli conscius non fuisset, sed tamen vincibiliter ignorasset, ignorantia mortaliter vincibili; teneretur enim similiter non solum ad dissolutionem contractus, sed etiam ad damnorum restitutionem; Quia ipsius culpa, secuta fuissent, eo quod Ignorantia mortaliter vincibilis, non excuset à culpa; cum causet voluntarium saltem indirectum. Si tamen ignorantia fuisset vincibilis solum venialiter; tunc probabile est, fore, ut ipse neque sub veniali ad restitutionem teneretur; quia obligatio in materia gravi, non potest esse nisi sub peccato gravi; obligatio enim pendet ex materie gravitate; posito præcepto naturali, vel positivo; neque ullus unquam dicet, aliquem sub veniali tantum obligari ad restitutionem centum, vel mille aureorum, nec posse hoc peccato liberari, nisi proponat restituere. *Less. lib. 2. cap. 7. dub. 6. num. 28.*



Q V A E S T I O XXXVII.

*An error ; ortus ex merâ deceptione ipsius
Operantis , operationem , iure civili ,
reddat inuvalidam .*

CASVS.

TITIVS, falsò putans, Gemmam quandam, habere virtutem contra febres acutas, illam emit summo pretio iusto, eo pretio nunquam empturus, si veritatem cognouisset; huius tamen erroris Venditore omnino inscio. Postea verò, experimento comperit, Gemmam, illâ virtute non esse præditam; Quæritur; Vtrum emptio illa, iure civili, fuerit valida.

S V M M A R I V M.

- | | | | |
|---|---|----|--|
| 1 | <i>Error, an contractus, iure natura, irritos, irritet etiam semper, iure civili.</i> | 10 | <i>Irritare potest contractus, iure natura, validos.</i> |
| 4 | <i>Quam potestatem habeat Respublica, in ordine ad contractus.</i> | 11 | <i>Dum supplet defectum consensus, reddit contractum, etiam iure natura, validum.</i> |
| 7 | <i>De facto, aliquos contractus, iure natura, irritos, conuallidat.</i> | 12 | <i>Supplet hunc defectum solum, quando error est prudens.</i> |
| 6 | <i>Emptio, ex solâ Emptoris deceptione, orta, iure civili est valida.</i> | 13 | <i>Conuallidat contractum, saltem quo ad effectus.</i> |
| 7 | <i>Ius civile, quandomam det actionem ad contractum rescindendum.</i> | 14 | <i>Conuallidare solum potest, inuallidum, ex defectu consensus.</i> |
| 8 | <i>Et quando concedat actionem redhibitoriam.</i> | 15 | <i>Conuallidat etiam, quando error est solum concomitans.</i> |
| 9 | <i>Respublica, supplere potest defectum consensus ad valorem requisiti.</i> | 16 | <i>Hinc efficaciter probatur, conuallidare etiam gesta, quando datur error communis.</i> |

RATIO DVBITANDI.

NOTABILIA.

2 **S**icut error, ortus ex dolo Tertij, iure civili, operationem non irritat, quando error contingit, non circa substantialia, sed solum circa circumstantiam aliquam accidentalem; Ita à fortiori illam non irritabit, similis error, ortus ex merà deceptione ipsius Operantis, cum nullus omnino tunc dolus interueniat. Difficultas tamen adhuc non levis est; An, stante etiam errore circa substantialia; in quo casu, Operatio, ex defectu consensus, iure naturæ, est inualida; Ius civile, illam aliquando conualidet: Hinc enim facile constabit, quæ sit, in Principe, potestas, ac Voluntas in ordine ad Reipublicæ bonum procurandum, & ad eiusdem perturbationes vitandas.

3 Emptio ergo ista, non videtur, iure civili, fuisse valida; Quia non fuit valida, iure naturæ, ex defectu consensus, cum error, fuerit circa substantialia ipsius emptionis; scilicet, circa Gemmæ virtutem, ac qualitatem connaturalem, quæ ad materiam emptionis pertinet, non minus quam ipsa Gemma. Stante enim hoc errore, dari non potuit consensus, ad emptionis valorem, iure naturæ, necessarius. Si autem emptio, iure naturæ, fuit inualida; iure civili, valida esse non potuit; quia ius civile, supponit ius naturæ, in eoque fundatur. Si ergo iure naturæ fuit inualida, fuit etiam inualida, iure civili.

4 **A**dvertendum est primò; Principem, sicut Rempublicam conservare tenetur, eiusque tranquillitatem, ac pacem, quantum potest, procurare, & perturbationes vitare; Ita potestatem habere, præstandi quidquid ad hoc, est necessarium. Hinc est, ut, non solum de bonis subditorum, sed etiam de vitâ disponere possit, quando hoc ad Reipublicæ bonum, est necessarium. Vnde, tempore belli, Milites obligare potest, ut militent, & certum locum in bello teneant, etiam si, ex hoc, manifestum vitæ periculum eis immineat; & tempore pestis, Medicis præcipere potest, ut pestilentia laborantibus, quamvis cum vitæ periculo medeantur. Denique de subditorum bonis, de facto, disponit, in lege præscriptionis, bona viuis in alium transferendo, ad tollendas lites, & alia inconuenientia vitanda. Eodem ergo modo, de iisdem bonis disponere potest, etiam in contractibus, vimilibus tribuendo, rerum dominia transferendi, sicut tribuit præscriptioni.

5 Advertendum est secundò; Ius civile, aliquibus contractibus, quamvis, iure naturæ, inualidis, hanc vim de facto tribuisse; In lege enim, *Iulianus 24. ff. de act. empt.* expressè definitur. Venditionem, in quâ Venditor, rem vitiosam, ignoranter vendit, tacendo vitium, esse validam. Similiter, contractibus, ex errore antecedenti celebratis,

con-

concedit actionem redhibitoriam, per quam Venditor cogi possit, ut pretium restituat, & rem venditam sibi accipiat, sicque contractus rescindatur; quod fieri non posset, si contractus non fuisset validus. His autem contractibus, Ius, valorem contulit, ut Contrahentibus tolleretur occasio fingendi errorem, sicque maxima vitaretur confusio, ac perturbatio, quæ, alias, ex hac fictione oriretur in Republica. Sicut præscriptionem dedit rerum dominia transferendi, ut sic, & lites, & dominiorum incertitudo, tollerentur. His positis.

RESOLUTIO.

6 Respondetur; Emptionem factam à Titio, iure civili, fuisse validam, quamvis, iure naturæ, esset invalida. Ita *Molina tom. 2. d. 353. num. 8. Lessius lib. 2. c. 17. d. 5. num. 31. Nau. cap. 23. num. 83. Sotus lib. 6. quæst. 3. ar. 2. circa 6. concl. & in 4. d. 27. qu. 1. ar. 2. concl. 1. Henriq. lib. 11. de matr. c. 1. num. 3. Medina c. de rest. quæst. 33. & alij communiter apud istos.*

7 Probatur autem primò; Quia in l. *Julianus* 24. ff. de actio. empt. Venditio, in qua, Venditor, rem vitiosam scienter vendidit, tacendo vitium, iure civili, dicitur valida; sed ex illa, ortam esse Emptori actionem ad repetendum à Venditore, non solum excessum pretij, sed etiam damnum, quod inde passus est; ad quod tamen damnum, per diffam. l. Venditor

non tenetur, quando rem vitiosam vendidit ignoranter. Dolus autem, in hac venditione, fuit circa substantialia; fuit enim circa vitium rei, & consequenter venditio ista, stando in iure naturæ, erat irrita. Ergo, iure civili, potest esse validus contractus, licet, iure naturæ, sit invalidus; ideoque potuit etiam emptio, ex errore, facta à Titio, esse iure civili valida, quamvis iure naturæ fuerit invalida.

8 Secundò; Quia, in huiusmodi contractibus, ex dolo, siue errore antecedenti celebratis; Ius civile concedit actionem redhibitoriam, per quam cogi potest Venditor, ut restituat pretium acceptum, & rem venditam sibi accipiat, ac rescindi iubet contractum; Ergo contractus præsumitur à iure validus; si enim esset irritus, rescissione non indigeret, idemque colligitur etiam aperte, ex l. *aliter*, & seq. ff. de contrah. empt. Contractus autem, ex dolo, siue errore antecedenti, celebrati, quando error est circa substantialia contractus; ut accidit in emptione supraposita, sunt iure naturæ irriti. Ergo contractus, iure naturæ, irriti, possunt esse, iure civili, validi. Atque ita, est de facto, emptio Gemmæ.

9 Tertiò; Quia Ius civile, cum habeat dominium in bona subditorum, propter bonum commune, supplere potest defectum consensus ipsius Contrahentis decepti, sicque reddere contractum, in utroque foro, omnino validum; ut sic tollatur occasio Contrahentibus

bus errorem fingendi, ex quâ fitione, maxima oriretur perturbatio, ac confusio in Republicâ; cum ergo *ex l. Iulianus; ex l. aliter; & ex alijs similibus*; habeamus; Ius civile, contractus ex dolo, vel errore antecedenti, celebratos, reddere validos; Dicendum est; Ius civile, eos reddere validos, etiam in foro conscientiæ, supplendo defectum consensus, ac voluntarij ad valorem naturalem requisit; Ex hoc enim, nullum sequitur absurdum, & sic melius consulitur bono communi. Hoc autem posito, emptio Gemmæ, fuit omnino valida, in utroque foro; supplente Iure, defectum consensus circa vitium rei, ad valorem emptionis necessario requisiti.

- 10 Quartò; Quia ius civile, sicut propter bonum commune irritare potest contractus, aliàs iure naturæ, validos. Ita è contra, non est cur reddere non possit, iure civili, validos eos, qui aliàs, iure naturæ, sunt invalidi. Ergo validam, iure civili, reddere potuit emptionem Gemmæ, quamvis aliàs iure naturæ, esset invalida.

OBJECTIONIS SOLVTIO.

- 11 **A**D rationem in contrarium; patet responsio; Dicendum enim est, Emptionem fuisse validam & iure civili, & iure naturalisquæ, & potuit, & propter bonum commune, voluit, supplere defectum consensus, ad eius valorem iure naturæ, necessario requisiti.

COROLLARIA.

- 12 **C**olligitur ex dictis primò; Ius positivum, in contractibus, ex errore antecedenti circa substantialia celebratis, supplere defectum consensus, solum, quando error est prudens, ac inuincibilis, non verò quando est vincibilis, ac fatuus; Sicut rescindit contractus meru celebratos, solum, quando metus est cadens in constantem virum; & sicut reddit validos actus, ac gesta, per iudicem habentem titulum coloratum, solum, quando error communis est inuincibilis, non verò quando est crassus, vel supinus; Quia error crassus, vel supinus equiparatur scientiæ *ex c. 2. de consis. in 6. & probat Sanchez lib. 3. matrim. d. 22. n. 8.*

- 13 Secundò dici etiam posse; quod Ius positivum, quamvis efficere non possit, ut contractus, aliàs iure naturæ invalidi, validi sint, in ratione contractus, & quoad essentiam, eo quod implicet, quod datur contractus, & quod legitimus duorum consensus non interveniat; Statuere tamen potest, ut sint validi quoad effectum, ita ut habeant omnes effectus, quos haberent, si essent, consensu explicito, celebratis; V. G. ut per eos transferatur dominium, & oriatur in Contrahentibus mutua obligatio. Quia, cum translatio dominij, & mutua Contrahentium obligatio, quæ ex contractu consurgit, ad contractus essentiam non pertineat; sed sit effectus ipseus; nihil obstat, quin per leges

leges humanas, fieri possit; sicut etiâ leges humanæ, in multis casibus, sine Dominorum consensu, rerum dominium in alios transferunt: ut patet in legibus præscriptionis.

- 14 Tercio; Ius humanum, non omnem Contractum, iure naturæ irritum, posse efficere validum, sed eum solum, qui est irritus ex defectu legitimi consensus Contrahentium; Quia eorum consensum supplere potest. Hinc autem fit, ut si contractus sit irritus, ex defectu materiæ; ut est, contractus usurarius, in quo, pro mutuo datur pretium, vel aliquid pretio æstimabile; illum reddere non posse validum, quia materiæ defectum supplere non potest, sicut supplere potest defectum consensus, cum consensus sit causa efficiens, & hæc ab aliquo extrinseco suppleri possit; Unde etiam est, ut in Matrimonio, Contrahentium consensus suppleri possit à Deo; Tum quia, consensus est causa efficiens Matrimonij, & hæc à Deo suppleri potest; Nominus enim Deus efficere potest, ut sine mutuo Coniugum consensu oriatur inter illos vinculum, indissolubile, & mutua corporum translatio, quam calefacere possit sine igne. Tum quia, Deus, majus dominium habet in corpora coniugum, quam habeant ipsimet Coniuges; Cum ergo, ipsi, eo quod suorum corporum sint Domini; eorum dominium in alium transferre possint; à fortiori hoc idem poterit Deus. Hæc tamen potestas, in ordine ad Matrimonium, in nulla Republicâ, neque Ecclesiasticâ,

neque seculari reperitur, sed in solo Deo, ut benè probat Sanchez. lib. 2. matrim. d. 27.

- 15 Quarto; Quæ dicta sunt de dolo, siue errore antecedenti, & dante causam contractui; idem omnino dicendum esse de errore concomitante, & incidente in Contractum, Quia argumenta, quæ probant de uno, æquè probant etiam de altero; Cum dolus incidens, cause non voluntarium, sicut antecedens causat inuoluntarium; & uterque æquè tollat consensum, ad valore actus necessariò requisitum. Neque solum eadem rationes militante in utroque dolo, stando in iure naturæ; sed etiam, stando in iure civili; Quando enim error, non est circa materiam totalem, sed solum circa partem materiæ; ut cum quis aureolam vendit, quæ postea magnâ ex parte inuenitur, ænea, valida est venditio, quia auri aliquid habuit, & si inauratam aliquid sit, valet venditio, licet aurum putetur, propter eandem rationem: Atque ita statuitur in l. quid tam: ff. eodem.
- 16 Quintò; Ex hoc valore, quem Ius, propter bonum commune, Contractibus, alias, iure naturæ, inualidis confert; non leue desumi posse argumentum; quod idem Ius, eodem modo, valorem etiam conferat actibus, qui, posito errore communi, ac bonâ Populi fide, sunt non solum ab Habente titulum coloratum, sed etiam ab habente solam possessionem Officij. Si enim Respublica, ad vitandam inconuenientia, quæ ex huiusmo-

di.

di Contractuum invaliditate sequerentur, eos convalidat; Cur, posito errore communi, non convalidet actus factos ab Habente possessionem Officij; cum ex horum nullitate, eadem, imo maiora sequantur inconuenientia; Et si ad hos contractus validandos, supplet defectum consensus, ad eorum valorem requisiti ex parte Decepti; Cur etiam, posito errore communi, ad actus, qui sunt, convalidandos; non suppleat defectum iurisdictionis ad eorum valorem, in Habente possessionem Officij, requisiti; cum longe minus sit, supplere defectum iurisdictionis, quam defectum consensus, & uterque defectus, eodem modo suppleatur

in genere Causæ efficientis. Tam enim Iurisdicctio, est causa efficiens valoris in actu, quam Consensus in Contractu. Certè, non apparet; cur Respublica, vnum prestare debeat, & non aliud, cum non minus vnum, quam aliud conferat ad bonum commune, quod ipsa procurare tenetur. Posito autem, quod Respublica, solum propter bonam Populi fidem, actus convalidet, & iurisdictionis defectum etiam in Habente solam possessionem Officij suppleat, quot perturbationes vitantur, & quot perplexitatibus, ac angustiis liberantur Conscientiæ, cum præsertim nullum hinc sequatur inconueniens. Sed de hoc fusius suo loco.

Q V A E S T I O XXXVIII.

An error incidens in Operationem, illam, iure naturæ, irritet.

C A S V S.

- 1 **T**ITIVS, Gemmam emit, falsò putans, illam specialem habere virtutem contra morbos oculorum, quam verè non habebat; Eam tamen empturus, etiamsi talem virtutem non habuisset; Et hoc nullà prius adhibita diligentia, ad rei veritatem cognoscendam. Quæritur, Vtrum emptio ista, iure naturæ, fuerit valida.

SUMMARIVM.

- 3 Error incidens in emptionem, an eam irritet.
- 6 Verè non irritat.
- 7 Non tollit voluntatem absolutam emendi.
- 8 Error supponitur vincibilis.
- 9 Non tollit voluntatem emendi rem, quacumque circumstantiâ possit.
- 10 Non est circa materiam emptionis adequatim.
- 11 Cur, cum errore circa materiâ sit valida emptio, & non Matrimonium.
- 12 Ignorantiâ, & error concomitans, dummodo non sint circa materiam adequatam, contractum non vitiant.

RATIONES DVBITANDI.

- 2 **C**ausa hic, à præcedenti differt, primò, quia, ibi error, in Emptore, supponitur antecedens, & dans causâ Contractui, hic verò concomitans, & incidens in contractum. Secundò; quia error, ibi supponitur omnino inuincibilis, hic verò vincibilis. Proponitur autem, & vt melius appareat diuersus modus, quo Voluntas, posito vtroque errore, operatur; & vt constet, quæ libertas, ad valorem, ex parte actus, requiratur, ac sufficiat.
- 3 Aliquibus ergo, Emptio videtur non fuisse valida. Ita *Pillius. to. 2. tr. 25. c. 6. num. 17. & Merolla d. 1. c. 2. d. 21. dif. 5. num. 963.*

4 Primò; Quia, si quis contrahat Matrimonium cum Liâ, putans esse Rachelem, quamvis sit dispositus ad contrahendum cum illâ, etiam si sciret, esse Liâ, adhuc Matrimonium illud, est nullum; Sed similem voluntatem habuit Titius in emptione Gemmæ; Vtrobique enim datur ignorantia concomitans circa materiam contractus; Ergo emptio facta à Titio fuit nulla; Ideo enim Matrimonium est nullum, quia, ratione Ignorantiæ concomitantis, non est voluntarium, quemvis non sit inuoluntarium. Sed etiam emptio Gemmæ, propter eandem rationem; non fuit voluntaria, quæuis non fuerit inuoluntaria. Ergo etiam Emptio Gemmæ fuit nulla.

5 Secundò; Quia, ad hoc, vt Matrimonium sit validum, requiritur expressus Contrahentium consensus, & vt contractus expressè, ac positiuè sit voluntarius; Ergo hoc totum requireretur etiam; ad hoc, vt emptio, iure naturæ, sit valida; Non minus enim emptio, est contractus onerosus, quam Matrimonium; Imo, inter hos contractus, nulla videtur esse diuersitas, nisi in hoc, quod materia Matrimonij, est persona Contrahentium; materia verò emptionis, est res quæ emitur. Sicut igitur in Matrimonio, error tollit positiuum consensum; ita illum tollit in emptione.

RESOLVTIO.

- 6 **R**espondetur tamen; emptionem factam à Titio, iure natu-

naturæ, fuisse validam. Ita *Vasq.* 1. 2. d. 13. c. 4. num. 30. *Molina* tom. 2. c. 352. num. 13. *Sanc.* lib. 1. matr. d. 64. num. 6. & d. 65. *Medina* Cod. de restit. quæst. 33. *Syluester* de culpa. quæst. 7. & alij apud illos.

7 Primò; Quia error, quem Titius habuit, fuit non circa Gemmam, sed circa specialem eius virtutem; Hic autem, non impedivit voluntatem absolutam emendi Gemmam, independentem ab eâ virtute; Potuit ergo Titius, cum eo errore, habere voluntatem absolutam emendi Gemmam, & consequenter emptio Gemmæ esse perfectè voluntaria, ac libera, sicque stando in iure naturæ, valida.

8 Secundò, Quia error, quem Titius habuit, fuit vincibilis, ut in casu supponitur; Error autem vincibilis, causat voluntarium saltem indirectè. Cum ergo Titius habuerit voluntatem absolutam emendi Gemmam, & vincibiliter errans circa eius virtutem, virtualiter illam emere voluerit etiam sine tali virtute, videtur habuisse voluntatem, ad emptionis valorem sufficientissimam, stando in iure naturæ.

9 Tertiò; Quia, si Titius explicite hanc voluntatem habuisset: *Volo emere hanc Gemmam, siue habeat, siue non habeat virtutem contra morbum oculorum*; Emptio fuisset sufficientissimè voluntaria, ac valida; Nihil enim ei deesset ad valorem, sicut nihil deesset ad valorem Matrimonij, si haberet animum contrahendi cum muliere

præsentem, quæcumque illa esset; quamvis per errorem putaret, esse Rachelem. Sed Titius, similem habuit voluntatem circa Gemmâ; Illam enim emere voluit absolute, siue haberet, siue non haberet virtutem contra morbum oculorum; alioquin error non fuisset concomitans, sed antecedens, nec fuisset vincibilis, sed inuincibilis. Ergo valida etiam fuisset emptio, non obstante errore circa eius virtutem; Error enim non impedit voluntatem, ad eius valorem sufficientem.

OBJECTIONVM SOLVTIO.

10 **A**D rationes in contrarium, respondetur; ad primam; Disparitatem esse primò, quia in Matrimonio, error supponitur circa Personam, quæ est materia adæquata Matrimonij; In emptione verò, error supponitur, non circa Gemmam, quæ est emptionis materia, sed solum circa Gemmæ qualitatem, siue circumstantiam aliquam materiæ, sine quâ dari potest consensus, & voluntas circa ipsam materiam. Secundò; quia; in Matrimonio, error supponitur inuincibilis; in emptione verò vincibilis. Ex utroque autem hoc capite, error circa Personam, reddit Matrimonium non voluntarium; quæ duo, cum non reperiantur in errore circa Gemmæ virtutem, consequenter error circa illam, non erit sufficiens ad reddendam emptionem Gemmæ non voluntariam, & invalidam.

Ad

11 Ad secundam, responderetur; dari in emptione, positivum consensum plenissimè voluntarium circa Gemmam, cum detur eius cognitio, quamvis non detur cognitio virtutis illius; Hic autem consensus, in Matrimonio, dari non potest, cum supponatur, dari errorem circa ipsam Personam, & consequenter deesse cognitionem Personæ ad talem consensum necessariam. Hinc ergo fit, ut emptio cum illo errore potuerit esse valida; Matrimonium verò validum esse non possit; Quia, cum errore circa Personam, dari non potest consensus in illam; sicut cum errore circa Gemmæ virtutem, dari potuit consensus in ipsam Gemmam, eiusque emptionem.

COROLLARIUM.

12 **C**olligitur ex dictis; Ignorantiam, siue errorem concomitantem, quamvis sit circa circumstantiam aliquam substantialem

contractus, dummodo non sit circa ipsam materiam adæquatam, ac totalem, non tollere valorem illius contractus, quia non impedit consensum sufficientem in ipsum contractum: Quamvis enim circumstantiam illam reddat non voluntariam; hoc tamen non impedit, quin res ipsa possit esse sufficienter, & absolute volita; cum Voluntas, in rem illam adhuc positivè tendere possit per actum absolutum, non tendendo in eius circumstantiam, etiam substantialem, sed ab illâ quasi præscindendo. Hæc autem voluntas, sufficit ad actus valorem, ut constat ex dictis. Quod si error supponatur vincibilis, tunc neque tollit consensum virtuale, ac implicitum in ipsam circumstantiam ignorantam. Qui enim vult explicitè aliquid, vult simul implicitè, ac virtualiter, quidquid cum illo est necessariò connexum; unde multò magis datur consensus ad valorem sufficiens.



QVAESTIO XXXIX.

An metus, præceptorum humanorum violationem impediatur.

C A S V S.

TITIVS, ob homicidium ab eo commissum, detinebatur in Carcere iam morti destinatus. Accidit autem, ut, die quadam, Princeps, cum esset hæreticus, carcerem ingressus, ei libertatem promiserit, si librum quendam hæreticum de religione tractantem, totum legeret; ipse verò, ad libertatem recuperandam, legit. Quæritur. Vtrum mortaliter peccauerit, & in excommunicationem Bullæ Coenæ, inciderit.

SVMMARIVM.

- 2 Quid sit metus.
- 3 Libri hæretici lectio, ad salvandam vitam, an liceat.
- 9 Metus probabilis, & improbabilis, quid.
- 10 Metus antecedens, & concomitans, quid.
- 11 Præceptum humanum, quas actiones prohibeat.
- 12 Libri hæretici lectio, ad salvandam vitam, est licita.
- 13 Per illam, nulla Lex violatur.
- 14 Lex humana, non magis obligat, quam positiva Divina.
- 15 Multa præcepta Ecclesiastica, non obligant cum gravi incommodo.
- 16 Ecclesia, an obligare possit cum vite periculo.

- 17 Cum datur vita periculum, cessat legis obligatio.
- 18 An semper cesset.
- 19 Metus, licet à culpa non excuset, contractus rescindit.
- 20 Libri hæretici lectio, ex se, Religionis contemptum non includit.
- 21 Quando Ecclesia obligare possit, etiam cum vite periculo.
- 22 Sacerdoti, ad Viaticum ministrandum, non licet consecrare in fermentito.
- 23 Metus, non solum iniuste, sed etiam iuste incussus, à legis obligatione excusat.

RATIONES DYBITANDI.

Quamvis Metus, operationes nostras non reddat simpliciter

ter i voluntarias, sicut error, ac ignorantia; Quia tamen, in eis, rationem voluntarij, ac liberi minuit; Quæritur; an ita minuat, ut aliquando saltem, excuset à culpa, & à pœnà, & actuum valorem impediatur, & hoc, respectu quorumcumque præceptorum, sive Humanorum, sive Divinorum, sive Naturalium. Nomine autem metus, *ex Arist. 2. Reth. c. 5.* Intelligitur communiter, illa animi perturbatio, quæ ex cognitione alicuius mali, vel imminētis, vel probabiliter venturi concipitur.

- 3 Titius ergo, librum hæreticum legendo, videtur mortaliter peccasse, & in excommunicationis Bullæ Coenæ incidisse. Ita Caiet. 1. 2. *quæst. 96. art. 4. & 2. 2. qu. 125. art. 3. & in opuscul. tom. 3. tr. 8. Adrian. in 4. q. 3. de clauibus.*

- 4 Primò; Quia legem Ecclesiasticam violauit, librorum hæreticorum lectionem, sub pœnà excommunicationis prohibentem; *can. 1. Bullæ Cœnæ.* Hanc autem, neque ad saluandam vitam, violare poterat; Tum quia, neque ad saluandam vitam, licet peccare; & legis violatio, peccatum est. Tum quia, neque ad saluandam vitam, licet operari contra bonum commune; bonum enim priuatum, nunquam bono communi præferri licitè potest. Legis autem violatio, ac transgressio, est contra bonum commune; cum ipsa lex, tota sit propter bonum commune, & ad illud orderetur.

- 5 Secundò; Quia non minus Ti-

tius, legem Ecclesiasticam, violauit, librum hæreticum legendo ad vitam saluandam, quam Parochus, tempore pestis, sui Episcopi præceptum violasset de non discedendo ab Vrbe, ut Sacramenta petentibus ministraret, si ad saluandam vitam, discessisset; Non minus enim Titius, fecit contra legem, quam Parochus fecisset contra Episcopi præceptum; Sed Parochus, ab Vrbe discedendo, quamuis ad saluandam vitam, verè Episcopi præceptum violasset, ac mortaliter peccasset; Ergo etiam Titius, librum hæreticum legendo, quamuis ad vitam saluandam, legem Ecclesiasticam violauit, ac mortaliter peccauit; & consequenter excommunicationem incurrit.

- 6 Tertiò; Quia, si mulier, quamuis infimæ conditionis, Titio in carcere sic detento promississet, se cum à morte liberaturam, si illi Matrimonium promitteret, & ipse promississet; Promissio illa, quamuis ad saluandam vitam facta, adhuc fuisset obligatoria, & illum verè obligaret. Ergo similiter, libri hæretici lectio, quamuis ad saluandam vitam facta, adhuc fuit violatiua præcepti, & illud verè violauit; sicut enim mortis timor ad impediendam promissionis obligationem non fuisset sufficiens; ita nec fuit sufficiens ad impediendam legis violationem, ac culpam.

- 7 Quartò; Quia promissio Matrimonij, quamuis facta ad vitam saluandam, non minus obligasset Titium, quam, si ob quemcumque alium finem, fuisset facta. Non minus

minus enim fuisset libera in vno caso quâ in alio. Ergo similiter libri hæretici lectio, quamvis facta ad vitam saluandam, non minus legem Ecclesiasticam violauit, quam si ob quemcumque alium suum, fuisset facta; Sicut enim se habet promissio, in ordine ad producendam obligationem, ita se habet libri hæretici lectio in ordine ad legem violandam. Ergo sicut, in promissione, obligatio non impeditur ex eo, quod promissio fuerit facta ad vitam saluandam; ita in libri hæretici lectione, legis violatio non impeditur ex eo, quod lectio fuerit posita, ad vitam saluandam.

- 8 Quinto; Quia, si Princeps, Titio vitam promississet, si carnes die Veneris in Ecclesiasticæ obseruantix contemptum comedisset; ipse, comedendo, mortaliter peccasset, quamvis eas ad saluandam vitam comedisset; tenebatur enim, etiam cum mortis periculo, Ecclesiasticas obseruantias non contemnere, neque scandalum, aut signa contemptus, dare. Ergo similiter, mortaliter peccauit, librum hæreticum legendo, quamvis, ad saluandam vitam, eum legerit; Non minus enim peruersionis periculum, sibi ex tali lectione imminens vitare tenebatur, quam periculum contempnus legis, ac scandalum, ex carniū comestione, proueniens; Nec minus Princeps, libri hæretici lectionem ei obtulit, ad eum peruerterendum, quam obtulisset carniū comestionem, ad legem contemnendam.

NOTABILIA.

- 9 **A**duertendum est primò; duplicem dari metum; Primus dicitur iustus, & probabilis, quia à legibus approbatur, ac admittitur, & cadens in constantem Virum, quia in eo, in quem cadit, constantix, ac fortitudinis laudem non adimit. Talis autem est, non solum timor mortis, sed etiam cuiuscumque alterius grauis mali imminens: vt, mutilationis; longi carceris; exilij diuturni; seruitutis; amissionis gradus honorifici, vel bonorum, aut omnium, aut notabilis partis eorum, cum sine his nemo commodè, ac honorificè vivere possit; infamix, siue iuris, siue facti, quæ facile purgari non possit; excommunicationis iniustæ; aut alterius similis mali. Neque solum, cum quis, hæc mala timeret sibi, sed etiam, cum ea timeret Filij, Parentibus, Vxori, & arctissimis Amicis; horum enim mala, nostra reputamus. Denique talis censetur esse timor reuerentialis, quo Filius timet offensam Parentum; Pupillus Tutoris; Subditus Principis; Vxor Viri; Monachus Abbatix; Clericus Episcopi; &c. Secundus dicitur metus non iustus, neque probabilis, quia à legibus non probatur; nec cadens in constantem Virum, quia si in aliquem cadat, est cum iacturâ constantix; vt est timor mali aliquis leuis. Non est hic sermo de secundo metu, sed de primo.

- 10 Aduertendum est secundò; sicut duplex datur error, & ignorantia;

Q 2 ante-

antecedens, scilicet, & concomitans; ita duplicem similiter dari metum; antecedentem, & concomitantem. Primus, est causa, cur fiat aliquid, quod propterea fieri dicitur ex timore. Ut, cum Mercator, tempore tempestatis, ex metu naufragij, proijcit merces in mare, quas alias non proijceret. Secundus, non est causa operis, sed est simul cum opere; Latro enim, dum furatur, cum timore furatur, non ex timore; quia timor, non est causa, cur furetur. Nos hic loquimur de metu antecedente, non de concomitante.

- 11 Aduertendum est tertio; Præceptum humanum, prohibere aliquando aliquid, alias, non intrinsecè malum, ut cum prohibet Venationem, vel piscationem, vel armorum gestationem, præsertim noctu. Aliquando verò, prohibere aliquid, etiam lege naturali, vel Diuinà prohibitum; ut, cum specialiter prohibet, Clerici percussione, vel occisione. Hic solum quaritur; an metus grauis, eorum præceptorum violationem impediât, quæ prohibent aliquid, alias, ex se indifferens, nec intrinsecè malum. His positis.

RESOLVTIO.

- 12 **R**espōdetur; Titium, librum hæreticum legendo, ad vitam saluandam, nullo modo peccasse, neque ullam censuram contraxisse. Ita *Vasq. l. 2. d. 161. c. 2. Suar. de legib. lib. 3. c. 30. num. 6. Salas d. 11. f. 1. nu. 12. Clauis Reg. lib. 3.*

c. 7. num. 34. Valent. l. 2. d. 7. q. 5. p. 6. quæst. 4. Azor. lib. 1. cap. 11. quæst. 1. Becanus tom. 2. tr. 3. c. 6: quæst. 4. Sanch. lib. 1. sum. c. 18. num. 4. Lessius lib. 2. cap. 9. dub. 6. num. 59. Duard. in expl. c. Bullæ Cæna, lib. 1. c. 2. quæst. 2. nu. 30. & alij communiter.

- 13 Primò; Quia, librum hæreticum, eo sine, legendo, nullam legem violauit; Non diuinam, quia hæc non extat; Non naturalem, quia libri hæretici lectio, non est intrinsecè mala, sicut est fornicatio, vel mendacium; alioquin huiusmodi libros legere, nunquam licitum esset; nec Pontifex eos legendi facultatē cōcedere posset; Quod enim est intrinsecè malum, nunquam est eligibile. Neque Ecclesiasticam; quia lex Ecclesiastica, in hoc casu, non obligat; Ecclesia enim, non censetur intentionem habere, per suas leges obligandi, quando leges, sine graui incommodo seruari non possunt; Nam, in suis legibus, Christi legibus conformare se debet; Huius autem iugum, suauis est, & onus leue. Cum ergo lex Ecclesiastica, à Titio, sine vitæ detrimento, seruari non posset, illum non obligabat; Ideoque Titius, librum hæreticum legendo, illam non violauit.

- 14 Secundò; Quia, lex Ecclesiastica, cum sit humana, non magis obligat, quam lex positua Diuina; Hæc enim, longè grauior est, quam humana. Sed lex positua Diuina, cum periculo vitæ, aut alterius grauis detrimenti, non obligat; lex enim de Confessione aore-

com-

communione præmittendâ ; de confessionis integritate ; & aliâ similes , quæ sunt Diuina , non obligant cum graui incommodo . Ergo neque lex Ecclesiastica obligabit cum graui incommodo . Sicut ergo Titius , ad saluandam vitam ; sine vllâ culpâ , peccatum in confessione tacere potuisset ; ita ad eandem vitam saluandam ; potuit , sine vllâ culpâ , librum hæretici legere .

15. **Terriò ;** Quia de facto , multa dantur Ecclesiastica præcepta , quæ non obligant cum graui incommodo ; Præceptum enim ieiunij , cum salutis detrimento non obligat , vt habetur ; *cap. consilium de obseru. ieiun.* Nec Præceptum audiendi sacrum diebus festis , obligat cum periculo mortis , aut alterius grauis nocuenti ; Nec Præceptum non communicandi cum excommunicato vitando , obligat in casu necessitatis ; vt habetur ; *c. quoniã multos. 11. quæst. 3. & c. inter de sent. excom.* Ergo neque Præceptum non legendi librum hæretici , cum vitæ periculo obligabit ; Vnde , sicut Titius ad saluandam vitam cum excommunicato vitando communicare potuisset ; ita potuit hæretici librum legere , sine vllâ culpâ .

16. **Quartò ;** Quia Ecclesia , potestatem non habet , per suas leges , etiã cum vitæ periculo obligandi , nisi quando hoc , bono communi præcisè est necessarium ; Hæc enim potestas , illi à Christo concessa non est , cum talis concessio , nullibi extet ; nec ad bonam gubernationem sit necessaria . Sed à libri

hæretici lectione abstinere , bonum comune immediatè nõ respicit , sed potius bonum particulare legentis , ne scilicet , per talem lectionem , peruersionis periculo exponatur ; Ergo Ecclesia , ad abstinendum à tali lectione , etiam cum vitæ periculo , obligare non potest ; Ideoque Titius , ad vitam saluandam , librum illum sine vllâ culpâ legere potuit ; Magis enim Ecclesiæ interest , vitam hominis conseruare , quam libri hæretici lectionem prohibere ; dummodo ex tali lectione , legis contemptus , aut scandalum , aut aliqua iniuria , Ecclesiæ non proveniat .

OBIECTIONVM SOLVTIO .

17. **N**Equè obstant rationes in contrarium . Ad primam enim ; Negatur minor ; Nam lex Ecclesiastica , cum graui detrimento , obligare non potest , & multo minus cum vitæ periculo ; Vnde , in eo casu , sicut eius obligatio cessat , ita non datur eius violatio ; Et quamuis lex ordinetur ad bonum commune , & propter illud sit posita , finem tamen suum sufficienter consequitur , si regulariter , per se , & extra hos casus extremæ , vel grauis necessitatis , obseruetur ; Ideoque ad commune bonum sufficit , vt regulariter , ac per se , obliget , licet cum graui detrimento , ac periculo non obliget .

18. **Ad secundam ,** Negatur maior . Ratio autem disparitatis , est euidentis ; Nam Episcopi præceptum , tempore pestis , Parochos obligans

Q 3 ne

ne ex Vrbe difcedant, & vt Sacramenta neceffaria miniftrent, cū præcipiat Parochorum aſſentiam, quæ tunc temporis, eſt bono communi maximè neceſſaria, vt Morituri, ſine debitis Sacramentis, & auxilijs non obeant; obligare illos poteſt pro eo tempore etiam cum vitæ periculo; Quia bonum commune particulari præferendum eſt. At abſtinentia à libri hæretici lectione, non eſt actio immediatè, & de ſe, reſpiciens bonum commune, ſed potius legentis vtilitatem, ne per lectionem, peruerſionis periculo ſe exponat; Vnde etiam, præceptum, talem lectionem prohibens, immediatè non reſpicit bonum commune, ſed potius ſingularum vtilitatem. Non eſt autem neceſſè, vt huiusmodi præcepta, obligent eum graui detrimento, ac incommodo, ſed ad bonum commune ſatis eſt, vt regulariter, ac per ſe, & extra caſum grauis neceſſitatis, obligent, vt dictum eſt.

19 Ad tertiam, & quartam reſpondetur; Metum grauis mali, quamuis non ſit ſufficiens ad contractum reſcindendum, eſſe tamen ſufficientem, ad excuſandum à tranſgreſſione legis humanæ; quia lex humana, non obligat cum tanto detrimento, ac incommodo; nec talis obligatio, ad bonam Reipublicæ gubernationem, vilo modo, eſt neceſſaria, aut expediens; ſicut plerumque, eſt neceſſarium, ne reſcindantur contractus, ſed vim habeant obligandi.

20 Ad quintam, reſpondetur; Diſparitatem eſſe; quia tunc, carniſum

comeſtio, cum contemptum Religionis includat, eſt intrinſecè mala; ideoque, etiam cum mortis periculo, vitanda; bonum enim Religionis, ſemper bono priuato propriæ vitæ præferendum eſt. At libri hæretici lectio, quamuis concedatur, ſecum afferre periculum peruerſionis; (quod tamen non ita frequenter accidit;) adhuc tamen, non eſt intrinſecè mala, quia non includit religionis contemptū, & ex graui cauſa, licet, peccandi periculo ſe exponere; Vnde Confefſarius, Confefſiones audire poteſt, quamuis illas audiendo, exponat ſe periculo pollutionis. Cuius rei ratio eſt; Quia, non quodlibet peccandi periculum, eſt peccatum; ſed ſolùm periculum temerarium; nam, ſi periculum ſit rationabile, & prudens, peccatum eſſe non poteſt. Cum ergo libri hæretici lectio, non ſit intrinſecè mala, non eſt neceſſariò vitanda, etiam cum vitæ periculo; nec Eccleſia, cum tanto incommodo obligat, ad eam vitandam.

COROLLARIA.

21 **C**olligitur ex dictis primò; poſſe ſe legem Eccleſiaſticam, ex vi ſux poteſtatis, ſub culpà lethali, & ſub cenſurà, obligare fideles ad aliquid, etiam cum vitæ periculo agendum, vel vitandum, quamuis non ſit ex ſua naturà, & intrinſecè malum, ſi hoc, ad bonum commune ſit neceſſarium. Si enim Rex temporalis, vel Reſpublica, propter bonum commune, vnum, vel plu-

plures Ciues, morti exponere potest; Vt, cum Ciuibus præcipit, vt contra irruentes hostes, arma sumant; & Medicis, ne, prævalente peste; à Ciuitate discedant; cur Ecclesia, Fideles, suis legibus, obligare non poterit, etiam cum vitæ periculo, quando hoc, ad bonum commune Religionis, est necessarium. Non minus enim, in Ecclesiâ, datur potestas necessaria ad sui conseruationem, quam in Republicâ. Hæc autem potestas, aliquando necessariò extendi debet ad obligandum ad aliquid, etiam cum vitæ periculo; quia hoc esse potest, hic & nunc, ad boni communis conseruationem necessariû; Atque ita, tempore grassantium hæresum, Summus Pontifex, aliquibus Religiosis, vel alijs viris doctis catholicis, præcipere posset, vt, etiam cum vitæ discrimine, doctrinam catholicam prædicarent, quia tunc ageretur de Religionis conseruatione, quæ vitæ priuatæ præferenda est. *Vasq. d. 161. c. 3. Valent. d. 7. quæst. 5. p. 3. qu. 4. Becan. tom. 1. tr. 3. c. 6. qu. 4. n. 3.*

- 22 Secundò; Non esse licitum Sacerdoti, ad communicandum infirmum, in articulo mortis constitutum, sine sacris vestibus celebrare, vel consecrare in fermentato, quamuis præceptum de Euchari-

stiâ in articulo mortis sumendâ, sit diuinum, & præceptum celebrandi cum vestibus sacris, & consecrandi in azimo, sint tantum Ecclesiastica; Quia præceptum sumendi Eucharistiam in mortis articulo, non obligat absolute, sed solum posito, quod detur, vel dari ritè possit, copia Sacramenti. In hoc autem casu, talis copia ritè dari non potest; & aliunde, præceptum de non celebrando sine sacris vestibus, immediate respicit ritum, ac bonum commune Sacramentorum.

- 23 Tertiò; Metus mortis, aut alterius grauis damni, excusare à transgressionem legis humanæ, & consequenter etiam à penâ, per eam legem, transgressoribus impositâ, non solum, quando metus, est iniuste incussus; sed etiam, quando est incussus iuste; Quamuis enim, hic metus, non sit sufficiens ad rescissionem contractus, est tamen sufficiens ad excusandum à legis humanæ transgressionem; quia lex humana non obligat cum tanto detrimento, ac incommodo; Vnde, qui, propter homicidium commissum, in alicuius Principis domum, se recepit, nec inde sine periculo exire potest, ne à iustitiæ Ministris capiatur; diebus festis, ad Ecclesiâ accedere non tenetur, vt sacrum audiat.



Q V A E S T I O X L.

An metus gravis, à quorumcumque præceptorum humanorum violatione excuset.

CASVS.

- 1 **S**ACERDOS quidam, cum, metu mortis compul-
sus, Clericum Neapoli occidisset, Florentiam se trans-
tulit, ibique sæpius celebrauit. Quæritur vtrum, Cle-
ricum occidendo, sacrilegium commiserit, & in excommu-
nicationem, ac irregularitatem, tam ex Clerici occisione,
quam ex celebratione inciderit.

SUMMARIVM.

- 2 *Metus, excusare non videtur, quando præceptum humanum prohibet aliquid, lege naturali prohibitum.*
- 7 *Verè tamen, tunc etiam excusat.*
- 8 *Lex humana, regulariter, non obligat cum graui incommodo.*
- 9 *Vnde, tunc, obligat solum lex naturalis.*
- 10 *Sicut, cum quis, legem humanam inuincibiliter ignorat.*
- 11 *Humana prohibitio, tunc, non magis obligat, quam, si inuincibiliter ignoraretur.*
- 12 *Metus, excusat à pœnâ, debitâ ex vâ iuris humani, non naturalis.*
- 13 *Vbi tamen agitur de bono communi, neque à violatione,*

ac pœna iuris humani.

- 14 *Peccat tunc, quis, solum materialiter, contra legem humanam, non formaliter.*
- 15 *Metus excusat à Censuris.*
- 16 *Nec in Confessione, est explicanda, circumstantia violationis iuris humani.*
- 17 *Neque ulla irregularitas, incurritur, ob violationem censuræ.*
- 18 *Votum obligat ad instar legis humane.*

RATIONES DVBITANDI.

- 2 **Q**UAMVIS metus gravis, à præceptorum humanorū transgressionem excuset, quando hæc, aliis quid, alias, non intussecè malum præcipiunt, vel prohibent: Est tamen specialis difficultas; an excuset, quando prohibent aliquid Di-
uina,

alio, vel naturali lege, prohibi-
tum; Multi enim qui, in primo
casu, hoc concedunt; in secundò
negant; eisque propterea, Sacer-
dos videtur, Clericum occidendo,
sacrilegium commississe, & conse-
quenter excommunicationem Ca-
nonis, & irregularitatem contra-
xisse. *Sansb. lib. 9. matr. disp. 31.
num. 6. Duard. in explic. Bulla
Cœna lib. 1. c. 2. quæst. 2. num. 7.
& lib. 2. c. 3. qu. 13. concl. 3.*

Primò; Quia occidit personam
Deo consecratam; hoc autem, est
Sacrilegium, non minus, quam si
occidisset, in loco Sacro. Neque
obstat, quod, metu mortis com-
pulsus, occiderit; Quia, cum oc-
cisis Innocentis, priuata auctori-
tate, sit actio intrinsecè mala, &
contra legem naturalem, nullo me-
tu excusari potest à culpà; teneba-
tur enim, mortem subire potius, quàm
Clericum innocentem occidere,
cum malum culpæ, cuiusque ma-
lo, etiam propriæ mortis, præferre
teneretur. Si autem mortis metus,
non sufficit ad Clerici homicidium
excusandum à culpà, illud conse-
quenter, nec excusare valebit à
pœnà excommunicationis, ac ir-
regularitatis, illi annexà.

4 Secundò; Quia in ijs, quæ iuri
Diuino, ac naturali aduersantur,
quale est Clerici homicidium, me-
tus non excusat à pœnà, vt habe-
tur; c. si quis coactus 2. quæst. 5. ibi
*Si quis coactus, pro viâ redimen-
da, vel pro qualibet causâ, vel ne-
cessitate periuret; quia plus corpus,
quàm animam dilexit, tres qua-
dragesimas panis eat*; Ergo etiam

in Clerici homicidio, quod legi
Diuinæ, ac naturali aduersatur, me-
tus, Sacerdotem homicidam ab ex-
communicatione, ac irregularita-
te excusare non potuit.

5 Tertiò; Quia, in c. *Sacris; de his,
quæ vi.* Pontifex decernit; com-
municationem cum excommunica-
to vitando, factam per vim, &
coactionem, excusari à culpà, quia
est simpliciter inuoluntaria; factam
verò per metum, non excusari, li-
cet minuat, quia est simpliciter
voluntaria: addique: *licet metus
attenuet culpam; quia tamen non
eam prorsus excludit, cum pro
nullo metu debeat quis mortale
crimen incurrere; excommunica-
tionis labe credimus inquinari.* Sed
ergo metus, communicationem cū
excommunicato vitando, ab ex-
communicatione non excusat, quia
non excusat à culpà; multò minus
excusabit Clerici homicidium ab
excommunicatione, ac irregulari-
tate, cum illud similiter non ex-
cuset à culpà.

6 Quartò; quia Vxor, quæ metu
mortis, copulam habuit cum fra-
tre Mariti, priuatur iure petendū
debitum, quia metus, licet cul-
pam minuat, illam tamen non re-
lit. Sed hoc idem valet in Cleri-
ci homicidio, Ergo etiam, Cleri-
ci homicida, excommunicationem,
& irregularitatem incurrit; Non
minus enim, ei fuit voluntarium
homicidium, quam Vxori incestus
cum fratre Mariti, nec minus est
intrinsecè malum homicidium, quàm
incestus.

RESOLVTIO.

7 **R** Espondetur tamen; Sacerdotem, metu mortis, Clericum occidendo, sacrilegium non commisisse, sed simplex homicidium; ideoque, neque excommunicationem, aut irregularitatem incurrisse. *Suar. tom. 5. in 3. p. d. 4. f. 3. num. 14. Sanchez tacite se retrahens. lib. 2. sum. c. 10. num. 49. Auila de cens. p. 2. c. 5. d. 8. dub. 5. Vasq. 1. 2. d. 98. c. 3. Clau. reg. lib. 2. c. 5. num. 11. Salas 1. 2. tr. 13. d. 3. f. 2. num. 14. Suar. tom. 1. de relig. lib. 3. de sacril. c. 2. num. 4. Comitulus lib. 5. quest. 8. & alij apud istos.*

8 Primò, quia Sacerdos, Clericum sic occidendo, peccauit solum contra legem naturalem, prohibentem homicidium, non verò contra legem Ecclesiasticam, ex motiuo Religionis, ac in reuerentiam status Clericalis, prohibentem, ne quis manus violentas in Clericum iniiciat; *can. si quis suadente. 17. qn. 4.* Hæc enim, cum sit lex humana, in eo casu, cum tanto incommodo, ac vitæ discrimine, non obligabat. Circumstantia autem sacrilegij, desumitur ex legis Ecclesiasticæ prohibitione; hæc enim, ex motiuo Religionis, & in reuerentiam status Clericalis, prohibet, ne quis manus violentas in Clericum iniiciat. Cum ergo Sacerdos, metu mortis sibi incusso, Clericum occidens, contra legem Ecclesiasticam non peccauerit, consequenter neque Sacrilegium commisit,

neque excommunicationem, aut irregularitatem contraxit; Censuræ enim non incurruntur, nisi peccetur præcisè contra legem Ecclesiasticam, vt docent communiter Doctores in materiâ de Censuris.

9 Secundò; Quia, quando lex humana, prohibet aliquid, quod est intrinsecè malum; quamuis teneatur quis, mortem potius subire, quam illud agere; hæc tamen obligatio, ex ipsâ lege humanâ non prouenit; Hæc enim non obligat cum vitæ periculo; Sed ex vi præcepti naturalis, actionem intrinsecè malam prohibentis. Quamuis ergo Sacerdos, mortem subire potius, quam Clericum occidere teneretur: hæc tamen obligatio, ex lege Ecclesiasticâ non oriebatur, sed solum ex naturali; ideoque peccauit solum contra legem naturalem, non verò contra Ecclesiasticam. Si autem contra legem Ecclesiasticam non peccauit, neque eius pœnas incurrit; hæc enim transgressoribus solum sunt impositæ.

10 Tertiò; Quia, qui furatur, inuincibiliter ignorans, excommunicationem esse furto ab Episcopo impositam, propter furtum, excommunicationem illam non incurrit; Tum quia; *in c. vt animarum: de constit. in 6.* expressè decernitur; sententijs per statuta Ordinariorum prolatis, non ligari ignorantes. Tum quia, Episcopi legem inuincibiliter ignorans, offendit tantum ius naturale, contra quod se agere cognoscit, non verò Episcopo-

scopi ius positum, quod inuincibiliter ignorat; Ergo solius prioris iuris poenâ incurrit, non verò excommunicationem, quæ est poenâ, per legem Episcopalem, imposita. Sed etiam Sacerdos, Clericum, metu mortis, occidens, offendit solam legem naturalem, quæ sola obligabat, non verò Ecclesiasticam; Quia hæc, in eo casu, & cum vitæ discrimine, non obligabat. Ergo ipse etiam, solius iuris naturalis poenâ incurrit, non verò iuris Ecclesiastici; Sicut enim se habet ignorantia, in ordine ad excusandam à legis transgressione; ita se habet metus, præsertim mortis, in lege humana.

OBIECTIONVM SOLVTIO.

11 **N**Equè obstant rationes in contrarium. Ad primam enim respondetur, Sacerdotem, occidisse personam Deo consecratam, solum materialiter; quia circumstantia personæ Sacrae, ratione metus, illum tunc non obligabat, magis quàm si occidisset, inuincibiliter ignorans, esse Clericum, siue personam Deo consecratam; Non minus enim metus, habet vim excusandi à legis Ecclesiasticæ transgressione, quam ignorantia inuincibilis, eò quod lex Ecclesiastica non obliget cum graui detrimento ac incommodo. Sicut ergo, si Clericum occidisset, inuincibiliter ignorans, esse Clericum, sacrilegium non commississet, sed simplex homicidium contra legem naturalem; Ita illum occidens, metu

mortis compulsus, sacrilegium non commisit, sed simplex homicidium contra legem naturalem, à cuius transgressione, metus, illum non excusauit.

12 Ad secundam responderetur; In ijs, quæ iuri diuino, ac naturali aduersantur, metum non excusare à poenâ, ex vi illius iuris debitâ; A poenâ autem debitâ ex vi alterius iuris, posse optimè excusare; Sicut enim excusare potest à transgressione alterius iuris, nempe humani, ita excusare potest etiam à poenâ, per tale ius, transgressoribus impositâ. Atque ita Sacerdotem, de facto, à poenâ excommunicationis, & irregularitatis excusauit.

13 Ad tertiam, Respondetur; Pontificem ibi loqui, vel de communicatione in crimine; vt docet *D. Thomas quodlib. 11. ar. 9.* Vel de communicatione cum iniuriâ fidei, & contemptu censuræ, vt volunt, *Azor. tom. 1. lib. 1. c. 11. quæst. 1. Salsu de legibus d. 11. f. 1. n. 15. & Sayr. lib. 2. de cens. c. 14. n. 43.* alios referens; In quibus casibus, metus non excusat à culpâ mortali, etiam contra Ecclesiæ prohibitionem, cum Ecclesia, in istis casibus, vbi agitur de bono communi Religionis, obliget etiam cum mortis periculo, vt *Quæst. præced.* dictum est. In his ergo casibus, sicut metus non excusat à culpâ mortali contra Ecclesiæ prohibitionem de non communicando cum excommunicato, ita non excusat à Censurâ.

14 Ad quartam responderetur; Idem

omnino dicendum esse de Vxore , quæ metu mortis compulsâ , commisit incestum , quod dicitur , de Sacerdote , qui metu mortis , Clericum occidit ; scilicet , illam incestum commississe solum materialiter , perinde ac , si inuincibiliter ignorasset , eum , cum quo copulam habuit , fratrem esse Mariti ; Ideoque nullam penam , à Iure Ecclesiastico impositam , incurrisse ; cum , ratione metus , nullo modo ins illud offenderit , sed peccauerit solum contra ius naturale , quod illam obligabat ad mortem potius subeundam , quam ad copulam illam permittendam ; eadem enim prorsus est ratio , in vno casu , ac in alio .

COROLLARIA .

- 15 **C**olligitur ex dictis primò ; Si lex aliqua Ecclesiastica , Missæ auditionem præciperet diebus festis sub penâ excommunicationis lætæ sententiæ ; omittentem tunc Missam metu mortis , excommunicationem non incursum , etiam si metus incurreretur in odium , ac contemptum Religionis . Quia omittens Sacrum , tunc peccaret ad summum contra legem naturalem de Fide , ac Religione tuendâ ; non verò contra legem humanam Ecclesiasticam , quia hæc non obligaret cum tanto incommodo ; excommunicatio autem non incurritur nisi præcisè contra ipsam legem Ecclesiasticam peccetur .

16 Secundò ; Sacerdotem , quæ ad euadendam mortem sibi , ab alio comminatum , Clericum occidit , non teneri in confessione , Clericus circumstantiam explicare , sed satisfacere dicendo ; *occidi hominem* . Cum enim hoc peccatum , sacrilegij circumstantiam non habuerit , consequenter illam explicare non tenetur , imo nec potest ; confiteretur enim peccatum sacrilegij , quod verè non commisit ; nisi tamen simul circumstantiam metus sibi illari explicaret .

17 Terriò ; Sacerdotem , nullam irregularitatem ex celebratione contraxisse ; Quia non erat in statu Censuræ , ideoque , præmissâ confessione simplicis homicidij , licite poterat celebrare .

18 Quartò ; Eum , qui voueret , aliquod peccatum lege naturali prohibitum non committere ; V. G. Non fornicari ; si deinde , ad euadendam mortem , sibi comminatum , fornicaretur ; non peccatum peccato Sacrilegij contra Votum , sed solum peccato simplicis fornicationis . Cum enim Votum , sit veluti lex quædam priuata , quam homo sibi imponit ; obligat solum ad instar legis Ecclesiasticæ , quæ ab homine imponitur ; ideoque non obligat , cum graui detrimento , ac incommodo . In Confessione ergo satisfaceret dicendo ; *fornicatus sum* ; nec circumstantiam Voti explicare teneretur ; imo nec posset , vt de circumstantia sacrilegij dictum est .

Q V A E S T I O X L I .

An metus grauis, à Legis Diuinæ positivæ transgressione, excuset.

C A S V S .

C V M plures, in eadem Naui, ad Loca Sancta traicerent, in eaque vnicus esset Sacerdos; accidit, vt Nauis exortà repente tempestate, ad scopulum alliserit, atque ita fluctibus iactaretur. vt submersiōis periculum immineret. Omnes, qui erant in Naui, imminentis periculi timore percussi, ad Sacerdotem statim confugerunt, vt ei peccata confiterentur; Et quia periculum imminens, tempus integrè confitendi non concedebat, singuli, vnum tantum, aut alterum peccatum, confessi sunt. *Queritur; Vtrum, contra præceptū de Confessionis integritate, mortaliter peccauerint.*

S V M M A R I V M .

- | | | | |
|---|---|----|---|
| 1 | <i>Præceptum de Confessionis integritate, obligare videtur cum quocumque periculo.</i> | 11 | <i>Res prohibita, tunc, solum ex Dei voluntate, est mala.</i> |
| 2 | <i>Sicut lex naturalis.</i> | 12 | <i>Quando nam metus non excuset.</i> |
| 3 | <i>Et sicut præceptum de sigillo Confessionis.</i> | 13 | <i>Præceptum Diuinum positivum obligat sicut humanum.</i> |
| 4 | <i>Verè tamen non obligat.</i> | 14 | <i>Præceptum de Confessionis integritate, obligat, sicut Præceptum de restitutione.</i> |
| 5 | <i>Præceptum Diuinum de re non intrinsecè mala, regulariter, non obligat cum graui incommodo.</i> | 15 | <i>Præceptum Sigilli, ordinatur ad bonum Sacramenti.</i> |
| 6 | <i>Nec Deus, per illud, intendit, cum graui incommodo, obligare.</i> | 16 | <i>Adultus, metu mortis, baptismum potest omittere.</i> |
| 7 | <i>Sicut, nec aliqua præcepta naturalia, sic obligant.</i> | 17 | <i>Quandonam, lex postitiua Diuina, obligat etiam cum vite periculo.</i> |
| | | 18 | <i>Qua præcepta naturalia, cum eo periculo, non obligent.</i> |

RA-

RATIONES DVBITANDI.

2 **C**ausa est adeo clara, ac obuius, vt praxis ipsa, nullum dubitationi locum relinquere videatur, Quia tamen, quo clarior est, eo etiam clarius propositæ questionis veritatem ostendit; illum examinare hic placuit; Quæ enim de eo dicuntur, innumeris alijs casibus applicari poterunt, licet metus, non sit mortis, sed alterius grauis mali imminens.

3 Aliquibus ergo Nauigantes, illi, videntur mortaliter peccasse; Ita *Gerfon. p. 2. & Vitoria. in relect. de temp. concl. 2. n. 10.*

4 Primò; Quia fecerunt contra præceptum Diuinum de integritate Confessionis; Nam præceptum Diuinum, obligat, etiam cum quocumque periculo; magis enim, ac strictius obligat, quam præceptum humanum; Hoc autem obligat; etiam cum vitæ periculo; Si enim Princeps, tempore pestis, Medico præcipiat, ne à Ciuitate discedat; tenetur ille, etiam cum vitæ periculo non discedere; Et, si, ad saluandam vitam, discedat, mortaliter peccat. Sicut ergo Medicus, contra Principis præceptum, à Ciuitate recedendo, peccaret, quamuis recederet ad vitam saluandam; ita peccarunt Nauigantes, contra præceptum diuinum de confessionis integritate, aliqua peccata in Confessione tacendo; Quamuis propter imminens periculum, ea tacuerint.

5 Secundò; Quia lex diuina de

Confessionis integritate, non minus obligat, quam lex naturalis; Sed lex naturalis, ita obligat, vt nullus metus, ab eius transgressione excuset; Ergo etiam lex diuina de Confessionis integritate; ideoque mortaliter peccarunt Nauigantes, dum metu mortis, aliqua peccata in Confessione tacuerunt.

6 Tertiò; Quia aliqua præcepta positiua Diuina, de facto obligant, etiam cum vitæ periculo; Ita enim obligat, in omnium sententiâ, præceptum de sigillo Confessionis seruando; de consecratione in duplici specie; Et de sacrificij consumptione; de debitâ Sacramentorum confessione; de extremâ unctione danda solum infirmo, & non sano; & similia; quæ obligant, etiam cum vitæ periculo. Ergo omnia, cum eodem periculo; obligabunt; Nulla enim apparet ratio, cur aliqua ita obligent, & non omnia. Si autem præceptum de Confessionis integritate, obligat etiam cum vitæ discrimine, excusare ab illa non potuit Nauigantes, mortis metus; ita vt aliqua peccata in Confessione tacendo, mortaliter non peccauerint.

RESOLVTIO.

7 **R**espondetur tamen; Nauigantes, aliqua peccata in Confessione, ob imminens mortis periculum, tacendo, nullo modo peccasse. *Sus. de cens. dub. 6. f. 3. num. 7. & de legib. lib. 3. c. 30. n. 6. Vasq. 1. 2. d. 162. c. 2. Sanchez. lib. 1. c. 18. num. 4. Salas. tr. 3. d. 3. f. 1. num.*

num. 35. Azor. lib. 1. c. 11. quæst. 2.
Clavis reg. lib. 3. c. 7. num. 34. So-
tus lib. 1. de iust. quæst. 6. art. 4. ad
finem corp. & alij communiter.

8 Primò; Quia præceptum de Cō-
 fessionis integritate, quamvis di-
 uinum, cum sit de re, quæ ex se,
 non est intrinsecè mala, sicut est
 fornicatio, regulariter non obli-
 gat cum graui detrimento, ac in-
 commodo; Quamvis enim, Deus,
 cum isto rigore, etiam cum vitæ
 periculo, homines ad suæ legis ob-
 seruantiā obligare posset; Ex
 suauit tamen prouidentia, hac po-
 testate non vitur, nisi grauissimā
 aliquā causa id exigente; vt quan-
 do modus iste obligandi, ad bo-
 num commune necessarius est,
 ac expediens; alioquin falsum es-
 set, quod mandata eius grauiā non
 essent, nec Christi iugum, suaue
 esset, & onus leue, sed potius val-
 de asperum, ac graue. Cum ergo,
 in hoc casu, præceptum de Cōn-
 fessionis integritate, à Nauiganti-
 bus, sine graui incommodo, ser-
 uari non posset, illos non obliga-
 bat; ideoque etiam plura peccata
 in Confessione tacendo, illud nul-
 lo modo violarunt.

9 Secundò; Quia, hæc Dei inten-
 tio, non obligandi regulariter per
 sua præcepta, cum graui detri-
 mento, ac incommodo, sed huma-
 næ imbecillitati, ac fragilitati, se
 accommodando, ex varijs scripturæ
 locis colligitur. Nam David, ne
 vnā cum suis, fame deficeret, 1.
Reg. 21. panes propositionis com-
edit; quod, lege diuinā, laicis erat
omnino prohibitum; Et tamen

hoc factum Dominus non damna-
 uit, vt habetur *Matt. 12. & die*
Sabbati, Discipuli, sine vilo pec-
cato, spicas colligebant; & Matta-
tias cum suo exercitu, necessitate
compulsus, pugnauit, primo Ma-
thab. 3. Et tamen, eo facto, nul-
lum commisit peccatum; quia,
 propter vigentem necessitatem,
 excusabatur. Sicut ergo præce-
 pta ista, quamvis diuina, non obli-
 gabant cum graui incommodo, ita
 cum graui incommodo non obli-
 gat præceptum de integritate Con-
 fessionis.

10 Tertiò; Quia multa præcepta;
 quamvis sint de iure naturali diui-
 no, non tamen obligant cum peri-
 culo grauis incommodi; Votum
 enim, quamvis sit debitum iure di-
 uino naturali, non tamen obligat
 cum graui incommodo. Restitu-
 tio, licet iure diuino, ac naturali
 faciendā sit, non tamen obligat,
 cum fieri non potest, nisi cum pro-
 prio detrimento longe maiori; Cō-
 fessio, quamvis iure diuino ante
 sumptionem Eucharistiæ præmit-
 tendā sit, non tamen obligat sim-
 pliciter, & in omnibus casibus.
 Ergo idem dicendum videtur etiā
 de præcepto integritatis confесси-
 onis, & aliorum similium præcepto-
 rum diuinorum; quod scilicet non
 obligent cum graui incommodo;
 præcepta enim diuina positiua, non
 magis obligant, quàm præcepta
 naturalia, cum horum obligatio
 censetur omnium maxima.

11 Quartò; Quia, quod lege diuinā
 positiuā prohibetur, non est in-
 trinsecè malum, sed est malum so-
 lum

lūm ex voluntate Legislatoris illud prohibentis. Verisimile autem non est, Deum regulariter vel-
le, aliquid esse malum, & ad illud nos obligare, etiam cum graui detrimento, ac periculo; præsertim, quando præceptum ordinatur ad propriam, ac specialem vtilitatem Operantis, eamque respicit tanquam finem; quale est præceptum de Confessionis integritate, & similia.

- 12 Dixi tamen, regulariter, quia, si violatio legis diuinæ positiuæ, vel cum fidei, & Religionis contemptu, coniuncta sit, vel cum aliorum offensione, ac detrimento, tunc nullus mortis metus excusat, sed lex obligat, etiam cum mortis periculo; & hac ratione, mortem subiete Fratres Machabei, quia in contemptum diuinæ Legis, ad carnes fuillas comedendas, ab impio Rege adigebantur. Similiter, si ob salutem, ac bonum aliorum, diuinæ legis præcepta implere necesse sit, tunc etiam, nullus mortis metus excusat; Vnde, peste seuiente, vel naufragio, aut bello, vel fame præmente, Episcopi, vel Presbyteri, nequaquam excusantur, si metu mortis, greges sibi commissos destituant; vel, si infans vita periclitetur, nec sit, qui ei baptismum conferre possit; præceptum charitatis, & baptismi obligat ad eum baptizandum, ne paruulus, sine baptismo decedens, pereat, quamuis alius mortem minetur, si eum baptizes.

OBJECTIONVM SOLVTIO :

- 13 **A**D rationes autem in contrarium respondetur, ad primam; Præcepta diuina positiua, quo ad modum obligandi, non differre à præceptis humanis; Vtraque enim obligant solum humano modo, hoc est, quando impleri possunt sine notabili detrimento, ac incommodo. Neque exemplum Medici, valet. Nam, sicut in politicis, dantur aliquæ actiones, quæ, de se, respiciunt, non bonum commune, sed potius singulorum vtilitatem; Ita in spiritualibus, dantur aliquæ actiones, quæ, de se, respiciunt bonum Religionis, eiusque conseruationem, & aliquæ, quæ respiciunt particularem vtilitatem ipsius Operantis. Sicut ergo, in politicis, operationes, de se, respicientes bonum commune, præcipiuntur per præcepta obligantia, etiam cum vitæ periculo; vt est assistentia Medici, tempore pestis; operationes verò, de se respicientes bonum particulare singulorum, præcipiuntur per præcepta, obligantia solum, quando sine graui incommodo impleri possunt; Ita in spiritualibus, operationes, de se, respicientes bonum commune Religionis, per præcepta diuina ita præcipiuntur, vt obligent cum vitæ periculo, nec eas omittere liceat, etiam si mortem quis subire deberet; bonum enim commune Religionis, quod in his præceptis attenditur, cuilibet damno particulari præponi debet. Atque ita obli-

obligat præceptum de sigillo Confessionis; de consecratione in duplici specie; & vniuersaliter de debita Sacramentorum confessione. Operationes verò, singulorum utilitatem respicientes, præcipiuntur per præcepta, obligantia solum, quando sine graui incommodo impleri possunt; Atque ita obligat, præceptum de integritate Confessionis, & de illà præmittendà ante sumptionem Eucharistiæ; præceptum de baptismo sumendo in adultis &c.

14 Ad secundam; responderetur? Præceptum de Confessionis integritate, obligare, sicut obligat alia quæ lex naturalis; obligat enim, sicut obligat præceptum restitutionis; Hoc autem obligat solum, cum sine graui detrimento impleri potest.

15 Ad tertiam; Iam patet disparitas inter præceptum de sigillo, & præceptum de Confessionis integritate; Nam primum respicit, de se, bonum commune Religionis; sicut præceptum de non danda absolutione, sine debita iurisdictione; Ordinatur enim ad hoc, vt Confessio non reddatur nimis onerosa, & ne Fideles, ab eà retrahantur; quod immediatè pertinet ad bonum commune Religionis. Secundum verò, ordinatur per se ad bonum ipsius Pœnitentis. Hinc ergo fit, vt primum obliget etiam cum vitæ periculo, secundum verò solum, quando sine notabili incommodo, impleri potest.

NOTABILIA:

16 **C**olligitur ex dictis primò; Nō teneri Adultum, cum vitæ periculo, Sacramentum baptismi suscipere; quia consulere sibi potest contritione, Dei auxilio, habita; Si tamen Adultus, esset iam in mortis articulo constitutus, tunc teneretur baptismum non omittere, etiamsi Tyrannus mortem statim inferendam minaretur; Quia tunc, nulla daretur sufficiens causa illum omitendi; illa enim mortis acceleratio, non esset tanti momenti, vt propter eam, Sacramentum, ad salutem tam necessarium, omitteret; Cum præsertim, valde difficile sit, ac incertum, per solam contritionem, saluari.

17 Secundò; Legem diuinam posituam, obligare cum mortis periculo, quando eius obseruantia includit circumstantiam maioris boni, quam sit, propriam vitam seruare; Atque ita obligat sigillum Confessionis, quia includit circumstantiam maioris boni; maius enim bonum est, quod homines à Sacramento Confessionis non retrahantur, quam quod Titius viuat. Verum, hæc ratio, reducitur ad rationem boni communis, quod semper particulari preferendum est.

18 Tertiò; etiam aliqua præcepta naturalia affirmatiua; vt est præceptum restitutionis; & præceptum de subueniendo proximo in extrema necessitate constituto; non obligare cum vitæ periculo; quia, cum, vita humana, sit maximum

R

bo-

bonum, ius naturale dicat, non teneri hominem, vitam pro legis cuiuscumque obseruatione exponere, nisi aliunde aliquid malum maximum sequeretur; Vnde, etiam in extrema necessitate, licitum est,

rem alienam, inuito domino, accipere; Imo hæc præcepta propterea dicuntur affirmatiua, quia non obligant semper, & ad semper, sed solum, quando oportet, & sicut oportet, seruatō ordine charitatis.

Q V A E S T I O X L I I .

An Metus gravis, legis naturalis violationem impediat.

C A S V S .

- 1 **D**VM Turcæ, cum Christianis bellum gererent; Fideles quidam, in eorum triremibus captiui, & remigare, & arma ab eis ad Christianos occidendos petita, suppeditare recusarunt; Turcæ tamen, & verberibus, & minis eos ad vtrumque coegerunt; Queritur, an Fideles, & remigando, & arma suppeditando, mortaliter peccauerint.

S V M M A R I V M .

- | | | | |
|---|--|----|--|
| 3 | Fideles Captiui, arma Turcis suppeditando, videntur mortaliter peccasse. | 10 | Quot modis, Proximi mala cooperari quis possit. |
| 4 | Cooperari enim alterius morti videtur intrinsecè malum. | 11 | Fideles Captiui, arma Turcis suppeditando, non peccarunt. |
| 6 | Non minus, quam blasphemare. | 12 | Suppeditatio illa, de se, non est intrinsecè mala. |
| 7 | Opponitur præcepto negatiuo, ut blasphemia. | 13 | Posito metu, non est cooperatio voluntaria ad malum. |
| 8 | Et sicut occisio directæ Innocentis. | 14 | Sicut Eucharistia ministratio, occulto Peccatori publicè petente, ex iustâ causâ, licet. |
| 9 | Quot modis, operatio, possit esse intrinsecè mala. | 15 | Et petitio mutui ab Vfurario. |
| | | 16 | Armorum suppeditatio est cooperatio solum materialis. |

Quæ

- 17 *Qua, non est intrinsecè mala.*
 18 *Sicut est formalis.*
 19 *Qua opponitur præcepto negativo.*
 20 *Occisio, est essentialiter cooperatio formalis.*
 21 *Qua actiones, ratione metus, à peccato excusentur.*
 22 *An excusetur reuelatio secreti.*
 24 *Et Sacramentorum confectio in materia dubia.*
 25 *Et ignis delatio, & applicatio ad domum comburendam.*

RATIONES DVBITANDI.

- 2 **S**icut dantur aliqua præcepta Diuina positiua, quæ obligant solum humano modo; hoc est; quando sine graui incommodo, impleri possunt; Ita dantur etiam aliqua Naturalia. De his ergo solum quaeritur; An ab eorum transgressione, Metus grauis excuset; Nam à transgressione aliorum, certum est, non excusare.
- 3 Aliqui autem putant, Metum, quantumuis grauem, neque ab horum violatione excusare; ideoque Fideles captiuos, quamuis metu mortis compulso, & remigando, & arma Turcis suppeditando, mortaliter peccasse, Ita *Nauar. c. 27. sum. num. 63. Tolet. c. 24. sum. excom. 5. in fine. Sayr. de censur. lib. 3. c. 7. num. 8. Suar. to. 5. in 3. p. d. 21. s. 2. Comitol. lib. 3. qu. 8. Bria p. 2. casu 24.*
- 4 Primò; Quia, quamuis metu mortis, & ad vitæ conseruationem hoc fecerint, aliàs à Turcis occidendi; hoc tamen suffi-

cere non videtur, ad eos à mortali excusandos; Nam arma Turcis porrigendo, & verè Christianorum occisioni, ac captiuitati cooperati sunt; Cooperatio autem ad iniustam occisionem, vel captiuitatem, cum sit actio intrinsecè mala, nullo mortis metu excusari potest à mortali.

- 5 Secundò; Quia, quamuis remigatio, & armorum porrectio, secundum se, & abstractè considerata, sint operationes indifferentes; consideratae tamen in talibus circumstantijs, siue prout hic, & nunc fiunt, sunt veræ cooperationes ad actus iniustos; sunt enim auxilium necessarium, vel vtile, Turcis exhibitum ad eorum iniustitias exercendas. Cooperatio autem, ad malum, cum sit intrinsecè mala, nullo mortis metu fieri potest licita. Ergo Christiani, in Turcarum Triremibus, has actiones exercentes, à mortali excusari non possunt.

- 6 Tertiò; Quia non minus est intrinsecè malum, cooperari malo, quam mentiri, vel blasphemare, aut fornicari; Sicut enim hæc, ideo sunt intrinsecè mala, quia non sunt mala, quia prohibita, sed sunt prohibita quia mala; Ita cooperari malo, non est malum, quia prohibitum, sed potius prohibitum, quia malum. Sed mentiri, aut blasphemare, neque ex metu mortis, & ad vitæ conseruationem, vnquam licet; Ergo neque licebit ad saluandam vitam, actui iniusto, ac peccaminoso cooperari. Cum ergo Christianorum occisio, ac captiuitas, sint actiones iniustæ,

R 2 ne-

bonum, ius naturale dicat, non teneri hominem, vitam pro legis cuiuscumque observatione exponere, nisi aliunde aliquod malum maximum sequeretur; Vnde, etiam in extrema necessitate, licitum est,

rem alienam, invito domino, accipere; Imo hæc præcepta propterea dicuntur affirmatiua, quia non obligant semper, & ad semper, sed solum, quando oportet, & sicut oportet, seruatō ordine charitatis.

Q V A E S T I O X L I I .

An Metus grauis, legis naturalis violationem impediat.

C A S V S .

- 1 **D** V M Turcæ, cum Christianis bellum gererent; Fideles quidam, in eorum triremibus captiui, & remigare, & arma ab eis ad Christianos occidendos petita, suppeditare recusarunt; Turcæ tamen, & verberibus, & minis eos ad vtrumque coegerunt; Queritur, an Fideles, & remigando, & arma suppeditando, mortaliter peccauerint.

S V M M A R I V M .

- | | | | |
|---|--|----|--|
| 3 | Fideles Captiui, arma Turcis suppeditando, videntur mortaliter peccasse. | 10 | Quot modis, Proximi malo cooperari quis possit. |
| 4 | Cooperari enim alterius morti videtur intrinsecè malum. | 11 | Fideles Captiui, arma Turcis suppeditando, non peccarunt. |
| 6 | Non minus, quam blasphemia. | 12 | Suppeditatio illa, de se, non est intrinsecè mala. |
| 7 | Opponitur præcepto negatiuo, ut blasphemia. | 13 | Posito metu, non est cooperatio voluntaria ad malum. |
| 8 | Et sicut occisio directæ Innocentis. | 14 | Sicut Eucharistia ministratio, occulto Peccatori publicè petenti, ex iustâ causâ, licet. |
| 9 | Quot modis, operatio, possit esse intrinsecè mala. | 15 | Et petitio mutui ab Vsurario. |
| | | 16 | Armorū suppeditatio est cooperatio solum materialis. |

Quæ

- 17 *Qua, non est intrinsecè mala.*
 18 *Sicut est formalis.*
 19 *Qua opponitur præcepto negativo.*
 20 *Occisio, est essentialiter cooperatio formalis.*
 21 *Qua actiones, ratione metus, à peccato excusentur.*
 22 *An excusetur reuelatio secreti.*
 24 *Et Sacramentorum confectio in materiâ dubiâ.*
 25 *Et ignis delatio, & applicatio ad domum comburendam.*

RATIONES DVBITANDI.

2 **S**icut dantur aliqua præcepta Diuina positia, quæ obligant solum humano modo; hoc est; quando sine graui incommodo, impleri possunt; Ita dantur etiam aliqua Naturalia. De his ergo solum quaeritur; An ab eorum transgressione, Metus grauis excuset; Nam à transgressione aliorum, certum est, non excusare.

3 Aliqui autem putant, Metum, quantumuis grauem, neque ab horum violatione excusare; ideoque Fideles captiuos, quamuis metu mortis compulso, & remigando, & arma Turcis suppeditando, mortaliter peccasse, Ita *Nauiar. c. 27. sum. num. 63. Tolet. c. 24. sum. excom. 5. in fine. Sayr. de censur. lib. 3. c. 7. num. 8. Suar. to. 5. in 3. p. d. 21. s. 2. Comitol. lib. 3. qu. 8. Beia p. 2. casu 24.*

4 **P**rimò; Quia, quamuis metu mortis, & ad vitæ conseruationem hoc fecerint, aliàs à Turcis occidendi; hoc tamen suffi-

cere non videtur, ad eos à mortali excusandos; Nam arma Turcis porrigendo, verè Christianorum occisioni, ac captiuitati cooperati sunt; Cooperatio autem ad iniustam occisionem, vel captiuitatem, cum sit actio intrinsecè mala, nullo mortis metu excusari potest à mortali.

5 **S**ecundò; Quia, quamuis remigatio, & armorum porrectio, secundum se, & abstracte considerata, sint operationes indifferentes; consideratae tamen in talibus circumstantijs, siue prout hic, & nunc fiunt, sunt veræ cooperationes ad actus iniustos; sunt enim auxilium necessarium, vel vtile, Turcis exhibitum ad eorum iniustitias exercendas. Cooperatio autem, ad malum, cum sit intrinsecè mala, nullo mortis metu fieri potest licita. Ergo Christiani, in Turcarum Triremibus, has actiones exercentes, à mortali excusari non possunt.

6 **T**ercio; Quia non minus est intrinsecè malum, cooperari malo, quam mentiri, vel blasphemare, aut fornicari; Sicut enim hæc, ideo sunt intrinsecè mala, quia non sunt mala, quia prohibita, sed sunt prohibita quia mala; Ita cooperari malo, non est malum, quia prohibitum, sed potius prohibitum, quia malum. Sed mentiri, aut blasphemare, neque ex metu mortis, & ad vitæ conseruationem, vnquam licet; Ergo neque licebit ad saluandam vitam, actui iniusto, ac peccaminoso cooperari. Cum ergo Christianorum occisio, ac captiuitas, sint actiones iniustæ,

R 2 ne-

neque ad salvandam vitam, potuit Christianis captivis esse licitum, illis cooperari.

- 7 Quarto; Quia, non minus cooperatio ad malum, opponitur præcepto naturali negativo, quam mendacium, vel fornicatio; Sicut enim dicitur; *Non mentieris, non mechaberis &c.* ita dicitur; *non cooperaberis peccato, siue ruina spirituali proximi tui.* Ergo cooperatio ad mortem iniustam Christianorum, non minus est intrinsecè mala, quam fornicatio; Ideo enim fornicatio est intrinsecè mala, quia opponitur præcepto naturali negativo; vel saltem eius malitia intrinseca ex eo colligitur. Sed etiam cooperatio ad malum, opponitur præcepto naturali negativo charitatis. Ergo hæc etiam, erit intrinsecè mala; Ideoque, ex nullo titulo, vñquam licita; Hinc enim est, quod præcepta naturalia negativa, dicantur obligare semper; & ad semper, quia, cum prohibeant actiones intrinsecè malas, illas absolute prohibent, in quacunque circumstantia, etiamsi mortis periculum immineat. Quamvis ergo Christiani captivi, metu mortis coacti, arma Turcis porrexerint, ad Christianos iniuste occidendos, non propterea excusari possunt à mortali.

- 8 Quintò; Quia, si Christiani captivi, in Turcarum Tirimibus existentes, quamvis metu mortis tormenta bellica, contra Christianos in bello pugnantes, explosissent, certè mortaliter peccassent, quia, ex nullo mortis metu, licet

directè, & per se, innocentem occidere. Ergo similiter, quamvis metu mortis, arma Turcis contra Christianos porrexerint, mortaliter peccarunt; quia sicut ex nullo mortis metu licet, innocentem occidere; ita ex nullo mortis metu licet, eius mortui cooperari.

NOTABILIA.

- 9 **A** Duertendum est primò; Dupliciter posse operationem aliquam, dici intrinsecè malam; primò ex eo, quod secundum se, absolute, & sine villo respectu ad aliquid extrinsecum, sit talis. Et hæc, ita est mala, vt nullà concessionem, nullo fine, nullà additâ circumstantiâ, fieri vñquam possit bona; Cum enim eius malitia, ex illius substantia, & essentia secundum se considerata, oriatur; sicut essentia, aut substantia, per nullam circumstantiam tollitur, aut mutatur; Ita, per nullam circumstantiam, tollitur, vel mutatur, eius malitia. Huinsmodi autem sunt; Mendaciû, blasphemia, idololatria, & similia; Cum enim, tota malitia blasphemix, consistat in hoc, quod sit dictum aliquod contra Deum; & idololatriæ, vt sit cultus creaturæ pro Deo. Et Mendacij, vt sit dictum contra mentem. Quæcumque circumstantia addatur huic dicto contra Deum, nunquam mutabitur malitia blasphemix, quia semper remanebit essentia blasphemix, in quâ fundatur eius malitia. Secundo; Dici potest operatio intrinsecè mala, non absolute, & se-

cundum se, sed solum respectu, vel per ordinem ad aliquem finem extrinsecum malum, ad quem hic & nunc, ordinatur; vel ratione cuius circumstantiæ malæ, cum quâ coniungitur; Et hæc, ita est mala, ut tamen fieri possit non mala, imo etiam bona; Cum enim, circumstantia illa, quæ ex parte operationis, & obiecti, est necessaria, ut malitia confurgat, aut Dei voluntate, aut aliâ ratione mutari possit, ipsâ operationis substantiâ permanente, tolli consequenter à tali operatione potest malitia, per mutationem talis circumstantiæ. Huiusmodi autem sunt; acceptio rei alienæ, invito Domino; Occisio innocentis; abscissio manus; & similes. Si enim Deus, alicui concederet, rem alterius accipere; per hanc concessionem, iam tolleretur circumstantia ad furtum necessaria; quia res illa, à Deo, rerum omnium absolutissimo Domino concessa, iam non esset amplius aliena, quod tamen ad furtum necessario requiritur. Similiter, quia ad hoc, ut occisio hominis, privata auctoritate, sit iure naturæ, & ex obiecto mala, requiritur ut non sit ad propriam defensionem; Ideo, si quis, Inuasorem, propriâ auctoritate, ad sui defensionem occidat, quia mutatur circumstantia, non peccat. Denique, quia, ad hoc, ut abscindere sibi manum, sit ex obiecto malum, debet esse cum eâ circumstantiâ, ut non sit ad totius conseruationem; Ideo, ad mortem euadendam, licitum est, sibi manum abscindere, quia tollitur

circumstantia, quæ ad abscissionis malitiam, erat necessario requisita; bonum enim partis, necessario est ordinatum ab bono totius, ideoque huic postponendum, sicut bonum priuatum, bono communi.

10 Aduertendum est secundo; Dupliciter posse aliquem Proximi malo, vel temporali, vel spiritali cooperari; scilicet, vel per actionem, determinatam ad illud malum, & illius inductiuam; vel per actionem, ex se, indifferentem, sed quæ hic, & nunc ab Agente principali applicatur, & extrinsecè ordinatur, tanquam medium ad illud malum. Dupliciter enim potest quis ad alterius occisionem cooperari, vel simul cum homicida occidendo, vel puluerem tormentarium, aut fustem, aut gladium ministrando. Primo modo, nunquam licet malo cooperari, etiam si mortis periculum aliàs imminet, quia est cooperatio formalis; & actio intrinsecè mala. Secundo modo, aliquando, ex iustâ causâ, licet; quia est cooperatio solum materialis, imo potius mali permissio, quàm cooperatio ad illud; Hæc autem, ex iustâ causâ, licet; neque enim ex charitate, proximi malum, etiam cum vitæ periculo, impedire tenemur, sed solum, cum sine graui nostro incommodo possumus; licet teneamur etiam cum vitæ periculo, proximi malum non procurare, illique posituè, & formaliter non cooperari. Tria autem necessario requiruntur, ut cooperatio materialis ad alterius malum, sit licita; primò, ut actio, quæ ponitur, ex

se, ad illud malū nō sit determinata sed indifferēs, sicut gladij ministratio nō est ex se determinata ad occisionem; potest enim quis gladio, etiā ad alium finem, quam ad occidendū vri. Secundō, vt ponatur, non temere, sed ex aliquā iustā causā, vt, si ministrans, esset famulus, & gladium ministraret, ne ā Domino eijceretur. Tertiō denique, vt proximi malum, vel impediri non possit, vel saltem illud quis impedire non teneatur, sed possit permittere. Servus enim Homicidæ, homicidium impedire cum graui suo detrimento, ac incommodo, non tenetur. His positis.

RESOLVTIO.

- 11 **A**D Casum responderetur; Christianos, in Turcarum treribus captiuos, metu mortis, remigando, & arma ad Christianos occidendos potrigendo, mortaliter non peccasse. *Vasq. opusc. de scand. art. 8. dub. 7. Sanch. lib. 9. matr. d. 31. in fine, & lib. 1. sum. c. 7. num. 18. Reginald. tom. 2. lib. 21. num. 119. Azor. tom. 1. lib. 2. c. 17. quæst. 6. & lib. 8. c. 23. q. 17. Layman. lib. 2. tract. 3. c. 13. n. 5. Filliuc. tom. 2. tr. 22. c. 5. nu. 147. P. Naur. lib. 3. de rest. c. 4. nu. 62. Rebell. tom. 1. de oblig. p. 1. lib. 2. de rest. quæst. 14. f. 7. Auila de tens. p. 2. c. 6. d. 8. d. 5. cap. 3. & alij communiter.*
- 12 Primō; Quia remigatio illa, de se, non erat intrinsecē, & absolutē mala, sed indifferens; erat enim delatio tritomis per-ma-

re, quā Turcæ, benē, & malē vri poterant; Et quod de facto malē, & in Christianorum perniciem vfi sint, ortum est merē ex ipsorum malitia. Ergo nulla est ratio, cur Fideles captiuī, ad saluandā vitam, illam ponere licitē non potuerint; illam enim ponendo, non cooperati sunt formaliter, sed solum materialiter damno Christianorum quatenus posuerunt aliquid, ex quo, præter illorum voluntatem, ex solā Turcarum malitiā, sequutum est illud damnum, quod ipsi, tanto suo incommodo, impedire non tenebantur.

- 13 Secundō; Quia remigatio illa, in tantum fuit mala, in quantum fuit cooperatio voluntaria ad damnum Christianorum, nullam enim aliam malitiam habere potuit, quā voluntariæ cooperationis. Sed, quando metū mortis ponitur, iam non censetur amplius cooperatio voluntaria ad damnum Christianorum; iam enim non tenebantur amplius, tale damnum impedire, quod tamen necessariō requiritur, vt damnum illud, respectu ipsorum dici possit voluntarium; Cum Deo non dicantur voluntaria peccata nostra, quamuis ad illa nobiscum physicē concurrat; solum quia illa impedire non tenetur. Ergo remigatio, metu mortis ab illis posita, non fuit mala, quamuis ex ipsā, per accidens, & præter intentionem Fidelium captiuorum, secuta sit occisio, & captiuitas Christianorum; fuit enim tunc mera permissio illius damni, quæ, ex iustā causā, est licita; sicut Deo est

est licita permissio peccati, cum tunc non tenerentur cum tanto incommodo, ac vitæ periculo, damnum illud impedire, sicut Deus peccata nostra impedire non tenetur.

- 14 Tertiò; Quia potest Parochus, sine ullâ culpâ, imò debet, peccatori occulto, publice petenti, Eucharistiam ministrare, quamvis eius indignitatem, vel privatim, vel ex confessione sciat; si enim illi Eucharistiam publice negaret, vel eum infamaret, vel eius Confessionem reuelaret; Ergo à fortiori, potuerunt Fideles captiui, metu mortis in Turcarum treremibus remigare, quamvis scirent, illam remigationem Christianis per accidens fore nocivam. Non minus enim remigatio, de se, est aliquid indifferens, quam ministratio Eucharistiæ; nec minus, Turcæ, ex suâ malitiâ, eâ male vti sunt, quam peccator occultus, ex suâ malitiâ, male utatur Eucharistiæ ministratio: Nec minus Fideles captiui, iustâ causam habebant illam ponendi, quam Parochus, Eucharistiæ ministratio; nec magis ipsi tenebantur impedire damnum Christianorum, quam Parochus sacrilegium, siue indignam sumptionem peccatoris occulti. Sicut ergo, Parochus, occulto peccatori Eucharistiam ministrando, non peccat, Ita non peccarunt Fideles captiui, remigando, & arma Turcis contra Christianos porrigendo. Sicut enim, Eucharistiæ ministratio non est mala prout procedit à Parocho, sed solum prout subest

directioni peccatoris, qui eâ male utitur; Ita remigatio, non est mala, quatenus procedit à Fidelibus captiuis, sed solum prout subest directioni Turcarum, qui ea vti sunt in damnum Christianorum.

- 15 Quartò; Quia potest quia, ex iustâ causâ, licite petere mutuum ab Usurario, quamvis certò sciat, eum non daturum nisi cum usuris. Ergo etiam Fideles captiui, licite potuerunt, metu mortis, in Turcarum treremibus remigare, quamvis scirent, Turcæ, illâ remigationem, vsuros in damnum Christianorum; Sicut enim, in primo casu, tota malitia usuræ, est ex parte Usurarij, qui petitionem mutui, ex se indifferentem, determinat ad usuras; Ita, in secundo, tota malitia fuit ex parte Turcarum, qui remigationem, ex se, indifferentem, determinarunt ad damnum Christianorum.

OBJECTIONVM SOLVTIO.

- 16 **N**Equè obstant rationes in contrarium. Nam ad primam respondetur; Fideles captiuos, arma Turcis porrigendo, Christianorum morti esse cooperatos, solum materialiter, & quasi permixtue; in quo nullum fuit peccatum, cum ipsi, eorum mortem, cum tanto suo incommodo, impedire non tenerentur.
- 17 Ad secundam respondetur; remigationem, in illis circumstantijs consideratam, fuisse cooperationem solum materiale ad damnum Christianorum, quatenus à Turcis

eis ad illud fuit determinata; sicut Eucharistiæ ministratio peccatori occulto, est cooperatio ad eius sacrilegium, solum materialis, quatenus ab ipso peccatore ad hoc determinatur. Cooperatio autem materialis, non est intrinsecè mala, sed, ex iustà causà, licet, ut dictum est.

18 Ad tertiam respondetur; cooperari malo formaliter, esse intrinsecè malum, sicut mentiri, vel fornicari; ideoque nunquam licere etiam ad vitæ conservationem; Cooperari verò, solum materialiter, nullo modo esse intrinsecè malum, sed, ex iustà causà, esse licitum, cum etiam Deus, ut causa efficiens ad opus materiale peccati concurrat, sicque illi materialiter cooperetur.

19 Ad quartam respondetur similiter; Cooperationem formalem ad malum, opponi præcepto naturali negativo, sicut opponitur fornicatio, aut mendacium; Non verò cooperationem solum materiale. Fideles autem captivi, remigando cooperati sunt solum materialiter damno Christianorum, quod, ex iustà causà, potest aliquando, non solum esse licitum, sed etiam debitum ex iustitià; Vxor enim, ex iustitià, debitum Viro petenti renetur reddere, quamvis sciat, illum habere Vocum castitatis, sicque illicite petere, & consequenter, se eius sacrilegio materialiter cooperari.

20 Ad quintam respondetur; Bombardæ explosionem, non esse actionem ex se indifferentem, quò ali-

quis bene, & male uti possit, sed esse, ex se, determinatam ad mortem Christianorum, & eorum occisionem; ideoque essentialiter esse cooperationem formalem, & intrinsecè malam, quæ, ex nullo mortis metu, potest esse licita; At remigatio, & armorum porrectio, cum sint, ex se, actiones indifferentes ad bonum vel malum usum, consequenter sunt cooperatio solum materialis ex Turcarum malitia; ideoque, prout processerunt à Fidelibus captivis, potuerunt esse bonæ, ac licitæ.

COROLLARIA.

21 **C**olligitur ex dictis primò; non solum prædictæ actiones excusari à peccato; sed etiam, asportare necessaria ad bellum contra Christianos; admovere scalas, & machinas ad muros; Turcas humeris sustentare; iuvare ad castra munienda; ad propugnacula ædificanda &c. neque solum, metum mortis propriæ, huiusmodi actiones à peccato excusare, sed etiam metum mortis comminatæ Filijs, Vxoribus, aut alijs consanguineis; imò etià personarum archissimæ amicitia coniunctarum; Quia talis metus, est cadens in Virum constantem; cum istorum mala, ratione consanguinitatis, vel amicitia, meritò reputentur tanquam propria.

22 Secundò; licitum esse, ad mortem evadendam, admovere scalam furari volenti, ensen vendere, vel commodare, alterum occidere volenti, cymba transuchere duellum com-

committere volentes, aut alium interficere &c. quia omnes huiusmodi actiones, non sunt intrinsecæ, & ex obiecto malæ, sed indifferentes; ideoque ab ijs non tenetur quis abstinere, cum vitæ periculo.

- 23 Tertiò; Dari aliqua, quæ, quamvis præcepto naturali negativo sint prohibita, in necessitate tamen, ac vitæ periculo, sunt licita; abscindere enim sibi manum, ad mortem evitandam, est licitum, sicut est etiam revelare peccatum occultum, vel secretum alterius, vel probabili peccandi periculo se exponere; vel ensam Domino furioso restituere; Quia, cum hæc, ex obiecto, non sint mala, sed solum ex circumstantiis extrinsecis; metu mortis, cohonestari possunt, & à peccato excusari.

- 24 Quartò; licitum esse Sacerdoti, metu mortis, Sacramentum conficere in materiâ, vel formâ dubiâ; V. G. Eucharistiam conficere cum pane ex spelta confecto; quia licet, conficere, vel ministrare Sacramentum cum materiâ, vel formâ dubiâ si absolute consideretur, videatur malum ex obiecto, eo quod Sacramentum, irritationis periculo exponatur; suppositâ tamen circumstantiâ periculi mortis, desinit esse

malum, quia tunc, illi periculo nõ exponitur temere, sed ex causâ rationabili, quod non videtur illicitum; sicut non esset, illicitum, si mortis periculum immineret ei, qui suscepturus est Sacramentum, ut omnes concedunt, neque enim peccaret quis, si moriturum, aquâ naturali deficiente, baptizaret aquâ ex sale resolutâ.

- 25 Quintò; Si aliqui, Ignem portarent, ut illum domui alicuius applicarent, & transeuntem cogerent, ut ipsos ad illum ignem deferendum iuaret; non solum non peccaturum hunc, deferendo ignem, sed neque illum domui applicando, ad mortem evadendam, dummodo tamen in eâ non essent homines; Quia delatio ignis, non est, ex obiecto, mala, sed indifferens; & transiens, in eo casu, esset in extremâ necessitate illius domus, ad vitam propriam conservandam; Ergo, sicut licitum esset, eam sibi accipere, ita licet per ignis applicationem eam destruere. Si tamen in eâ essent homines, non liceret; Quia tunc ignis applicatio domui, esset intrinsecè, & ex obiecto mala; esset enim actio directæ, ac per se illorum hominum innocentium interfectiva.



QVAESTIO XLIII.

An Metus, actuum valorem impediat.

CASVS.

- 1 **D**VM Vir quidam valde nobilis, propter homicidium ei falso impositum, iam damnatus esset ad mortem; Iudex ei vitam, ac libertatem promisit, si eius Filiam duceret in vxorem; ipse autem ad saluandam vitam, eam duxit; postea verò, proprià innocentia probatà, dubitare coepit, an Matrimonium illud fuerit validum. Queritur, Vtrum fuerit validum,

SUMMARIVM.

- | | | | |
|----|--|----|---|
| 3 | <i>Metus reddere videtur Matrimonium coactum, ac nulum.</i> | 13 | <i>Quando oritur ab intrinseco, non tollit consensum debitum.</i> |
| 5 | <i>Causat inuoluntarium solum secundum quid.</i> | 14 | <i>Nec animus extorquenti, nocet si non manifestetur.</i> |
| 6 | <i>Quinam dicatur ortus ab extrinseco, qui ab Intrinseco.</i> | 15 | <i>Matrimonium ex metu cum Concubina contractum, est validum.</i> |
| 7 | <i>Matrimonium, celebratum ad mortem vitandam, est validum.</i> | 16 | <i>Sicut etiam contractus, à detruso in Carcerem, celebratus.</i> |
| 8 | <i>Est liberè assumptum, ut medium, ad mortem vitandam.</i> | 17 | <i>Et Matrimonium, cum Medici Filia initum.</i> |
| 9 | <i>Quidquid est inuoluntarij, oritur ab ipso Contrahente.</i> | | |
| 10 | <i>Votum, ex simili metu emissum, tenet.</i> | | |
| 11 | <i>Matrimonium, à quocumque offeratur, ut medium ad vitandam mortem, semper eodem modo, est liberum.</i> | | |
| 12 | <i>Tota coactio, est ab ipso delicto Contrahentis.</i> | | |

RATIONES DVBITANDI.

- 2 **S**icut Metus grauis, in ordine ad aliqua praecepta, habet vim excusandi à culpà, & à poenà; Ita quaeritur; An aliquando saltem, habeat vim, etiam actuum valorem impediendi; eam enim habere videtur. Ideoque Matrimonium, simili metu, à Viro nobili con-

contractum, etiam iure naturæ, asserunt esse nullum. *Molina to. 2. de Iust. d. 167. c. 326. art. 2. Salas 1. 2. quæst. 6. art. 6. tract. 3. d. 3. sect. 1. num. 8. D. Bonavent & alij quos referunt; Lessius lib. 3. c. 17. d. 6. Et Rebell. lib. 2. de matr. q. 9. num. 8.*

- 3 Primò; Quia videtur metu mortis fuisse coactus; nunquam enim, eo timore secluso, Vir nobilis innocens, foeminam tam disparis conditionis in Vxorem duxisset; Cum ergo eam, metu mortis coactus, duxerit, non videtur voluntariè duxisse, & consequenter nec valide.
- 4 Secundò; Quia omnis contractus, sine consensu, est nullus; Eius enim essentia, in consensu consistit; *l. obligationem: ff. de action. c. oblig. 2. sed ubi adeit metus, deficit consensus; nihil enim consensus tam contrarium est, quam vis, atque metus reg. 117. de reg. iur.* Ergo omnis contractus, metu initus, est nullus, & consequenter à fortiori, etiam Matrimonium; Hoc enim, maiorem adhuc, ac pleniorē exigit libertatem, quam ceteri contractus, cum semel initum, sit omnino irrevocabile, sicut est etiam professio religiosa; quod alij contractus non habent.

NOTABILIA.

- 5 **A**duertendum est primò; Metum non causare involuntariū simpliciter, sicut causant ignorantia, ac error; sed solum secundum quid; Ad hoc enim, quod sit ex metu, considerari potest, vel cum

omnibus circumstantijs annexis, vel sine illis; siue ab illis præscindendo. Primo modo considerata, dicitur voluntaria, quia fit ex electione. Secundo modo considerata, dicitur involuntaria, quia fit cōtristitia, ac repugnantia; nec, remotis illis circumstantijs, fieret. Sic proiecio mercium in mare ex metu tempestatis certum naufragij periculum afferentis, si consideretur in circumstantia naufragij, dicitur voluntaria, quia Mercator, sciens, & volens, ad mortis periculum evadendum, eligit potius merces proijcere, quam illas servare. At verò, si consideretur secundum se, & præscindendo à tali periculo, dicitur involuntaria, quia Mercator, dum merces proiecit; cum tristitia proiecit, & si periculum illud non immineret, non proijceret. Dicitur tamen simpliciter voluntaria, & involuntaria, secundum quid, quia est voluntaria, prout est actus, realiter, & à parte rei; involuntaria verò solum prout est in apprehensione; Vnum quodque autem, dicitur esse simpliciter tale, quale est realiter, & à parte rei; secundum quid verò, quale est solum in apprehensione.

- 6 Aduertendum est secundò; Metum, oriri in nobis posse, vel ab intrinseco, vel ab extrinseco. Oriri dicitur ab intrinseco, quando nobis incurritur, vel ab infirmitate, vel ab aliquo delicto, vel à tempestate, vel ab aliqua Ferà, vel ab alià quacumque causa naturali. Oriri dicitur ab extrinseco, dum à causa aliqua liberà nobis incurritur, vt,

dum quis incidit in Latrones mortem comminantes. Hic autem, dupliciter incuti potest. Primò, non ad aliquem actum, aut contractum extorquendum, sed alia de causà. Vt, si Iudex Reo mortem minetur propter delictum ab eo commissum. Secundò; ad aliquem actum, vel contractum extorquendum. Vt, si Iudex aliquem Innocentem, in carcerem conijciat, ad Matrimonium, aut alium contractum ab eo extorquendum. Et hic etiam incuti potest, vel iniuste; Vt si quis iustam delicti accusationem minetur; vel iniuste; Vt, si minetur mortem, priuatà auctoritate inferendam. Quocumque ex his modis incutiat, nunquam tollit voluntarium simpliciter, & ad actuum valorem sufficiens. Quare, stando in iure naturali, contractus, & alij actus quicumque, metu facti, nunquam erunt inualidi, ex defectu consensus, ad valorem requisiti, ac sufficientis, sed ad summum, esse poterunt inualidi, ex vi iuris positiui, His positis.

RESOLVTIO.

7 **R** Espondetur; Matrimonium, à Viro nobili Innocente cum Filià Iudicis contractum ad mortem vitandam, fuisse validum. *Azor. lib. 3. c. 11. quest. 6. Lessius lib. 3. c. 17. d. 6. num. 42. Sotus. 4. d. 29. quest. 1. ar. 3. Henricus. lib. 11. de Matrim. c. 9. nu. 4. Sanchez. lib. 4. matr. d. 8. num. 4. & d. 14. num. 3. & alij innumeri ab his relati.*

8 **P**rimò; Quia Vir nobilis, à nullo fuit compulsus ad Matrimonium illud contrahendum, sed solum à se ipso; Nemo enim, Matrimonium illud ab eo exegit, sed ipse illud sponte elegit, tanquam medium; à Iudice sibi oblatum, ad mortem euadendam. Ergo Matrimonium illud, fuit omnino spontaneum, & voluntarium; ideoque validum.

9 **S**ecundò; Quia, quidquid inuoluntarij in eo Matrimonio reperitur; totum, ortum habuit ex ipso delinquirente, eiusque delicto; Iudex enim metum non incussit, sed potius metum, à delinquirente iam aliunde ex delicto conceptum, abstulit, illà conditione oblata, ac eo medio exhibito, ad mortem euadendam. Metus autem, ortus ab ipso delinquirente, non tollit rationem voluntarij sufficientis ad valorem Matrimonij, sicut illam non tollit metus mortis, ex graui aliqua infirmitate conceptus.

10 **T**ertiò; Quia, Votum ex simili metu emissum, tempore aegritudinis, vel tempestatis, est validum, vt habetur in *c. si nobis: de regul.* Ergo validum erit etiam Matrimonium; Ad huius enim valorem; sufficit ea libertas, quæ est sufficiens in Voto.

11 **Q**uartò; Quia, si aliquis Tertius Viro nobili, eam immunitatem à morte, simili conditione proposita, obtulisset, fuisset utique validum Matrimonium; Ergo validum etiam fuit, quamuis ea conditio ab ipso Iudice fuerit proposita; Metus enim, ideo contractum irritat, quia col-

collit omnimodam libertatem consensus, vt de Matrimonio habetur *c. cum locum: de sponsal.* Hanc autem, non minus tollit, quando oritur ab ipso Contrahente, vel ab aliquo Tertio, quam quando oritur à Iudice; A quocunque enim inferatur, verè tunc propriè non inferatur, sed potius aufertur, oblato medio ad malum euadendum.

OBJECTIONVM SOLVTIO.

12 **A**D rationes in contrarium, respondetur; Ad primam; Virum nobilem, à nullo extrinseco fuisse coactum, sed à se ipso, suoque delicto; Iudex enim, metum non intulit, sed potius abstulit, eo medio illi ad mortem euadendam proposito; Coactio autem, quæ prouenit ab intrinseco, non est propriè coactio, nec tollit libertatem sufficientem ad Matrimonium, & quemcunque alium contractum.

13 Ad secundam responderetur; metum, præsertim ortum ab intrinseco, sicut non tollit consensum, nec voluntarium, aut liberum simpliciter, sed solum secundum quid; ita non tollere consensum sufficientem ad valorem Matrimonij, & cuiuscumque alterius contractus; ad horum enim valorem, ille consensus sufficit, qui satis est ad valorem voti; Votum autem, factum ex metu quantumvis graui, tempore ægritudinis, vel tempestatis, ab omnibus censetur validum.

COROLLARIA.

14 **C**olligitur ex dictis primò; Quamuis Iudex, animum habuerit incutiendi Viro nobili metum ad Matrimonium ab eo extorquendum, si tamen ei hunc animum non significauit, adhuc Matrimonium fuisse validum; quia, cum Vir nobilis, eum animum non cognouerit, eo metu ad Matrimonium celebrandum coactus non est, sed sua spontè, illud tanquam suæ inco-lumitatis medium, elegit.

15 Secundò; Matrimonium cum Concubinà contractum metu mortis præstètanæ, ex morbo, aut naufragio, aut inferno, esse validum, quia huiusmodi metus, non est ab illo incussus ad Matrimonium extorquendum.

16 Tertio; Contractum à detruso in carcerem celebrato, esse validum si in Carcerem non sit detrusus ad ipsum contractum extorquendum; Quia, licet metus carceris, grauis sit, cum tamen ad contractum extorquendum non sit incussus, contractum non inuvalidat.

17 Quarto; Si Medicus, lethali morbo oppresso mederi nolit, nisi eius Filium in Vxorem ducat, aut alium contractum faciat, validum fore eum contractum, timore mortis ab Ægro celebratum. Quia timor mortis, non est incussus à Medico, sed à morbo; Medicus autem solum Matrimonium, vel contractum petit, tanquam sui laboris stipendium.

QVAESTIO XLIV.

An metus, ad actum aliquem extorquendum, iuste incussus, eius valorem impediat.

C A S V S.

TITIVS, Vxori in adulterio deprehensæ, minatus est mortem, auctoritate Iudicis, infligendam, nisi Monasterium ingrede retur, ibique profiteretur; Vxor autem, mortis metu coacta, Monasterium ingressa est, ibique suo tempore, professionem emisit. Queritur: Vtrum professio fuerit valida.

S V M M A R I V M.

- 2 Metus, ad actum extorquendum, iuste, incussus, Professionem irritare videtur.
- 8 Vere tamen, non irritat.
- 9 Metus iustus, ab alia proprie non incutitur.
- 10 Sicut Aegre non incutitur à Medico.
- 11 Oritur à proprio delicto.
- 12 Nec, ad Professionem, obligat absolute.
- 13 Cum possit quis renuere.
- 14 Obligat solum sub conditione.
- 15 Nec ad hoc, per se, ordinatur.
- 16 Donatio, Lutroni, ex metu facta, cur sit rescindenda.
- 17 Mina iniusta, Matrimonium irritant.
- 18 Pecunia, metu, ut pretium extorta, retineri potest.

- 20 Metus iustus, non tollit voluntarium, saltem in causâ.
- 21 Metus iustus, non est cadens in constantem Virum.

R A T I O N E S D V B I T A N D I.

- 2 **I**N Casu precedenti, metus, à nullo fuerat incussus ad Matrimonium extorquendum, sed erat ortus à proprio delicto, quamvis falsò; eoque metu supposito, Matrimonium, Viro nobili fuerat à Iudice oblatum, tanquam medium, ad mortem vitandam: At in presenti, metus, Vxori adulteræ incutitur à Marito, ad professionem ab eà extorquendam. Propterea, professio sic emissâ, videtur fuisse inualida. *Philare. de off. Sacerd. p.2. lib.2. c.8. Sotus lib.7. de iust. quest.2. ar.1. Nauar. com.4. de re-*

regul. num. 76. & alijs.

3 Primò; Quia, videtur, metu mortis iniuste extorta; quamvis enim, ipsa timori causam dederit per suum delictum, ideoque metus fuerit iustus; delictum tamen, illam non obligabat ad professionem; Ergo nec ad illam obligari poterat per metum, ex tali delicto ortum; ideoque iniuste adhibitus est ille metus, ad professionem extorquendam.

4 Secundò; Quia nemo ad professionem, vel Matrimonium obligari potest ab alio, quam à se ipso; hi enim status, summam requirunt libertatem. Ergo Titius, ratione delicti, Vxorem obligare non poterat ad professionem; si enim hæc, iuste renuere poterat, ille iuste cogere non poterat; ideoque professio, ratione coactionis, & defectus plenæ libertatis, fuit inualida.

5 Terriò; Quia delicti accusatio, ordinatur ad punitionem, non verò ad professionem. Ergo Titius, iniuste, accusationis minas adhibuit, ad professionem ab Vxore extorquendam; Vnde consequenter, professio sic extorta, fuit inualida.

6 Quartò; Quia, si quis, ut latebras latroni fugienti concedat, omnium bonorum suorum donationem ab illo extorqueat, iniustitiam committit, & talis donatio rescindi potest, quia illum cogit latebras emere plus iusto. Ergo multo maiorem iniustitiam committeret, si extorqueat professionem; Tunc enim, pro latebrarum pretio, petit rem, quæ in infinitum

illarum valorem excedit. Sicut ergo alij contractus, ex tali metu initi, essent rescindendi, ita professio, erit irrita; Id enim, quod sufficit ad alios contractus rescindendos, sufficit ad irritandam professionem, cum hæc, semel valida, rescindi amplius non possit, sicut nec Matrimonium.

7 Quindò; Quia, in c. veniens de spons. Matrimonium cuiusdam Adolescentis, à parentibus cuiusdam puellæ, in lecto cum eà reperti, irritum iudicatum est, quia ab eam ducere coactus est, & tamen metus fuit iustus, cum ipse Adolescentens, fuerit in culpa. Ergo metus, quamvis iuste incussus, sufficit ad irritandum Matrimonium, & consequenter etiam professionem, cum eadem prorsus conditiones, ad utriusque valorem requirantur.

RESOLVTIO.

8 **R** Espondetur tamen; Professionem, ab Vxore Titij emissam; ex metu iuste ab illo incusso, ad eandem professionem extorquendam, fuisse validam. Sanchez lib. 4. matr. d. 13. num. 3. & lib. 4. sum. c. 3. num. 9. Lessius lib. 2. c. 17 d. 6. num. 40. Nau. lib. 3. conf. tit. de regul. c. 27. nu. 3. Gutierrez de iuram. p. 1. c. 57. num. 5. Sotus lib. 7. de iust. quæst. 2. ar. 1. ad 1. Syluester v. metus quæst. 6. Henrig. lib. 11. matr. c. 9 Suarez tom. 3. de relig. lib. 2. c. 3. nu. 3. & alij communiter.

9 Primò; Quia à Titio, nullus Vxori metus proprie incussus est, sed

sed potius, metu illi aliunde incusso ex proprio delicto, oblata est ei professio, in remedium timoris, & ab ipsa Vxore sponte electa est. Ergo nulla est ratio, cur valida non fuerit. Titius enim, metum non intulit, sed potius abstulit, oblata professione tanquam medio ad poenam delicto debitam euadendam.

- 10 Secundò; Quia, si infirmo grauius ægrotanti minetur Medicus, se illi nolle mederi, nisi eius Filiam ducat in Vxorem, valet Matrimonium, vt dictum est; quia non Medicus infert metum, sed morbus; & Medicus solum exigit Matrimonium, tanquam sui laboris stipendium, in quo ei iniuriam non facit; cum, ex iustitia, ei mederi non teneatur. Ergo valebit etiam professio, à Titij vxore delinquente emissa, metu iustæ poenæ alias adulterio debita, & sibi iuste ab eo comminata; quia, non Titius metum intulit, sed delictum; & Titius solum professionem petit, tanquam mercedem, ac pretium, desistendi ab accusatione; nec ei in hoc iniuriam intulit, cum lege iustitiæ non teneretur, eam non accusare, eiusque punitionem non procurare; quidquid sit, an hoc sit pretium excedens, vel iustum.

- 11 Tertiò; Quia, ideo Matrimonium, propter Medici minas, ab ægro cum eius filia contractum, est validum, quia metus, à quo æger mouetur ad contrahendum, censetur tunc potius oriri ab ægitudine intrinseca, quam extrinseca à Me-

dico incuti. Sed etiam metus, à quo Titij Vxor mota est, ad professionem emittendam, censetur potius oriri à delicto intrinseco, quam extrinseco incussus à Titio; intra ipsam enim, erat iusta causa timendi, & radix, ac initium timoris, nempe delictum; Ergo etiam professio, à Titij Vxore, propter Titij minas emissa; fuit valida; metus enim ab intrinseco, contrarium valorem non tollit.

- 12 Quartò; Quia Titius, minans Vxori punitionem, per Iudicem infligendam, nisi professionem emitteret, illam non obligauit ad aliquod malum, quod alias non esset debitum; Ergo nullam ei iniustitiam fecit, professionem extorquendo; non enim extorsit, malum aliquod alias indebitum inferendo,

OBIECTIONVM SOLVTIO.

- 13 **A**D rationes in contrarium responderetur; Ad primam; Titij Vxorem, nullo modo fuisse per metum obligatam ad professionem emittendam; potuit enim iuste renuere; sed professionem solum ei fuisse oblata tanquam medium, ad poenam alias iam sibi ex delicto debitam, euadendam. In hoc autem, nulla potuit esse iniustitia; sicut Medicus, nullam censetur iniustitiam committere, cum ab ægro exigit Matrimonium cum Filia, tanquam sui laboris stipendium.
- 14 Ad secundam resp; Titium Vxorem ad professionem non obligasse absolute, sed solum sub conditione, quod

quod ipsa poenam delicto debitam vellet euadere. Hoc autem, non est proprie cogere; nam ipsa potius se ipsam coegit, ut poenam euaderet.

15 Ad tertiam; Delicti accusatione, per se quidem ordiari ad punitionem, & non ad professionem; hinc tamen non rectè inferri, quod Titius, iniustitiam commiserit, professionem extorquendo, ut ab illà desisteret; sic enim, non absolute professionem extorsit, sed solum sub conditione, quod ipsa vellet, illum desistere ab accusatione, sicque poenam delicto debitam euadere.

16 Ad quartam; donationem ex metu à latrone factam, & similes contractus, non rescindi ratione metus, sed ratione enormis lésionis; quia in his Contractibus, lésio in pretio, est lésio in substantia; quando autem hæc contingit in contractibus bonæ fidei, rescindi possunt contractus, vel ad æqualitatem reduci, ut docet *Sanch. lib. 4. matr. d. 6. num. 15.* At in professione, lésio circa substantiam, contingit solum, quando est error circa Religionem; ut si putem, me vouere in Religione *Sancti Francisci*, & voueam in Religione *Sancti Augustini*. Sicut in Matrimonio, lésio circa substantiam contingit solum, quando est error in personâ, vel conditione serui. In his ergo casibus, est irrita professio, vel Matrimonium, sicut alij contractus sunt rescindendi. At quando lésio, est in accidentalibus; sicut alij contractus non sunt

rescindendi, ita professio, ac Matrimonium non sunt irrita.

17 Ad quintam responderetur; tale Matrimonium irritari, quia Parentes, delinquenti minati sunt, non accusationem, sed mortem, vel aliud damnum, propriâ auctoritate inferendum; quod damnum iniuste minati sunt, cum, secundum Canones, inferre non possent.

COROLLARIA.

18 Colligitur ex dictis primò; Eum, qui à delinquentem, centum aureos extorsit, ut eum absconderet; illos retinere posse; quia, cum illos petierit, & obtinuerit, tanquam pretium occultationis, ad quam non tenebatur, iuste petijt, ac obtinuit.

19 Secundò; Eum, qui delinquenti, sine animo, malum illud inferendum, minatus est accusationem, nisi daret centum, eos posse retinere. Quia, dum pretium petijt, ne accusaret, illud petijt, non solum, ne accusaret, sed ne posset accusare, etiam si vellet; Ad hoc autem, nihil refert, quod animum accusandi habuerit, vel non habuerit.

20 Tertiò; Matrimonium, ex metu iuste ad illud extorquendum, incusso, esse validum, quia est omnino voluntarium; si enim iuste quis infert tibi metum, iam tu, per tuum delictum liberè poscitur causa illius es. Ergo Matrimonium, iam non est tibi inuoluntarium; saltem enim in causâ, fuit omnino voluntarium, ac liberum.

21 Quartò; Metum iustum, non esse

S

me-

metum cadentem in constantem Virum; quia metus iustus, est metus mali, quod delinquens sibi infert per delictum. Hic autem non cadit in Virum constantem, nec

virtute illius, delinquens dici potest coactus, ut constat ex l. si mulier. 21. in prin. ff. de eo, quod metus causa.

Q V A E S T I O X L V.

An metus, ad extorquendum actum, iniuste incussus, eius valorem impediat.

C A S V S.

V I R quidam nobilis, sed facinorosus, per Sicarium, petijt à Titio, ut domum quandam ei venderet, eum alias occisurus, nisi venderet. Titius verò, quia hominem nouerat, metu compulsus, eam vendidit, pretio quidem iusto, sed infimo. Quæritur; Vtrum Venditio illa fuerit valida.

S V M M A R I V M.

- | | | | |
|---|--|----|---|
| 1 | <i>Metus, à Sicario, ad venditionem extorquendam incussus, eam reddere videtur nullam.</i> | 12 | <i>Nec ipse metus, Sacramenti susceptionem.</i> |
| 2 | <i>Sicut etiam promissionem Latroni factam.</i> | 13 | <i>Iniuria non sufficit ad eam iure natura irritandam.</i> |
| 3 | <i>Et Votum.</i> | 14 | <i>Sicut nec ad irritandam pecunie donationem, factam Latroni.</i> |
| 4 | <i>Eam tamen, iure natura non irritat.</i> | 15 | <i>Nec promissionem, eidem ex metu factam.</i> |
| 5 | <i>Cum detur adhuc consensus sufficiens voluntarius.</i> | 16 | <i>Vota, ex Ecclesia solum consuetudine, sunt irrita.</i> |
| 6 | <i>Nec minus liber, quam, dum oritur ex metu iusto.</i> | 17 | <i>Per contractum metu iniuste celebratum transfertur dominium.</i> |
| 7 | <i>Nec ratio iniuria illam irritat.</i> | 18 | <i>Est etiam iure positivo validus.</i> |
| 8 | <i>Sicut nec dolus, contractum.</i> | | |

- 19 *Est tamen rescindendus.*
 20 *Si metus sit iustus, non est rescindendus.*

R A T I O N E S D Y B I T A N D I .

2 **M**etus, Adulteræ, à Viro, ad professionem extorquendâ, incussus, non erat gravis, nec cadens in constantem virum, quia intus erat incussus; ut patet ex dictis, *Quæst. præc.* At metus, Titio, per Sicarium, à Viro facinoroso incussus, gravis est, & Titio iniurius. Ideoque videtur sufficiens ad reddendam venditionem inuálidam. Ita *Molina tom. 2. d. 326. Sotus lib. 8. quæst. 1. ar. 7. ad 3. Clau. reg. lib. 2. c. 2. nu. 10. Salus 1. 2. tract. 3. d. 2. f. 4. nu. 8.*

3 Primò; Quia Contractus, per iniuriam celebratus, ipso iure naturæ, videtur irritus. Tum quia, hæc videtur esse pœna, iniuriæ proportionata. Tum quia, æquum non est, ut, qui metu iniusto iniuriam intulit, commodum reportet ex suo delicto; reportaret autem, si contractus sic celebratus, effectus validus. Tum denique, quia iniuria illa, omnino est compensanda, nec alius eam compensandi modus apparet, quam per contractus irritationem; sed venditio, fuit per iniuriam extorta; Titius enim, ius habebat, ne iniustis minis ad eam cogeretur. Ergo videtur fuisse, ipso iure naturæ irrita.

4 Secundò; Quia, si venditio illa esset valida, sequeretur, quod, quando Latrones à Peregrinis, metu mortis incusso, pecunias extor-

quent, earum pecuniarum donatio à Peregrinis facta, effectus valida, ipsique Latrones, verum earum dominium acquirerent, nec ad restitutionem tenerentur. Consequens autem, est contra communem omnium sensum; omnes enim tenent, per talem metum acquisita, esse restituenda. Ergo signum est, iniuriam metus iniuste incussæ, contractus, iure ipso naturæ, reddere irritos.

5 Tertiò; Quia, si quis Latroni, metu mortis incusso, pecuniam promittat; eam deinde solvere non tenetur; non enim videtur habuisse voluntatem sufficentem ad valide promittendum, cum promissio debeat esse gratuita, ac liberalis; illa verò fuerit coacta; vade etiam solutio vsurarum, ipso iure naturæ est irrita, quia deest voluntas liberalis, ad eius valorem necessaria. Ergo promissio, metu mortis, iniuste extorta, irrita est; Idem autem prorsus dicendum est de domus venditione, facta à Titio, cum eadem omnino sit ratio.

6 Quartò; Quia, in omnium sententiâ, Vota simplicia; uti peregrinationis Lauretanz; elemosynæ, & alia similia metu extorta, ipso iure naturæ, irrita sunt; nullum enim extat ius postituum, illa irritans. Ergo idem dicendum est etiam, de alijs promissionibus, ac contractibus, & consequenter etiâ de venditione, metu mortis, iniuste extorta.

RESOLVTIO.

7 **R**esponderetur tamen; Venditionem, metu mortis, à Titio factam, fuisse, iure naturæ, validam; sed rescindendam. *Saneb. lib. 4. matr. d. 8. num. 4. Lessius lib. 2. c. 17. d. 6. num. 36. Henric. lib. 11. matr. c. 4. num. 4. Bonac. de matr. quest. 3. p. 8. num. 8. Azor. lib. 1. c. 11. quest. 6. & 13. Vasq. 1. 2. d. 27. in fine. Nou c. 22. sum. num. 50. Suarez tom. 3. de relig. lib. 6. c. 5. num. 8. Sylvest. v. metus quest. 8 & alij apud istos.*

8 Primò; Quia, non obstante iniurià, per metum illatà, datur quidquid ad venditionis valorem necessariò requiritur; ad valorem enim alicuius contractus, requiritur solum, iustus titulus, & voluntarius consensus. Sed metus, siue iuste, siue iniuste incussus, non tollit voluntarium absolute; sicut enim, qui ad evitandum naufragium, merces proijcit, illas voluntarie proijcit; ita, qui latroni petenti, dat pecunias ad vitandam mortem, illas voluntarie dat; neque excludit titulum dari, & accepti; donati, & promissi; Ergo non tollit contractus valorem; ideoque venditio, simili metu facta, iure naturæ, fuit valida.

9 Secundò; Quia, non minus est libera voluntas, metu iniusto coacta, quam iusto; In utroque enim casu, voluntas æque non vult absolute, sed solum ad illud periculù evitandum; nam æque ad vitandum solum mortis periculù, & proijcit

quis merces in mare; & dat pecunias latroni, alias nec merces proiecitur, nec pecunias daturus; Sed voluntas, metu iusto, vel ab intrinseco coacta, habet libertatem sufficientem ad valorem contractus ut dictum est; Vere enim, est simpliciter libera. Ergo etiam coacta metu iniusto, erit libera sufficienter; ideoque ex hoc capite, venditio non potuit esse nulla.

10 Tertiò; Quia, si venditio, metu illo extorta, esset irrita; vel esset irrita, ratione iniuriæ, vel ratione defectus libertatis sufficientis. Ex neutro autem capite, est irrita; utraque enim hac ratio, æque reperitur in contractu celebrato, ex metu levi, qui tamen est validus; Nam, si Avarus, metu amittendæ pecuniæ, iniuste sibi incusso, cogatur inire contractum locationis, vel mutui; In metu isto, inuenitur ratio iniuriæ, ad restitutionem obligans, & metus iste, fortius Avarum priuat libertate, quam Peregrinum, metus vulnere, illi à latronibus comminatorum. Sicut ergo metus levis iniustus, contractù ab Avaro celebratum non irritat; ita metus gravis, quamvis iniustus, venditionem, à Titio factam non irritabit.

11 Quartò; Quia contractus, cui dolus causam dedit, non est, iure naturæ, irritus; Matrimonium enim contractum ex errore, quo quis putabat; sceminam esse nobilem, vel diuitem, cum tamen esset ignobilis, & pauper, est validum. Sed in iure, metus æquiparatur dolo; *l. si dolo ff. de inut. stipul. & c. cum*

contingat: de iure iur. & c. 2. de pactis: in 6. Ergo etiam contractus, cui metus, causam dedit, non erit iure naturæ irritus, sed validus. Vnde consequenter, valida fuit venditio, à Titio metu facta.

- 12 Quintò; Quia, ad Sacramento-
rum valorem, requiritur voluntas,
& intentio suscipientis; & tamen
voluntas, etiam metu graui coacta,
in adultis sufficit ad valorem bap-
tismi; *ex c. maiores: de baptismo:
& c. Iudeis: d. 45.* Similiter ad va-
lorem iuramenti requiritur liber-
tas; & tamen iuramentum, etiam
metu graui, extortum, obligat. *ex
c. verum, & c. si verò: de iureiur.*
Ergo similiter, quamvis ad valo-
rem contractus, requiratur liber-
tas; sufficit libertas, quæ stare
potest simul cum coactione, ex me-
tu graui.

OBIECTIONVM SOLVTIO :

- 13 **N**Equè obstant rationes in-
contrarium : Nam ad pri-
mam, negatur minor; Neque enim
iniuria sufficit ad contràctum irri-
tandum, neque per ipsius annulla-
tionem refarcitur; nam, si quis me-
tu, baptizari cogatur, iniurià pà-
titur, & tamen hac non refarcitur
per irritationem baptismi; Et, si
quis; fide data de Matrimonio, Vir-
ginem defloret, & postea aliam du-
cat, iniuria grauissima priori illata,
non refarcitur per irritationem
Matrimonij cum posteriori. Suffi-
cienter ergo refarcitur iniuria per
hoc, quod contràctus factus rescindatur, & res in suum pristinum

statum restituantur; sicque suffi-
cienter punitur iniuria; neque qui
illam intulit, vllum ex eà com-
modum reportat, cum rescindere
teneatur contractum, & res in pri-
stinum statum restituere.

- 14 Ad secundam responderetur; Do-
nationem illam, à Latronibus me-
tu extortam, attento iuræ naturæ
fuisse validam, & dominium trans-
tulisse. Hinc tamen non sequitur
quod Latrones ad restitutionem
non teneantur; Nam, cum, ratio-
ne iniuriæ, teneantur res in suum
pristinum statum restituere, & do-
nationem rescindere, consequen-
ter tenentur sic accepta restituere.
- 15 Ad tertiam responderetur; Eum,
qui Latroni pecuniam promissit, ex
vi promissionis, teneri eam trade-
re; licet, ratione iniuriæ, deinde
excusetur; potest enim aliquis si-
mul ex vno capite, esse obligatus
ad aliquid faciendum, & ex alio
deobligatus. Nam potest quis,
alicui debere centum, ratione con-
tractus, & simul ratione iniuriæ si-
bi ab eo illatæ, sibi debitum reti-
nere, donec alter debitam satisf-
factionem exhibeat; & si alter de-
bitum petat, repelli poterit, ex-
ceptione iniuriæ. Similiter ergo,
qui latroni pecuniam promissit, il-
lam ex vi promissionis dare tene-
tur; ratione tamen iniuriæ, illam
negare potest, & petentem iniuriæ
exceptione repellere. Promissio
autem, & donatio, vt sit valida,
debet quidem esse liberalis, hoc
est, nullo pretio recepto, non ta-
men requiritur, vt sit omnino li-
bera.

- 16 Ad quartam respondetur; Vota simplicità, per metum extorta, esse irrita, non iure naturæ, nec iure positivo scripto, sed traditione, & Ecclesiæ consuetudine, vim legis obtinente, sicut hoc etiam modo sunt irrita, Matrimonium, metu contractum, & Matrimonium fidelis cum infideli.

COROLLARIA.

- 17 **C**olligitur ex dictis primò; Contractus, metu etiam iniusto celebratos, esse validos, per eosque transferri dominium; quia per eos acquiritur titulus, & interuenit traditio, quæ duo sufficiunt ad dominium transferendum.
- 18 Secundò; Contractus metu celebratos, esse validos non solum, iure naturæ, sed etiam iure positivo; *in c. enim Abbas: de his quæ vi*: renunciatio facta per metum, debet in irritum reuocari. Ergo signum est, esse validam; quod enim irritum est, non indiget, ut in irritum reuocetur; & *in c. ad adiutiam: de his quæ vi*: Quæ vi metusque causa sunt, carere debent robore firmitatis, rescindi enim possunt, & debent. & *in l.*

ult. C. de his quæ vi; dicitur; Vendições, donationes, transactiones quæ per potentiam extortæ sunt, præcipimus infirmari. Ergo erant aliquo modo validæ, ac iuris remedium infirmandæ.

- 19 Tertiò; Contractus metu iniusto celebratos, esse rescindendos, siue metus ab altero Contrahente incussus fuerit, siue ab aliquo tertio. Tum quia, res illa, per contractum metu initum, acquisita, ad quemcumque possessorem transit eo vitio affecta, ut habetur expressè *l. si cum exceptiones 14. §. in hac actione ff. de eo quod met. caus.* Tum quia metum passus, ob iniuriam sibi illatam, habet ius rescindendi contractum factum; habet enim ius, ut sibi detur satisfactio, & iniuria facta reparetur; Hac autem, alià via reparari non potest, quam contractum factum rescindendo, & res in suum pristinum statum restituendo.
- 20 Quartò; Contractus, metu iniusto celebratos, nullo modo esse irritandos, quia contractus metu iniusto initi rescindendi sunt, solum ratione iniuriæ, metum passio illarum; hæc autem, omnino cessat, quando metus est iniuste illatus.



QV AESTIO XLVI.

An metus, ad extorquendum actum, iniuste incussus, eius valorem, iure positivo, impediat.

C A S V S.

- 1 **T**ITIVS, vnicum beneficium, quod habebat, graui metu compulsus, renunciauerat. Volens autem ad Sacros Ordines promoueri, nec habens patrimonium putansque, renunciationem illam, metu factam, non tenere; ad titulum illius Beneficij promoueri voluit. Quæritur; an potuerit.

S V M M A R I V M.

- | | |
|---|--|
| <p>2 Beneficij resignatio, metu extorta, iure saltem positivo videtur irrita.</p> <p>5 Sicut est irrita, electio ad beneficium.</p> <p>6 Qui actus, metu extorti, à iure irritentur.</p> <p>8 Huiusmodi resignatio non est irrita sed irritanda.</p> <p>9 Sicut nec iuramentum, simili metu factum.</p> <p>10 A iure solum recipitur irritanda.</p> <p>11 Si addatur incarceration, à iure irritatur.</p> <p>12 Rescissio renunciationis, est tacita beneficij collatio.</p> <p>13 Etiam electio metu extorta specialiter à iure irritatur.</p> | <p>14 Resignans, ante rescissionem, fructus percipere non potest.</p> <p>15 Nec officium recitare tenetur.</p> <p>16 Et si beneficium possideat, sine titulo possidet.</p> |
|---|--|

R A T I O N E S D V B I T A N D I .

- 2 **P**Osito, quod actus, metu etiam iniusto, extortus; neque ex defectu consensus; neque ratione iniuriæ; iure naturæ, sit inualidus. Quæritur, an saltem, ratione iniuriæ, sit inualidus, iure positivo. Videtur enim esse; & consequenter Titium, ad titulum beneficij, ex metu, renunciati, promoueri potuisse. Ita *Basiliensis de Legn. lib. 4. c. 8. num. 16.* & *Nau. in c. accepta de rest. spol. oppos. 5. nu. 5.* ait se longo tempore eam docuisse.

- 3 Primo; quia renunciatio illa, cum, metu facta fuerit, videtur ipso iure fuisse irrita; in Clementina enim: *multorum. 2. de pœnis*; decernitur, beneficiorum resignationes, modo supradicto extortas, licet à Resignantium Prælati receptæ, aut ratæ habitæ fuerint, nullius omnino esse firmitatis. Idemque videtur colligi ex *c. Abbati de his qua vi*. Si autem resignatio fuit inualida, iam Titius retinet titulum beneficii, unde ad ipsum ordinari potest.
- 4 Secundò; Quia, qui renunciat Ecclesiam ex metu, restituitur ad illam sine noua collatione; vt constat ex *c. ad aures de his qua vi*. Ergo signum est, per talem beneficii-renunciationem, titulum non amisisse; & in ead. audientiam: dicitur; beneficii renunciationem metu factam, firmitatis robore carere debere. Cum ergo beneficii resignatio, metu graui fuerit à Titio facta, ipso iure, irrita fuit, ac proinde Titius, titulum beneficii adhuc retinet, ad quem propterea ordinari potuit.

- 5 Tertiò, Quia electio ad beneficium, metu facta, ipso iure, est irrita; Ergo idem dicendum est de beneficii resignatione; eadem enim est ratio.

NOTABILE.

- 6 **A**duertendum est. Ius posituum, non omnes actus, aut contractus, metu iniusto extortos generaliter ipso facto irritasse, sed solum aliquos. Hi autem sunt. Pri-

mò; Matrimonium: ex *c. veniens 2. de spons.* & *c. 2. de eo, qui duxit in Matrim. c. requisit.* & *cap. gemma; de sponsa.* Secundò; Sponsalia: ex *c. literis; de Sponsa: Impub.* Tertiò; Professio Religiosa, ex *c. perlatum: de his qua vi.* quod ad quodlibet Votum extenditur. Quartò; Absolutio à Censuris; ex *c. vni. de his, qua vi.* in 6. Quintò; Rerum Ecclesie promissio, vel traditio; ex *c. peruenit: de iur. iur.* Sextò; Testes coacti, in testamento adhiberi. *L. qui testam. §. ult. ff. de testam.* Septimò; Denique promissio, vel obligatio, facta in gratiam illius, qui aliquem metu graui in carcerem coniecit, vel detinet. *L. qui in carcerem: ff. de eo quod met. causa.* reliquos tamen omnes, decernit esse irritandos; in *L. ult. C. de his, qua vi.* & *L. si cum except. 14. §. in hac actione. ff. de eo, quod metus causa;* vt sic saltem reparetur iniuria, dum res in pristinum statum, restituantur. Hoc posito.

RESOLVTIO.

- 7 **R**espondetur, Titium, ad titulum beneficii promoueri nō potuisse. *Nau. loco cit. num. 7. Azor. lib. 1. cap. 11. quaest. 9. Reginald. tom. 2. lib. 2. c. 23. §. 2. n. 333. Lessius lib. 2. c. 17. d. 6. num. 37.* & alij apud istos.
- 8 Primò; Quia beneficii resignatio quamuis metu facta, non fuit tamen ipso iure irrita, sed solum irritanda, sicut omnia alia gesta per metum; hic enim casus de benefici-

acti-

beneficij renunciatione, non inuenitur in iure ab hac regula exceptus sicut inueniuntur Sponsalia, Matrimonium, Professio religiosa, & alij similes actus. Si autem renunciatio fuit valida, donec rescinderetur; ante rescissionem, Titius, ad titulum beneficij promoueri non potuit; illum enim iam non habebat, sed per resignationem amiserat.

- 9 Secundò; Quia iuramentum metu extortum, quamuis valeat: *ex c. rerum de iureiur.* si tamen apponatur actui nullo, & à iure reprobato, non valet *ex c. cum contingat de iureiur. c. quamuis pactum: de pactis in 6.* & alibi. Sed iuramentum, de beneficij renunciatione metu factum, valet, sicut etiam iuramentum de beneficio renunciato non repetendo; *ex c. si verò de iureiur.* Ergo signum est, quod renunciatio illa, valida fuit.

- 10 Tertiò; Quia, nullibi in iure beneficij resignatio, inuenitur irritata, sed solum irritanda; *in c. enim ad aures*, non dicitur renunciacionem illam non valere, sed solum cum, qui renunciavit, eidem Ecclesie esse præficiendum; ubi non indicatur, non debere præfici, sine noua collatione; nam ipsamet restitutio, est tacita beneficij collatio. Similiter *in c. ad audientiam*: solum dicitur renunciacionem metu factam, carere debere robore firmitatis. Hæc autem verba, optimè intelligi possunt de rescissione per sententiam faciendam. Denique casus *in Clementina: multorum: de pœnis*; est spe-

cialis; erat enim ibi sermo de quodam, qui à Domino seculari, captus fuerat, & detentus, donec beneficium renunciaret; cuius renunciationem decernit Pontifex, esse irritam, inducens nouum ius pro illà, non verò vniuersaliter declarans, beneficiorum resignationes metu extortas, esse irritas. Decretum autem pro casu speciali, ad alios casus extendi non debet.

OBJECTIONVM SOLVTIO.

- 11 **A**D rationes in contrarium, facile respondetur. Ad primam, patet disparitas. Casus enim illius Clementinæ, est specialis, & propterea ad alias resignationes extendi non debet; vnde illæ solum resignationes, quæ per metum & incarcerationem, ac detentionem iniustam, factæ fuerint, nullæ erunt; alix verò per metum, sine incarcerationem, extortæ, iuxta regulam generalem, erunt validæ; sed irritandæ.

- 12 Ad secundam; ex tertia probatione, patet responsio; Poterit enim quis ad pristinum beneficium redire, rescissa renunciatione prius facta, absque noua illius collatione, quia illa rescisso, & beneficij restitutio, est tacita beneficij collatio; sicut, qui, cum impedimento, & sine titulo canonico, beneficium obtinuit, obtenta deinde impedimenti dispensatione, sine noua collatione, beneficium retinere potest, quia dispensatio illa, censetur esse tacita eiusdem beneficij collatio.

Ad

13 Ad tertiam negatur consequentia; Nam, cum ille etiam, sit casus particularis, extendi ad alios non debet; nec regulam generalem euertere. Adde, quod metus, in electione, magis publicæ utilitati repugnat, quam in renunciatione, & ideo Pontifex voluit, ut in electione, maior requiratur libertas. Ita *Nazar. in c. acceptat. opposit. 5. num. 1. de rest. spol. c. num. 2.*

COROLLARIA:

14 **C**olligitur ex dictis primò: Antequam, per Iudicem, fiat resignationis irritatio, & restitutio in integrum, renunciantem non

posse licitè beneficium ita renunciatum tenere, nec in eo ministrare, aut fructus ex illo percipere, quia titulum per renunciationem amisit, & beneficium sine titulo canonico licitè retineri non potest, *v. l. de reg. iur. in 6.*

15 Secundò; Sic renunciantem non teneri amplius, post renunciationem, & ante rescissionem, ad horas canonicas, sed eum, cui, ille beneficium renunciauit; quia hic, & non ille, absolutè habet beneficii titulum, ac beneficium.

16 Tertiò; Si renuncians, remaneat in beneficii possessione, per triennium, non iuari decreto de pacificis possessoribus; quia possedit sine titulo.

QVAESTIO XLVII.

*An coactio ad actum, cum libertate ad loci,
vel personæ electionem, eius
valorem impediatur.*

CASVS.

1 **T**ITIVS, à Principe vocatus, precibus prius, deinde etiam minis, vnam ex Filiabus Sempronij, quamcumque vellet, ducere coactus est; ille verò duxit Rachelem, Quæritur; Vtrum Matrimonium illud fuerit validum.

SYMMARIVM.

- 2 *Ad Matrimonij valorem, sufficere videtur libertas solum, quo ad circumstantias.*
- 4 *Sicut sufficit ad electionem.*
- 5 *Verè tamen, est invalidum.*
- 6 *Quia est omnino coactum.*
- 7 *Ex eoque infelices exitus timeri possunt.*
- 8 *Ad matrimonij valorem, requiritur libertas circa statum Matrimoniale.*
- 10 *Ad electionem, obligari quis potest à lege; secus ad Matrimonium.*
- 11 *Ad Matrimonij, ac Professionis valorem, requiritur omnimoda libertas quo ad statum.*

RATIONES DVBITANDI.

- 2 **Q**uoniam, interactus, qui à lure declarantur invalidi, cum, metu iniussio, sunt extortiponitur contractus Matrimonij. Queritur; an, ut sit irritus, requiratur omnimoda coactio, non solum quo ad actus substantiam, sed etiam quo ad eius circumstantias; An verò sufficiat coactio ad ipsum actum, cum libertate ad circumstantias. Aliqui enim existimant, requiri omnimodam coactionem; Ideoque Matrimonium à Titio cum Rachele contractum, fuisse validum. Ita *Azor. lib. 1. c. 11. quæst. 11.* & alij quos refert *Couarru. 4. decr. 2. p. c. 3. §. 5. n. 8.*
- 3 **P**rimò; Quia, non videtur vllò

modo fuisse coactum, sed omnino liberum, ac voluntarium; nulla enim coactio, facta est circa electionem illius foeminae, esto fuerit facta circa electionem absolutè; Ergo Matrimonium, quamvis eacoactione extortum, validum tamen fuit; quia fuit plenè liberum.

- 4 **S**ecundo; Quia, si quis, Ecclesiae regimen assumere cogatur, relicta sibi facultate eligendi quamcumque Ecclesiam voluerit, & vnà eligat, electio illa valida est; sicut valeret electio, si electores, non certam personam, sed aliquam ex certis, in Ecclesiae alicuius regimen eligere cogerentur. Ergo similiter erit validum Matrimonium si quis, non certam personam, sed solum vnā ex certis, assumere cogatur; tunc enim, substantia electionis non videtur coacta, sed libera; nec ad electionem minor libertas requiritur, quam ad Matrimonium, ut constat *ex c. 3. §. 5. c. 6. de elect. in 6.*

RESOLVTIO.

- 5 **R**espondetur tamen; Matrimonium illud fuisse invalidum. Ita *Santh. lib. 4. matr. d. 12. n. 20. Salas. 1. 2. tract. 3. d. 3. §. 1. nu. 27. Reb. p. 2. lib. 2. quæst. 11. §. 1. num. 11. Basilus de Leon. lib. 4. c. 14. num. 14.* & alij apud istos.
- 6 **P**rimò; Quia Matrimonium illud, verè ac propriè fuit coactum; Titius enim, ita Matrimonium, ex metu, assumpsit, ut illud, in suā libertate relictus non assumpsisset; Ergo huiusmodi Matrimonium, com-

comprehendi debet sub decreto Matrimonia coacta irritante; Verè enim, simpliciter est coactum.

- 7 Secundò; Quia non minus ex hoc, quam ex quolibet alio Matrimonio coacto, infelices exitus timeri possunt; cum enim Titius, contra suam voluntatem, vnam ex filiabus Sempronij in Vxorem eligere sit coactus, de infelici exitu prudenter timeri potest. Hæc autem fuit ratio Matrimonia coacta irritandi.

OBJECTIONVM SOLVTIO.

- 8 **A**D rationes in contrarium; Respondetur; ad primam; non sufficere ad Matrimonij libertatem, huius, vel illius personæ electionem, sed requiri, ut electio ipsius status Matrimonialis, omnino libera sit, & non coacta; alioquin Matrimonium dici non potest absolutè liberum, sed coactum & liberum solùm respectiue. Libertas autem respectiua, cum non sit plena, ad Matrimonij valorem non sufficit.

- 9 Ad secundam respondetur primò; Si electio coacta ex c. 3. §. ceterum: de elect. in 6. irrita esset; sicut ex c. cum locum: de sponsal.

est irritum Matrimonium metu coactum: eodem modo fore irritam electionem, in quâ daretur optio eligendi vnam ex determinatis personis, vel Ecclesijs, sed ad ipsam electionem daretur coactio, quia iam electio illa, absolutè esset coacta, & libera solùm respectiue, ideoque non plenè, prout ad electionem requireretur.

- 10 Respondetur secundò; Disparitatem esse inter Matrimonium, ac electionem, quia ad electionem faciendam inter duos, obligari quis, vel à lege, vel à Superiore potest. At ad Matrimonium, nemo vlla lege obligari potest, nisi ipse prius, ex suâ voluntate se obliget.

COROLLARIUM.

- 11 **C**olligitur ex dictis; ad valorem Matrimonij, ac professionis religiosæ, requiri à iure plenam, ac omnimodam libertatem, non solùm circa electionem personæ, vel Religionis, sed etiam circa electionem ipsius status; cum enim sint status immutabiles, & semel assumpti, relinqui amplius non possint, nisi omnino liberè assumerentur, infelices exitus timeri merito possent.



QVAESTIO XLVIII.

An coactio, iusta secundum allegata, & probata, actus valorem impediatur.

C A S V S.

RACHEL, post contracta cum Titio sponsalia; cum alio Viro fornicata fuerat; Titius de hoc certior factus, eam ducere amplius nolebat. Verùm, quia Sponsæ fornicationem probare non potuit, à Iudice, sub poenà excommunicationis, eam ducere coactus est. Queritur, Vtrum Matrimonium illud, sit validum.

S V M M A R I V M.

RATIONES DVBITANDI.

- 3 Coactio formaliter iusta, Matrimonij valori ob stare non videtur.
- 7 Vere tamen obstat.
- 8 Est enim iniusta ex parte coactionem Patientis.
- 9 Ut obstat, satis est coactio materialiter iniusta.
- 10 Per hanc, coactus, sibi metum nullatenus infert.
- 11 Neque hæc coactio, locum habet in Foro Conscientiæ.
- 12 Est, sit iusta, ex parte Iudicis metum inferentis.
- 13 Et à Iure præcipiatur.
- 14 Vnde oriatur tunc, nullitas Matrimonij.
- 15 Coactio, ut Matrimonium non irritet, debet esse materialiter, & formaliter iusta.

- 2 C Vm Matrimonium, metu, ad id, iniuste incusso, contractū, iure positivo, sit irritum, ut dictum est; Oritur difficultas; an, ut sit irritum, sufficiat coactio, materialiter solum, & à parte rei iniusta, licet formaliter, ac secundum allegata, & probata, sit iusta; ut contingit, in casu proposito; an verò requiratur, ut coactio, tam materialiter, quàm formaliter sit iniusta.
- 3 Aliqui cum Sanch. lib. 4. de matr. d. 14. num. 9. Bonac. quæst. 3. de matr. p. 8. num. 14. & alijs, putant, ad valorem sufficere, ut coactio, sit iusta formaliter, ac secundum allegata, & probata, licet materialiter sit iniusta, Ideoque Matrimonium, à Titio contractum esse validum.

4 Primò; Quia coactio facta à Iudice, fuit secundum allegata, & probata, & secundum iuris ordinem, formaliter iusta; coactio autem iusta, Matrimonij valorem non tollit, sicut nec cuiuscumque alterius contractus.

5 Secundò; Quia ideo Matrimonium coactum, est inualidum, quia à iure est reprobatum; stando enim in iure naturæ, esset validum, & de facto Matrimonium, metu graui inter infideles, celebratum, est validum, quia infideles, Ecclesiæ legibus non sunt subiecti; sed in hoc casu, à iure non reprobat, nec reprobari potest, cum coactio præcipiatur; Ergo, in hoc casu, est validum.

6 Tertiò; Quia, si Index, quamuis iuste in re, iniuste tamen secundum allegata, & probata, Titium ad Matrimonium coegisset; Matrimonium, ratione iniuriæ formalis, esset nullum; Ergo è contra, cum coegerit iuste secundum allegata, & probata, quamuis iniuste materialiter, & in re, Matrimonium erit validum; Ius enim, à quo oritur Matrimonij irritatio, respicit solum veritatem, ac iusticiam, quæ habetur secundum allegata & probata; ynde hæc solum dicitur iuridica.

RESOLVTIO.

7 **R**espondetur tamen; Matrimonium, ex Iudicis coactione iuridicà, à Titio contractum, probabilius esse inualidum. *Basil. de Leon. lib. 4. c. 19. num. 11. Hen-*

riq. lib. 11. de matr. cap. 9. num. 4. Azor. lib. 1. c. 11. quæst. 6. Salas 1. 2. tract. 3. d. 3. f. 1. nu. 27. Lessius lib. 2. c. 17. d. 6 num. 30. Rebell. p. 2. de oblig. lib. 1. quæst. 3. num. 11. & alij plures apud istos.

8 Primò; Quia, licet coactio illa, prout se tenet ex parte Iudicis, fuerit iusta; prout tamen se tenet ex parte Titij, eam coactionem patientis non fuit iusta, sed iniusta, cum ipse tali coactioni causam non dederit. Ergo ius irritans Matrimonium ex coactione iniusta, hunc casum non excludit; In irritatione enim, non tam attenditur iustitia coactionis ex parte inferentis, quam ex parte patientis, cum in istius gratiam, ac fauorem fuerit à iure statuta irritatio; non verò in fauorem inferentis.

9 Secundò; Quia, si Pater, Adolescenti cù Filià deprehenso mortem minaretur, nisi eam duceret in Vxorem, Matrimonium esset nullum. *ex cap. veniens: de sponsal.* quamuis Pater ex errore putaret, talem coactionem sibi esse licitam; quia scilicet in re, & respectu Adolescentis, esset iniusta. Sed etiam coactio facta à Iudice secundum allegata, & probata, licet esset iusta ex parte ipsius; in re tamen, & ex parte Titij, erat iniusta; Ergo etiam Matrimonium à Titio contractum, fuit nullum.

10 Tertiò; Quia ad hoc, vt contractus metu initus, non sit rescindendus, necessariò requiritur, vt ipse metum patiens, vel per delictum, vel per ægritudinem, vel alio simili modo, sibi metum iniecerit

lerit, ut constat *ext. si mulier 21. in princ. ff. de eo, quod metus causa*; ubi, cum Mulier contra Dominum suum ingrata, timens, ob ingratitudinem, reducendam esse in servitutem, ex hoc timore aliquid dedisset, eius donatio non reuocatur, quia ipsa sibi hunc metum intulit; sed Titius, dum à Iudice ad Matrimonium cogitur, iuste quidem secundum allegata, & probata, sed iniuste secundum rem, nullo modo hunc metum sibi infert, cum nullo modo sit eius causa; Ergo hoc Matrimonium, est irritum; sicut, si esset alius contrarius, esset rescindendus.

- 11 **Quartò;** Quia coactio à Iudice facta, fundatur in falsà presumptione; Illa autem, quæ fundatur in falsà presumptione, locum non habent: in Foro conscientie, cum hoc Forum innitatur veritati; *c. tua eis qui fidem: de sponsa*. Ergo hæc coactio, locum non habet in Foro conscientie; ideoque Matrimonium, in Foro conscientie, nullum est.

OBJECTIONVM SOLVTIO.

- 12 **N**Equè obstant rationes in contrarium. Ad primam enim respondetur; Coactionem factam à Iudice, fuisse quidem iustam ex parte Iudicis inferentis; sed iniustam ex parte Titij patientis; Hoc autem sufficit, ut Matrimonium, ipso iure, sit irritum; sicut est sufficiens, ut quilibet alius contrarius, sit rescindendus.

- 13 **Ad secundam respondetur;** Quia

uis coactio, à iure præcipiatur, non tamen propterea Matrimonium approbari, quia coactio illa, fundatur in falsà presumptione, in quo casu, etiam, in Foro externo, approbaretur, non tamen approbaretur in Foro interno, quia Forum externum, & internum, conueniunt solum; quando externum, non irrititur falsæ presumptioni.

- 14 **Ad tertiam responderetur;** Disparitatem esse; quia, si Iudex, iniuste cogat secundum allegata, & approbata, iniuriam infert ei, quem cogit; quamvis enim in re, sit delinquens, quamdiu tamen eius delictum non probatur, ius habet, ne à Iudice damnetur tanquam reus; iniuria autem, obligat ad contrarium rescindendum, ut res in integrum restituantur, & sic refarciantur iniuria. Cum ergo, in ijs casibus, Matrimonium sit irritum, in quibus alij contrarius fuit rescindendi, sequitur, in isto casu, Matrimonium esse nullum. At quando Iudex, iuste cogit secundum allegata, & probata, sed iniuste in re, nullitas Matrimonij, non oritur ex iniurià illata ei, quæ Iudex cogit, sed quia ille qui cogitur, in re iniusticiam patitur propter falsam presumptionem, cui Forum externum tunc innititur, & Forum internum non conformatur externo, quando hoc innititur falsæ presumptioni.

COROLLARIUM.

- 15 **C**olligitur ex dictis; Ad hoc ut coactio, Matrimonij valorem

rem non impediatur, necessariò requiri, ut sit omnino iusta, non solum formaliter, & iuridicè, sed etiam materialiter, & in re. Cum enim Matrimonium, debeat esse validum in conscientia Foro, quod falsæ præsumptioni non innuitur, necessariò requiritur, ut coactio

realiter, & secundum rem ipsam, sit iusta; Cum verò ad Matrimonij valorem, à iure requiratur iustitia in coactione, requiritur etiam, ut coactio sit iusta formaliter; alia enim iustitia requiri à iure non potest, quam formalis, & iuridica.

QVAESTIO XLIX.

An Metus levis, in Foro conscientia, contractum rescindat.

C A S V S.

- 1 **C**IVIS DAM Viri Principis Vxor, cum, præter dotem, bona paraphernalia haberet satis ampla; ad instantiam Mariti, ex metu quodam reuerentiali erga illum, & ut iurgia cum illo, eiusque offensionem vitaret, pro illo fideiussit, alias non fideiussura. Queritur; Vtrum ex illa fideiussione, in Foro conscientia, teneatur.

SUMMARIVM.

- | | | | |
|---|---|----|---|
| 2 | Fideiussio, ex metu levi facta, in Foro conscientia obligare videtur. | 10 | Ut contractus, in Foro conscientia obligent, debent à iure approbari. |
| 4 | Sicut obligat in Foro externo. | 11 | Forum internum, quando cum externo conveniat. |
| 5 | Et sicut Matrimonium ex simili metu initum. | 13 | Matrimonij irritatio, oritur ex iure Ecclesiastico. |
| 7 | Non obligat tamen, etiam si sit sollemnis. | 14 | Cur Fideiubens habeat ius ad contractum rescindendum. |
| 8 | Ratione iniuria, quam metus etiam levis includit. | 15 | Pecunia, metu extorta et pretium iustum, retineri potest. |
| 9 | Vnde Fideiubens, in suam libertatem est restituendus. | 16 | Hereditatis renunciatio, metu |

re-

reuerentiali facta, est rescindenda.

- 17 *Promissio, eodem metu facta, in conscientia non obligat.*
- 18 *Remissio debiti, ex desperatione illud recuperanti, debitorem non liberat.*
- 19 *Blanditijs acquisita, restitutio, ni obnoxia non sunt,*

RATIONES DVBITANDI.

2 **Q**uamuis metus levis, in Foro externo, ita parui fiat, ut ad rescindendum contractum, metu leui, quamuis iniuste incusso, celebratum, non concedatur actio, sicut conceditur, quando metus est grauis. Est tamen non levis difficultas; an eodem modo parui fiat in Foro interno Conscientiæ; an verò metus, etiam levis, sufficiat ad contractum, in eo Foro rescindendum. Videtur enim, eodem modo parui fieri, sicut in Foro externo; & consequenter, Principis Vxorem, ex fideiussione, in Foro Conscientiæ, teneri; Ita *Azor. tom. 1. lib. 1. c. 11. Medina c. de rest. quæst. 3. c. 2. nu. 3. Tabien. v. coactio. quæst. 7. num. 8.*

3 **P**rimò; Quia fideiussio, quamuis fuerit facta ex metu, & non plenè libere, metus tamen fuit levis; metus autem levis, non solum iure naturæ, sed nec iure canonico, aut civili contractus rescindit, eo quod ab utroque iure pro nihilo reputetur: *l. nec timorem 7. ff. de eo quod metus causa*; & detur actio ad contractus rescindendos solum ob metum grauem, *ex c. 1. de his que vi*; ne detur occasio litium,

sicut daretur, si ob metum etiam leuem daretur actio ad contractus rescindendos. Cum ergo fideiussio, facta fuerit solum, ex metu leui, valida omnino fuit, nec rescindenda; ideoque obligat in conscientia.

4 **S**ecundò; Quia, Vxor, in Foro externo negaretur à iure actio ad talem contractum rescindendum, eo quod hæc concedatur solum ob metum grauem, & metus Vxoris sit levis, sed obligaretur ad contractum implendum; Ergo etiam, in foro conscientiæ, obligatur ad illum implendum; Forum enim internum, & externum, semper conformia sunt, quando externum non innititur falsæ præsumptioni.

5 **T**ertio; Quia Matrimonium, metu leui contractum, in foro conscientiæ, non irritatur; sicut irritatur, quando metus est grauis. Ergo alij contractus eodem metu irriti in foro conscientiæ non infirmantur, ac rescinduntur; non minor enim libertas requiritur in Matrimonio, quam in alijs contractibus; Si ergo metus levis, valori Matrimonij, non obstat, neque obstat aliorum contractuum firmitati. Quare, sicut fuisset validum Matrimonium metu illo celebratum, ita fuit valida fideiussio, ipsamque vxorem obligat ad illam implendam.

6 **Q**uartò; Quia, si fideiussio, eo metu facta, in foro conscientiæ rescindi posset, etiam rescindi posset in foro externo; Iam enim Vxor haberet ius illam rescindendi. Ergo, in Foro externo, illi iuste negari non posset actio ad illam

T

re-

rescindendam; alioquin forum exterrum; cooperaretur iniuriæ, ab incutiente metum illi illatæ, aptillam continuaret. Cum ergo iniure negetur actio ad illam rescindendam, signum est, Vxorem non habere ius ad illam rescindendam, & consequenter fideiussionem obligare in conscientiâ.

RESOLVTIO.

7 **R**espondetur tamen; Vxorem, fideiussione illa sic facta, in foro conscientie non teneri, sed posse illam rescindere, quamuis omnes solemnitates ad illius valorem à iure requisitæ, seruatæ essent. *Sanch. lib. 4. matr. disp. 9. num. 14. Molina tom. 2. d. 167. in fine. Reginaldus tom. 2. lib. 25. c. 4. f. 1. num. 33. Lessius lib. 2. cap. 17. d. 6. num. 46. Nau. c. 17. sum. n. 30. c. 22. num. 31. P. Nauar. lib. 3. de rest. c. 1. d. 7. num. 332. Sotus in. 4. d. 29. ar. 3.*

8 Primò; quia, cum Vxor fideiussionem fecerit, metu, quamuis leui coacta, per illam coactionem, iniuriam passa est, Ergo habet ius iniuriam illam à se repellendi, & consequenter ab eo contractu recedendi, illumque rescindendi, sic enim solùm, & non alio modo iniuriam à se repellit.

9 Secundò; Quia Princeps, qui metu, quamuis leui, Vxorem ad fideiubendum edegit, iniuriam, ac iniustitiam ei intulit, cum ipsa haberet ius, ne sic cogeretur; Ergo iniustitiam, ac iniuriam, quantum potest, rescire tenetur, & con-

sequenter res in pristinum statum restituere. Tunc autem solùm, censetur, res in suum pristinum statum restituere, cum Vxorem in suam pristinam libertatem restituit constituendo illam in statu, in quo omni metu deposito, fideiussionem libere approbare possit, vel reprobare; quandiu enim in hoc statu non ponitur, eius ius non manet reparatum, sed semper læsum.

OBIECTIONVM SOLVTIO.

10 **N**eque obstant rationes in contrarium. Nam ad primam, respondetur; Ex eo, quod ab utroque iure, negetur actio ad contractus metu leui celebratos, rescindendos, non rectè inferri, quod contractus illi, in foro conscientie, firmi sint, ac obligatorii; Nam, etiam in venditione, quando decipio est infra dimidiū iusti pretij, à iure civili negatur actio ad contractum rescindendum, & tamen certum est, decipientem, teneri tunc restituere. Vt ergo contractus alioqui inualidi, aut infirmi, in conscientiâ obliget, requiritur, vt à iure positio approbentur, vt contingit in legibus præscriptionis; non autem sufficit, vt sola actio fori externi denegetur; nam hæc, à iure, plerumque denegatur ad vitandas lites, quæ alias facile oriri possent, & tunc ius, tales contractus non tam approbat, quam permittit, propter bonum commune; ne scilicet Respublica, litibus perturbetur. Sicut ergo, quando in venditione, interuenit le-

læsus infra dimidium iusti pretij, quia ius, quamvis actionem denegat, eam tamen venditionem non approbat, venditio, in foro conscientiz, rescindenda est, & decipiens tenetur restituere; ita, cum in fideiussione, aliisque similibus contractibus, intervenit coactio ex metu levi, quia ius, quamvis denegat actionem, tales tamen contractus non approbat; ideo contractus, illi, rescindendi sunt, in foro conscientiz, ratione iniuriæ, nec obligant.

11 Ad secundam respondetur; Forum externum, & internum esse conformia in ordine ad ea, quæ forum externum approbat, non verò in ordine ad ea, quæ non approbat, sed solum permittit, & ad quæ, solum actionem denegat; quamvis in ordine ad hæc etiam, dici possent conformia; Eo enim ipso, quod forum externum, contractum aliquem non approbat, sed solum permittit, censetur illum reputare tanquam malum, ac rescindendum, alioquin approbaret.

12 Ad tertiam respondetur primò; Negando antecedens; multi enim dicunt, Matrimonium, metu levi, celebratum, esse inualidum; Quia metus levis, non minus aufert plenitudinem libertatis ad Matrimonium requisitam; quam metus gravis: quidquid tamen sit de hoc.

13 Respondetur secundò negando consequentiam; Rescissio enim aliorum contractuum, in foro conscientiz, oritur ex iniustitiâ admittâ ab eo, qui metum intulit, quæ

iniustitia, cum æquè inveniatur in metu levi, ac gravi, hinc fit, ut uterque metus, ad rescissionem sufficiat. At Matrimonij irritatio, non oritur ex iniuriâ illata, sed ex iure Ecclesiastico, quod illud merito irritavit, quando metus est gravis, non verò quando est levis, quia subvenire voluit metum gravem patienti, eo quod fecerit, quod debuerit, eligendo ex duobus malis id, quod minus est. Subvenire autem noluit, quando metus est levis, quia tunc, metum passus, levisiter ad rem tam gravem, motus est, sicut etiam ius civile, iustissimè fauet gravem metum patienti, metu levi contempro.

14 Ad quartam respondetur; Vxorē habere, in foro conscientiz, ius ad rescissionem fideiussionis, quia habet ius, ut in pristinum statum libertatis restituatur, in quo fideiussionem illam libere approbare possit, vel reprobare; sicut, qui in venditione, læsus est infra dimidium pretij iusti, ius habet, vel ad contractus rescissionem, vel ad pretium iustum. In foro autem externo, non negatur hoc ius, nec reprobat, sed solum, propter bonum commune, & ad lites vitandas, negatur illi actio; in qua nulla est iniustitia, sicut nulla est iniustitia, quod etiam læso infra dimidium, negetur actio.

COROLLARIA.

15 Colligitur ex dictis primò; Potentem iustè aliquem accusare, si incusso illi accusationis timore

- re, aliquid ab eo extorqueat; ne accuset, non teneri illud restituere quia, cum iuste illum accusare posset, priuatur iure, & actione accusandi, quam habebat; quod, cum sit pretio estimabile, iuste pro eo, aliquid accipere potest, tanquam pretium. Hoc tamen proportionem habere debet cum iure, quo priuatur, quia ad iusticiam contrarius requiritur necessario aequalitas, ac proportio inter pretium, ac rem, siue opus pretio estimabile; *Lessius lib. 2. c. 17. d. 6. num. 45.*
- 16 Secundò; Quamuis renunciatio paterna hereditatis, facta à Filio metu reuerentiali Patris, in Foro externo, non rescindatur, eo quod metus iste, non sit grauis; In foro tamen conscientiae, si ea renunciatio fiat, repugnante voluntate, ad petitionem Patris, cui non audet contradicere, & ne cum molestia afficiat; esse omnino rescindendam, & Patrem teneri, hereditatem sic renunciata restituere, quia metus iste, quamuis leuis, cum sit iniuriosus, & causa actus, in foro conscientiae, ad eum rescindendum est sufficiens. Pater enim, cum, sua auctoritate, filij libertatem oppresserit, ex iustitià eam relaxare tenetur, ita ut filius eligere possit, quod ei placuerit; & si non faciat, iniuriam infert, & consequenter restituere tenetur quidquid per talem consensum inuoluntarium consecutus est. Quod si Pater eam hereditatem nolit restituere, poterit filius occultè facere compensationem. *Natur. in sum. c. 17. num. 152.*
- 17 Tertiò; Filium, qui ad instantiam Patris morientis, timens eius indignationem, & ne illum in eo articulo molestia afficeret, promissit, de suo quoddam eius debitum soluere, alias nullo modo promissurus, non teneri in foro conscientiae illud debitum soluere, quia, metu quasi coactus, ac voluntate repugnante, promissit; Promissio autem, sic facta, in foro conscientiae, rescindi potest, nec obligat. *Sanch. lib. 3. matr. d. 9. num. 16.*
- 18 Quartò; Si aliquis, suo debitori partem debiti remittat, eo quod desperet, se posse alio modo debitum recuperare, debitorem non esse tutum in conscientia, sed teneri partem debiti sibi condonata restituere; quia ea remissio, coactè, ac inuoluntariè, & repugnante voluntate, facta est, ob timorem conceptum iniuste toto debito carenti. Si tamen nulla interueniat fraus, vel culpa debitoris, sed verà eius inopia cognita, Creditor, spe solutionis destitutus, partem debiti remittat; tunc re vera voluntariè condonat, & debitor nihil restituere tenetur. Idemque dicendum est etiam, si tertia aliqua persona, cum Creditore tractans dicat; *Ego curabo, ut debitor tibi partem debiti soluat, si tu, liberà voluntate, reliquum remiseris*; Nam, si ille remittat, omnino voluntariè remittit, ac nullo modo coactè *Sanch. num. 17.*
- 19 Quintò; Blanditijs extorral, restitutioni non esse obnoxia; Quia blanditijs, nullo modo causant inuoluntarium, & concupiscentia enim

& amor, sunt potius causa, ut voluntas majori conatu operetur. Neque obstat, quod amor, dicatur non minus excicare, quam ebrietas. Nam hoc, intelligi debet so-

lūm in ordine ad prudēter, & iuxta rectam rationem operandum, non verò in ordine ad operandum voluntariè, ac liberè. *Molina tom. 1. tract. 2. d. 94.*

QVAESTIO L.

An preces importunæ, in foro conscientiæ, contractum rescindant.

CASVS.

VIR quidam nobilis, dum transiret per viam, videns in quadam officinà Pileum figurę, ac materię nouę, à se prius non visę; cum à Mercatore, alias amico precibus importunis, tandem gratis extorsit. Queritur; Vtrum illum retinere possit, an restituere teneatur.

SUMMARIVM.

- 1 *Precibus importunis extorta, videntur retineri posse.*
- 2 *In Foro tamen Conscientiæ non possunt.*
- 3 *Preces importunæ, æquiparantur coactioni.*
- 4 *Et in iure, etiam metui.*
- 5 *Nec plenam libertatem relinquunt.*
- 6 *Et qui propter illas aliquid facit, cum repugnantia facit.*
- 7 *Quid requiratur, ut dicantur importunæ.*
- 8 *Cur preces Pauperum non sint importunæ.*

- 9 *Ludus, precibus importunis extortus, cur sit validus.*
- 10 *Timor reuerentialis, precibus importunis æquiualeat.*
- 11 *Precibus importunis, legatum impediens, tenetur ad restitutionem.*
- 12 *Licentia sic à Superioribus extorta, non valent.*

RATIONES DVBITANDI.

- 1 **D**Um agitur de metu; Queri solet; an preces importunæ, illi æquiualeant in ordine ad actum vel irritandum, vel rescindendum,

T 3 Vta

Videntur enim non æquivalere; sicque Virum nobilem, Pileum importunis precibus extortum retinere posse. Ita *P.Nauar. lib.4. de rest. c.5. d.2. num.27. Henric. lib.11. d.2. matrim. c.9. num.5. Rodriguez. p.1. sum. cap.208. um.3. Garzias lib.2. de contr. c.19.*

3 Primò; Quia preces importunæ non efficiunt inuoluntarium mixtū, siue secundū quid alioquin Pauperes, eleemosynam precibus importunis obtentam, restituere tenerentur; quod tamen nemo asserit. Cum ergo Vir nobilis, precibus, quamuis importunis, Pileū, à Mercatore grats obtinuerit, illum libere, & sine vllā coactione obtinuit; ideoque illum retinere potest, non minus, quā per veram donationem obtenta.

4 Secundò; Quia trahens alium, solis precibus importunis, ac secluso omni metu, ad ludum, lucrum deinde in ludo factum, restituere non tenetur, vt communiter asseritur. Ergo signum est, preces importunas, non causare inuoluntarium mixtum, obligans ad restitutionem; ideoque Virum nobilem, Pileum similibus precibus obtentum, non teneri restituere.

RESOLVTIO.

5 **R**esponderetur tamen; Virum nobilem, probabilius Pileū, precibus importunis extortum, in foro conscientie, retinere non posse; sed teneri illum restituere. *Sanch. lib.4. matr. d.10. num.4.*

Nau. c.16. sum. nu.17. & lib.4. conf. tit. de claud. despons. cap.3. ad.4. num.4. & ad.7. num.7. Salomon.2.2. quæst.62. ar.2. controu.5. concl.3. Gutierrez lib.1.c.37.num.15. Syluester, v. restit.2. & alij plures apud istos.

6 Primò; Quia preces importunæ, æquiparantur metui, ac coactioni. *Iudic. enim 16. dicitur; fortissimum Sanfonem, importunis Dalidæ precibus, coactum, detexisse veritatem.* Ergo preces importunæ, vim habent oppressionis, ac vexationis, ac proinde metum incutunt. Sed metus, & coactio levis, in foro conscientie ad restitutionem obligant. Ergo etiam preces importunæ, obligant ad restitutionem; non minus enim, reddunt donationem, secundum quid, inuoluntariam, quam metus levis.

7 Secundò; Quia, etiam in iure, preces importunæ, æquiparantur metui. *In extrau. enim 10.22. de prabend. dicitur; & improbitas importuna petentium à nobis, & prædecessoribus nostris, non tam obtinuisse, quam extorsisse plerumque noscuntur, c.fin. de rescript. in 6. dicitur; per ambitiosam importunitatem petentium. & Leum 5. C. de Apostat. dicitur; qui sine inuitum, siue suasioe &c. Vbi violentia, & importuna suasio, æquiparantur. Cum ergo preces importunæ, metui æquiparentur; sequitur, illas ad restitutionem obligare, sicut obligat metus.*

8 Terriò; Quia, vt contractus quicumque, rectè, & absque iniustitiā celebretur, necessariò requiritur,

tur, ut ad illum libera veriusque Contrahentis voluntas concurrat. Tum quia, non est maior ratio, cur una debeat esse perfectè libera, & non alia; Tum quia, nemo iussè cogi potest ad se obligandum. Ergo, si altera voluntas, metu, quantumvis leui, cogatur, iniussè, ac cum iniurià cogetur, ideoque cogens, metu quocumque, quantumvis leui, extorta, restituere tenebitur. Sed etiam preces importunæ, habent vim eodem modo cogendi. Ergo ipsæ etiam, ad restitutionem obligabunt.

9 Quartò; Quia, non minus qui precibus importunis mouetur, ad aliquid donandum, donat inuoluntariè secundum quid, & ad eorum precum molestiam repellendam, aliàs nullo modo donaturus, quàm qui donat, metu leui coactus, ne Donatarium contristet, eiusque amicitiam, qua indiget, perdat. Sed donatio ista, rescindenda est, & obligat ad restitutionem; Ergo & illa; Vtraque enim; æquè fit, cum voluntatis repugnantia, & cum nolitione conditionata, qua, si posset, non daret.

10 Preces tamen, ut ad restitutionem obligent, ita debent esse importunæ, ut causent inuoluntarium secundum quid. Quod tunc contingit, cum quis, propter illas voluntate omnino repugnante, & ad vehementem importunitatem repellendam, quasi coactus, aliquid facit; Qui enim sic operatur, censetur operari sine plenà libertate, & cum nolitione conditionata, quæ sufficit ad produ-

cendam obligationem restituendi, ut dictum est.

OBIECTIONVM SOLVTIO.

11 **A**D rationes autem in contrarium, responderetur; ad primam. Preces pauperum importunas, regulariter non causare inuoluntarium secundum quid, quia paruipenduntur, & qui dat eleemosynam, voluntariè dat, nec vult sibi fieri restitutionem, cum præsertim eleemosyna est parvæ quantitatis. Hinc tamen non sequitur, alias preces importunas, nunquam causare inuoluntarium secundum quid; experientia enim constat, aliquid aliquando dari, propter illas, cum maximà repugnantia; hæc autem, repugnantia, signum evidens est, inuoluntarij secundum quid; nihil enim est aliud, quam nolitio conditionata dandi illud, quod de facto datur.

12 Ad secundam responderetur; Esse disparem rationem inter ludum, & alios contractus; Nam ludus, quavis sic extortus, sit inuoluntarius secundum quid, eius tamen consensus, est sufficiens, ut contractus sit validus ex parte attrahentis, sicut est sufficiens, ut sit validus ex parte attracti. Et quamvis in alijs contractibus onerosis, coactus rescissionem petere possit; in ludo tamen non potest, quia, cum sit contractus, lucro, ac iacturæ expositus, spes lucrandi, & periculum perdendi, utrinque æqualia sunt; ideoque coactus, petere hic non potest quod dedit, reddendo quod ac-

T 4 cepit;

cepit; quia nihil propriè dedit, & nihil accepit; hinc ergo fit, ut aliū etiam minis attrahens ad ludendum lucrum restituere non teneatur, quia, ratione iniuriæ attractionis, nihil restituere tenetur, sed solum pati penam, si illi infligatur à Iudice; neque ratione lucri ex ludo acquisiti; quia fuit acquisitum per contractum omnino validum.

COROLLARIA.

- 13 **C**olligitur ex dictis primò; Quæ dicta sunt de precibus importunis, omnia à fortiori locum habere, in timore reuerentiali; quia hic, eodem modo, causat inuoluntarium secundum quid; ex

quo, oritur obligatio restituendi.

- 14 Secundò; Impedientem Legatum precibus importunis, quæ causent inuoluntarium secundum quid; reneri ad restitutionem, quia, ratione iniuriæ illatæ Testatori, illum in suum pristinum libertatis statum restituere tenetur, & consequenter contractum extortum, vel impedimentum reuocare.

- 15 Tertiò; Licentiam aliquid dandi, vel accipiendi à Religioso precibus importunis extortam, quando Superior, voluntate repugnante, & ad importunitatem repellendam, consentit, non excusare ipsum à vitio proprietatis, quia illa non est licentia, sed violentia. *Sanch. lib. 4. d. 10. num. 9.*

Q V A E S T I O L I.

An peccatum sit essentialiter offensa Dei.

C A S V S.

- 1 **R**VSTICVS quidam, cum inaduertentia ad Dei legem, sæpius, in materià etiam graui, mentitus est. Queritur; Vtrum mortaliter peccauerit, ac Deum offenderit.

S Y M M A R I V M.

- | | | | |
|---|---|----|--|
| 3 | Graviter mentiens cum inaduertentia ad Dei legem, mortaliter peccare non videtur. | 8 | Deus, quod modis considerari possit. |
| | | 9 | Quid sit peccatum mortale, quid veniale. |
| | | 10 | Sic mentiens, Deum graviter offendit. <i>Transf.</i> |

- 11 *Transgreditur legem naturalem cognitam.*
- 12 *Virtualiter Deum contemnit.*
- 13 *Mendacium, est prohibitum quia malum.*
- 14 *Etiam antecederet ad Dei legem, est peccatum.*
- 15 *Dei offensa, est actio contra Dei legem, vel formaliter, vel consequenter.*
- 16 *Peccatum, constituitur per oppositionem cum aliqua lege.*
- 17 *Peccatum, est inobedientia Deo facta, vel directè, vel indirectè.*
- 18 *Cur circumstantia inaduertentie, in confessione explicanda non sit.*
- 19 *Quomodo omnia peccata, sint contra Dei legem.*
- 20 *Etiam veniale, est legis præiuratio.*
- 21 *Omne peccatum reddit actum inordinabilem ad ultimum finem.*
- 22 *Peccatum veniale, cur dicatur esse præter legem.*
- 23 *Veniale, in quo differat à mortali.*

RATIONES DVBITANDI.

- 2 **S**icut operatio, legi internæ conformis, appellatur virtuosa; ita quæ ei est disformis, ab eaque deficiens, dicitur defectuosa, siue defectus, ac peccatum; estque nobis mala, sicut aquæ, est malus calor; Sicut enim calor, est malus aquæ, quia est contra eius inclinationem ad frigus, à quo conservatur, ac pericitur. Ita

peccatum, nobis est malum, quia est contra dictamen rationis, siue legem internam, quæ nos inclinat ad operationem virtuosam, & per eam ad felicitatem. Cum autem Conscientia, siue lex interna, nostrarum operationum sit regula immediata, vt vidimus; eius officium, ac munus est; non solum voluntatem dirigere ad rectè operandum, iuxta mensuram libertatis, quæ illi ab ignorantia, ac metu relinquatur, sed ipsarum etiam operationum perfectiones, ac defectus indicare; vtrumque enim hoc munus, est proprium regulæ.

- 3 Vt ergo Conscientiæ, siue legis internæ natura, ac vis ad nostras operationes dirigendas, melius adhuc cognoscatur; peccati, quod illi directè opponitur, natura, species, ac proprietates, querendæ sunt; sic enim fiet, vt opposita, iuxta se posita, magis elucescant. Quamuis autem, certum sit, peccati malitiam, ac essentialiter, consistere in eius oppositione cum conscientia, siue lege interna, ac regula rationis; adhuc tamen dubitatur; an sit essentialiter offensa Dei; Aliqui enim hoc negant, asseruntque, Rusticum, dum cum inaduertentia ad Dei legem, grauitèr mentitus est, nec Deum offendisse, nec mortaliter peccasse. Ita sentire videntur. *D. Thom. 1. 2. q. 71. art. 6. ad 5. Suar. lib. 2. de legib. c. 6. num. 17.*

- 4 Primò; Quia offensa Dei consistit in eo, quod quis scienter faciat contra Dei præceptum, ac legem; Sed Rusticus, dum mentitus est,

ad Dei legem non aduertit; Ergo mentiundo, non fecit contra illam formaliter, & consequenter Deum formaliter non offendit.

5 Secundò; Quia *Rom. 4. ubi non est lex, nec prauaricatio; & 1. Cor. 15. virtus peccati lex*; Ergo peccatum formaliter constituitur per contrarietatem ad Dei legem. Cum ergo, ad hanc non aduertit Rusticus, dum mentitus est, contra illam non fecit, & consequenter nec peccauit.

6 Tertio; quia peccatum *ex Sando Ambrosio de Paradiso c. 8.* est transgressio diuinæ legis, & inobedientia cælestium mandatorum, & consequenter offensio Superiori facta. Sed inobedientia, & offensio necessariò requirunt cognitionem legis superioris, cuius voluntati inobediens repugnat. Ergo ad peccatum, necessariò requiritur cognitio legis superioris; ad quam cum rusticus non aduerterit, consequenter nec Deum offendit.

7 Quarto; Quia, Si rusticus aduertisset, mendacium lege diuinà esse prohibitum, multò grauius peccasset, quàm aduertendo solum esse dictamini rationis, siue legi naturali contrarium. Consequens autem est falsum; si enim grauius peccasset, hanc circumstantiam aduertentis, tanquam mutantem speciem explicare teneretur, quod tamen à nemine admittitur; Ergo signum est, peccatum, solum in contrarietate ad Dei legem consistere.

NOTABILIA.

8 **A**duertendum est primò; Deum considerari posse, vel quatenus est Legislator; vel quatenus est primum Principium, ac supremus omnium creaturarum Dominus; vel denique quatenus est vltimus Finis noster. Certum est, peccatum, eo ipso quod est contra dictamen, ac regulam rationis, non propterea esse offensiuum Dei, quatenus Legislator est; si enim Deus, nullum homini præceptum imposuisset, adhuc mendacium, fornicatio, homicidium, & similia, essent contra regulam, ac dictamen rationis, & tamen tunc non essent contra Dei præceptum, ac legem, & consequenter neque contra Deum vt Legislatorem. Similiter certum est, non omnia peccata, eo ipso quod sunt contra regulam rationis esse simul offensam Dei, tanquam primi Principij, ac creaturarum omnium Domini, sed ea solum, quæ sunt contra Religionem, vt sunt blasphemia, idololatria; &c. Deus enim, vt primum Principiū, ac supremus creaturarum Dominus, habet solum ius, vt à creaturis colatur; Hic autem cultus, Deo debitus, non tollitur propriè per quodcumque peccatum; sicut enim cultus, non consistit in quocumque opere bono, sed solum in quibusdam actibus; vt, in Oratione, Sacrificio, & alijs similibus actibus Religionis, ita non tollitur per quodcumque peccatum, sed solum per peccata contra Religionem.

Pec-

Peccatum ergo, eo ipso, quod est contra regulam rationis, est offensivum Dei, solum quatenus est ultimus finis noster; Eo enim ipso, quod aliquis actus, est contra regulam rationis, est inordinabilis ad ultimum finem, ad quem tamen omnia aliquo modo referri debet; Hinc ergo fit, ut Deum offendat, quia violat ius, quod Deus tanquam ultimus finis habet, ut omnia ad eum, aliquo modo, referantur, ac ordinentur.

- 9 Aduertendum est secundò; Non quamlibet Dei offensam, sufficere ad eius Amicitiam dissoluendam, sed requiri, ut offensa sit gravis; sicut requiritur etiam inter homines. Cum enim amicitia, sit res gravissima, à rebus parvi momenti pendere non debet. Quare, quemadmodum, inter homines, qui amicum vel incautè solum, vel in re leui offendit, iustam causam solvendi amicitie dedisse non censetur; nec propter quamcumque offensusincuram, sit quis statim Amico inimicus, eumque usque ad mortem persequitur. Ita inter Deum & homines, non quamlibet Dei offensa, satis est, ad eius amicitiam dissoluendam; neque enim probabile est, risum immoderatum, aut verbum otiosum, hominem exeroqui iustum, perpetuò Dei odio dignum reddere; sed requiri ut offensa sit gravis. Unde, in Evangelio, quædam peccata, rebus levissimis comparantur, alia verò gravissimis. *Matt. 23. excolantes Culicem, Camelum deglutientes, & Luc. 6. quid vides festu-*

cam in oculo Fratris tui, trabem autem, que in oculo tuo est, non consideras. Quæ autem sint trabes, quæ fastuæ, colligi poterit primò ex Scriptura; Si enim peccatum aliquod, in eà, dicatur excludere à regno Dei, ut *Galat. 3. Qui talia agunt regnum Dei non consequentur.* Indicatur, peccatum illud, esse mortale, & offensam Dei gravem. Secundò; Ex qualitate, & quantitate materie, quæ præcipitur, vel prohibetur. Si enim hæc, ex se, sit valde utilis ad Dei, vel proximi charitatem conservandam, & quantitas sit notabilis, peccatum erit similiter mortale, & offensa gravis. Tertiò; denique, ex virtute, cui peccatum opponitur; si enim, per illud, graviter lædatur aliqua virtus, ex ijs, quæ homini maximè necessariae sunt, offensa erit gravis. Si verò peccatum aliquod, vel in Scripturà non magni fiat, vel eius materia levis sit, vel advertentia imperfecta, erit tantum offensa levis, ac venialis. His positis.

RESOLVTIO.

- 10 **R**esponderetur; Rusticum, si mentiendo, mortaliter peccasse, ac Deum offendisse. *Vasq. 1.2. d.96. c.2. Azor. tom. 1. lib.4. c.1. quæst.4. Medina 1.2. qu.71. art.6. Alvarez 1.2. d.131. nu.3. Bonac. d.2. quæst.2. p.1. nu.2.*
- 11 Primò, Quia, ad mortaliter peccandum, satis est, transgredi legem naturalem cognitam; in re gravi, alioquin omnes gentes, quæ Deum

Deum, vel specialem Dei prohibitionem ignorant, mentiendo, aut occidendo, mortaliter non peccarent, & consequenter propter hos actus malos, non punirentur, poenā aternā; quod non videtur concedendum, sed Rusticus sic mentiendo legem naturalem transgressus est in re graui, ergo mortaliter peccauit.

12. Secundò; Quia actus humanus eo ipso, quod est moraliter malus, & contra rectam rationem, in re graui, est etiam virtualiter contemptius Dei, vt vltimi Finis. Hic enim virtualis contemptus, est inseparabilis à malitiā morali actus, vt dictum est. Ergo Rusticus, sic mentiendo, virtualiter Deum, tanquam vltimum Finem, contempnit; ideoque illum offendit; Et quia materia erat grauis, offendit grauius.
13. Tertiò; Quia, lex diuina, ideo prohibet mendacium, homicidium, adulterium, & similia, qua mala sunt. Ergo hæc, antecedenter ad Dei prohibitionem habent malitiam sufficientem, vt constituentur in esse peccati. Ergo, quamuis Rusticus, mentiendo, ad Dei prohibitionem non aduerterit, adhuc tamen peccauit; & Deum offendit, saltem quatenus est custos legis naturalis.
14. Quartò; Quia, seclusa Dei lege, si quis mentiatur, verè inhonestè, ac indecenter operatur, ideoque peccat. *Rom. enim 2. dicitur. cum gentes, qua legem non habent, naturaliter ea, que legis sunt, faciunt obediunt opus legis scriptum in*

cordibus suis, testimonium reddente illis conscientia ipsorum. Et Deus, quamuis sibi legem imponere non possit, mentiri tamen non potest, quia malum est; Ergo mendacium, antecedenter ad omnem Dei legem, est peccatum; ideoque potuit Rusticus, etiam cum inaduertentia ad Dei legem, mentiendo, peccare.

OBJECTIONVM SOLVTIO.

15. **N**Equè obstant rationes in contrarium; Nam ad primā respondetur; Dei offensam, consistere in hoc, quod quis faciat contra Dei legem, vel formaliter, vel consequenter, non autem in eo, quod contra illam faciat formaliter; Mendacium enim, antecedenter ad omnem Dei legem, est in se malum, & peccatum. Imo propterea est Diuinā lege prohibitum, quia peccatum est. Vnde ratio formalis, & causa principalis, cur sit peccatum, non est lex Diuina, sed eius contrarietas cum dictamine rationis, siue cum natura humana, quatenus ratione vtitur, & eius inordinabilitas ad Deum tanquam ad vltimum finem; Consequenter verò, & indirectè, est lex diuina, eo quod omnia peccata, sint etiam contra legem Diuinam, quatenus Deus precipit, iustis legibus obedientiam præstari, & omnia peccata, sunt contra aliquam legem, vel Diuinam, vel naturalem, vel humanam; imo ideo sunt peccata, quia aliqua ex istis legibus sunt prohibita.

Ad

16 Ad secundam respondetur; ex illis Scripturæ locis, solum colligi, quod peccatum essentialiter constituitur, per contrarietatem ad aliquam legem, & quod omne peccatum, est malum, quia aliqua lege est prohibitum, quod est verissimum. Nam comestio, tempore ieiunij, est mala, quia iure humano, est prohibita; omisso Confessionis ante Communione, est mala, quia habenti conscientiam peccati mortalis, iure diuino, præcepta est Confessio; & mendacium est malum, quia iure naturæ, siue lege naturali, est prohibitum. Hinc tamen non sequi, quod omne peccatum sit malum, quia lege Diuina est prohibitum; quamuis enim omnia peccata, de facto lege diuina sint prohibita; ratio tamen formalis, cur sint peccata, non est, quia lege diuina sunt prohibita, sed solum, quia sunt prohibita aliqua lege, vel Diuina, vel naturali, vel humana.

17 Ad tertiam respondetur; Peccatum, esse inobedientiam, & offensam Deo factam, non formaliter, sed solum materialiter, & indirectè, siue consequenter; neque enim ad rationem peccati, requiritur, ut sit transgressio legis ex voluntate non obediendi Deo, sed satis est, quod sit contra rationem; sic enim, eo ipso, est etiam saltem mediata contra Dei legem, & consequenter inobedientia materialis, quæ sufficit ad peccatum.

18 Ad quartam respondetur; Concedendo, grauius peccare eum, qui aduertenter violat Dei præ-

ceptum, quam qui nullam illius aduertentiam habet; quia tamen fere nunquam accidit, ut quis Dei legem ignoret, de ijs, quæ sunt intrinsecè mala, & ad eam aliquo modo non aduertat; hinc est, ut in confessione, eam circumstantiam aduertentis, vel inaduertentis explicare necesse non sit.

COROLLARIA.

19 **C**olligitur ex dictis primò; Omne peccatum, esse contra Dei legem, vel indicantem, illud esse malum, ac peccatum; hoc enim modo, omnia peccata intrinsecè mala, sunt contra Dei legem eorum malitiam indicantem: vel esse contra Dei legem, facientem, illud esse malum, ac peccatum: hoc enim modo, omnia, quæ sunt mala, quia prohibita, sunt contra Dei legem præcipientem, siue facientem, illa esse mala; cum ideo sint mala, quia sunt Diuinæ legi contraria.

20 Secundò; Non solum peccato mortali, sed etiam veniali, conuenire, quod sit legis præuaricatio, siue quod sit voluntas, locutio, aut operatio contra legem; Nam etiam veniale, verè est contra legem; Verè enim est contra rectam rationem, sicut mortale; Imo eodem sæpe præcepto prohibetur, quo mortale, ut patet in furto graui, & leui; Vnde, cum venialia, dicuntur esse non contra legem, sed præter legem, intelligendum est, non esse contra legem absolute, sed solum cum addito, scilicet leuiter, &

& non notabiliter, vel non effe-
contra legem, Diuinæ gratiæ, ac
amicitiæ peccatariæ peccatis enim
venialibus, Diuina amicitia non
dissoluitur, nec gratia amittitur,
quamuis infirmetur, ac remittatur.

21. Tertiò; Non solum peccatum
mortale, sed etiam veniale, ex eo
quod sit contra rectam rationem,
reddere actum inordinabilem ad
vltimum finem; ad quod tamen te-
netur creatura rationalis, eo ipso,
quod vult operari; Vnde etiam
veniale, est offensa Dei; leuis ta-
men, & eius amicitiam non dissol-
uens.

22. Quartò; Peccatum veniale dici
posse, præter legem, quatenus non
est propriè contra finem legis, sine
quatenus non priuat hominem cha-
ritate, quæ *Rom. 13.* dicitur, finis
ac plenitudo legis, eo quod om-
nia præcepta eo tendant, vt Deum
ex toto corde, diligamus, & pro-
ximum sicut nos ipsos.

23. Quintò; Veniale, differre à mor-
tali; primo quo ad modum tenden-
di in Deum; Veniale enim leuiter
opponitur regulæ rationis, & con-
sequenter etiam legi Diuinæ; mor-
tale verò grauiter; Secundò quo
ad effectus; Nam veniale, non
priuat gratia, & charitate, quam-

nus Deo verè displiceat, & sit pro-
priè peccatum; mortale verò; &
gratiam aufert, & Diuinam ami-
citiam dissoluit, ac destruit. Ve-
niale meretur solum aliquam pœ-
nam temporalem; mortale verò
perpetuam Diuinæ visionis caren-
tiam, & pœnas inferni.

24. Sextò; Peccatum mortale; v. g.
Fornicationem, dici auersionem à
Deo, & conuersionem ad creatu-
ram, tanquam ad vltimum finem;
quia, cum sit impossibilis cum
affectione Dei, ac vltimi finis; eo
ipso, quod illa amatur, necessariò
Deus, vt finis vltimus virtualiter
negligitur, ac contemnitur, eique
postponitur, atque ita grauiter of-
fenditur. Similiter, quia est essen-
tialiter destructiua amicitie diui-
næ; eo ipso, quod illa amatur, a-
micitia Diuina necessariò virtua-
liter contemnitur. In hoc autem
sensu, peccatum veniale, dici non
potest, auersio à Deo. Tum quia,
non tollit charitatem, quæ est con-
uersio ad Deum; Tum quia, non
impedit affectionem finis vltimi.
Dici tamen potest auersio à Deo
quasi negatiuè, quatenus peccatum
veniale, non est referibile ad Deum
tanquam ad finem vltimum.



QVAESTIO LII.

An effectus peccati, sit peccatum.

C A S V S.

SACERDOS quidam, aliquot diebus nauigaturus, nauim conscendens, Breuiarium in mare proiecit. Die tamen sequenti illum facti pœnituit, & actum Contritionis elicuit. Cum autem, absolutâ nauigatione, descendisset è naui, peccatum suum confiteri voluit, sed ignorabat, quomodo confiteri deberet: Num dicendo, se omissioni Officij dedisse causam; an verò, se, toties, Officium omisisse. Quæritur, quomodo peccatum suum confiteri debeat.

S V M M A R I V M.

- 3 Satis esse videtur, in Confessione causam officij omissioni datam exprimere.
- 6 Ipsa tamen omisso, est explicanda.
- 7 Est, in se, & formaliter peccatum.
- 8 Et volita, saltem in causa.
- 9 Quamuis tunc in nostra potestate amplius non sit.
- 10 Vt aliquid sit peccatum, satis est, quod sit volitum in causa.
- 11 Non est tamen notum peccatum.
- 12 Proiectio Breuiarij, est virtualis omisso officij.
- 13 Actus externi, quamuis indirecti solum voliti, inducunt censuras, & obligationem restituendi.

R A T I O N E S D Y B I T A N D I.

- 2 QUAESTIO hæc, non solum confert, vt peccati naturam melius cognoscamus, sed etiam, vt sciamus, quomodo sit in confessione explicandum. Sensus autem Quæstionis est; An opus externum malum, prauisum, sed eo tempore factum, quo in nostra potestate non est, sit dicendum formaliter peccatum; an solum effectus peccati. Si enim est peccatum, erit consequenter in Confessione explicandum; Secus autem, si solum sit eius effectus.
- 3 Aliqui putant esse solum effectum peccati, sicut, dum homo occiditur, mors est solum occisionis effectus; & consequenter satis esse in Confessione causam omissioni officij, per Breuiarij projectionem

in

in mare, datam, exprimere. Ita
*Vasq. 1.2. d.94. c.2. Azor 30m. 1.
 lib.1. c.7. quest.1. Clavis reg. lib.
 2. c.6. num.15. & probabile putat
 Sanch. lib.1. sum. c.16. n.46.*

- 4 Primò; Quia omnia opera, quæ
 sunt, quando iam non manent in
 nostrà potestate, vt sunt opera, quæ
 sunt in ebrietate, informari non
 possunt vllà malitià morali, ideo-
 que non sunt peccata, neque
 per dominationem extrinsecam à
 malitià causæ, sed solum, sunt qui-
 dam effectus peccati præcedentis;
 eo modo, quo, cum quis hominem
 occidit, mors, non est peccatum,
 sed effectus peccati; tandiu enim,
 actus externus, est capax malitiæ
 moralis existentis in mala volunta-
 te interna, quandiu est liber, alio-
 qui iam denominari non potest ma-
 lus, & peccatum, sed solum effectus
 malitiæ, ac peccati. Sed omissiones
 officij, consequentes ad proie-
 ctionem breuiarij in mare, non
 fuerunt liberæ; vitari enim nullo
 modo potuerunt; Ergo non fue-
 runt capaces malitiæ moralis; Ideo-
 que denominari nō potuerunt pec-
 cata, sed solum effectus peccati,
 siue projectionis breuiarij in mare.
 Ergo satis erit, projectionem bre-
 uiarij in mare, & causam omissioni
 sic datam, in confessione expli-
 care.

- 5 Secundò; Quia, si effectus, qui
 ex causà voluntarià sequuntur, es-
 sent verè, & formaliter, in se pec-
 cata, quando in nostrà potestate
 non sunt; sequeretur, Ebrium,
 committendo homicidium antea
 præsum, mortaliter peccare, &

consequenter amittere gratiam,
 quam per pœnitentiam, vel Con-
 fessionem antecedentem, post cau-
 sam datam, fortè recuperauerat;
 similiter eū, qui proijcit breuiariū
 si secunda die confiteatur, & gra-
 tiam recuperet, peccare mortali-
 ter omittendo officium tertia die,
 sicque gratiam, per pœnitentiam
 recuperatam, amittere; consequens
 autem est falsum, quia gratia, abs-
 que actu libero, amitti non potest.

RESOLVTIO.

- 6 **R**esponderetur ramen; proba-
 bilius videri, quod non sa-
 tis sit dicere, se dedisse causam
 omissioni officij, per projectionem
 breuiarij, sed quod confiteri te-
 neatur se officium omisisse. *San-
 ctus Thomas 2. 2. quest.79. ar.3.
 ad.3. & quest.150. art. 4. Sotus
 in 4. d.12. quest.1. art.7. Sanch.
 lib.9. matr. d.45. num.28. Salas.
 1.2. quest.71. tr.12. d.2. f.9. Be-
 can. p.2. tract.2. c.3. qu.6. nu.8.
 Comitol. l.b.5. quest.5. Tanner. 1.
 2. d.4. d.3. num.35. & ibi Suar.
 tract.5. d.3. f.4. n.5. & alij plures
 apud istos.*

- 7 Primò; Quia ipsa omisso officij
 verè in se, & formaliter, est pec-
 catum, quamuis non habeat mali-
 tiam distinctam à malitià projectio-
 nis breuiarij, sed dicatur mala, &
 peccatum, solum per denominationem
 extrinsecam à malitià projectio-
 nis; Sicut actus externus, est in
 se, ac formaliter peccatum, quam-
 uis denominetur tale, solum à ma-
 litia voluntatis internæ. Sicut ergo
 qui

qui hominem occidit, non satis explicat totum suum peccatum, dicendo, *Habui voluntatem occidendi hominem*, sed explicare debet etiam ipsum actum exter- num, cum hic etiam sit pars mate- rialis, ac subiectum peccati com- pletis. Ita qui breuiarium proiecit, & officium omisit, non satis expli- cabit peccatum suum, dicendo; *De- di causam omissioni officij per pro- iectionem breuiarii in mare*; sed ipsam officij omissionem explicare tenebitur; nam hæc etiam, est ve- re pars materialis, ac subiectum peccati.

8 Secundo; Quia, ut aliquid, sit in se, vere ac formaliter, peccatum, non est necessè, ut sit, in se ac di- rectè, voluntarium, sed sufficit, ut sit voluntarium indirectè, & in- causà; Cum quis enim, ex ignoran- tià culpabili, omittit ieiunium, o- missio ieiunij, vere ac formaliter, est transgressio præcepti, quamvis non sit in se, ac directè voluntaria, sed solum indirectè, in ipsà igno- rantia, vel negligentia, tanquam in causà. Sed omisso officij, fuit indirectè volita, ac voluntaria in- causà; Ergo vere, ac formaliter, fuit peccatum; ideoque in Confes- sione, explicanda est.

9 Tertiò; Quia, si omisso officij, non esset in se formaliter pecca- tum; hoc ideo esset, quia postquàm proiectum est breuiarium in mare, omisso officij, iam non est amplius in potestate Sacerdotis. Sed hoc non obstat; Nam, non solum, emis- sio sagittæ, ad inimicum occiden- dum, est peccatum, sed etiam ipsa

vulneratio; licet hæc, post sagittæ emissionem, non sit amplius in po- testate emittentis; alioqui, si quis emitteret sagittam, animo vulne- randi, vel occidendi inimicum, & de facto vulneraret, aut occideret, non esset necessarium in Confessio- ne exprimere, se inimicum vulne- rasse, vel occidisse, sed satis esset dicere, se sagittam emisisse, animo inimicum vulnerandi, vel occiden- di; Imo, si à Confessario interro- garetur, an occidisset, sine mortali, dicere posset, se non occidisse, quia mendacium, esset de materià Confessionis non necessaria, ideo- que solum veniale. Consequens autem, est contra communem sen- sum, ac praxim fidelium. Ergo o- missio officij, vere est in se forma- liter peccatum, ideoque in Con- fessione necessariò explicanda.

OBJECTIONVM SOLVTIO.

10 **A**d rationes in contrarium re- spondetur; Ad primam; Ne- gando maiorem; Ut enim, actus externus, dici possit peccatum, sa- tis est, quod fuerit voluntarius, ac liber, in suà causà; alioqui pecca- ta, ex ignorantia culpabili, com- missa appellari non possent vera peccata, quod tamen est contra communem sensum, ac praxim fi- delium.

11 Ad secundam respondetur; Ne- gando sequelam; Cum enim omis- sio officij, tertia die, non sit pec- catum, ratione sui, voluntarium, & imputabile, sed solum per de- nominationem extrinsecam à vo-

V. lun-

humano, ac imputabilitate causæ, sub protectionis breuiarii in mare, quatenus hæc fuit etiam virtualiter omisso Officij; Sequitur, omissionem illam non fuisse propriè nouum peccatum, nec Sacerdotem gratiam amisisse, quia committere nouum peccatum morale, significare videtur, ponere nouum voluntarium, nouam malitiam, & nouam imputabilitatem; hanc autem non posuit Sacerdos, sed solum actum externum, imputabilem ratione causæ antecedenter positæ; Dici etiam posset, omissionem officij, secutam tertio die, post confessionem non fuisse amplius formaliter, & in se peccatum, sicut fuerant precedenti, quia, cum causa illius omissionis, scilicet protectio breuiarii in mare, supponatur iam fuisse per penitentiam retractata, ac interdicta; iam omissiones postea subsequutæ, censentur fuisse omnino inuoluntariæ, & consequenter meri effectus necessarij protectionis, antecedenter positæ.

COROLLARIA

- 11 **C**olligitur ex dictis primò; Protectionem breuiarii, non fuisse formalem omissionem officij, sed solum causam omissionis, siue

omissionem virtualem, quatenus in ea formali breuiarii protectione, includebatur virtualiter voluntas officium omittendi; tunc tamén, tota culpa omissionis fuit contracta, quia tunc fuit posita tota malitia; tota enim malitia propriè, est in voluntate omittendi officium; hanc autem, censetur Sacerdos habuisse, quando voluntariè dedit causam omissioni officij per breuiarii protectionem.

- 12 **S**ecundò; Actus externos, quauis indirectè tantum voluntarios, siue sint in se formaliter peccata, siue sint solum effectus peccati; inducere irregularitatem, & excommunicationem, ac obligationem restituendi, perinde ac si essent in se formaliter, ac directè voluntarij; Et hoc, etiam si prior voluntas, fuerit per penitentiam interrupta. Si enim omissioni officij esset imposita excommunicatio, Sacerdos singulis diebus, illam inuenteret, etiam post contritionem; quia ad hæc incurrenda, satis est, liberam illis dedisse causam, & effectum esse subiectum. Vnde, qui hominem lethaliter vulnerauit, & postea confessus est, si vulneratus, postea moritur, adhuc irregularitatem incurrit, quia tunc ad causam liberè positam, est subsecutus effectus.



QVAESTIO LIIF.

An peccati malitia, ex boni finis intentione minuatur.

C A S V S.

TRES Milites, quandam pecuniæ summam furto abstulerunt; primus, ut ex eâ, existenti in graui necessitate, subueniret; Secundus, ut intra terminos temperantiæ, lautè comederet; Tertius, ut illam pecuniam, apud se haberet. Queritur, Vtrum omnes tres, æque grauiter peccauerint in genere furti; an verò aliqui leuius.

S V M M A R I V M.

- 3 Bonitas intentionis, furti malitiam minuere non videtur.
- 8 In quo sensu debeat hoc intelligi.
- 9 Qui ad dandam elemosynam furatur, minus peccat in genere furti, quam qui simpliciter furatur.
- 10 Furtum, tunc est minus voluntarium.
- 11 Bona intentio, aliquam malitiam ignorantiam inducit.
- 12 Et minuit rationem voluntarij.
- 13 Non per se, sed per accidens.
- 14 Non directè, sed indirectè.
- 15 Tendit in furtum solum tamquam in medium.
- 16 Peccatum, non semper est minus graue, quo intentio, est melior.

- 17 Furtum factum ad dandam elemosynam, non est minus graue, quam factum ad lautè comedendum.

R A T I O N E S D V B I T A N D I.

- 2 **H**Ec etiam Quæstio, confert ad peccati naturam melius cognoscendam; huc enim patebit; an peccati malitia, adæquatè consistat in eius oppositione cum lege internâ, siue regulâ rationis; an verò includat etiam partialiter rationem voluntarij, ita ut ex eius incremento, vel decremento, ipsa etiam augeatur, vel minuatur. Dum autem queritur; an peccatum, ex fine bono minuatur, sensus est; an eius malitia, ex copræcisè, quod ad aliquem finem bonum ordinatur; (sicut, in proposito casu, furtum à primo milite ordinatur ad

V 2 alic-

alienam miseriam subleuandam) in suo genere, fiat minor.

3 Aliqui putarunt, nullatenus minus ideoq; omnes tres æquè grauius peccasse. Ita Io. Medina c. de ressit. quæst. 27. Almain tr. 1. mor. c. 12. ad 2. dub.

4 Primò; Quia furti malitia ex bonitate finis, ac intentionis, secundū se non minuitur: c. enim forte. 14. quæst. 5. habetur; si totum tribuat pauperibus, quod abstulerat; addit potius peccatum, quam minuat. Ergo omnes tres, æque grauius peccarunt.

5 Secundò; Quia, si bonitas intentionis, furti malitiam minueret sequeretur, quod, quo bonitas intentionis esset maior, eo etiam furti malitiā magis minueret; imo adeo crescere posset intentionis bonitas, ut ex toto, furti malitiam auferret; Sicut enī, quia frigus in aquā, per introductionem caloris, semper minuitur, ita crescere potest calor, ut ex aquā, totum auferat frigus; ita, si per intentionis bonitatē minueretur malitia in furto, adeo crescere posset bonitas intentionis, ut totam à furto malitiam tandem auferret. Consequens autem, apud omnes est falsum. Ergo bonitas intentionis, minuire non potest malitiam furti, ideoque omnia illa furti, in genere furti, æque grauius fuerunt.

6 Tertiò; Quia, si bonitas finis, ac intentionis, furti malitiam minueret, ideo minueret, quia facto aliquid bonitatis communicaret; sicut ignis, minuit frigus in aquā, quia aliquid caloris illi communi-

cat, ratione cuius, frigus remittitur. Sed impossibile est, operi malo, ex intentione, ac sine bono, aliquid bonitatis communicari; Tum quia bonitas, ac malitia in nullo gradu possunt esse simul, ut fusè probat Vafq. 1.2. d. 70. Tum quia, opus malum, reddit potius intentionem malam, quam ab ipsa bonitatem accipiat. Ergo impossibile est, minui malitiam furti, ex bonitate intentionis.

7 Quartò; Quia bonitas operis, non minuit malitiam finis intenti; Qui enim orat in Ecclesiā furandī, non propterea, ex hoc, furti malitiam minuit, sed potius aggrauat. Ergo è contra, neque bonitas finis intenti, minuet malitiam ipsius operis; eadem enim vtrōque videtur esse ratio.

NOTABILE.

8 **A**duertendum est, non quæritur hic; an ille, qui furatur ex intentione boni finis; v.g. ad dandam eleemosynam; minus peccet, quam ille, qui furatur, ex intentione finis mali; v.g. ad fornicandum; Certum est enim, hunc Secundum, magis peccare extēsiue: quia furtum, non solum habet malitiam, furti; sed etiam fornicationis, quā malitiam non habet furtum Primū, factum ad dandam eleemosynam, Quæritur ergo solum; an furtum, quod secundum se, habet tantam malitiam, si fiat ex intentione boni finis, per hanc intentionem, reddatur minus malum, in genere furti; hoc posito.

RE-

RESOLVTIO.

- 9 **A**D Casum, Respondetur; furtum illius, qui furatus est, ad dandam elemosynam, fuisse minus graue, in genere furci, quam furtum illius, qui ex cupiditate alienæ pecuniæ, furatus est. *Vasq. 1.2. d.69. Salas 1.2. tract.7. d.3. f.11. 5.5. Azor. tom.1. lib.2. c.5. quæst.8. Filliuc. tom.2. c.9. num. 339. Caiet. 2.2. quæst.148. art.2. & alij communiter.*
- 10 **P**rimò, Quia bonitas intentionis, per accidens, ac indirecte minuire potest malitiam operis, Opus enim, eo ipso, quod sit, & est volitum propter alium finem, est minus voluntarium, quam, si fieret, & expeteretur propter se; nam, eo ipso, amatur solum, quatenus utile est ad alium finem; sicque eius malitia, est minus voluntaria, quam si gratiæ sui appeteretur; & ideo *Arist. 5. Ethic. c.2.* dicebat; qui furatur ad mæchandum, magis esse mæchum, quam furem; & *D. Aug. lib. contr. mendac. c.8.* stuprum ex luxuriâ, grauius esse, quam ex misericordia; quia ex luxuriâ, appetitur propter se; ex misericordiâ verò appetitur propter aliud; si enim Virgo, ex libidine peccet, magis peccat, quam si ex intentione Parentum necessitatibus succurrendi. Cum ergo furtum, factum ex bono fine pauperi subueniendi, sit minus voluntarium, quam factum ex cupiditate pecuniæ, ac propter se; sequitur, quod etiam sit malum, minus graue in

genere furti; operis enim malitia, ex voluntarij diminutione, censetur minui.

- 11 **S**ecundò; Quia, cum aliquod opus malum, sit ex intentione finis boni, intentio illa regulariter aliquam causare solet ignorantiam malitiæ ipsius operis; simplices enim, ac ignorantes, facile estimare possunt, opus aliud malum, factum tamen ob bonum finem, licitum esse, vel saltem esse minus malum; & hoc, eo facilius credere possunt, quo finis est melior; Hæc autem ignorantia malitiæ peccati, sicut minuit rationem voluntarij, ita minuit rationem malitiæ. Imo, si ignorantia esset vincibilis, malitiam operis omnino tolleretur. Cum ergo, qui furatus est ad dandam elemosynam, ratione bonæ intentionis, aliquam habuerit ignorantiam malitiæ furti, sequitur, furtum illius, fuisse minus graue, quia etiam ob ignorantiam illam, fuit minus voluntarium.

OBJECTIONVM SOLVTIO :

- 12 **N**Eque obstant rationes in contrarium: Ad primam enim Respondetur; malitiam furti, per se, ac directe, minui non posse ex intentione boni finis; malitia enim furti, non ideo minuitur ex bono fine, quia finis bonus aliquem gradum bonitatis illi communicet, quo ipsa veluti remittatur, ac minuatur, sicut remittitur frigus in aqua, dum aliquis gradus caloris in illam introducit; sed quia, eo ipso, quod furtum appetitur

propter bonum finem, est minus voluntarium; ideoque etiam minus malum; diminuta enim ratione voluntarij, necesse est, ut minuaturs etiam malitia furti. dum autem in iure dicitur; cum, qui dat pauperibus, quod furto abstulit, augere peccatum; hoc ideo dicitur, quia dando pauperibus, reddit se impotentem, ad rem ablatam, saltem in specie restituendam.

- 13 Ad secundam Respondetur; illud argumentum, probare solum, quod bonitas finis, non minuit per se, ac directè malitiam furti, sicut calor in aquam introductus, minuit in eà frigus, sed quod illam minuit solum indirectè, & per accidens, quatenus furtum ordinando ad finem bonum, minuit in eo rationem voluntarij, & consequenter etiam malitiæ; eo enim ipso, quod aliquid appetitur propter aliud, est minus voluntarium, quam si appeteretur propter se.

- 14 Ad tertiam Respondetur; hoc etiam argumentum, probare solum quod bonitas finis, per se, ac directè, furti malitiam non minuat, sed solum indirectè, ac per accidens, vel quatenus intentio bona inducit malitiæ ignorantiam, quæ illam minuit in ratione voluntarij, & consequenter etiam in ratione malitiæ; vel quatenus ordinando furtum ad finem bonum, minuit in eo rationem voluntarij, & consequenter etiam rationem malitiæ, quod nos non negamus.

- 15 Ad quartam Respondetur; Disparitatem esse, quia intentio finis

cum sit ratio eligendi media, fertur in finem propter se, ut docet *3. Thom. 1.2. quæst. 19. art. 7.* Unde quando intentio est bona, voluntas malum medium eligendi, virtute prioris intentionis, tendit in illud quasi per accidens; sicque est illi minus voluntarium, quam, si propter se, esset volitum, & consequenter etiam minus malum. At, quando intentio, secundum se, est mala; cum semper voluntas tendat in finem propter se, quodecunque medium, ad hoc eligat, semper remanet eadem ratio voluntarij respectu finis, nec unquam minuitur; si autem non minuitur ratio voluntarij, neque minuetur ratio malitiæ.

COROLLARIA.

- 16 **C**olligitur ex dictis primò; quamvis peccatum factum ex bono fine, sit minus grave quam si fieret propter se ipsum; non semper tamen reddi minus grave, quo finis secundum se fuerit melior; ideoque neque ex optimo fine extinguendam omnino peccati malitiam; nisi ex tali fine oriretur ignorantia inuincibilis malitiæ peccati; tunc enim per accidens ab hac, omnis malitia auferretur ab opere. Ratio autem huius rei est, quia, ex eo, quod finis sit melior, sequitur solum, quod sit magis appetibilis, non verò quod de facto magis appetatur; ex eo autem solum, quod finis de facto magis appetatur; sequitur quod opus malum, electum ut medium, sit minus

nus voluntarium, & consequenter etiam minus malum.

- 17 Secundò; Furtum factum ad dandam eleemôsynam, non esse peccatû magis graue, quâ factû ad laute comedendum; siue enim fiat propter vnum, siue propter alium finem, semper est æque minus voluntarium, quam si propter se fieret. Ad hoc autem, parum conducit,

quod finis sit honestus, vel indifferens. Per accidens tamen, intentio melioris finis, potest esse causa minoris malitiæ, quia potest esse causa alicuius ignorantie, ratione cuius, opus factum ex intentione talis finis, apprehendatur tanquam licitum, vel minus malum, vt dictum est.

QVAESTIO LIV.

An peccatum ex se mortale, ex imperfectâ libertate, fieri possit veniale.

C A S V S.

- 1 **D**VM Titius feminam quandam curiosius aspiceret, occurrit illi turpis cogitatio, & aliqui etiam motus in appetitu sensitiuo. Et quamuis ad eorum malitiam, aliquam habuerit aduertentiam, ob vehementem tamen distractionem ad alia, fuit negligens & in cogitatione repellenda, & in moribus reprimendis. Quæritur; Vtrum mortaliter peccauerit.

SVMMARIVM.

- 2 *Quæ ad peccatum mortale requirantur.*
3 *Imperfecta libertas, non videtur reddere posse veniale peccatum, quod alias esset mortale.*
7 *Nec videtur explicari posse, in*

quo consistat hac semiplena libertas.

- 2 *Quid sit motus prima primi; quid secundo primi.*
9 *Quid consensus directus, quid indirectus.*
10 *Semiplena libertas, peccatum alias mortale, reddit veniale.*

- 11 *Peccatum mortale, plenam de- liberationem requirit.*
- 12 *Ne nimis sit difficilis ad eorum via.*
- 13 *Debet esse plene voluntarium.*
- 14 *Consensus imperfectus, reputatur communiter solum veniale.*
- 15 *Homo, iuxta diuersum statum, praecepta grauiter, vel leuiter violat.*
- 16 *Semiplena libertas, est sufficiens ad veniale.*
- 17 *Ideo ab eo non excusat.*
- 18 *Semiplena aduertentia, in quo consistat.*
- 19 *Ad peccatum mortale, requiritur aduertentia ad malitiam actus.*
- 20 *Sufficit aduertentia ad malitiam in genere.*
- 21 *Indicia semiplenae aduertentiae, ac libertatis.*

RATIONES DVBITANDI.

- 2 **C**UM peccatum mortale sit essentialiter separatum hominis ab ultimo fine, qui est Deus; dissolutum amicitiae Diuinæ; & & allatum panæ æternæ, & consequenter offensa Dei grauis; tria ad illud necessariò requiruntur. Primò, vt in eius obiecto sit talis malitia, quæ cum ultimo fine repugnet; si enim malitia non esset talis, refundere non posset in actum deformitatem sufficientem ad hominem ab eo fine separandum. Quæ autem obiecta, sint hoc modo mala, colligitur vel ex scripturâ; vel ex mente Legislatoris; vel ex gra-

uitate ipsâ rei, quæ præcipitur, aut prohibetur; vel denique ex communi sensu Doctorem. Secundò, vt hæc obiecti malitia, perfectè cognoscatur; si enim non cognoscatur, actus in ratione mali, non erit liber. Tertiò denique, vt voluntas, in illam perfectè, vel directè, vel indirectè consentiat; si enim non consentiat, actus, in ratione mali, non erit voluntarius. Cum autem aliquod ex huiusmodi requisitis deest, peccatum, quod alias ex genere suo, esset mortale, vel nullum est, vel sit veniale.

- 3 Dubium tamen est; an imperfecta libertas, quæ oritur, vel ex imperfectâ aduertentiâ, vel ex imperfecto consensu, sit sufficiens ad reddendum veniale peccatû, quod aliàs, ex se, esset mortale. Aliqui enim putant, non sufficere; Ideoque Titium, turpem cogitationem non expellendo, nec motus reprimendo, vel mortaliter, vel nullo prorsus modo, peccasse. Ita Ioan. Sanchez. in select. d. 18. Medina. 1.2. quest. 74. art. 6. docum. 5.

- 4 Primò; Quia Deus sua præcepta non imponit semihomini, sed homini integro, & suarum potentiarum Domino, sed Titius, dum erat ad alia vehementer distractus, non erat suarum operationum integrè Dominus, magis quam semidormiens, vel semiebrius. Ergo nullam à Deo obligationem habebat; ideoque neque venialiter peccauit.

- 5 Secundò; Quia Titius, dum in turpi cogitatione expellenda, & sensualibus motibus reprimendis, erat

erat negligens, vel plenè deliberare potuit, vel non; si non potuit, nullo modo peccauit; si potuit, iam videtur mortaliter peccasse. Ergo vel mortaliter, vel nullo modo peccauit.

6 Tertiò; Quia, si semiplena aduertentia potuit negligentiam alias mortalem excusare à mortali, & facere venialem; poterit etiam, si feratur circa peccatum veniale, v.g. circa mendacium iocosum, ab illo excusare; alioquin semiplena deliberatio favorabilior esset peccato mortali, quam veniali, quia à mortali excusaret, & non à veniali. Cum ergo à veniali non excuset, neque excusabit à mortali.

7 Quartò; Quia explicari non potest in quo consistat hæc semiplena aduertentia in peccato; nam consistere non potest in difficultate cessandi à peccato; quia hanc experitur homo valde ad malum inclinatus, etiam cum plena deliberatione; neque in cognitione, siue aduertentia remissa ad obiectum, quia in gradu quantumcumque remisso dari potest cognitio sufficiens ad reddendam voluntatem perfectè liberam; ergo hæc semiplena aduertentia proprie non datur.

NOTABILIA.

8 **A**duertendum est primò; Aliquos in nobis dari motus, qui dicuntur primo primi, quia omnem rationis usum, ac malitiæ considerationem præueniunt, ideoque voluntarij non sunt, cum voluntas non feratur in incognitum; vt cum

quis die ieiunij comedit, apprehendens cibum, vel sibi vtilem, ve sensui delectabilem, sed ad prohibitionem, ac ieiunij præceptum non aduertens; Tunc enim consilio, cum omnem turpitudinis, ac malitiæ aduertentiam præueniat; dicitur motus primo primus. Præter hos autem, dantur etiam in nobis alij, qui dicuntur secundo primi, quia primis succedunt, & cum aliqua malitiæ cognitione, ac aduertentiâ coniuncti sunt; vt, cum quis aliquam habens ieiunij, ac prohibitionis cogitationem, siue aduertentiam comedit. Primi motus, cum voluntarij non sunt, ad culpam imputari non possunt; Secundi verò, cum ratione aduertentiz ad maliciam, præcaueri possint, ac repelli, aliquo modo voluntarij sunt, ideoque imputantur ad culpam iuxta mensuram ipsius aduertentiz; Sicut enim ad peccatum, aliqua requiritur aduertentia, ita ad peccatum mortale, requiritur aduertentia perfecta; ad veniale verò sufficit imperfecta.

9 Aduertendum est secundò; Duplicem dari voluntatis consensum; Primus, dicitur directus, ac expressus, quia voluntas, per illum, directe tendit in obiectum, illud volendo; vt, cum quis, experiens aliquos motus in appetitu sensitivo, illos vult ibi esse, in ijsque delectatur. Secundus dicitur indirectus, siue interpretatiuus, ac virtualis, quia, per illum, voluntas non directe fertur in ipsum obiectum, sed vel in eius causam; vt, cum quis, vult curiose legere, vel ioco-

se, loqui, aut immoderate aspicere; ex quibus excitari regulariter solent motus illi in appetitu sensitivo; vel illud non impedit, cum possit, ac teneatur; vt, cum quis eisdem motus experiens, illos non impedit, aut reprimit, animum ad alia diuertendo. Quamuis autem ad peccatum non sit necessarius consensus directus in obiectum, malum, sed sufficiat indirectus, eo quod, in moralibus, idem sit, voluntatem velle causam, vel non impedire effectum, cum potest, ac debet, ac velle ipsum effectum; aliquis tamen necessario requiritur, cum nihil sit peccatum, nisi sit voluntarium; & voluntarium dicatur id, cui voluntas consentit. Ad peccatum autem mortale, requiritur consensus plenus ac perfectus; sicut ad veniale sufficit imperfectus; nimis enim durum esset, hominem, propter consensum solum imperfectum, Diuinam amicitiam priuari, ac pœna æternâ puniri, sicut puniatur propter mortale. His positis.

RESOLVTIO.

10 **R** Espondetur; Titium, propter semiplenam libertatem, venialiter solum peccasse. *Vasq. 1. 2. d. 107. Nauar. in sum. pralud. 9. Bonac. de pecc. d. 2. quest. 2. pun. 3. num. 2. Sanch. lib. 1. sum. cap. 10. num. 10. Lessius lib. 4. c. 3. d. 5. nu. 116. Azor. tom. 1. lib. 4. c. 5. qu. 2. Reginal. lib. 11. cap. 5. & alij apud istos.*

11 Primò; Quia ex vno capite,

qui semiplena libertate in peccatum consentit, libere consentit, & consequenter peccat; sed Titius cum semiplena libertate turpem cogitationem, saltem indirecte in ipsâ negligentia voluit. Ergo peccauit. Ex alio verò, peccatum non potuit esse mortale, quia peccatum mortale, cum Diuinam amicitiam dissoluat, & hominem æternæ pœnæ reum constituat, plenam deliberationem, ac libertatem requirit, sicut illam requirunt Diuina amicitia, ac finis vltimi adeptio, cum sint res grauissimæ. Sicut ergo amicitia Diuina, per actum contritionis solum semiplene liberum, recuperari non potest; ita nec per actum malum, solum semiplene liberum, amitti; neque enim minor libertas requiritur ad gratiam amittendam, quàm ad illam recuperandam.

12 Secundò; Quia, si quolibet aduertentia ad peccatum mortale, sufficeret, nimis ardua, ac difficilis esset ad cælum via, nec Christi iugum suauè dici posset, ac leue. Ergo, sicut ad peccandum, aliqua aduertentia requiritur, ita ad peccandum mortaliter, requiritur aduertentia plena.

13 Tertiò; Quia consensus imperfectus, imperfecte solum est voluntarius. Ergo etiam imperfecte solum erit peccatum, ideoque solum veniale; Ratio enim peccati, sicut essentialiter requirit rationem liberi, ac voluntarij, ita illi commensuratur.

14 Quartò; Quia omnes communiter dum leuem negligentiam in-
ten-

tentationibus repellendis committunt, venialiter solum se peccare existimant. Negligentia autem illa, est consensus quidam interpretatiuus, ac virtualis. Ergo consensus imperfectus, ex communi hominum sensu, est peccatum solum veniale.

OBJECTIONVM SOLVTIO.

15 **N**eque obstant rationes in contrarium. Nam ad primam Respondetur; Deum homini præcepta imponere absolute, ipsum verò hominem, iuxta diuersum statum, in quo reperitur, illa grauit er, vel leuiter violare; Cum ergo Titius ea, ad alia vehementer distractus, violauerit, leuiter solum violauit, & non integrè.

16 Ad secundam Respondetur; Titium tunc non potuisse plene delibere; hinc tamen non sequi, quod nullo modo peccauerit, sed solum quod non peccauerit mortaliter; cum enim semiplenam deliberationem haberet, habebat etiã libertatem sufficientem ad venialiter peccandum.

17 Ad tertiam; Negatur consequentia; semiplena enim aduertentia excusare potest à mortali; quia ad hoc sufficit, vt opus, plena libertate, legi Dei non opponatur. At ad excusandum à veniali, requireretur, vt libertate omnino careret; Cum ergo opus supponatur semiliberum, erit etiam semipeccatum, hoc est peccatum veniale, ac imperfectum.

18 Ad quartam Respondetur; se-

miplenam deliberationem, consistere in cognitione confusã malitiæ, orta vel ex eo, quod quis nondum sit integre à somno excitatus vel ex eo, quod sit semiebrius, vel ex eo, quod sit ad alia notabiliter distractus, vel denique ex eo, quod animum, passione aliqua vehementi, adeo occupatum, habeat, vt ad id, quod agit, vix attendat. Cum cognitione enim adeo confusa dari non potest perfecta libertas sed solum imperfecta.

COROLLARIA.

19 **C**olligitur ex dictis primò; Ad peccatum mortale non sufficere aduertentiam ad actum malum, sed requiri aduertentiam, & cogitationem malitiæ ipsius actus. Vt quis enim contra ieiunij præceptum peccare dicatur, non satis est, vt in die ieiunij, aduertat se comedere, sed præterea requiritur vt aduertat, comestionem illam esse prohibitam; nam, si ad hoc non aduertat, dici non potest amplecti malum, ac peccatum, cum voluntas non feratur in incognitum; *Reginaldus lib. 11. cap. 3. num. 31.*

20 Secundò; Vt aliquod opus sit mortale, non requiri plenam considerationem malitiæ obiecti, quantum mortalis est, sed sufficere considerationem, & aduertentiam ad malitiam in genere; posita enim hac aduertentia, potest quis, ac tenetur inquirere, an malitia sit grauis, vel leuis; nisi enim hoc inquireat, mortaliter peccandi pe-

si-

riculo se exponit, censeturque, opus illud velle, quacumque malitia sit affectum. *Vasq. l. 2. d. 217. num. 14.*

- 21 Tertiò; Aliquas assignari coniecturas ad cognoscendum in dubio, num quis plenam, an verò semiplenam tantum aduertentiam, ac libertatem habuerit. Primò enim, si quis dubitet, an perfecte à somno fuerit excitatus, vel ebrietatem depulerit, vel cogitatione, aut passione aliqua vehementi, animum occupatum habuerit, iudicare poterit, se perfecte non aduertisse, nec consensisse. Hæc enim, sicut, quando sunt perfecta, libertatem tollunt, ita cum imperfecta sunt, illam minuunt. Secundò, cum quis rei malæ tentationem aduertens, se ita dispositum sentit, ut, quam-

uis posset, non exequeretur; tunc enim signum est, vel nullum, vel imperfectum solum adfuisse consensum; quia, cum potentia exequutiva, voluntati omnino obtemperet, si homo sit ita dispositus, signum est, etiam in voluntate, aut fuisse dissentium, aut imperfectum consensum; cum de consensu aliunde non constat. Tertiò denique, si homo timoratz sit conscientiz; tunc enim præsumere poteris, se plene non consensisse; sicut e contra, si perditis sit moribus, plene consensisse, quia à communiter contingentibus desumitur fortissima præsumptio, & si peccato consensisset, facile cognosceret, cum nostrorum actuum nobis sit debita cognitio. *Sanchez lib. 1. in dec. l. 1. num. 157.*

QVAESTIO LV.

An peccatum ex se mortale, ex Superioris voluntate, fieri possit veniale.

CASVS:

- 1 **I**N quadam Religione, erat Constitutio obligans ad audiendum, singulis diebus, sacrum sub veniali. Vnus autem ex Religiosis, integro mense, Sacrum diebus feriabilibus omisit. Queritur, Vtrum mortaliter peccauit.

SUMMARIVM.

RATIONES DVBITANDI.

- 2 *Legislator, non videtur obligare posse leuiter in materia graui.*
- 7 *Sicut non potest lex Diuina, ac naturalis.*
- 10 *Nec Confessorius, dum penitentiam imponit.*
- 11 *Potest tamen.*
- 13 *Lex, totam obligandi vim habet à voluntate Legislatoris.*
- 13 *Sicut Votum à Voluntate Vouentis.*
- 14 *Modus obligandi leuiter in materia graui, est possibilis, & saepe conueniens.*
- 15 *Superioris voluntas requiritur, & ad obligationem, & ad qualitatem obligationis.*
- 16 *Quomodo à Superioris voluntate peccati grauitas pendeat.*
- 17 *Virtus, non semper grauius laeditur.*
- 18 *Cur Legislator, in materia leui, grauius obligare non possit.*
- 19 *Cur lex naturalis, in materia graui, leuiter obligare non possit.*
- 21 *Quomodo obligatio sit legis effectus.*
- 22 *Cur Confessorius, leuiter obligare non possit in materia graui.*
- 23 *Lex, à Legislatoris voluntate totaliter pendet.*
- 24 *Materia de se leuis, quomodo fieri possit grauis.*

- 2 **C**Um ad peccatum mortale, requiratur in obiecto malitia grauis, vt *Quæst. præced.* dictum est. Certum est, omissionem Sacri diebus festis, grauem malitiam continere; opponitur enim Ecclesie præcepto, quod Sacri auditionem præcipit sub mortali Quæstio igitur est; an hæc omisso, quæ ex se, est sufficiens ad mortale, ex solâ Legislatoris voluntate, fieri possit, materia solùm peccati venialis.
- 3 Ratio autem dubitandi est primo; quia, cum quodlibet peccatum mortale, sit transgressio legis, & hæc transgressio ex Legislatoris voluntate pendeat, non videtur Legislator, posse in materia graui, obligare solùm sub culpâ leui; Superioris enim voluntas requiritur solùm ad obligationem imponendam; qualitas verò ipsius obligationis, ex rerum præceptorum grauitate, vel leuitate desumi debet. Ergo hanc obligationem extendere, vel coarctare, à Superioris voluntate non pendet.
- 4 Secundò; Quia, quod peccatum sit veniale, vel mortale, non pendet à voluntate Superioris præcipientis, sed ex ipsis rebus præceptis; hæc enim, posito præcepto, grauem, vel leuem deordinationem deinde ex se habent. Ergo ex Superioris voluntate, fieri non potest veniale, quod alias esset mortale.
- 5 Tertiò; Quia Superior, per suum præceptum, constituit rem præceptam

ptam in materia alicuius virtutis ; si enim præcipiat ieiunium , illud constituit in materiâ temperantiæ ; si Sacrum , in materiâ Religionis &c. Ergo qui hæc omittit , & grauius sint , virtutem illam grauius lædit , ideoque venialiter solum , peccare non poterit .

6 Quartò ; Quia non potest Legislator , in materiâ leui , obligare sub culpâ graui ; talis enim obligatio , irrationabilis esset , ac iniusta . Sed etiam irrationabilis , ac iniusta est obligatio leuis , in materiâ graui ; non enim proportionatur materiæ . Ergo etiam obligare non potest leuiter in materiâ graui .

7 Quintò ; Quia lex Diuina , ac naturalis , in materiâ graui obligare non potest solû sub veniali . Ergo neque lex humana ; ex præcepto enim , in materiâ graui , naturaliter , ac necessario sequi videtur obligatio grauis , cum hæc sit illi proportionata .

8 Sextò ; Quia nemo Voto se obligare potest solû sub veniali , in materiâ graui . Ergo neque Legislator in materiâ graui obligare potest solum sub veniali ; ideo enim voto nemo obligare se potest sub veniali in materiâ graui , quia quâuis voti , ac promissionis obligatio ex Volentis intentione pendeat ; quantitas tamen obligationis sumitur ex naturâ rei iuxta materiæ qualitatem ; totum hoc autem militat etiam in lege , cum Votum sit lex quedam priuata .

9 Septimò ; Quia obligatio , est quasi effectus , qui ad legem necessario consequitur , ideo enim subditi ,

legibus obligantur , quia leges , legitimæ sunt , ac validæ . Sed effectus , qui ad causam necessariam consequitur , impediri non potest . Ergo neque obligatio grauis , potest à lege in materiâ graui .

10 Octauò ; Quia in Sacramento Pœnitentiæ , pœnitens , sub mortali pœnitentiam grauem implere renetur , quamvis Confessarius illi dicat , se intendere illum obligare solum sub veniali ; Ergo etiam , quamvis Legislator obligare intendat solum ad veniale , si materia sit grauis , subditus adhuc obligabitur sub mortali ; Atque ita tenent : *Vasquez 1.2. tom. 1. d. 193. c. 3. num. 17. & c. 4. nu. 32. Bellarm. to. 1. controu. p. 2. contr. 5. lib. 3. de Eccl. milit. c. 11. in solut. ad pen. Aragon. 2. 2. quest. 62. art. 3. col. 5. Reginald. lib. 15. num. 44. Sotus lib. 1. de iust. quest. 6. art. 4.*

RESOLVTIO.

11 **R** Espondetur tamen ; Religiosum , sacrum præceptum omittere , venialiter solum peccasse . Ita *Suar. lib. 3. de legib. cap. 27. num. 7. Sanch. lib. 1. matr. d. 9. num. 6. & lib. 6. sum. c. 4. num. 25. Salas de legib. d. 10. s. 7. num. 33. Valentia 1. 2. d. 7. quest. 5. pun. 2. quasiunc. 2. Ioan. Sanch. in select. d. 15. num. 16. Nau. c. 73. sum. num. 49. Bonac. d. 1. de legib. qu. 1. pun. 7. §. 4. num. 23. Lessius lib. 2. c. 41. d. 9. num. 96. & alij apud istos .*

12 Primò ; Quia legis obligatio pendet totaliter à voluntate Legisla-

gissatoris. Ergo, si Legislator obligare nolit ad mortale, lex ad mortale obligare non potest; obligatio enim extendi non potest ultra mentem Legislatoris; ex *L. si quis, nec causam*; & actus, in mortalibus, non excedit intentionem Agentis; *L. non omnis. ff. si certum petatur*. Cum ergo constitutio, supponatur non obligare ad mortale; sequitur, Religiosum mortaliter non peccasse, sed solum venialiter.

13. Secundò; Quia Votum ac promissio, est lex quædam privata, quam promittens sibi imponit; promittens autem, etiam in materia gravi, ad solam culpam venialem obligare se potest; si enim ex solo defectu voluntatis se obligandi, ad nullam culpam obligare se potest, cum sola voluntas se obligandi totius obligationis sit mensura; cur ad solam culpam venialem se obligare non poterit, si ad illam solam velit se obligare. Ergo etiam lex, ad solam culpam venialem obligare poterit, etiam in materia gravi, si Legislator ad illam solam velit obligare; mensura enim obligationis in lege, est voluntas Legislatoris non minus, quam voluntas Volentis in Voto.

14. Tertiò; Quia hic modus obligandi solum sub veniali etiam in materia gravi, potest aliquando esse conveniens, præsertim in Religionibus; In his enim, Superiores, ne multiplicentur obligationes graves, & cum leves sufficiant, aliqua graviora præcipere possunt sub veniali; quæ enim in decore, aut in im-

sticia, aut excessus in hoc appareat? Cum ergo modus hic obligandi, & possibilis sit, & sæpe etiam conveniens; non apparet, cur negari debeat; ideoque Religiosus obligari potuit solum ad veniale, & consequenter constitutionē transgrediendo, venialiter solum peccavit. Atque ita dari de facto, in aliquibus Religionibus similes constitutiones, asserit *Suar. lib. 3. de legib. c. 27*.

OBJECTIONVM SOLUTIO.

15. **N**Equè obstant rationes in contrarium; Nam ad primā Respondetur; Voluntatem Superioris, requiri non solum ad imponendam obligationem, sed etiam ad eius qualitatem; Ipse tamen regulariter, cum aliter non explicat, censetur velle obligare iuxta qualitatem materiae, & tunc ex materiae gravitate, vel levitate, pendenda est obligatio.
16. Ad secundā Respondetur; Quāvis à Superioris voluntate immediate non pendeat, quod peccatum sit veniale, vel mortale, pendet tamen mediātē, quatenus voluntas Legislatoris intendens obligare solum ad veniale facit, ut omisso rei præcepto, quamvis gravis, legem tamen graviter non laedit.
17. Ad tertiā; Negatur consequentia; Virtus enim, graviter non laeditur, nisi cum eius omisso, graviter est prohibita. In præsentibus autem, auditio Sacri, est præcepta solum leniter, & sub veniali.
18. Ad quartā; Negatur consequen-

quentia; Quamvis enim Legislator, in materiâ leui, obligare grauitèr non possit, quia illa voluntas obligandi, esset iniusta, & subito iniuriôsa; potest tamen in materiâ graui leuiter obligare, quia sic nullam subito iniuriâ inferit, & aliunde obligationis diminutio legem reddit magis suauem, & est actus benignitatis in Superiore, qui, sicut totam obligationem tollere posset, ita illam potest minuere, ac de facto minuit vt subito reddatur suauior.

19 Ad quintam Respondetur; Legem naturalem obligare non posse leuiter in materiâ graui, quia obligatio legis naturalis, oritur ex re ipsa. Ergo, sicut res ipsa grauis est, ita grauis esse debet obligatio. At obligatio legis positivæ, totaliter pendet à voluntate Legislatoris. Ergo sicut ab eo auferri pro libito potest, ita potest limitari.

20 Ad sextam; Negatur Antecedens, sicut enim omnis obligatio, ortum habet ab intentione Vouentis, ita oriri ab illa potest modo limitato, & non secundum omnem materiæ proportionem, ac capacitatem.

21 Ad septimam Respondetur; Quâuis obligatio seruandi legem, sit effectus legis; hunc tamen effectum coarctari posse pro voluntate Legislatoris; Legislator enim, ferre potest legem obligantem, vel quantum potest, vel solum secundum minorem obligationem, quam potest imponere, cum hoc ab eius voluntate omnino dependeat.

22 Ad octauam; primò; Negatur

Antecedens. Confessarius enim, pro suâ voluntate, coarctare potest obligationem pœnitentiæ; nam, cum pœnitentia, lex quædam sit, ac præceptum; humanæ legis, ac præcepti conditiones fortiri debet. Respondetur tamen secundò; Negando consequentiam: Ratio autem diuersitatis est, quia Confessarius, pœnitentiam non imponit nomine proprio, sed nomine Christi, & tanquam eius Vicegerens. Christus autem, non præsumitur velle ad grauem pœnitentiam leuiter solum obligare.

COROLLARIA.

23 Colligitur ex dictis primò; Peccatum, quod aliàs, attentâ materiæ grauitate, deberet esse mortale, ex solâ Legislatoris voluntate fieri posse veniale; quia potest Legislator, rem illam, quamuis grauem, præcipere solum sub veniali; in hoc autem casu, talis legis transgressio, est solum venialis, cum totaliter pendeat à voluntate Legislatoris.

24 Secundò; Etiam peccatum, quod aliàs, attentâ materiæ leuitate, deberet esse veniale, ex Legislatoris voluntate, fieri posse mortale; Si lentij enim violatio, vel ingressus in alienam cellam, quæ secundum se considerata essent ad summum peccata venialia; si accedat Superioris præceptum sub pœnâ excommunicationis, fiunt mortalia. Tunc tamen, materiæ istæ, à fine præcepti redduntur graues, cum ob grauem aliquem finem prohibeantur; sicut

sicut eius pomi, quamvis secundum se, res leuissima videretur, quia tamen prohibitus fuit in recognitionem Diuinæ Auctoritatis, & humanæ subiectionis, ab hoc fine, fuit redditus res grauissima. Et in hoc

sensu *Clem. exiui. de verb. signif. & c. in his: de verb. signif. in 6.* dicitur, verba præceptiua, in reg. S. *Francisci*; indicare obligationem sub mortali, quia præcipiunt ob finem grauem.

Q V A E S T I O L V I.

An peccatum ex genere mortale, ex materia leuitate, fieri possit veniale,

C A S V S.

LEX erat in quodam Regno, ne vllus, ex eo triticum extraheret, ad vitandam famem, quæ ibi timebatur. Titius tamen nihilominus quinque tritici modios extraxit. Queritur; Vtrum mortaliter peccauerit.

S V M M A R I V M.

- | | | | |
|----|---|----|--|
| 1 | Quinque Tritici modiorum extractio, videtur materia grauis. | 12 | Quinque modij, reputantur materia leuis. |
| 3 | Materia grauitas, & leuitas, vnde desumatur. | 13 | Eorum extractio, leuiter prohibetur. |
| 7 | Eadem materia respectu diuersorum, potest esse grauis, & leuis. | 14 | Et Reipublicæ infert damnum leue. |
| 8 | Quinque Tritici modios extrahere, non est mortale. | 15 | Finis legis est, vitare damnum graue. |
| 10 | Lex, per hoc, grauiter non violatur. | 17 | Quanam materia censenda sit, graue damnum asferre. |
| 11 | Sicut, si extraheretur quantitas longe minor. | 18 | Materia paruitas, non rectè desumitur per comparisonem ad totam rem præceptam. |
| | | 19 | Desumitur ex fine præcepti. |
| | | 20 | Aquam, in Calice, vino non miscere, est mortale. |

- 21 *Vna, aut altera uncia, ieiunium non frangit.*
 22 *Materia grauitas, prudentia arbitrio pensanda est.*
 23 *Duarum horarum labor, diebus fectis, videtur materia leuis.*

RATIONES DVBITANDI.

- 2 **S**icut semiplena libertas, & Legislatoris voluntas, peccatum alias ex genere suo mortale, reddere possunt veniale; ita à fortiori, hoc potest materia leuitas; licet enim furtum, ex genere suo, sit peccatum mortale; si quis tamen, alteri rem modicam surripiat, non censetur communiter peccare mortaliter, quia illi graue damnum non infert. Difficultas est, in qua hæc materia grauitas, ac leuitas consistat. Propter hæc Titius, quinque tritici modios extrahendo, mortaliter peccasse videtur. Ita *Sanch. lib. 1. sum. c. 4. num. 8. Historia de potest. ciuili. nu. 19. Clauis reg. lib. 3. c. 7. num. 14.*

- 3 **P**rimò; Quia quinque modij videntur materia grauis; Quamuis enim, ex ista Titij contrauentione Regno graue damnum non sequatur; sequeretur tamen, si idem à multis, & communiter fieret. Spectari autem non debet damnum, quod ex illius contrauentione præcisè sequitur, sed quod sequeretur si idem à multis, & communiter fieret. Sed tunc esset materia grauis; Ergo absolutè est materia grauis; ideoque sufficiens ad mortale.

- 4 **S**ecundò; Quia in furto datur quantitas notabilis, etiam si quan-

titas illa, alicui parum noceat; cen-
 tum enim aurei, sunt materia gra-
 uis, etiam si Regi ablari paruum
 illi nocumentum afferant. Ergo
 similiter quinque modij, erunt ma-
 teria grauis, quamuis Reipublicæ
 notabile damnum non afferant; in
 his enim, attendendum non vide-
 tur damnum, sed quantitas; alio-
 quin surripere mille aureos diuer-
 sis, singulis vnum iulium auferen-
 do, non esset peccatum mortale.

- 5 **T**ertiò; Quia, si quinque modij,
 non essent materia grauis, & suffi-
 ciens ad mortale, sequeretur, si-
 nem legis frustrarij nunquam enim
 quilibet, tantam tritici quantita-
 tem extrahit, vt ex eà solà ingens
 Reipublicæ damnum sequatur. Er-
 go nunquam violaretur finis legis,
 siquæ frustraretur.

- 6 **Q**uartò; Quia, ideo, Latio Vira-
 tori quinquaginta aureos surripi-
 ens, iussu suspenditur, quia, quam-
 uis hoc damnum illatum semel non
 sit notabile, expedit tamen illud
 grauitè puniri, ne passim fiat; Sic-
 que fiat notabile; Ergo similiter,
 quamuis quinque modij, semel ex-
 trahi, Reipublicæ, damnum nota-
 bile non afferant, expedit tamen
 hoc grauitè prohiberi, ne passim
 fiat, siquæ damnum, fiat nota-
 bile.

NOTABILIA.

- 7 **A**duertendum est primò; ma-
 teriæ, siue rei præceptæ gra-
 uitate; vel leuitatem desumendam
 esse, non ex re ipsa secundum se,
 sed quatenus conducit ad finem.
 à Le-

à Legislatore intentum; ita ut, si res quæ præcipitur, vel prohibetur, ad Legislatoris finem grauitèr conducatur, eius transgressio sit peccatum graue, quamuis in se sit leuis; Si verò leuiter conducatur, sit peccatum veniale, quamuis materia in se sit grauis; sic enim, quia finis præcepti prohibentis furtum, est, ne dominus damnum in bonis suis patiatur, ablatio quinquaginta aureorum, est materia grauis, quia Dominum grauitèr lædit; ablatio verò semiuli, est materia leuis, quia Domum notabiliter non lædit. Similiter, gestare comam, quamuis secundum se, videatur materia leuis, si tamen à Prælato, propter decentiam status Ecclesiastici, sub excommunicatione prohibeatur, sit materia grauis, per ordinem ad finem à Prælato intentum. Ratio autem à priori est; quia, cum res præcepta, à Legislatore per præceptum assumatur tanquam medium ad obtinendum finem præcepti; in ipsa nihil aliud attenditur, quam utilitas, & conducentia ad talem finem; hoc enim est, quod in medijs attenditur, & non aliud. Hinc ergo fit, ut ea, quæ ad eum grauitèr conducunt, vel illum notabiliter lædunt, dicantur materia grauis, quæ verò leuiter, materia leuis. Quæ nam autem in particulari, grauitèr, vel leuiter conducant ad finem legis, colligi poterit, vel ex re ipsa præcepta, vel ex fine, vel ex circumstantiis, vel ex communi sensu Fidelium, aut Ecclesiæ, vel ex iudicio prudentum, ita ut, res illa dicatur ad finem præcepti grauitèr

conducere, quæ iudicio Prudentum reputatur talis.

8. Aduertendum est secundò; eandem rem, quæ respectu vnius finis, ac præcepti, est materia grauis, posse respectu alterius finis, ac præcepti, esse materiam leuem. Si enim in aliqua Religione extaret constitutio strictè obligans ad Sacrum singulis diebus audiendum, omisso vnius Sacri, esset materia grauis, quia auditio Sacri ab illà Religione ordinaretur ad spirituales singulorum profectum, ac fructum, quo fructu priuaretur, qui Sacrum omitteret. At verò, si extaret similis constitutio in Vniuersitate aliqua, vel Academia; omisso vnius Sacri, non esset materia grauis, sed leuis, quia tunc auditio Sacri ordinaretur, non ad fructum spirituales singulorum, sed ad rectam Academix gubernationem, pacem, ac decorem, qui finis non grauitèr læditur, etiam si Sacrum aliquando prætermittatur. Ita *Vasq. 1.2. quæst. 96. art. 4. d. 158. c. 6. num. 60.* His positis.

RESOLVTIO.

9. Respondetur; Titium, quinquæ critici modios à Regno extrahendo, mortaliter non peccasse. Ita *Suar. tom. 5. in. 3. p. d. 4. f. 6. num. 11. & d. 18. f. 3. n. 16. & de legib. lib. 3. c. 25. nu. 7. Valent. 1.2. d. 7. qu. 5. p. 6. col. 957. Bonac. d. 2. quæst. 3. p. 3. num. 12. Reginald. lib. 15. num. 30. Vasqu. loco cit. Molina tom. 1. tract. 2. dub. 88. circa finem. Azor. to. 1.*

lib. 5. cap. 28. & alij communiter.

10 Primò; Quia tota ratio hanc extractionem prohibendi, est vitatio damni Reipublicæ. Ergo, dum Respublica, ex tali extractione graue damnum non patitur, non fit grauitèr contra illius prohibitionem: Tunc enim lex grauitèr violatur, quando grauitèr violatur eius finis intrinsecus. Sed finis istius legis, grauitèr non violatur; hic enim, alius non est, quam vitatio damni, quod ex tali extractione non sequitur; Ergo lex, in hoc casu, grauitèr non violatur; ideoque Titius mortaliter non peccauit.

11 Secundò; Quia si lex ista grauitèr violaretur, quinque modis extrahendo, sequeretur, grauitèr etiã violari, extrahendo quantitatem, de se sufficientem ad furtum; talis enim quantitas, de se grauis est, & si passim, ac communiter extraheretur, Regnum inde damnum pateretur; consequens autem à nemine conceditur. Ergo, sicut extrahere semimodium, non censetur materia grauis, quia inde Reipublicæ graue damnum non sequitur; ita neque extrahere quinque modios, erit materia grauis, cum neque ex ista extractione, graue damnum Reipublicæ sequatur.

12 Tertiò; Quia Aureus, qui pro furto, reputatur communiter materia grauis, pro donatione prohibita, non reputatur materia grauis, sed leuis; Imo, cum, in donatione, attendatur qualitas donatoris, ac donatarij, & aliæ circumstantiæ, fieri potest, vt etiam donatio equi, reputetur donatio le-

uis, sicuti reputatur in *c. Et si quaestioibus: de Simonia*. Ergo, sicut aureus, & equus, licet respectu furti sint materia grauis, respectu donationis prohibita: possunt esse materia leuis, quia finem prohibitionis leuiter laedunt; ita quinque tritici modij, licet respectu furti, vel alterius præcepti, possint esse materia grauis, respectu præcepti extractionem prohibentis, poterunt esse materia leuis, cum eorum extractio, leuiter opponatur fini, in eà prohibitionem, à Republica intento, qui est, ne Regnum inde damnum patiatur.

OBIECTIONVM SOLVTIO.

13 **A**D rationes autem in contrarium Respondetur. Ad primam; Finem Legislatoris fuisse, vitare damnum, quod ex tritici extractione sequi posset Reipublicæ, non tamen intendisse Legislatorem prohibere grauitèr tritici extractionem factam ab vno, dum graue damnum Reipublicæ non causat, quamuis illud causaret, si à multis passim fieret; alioquin etiam extractio semimodij, imo etiam quarta, aut quinta partis vnius modij, esset mortalis, eo quod hæc etiam, si passim, ac communiter à multis fieret, notabile damnum Reipublicæ causaret. Cum ergo lex non obliget vltra intentionem, ac voluntatem Legislatoris, sequitur, legem hanc, in hoc casu, grauitèr non obligare; ideoque Titium grauitèr non peccasse.

14 Ad secundam Respondetur; ex fur-

furtum centum aureorum, quemlibet etiam Regem, graue damnum accipere; posset enim plures milites, vel pedisequos alere, quo commodo, ac utilitate priuatur; & cum à multis eadem summa surripitur, toti illi Communitati per modum vnus damnum notabile inferitur. Verum, quamuis damnum graue non inferretur; adhuc graue furtum committeretur, quia retineretur alienum Domino notabiliter iniurio, qui est finis immediatus istius prohibitionis potius, quam damnum Domini.

15 Ad tertiam Respondetur; Negando, finem legis adæquatè & perfecte frustrari; ex illa enim extractione, Respublica graue damnum non patitur. Finis autem Legislatoris est, hoc solum damnum vitare, vt suppono.

16 Ad quartam Respondetur; Latronem in se suspendi, non tam ob damnum illatum, quam ob actionem iniuriosam. At in præsentem finis legis adæquatus est, vitare damnum. Hoc autem, cum graue non sit, non apparet, vnde culpa mortalis nasci possit.

COROLLARIA.

17 Colligitur ex dictis primò; nullam certam regulam statui posse, ad definiendum, quamnam mercium extractio celsenda sit graue damnum Reipublicæ inferre, sed hoc pensandum esse prudentis arbitrio; regulariter tamen loquendo; centum aurei, vel merces eiusdem valoris, videntur esse materia

grauis; ex qua, Respublica, damnum pati possit sicut pro donatione, materia grauis, duos vel tres aureos excedere debet. Nisi tamen Respublica, vel esset ab inimicis oppressa, vel magnam penuriam pateretur: Nam tunc, etiam quantitas longè minor censetur materia grauis. *Molina tract. 3. d. 89. circa finem. Azor. tom. 1. lib. 5. c. 28.*

18 Secundò; Materie paruitatem & grauitatem, non rectè desumi per ordinem ad totam quantitatem præceptam; ita vt, illa dicatur materia leuis, quæ, respectu totius quantitatis præceptæ, leuis est, & è contrarij Nam, si quis quingentos, vel mille aureos in elemosynam distribuere teneatur, & retineat viginti; hæc retentio, respectu totius summæ; leuis est, & tamen censetur materia grauis, & peccatum mortale; quia grauiter conducit ad finem intentum, qui est alienæ miseræ subleuatio, vel pietatis exercitium. Contra verò, si quis ex Voto, Officium B. Virginis recitare teneatur, & duas horas omittat; hæc omissio, quamuis in comparatione totius officij, sit materia grauis, cum sit ferè tertia illius pars; absolutè tamen censetur omissio, & materia leuis, quia non videtur grauiter, sed solum leuiter conducere ad deuotionem excitandam, & Virginem colendam, qui est finis intentus; idemq; dicendum videtur de tertiâ parte cuiuslibet horæ minoris in officio Diuino. *Bonacina d. 2. de pecc. quæst. 3. pun. 3. num. 14.*

19 Tertiò; Ad ferendum iudicium de alicuius materiæ gravitate, vel leuitate, attendendum præcipuè esse finem præcepti, an sit grauis, vel leuis, & an res præcepta, ad illum sit necessaria, vel non necessaria; res enim, quæ in se leuis est, aliquando sit grauis ratione finis, quem subditus ignorat. Hoc autem colligi poterit ex circumstantiis, quibus Legislator ad præceptum ferendum motus est, quales sunt; vitare scandalum, aut damnum commune, aut periculum, vora violandi &c. In dubio tamen, an finis sit grauis, vel res præcepta sit ad illum necessaria; præsumi debet, & finem esse grauem, & rem necessariam; quia præsumptio stat pro communiter contingentibus; & ferè semper præceptum imponitur solum ob finem grauem, & de materiâ ad illum necessaria. *Sanch. lib. 1. c. 4. num. 3.*

20 Quarto; Mortaliter peccaturum, qui aquæ guttam, vino non misceret in Calice; quia quamuis aquæ gutta, secundum se considerata, sit materia parua; at non est parua, sed magna in ordine ad mysterium, ac significationem, propter quam ab Ecclesiâ præcipitur. Ex leui autem vel magnâ utilitate, quam res præcepta habet ad finem à Legislatore intentum, eius grauitas, vel leuitas definitur vt dictum est *Card. de Lugo de Sac. Euch. d. 15. f. 2. num. 21.*

21 Quinò; In materiâ ieiunij vnâ aut alteram vnciam cibi communis non sufficere ad peccatum mortale, sed censerî materiam leuem, non

ex eo, quod duz vnciæ, sint quarta pars collatiunculæ ferotinæ, vt vult *Diana p. 5. tract. 5. res. 11.* Nam paruitas materiæ non rectè desumitur per ordinem ad totam quantitatem præceptam, vel prohibitam, vt dictum est. Sed quia vna, vel altera vncia leuiter solum conducere videtur ad corpus alendum & est quid leue in genere alimenti. Ecclesia autem, per præceptum ieiunij, præcipit solum abstinentiam eorum, quæ per se, ac principaliter ordinantur ad corpus alendum. Vnde non præcipit abstinentiam potus, quia hic principaliter non ordinatur ad corpus nutriendum, sed ad sitim sedandam; nec abstinentiam medicamentorum, quia hæc principaliter non ordinantur ad corporis nutritionem, sed ad sanitatem. *Turriannus. p. 1. sum. c. 296 d. 27. num. 2.*

22 Sexto; Eriam, quando præceptum, certam aliquam materiam, vel tempus præscribit, materiæ grauitatem vel leuitatem, pensandam esse, non ex eo, quod sit tertia, vel quarta, aut alia similis pars materiæ præcepta; sed ex eo, quod ratione suæ magnitudinis, vel grauitatis, absoluta eius omisso, secundum prudentem estimationem, leuem vel notabilem afferat deformitatem in materiâ ad adequata præcepti. Sic enim in officio Diuino, omisso, quæ quantitatem vnius horæ parua v.g. tertia, sexta, nona, & completorij, non attingit, censetur materia leuis, quia non censetur communiter mutilatio notabilis, nec in diuino officio, cuius est

est pars, notabilem deformitatem afferre; hoc tamen totum ex prudenti arbitrio desumendum, ac æstimandum est, Pensatis personarum conditionibus, & alijs circumstantijs, respectu talis materiæ. Unde, dum communiter dicitur, illam esse materiam grauem, cuius violatio charitati Dei, vel proximi intelligitur contraria, hoc ipsum ad prudentis arbitrium necessariò reducendum est; sic enim solùm, & non aliter discerni potest, an materia, charitati sit contraria, nec ne. *Suar. tom. 2. de relig. lib. 5. de voto l. 4. num. 15. Castrop. to. 2. d. 2. p. 5. num. 1.*

- 23 Septimò; In diebus festis, in ordine ad opera seruilia, duas horas censerì materiam leuè, nec sufficere ad peccatũ mortale, nõ quia sint pars leuis respectu totius diei; nam materiæ leuitas, ex hoc solùm non rectè deducitur, vt dictum est; sed quia non grauitur, sed leuiter san-

tum opponuntur cului diuino, qui est finis intentus à præcepto, opera seruilia diebus festis prohibentur: quod totum ex communi fidelium sensu, ac Ecclesiæ vsu colligitur. In operibus tamen forensibus, ac iudicialibus, materiæ grauitas, nõ ex temporis quantitate, sed ex operis qualitate desumitur; si quis enim aliquem contractum venditionis, aut locationis, solemniter celebraret, mortaliter peccaret, quia faceret actum irritum, quod ex se grauem habet deformitatem, præsertim si fiat à Iudice. Si verò rem aliquam parui momenti, vel ad vsum necessariam, venderet, venialiter solùm peccaret, quia iam consuetudo obtinuit, vt hoc non sit graue peccatum, & si ad sit iusta causa; vt euentium, vel vendentium necessitas; nullum. *Castropalaus tom. 1. tract. 9. d. 2. pun. 3. num. 4.*



QVAESTIO LVII.

An quodlibet peccatum, ex genere mortale; fieri possit veniale ex leuitate materiae.

C A S V S.

IN Concilio Tridentino, sess. 24. c. 18. reform. Examinatoribus Synodalibus prohibetur, ne aliquid prorsus, occasione examinis ad concursum beneficiorum Parochialium, nec ante, nec post accipiant; alioquin Simoniae vitium, tam ipsi, quam alij dantes incurrant. Quidam autem Sacerdos, post peractum examen, pomum, & quaedam alia munuscula leuia Examinatoribus donauit; Quæritur; Vtrum Sacerdos ille dando, & examinatores recipiendo, mortaliter peccauerint.

S V M M A R I V M.

- | | | | |
|----|---|----|--|
| 1 | <i>Examinatores Synodales munuscula recipiendo, videntur mortaliter peccasse.</i> | 14 | <i>Est mala, quia prohibita, & non e contra.</i> |
| 3 | <i>Aliqua praecepta, admittunt materia paruitatem, aliqua non.</i> | 15 | <i>In Simonia iuris naturalis, cur materia paruitas non detur.</i> |
| 7 | <i>Quanam illam admittant, quae non.</i> | 16 | <i>Leuia munuscula, nullo modo sunt simonia.</i> |
| 9 | <i>Simoniam, alia iuris Diuini, alia Ecclesiastici.</i> | 17 | <i>Quae quantitas requiratur, & sufficiat ad mortale.</i> |
| 10 | <i>Examinatores, mortaliter non peccarunt.</i> | 18 | <i>Vendens officium Sacristae, an peccet contra infirmitatem.</i> |
| 11 | <i>In Simonia iuris Ecclesiastici, datur paruitas materia.</i> | 19 | <i>Ex quo argui possit materia leuitas.</i> |
| 12 | <i>Sicut in furto, ac contumelia.</i> | 20 | <i>In materia blasphemiae, non datur paruitas.</i> |
| 13 | <i>Et sicut datur in Voto.</i> | 21 | <i>Neque in Sortilegijs.</i> |
| | | 22 | <i>Neque in fractione sigilli Confessionis.</i> |
| | | 23 | <i>Neque in formis Sacramentorum.</i> |

Ne-

- 24 *Neque in Ieiunio ad Eucharistiam prærequisito.*
 25 *Neque in astate ad Professionem, Sacros Ordines, & Matrimonium requisitâ.*
 26 *In usura datur paruitas materiæ.*
 27 *Et in Iuramento promissorio.*
 28 *Et in operibus ad lucrandas Indulgentias iniunctis.*
 29 *Et in Personarum acceptione, quo ad beneficia.*
 30 *Et in Interruptione anni probationis, alijsque similibus.*

RATIONES DVBITANDI.

- 2 **Q**uamuis peccatum ex genere suo mortale, ex materiæ paruitate fieri possit veniale, ut *Quæst. præced.* probatum est; Quia tamen aliqua præcepta, hanc materiæ paruitatem admittunt; aliqua non admittunt; superest inquirendum, cur aliqua non admittant, & ex quo signo dignoscenda sint.
- 3 Aliqui enim putant, tam Sacerdotem, quam Examinatores, peccasse peccato Simoniz. Ideoque mortaliter. Ita *Suar. tom. I. de relig. lib. 4. c. 3. num. 5. & c. 14. num. 11. Sanchez. lib. 1. sum. c. 4. num. 1. Laym. lib. 4. tract. 10. c. 8. num. 4. Nauar. in extrau. de dat. & accept. notab. 10. num. 20.*
- 4 Primò; Quia ex Trid. simoniam commiserunt; In materiâ autem simoniz, sicut non datur paruitas materiæ, ita nec datur peccatum solum veniale.
- 5 Secundò; Quia, si quis uicem *Agnus Dei*, vel Salutationem Au-

gelicam vendat, mortaliter peccat; cuiuscûque enim quantitaris sit id quod ab altero recipit pro ipso *Agnus Dei*, si illud recipit tanquam pretium, iam rem sacram grauiter vilipendit, ac contemnit; nam illam pretio siue magno, siue modico, æquiparare, est paruam, ac vilem æstimare: quod sine graui ipsius rei spiritualis iniuria fieri non potest. Ergo eodem modo, quidquid Sacerdos examinatoribus donauit, fuit satis ac mortaliter peccandum, peccato Simoniz.

- 6 Tertiò; Quia in eâ materiâ reperitur culpa mortalis, in quâ reperitur integra ratio iniuriæ, ac offensæ; sic enim, qui iurat, in Domino sua pulices non reperiri, cum sciat reperiri, grauiter peccat, quia adducit Deum in Testem falsitatis, non minus quam si mendacium grauissimum iuraret; & qui articulum fidei leuissimum negat, grauissimè peccat, quia æquè negat infinitam Dei veracitatem, ac si negaret mysterium Trinitatis; ideo enim, uterque articulus creditur, quia Deus verax, utrumque reuelauit. Cum ergo dentur multæ materiæ, in quibus, licet paræ sint, reperitur integra ratio iniuriæ, ac offensæ, ut in enumeratis, & in omnibus, quæ immediatè Deum, eiusque honorem respiciunt; sequitur, in his, non dari leuitatem materiæ. Inter istas autem enumerari solet simonia.

NOTABILIA.

- 7 **A**duertendum est primò; certum esse apud omnes, dari ali-

aliqua, in quibus non admittitur paruas materias, & aliqua, in quibus admittitur; in iuramento enim assero pro, in idolatria, in simonia, in odio Dei, in infidelitate; & vniuersaliter, in omnibus, quæ Deum, eiusque honorem immediate respiciunt, nulla datur materiarum paruitas, quia in his omnibus quantumvis materia sit parua, in illa tamen inuenitur integra ratio grauis irreuerentiæ, ac iniuriæ; nam qui falsum iurat, Deum facit esse mendacem; qui simoniam committit, rem spiritualemente pretio temporali æstimat &c. Idemque dicendum est de pollutione, fornicatione, homicidio, ac similibus; quæ materiarum paruitatem non admittunt, neque ratione materiarum variant iudicium, ac indecentiam. Contra verò furtum, mendacium, & similia, quamvis ex genere suo, graua sint; non semper tamen æqualem habent indecentiam; hæc enim, si fiant in magna, vel parua quantitate, variant iudicium. Denique verbum otiosum, curiositas, scurilitas, & similia, ex se ita leuia sunt, vt non nisi ex aliquo accidente extrinseco, graua esse possint.

- 8 Aduertendum est secundò; Rationem, cur aliqua, materiarum paruitatem admittant, aliqua non admittant, desumendam esse ex fine, ac motiuo præcepti, quo prohibentur; finis enim, est mensura cæterorum, quæ sunt ad finem. Duo autem dantur præceptorum genera; aliqua, quæ pro fine, ac motiuo habent aliquid omnino indiuisibi-

le, vt præceptum prohibens per iurium, ne Deus fiat testis falsitatis; falsitas enim, formaliter consistit in indiuisibilitate suscipit magis, aut minus. Et aliqua quæ pro motiuo, ac fine habent aliquid diuisibile; vt præceptum prohibens furtum, ne Dominus in rebus suis damnum patiatur; Damnum enim habet latitudinem, & potest esse maius, aut minus. Illa ergo præcepta, quæ habent pro fine aliquid indiuisibile, materiarum paruitatem non admittunt, quia qualibet materia, siue magna sit, siue parua, æquè est cum illo impossibilis; qualibet enim falsitas æquè Deum reddit reum falsitatis; ideoque æquè etiam grauitè est prohibita. Illa verò, quæ pro fine habent aliquid diuisibile, materiarum paruitatem admittunt; quia, sicut finis ipse latitudinem habet, & suscipere potest magis, ac minus; ita illud suscipere necessario debet etiam materia, cum respectu illius habeat rationem medij, vt dictum est; Ex eo enim, quod damnum ex furto consequens, possit esse maius, vel minus, sit, vt etiam furtum ipsum, possit esse maius, aut minus; sicque iuxta mensuram damni, grauitè, vel leuiter prohiberi. Neque hoc fortasse differt in re à communi doctrina, si rectè explicetur, quod scilicet illa non admittant paruitatem materiarum, in quorum materia quantumvis parua, inuenitur integra ratio grauis offensæ, ac iniuriæ.

- 9 Aduertendum est tertio; Duplicem dari simoniam, aliam, in qua ven-

venditur, vel permutatur res spiritualis cum temporali, tanquam cum pretio; ut si aliquid detur, vel accipiat pro Sacramentis, vel pro Sanctorum reliquijs, vel pro calice, eo quod sit consecratus &c. & hæc, non solum iure Ecclesiastico, sed etiam naturali, ac diuino, est prohibita; maxima enim irreuerentia, ac iniuria fit rei sacræ, & spirituali, eam temporali pretio æstimando, cum illi æquiparetur, Aliam verò, in qua venditur, vel permutatur res annexa rei sacræ; cum re, vel pretio temporali; ut, si quis aliquid det pro consequendo officio Æconomi, vel Sacrificii alicuius Ecclesiæ, vel Rectoris, aut Gubernatoris alicuius Hospitalis; aut aliquid det, vel accipiat occasione examinis &c. & hæc, iure solum Ecclesiastico, est prohibita; Ecclesia enim, sicut reddere potest aliquem immunem à Laicâ potestate, prohibendo, ne capiat in Ecclesia, ita ut, si capiat, sacrilegium committatur; ita prohibere potest, ne res aliqua rei sacræ annexa vendatur, in ipsius rei sacræ reuerentiam; atque ita prohibuit permutationem vnius beneficii cum alio sine Superioris auctoritate, & resignationem beneficii propria auctoritate factam, cum reservatione pensionis, & acceptionem alicuius rei occasione examinis. His po-

fitis.

SCILICET

RESOLVTIO.

10 **R**espondetur; neque dantem, munuscula occasione examinis neque accipientes mortaliter peccasse. *Molina trañt. 2. d. 92. Reginald. tom. 2. lib. 23. cap. 11. q. 5. num. 166. & c. 15. sec. 3. nu. 210. Azor. p. 3. lib. 12. c. 28. p. 1. qn. 3. Bonac. de legib. d. 10. quæst. 2. p. 8. s. incid. num. 12. Nauar. loc. cit. & notab. 3. ad finem Sancti lib. 2. sum. cap. 8. num. 17. & alij apud istos.*

11 **Primò;** Quia hæc simonia non est iuris naturalis, cum in ea non vedatur aliquid spirituale pro pretio temporali; sed solius iuris Ecclesiastici, cum in ea intercedat solum permutatio rei temporalis cum temporali. In hac autem, nulla est ratio, cur non admittatur paruitas materiz; ratio enim, quod res spiritualis, & sacra æquiparetur temporali, ac vili, hic non militat, cum hic permutetur res temporalis cum temporali; neque hæc permutatio est prohibita, quia mala, sed potius est mala, quia est ab Ecclesiâ prohibita. Cum ergo munuscula data, & accepta, supponantur leuia, sequitur, eorum dationem, & acceptionem, fuisse solum venialem ex paruitate materiz.

12 **Secundò;** Quia, peccatum ex genere suo mortale, fieri potest veniale ex leuitate materiz, cum nihil obstat; atque hæc est regula generalis. Sic enim furtum ex genere suo mortale, in materia leui est so-

solum veniales; idemque dicendum est de contumelia, detractio, percussione, &c. Ergo etiam simonia iuris positivi Ecclesiastici, quantum ex genere suo sit mortalis, ex leuitate tamen materię fieri poterit venialis; nihil enim magis hic obstat, quam in furto; imo, si in furto, quod iure naturali negatiuo est prohibitum, paruitas materię admittitur, nulla est ratio, cur non admittatur in simoniā iuris Ecclesiastici, quę, iure tantum humano est prohibita.

- 13 Tertiō; Quia in Voto admittitur leuitas materię; qui enim vouit dare centum pauperibus; si vnum, aut alterum iulium omittat, non propterea mortaliter peccabit. Ergo à fortiori admittenda erit in simoniā iuris tantum Ecclesiastici; non minus enim violatio Voti, est sacrilegium, quam Simonia; nec minus Votum, est factum ex motiuo religionis, quam ex eodem motiuo sit prohibita Simonia iuris Ecclesiastici; neque vlla apparet ratio, cur in vno admittenda sit materię paruitas, & non in altero. Cū ergo munuscula, supponantur fuisse materia leuis, tam qui dedit, quam qui acceperunt, venialiter solum peccauerunt.

OBIECTIONVM SOLVTIO :

- 14 **N**equē obstant rationes in contrarium. Nam ad primam, & secundam; Respondetur; argumenta illa optimè probare de simoniā iuris naturalis, & Diuini, in quā aliquid spirituale, ac sa-

crum permutatur pro temporali; secus autem de simoniā iuris tantum positiui Ecclesiastici, in quā aliquid temporale permutatur pro temporali, & quę non est prohibita, quia mala, sed potius mala, quia prohibita; in hac enim, nulla apparet ratio, cur non admittenda sit materię paruitas, sicut in alijs iuxta regulam generalem.

- 15 Ad tertiam Respondetur; In casibus quidem enumeratis, non dari paruitatem materię, quia præcepta illa habent finem indiuisibilem, vt consideranti patebit; & ideo in quacunque parua materiā reperitur integra ratio irreuerentię, ac iniurię grauis, & propter eandem rationem, nec dari in simoniā iuris naturalis, ac diuini, quia semper, pretio temporali, res spiritualis æstimatur. At ratio ista, non militat in simoniā iuris positiui Ecclesiastici; hæc enim, ideo solum est mala quia prohibita; ideoque in illa, nulla est ratio, cur non admittatur materię paruitas, sicut in ieiunio, alijsque similibus præceptis Ecclesiasticis. Sicut ergo, comedere tantillum carnis in Quadragesima, ob materię paruitatem excusatur à mortali; ita donare Examinatoribus munuscula, ob eandem materię paruitatem à mortali excusabitur.

COROLLARIA.

- 16 **C**olligitur ex dictis primò; Paruitatem rei temporalis, quę datur, vel accipitur pro re spirituali, excusari à quacunque simoniā

niâ, etiam ex alio capite, quia scilicet id, quod modicum est, pro nihilo reputatur, nec dari solet in pretium, sed solum beneuolentiæ, ac honestatis gratia; sic enim habetur in c. *Et si Quæstiones: de simonia §. finali*; Huiusmodi autem paruitas, non est æstimanda ex eo, quod non sufficiat ad furtum, sed ex eo, quod non sit tanta, ut probabiliter præsumatur, recipientem motura ad aliquid iniquum faciendum.

17 Secundò; Licet dari possit quantitas tam magna, ut sit sufficiens ad peccatum mortale simoniæ, per ius Ecclesiasticum introductæ, & tam parua, ut à mortali excuset; nihilominus statui non posse regulam aliquam generalem ad discernendum, quanam sit illa quantitas, quæ sufficit ad peccatum mortale, ita ut minor non sufficiat, sed in casibus particularibus, arbitrio prudentis viri iudicandum esse; sicut accidit etiam in materia furti.

18 Tertiò; Si quis vendat officium Sacristæ, vel Æconomi, acceptâ pecuniâ mortaliter uô peccare contra iustitiam, sed solum contra Religionem; ideoque nihil teneri restituere; quia officium illud, secundum se, est pretio æstimabile, & qui illo se spoliât, temporale incommodum subit; & si non esset Ecclesiæ prohibitio, talis venditio, neque iniusta esset, neque illicita. Quamvis ergo, ob Ecclesiæ prohibitionem, officium illud vendendo, peccet contra Religionem, & simoniam committat; non tamen

peccat contra iustitiam, & consequenter nihil restituere tenetur. Idemque dicendum esset, de Examinatoribus Synodalibus, si aliquid acciperent per modum liberalis donationis; illud enim restituere non tenerentur, quia illud accipiendo, peccarent solum contra Religionem, non verò contra iustitiam.

19 Quartò; Ad cognoscendum, an in transgressione alicuius præcepti detur materia levis, quæ culpam tantummodo venialem constituat, hanc statui posse tanquam regulam vniuersalem. Vt, quoties finis alicuius præcepti, consistit in indiuisibili, toties in eius transgressione, non detur materiæ leuitas, propter rationem superius num. 8. indicatam, quoties verò finis est diuisibilis, & habet moralem latitudinem, ac suscipere potest magis & minus; toties, in eius transgressione, detur materiæ paruitas, & venialiter tantum peccari possit. An verò finis aliquis consistat in indiuisibili, aut moralem habeat latitudinem; vel ex naturâ ipsius finis, vel ex circumstantijs, vel ex communi Ecclesiæ, ac Fidelium sensu, vel ex Doctorum, ac prudentum iudicio, colligendum erit. Quia tamen hæc regula melius apparebit, si materijs particularibus applicetur; ideo.

20 Quintò; Deducitur in materiâ blasphemiz, non dari paruitatem materiæ; Tum quia, in qualibet blasphemia, reperitur integra ratio grauis iniuriæ Diuinæ, quæ propterea consistit in indiuisibili; Blasphe-

spheum enim, est verbum contumeliosum in Deum, vel falsa ei tribuens, vel vera negans, vel creaturis tribuens, quod Deo soli debetur, cum animo eum directè, vel indirectè inhonorandi; æque autem inhonoratur Deus, siue illi falsò tribuantur res magnæ, siue parvæ. Tum quia, si quilibet maledictus à persona vili in Magistratum, aut Senatorem prolata, censetur iniuria gravis. *L. Prætor. §. atrocem ff. eodem.* quanto magis censenda erit gravis iniuria, quæ ab homine, per blasphemiam inferatur. *Valentia tom. 3. d. 1. qu. 13. par. 1.*

- 21 Sextò; Neque in sortilegijs, dari parvitatem materiæ; quia, cum sortilegium, tacitâ vel expressam Dæmonis inuocatione cõtineat, est de se semper mortale, siue deinde in re ludicrâ, & parua, siue in magna inuocetur Dæmon. Ratione tamen ignorantij, excusari potest à mortali; Vt, si quis tacitam inuocationem aut ignoret, aut non aduertat; quod aliquando contingere potest, eo quod inuocatio sit valde occulta. Si tamen occurrat aliqua suspicio; tunc datur obligatio abstinendi, donec res melius cognoscatur; quod si non fiat, erit veniale, vel mortale iuxta mensuram negligentij in inquirendo; vt patet ex dictis supra de ignorantia *Lessius lib. 2. c. 44. d. 4. num. 26.*

- 22 Septimò; Neque in fractione sigilli Confessionis, dari parvitatem materiæ; Tum quia, obligatio celandi peccata in Confessione audita, non oritur ex eo, quod pec-

cata audita, sint magnæ; sed ex eo, quod secretum sit maximi momenti, ne homines à Confessione retrahantur. Æque autem viola ut secretum, per reuelationem venialium, ac per reuelationem mortalium. Tum quia, non solum mortalium, sed etiam venialium reuelatio, est absolutè reuelatio Confessionis; sicut non solum mortalium, sed etiam venialium confessio, est absolutè Sacramentalis confessio. *Baldell. lib. 3. d. 14. num. 13. Malterus de sigillo c. 3.*

- 23 Octauò; Neque in formis Sacramentorum, dari parvitatem materiæ quoad mutationem, aut omissionem verborum essentialium; Quia. Sicut quilibet omisso, vel mutatio tollens sensum formæ, sufficit ad Sacramentum irritandum; ita sufficit ad mortaliter peccandum. Si tamen omittantur aliqua verba non necessaria, vt, in consecratione hostiæ, particula; enim; vel in formâ baptismi particula; ego; tunc, ex genere suo, & secluso scandalo, non erit nisi veniale quia hæc censetur materia levis. *Hurtadus de Sacr. in genere d. 1. diff. 14.*

- 24 Nonò; Neque dari parvitatem materiæ, in ieiunio ad Eucharistiæ sumptionem prærequisito; quia Ecclesia præcipit, ne Eucharistia, post cibum, vel potum sumatur, vt significetur, Christum esse primum cibum fidelium. Eodem autem modo violatur hoc præceptum, siue cibus, aut potus in parua, siue in magnâ quantitate sumatur; quamuis enim vnica mica panis, aut

aut aquæ gutta ante Eucharistiam sumeretur, hoc sufficeret, ut Eucharistia diceretur, post cibum, aut potu sumpta; si quis tamen per modum respirationis, tabacchi fumum aut carniū vaporem ex ollâ ascendentem attraheret, ieiunium naturale non violaret; sicut nec violaret, qui aliquid per modum saluæ traijceret, vel lignum, aut lapillum, & similia, quæ à stomacho alterari non possunt; quia, cum hæc omnia non habeant rationem cibi, vel potus, Eucharistia, post illa, sumpta, dici non potest, post cibum vel potum sumpta. *Card. de Lugo de Euch. d. 15. f. 2. num. 22.*

- 25 Decimò; Neq; dari paruitatem materiz in ætate ad Professionem, Sacros Ordines, ac Matrimonium requisirâ; Quia ætas, in his, cum à iure præscribatur, ac taxetur, consistere debet in indivisibili, sicut consistit pretium, cum à iure taxatur. Regula autem illa. *Quod parum distat, nihil distare videtur; parum pro nihilo reputatur*, & similes; valent solum in ijs, quæ à iure non præscribuntur, quia tunc, illud parum, non requiritur ad præceptum implendum; nam, quando requiritur, non est amplius moraliter parum; alioquin, si quis, post mediam noctem diei Iouis, per Orationem Dominicam, carnes comederet, mortaliter non peccaret, quia parum pro nihilo reputatur, quod tamen nemo concedit. Requiritur ergo ad professionem, annus 16. omnino completus; ad Sacerdotium 24. post hunc enim ordinandus statim dici potest at-

tingere. 25. Et ad Matrimonium, in Viro, annus 14. & in Fœmina, 12. Quod autem dictum est de ætate, dicendum est etiam de probationis anno, ad professionem prærequisito. Nam hic etiam *ex Trid. sess. 25. c. 15. de regul.* debet esse completus, antequam emittatur professio. Ad Matrimonium tamen, docent communiter Doctores, sufficere, quod ultima dies anni 12. in fœmina, & 14. in Viro, sit inchoata, quamvis non sit completa, quia in favorabilibus, dies cæptus habetur pro completo. *L. quæ ætate. ff. de testam. ita Nauarr. conf. 6. Sanchez. lib. 7. de matr. d. 104. num. 2.*

- 26 Undecimò; In Vfsura dari paruitatem materiz, non minus quam in furto, quia tota Vfsuræ malicia consistit in hoc, ut aliquid accipiat ultra sortem; sicut malicia furti consistit in hoc, ut surripia- tur alienum; sicut ergo in furto datur paruitas materiz, quia alienum, quod surripitur, potest esse notabile, vel leue; ita dabitur in vfsura, cum in ipsâ quoque illud aliquid, quod accipitur ultra sortem, possit esse notabile, vel leue.
- 27 Duodecimò; Licet in iuramento assertorio, non detur materiz paruitas, quia siue mendacium sit leue, siue sit graue, semper eodem modo Deus adducitur in testem falsitatis; In promissorio tamen dari; Tum quia, in eo, obligatio estimari non potest independentes à qualitate materiz, sicut in assertorio, sed solum dependentes ab illa; si enim res sub iuramento pro-

promissa, sit mala; eam non implere, nullum erit peccatum; Materia autem potest esse gravis, vel levis; in quo casu, si sit gravis, graviter obligabit, levis, si sit levis, & nullo modo, si sit mala. Tum quia violatio voti circa materiam leuem, non est nisi peccatum veniale, cum sit parva materia fidelitatis, ac religionis, nec similis promissio facta homini, imo neque lex ipsa, siue diuina, siue Ecclesiastica de simili materia, obliget nisi leniter; ergo à fortiori etiam violatio iuramenti promissorii de re leui, erit peccatum solum veniale; maior enim est obligatio Voti, quam iuramenti, ut docet *D. Thomas. 2. 2. quæst. 89. art. 8.* Tum denique, quia iuramentum, est accessorium promissioni. Ergo non magis obligat, quam promissio. Accessorium enim sequitur naturam sui principalis. *Sanch. lib. 3. sum. c. 4. num. 23.*

- 38 Decimotertiò; In operibus iniunctis ad lucrandas indulgentias, dari materię paruitatem, Si enim opus iniunctum, sit vna missa, v. g. quamvis quis minimam eius partem omittat, adhuc indulgentiam probabiliter lucrabitur, quia moraliter loquendo, totum opus præscriptum posuisse censetur, eo quod in moralibus, parum pro nihilo reputetur. Si tamen pars illa, quamvis in se minima, respectu totius operis iniuncti, sit pars notabilis; ut, si quis vespere, dum datur signum trinæ Salutationis Angelicę, vnā ex illis omitteret, plenariam indulgentiam ab *Adria-*

no VI. recitantibus concessam, nō lucraretur, quia totum opus iniunctum moraliter non poneretur; idēque contingeret, si plura tanquam conditio indiuisibilis imponerentur; ut, si imponeretur quatuor, aut septem Ecclesiarum visitatio, aut quid simile, tunc enim, qualibet earum omisā, indulgentia non obtineretur, quia non poneretur opus iniunctum. *Suar. tom. 4. in tertiam partem disp. 52. s. 4. n. 4.*

29 Decimoquartò; Probabile esse quod in Personarum acceptione quoad beneficia conferenda, dari possit paruitas materię; si quis enim omisso digniori, beneficium aut cathedram conferat digno, iusticiam distributiua graviter violare non videtur, si dignitatis excessus modicus sit. Tum quia, quamvis electio dignioris sit materia præcepti; hæc tamen non consistit in indiuisibili, sed habet latitudinem, sicut illam habet res aliena. Sicut ergo res aliena, potest esse notabilis, vel levis, ita maior dignitas, esse potest levis, vel notabiliter maior, sicque venialiter, vel mortaliter peccari iuxta quantitatem excessus. Idem autem dicendum est etiam, dum quis, in graui necessitate, eleemosynam largitur propinquo, omisso propinquiore, & in alijs similibus; omnium enim eadem est ratio. *Sotus de iust. lib. 3. quæst. ult. art. 2.* Contraria tamen sententia, quam tenet *Turrianus tom. 2. de iust. d. 21. d. 1. num. 6.* Est etiam valde probabilis; quia materia præcepti non est excessus dignitatis, sed electio

gio dignitatis, cui conferendum est beneficium. Hæc autem consistere videtur in indivisibili, & esse materia grauis; fundat enim ius ad beneficium, quod ius, est aliquid graue; sicut in materia furti, unica acus, quia Sartori est notabiliter vilis, censetur materia grauis.

30 Decimoquintò; Dari leuitatem materiæ, in interruptione anni probationis; in ingressu, ac egressu clausuræ Religiosæ; in Officij recitatione; in Missæ auditione, & actione; in celebratione post meridiem, & cum vestibus sacris; in violatione interdicti; in Clerici

percussione, in reliquiarum furto; in præcepto correctionis fraternæ; in inuidia; iudicio temerario, ac detractione; In Patrimonio ad Ordines requisito; in debiti coniugalibus negatione; in rerum Ecclesiasticarum alienatione, in laborum prohibitorum retentione, aut lectione; in communicatione, cum excommunicato, & in alijs similibus; quia in his omnibus, non præcepti, est aliquid diuisibile habens moralem latitudinem, ideoque admittit etiam leuitatem materiæ, ac transgressionis.

QVAESTIO LVIII.

An peccatum veniale, fieri possit mortale ratione periculi proximi.

C A S V S.

TITIO, ludus erat proxima occasio, ac periculum blasphemandi, ideoque sæpius à Confessario monitus fuerat, vt ludum vitaret; accidit tamen, vt die quadam, ab amico inuitatus prius, deinde etiam minis, ludere coactus sit. Quæritur, Vtrum ludendo mortaliter peccauerit.

SVMMARIVM.

3 Titius, ludendo, ratione periculi blasphemandi, videtur mortaliter peccasse.

7 Veniale, si fiat occasio proxi-

ma mortalis, sit mortale.

8 Quot modis, possit aliqua actio, esse occasio proxima.

9 Titius, ludendo mortaliter non peccauit.

10 Non temere, blasphemandi per-

Y

ri.

riculo se exposuit.

- 11 *Non censetur amasse periculum.*
- 12 *Nec illi fuisse voluntariam.*
- 13 *Periculum longè maius, permittitur Coniugatis.*
- 14 *Temere se periculo exponere, est intrinsecè malum.*
- 15 *Est contemptus, saltem interpretatiuus salutis.*
- 16 *Periculum peccati, non est peccatum.*
- 17 *Tenetur quis aliquando, se illi exponere.*
- 18 *Potest quis, ad infideles conuertendos, subuersionis periculo se exponere.*
- 19 *Et Pater, ad alendos filios ex Concubina.*
- 20 *Filius, paternam domum deferere non tenetur, propter occasionem proximam ibi existentem.*
- 21 *Nec Parochus proprium Officium.*
- 22 *An Concubina, Domini domum.*
- 23 *An Catholicus, ducere possit Hæreticam.*

RATIONES DVBITANDI.

- 1 **S**icut peccatum ex genere suo mortale, ex imperfecta libertate, Superiorem voluntate hac materiam leuitate, fieri potest veniale; ita è contra, peccatum ex genere suo veniale, pluribus titulis, sed præcipuè ratione periculi proximi incidenti in mortale, vel scandalii, vel multiplicationis, ac frequentie fieri potest mortale. Et de peri-

culo quidem proximò; dubitari solet; an semper, ratione illius veniale fiat mortale, Videtur enim semper fieri, ideoque Titium, ludendo, mortaliter peccasse. Ita Lorca. 2. 2. d. 28. sec. 3. num. 9. Gruffius lib. 1. decif. c. 28. Lopez p. 1. instruct. c. 21. & 22.

- 3 Primò; Quia, Titius ludendo; probabili blasphemandi periculo se exposuit; probabili autem peccandi periculo se exponere, videtur intrinsecè malum, ac peccatum iuxta illud Ecclesiast. 3. qui amat periculum, peribit in illo.

- 4 Secundò; Quia qui probabili se periculo exponit amittendæ salutis spiritualis, eam contemnere, conuincitur; propriam autem salutem contemnere, est intrinsecè malum.

- 5 Tertiò; Quia, Bona spiritualia, cuiusque bono temporali præferenda sunt. Ergo vitatio periculi peccandi, cuiusque alteri bono præferenda est, & consequenter, neque ad famam propriam, vel alienam conseruandam, licitum erit peccandi se periculo exponere. Ergo neque ad minas vitandas, potuit Titius licitè, tali periculo se exponere.

- 6 Quartò; Quia, si propria, & proximi salus periclitaretur, non esset ordo legitimus charitatis, propriam deferere, & alienam respicere. Sed, si quis, ad alienum peccatum vitandum, peccandi periculo se exponeret, propriam defereret. Ergo faceret contra rectum, ac legitimum ordinem charitatis; sic autem fecisse videtur Titius.

NO-

NOTABILIA.

7 **A**duertendum est primò ; certum esse apud omnes, non solum peccatum veniale, sed etiam actionem quamlibet indifferentem fieri mortaliter malam, si sit proxima, ac moralis occasio incidendi in mortale ; eodem enim præcepto quo peccatum mortale vitare tene-mur, eius etiam periculum proximum cauere iubemur, Nam qui illud non vitat, cum potest, conuincitur amare peccatum, cuius amat periculum, & salutem contemnere, cuius amittendæ periculo se exponit. Ex quo *Sanchez lib. 1. c. 8. num. 5.* deducit; Concupiscentem foeminam, cuius statum ignorat, aut foeminam in comuni; teneri, hoc ipsum in Confessione explicare ; Quia, quantum est ex parte sui desiderij, fertur in foeminam cuiuscumque status sit, seque periculo exponit, eius circumstantiæ peccatum committendi. Illud autem dicitur periculum proximum, ac morale, quod vel ex se, vel attentâ fragilitate personæ, frequenter, aut plerumque ad peccandum inducit.

8 Aduertendum est secundò ; Actionem aliquam, posse esse occasionem proximam peccandi, aliquando in materiâ aliquâ determinatâ, in quâ se quis fragilem expertus est; Vt, cū Chirurgus, quasdam foeminæ partes curat, cum periculo mali consensus, quem sapius expertus est ; Aliquando verò, in aliâ materiâ, vel genere ; Vt, cum

Confessarius, peccata carnalia mulierum in confessione audit, cum, periculo, vel alicuius mali consensus in genere, vel pollutionis. Ad excusandam expositionem in primo casu, longe maior causa requiritur, quam in secundò ; quia periculum, est longè maius. Imo periculum, attentâ fragilitate, potest esse tale, vt vix vlla inueniatur causa sufficiens ad illam excusandam; quæ verò causa, sit sufficiens, determinari non potest, sed ex circumstantijs, ac prudenti iudicio, colligendum est. Occasio autem, dicitur proxima, non solum, quando est occasio peccati externi, ac consumati, sed etiam, quando est occasio solius peccati, ac consensus interni ; Vt, cum quis domi retinet foeminam, ex cuius præsentia mouetur ad eam turpiter desiderandam. Non minus enim vnum, quam aliud, est peccatum mortale. His positis.

RESOLVTIO.

9 **R**espondetur ; Titium, ludendo mortaliter non peccasse. *Suar. tom. 4. in 3. p. d. 32. sect. 2. Nauar. c. 3. sum. num. 14. Sanchez lib. 1. sum. c. 8. num. 1. Salas 1. 2. tract. 3 d. 3. s. 1. num. 31. Sotus lib. 5. de iustit. quæst. 1. art. 6. conclus. 2. Henriq. lib. 4. de pæn. c. 24. num. 4. S. Thom. 2. 2. quæst. 10. art. 9. & alij apud istos.*

10 Primò ; Quia, quamuis Titius, ludendo, probabili periculo se exposuerit blasphemandi, non tamen re tamen, sed ex vrgenti, ac ra-

tionabili causâ, se illi exposuit; periculum autem peccandi, non ita est malum, ut ex aliquâ iustâ causâ honestari non possit; non enim est formaliter peccatum, sed sola illius occasio; neque peccatum necessario trahit. Ergo non est, cur ex iustâ causâ honestari non possit; videtur autem fuisse causa sufficiens, in Titio, vitare minas.

11 Secundò; Quia, in tantum peccandi periculo se exponere, est peccatum, in quantum hæc expositio, est interpretatiuè, ac virtualiter amor periculi. Sed, quando, ex causâ vrgenti, periculo se quis exponit, non amat periculum, sed potius illud bonum, ad quod sine periculo perueniri non potest; Ergo ex vrgenti causâ, periculo se exponere, non est peccatum. Titius autem, ex simili causâ, blasphemandi periculo se exposuit.

12 Tertiò; Quia, in tantum peccati periculum, est peccatum, in quantum est integrè voluntarium, siue in quantum quis censetur, illud gratis amare. Dum autem quis, ex aliquâ graui, vel vrgenti necessitate, illi se exponit, tale periculum non est illi moraliter voluntarium, cum illud moraliter, sine graui periculo, vitare nequeat; Vnde *S. Basilius in confit. Monast.* c. 4. pag. 489. docuit. qui, vrgente aliquâ causâ, se periculo obijcit, vel permittit se esse in illo, cum tamen aliàs nollit, non tam dicitur amare periculum, quam inuitus illud subire; & ideo magis prouidebit Deus, ne in illo pereat. Cum ergo Titius, non temere, sed

ad vitandas minas, simili periculo se exposuerit, non tam videtur illud voluntariè assumpsisse quam coactè subisse; ideoque mortaliter non peccasse.

13 Quartò; Quia *C. consultationi de frigidis*: permittuntur Coniugati, quorum Matrimonium est occultè irritum, habitare tanquam fratres, quamuis cum periculo castium; & hoc ratione scandali, & ad propriam infamiam vitandam; Ergo potuit etiam Titius, ad vitandas amicorum minas, ludere, quamuis cum probabili periculo blasphemandi; longe enim maius, ac probabilius periculum castium imminet coniugatis ex eorum cohabitatione, quam Titio blasphemiz ex ludo. Ergo, si illis potest esse nihilominus licita cohabitatione, potuit etiam esse licitus ludus Titio.

OBIECTIONVM SOLVTIO.

14 **N**Equè obstant rationes in contrarium; Ad primam enim Respondetur; exponere se temere peccandi periculo, esse intrinsece malum, quia tunc periculum est assumptum, ac plene voluntarium; secus autem, illi se exponere ex iustâ, ac rationabili causa; tunc enim non censetur assumptum, sed solùm permissum; quod ex rationabili causâ, non est illicitum, cum peccandi periculum, non sit ex se peccatum, nec illud necessariò trahat. Titius autem, periculo se exposuit, non temere, sed ex rationabili causâ.

Ad

15 Ad secundam Respondetur; Eū qui temere propriæ salutis amittendæ periculo se exponit, conuinci, quod illam contemnat, quia tunc voluntariè illi periculo se exponit; non verò qui ex iustâ causâ, & involuntariâ, illud potius permittit, quam assumat.

16 Ad tertiam Respondetur; Bona quidem spiritualia cuiuscūque bono temporali esse præferenda; At hinc non sequitur, vitiationem periculi præferendam esse cuiuscumque damno certo temporali; nam periculum peccati, non est in se peccatum nisi quatenus, sine necessitate, amatur; nec inducit necessariò ad peccatum; damnum verò temporale est certum, vt suppono.

17 Ad quartam Respondetur; Si propria, & aliena salus, æquè periclitentur, tunc propriam non esse periculo exponendam; at si aliena certò periclitetur, propria verò solum contingenter; vt, cum infans apud infideles moriturus est sine baptismo, si tu non baptizes, & verò accedas imminet tibi periculum subuersionis; tunc non solum potest quis, sed etiam tenetur, ob infantis salutem, illi periculo se exponere; non enim spoliandus videtur infans iure, quod habet ad baptismum, vel propter maliciam infidelium, vel propter fragilitatem illius, à quo esset baptizandus.

COROLLARIA:

18 Colligitur ex dictis primò; Possesse aliquem ad infideles acce-

dere ad eos conuertendos quamuis cum periculo propriæ subuersionis; & ad prædicandum Meretricibus, præsertim ex officio, quamuis cum periculo peccandi, quia tunc datur sufficiens causa honestandæ periculum, cui ille se exponit; neque censendum est, fore vere periculum, sed Diuino auxilio facilè vincendum. *Silas 1. 2. tract. 8. d. vnic. sect. 5. num. 60.*

19 Secundo; Possè, imò teneri Parentem, alere filios ex concubinâ, qui separari non possunt à concubinâ, quamuis imminet periculum lapsus cum concubinâ, quidamnam, quod ex omissione alimentorum prouenit, est graue, & inuitabile; periculum verò; quod Pater incurrit, Dei auxilio vitare potest, quod auxilium non deerit, cum, non ex propriâ voluntate periculum illud assumpserit, sed ad propriæ obligationis satisfaciendū, in illud incederit. *Io. Sanchez. d. 10. sect. 9. num. 9.*

20 Tertiò; Filium non teneri paternam domum deferere, in quâ adest occasio peccandi, nec Mercatores, aut Scribas teneri à proprijs officijs abstinere, quamuis illis habeant occasionem peccandi; Quia occasio non est illis voluntaria, & illam permittunt potius, quam assumant, nec illam cum graui detrimento vitare tenentur. *Narr. c. 3. sum. num. 4.*

21 Quartò; Neq; Parochum teneri, officium deferere, quāuis experietur voluntariam pollutionem, occasione desumptâ ex auditis in Confessione; quia periculum cum

tam graui detrimento vitare non tenetur; sed satis erit, si firmiter proponat, amplius non consentire. Idemque dicendum esset etiam de quocumque alio Cōfessario, si ei ex desertione officij, aliqua nota honoris, aut famæ immineret. *Nauar. c.3. num.26.*

- 22 Quintò; Neque teneri concubinam, exire è Domo Domini, si exiens, non recuperatura est, quæ sibi debentur, & hæc sit, aliqua summa notabilis; quamvis enim, quilibet teneatur propriæ salutis consulere, etiam cum aliquo detrimento temporali; nemo tamen cum graui detrimento, peccandi periculum vitare tenetur, cum,

etiam non vitando periculum, vitare possit peccatum. *Io. Sanch. d.10. select. num.20.*

- 23 Sextò; Posse Catholicum ex aliqua graui causâ, Matrimonium contrahere cum hæreticâ; Tum quia peruersionis periculum, in Viro, non censetur ita moraliter proximum, sicut censeretur in femina. Tum quia peruersionis, ac salutis periculum, non est ex ijs peccatis, quæ, quauis circumstantiâ posita, vel detractâ, suam retinent deformitatem, sed eius malitia pendet à circumstantijs; Ergo, si adsit causa iusta, poterit non esse peccatum. *Basil. Pont. de matr. in Append. c.6. Sanch. lib.7. d.72. num.5.*

QVAESTIO LIX.

*An peccatum veniale fieri possit mortale
ratione scandali.*

CASVS.

- 1 **T**ITIVS. cum multam pecuniam haberet, timeretque, eam sibi surripiendam, si domi retineret; apud Vfurarium eam deposuit, quamvis sciret, illi fore materiam vsuræ exercendæ, & hoc esset sub minori excommunicatione prohibitum. Quæritur; Vtrum mortaliter peccauit.

SUMMARIVM.

- 2 Pecunias apud Vfurarium deponere, videtur peccatum scandalum.
- 6 Quid sit, Proximi peccato directè cooperari.
- 7 Quid sit cooperari indirectè.
- 8 Quæ sit obligatio, Proximi peccato non cooperandi.
- 9 Pecunias, ex iustâ causâ, apud Vfurarium deponere, scandalum peccatum non est.
- 10 Qui iustam habet causam, habet ius deponendi.
- 11 Pecunia depositio, non est ex se mala, sed indifferens.
- 12 Nec est directâ cooperatio ad usuras.
- 13 Imo, quando datur iustâ causâ nec indirecta.
- 14 Est solum permissio usuræ.
- 15 Non datur tunc obligatio usuras impediendi.
- 16 Pecunia depositio, non est induciua ad usuras.
- 17 Quæ præstare possit Famulus, sine scandalo, & ex quâ causâ.
- 21 Meretrici domum locare, non est peccatum scandalum.
- 22 Quid possint Caupones.
- 23 Quæ aliæ actiones excusentur à scandalo.

RATIONES DVBITANDI.

- 2 Sicut peccatum ex genere suo veniale, si ipsi Operanti sit occasio proxima peccati grauis, fieri potest mortale. Ita sit mortale,

si similis peccati, ac ruinæ spiritualis, sit occasio Proximo. Idem enim præceptum charitatis, quod obligat ad vitandum peccatum proprium, obligat etiam ad vitandum quantum fieri potest, peccatum Proximi; ergo, sicut obligat ad vitandum periculum proximum peccati proprii, ita obligat etiam ad vitandum simile periculum peccati proximi. Ideoque Titius, pecuniam apud Vfurarium deponendo, mortaliter peccasse videtur. *S. Thom. 2.2. quæst. 78. ar. 4. ad 3. Setus lib. 6. iust. qu. 1. ar. 6. in fine. Nau. c. 14. nu. 40. Azor. tom. 1. lib. 12. c. ult. quæst. 1. Less. lib. 2. c. 20. d. 21. num. 184. Salon. 2.2. qu. 78. ar. 4. controu. 4. quod tamen limitant, quando aliunde, pecuniæ defuturæ erant ad usuras exercendæ, vel exercendæ in tantâ quantitate; eo quod tunc depositio, sit collatio instrumenti ad irrogandam iniuriam Tertio.*

3 Primò; Quia scandalum est dictum, vel factum, præbens alteri occasionem ruinæ. Sed Titius per depositionem pecuniæ apud Vfurarium, præbuit illi occasionem, usuræ exercendæ, & consequenter ruinæ spiritualis, siue peccati; Ergo pecunias apud Vfurarium deponendo, peccauit peccato scandalum.

4 Secundò; Quia qui cooperatur peccato alterius, quamuis eius ruinam non intendat, reus est peccati quod alter committit; Est enim causa illius, cū ita ad illud inducat, ut sine eius inductione alter peccatum non commisisset. Sed Titius;

pecunias apud Vfurarium deponendo, cooperatus est illius vſuræ; ſi enim pecunias apud eum non depoſuiſſet, ille vſuram non exercuiſſet. Ergo reus eſt ſimilis peccatis eadem enim virtus, quæ obligat ad non peccandum contra illam, obligat etiam ad non dandam alteri occaſionem peccandi contra illam.

- 5 Tertiò; Quia, ſi Titius, conſilio, aut perſuaſione, Vfurarium explicite induxiſſet ad vſuram exercendam, certè peccaſſet peccato ſcandali; fuiſſet enim tunc vera cauſa illius vſuræ: Sed etiam, pecunias apud illum deponendo, induxit implicitè ad vſuram exercendam; miſtrauit enim illi materiam vſuræ; Ergo etiam pecunias deponendo, peccauit peccato ſcandali; inductio enim implicita, ad eandem ſpeciem pertinere videtur, ad quam pertinet explicita; cum implicitum, & explicitum ad eandem pertineant ſpeciem.

NOTABILIA.

- 6 **A**duertendum eſt primò; per hoc, quod quis præbeat alteri proximam peccandi materiam ex ſe indifferentem ad vſum bonũ, vel malum, eius peccatum non intendendo, ſed vel propriam utilitatem, vel aliquid aliud; dici non poſſe directè cooperari peccato illius; nemo enim cenſetur cauſa moralis directæ illius, quod nec præcipit, nec conſultat, nec intendit, nec re ipſa efficit. Qui autem ſic præbet peccandi materiam,

nec conſultat, nec præcipit, nec intendit, nec cum altero actionem peccaminofam efficit. Ergo non cooperatur directè peccato alterius, ſed ad ſummum indirectè.

- 7 Aduertendum eſt ſecundo; Vt quis per hanc exhibitionem materiæ indifferentis, cenſeatur indirectè cooperari peccato alterius, neceſſario requiri, vt poſſit, ac teneatur eius peccatum, & illius materiæ abuſum, impedire; vt enim quis cenſeatur indirectè cooperari peccato alterius, neceſſario requiritur, vt alterius peccatum ſit illi indirectè voluntarium, alioquin rationabiliter illi tribui non poſſet tanquam cauſa. Vt autem quis cenſeatur indirectè velle peccatum alterius, neceſſario requiritur, vt illud impedire poſſit, ac teneatur; ſi enim illud impedire nõ tenetur, nulla eſt ratio, cur dicatur illud indirectè velle; Vnde Deus non dicitur, noſtra peccata indirectè velle, ſed ſolùm permittere, quia, quamvis poſſit, ea impedire non tenetur.

- 8 Aduertendum eſt tertio; Omnes teneri, proximo occaſionem peccandi non præbere, & eius peccatum, cum commodè poſſumus, impedire. Hac autem obligatio oritur, & ex generali præcepto charitatis, quo proximi malum non ſolùm temporale, ſed etiam ſpirituale, vitare tenemur; & ex virtute, cui ſpecialiter opponitur peccatum, ad quod alter inducitur; eadem enim virtus, quæ obligat ad vitandum peccatum, obligat etiam ad vitandam occaſionem illius peccati.

cati, tam passivam, quàm activam: quia tamen hæc obligatio non est absoluta, sed velut conditionata, cum scilicet commodè, & sine gravi nostro incommodo possumus; hinc fit, ut quando adest iusta aliqua causa proprii detrimenti vitandi; cesset obligatio; ideoque tunc licitum nobis sit, res indifferentes ministrare, & earum abusum permittere. Hæc autem causa eò debet esse grauior, primò; quò grauius est peccatum, cui datur occasio. Secundò; quò probabilius est, nobis non cooperantibus, alterum non peccaturum. Terriò; Quò cooperatio propinquius peccatum attingit. Quartò; Quò minus iuris habetur ad tale opus indifferens ponendum. Quintò denique, quò magis peccatum, iustitiæ est oppositum; & hoc propter damnum tertij. His positis.

RESOLVTIO.

- 9 **A**D Casum Resp. Titium, pecunias suas apud Vsurarium deponendo, non peccasse mortaliter peccato scandali. *Sanchez lib. 1. som. c. 7. num. 36. Valentia 2.2. d. 5. quæst. 21. p. vlt. in fine. Molina tom. 2. dub. 321. colum. 2. Rebell. p. 2. de iust. lib. 8. qu. 16. f. 4. num. 20. Caiet. 2.2. quæst. 78. ar. 4. Arag. p. 62. ar. 5. in solut. ad vlt. & alij plures apud istos.*
- 10 Primò; Quia Titius, ius habebat, & iustam causam, talem pecuniam apud Vsurarium deponendi, cum alius modus tunc non occurreret, eam non amittendi, Ergo,

quamvis prauideret, Vsurarium ea abuturum ad vsuras, non peccauit deponendo; nullus enim peccat vtendo iure suo ex iustâ causâ; nam eo ipso quod adest iusta causa, obligatio vitandi peccatum proximi cessat, licetque potest permitti;

- 11 Secundò; Quia, ea pecuniæ depositio, cum non sit, ex se, res mala, sed indifferens; & sola circumstantia peccati proximi vitandi eâ vitiet; tunc solum est mala, quando Titius peccatum Vsurarij impedire tenetur. Sed posita iustâ causa proprii damni vitandi, Titius nò tenebatur amplius Vsurarij peccatum impedire; Ergo depositio illa, non fuit mala; supponitur autem causa sufficiens; metus illam pecuniam alias amittendi; nam cum tanto suo detrimento, Vsurarij peccatum impedire non tenebatur.

- 12 Terriò; Quia, Cum ea pecuniæ depositio, non sit cooperatio directa ad vsuras, sed ad summum indirecta, tunc solum moraliter imputabilis est, quando commodè potest non poni, ut dictum est; sed à Titio commodè, & sine periculo grauis detrimenti, non poterat non poni; Ergo illi imputari non potuit ad culpam.

- 13 Quartò; Quia tunc solum, qui facit opus indifferens, quo credit, alios abuturos ad peccatum, mortaliter peccat, quando hoc facit sine causâ iustâ, ac sufficienti; tunc enim solum non praucauet proximi peccatum, ac damnum, quantum commodè potest, sicut tenetur ex charitate, sed potius censetur illud velle indirectè, cum in morali-

bus

bus idem sit, malum non præcauere, ac illud positiuè velle. Sed Titius, iustam ac sufficientem causam habuit pecuniam apud Vsurarium deponendi, ne scilicet eam amitteret; Ergo eam deponendo mortaliter non peccauit.

malum, ita, quando adest iusta causa, licet ponere id, quod est ex se indifferens; quia tunc nulla est ratio, cur sit illicitum, cum ipsa causà excuset, & tollat omnem moralem cooperationem ad malum.

OBJECTIONVM SOLVTIO.

COROLLARIA.

14 **N**equè obstant rationes in contrarium; Ad primà enim Respondetur; Titium non tam præbuisse occasionem vsuræ, quàm illam permisisse, cum haberet causam sufficientem pecunias apud Vsurarium deponendi, & depositio esset aliquid ex se indifferens ad bonum, ac malum vsum, & ex solà malitià Vsurarij determinata esset ad malum. In hoc autem, nulla apparet culpa.

15 Ad secundam; Negatur minor; non enim propriè cooperatus est vsuræ per pecuniæ depositionem apud Vsurarium; nam, cum haberet iustam causam illam deponendi, Vsurarij peccatum vitare non tenebatur; quod tamen necessario requiritur ad cooperationem indirectam, vt dictum est.

16 Ad tertiam Respondetur; Disparitatem esse, quia consilium, & similia, sunt ex se inductiua ad malum; ideoque intrinsecè mala. At pecuniæ depositio, non est ex se inductiua ad vsuras; sed aliquid ex se indifferens ad bonum, vel malum vsum, & à solà malitià Vsurarij determinata est ad vsuras, ac vsum malum; Sicut autem nunquam licet id, quod est intrinsecè

17 **C**olligitur ex dictis primò; posse se famulos sternere equum, & Dominum comitari, ac expectare, quamuis certò sciant, ipsum ad fornicandum abire; quia hæc ministeria, ex se sunt indifferenta, & exhibentur à famulo, vrgente necessitate obsequendi Hero, rem indifferentem præcipienti. Si tamen famulus Herum comitaretur, vt riualem illius mulieris inuaderet, nulla ratione liceret, quia, inuadere alium, est intrinsecè malum. Si vero solum, vt à riuilibus aggredientibus Dominum tueretur vel admoneret, vt sic incolumis, euaderet; adhuc rarissimè, & è vrgenti solum necessitate liceret; quia, quamuis hæc actiones sint ex se indifferentes, eo quod bono, ac malo vsui possint deferuire; ideoque possint aliquando esse licitæ; cum tamen ita proximè accedant peccato Domini, vt sint quasi positina, ac directa cooperatio, maximà indigent causa, vt excusentur; Sanchez lib. 1. sum. cap. 7. num. 22.

18 Secundo; Licere famulis cibos condire, & ad mensam ministrare, ac lectum sternere concubinæ Heri; quia hæc omnia ministeria sunt

cx

ex se indifferentia, & valde remotè ad peccatum concurrunt; unde sola obsequendi necessitas sufficit ad illa excusanda. Si vero Herus ascendere velit per fenestram; ob solam rationem famularus, non licebit humeris sustinere, vel scalam admouere, vt ascendere possit, sed alia grauior causa requiretur, qualis esset vitatio alicuius magni damni, quod alias timeret; cum enim hæc ministeria, valde proximè peccato accedant, sola ratio famularus non videtur sufficere ad excusandum; *Natur. sum. c. 20. num. 16.*

- 19 Tertiò; Probabilius esse, quod ex graui causa liceat famulo, scribere tantum litteras amatorias concubinæ, nomine Heri; eas tamen non deferendo, quia proferre, vel scribere verba turpia, non est intrinsecè malum, sed indifferens, eorumque honestas, vel inhonestas, pendet à fine proferentis, vel scribentis; Cum enim verba, vel scriptura, sint signa conceptuum; in tantum erunt praua, vel honesta, in quantum conceptus erunt prauis; vel honestis; sed rei turpis conceptus, indifferens est; potest enim bonum finem spectare; vt inuestigationem ipsius malitiæ; & malum, vt fomitem libidinis; Ergo dari poterit aliquis casus, in quo famulo, huiusmodi verba turpia scribere liceat; vt si alias immineret periculum alicuius nocuenti grauius. *Sanchez lib. 9. Matr. d. 46. num. 34.*

- 20 Quartò; Non esse etiam improbabile, quod famulus ex graui cau-

sa possit deferre litteras amatorias ad concubinam, quia deferre litteras ita materialiter, non videtur directa cooperatio ad peccatum, tanquam proximum instrumentum sed magis remotè se habere; Interouincium autem de eisdem rebus turpibus deferre, nunquam licet, quia famulus per tale interuincium censetur directè, ac proximè Heri peccato cooperari tanquam instrumentum, quo mediante Herus mulierem inducit ad peccandum.

- 21 Quintò; Licitum esse, domum meretrici, aut Vfusario, locare, modo locetur ad habitandum, & non ad turpiter agendum, quia sic locans, utitur iure suo, nec censetur eorum peccato cooperari, cum locus, extrinsecè ac nimis remotè ad peccandum se habeat. Imo licitum etiam videtur, cubiculum commodare petenti ad fornicandum, quando absque graui detrimento negari non potest; quia commodare cubiculum, ex obiecto non ex intrinsecè malum, sed indifferens, & ex solâ prauâ abutentis intentione, ad malum determinatur.

- 22 Sextò; Non peccare mortaliter Caupones, vendentes vinum bibere volenti, vt inebrietur, si aliquid damnum ex talis vini non venditione illis obueniat; secus verò, si nullum inde damnum paterentur; Ea enim vini venditio, non est ex se, & ex obiecto mala, sed indifferens; Ergo ad vitandum aliquod incommodum, poterit esse licita; Idemque dicendum videtur

detur etiam, cum cibos ministrant die ieiunij, scientes, alios petere ad ieiunium soluendum; Cum enim, ministrare cibos alteri, non sit ex obiecto malum, sed indifferens, & sola circumstantia scandali generalis, & occasionis ruinæ proximi, illam vitiet; tunc solum erit mala, quando ministrans, scandalum vitare tenetur; tunc autem solum ad hoc tenetur, quando iustam causam excusantem non habet; qualis esset in hoc casu, amissio Heri, aut aliud simile damnum. *Lessius lib. 4. c. 3. d. 4. num. 24.*

- 23 Septimò; Mortaliter non peccare, qui facit aliquod opus indifferens, quo alter iam paratus ad peccandum, abiretur, & quod opus alter faceret, si ipse non faceret; Tum quia, hæc videtur levis coo-

peratio, quæ sufficere non videtur ad mortale; Tum quia, etiamsi ipse abstineret à tali opere, adhuc peccatum non evitaretur; adhuc enim adesset alius, qui illud faceret. Hinc excusantur artifices, qui vendunt ornamenta mulieri, quibus credunt, ipsam abusuram ad malum; quia eadem ornamenta illi venderentur ab alio; & caupones, qui cenam parant nolentibus ieiunare; quia nolentibus ipsis parare cibos, adhuc peccatum non impediretur; alibi enim hospites, cibos inuenirent, & ipsi interim damnum paterentur; cum præsertim, concurrere non videantur ad cenam, quatenus est fractio ieiunij, sed solum prout est aliquid deseruiens ad refectorem, quod non est intrinsecè malum. *Valentia 2. 2. d. 9. quæst. 2. p. 3.*

QVAESTIO LX.

An peccatum veniale fieri possit mortale, ratione multiplicitalis, ac frequentiae.

C A S V S.

- 1 **T**ITIVS initio Quadragesimæ proposuit, singulis diebus, parum aliquid carnis comedere, & de facto comedit. Queritur; Vtrum mortaliter peccauerit,

SVMMARIVM.

23 Plura furta leuia, diuersis facta, quando fiant mortale.

- 2 Plura venialia, constituere videntur vnum mortale.
- 6 Venialia, alia sunt vnibilia alia non.
- 7 Propositum committendi plura venialia, quando fit mortale.
- 8 Regula ad dignoscendum, quæ venialia sint vnibilia.
- 9 Plura venialia committens, per se loquendo, venialiter solum peccat.
- 10 Plura venialia, ratione frequentia, speciem non mutant.
- 11 Sola multiplicatio, non auget malitiam.
- 12 Nec reddit venialia impossibilia cum gratia.
- 13 Plura mortalia, non constituunt vnum mortale maius.
- 14 Quæ venialia, fiant tandem mortale.
- 15 Sola frequentia venialium, non est legis contemptus.
- 16 Cur plura furta leuia, constituent tandem vnum graue.
- 17 Sæpius comedens die Ieiunij, tandem mortaliter peccat.
- 18 Et eodem die sæpius laborans.
- 19 Pluribus, modicum panis tribuens, die ieiunij, mortaliter non peccat.
- 20 Pluribus diebus, salutationem Anglicam omittens, quando mortaliter peccet.
- 21 Religiosus minima usurpans, quando mortaliter peccet.
- 22 Furtum de se leue, quando fit mortale.

RATIONES DVBITANDI.

- 2 C Vm peccatum ex genere suo veniale, ratione periculi proximi incidendi in mortale, & ratione scandali, aliquando saltem fiat mortale. Quæritur; an fieri possit mortale, etiam ratione consuetudinis, ac frequentia; aliqui enim cum S. Augustino epist. 108. ad Seleuc. dicente; si venialia collecta contra nos fuerint, ita nos grauabunt, & oppriment sicut vnum aliquod grande peccatum; id asseruerunt, & consequenter Titium peccati mortalis condemnauerunt. Vt Angelus v. inobedientia. Fagundez de præc. Eccl. p. 1. lib. 1. c. 14. num. 3. Tolet. lib. 6. sum. c. 25. num. 1. Valent. 2. 2. d. 6. qu. 6. p. 4. Claus reg. lib. 2. c. ult. nu. 21. Rodrigu. p. 2. sum. c. 99. num. 1.
- 3 Primò; Quia ex S. Augustino tr. 1. in ep. D. Io. multa peccata leuia faciunt vnum grande, sicut multæ guttæ, implent flumen, & multa grana faciunt massam; & ser. 41. de Sanct. non solum maiora, sed etiam minora, si nimium plura sint, mergunt. Cum ergo Titius singulis diebus, parum aliquid carnis comederit, videtur ratione multiplicationis, ac frequentia mortaliter peccasse.
- 4 Secundò; Quia, qui ex consuetudine contra legem delinquit, hoc ipso peccare videtur ex legis contemptu; ipsa enim peccandi consuetudo, contemptus quidam legis

gis censetur. Qui autem peccat ex contemptu, mortaliter peccat.

- 5 Tertiò; Quia, qui, per plures dies, ex vineâ alienâ vnum racemum furaretur, licet singula furta essent solum venialia, post multa tamen furta, tandem peccaret mortaliter. Ergo similiter, quavis singulæ carnis comestiones fuerint solum veniales, post multas tamen, Titius tandem mortaliter peccauit.

NOTABILIA.

- 6 **A**duertendum est primò; Peccata venialia, quæ, ratione paruitatis materiæ, talia sunt, duplicis esse generis; aliqua enim, vel ratione materiæ, siue obiecti, vel ratione effectus, quem post se relinquunt, continuari possunt, & vniri; aliqua verò non. Illa, quorum materia, vel effectus vniri mortaliter potest, ita vt pro vno reputetur, constituere tandem possunt vnum peccatum mortale, non quia plura venialia efficiant vnquam vnum mortale, sed quia vltimus actus, versatur circa materiam, vel producit effectum, qui cum præcedentibus continuatus, est sufficiens ad peccatum mortale. Sic qui post leuia furta, peruenit ad tantam quantitatem, quæ coniuncta cum præcedentibus, constituat materiam notabilem, per vltimum furtum, mortaliter peccat, quia peruenit ad quantitatem notabilem, & quæ infert proximo damnum graue. Similiter, qui sæpius intemperanter cibum capit, tandem mortaliter

peccat, quia vltima comestio simul cum alijs præcedentibus, tandem est causa adæquata notabilis infirmitatis; præcedentes autem comestiones mortaliter vniantur, non ratione temporis, sed ratione effectus, qui à præcedentibus comestionibus relictus est; illæ enim fuerunt via, ac dispositio ad grauem corporis infirmitatem, quam vltima deinde comestio, suppositis præcedentibus, causauit. Illa verò, quorum materia, vel effectus continuari non potest, nunquam constituere possunt vnum peccatum mortale, quia singulæ materiæ, & singuli effectus, sunt parui, & cum semper remaneant diuisi, absque morali continuatione, semper remanent parui, & consequenter vltimum peccatum, retinet qualitatem peccati venialis, sicut primum. Sic quantumuis multiplicentur mediocritas iocosa, semper remanent venialia, quia semper eandem malitiam retinent; sola enim multiplicatio, sicut non constituit actum in alia specie, ita nec auget peccati grauitatem intensiue, sed solum extensiue, constituendo solum plura peccata eiusdem rationis.

- 7 **A**duertendum est secundo; Propositum committendi plura peccata venialia secundi generis, nunquam per se loquendo esse mortale; cum enim modicæ illæ materiæ non coalescant in vnâ, ita coniungi non possunt, vt vnâ quantitatem notabilem efficiant; Vnde propositum illud, nunquam feretur in rem grauem, ac sufficientem ad mortale. Propositum verò committendi plu-

plura peccata venialia primi generis, potest esse mortale; quia, cum modicæ illæ materiæ, coalescant in vnam, constituere tandem poterunt materiam notabilem, & sufficientem ad mortale, in quam propterea si feratur propositum, erit mortale.

- 8 Aduertendum est tertiò; Hanc tradi posse regulam generalem ex *Vasq. 1. 2. d. 146. c. 2. n. 3.* Quotiescumque materia, vel obiectum, vel effectus vltimi peccati venialis, continuari potest cum materiâ, vel obiecto, vel effectum actuum præcedentium, tunc vltimum peccatum, in quo materia illa, vel effectus completur in ratione notabilis, est mortale, quamvis aliàs esset veniale; quia iam versatur circa materiam notabilem. Quando verò materia, vel effectus vltimi peccati venialis, moraliter continuari non potest cum materiâ venialium præcedentium; tunc vltimum peccatum non est mortale; quia singulæ materiæ, sunt parvæ, & remanent diuise, absque morali coniunctione; Vnde vltimum peccatum versatur circa materiam parvam, sicut alia; ideoque remanet veniale. His positis.

RESOLVTIO.

- 9 **A**D Casum Respondetur; Titium, carnes in modica quantitate, singulis diebus Quadragesimæ, comedendo, venialiter solum peccasse. Ita *Sanch. lib. 1. summ. c. 4. num. 15. & c. 5. nu. 2. Azor. lib. 4. c. 9. quæst. 21. Sotus*

lib. 7. iust. qu. 2. art. 1. Smar. to. 2. de relig. lib. 5. de voto c. 5. num. 1. & 10. Vasq. 1. 2. d. 146. c. 2. in fine. Garzias tom. 1. de benef. p. 3. c. 1. num. 169. Becanus p. 2. tr. 1. c. 2. quæst. 5. num. 2. & alij communiter.

- 10 Primò; Quia comestiones illæ replicatæ, erant omnes eiusdem speciei cum primâ, non minus quàm plura mendacia iocosa sunt eiusdem speciei, cum primo. Sed prima comestio fuit solum venialis; Supponitur enim in materiâ leui. Ergo etiam reliquæ fuerunt solum veniales.

- 11 Secundò, Quia sola replicatio, & multiplicatio, non constituit per se loquendo actum in aliâ specie diuersa, nec augeat peccati gravitatem intensuè, sed solum extensiuè ex eo enim, quod plures actus in vnum collecti sint, naturam non mutant; si ergo singulæ comestiones, seorsim, erant tantum venialia, etiam omnes simul fuerunt solum venialia.

- 12 Tertiò; Quia multa venialia proximè, ac immediatè non priuant nos gratia, nec sunt impossibilia cum illa. Ergo constituere non possunt vnum mortale; hoc enim stare non potest cum gratiâ, sed illam omnino expellit.

- 13 Quartò; Quia plura peccata mortalia eiusdem speciei non constituunt vnum peccatum mortale maius, nec alterius speciei. Ergo neque multa venialia constituerunt vnum mortale.

OBJECTIONVM SOLVTIO.

14 **A**D rationes in contrarium Respondetur; Ad primam; S. Augustinum loqui, non de quibuscumque venialibus, sed de illis, quorum materia continuari potest, & facere vnā materiam maiorem sicut guttæ aquæ continuantur, & faciunt vnā aquam maiorem; in his enim, materia talis est, vt per partes minutas maior facta, tandem sit materia peccati mortalis, eo quod facta sit grauis; vr, si quis furtum vnius oboli centies repetat, vel si ex dolio parum vini effundat, & ira subinde parum, vt totum tandem vinum exhauriat; vel si promittat, singulis diebus erogare pauperibus vnum obolum & millies denegat: At in illis, in quibus materia per partes non crescit, eo quod singula peccata ex se integram, ac completam materiam, & obiectum habeant; vt sunt mendacia iocosa, verba otiosa, leues nugæ, risus immoderatio, sermo inurbanus, & similia; nullum potest dari peccatum, quod tandem sit mortale; quia quantumuis repetantur, semper sunt eiusdem speciei, cuius fuit primum, & finis Legislatoris, eodem modo laeditur per actus repetitos, ac si repetiti non essent.

15 Ad secundam Respondetur; Solam frequentiam, ac consuetudinem venialium, non esse propriè contemptum legis, vel præcepti; contemptus enim, in solâ voluntate interius perficitur, non verò in

opere externo, cum consistat in transgressione legis, facta ex intentione, Superiorem, eiusque potestatem contemnendi; quæ intentio hic non reperitur.

16 Ad tertiam Respondetur; Negando consequentiam; Disparitas autem est, quia plures illæ comestiones, nihil habent, in quo vniantur, ac continentur, ita vt efficere possint vnā materiam grauem, & sufficientem ad mortale, sicut efficere possunt plura furta; quæ tamen constituunt peccatum mortale, non quia multa furta parua constituunt vnum furtum magnum, sed quia, re alienâ per minimas partes furtim sublatâ, tandem graue damnum Domino inferitur.

COROLLARIA.

17 **C**olligitur ex dictis primò; Comedentem sapius in die ieiunij, tandem vltima illa comestione, quæ peruenit ad quantitatem notabilem, violare ieiunium; quia illa vltima comestio, quamuis per se sumpta, leuiter solum læderet temperantiam, coniuncta tamen cum alijs, & alijs suppositis, eam grauius lædit; moraliter autem coniungitur, ratione prohibitionis, quæ se extendit ad totam diem; sicut, propter eandem rationem, plures particule eiusdem diei, vniantur ad constituendum tempus notabile, ideoque reputari debet, ac si esset simul cum alijs facta; Contra vero, si quis, diuersis diebus, parum aliquid comedat, quia vnum ieiunium, cum alio non continua-

tinuatur, sed sunt præcepta diuersa, neque comestio, vno die facta, cum comestione alterius diei, ideo nunquam, nisi venialiter peccat; neque que propositum aliquid comedendi singulis diebus, excedit culpam venialem, quia, cum feratur in omnes illas comestiones, non coniunctim sumptas, sed separatas, & distributivè, prout sunt singulis diebus debitz; sequitur, quod nunquam sit propositum de mortali. *Suar. lib. 5. de Voto c. 5. n. 16.*

- 18 Secundò; Sapius eodem die festo laborantem, sed modico tempore singulis vicibus; peccare mortaliter, cum ad quantitatem notabilem; v. g. duarum horarum peruenit, quia omnes illi labores, cum fiant eodem die, moraliter continuantur, & reputantur quasi facti in eodem tempore; Verum enim est dicere, cum ultra duas horas, eodem die, laborasse; cum obligatio, totam diem respiciat. Contra verò, si singulis diebus festis, per quadrantem laboraret, venialiter solum peccaret, quia, sicut festa diuersa sunt, ita & labores sunt diuersi, nec inter se villo modo continuantur. *Saneb. lib. 3. sum. c. 4. num. 12.*

- 19 Tertiò; Mortaliter non peccare, qui die ieiunij, quattuor panes, ita in multis distribuit, ut singulis modicum frustulum obtingat, quia, cū materia non sit sufficiens ad ieiunij violationem; distribuens non magis peccat, quàm comedentes: Hi autem, mortaliter non peccant, eo quod eorum comestiones moraliter non vniantur; idem-

que dicendū esset, etiam, si esset in causa, ut plures, eodem die festo, per quadrantem laborarent.

- 20 Quarto; Si quis, pluribus diebus, omittat Salutationem Angelicam, vel parvam eleemosynam, quam per Votum singulis diebus dare promisit, mortaliter peccare (si tempus determinauit non ad finiendam obligationem, sed potius ad illam augendam, eo modo, quo tempus præfigitur debito soluendo, non ut debitum extinguatur, si in illo non fiat solutio, sed ne solutio ulterius protrahatur, & adueniente termino, sit magis debitor;) quia tunc, non solum omittitur recitatio, vel eleemosyna illius diei, sed etiam omnium dierum præcedentium, quæ tunc debita est, & consequenter grauis; Contra verò si tempus determinauit ad finiendam obligationem, eo modo, quo dies præfigitur recitationi Officij diuini, ita ut res promissa, sit onus diei, nunquam mortaliter peccat; quia quælibet omisso, moraliter non continuatur cum aliâ, neque cum illâ vnum quid efficit. In Votis autem personalibus, tempus semper censetur appositum ad finiendam obligationem; quia Votuens, nullo modo censetur velle obligationem in diem sequentem prorogare, nisi aliud constet. In votis verò realibus, facilius præsumi potest intentio prorogandi obligationem, quia attendi videtur, non solum religiosum aliquod obsequium, sed etiam alicuius necessitatis remedium, quod eandem semper habet opportunitatem.

Suar. lib. 5. de Voto c. 5. n. 12.

- 21 Quintò; Religiosum, minimè recipientem, vel expendentem, aut vsurpantem ex bonis monasterij, absque Superioris licentiâ, mortaliter peccare contra pauperatatem, quando peruenit ad notabilem quantitatem; quia illa modica, vniuntur ad constituendam quantitatem sufficientem ad mortale. Si tamen modica, quæ accipit Religiosus, sint comestibilia, & ad proprium vsum accepta, probabilius est, furta illa minima non continuari, sicque non esse peccatum mortale, quamuis perueniatur ad notabilem quantitatem, quia hæc furta, facta à famulis, & ancillis, etiamsi paulatim perueniant ad quantitatem notabilem, non sunt peccatum mortale, eo quod Domini, in istorum acceptione, non sine ira rationabiliter inuist, nec tam rigidè velint ista prohibere, cum valde difficile sit, famulos interdum modicum quid non accipere. Hæc autem ratio, multò fortius militat in religiosis, cum hi, non ad instar famulorum, sed tanquam filij ex bonis monasterij, alantur. *Sanch. lib. 7. sum. c. 21. num. 31.*

- 22 Sextò; Eum, qui modicam quantitatem postremo loco furatur Sæpronio, postquam hic ab alijs passus est damnum leue, si eo furto, damnum præcedens fiat notabile, peccat

mortaliter, si conscius erat damni præteriti; quia illo ultimo furto posito, positum est notabile damnum proximi. Quicumque autem sciens, ex suo actu leui sequi damnum notabile proximi, mortaliter peccat, eum actum faciendo. Si verò conscius non erat damni præcedentis, mortaliter non peccat; quia, si non sit conscius damni præcedentis, damnum illud liberè, ac moraliter continuari, non potest cum præcedentibus. *Vasqu. 1. 2. d. 146. c. 2. num. 4.*

- 23 Septimò; Eum, qui furatur à diuersis, à singulis quidem modicam quantitatem, sed ira tamen, ut omnia furta simul sumpta, quantitatem notabilem efficiant; mortaliter peccare; quia, licet singulis damnum notabile non afferat, affert tamen toti Communitati, & materiæ illæ moraliter continuantur ad constituendam quantitatem notabilem. Usurpatio autem rei alienæ in notabili quantitate, est peccatum mortale furti; Et quamuis, in hoc casu particulari, cessaret finis præcepti, qui est, vitatio damni, notabilis proximi; quia tamen non cessat in communi, non propterea cessat vis ipsius præcepti; Cessante enim fine legis in aliquo casu particulari, non cessat lex, etiam in eo, obligare.

QVAESTIO LXI.

An plura venialia diuersæ rationis, constituere possint vnum mortale.

CASVS.

- I**N vna ex Dominicis Quadragesimæ, Clericus quidam in Sacris, parum aliquid carnis comedit; per quadrantem laborauit; partem modicam Sacri non audiuit; & in Officij recitatione vnum psalmum omisit. Quæritur; Vtrum mortaliter peccauerit.

SUMMARIUM.

- 1 Clericus plura precepta leuiter violans, videtur mortaliter peccasse; & cur.
- 7 Probabilius tamen venialiter solum peccauit.
- 8 Materis illorum preceptorum, in vnum coalescere non possunt.
- 9 Quodlibet preceptum specialem ac proprium finem respicit.
- 10 Leues detractiones de pluribus sunt solum veniales.
- 11 Ad constituendum mortale, non sufficit vnio in motu aut virtute.
- 12 Debent posse esse materia eiusdem precepti.
- 13 Plures modica pecunia quomodo vniri possint.
- 14 Precepta diuersæ rationis, nihil habent commune, in quo continuari possint.

- 15 Eadem est ratio de pluribus Votis, ac de pluribus preceptis.

RATIONES DVBITANDI.

- C**VM ex dictis Quæst. preced. constat; plura furta venialia, constituere tandem posse vnum furtum mortale; Quia eorum materiz, licet seorsim sint leues, simul tamen sumptæ, constituunt vnam materiam grauem, & sufficientem ad mortale. Hinc oritur difficultas; an quoties plurium venialium materiz, constituere simul possunt materiam grauem, toties ex pluribus venialibus, fieri possit vnum mortale. Videtur enim posse; ideoque Clericum, plura illa precepta leuiter violando mortaliter peccasse. Ita Vasq. d. 146. c. 2. n. 4. Clauis reg. lib. 2. c. ult. num. 20. Salas 1. 2. tract. 13. d. 16. §. 26. in fine. Bonacina dub. 2. Z 2 de

de pecc. quæst. 3. p. 5. n. 29. Sanchez l. b. 1. c. 4. num. 16.

3 Primò; Quia omnia ista præcepta, videntur esse eiusdem rationis; omnia enim obligant in materiâ religionis; Ergo Clericus, illa violans, virtutem religionis graviter violavit, ideoque mortaliter peccavit.

4 Secundò; Quia per accidens est, omnes illas operationes pluribus præceptis, esse imperatas, vnico enim præcepto imperari poterant; Sed, si vnico præcepto imperatæ fuissent; omnes illæ omissiones leues, constituerent vnum peccatum mortale; Ergo etiam, si sint pluribus præceptis imperatæ, adhuc modicæ illæ omissiones, vnum peccatum mortale constituunt.

5 Tertiò; Quia, si quis Sempronio magnam pecuniæ summam promississet, promissionibus diuersis, quarum singulæ leuem materiam continerent, eodem modo peccaret omitendo pecuniæ solutionem, ac si vnica promissione, totam illam summam promississet; Ergo similiter, per plures illas paruas omissiones, eodem modo peccavit, ac peccasset, si vnico præcepto omnes illæ operationes fuissent imperatæ; Cum enim ad Dei cultum & honorem, omnia illa præcepta ordinantur, parum referre videtur, vnico ne an multiplici præcepto, omnes illæ operationes fuerint imperatæ.

6 Quartò; Quia, omnes obligationes sunt onus eiusdem diei; ideoque earum materiæ videntur continuari moraliter, & in vnum coalescere, sicque constituere mate-

riam grauem, & sufficientem ad mortale.

RESOLVTIO.

7 **R**esponderetur tamen; probabilius videri, quod Clericus, per illas plures paruas omissiones, mortaliter non peccauerit, sed solum plura venialia commiserit. *Suar. tom. 2. de relig. lib. 5. de Voto c. 15. num. 16. Garzias de benef. tom. 1. p. 3. c. 1. num. 174. Lorca de pecc. d. 60. Caiet. 2. 2. quæst. 88. art. 3. Nau. c. 12. n. 65. Valentin. 2. 2. dub. 6. quæst. 6. p. 4. quæstionum. 2. & alij communiter.*

8 Primò; Quia operationes illæ, cum sint materia, & obiectum diuersorum præceptorum, in vnum coalescere non possunt, nec moraliter continuari, nec Clericus vllum præceptum in materia graui violavit, sed multa, & singula in materia leui; Ergo plura tantum venialia commisit.

9 Secundò; Quia, quamuis plura illa præcepta Ecclesiastica obligent ex eadem virtute religionis, eo quod Ecclesia, ex mortuo religionis, omnes illas operationes videatur præcipere, per hoc tamen non tollitur, quin sint præcepta omnino diuersa, & ita distincta, ac si quodlibet eorum, quolibet distincto die, implendum esset; quodlibet enim ad specialem aliquem Dei cultum ordinatur, ad quem non ordinatur aliud, ideoque cum eo non conuenit. Ergo Clericus violans plura ista præcepta

peccata in materiâ leui; mortaliter non peccauit, sed plura tantum peccata venialia commisit.

- 10 Tertiò; Quia, si quis detrahat Petro in materia leui, eius leuem defectum occultum aperiendo, & eodem modo detrahat Paulo, Francisco, & alijs, moraliter non peccabit, sed tantum tot venialia committeret, quot sunt detractiones, siue homines, quibus detrahit; & tamen obligatio nō detrahendi, est eiusdem rationis, & ad virtutem iustitiæ spectat; Ergo similiter, quamuis obligatio omnium præceptorum, spectet ad eandem virtutem religionis, eorum violatio in materiâ leui, non erit vnum mortale, sed solum plura venialia; non minus enim singula præcepta, sunt inter se omnino diuersa, & non vnibilia, quam in detractione, sint personæ, quibus detrahitur.

OBIECTIONVM SOLVTIO.

- 11 **N**equè obstant rationes in contrarium; Ad primâ enim Respondetur; Non sufficere vnionem in virtute, ac motiuo religionis; sicut in detractionibus non sufficit vnio in virtute, ac motiuo iustitiæ; requiritur ergo præterea continuatio moralis, vel in materia præcepta, vel in effectu relicto; quæ, sicut non datur in pluribus detractionibus leuibus de diuersis personis, ita non datur in pluribus operationibus, vel omissionibus leuibus diuersorum præceptorum.

- 12 Ad secundam Respondetur; Impossibile esse, vnico formali præ-

cepto, omnes illas operationes imperari; quamuis enim vnico actu præciperentur; ille tamen actus, esset virtualiter multiplex, & de re multiplici; sicut, cum quis promittit singulis sabbatis Angelicam salutationem recitare; Quare, sicut quolibet sabbato absoluitur promissio illius diei, neque ultra progreditur, neque recitatio vnus sabbati cum recitatione alterius sabbati coniungitur; ita qualibet omissione leui, violatur leuiter præceptum ommissum, nec vnus violatio cum alterius violatione coniungitur.

- 13 Ad tertiam Respondetur; Disparitatem esse; quia, cum omnes pecunie promissæ cedant in utilitatem illius, cui fuerunt promissæ, omnes in hunc finem, qui est immediatus, adunantur, & moraliter continuantur, siue vnica, siue multiplici promissione promissæ sint; siue vnico die, siue pluribus diebus soluendæ sint. At plures operationes, siue omissiones non habent, in quo vniantur, cum quolibet, respiciat finem immediatum sui præcepti, qui est omnino diuersus à fine immediato alterius præcepti.

- 14 Ad quartam Respondetur; Operationes illas præceptas, per accidens, esse onus eiusdem diei; æquè enim benè poterant poni in diuersis diebus; neque ex eo, quod omnia præcepta occurrant eodem die festo, sequitur, quod eorum materiæ possint continuari; nam, cum sint præcepta omnino diuersæ rationis, nihil habent commune, ratio-

ne cuius, vel in materiâ, vel in effectu continuari possint, & in vñ coalescere; sicq; semper, remanent præcepta diuersa, & qui illa transgreditur, semper plura præcepta transgreditur in materiâ leui.

COROLLARIUM.

- 15 **C**olligitur ex dictis, quæ dicta sunt de præceptis diuersis eodem die occurrentibus, valere etiam de pluribus Votis eodem die obligantibus; vt si quis vno Voto promitteret, in honorem Virginis

septies Salutationem Angelicam recitare; & alio Voto in honorem Dominicæ Passionis, quinque Orationem Dominicam, & alijs Votis alias Orationes in honorem Alicuius Sancti; Quamuis enim omnium Votorum obligatio, pertineat ad virtutem Religionis; adhuc tamen ipsa Vota sunt ita inter se diuersa, vt nihil habeant commune, in quo eorum materiæ moraliter continuentur, sicut dictum est de pluribus præceptis Ecclesiasticis eodem die occurrentibus.

QVÆSTIO LXII.

An omnes actus cum Re præcepta impossibiles sint peccatum mortale.

CASVS.

- 1 **T**ITIVS, die quodam festo, cum plueret, decreuit propter pluuiam domi manere, ac Sacrum omittere; domi verò postea, partim studuit; partim ambulauit, partim officium, ac coronam recitauit. Queritur; Vtrum omnibus istis actionibus mortaliter peccauerit.

SVMMARIVM.

- | | | | |
|---|---|----|---|
| 3 | Omnes actiones impossibiles cum auditione Sacri, videntur, esse causa omissionis Sacri. | 8 | Quanam actiones, sint causa omissionis Sacri. |
| | | 9 | Quot modis comparari possint cum Sacri omissione. |
| | | 10 | Non omnes actiones impossibiles, sunt peccata. |

Non

- 11 *Non omnes fuerint causa omissionis Sacri.*
- 12 *Reliquæ præter primam, se habuerunt concomitanter.*
- 13 *Sicut impedimenta luminis, posita post primum, non impediunt.*
- 14 *Ille solus actus est causa omissionis Sacri, ex vi cuius ponitur omisso.*
- 15 *Primus actus integrè impedit auditionem Sacri.*
- 16 *Proiectio breuiarij, est causa omissionis officij.*
- 17 *Actiones, post causam sufficientem omissionis, electæ, ipsius omissionis non sunt causa.*
- 18 *Actus, qui est causa omissionis, non habet aliam malitiam, quam ipsius omissionis.*

RATIONES DVBITANDI.

- 2 **Q**uemadmodum peccatum veniale, aut aliud opus indifferens, quando eligitur, ut medium ad finem mortalem, sit mortale; ita sit etiam mortale, quando intenditur ut finis consequendus per medium mortale. Hoc ergo posito, quæritur; an omnes actus, cum re præcepta impossibiles, sint peccatum mortale, cum sine præcepti violatione poni non possint; Nemo enim studere potest, aut dormire diebus festis, dum Sacrum est audiendum, quin Sacrum omit-
tat.
- 3 Et Titius quidem, omnibus illis actionibus, videtur mortaliter peccasse. Ita *Alvarez 1. 2. d. 76.* & alij apud ipsum. Et ex parte:

Valenti. 1. 2. d. 6. quæst. 1. p. 4. Sals 1. 2. tract. 13. d. 7. f. 7. quatenus dicunt, actum, qui est causa omissionis culpabilis, esse peccatum commissionis.

4 Primò; Quia omnes illæ actiones, fuerunt causa omissionis Sacri; omnes enim erant impossibiles cum Sacri auditione. Hoc autem sufficit, ut omnes dicantur causa moralis omissionis Sacri; Tum quia illis positis, sequitur necessariò omisso Sacri; Tum quia, omnes ex se habent, ut sint impedimentum auditionis Sacri. Causa autem moralis peccati, est peccatum.

5 Secundò; Quia, ut aliquid censetur causa moralis alicuius effectus, satis est, ut illo posito, sequatur effectus, quamvis ob aliam etiã causam sequatur, vel sequi possit. Sed posito quocumque actu impossibili cum auditione Sacri, necessariò sequitur omisso Sacri. Ergo omnis actus impossibilis cum auditione Sacri, est causa moralis omissionis Sacri.

6 Terriò; Quia, de ratione cause non est, ut ab illà solà sit effectus, aliàs non futurus; alioqui sequeretur, quod si duo homines, explosis simul bombardis, hominem occiderent, neuter eorum esset causa illius cædis; quocumque enim illorum bombardam non explodente, adhuc secutus fuisset effectus. Ergo ad causam mortalem, satis est, ut, ea posita, sequatur effectus, quamvis, illà non posita, adhuc idem effectus sequeretur. Sed positis omnibus actionibus impossibilibus cum auditione Sa-

cri, sequitur necessariò omiſſio Sacri. Ergo omnes, ſunt cauſa moralis omiſſionis Sacri; ideoque peccaminofæ.

- 7 Quare; Quia, ſi quilibet actus incompoſſibilis cum auditione Sacri non eſſet cauſa omiſſionis Sacri, ſequeretur, Clericum, qui iam ſtauiſſet ex tēdio, tempore navigationis, officium non recitare, non peccare proijciendo breuiarium in mare; neque, qui Voto caſtitatis obſtriſtus, uxorem duceret, ſi antea ſtauiſſet Votum illud non ſeruare; nec Latronem, rem furto ſublatam diſtrahendo; ſi prius illam Domino ſtauiſſet non reſtituere; in his enim omnibus caſibus, actus incompoſſibilis cum executione præcepti, non ita eſt cauſa omiſſionis, ut, eo remoto, fuiſſent hi præceptum ſeruaturi.

NOTABILIA.

- 8 **A**duertendum eſt primò; Actū internum voluntatis, quo quis expreſſè vult Sacrum omittere, eſſe cauſam omiſſionis, quia directè fertur in omiſſionem ipſam, & ſimiliter actus illos externos, ex quorum intentione, ac deſiderio Sacrum omittitur, eſſe cauſam indiſectam eiſdem omiſſionis Sacri; quia propter illos Sacrum omittitur, & illi auditionem Sacri per ſe impediunt; differunt autem actus internus voluntatis, & iſti actus externi, quia propoſitum omitendi Sacrum, eſt veluti cauſa efficiens omiſſionis, actus verò externi incompoſſibiles, qui ſunt tempore

omiſſionis Sacri, ſunt quaſi cauſa formalis, quia formaliter impediūt obſeruantiam præcepti.

- 9 Aduertendum eſt ſecundò; Actus qui ſunt tempore omiſſionis Sacri, ſiue quo eſſet audiendum Sacrum, dupliciter cum ipſa omiſſione comparari poſſe; primò per ſe, ſiue ut ſunt cauſa illius, & aliquid antecedens; & ſic ſemper ſunt peccatum, quamuis actus, alias, in ſe boni eſſent; Tum quia, cauſa peccati, eo ipſo eſt peccatum; Tum quia effectus, qui ſequitur ex actione humanà, eſt vna ex circumſtantijs ipſius; quando autem circumſtancia eſt mala, etiam ipſe actus, redditur malus; Ergo, quando omiſſio Sacri culpabilis, ſequitur ex aliquà actione tanquam ex cauſa, actio illa erit mala. Secundò comparari poſſunt actus cum omiſſione, tanquam aliquid illam accidentaliter concomitans; tunc autem non ſunt peccatum, quia, cum non ſint cauſa omiſſionis Sacri, nullam malitiam contrahunt ab ipſa omiſſione; imo volente iam Titio, v. g. domi manere, ac Sacrum omittere, melius eſt, eo tempore, ſtudere, aut horas Canonicas recitare, quam ludere. His poſitis.

RESOLVTIO.

- 10 **R**eſpondetur; non omnes illas actiones fuiſſe peccaminofas, ſed ſolam manſionem domi. *Valentia tom. 2. diſ. 6. quæſt. 1. p. 4. d. 2. Azor. tom. 2. lib. 4. c. 3. qu. 7. Clauis reg. lib. 2. c. 6. num. 10. Bogaſcin. diſ. 2. de pecc. quæſt. 4. p. 4. num. 1.*

num. 27. *Vasqu.* 1. 2. d. 93. cap. 3.
num. 10. *Becanus* p. 2. tract. 2. c. 3.
quæst. 5. & alij apud istos.

11 Primò; Quia hæc sola mansio,
per se primo fuit electa à Titio, &
cum Sacri auditione erat incom-
possibilis. Ergo hæc sola fuit cau-
sa omissionis externæ Sacri; hæc
enim sola, per se, & sine alijs, re-
ipsa Sacri auditionem impediuit, &
ex vi illius, secuta est ommissio; Er-
go hæc sola, fuit causa omissionis,
id eoque peccaminosa.

12 Secundò; Quia omnes aliz actio-
nes, quamvis cum auditione Sacri
incompossibiles, cum fuerint ele-
ctæ solùm secundario, & post prio-
rem illam operationem; (nominè
autem operationis, intelligimus
hic etiam id, quod physica opera-
tio non est, vt sedere, iacere, domi
manere, &c.) non fuerunt causa
omissionis; posito enim primo illo
opere impossibili, scilicet man-
sione domi, necessariò posita est
omissio Sacri. Ergo reliqua ope-
ra, quæ secundario fuerunt assum-
pta, nullam habuerunt causalita-
tem in Sacri omissionem, sed solùm
habuerunt se per accidens, & con-
comitanter; ideoque non fuerunt
malæ.

13 Tertiò; Quia, si lumen semel im-
pediatur per conclusionem sene-
strariæ, reliqua impedimenta, quæ
idem lumen impedire potuissent,
de facto nullo modo impediunt,
quia de facto iam semel integrè
impeditum est; Ergo similiter, cum
auditio missæ, semel integrè impe-
dita fuerit per mansionem domi,
iam aliz actiones, quæ superueni-

runt, quamvis aliàs impedire po-
tuisent, tamen de facto auditionem
Sacri non impediunt.

OBJECTIONVM SOLVTIO.

14 **N**Equè obstant rationes in-
contrarium. Nam ad pri-
mam respondetur; Non omnem
actum ex se impossibilem cum
auditione Sacri, esse actu causam
omissionis, sed illum solùm, ex vi
cuius de facto sequitur ommissio Sa-
cri, scilicet mansionem domi; ex
vi enim istius solùm, secuta est
omissio Sacri.

15 Ad secundam, & tertiam Re-
spondetur; Disparitatem esse inter
duas explosiones bombardæ, &
duas actiones impossibiles cum
auditione Sacri: nam vna explo-
sio, alteram iuuat in ordine ad oc-
cisionem ponendam; Cum enim
secundus explodit, non est adhuc
posita occisio, vt suppono. At pri-
mus actus impossibilis cum au-
ditione Sacri, integrè ac perfectè
eius auditionem impedit; Unde
reliqui superuenientes nihil effi-
ciunt.

16 Ad quartam Respondetur; ne-
gando sequelam, proicctio enim
breniarij, facta à Clerico post pro-
positum horas canonicas omitendi
est peccatum, quia per illam ponit-
ur causa omissionis horarum, &
Clericus reddit se impotentem ad
præcepti observationem. Simili-
ter qui obstrictus est Voto castita-
tis, si ducat Vxorem, ponit veram
causam omissionis Voti, quia
reddit se impotentem ad Voti ob-
ser-

servantiam ; denique distractio rei furto ablatæ, est peccatum, quia est contrectatio rei alienæ, invito Domino, & est actus impossibilis cum restitutione.

COROLLARIA.

17 **C**olligitur ex dictis primò; operationes impossibiles cū auditione Sacri, non esse causam omissionis, quando secundariè eliguntur, & posita iam alia causa sufficiente; nam, si eligerentur ut finis; ut si quis ex desiderio studendi, vellet domi manere, & sic Sacrum omittere; iam essent causa omissionis per modum finis.

18 Secundò; Actum, qui est causa omissionis Sacri, non habere aliam malitiam, quam malitiam omissionis Sacri, Tum quia ordi-

natur ad illam tanquam causa; in moralibus autem, quæ ad unum ordinantur, non censentur esse numero distincta, cum quis enim parat gladium, & domo egreditur, ut occidat inimicum; licet isti actus physicè sint plures, omnes tamen constituunt unum numero peccatum homicidij. Tum quia actus secundum se bonus, redditur malus, solum quia est causa omissionis Sacri. Ergo non habet aliam malitiam, præter malitiam ipsius omissionis; ab ea enim habet actus, ut sit peccaminosus. Tum denique quia bona intentio, quando est causa malæ electionis; ut, cum quis furatur ad eleemosynam faciendam; quamvis in se ipsa, sit peccatum; non habet tamen malitiam diversam à malitia electionis, v.g. à malitiâ furci.

Q V A E S T I O LXIII.

An propositum non abstinendi ab ullo veniali, sit peccatum mortale.

C A S V S.

1 **T**ITIVS. cum, quodam die, scrupulis angeretur; tedio affectus, omnia venialia committere proposuit, & sola mortalia vitare. Quæritur; Vtrum mortaliter peccauerit.

SUMMARIVM.

- 3 *Propositum admittendi omnia venialia, videtur occasio proxima peccati mortalis, & sic peccatum mortale.*
- 7 *Non est tamen mortale.*
- 8 *Non constituit in periculo proximo mortaliter peccandi.*
- 9 *Neque est virtualiter propositum periculi proximi.*
- 10 *Alioqui teneremur, vitare aliqua venialia.*
- 11 *Nec salus nostra consisteret in observatione preceptorum obligantium ad mortale.*
- 12 *Imo teneretur quis, etiam de venialibus conteri.*
- 13 *Venialia, constituunt solum in remoto periculo mortalis.*
- 14 *Cum proposito venialia non vitandi, stare potest firmum propositum vitandi mortalia.*
- 15 *Ideoque propositum venialium, non continet periculum mortalium.*
- 16 *Aliquando tamen est peccatum mortale.*

RATIONES DVBITANDI.

- 3 **C**ertum est, peccatum veniale, si fiat occasio proxima incidendi in mortale, fieri saltem plerumque mortale. Certum præterea est; Intentionem, ac propositum omnia venialia committendi siue non vitandi vllum veniale esse ad minimū peccatum veniale. Dubium ergo solum est; an huiusmodi intentio, sit essentialiter con-

stitutiva in periculo proximo peccandi mortaliter. Si enim est constitutiva, est ex se peccatum mortale; si verò non est constitutiva poterit esse solum veniale.

- 3 Quod autem sit essentialiter occasio proxima peccandi mortaliter, & consequenter quod Titius per talem intentionem mortaliter peccauerit; tenent Sanchez lib. 1. sum. c. 5. num. 4. Bonac. d. 2. de pecc. qu. 3. p. 5. num. 17. Valent. tom. 2. d. 6. quæst. 18. p. 2. Clavis reg. lib. 2. c. 13. num. 17.
- 4 Primò; Quia habens hoc propositum, & hunc affectum ad omnia venialia, censetur esse in morali, ac proximo periculo peccandi mortaliter. Cum enim venialia ex S. Thom. 1. 2. qu. 83. art. 3. ad mortale disponant, iuxta illud Beales. 18. Qui spernit modica, paulatim decidet; eo ipso, quod quis vult omnia venialia committere, censetur esse in proximo, ac morali periculo peccandi mortaliter, illudque velle. Velle autem periculum proximum peccandi mortaliter, est mortale.
- 5 Secundò; Quia, propositum committendi omnia venialia in aliquà materià determinata, sed periculosa, v.g. in materià luxuriæ est peccatum mortale; si quis enim propositum habeat admittendi confabulationes, aspectus, tactus, & similia ex mera curiositate, & seclusa intentione delectationis; in quo casu sunt solum venialia; videtur eo ipso mortaliter peccare; quia omnia ista venialia videntur esse certum periculum libidinis mor-

mortalis. Ergo à fortiori, erit mortale, propositum generale committendi omnia venialia, quæ se obtulerint; Non minus enim, hoc propositum, est periculum proximum peccandi mortaliter, quam sit aliud, peccandi in materia luxuriz.

- 6 Tertiò; Quia, qui concupiscit feminam in communi, quia quantum est ex parte illius desiderij, exponit se periculo concupiscendi feminam cuiuscumque status sit; ratione talis periculi, peccat specialiter peccato, eamque circumstantiam in confessione explicare tenetur. Sed etiam, qui vult omnia venialia, quæ se obtulerint, committere, exponit se periculo peccandi mortaliter; obiectum enim istius propositi, apertissimum periculum in se continet peccandi mortaliter. Ergo peccat mortaliter.

RESOLUTIO.

- 7 **R**esponderetur tamen, Titium; eo proposito, mortaliter non peccasse. *Salus* 1. 2. to. 2. qu. 88. tract. 13. d. 16. f. 13. num. 67. in fine: Io. Sanchez. in select. d. 10. num. 17. Nau. c. 14. num. 42.

- 8 Primò; Quia, quamvis peccata venialia ad mortale disponant, non disponunt tamen mortaliter, ac proximè, sed solum remotè; Videmus enim sæpe, homines mortalia non committere, quamvis de venialibus nihil curent; nam, licet venialia charitatem refrigerent, & animum debilitent; propositum tamen non committendi mortalia,

& piorum operum exercitium, eundem animum corroborant, detraherentque, ne corruat; quod enim ex una parte perditur, alià viâ reparatur. Cum ergo propositum committendi omnia venialia, non sit dispositio, ac periculum proximum committendi mortale, neque erit peccatum mortale, sicque Titius, tali proposito, mortaliter non peccavit.

- 9 Secundò; Quia propositum committendi omnia venialia, ideo est peccatum mortale, quia est propositum periculi, & occasionis proxime committendi mortale. Ex hoc autem capite non potest esse mortale; nam illud periculum proximum committendi mortale, vel consistit in omnibus venialibus simul sumptis, vel solum in aliquibus; non in aliquibus tantum, quia alias propositum committendi aliqua venialia in quacumque materia, esset propositum committendi mortale; neque in omnibus simul, quia nunquam dari potest casus, in quo hæc committantur; Ergo propositum illa committendi, non est propositum alicuius periculi mortalis, ac possibilis.

- 10 Tertiò; Quia, si propositum illud esset mortale, sequeretur teneri quemlibet sub mortali ad aliqua venialia vitanda; si enim omnia, sunt occasio proxima peccandi mortaliter, & unusquisque hanc occasionem vitare tenetur; Ergo unusquisque tenetur omnia vitare, vitando aliqua; hæc autem quænam erunt?

- 11 Quartò; Quia, hac ratione, salus non.

nostra non consisteret solum in obseruatione præceptorum obligantium ad mortale, sed etiam in obseruatione eorum, quæ obligant ad venialia, cum vitatio venialium ad vitationem mortalis necessario requiratur.

- 13 Quintò; Quia, cum quis conteritur de mortali, teneretur etiam simul conteri de venialibus tanquã de proximis dispositionibus ad illud. Consequens autem euidenter est falsum; propositum enim non vitandi venialia optimè stare potest simul cum proposito non admittendi mortale.

OBIECTIONVM SOLVTIO.

- 13 **N**equè obstant rationes in contrarium; Ad primam, enim Respondetur; Quamuis non solum omnia, sed singula venialia disponant ad mortale, vt furtum leue ad furtum graue, non tamen inde sequi, quod venialia constituent in morali, ac probabili periculo committendi mortale, sed summum in periculo remoto. Hoc autem non inducit obligationem illud vitandi sub mortali.

- 14 Ad secundam; Negatur Antecedens; potest enim quis nolle vitare venialia in aliquo genere, & tamen firmum propositum habere, vitandi mortale in eodem genere; neque apparet, quomodo venialia in aliquo genere, constituent in

periculo proximo committendi mortale in eodem genere.

- 15 Ad tertiam Respondetur; Negando minorem; neque enim apparet, quomodo obiectum propositi omnia venialia committendi, periculum proximum in se contineat committendi mortale, cum stare possit simul cum firmissimo proposito non admittendi mortale.

COROLLARIUM.

- 16 **C**olligitur ex dictis; Aliquando propositum committendi venialia, posse esse peccatum mortale. Si quis enim propositum habeat committendi venialia, dum sunt illi occasiones proximæ mortalium; vt, si quis proponat ludere sciens, ludum illi esse proximam occasionem blasphemandi; vel illa venialia, quæ cum alijs venialibus vnita, constituent mortale in eà circumstantia, in quâ illud constituent; vt, si quis proponat multa furta committere, in parua quantitate, quæ simul vnita constituent quantitatem sufficientem ad mortale; certè ille tunc mortaliter peccabit; hoc tamen non orietur, ex eo præcisè, quod sit propositum admittendi venialia; sed ex eo, quod sit propositum admittendi venialia, in eà circumstantia, in quâ, vel sunt periculum proximum mortale, vel illud constituent. Ita *Salas loco cit.*

QVÆSTIO LXIV.

Per quid peccata, specie, inter se differant.

C A S V S.

IN quadam Religione, inter regulas, quæ obligabant sub mortali, erat hæc, ne Religiosi sub poenâ excommunicationis sine Superioris licentiâ, extra Monasterium, noctu comederent. Quidam autem Religiosus, ad cœnam ab amico inuitatus, incito Superiore, noctu apud illum cœnavit. Quæritur; quot peccata mortalia commiserit.

S U M M A R I U M.

- 3 Religiosus, unicum peccatum commississe videtur contra *Votum obedientiæ.*
- 7 Per quid, unum peccatum ab alio distinguatur.
- 8 Ex diuersitate Virtutum, colligitur diuersitas peccatorum, & non è contra.
- 9 Religiosus, duplex peccatum commisit.
- 10 Contra *Votum*, & contra *regulam*.
- 11 Cur sint obligationes diuersæ.
- 12 Quæ limitatio addi possit.
- 13 *Votum*, & *regula*, quas obligationes inducant.
- 14 Septimum, ac decimum Decalogi præceptum, quomodo differant.
- 15 Quomodo multiplicitas præceptorum, arguat multiplicitem peccatorum.
- 16 Sacerdos Beneficiarius, officium

omittendo, quot peccata committat.

- 17 Sacerdotem occidens, quot peccata committat.
- 18 Peccatum odij, sit ne unum an multiplex.
- 19 Blasphemia in loco Sacro, quoduplex sit peccatum.
- 20 Idem peccatum, pluribus legibus potest esse prohibitum.
- 21 Peccata cordis, per quid specie differant.
- 22 Per quid, peccata oris.
- 23 Per quid, peccata operis.
- 24 Regula ad specificam peccatorum diuersitatem dignoscendam.

R A T I O N E S D V B I T A N D I.

- 2 C Vm ex Tridentino sess. 14. c. 5. ad Confessionis valorem singula peccata, & circumstantiæ mutantes speciem sint explicandæ. Vt, & Confessarij de peccatorum specie, ac numero, rectè iudicare, &

& Pœnitentes utrumque pro ut oportet declarare valeant. Non abs re erit ostendere; ex quo, eorum distinctio, siue specifica, siue numerica desumatur; Sic enim, statui poterit regula, ad eorum species, ac numerum facilius dignoscendum, & in Confessione explicandum.

- 3 Videretur ergo Religiosus, extra Monasterium cœnando vnicum peccatum commississe contra Votū obedientiæ, quo regulam vouit; Ita *Sotus lib. 7. iust. qu. 2. art. 3. ad primum. Ledsma in sum. Sac. 1^{re}. de pœn. c. 19.*

- 4 Primò, Quia, Voti obligatio, & obligatio regulæ, non sunt duæ obligationes specie diuersæ, alioquin dici posset, etiam obligationes iuris naturalis, diuini, ac humani, esse tres obligationes specie diuersas; non magis enim inter se differunt illæ, quam istæ; Ergo Religiosus, noctu, in scio Superiore, extra Monasterium, cœnando quamuis fecerit contra Votum, & contra regulam, non tamen commisit duo peccata mortalia, sed vnum; alioquin, etiam Vsurarius, v. g. dando ad vsuram, tria peccata committeret; faceret enim contra præceptum Diuinum, naturale, ac humanum; quod tamen nemo concedit.

- 5 Secundò; Quia, si Religiosus, sic extra Monasterium cœnando, duo peccata commississet, etiam qui ex affectu rei alienæ, nullā interpositā morā, mouetur ad furandum, duo peccata committeret, vnum contra decimum Decalogi

præceptum, quo desiderium rei alienæ, directè veratur; alterum, contra septimum, quo furtum prohibetur; magis enim differunt inter se, septimum præceptum, ac decimum, quam obligatio Voti, ac regulæ. Sed nemo dicit, eum, qui ex affectu rei alienæ, mouetur ad furandum, duo peccata commississe, sed vnum; Ergo neque Religiosus, sic extra Monasterium, cœnando, duo peccata commisit, sed vnum.

- 6 Tertio; Quia, Multiplicitas præceptorum, non rectè arguit multiplicitatem peccatorum; alioquin ad multiplicitatem peccatorum, requireretur multiplicitas præceptorum; Diuersitas enim præceptorum, esset mensura, vnde desumeretur diuersitas peccatorum. Sed peccata multiplicari possunt specie, etiam non multiplicatis præceptis; fornicatio enim, adulterium, pollutio, & bestialitas, specie inter se differunt, & tamen omnia, vni eidemque præcepto castitatis opponuntur. Ergo multiplicitas præceptorum, non rectè arguit multiplicitatem peccatorum, ideoque ex eo, quod Religiosus fecerit contra Votum, ac regulam, non rectè inferitur, duo peccata commississe.

NOTABILIA.

- 7 Aduertendum est primò; eum idem sic principium constitutionis cuiuscumque rei, & illius distinctum à qualibet aliā hinc fieri, vt, sicut peccatum constitui-

tur

tar in esse peccati per contrarietatem ad regulam rationis ; ita per diuersitatem eiusdem contrarietatis specie differat ab alijs ; hæc autem diuersitas , colligitur à posteriori ex diuersitate præceptorum , quibus opponitur ; ex diuersitate , inquam non materiali , secundum quam , plura præcepta inter se differunt solum ratione diuersorum præcipientium ; nam eadem res ; v.g. eadem vsura prohiberi simul potest præcepto diuino ; naturali , ac humano ; sed formali secundum quam , plura præcepta inter se differunt , ratione diuersorum finium , vel motiuorum , propter quæ aliquid præcipiunt , vel prohibent ; Cum enim peccatum , sit transgressio legis , vel præcepti ; eo ipso , quod præceptum , est formaliter diuersum , ratione diuersi motiui , etiam ipsa transgressio est diuersa ; Quoniam verò propter idem motiuum præcipi , vel prohiberi possunt aliquando , res inter se notabiliter diuersæ ; vt cum ex eodem motiuo Castitatis prohibetur fornicatio , pollutio , sodomia , &c. hinc est , vt aliquando etiam peccata inter se differant iuxta diuersitatem rerum , quæ præcipiuntur , vel prohibentur . Quamuis tunc etiam res illæ , præter finem communem , alium etiam habeant speciale , vel consideranti patebit .

- 8 Aduertendum est secundo ; quâvis verum sit , peccata diuersis virtutibus opposita , specie distingui , non tamen è contra esse vniuersaliter verum , quoties peccata specie

distinguantur , toties esse contra virtutes diuersas ; nam castitas est virtus vnius speciei , & tamen peccata contra castitatem sunt multa , specie diuersa ; vt fornicatio , adulterium , incestus &c. Similiter liberalitas , est vna virtus secundum speciem ; & tamen eidem opponitur auaritia , ac prodigalitas , quæ specie inter se differunt . Diuersitas ergo specifica peccatorum , colligitur propriè ex diuersitate specifica dictaminum rationis , quibus peccata illa opponuntur ; sicut enim peccatum iniustitiæ , consistit in hoc , quod opponatur dictamini rationis dictanti ; proximum non esse lædendum in bonis suis ; Ita , quia Proximus , quattuor bonorum genera habet , in quibus lædi potest ; scilicet , Vitam ; Honorem ; Famam ; & Res temporales , Hinc fit , vt quattuor etiam dentur dictamina specie diuersa , quorum primum dicitur ; Proximum non esse lædendum in vita ; & huic opponitur homicidium . Secundum , dicitur , non esse lædendum in honore ; & huic opponitur Contumelia . Tertium dicitur , non esse lædendum in famâ ; & huic opponitur detractio . Quartum denique dicitur ; non esse lædendum in rebus ; & huic opponitur furtum ; Dictamina autem ista , specie differunt , quia respiciunt bona notabiliter , siue specie diuersa . His positis .

RESOLVTIO .

- 9 **A**D Casum Responderetur ; Religiosum probabilius commisit

miſſe duplex peccatum, alterum contra Votum, quo vouit regulam, alterum cōtra ipſam regulam. Ita *Suar. tom. 3. de relig. lib. 10. c. 6. num. 6. Sanc. lib. 4. ſum. c. 111. num. 25. Vaſq. d. 98. c. 3. num. 7. Salas tr. 13. d. 3. ſ. 2. num. 16. Et alij apud iſtos.*

10 Primò; Quia peccatum, eſt legis transgreſſio. Ergo, ubi lex eſt diuerſa, etiam transgreſſio eſt diuerſa. Lex autem Voti, ac Regulæ, videtur eſſe diuerſa; regulæ enim, vim habet ſubditos obligandi, iuxta varias materias, & motiua virtutum, cum hic fuerit finis Legislatoris in condenda regula. Votum verò ſolum ex virtute Religionis; Vade, quatenus eſt contra regulam, pertinet ad diuerſas ſpecies, iuxta diuerſas materias; quatenus verò, eſt contra Votum, ſemper eſt eiſdem ſpeciei inſimæ, & pertinet ad eandem virtutem Religionis.

11 Secundò; Quia Regula, ſicut, & præceptum Superioris, ratione poteſtatis à Pontifice communicatæ, vim habet conſtituendi rem præceptam in materià virtutis, iuxta varias materias, inſtar legum, cum ipſa etiam regula ſit lex; & Votum obligat ſemper in materià religionis, ad ſeruanda promiſſa Deo facta. Hæ autem duæ obligationes, videntur eſſe ſpecie diuerſæ. Ergo etiam peccata, erunt duo ſpecie diuerſa, & in confeſſione explicanda.

12 Limitat tamen optimè Sanchez; vt hoc verum ſit in Superioris præcepto, ſolum quando Superior

præcipiens, obligare vellet ex vi vtriuſque poteſtatis, quam habet, & à Pontifice; & ex vi Voti obedientiæ; vt, ſi aliquid præciperet in virtute obedientiæ, & ſub pœna excommunicationis; quia tunc per virtutem obedientiæ; exigit obedientiam Voto ſibi debitam, per pœnam verò excommunicationis, exigit obedientiam ſibi, vt Prelato, debitam. Si autem præcipiat ſolum in virtute obedientiæ, probabilius eſt, tunc vnicum eſſe peccatum contra Votum, quia, cum non conſtet, intentionem Superioris eſſe, vtroque modo præcipere, non ſtrictius, ſed fauorabilius in dubio iudicandum eſt.

OBJECTIONVM SOLVTIO.

13 **A**D rationes autem oppoſitas Reſpondetur; ad primam; Negatur Antecedens. Votum enim, inducit obligationem ex motiuo Religionis; Regula verò, ex motiuo illius virtutis, ad quam pertinet actus, per regulam præceptus; regula enim, cum ſit quædam lex, conſtituit materiã præceptam in eà virtute, ad quam materia illa ſpectat, ſicut faciunt aliæ leges; quia hoc, regulariter eſt motiuum Legislatoris, dum regulam condit, aut præceptum imponit. Atque hinc eſt, vt ſi quis omittat rem præceptam, non ſatis ſit, ſateri regulæ transgreſſionem, ſed explicari etiam debeat materia regulæ, vt conſtet ſpecies peccati commiſſi, vt accidit etiam in alijs præceptis; qui enim omitte Sa

erum in die festo, non satisfaci-
dicendo; *Transgressus sum prae-
ceptum Ecclesiasticum*; sed explica-
re debet etiam materiam omissam,
ut constet species peccati commis-
si. Cum ergo motuum regula, &
motuum Voti, sint diuersa, &
pertineant ad diuersas virtutes,
constituere possunt obligationes for-
maliter diuersas, & refundere di-
uersas malitias in transgressionem.
Ius verò naturale, diuinum, ac hu-
manum, cum obligent ex eodem
motiuo, & differant solum ex par-
te Praeipientium, differunt solum
materialiter, ideoque refundere
non possunt in transgressionem, ma-
litias diuersas.

14. Ad secundam Negatur sequela;
Septimum enim, ac decimum prae-
ceptum, non differunt formaliter,
cum habeant idem motiuum, sed
solum materialiter, ratione rei prae-
cepti & diuersae, quatenus vnum di-
ci debet prohibet solum actum inter-
num, aliud verò etiam externum.
At, Votum, ac regula, differunt
formaliter, quia habent diuersum
finem, ac motiuum, ut dictum est.

15. Ad tertiam; Distinguo Anteco-
dens; Multiplicitas specifica, &
formalis praeceptorum, non arguit
multiplicitatem peccatorum; Nego
Antecedens; Cum enim pecca-
tum, nihil sit aliud, quam legis
transgressio, necessario ad legis mul-
tiplicationem formalem, debet mul-
tiplicari. Multiplicitas materialis
praeceptorum, non arguit multipli-
citatem peccatorum. Concedo Ant-
ecedens; Sicut enim, peccatum
non habet malitiam, per oppositio-

nem ad legem, quatenus procedit
à tali, vel tali Legislatore, sed so-
lum quatenus est condita propter
tale, vel tale motiuum; ita nec di-
uersitatem habet à lege, quatenus
pendet à tali Legislatore, sed so-
lum quatenus praecipit ex tali mo-
tiuo.

COROLLARIA.

16. **C**olligitur ex dictis primò; Sa-
cerdotem beneficiarium, Di-
uinum officium ommittendo non
committere duo peccata, quamuis
faciat contra obligationem benefi-
cij & Ordinis Sacri; nam vtraque
hac obligatio, imposita est ex eo-
dem motiuo religionis; ut Sacer-
dos, & beneficiarius, rebus sacris
vacer. Similiter, qui die Domi-
nico, in quem incidit dies festus
alicuius Sancti ex praecepto, Sa-
crum non audis duo peccata non
committit, quia plura haec prae-
cepta, non praecipiunt auditionem
Sacri ex diuerso, sed ex eodem mo-
tiuo Religionis. Contra verò, Sa-
cerdos, si in actum venereum con-
sentiat, duo saltem peccata com-
mittit, quia actus veneris Sacer-
doti, ex varijs praeceptis, & pro-
pter diuersa motiua, est prohibi-
tus; scilicet, ex motiuo castita-
tis, & ex motiuo Religionis ratio-
ne Voti, quod per actum vene-
reum violatur.

17. Secundò; Eunuch, qui Sacerdote
occidit, committere plura peccata
specie diuersa, quia facit contra
plura praecepta, ex diuerso motiuo
imposita; facit enim contra prae-
ceptum.

- septem iustitiarum, & contra reuerentiam Sacerdoti debitam. Similiter, qui sanguinem, in loco Sacro, voluntariè effundit, peccat contra iustitiam, sanguinem fundendo, & contra reuerentiam loco sacro specialiter debitam, ex præcepto Ecclesiæ, hanc reuerentiam, in hac materiâ, ex religionis motu præscribentis.
- 18 Tertiò; Peccatum odij erga proximum, quo quis vult illi malum circa facultates, vel honorem, vel personam, non esse plura peccata diuersa, sed vnum; quia odiû est peccatum, quod consummatur interius, & in suo esse specifico constituitur, potius ex motu, quàm ex obiecto materiali. Ergo, licet mala volita proximo, specie differant; quia tamen optantur ex eodem motu, hoc est, ex displicentiâ personæ; ideo odium, semper est vnius, eiusdemque speciei.
- 19 Quartò; Blasphemiam, & turpia colloquia in loco Sacro, præter malitiam, quam habent in alio loco, non habere etiam malitiam specialem in loco sacro, sicut habet pollutio; quia ista non sunt speciali lege humanâ, prohibita, ne fiant in loco sacro, ob loci reuerentiam, sicut est prohibita pollutio.
- 20 Quintò; Posse peccatum aliquod esse eiusdem speciei, quamvis sit lege diuina, naturali, ac humanâ prohibitum; quia lex tam diuina, quam humana, illud ex eodem motu prohibere potest; atque ita de facto prohibetur vfora, furum &c.
- 21 Peccata cordis, specie differre, ac multiplicari; Primò, ratione obiecti, siue materiæ specie diuersæ; vt si quis velit occidere, ac furari. Secundò, ratione diuersæ circumstantiæ in eadem materiâ; vt, si quis velit furari in loco sacro. Tertiò, Denique ratione finis diuersi ab ipsâ materiâ; vt, si quis velit occidere, vt furetur; hæc enim omnia habent deformitates, & oppositiones cum rectâ ratione, quæ communiter reputantur notabiliter diuersæ in genere moris.
- 22 Peccata oris, specie differre; Primò, quando sermo est de obiectis, siue materiis specie diuersis; vt sunt, blasphemia, & contumelia. Secundò, quando est circa personas specie diuersas; vt contumelia dicta in Patrem, vel Regem; quia tunc censentur habere deformitates notabiliter diuersas contra pietatem, ac iustitiam; omnes tamen contumeliæ, videntur esse eiusdem speciei, quia inter se notabiliter differre non videntur, cum omnes sint læsæ eiusdem honoris, in quo tota earum malitia consistit.
- 23 Peccata operis, specie differre, sicut peccata cordis; Primò, ratione materiæ diuersæ; vt, si quis occidat, & furetur. Secundò, ratione diuersæ circumstantiæ in eadem materiâ; vt, si quis furetur in loco sacro. Tertiò, denique ratione finis, à materiâ diuersi; vt, si quis occidat, vt furetur. Istæ enim omnes repugnantia cum rectâ ratione; censentur communiter inter se notabiliter diuersæ, in quâ

notabili diuersitate consistit diuersitas specifica.

24. Ad dignoscendam diuersitatem specificam peccatorum, hanc statui posse tanquam regulam vniuersalem. Cum peccatum, sit essentialiter transgressio legis internæ, ut dictum est; tot erunt peccata specie diuersa, quot erunt leges internæ notabiliter inter se diuersæ. Tunc autem, leges internæ erunt notabiliter diuersæ, cum habebunt motiua præcipiendi, vel prohibendi, notabiliter diuersa. Tunc verò, motiua erunt notabiliter diuersa, cum à Viris prudentibus, talia iudicabuntur. Non quod iudicium

prudentum hanc diuersitatem notabilem efficiat, sed quia, cum ex rebus ipsis habere non possimus regulam certam; hæc tandem desumenda est ex iudicio prudentum, in eoque sistendum est. Sic Incestus, & Adulterium, specie differunt, quia incestus, est transgressio legis internæ distantis; non esse accedendum ad non suam propter reuerentiam debitam sanguini. Adulterium verò, est transgressio alterius legis internæ distantis; non esse accedendum ad non suam, quia aliena est: Quæ duo motiua, prudentum iudicio, notabiliter inter se differunt.

QVAESTIO LXV.

Per quid peccata, quæ exterius perficiuntur, inter se, numero distinguantur.

C A S U S.

1. **D**VM in quadam Ecclesiâ, magna populi multitudo, ad Sacramentum Eucharistiæ recipiendum confluere; Parochus, quamvis cum conscientia peccati mortalis, plurium Confessiones audiuit, eisque Eucharistiam ministravit. Quæritur; Vnum ne, an plura peccata commiserit.

S V M M A R I U M.

detur vnam numero peccatum.

3. Plurium Confessiones audire in statu peccati mortalis, vi-

8. Peccata alia sunt merè interno, alia etiam externa.

Plus-

- 9 *Pleurium Confessiones sic audire, sunt plura peccata.*
- 10 *Plures Confessiones, sunt plures actiones completæ, & inter se non unibiles.*
- 11 *Sicut Percussio Petri, & percussio Pauli.*
- 12 *Diversitas numerica peccatorum sumitur ex diversitate obiectorum, vel actionum externarum.*
- 13 *Confessiones nihil habent in quo uniri possint.*
- 14 *Non ordinantur ad aliquid aliud.*
- 15 *Sicut plura periuria ad confirmandam eandem falsitatem.*
- 16 *Voluntas omittendi officium, fertur in singulas horas tanquam in eius partes.*
- 17 *Tot sunt peccata, quot sunt actus externi consummati.*
- 18 *Peccatum non restituendi, est unum, non plura.*
- 19 *Usus rei aliena, est peccatum diversum ab eius acceptatione.*
- 20 *Omnes actus precedentes, vel subsequentes actum principalem sunt unum solum peccatum.*
- 21 *Etiamsi ex se, non sint indifferentes, sed mali.*

RATIONES DYBITANDI.

- 2 **Q**uoniam in Confessione, non solum peccatorum species, sed etiam numerus est explicandus; Ideo, sicut ostendimus, unde eorum species desumatur, ita ostendendum est, unde desumi de-

beat eorum numerus; Et quia hic, diverso modo desumitur in peccatis externis, ac in internis; De externis prius, querendum est; deinde, *Quæst. seq. de Internis.*

3 Videtur ergo Parochus unum tantum peccatum commisisse. Ita *Azor. tom. 1. lib. 4. c. 4. in fine.* *Ioan Sanch. in selec. d. 6. num. 1.* *Nauar. in c. consideret; in princ. de penit. d. 5. num. 48.*

4 Primò; Quia, cum confessiones illæ fuerint auditæ una post aliam, videntur moraliter inter se coniungi, & quasi unum actum completum moraliter integrare; sicut, qui tota nocte contra prohibitionem ludit, semel tantum luisse videtur; *ex Bartolo, & Nauar. de penit. c. cum consideret num. 46.* Ergo, sicut iste, censetur unum tantum peccatum committere, ita Parochus, confessiones audiendo.

5 Secundò; Quia, si quis ex voluntate occidendi inimicum, emat gladium, equum ascendat, inimicum sequatur, ac tandem occidat, quamvis interim voluntatem illum occidendi sæpius repetat, censetur tamen unum tantum peccatum committere, & satisfacit, confitendo occisionem. Ergo eodem modo, cum illarum Confessionum auditiones, processerint omnes ab eadem voluntate, censetur unum solum peccatum moraliter constituere.

6 Tertio; Quia, qui successivè plures contumelias, ac iniurias in aliquem profert, vocando illum adulterum, furem, periurum, &c. non committit tria peccata, licet

simplicem iniuriam diuersa rationis proferat. Ergo neque Parochus, audiendo plures confessiones, plura peccata commisit; non minus enim singula iniuriarum, sunt in se ipsis completa, quam singulae confessiones.

7. Quartò; Quia, qui voluntatem habet occidendi ynam familiam per modum vnus, vnum solum peccatum formaliter committit; alioqui, qui vellet homines infinitos occidere, malitias infinitas formaliter contraheret. Sed etiam Parochus, initio voluntatem habuit audiendi confessiones accedentium per modum vnus; Ergo vnum solum peccatum commisit, quamuis virtualiter multiplex, sicut est virtualiter multiplex etiam voluntas totam familiam occidendi, quia vult formaliter plures occidere; nec satisfaceret, quis in confessione dicendo; se habuisse voluntatem homicidij; quia non est voluntas vnus homicidij, sed plurimum; sicut non satisfaceret dicendo, se habuisse intentionem fornicandi, si intentionem habuisset fornicandi cum omnibus in eadem domo existentibus.

NOTABILE.

8. **A**duertendum est; Dari aliqua peccata, quae interius consummantur; vt odium, superbia, inuidia, haeresis, delectatio morosa &c. & aliqua, quae exterius perficiuntur; vt iuramentum falsum, homicidium, furtum, fornicatio, &c. rursus inter ea, quae exterius

exterius perficiuntur, aliqua ita habent suum terminum integrum; & completum, vt ab alio non dependeant in esse peccati, sed totam in suo genere malitiam completam habeant; vt fornicatio; alia verò, vel proprium terminum non habent ex se vltimò completum, sed vnibilem cum alio in ordine ad aliquod terrium; vt, si plura iuramenta adhibeantur ad vnicam falsitatem eodem tempore confirmandam; vel plures maledictiones, idem malum inimico imprecentur, vel plures percussiones, vnum vulnus constituent; vel ordinentur ad alium actum principalem, tanquam via, ac media ad finem; vt, cum quis animo furandi, scalam arripit, aliisque medijs vtitur ad furandum. Quoties actus, habent suum terminum vltimò completum, & independentem ab alio in genere peccati, nec habent aliquod tertium, in quo vniri possint; toties ad multiplicationem actus, multiplicantur peccata; quia peccata numero distinguuntur per multiplicationem huiusmodi obiectorum completorum. Cum verò actus, vniri possint in aliquo tertio, vel ordinentur ad alium actum principalem, tanquam via ad terminum, vel media ad finem; peccata non multiplicantur ad multiplicationem actuum. Tum quia, ratione illius vnionis in aliquo tertio, datur suadamentum illos moraliter reputandi tanquam vnum; Tum quia, media videntur facere vnum cum fine; & quando vnum est propter aliud, non censetur nisi vnum.

vt docet *S. Thomas* 1. p. quæst. 5.
art. pen. ad ult. arg. hoc posito.

RESOLVTIO.

9 **A**D Casum respondetur; Pa-
rochum, tot peccata, nume-
ro diuersa commisisse, quot con-
fessiones audiuit. *Vasquez* 1. 2.
d. 98. c. 3. num. 9. *Henric.* lib. 5. de
Sacr. c. 5. num. 4. *Molina* tom. 4.
d. 41. num. 4. *Salas* tract. 13. d. 5.
f. 6. num. 65. *Pillius.* tr. 21. cap. 9.
num. 331. & alij apud istos.

10 Primò; Quia ad multiplicatio-
nem personarum multiplicantur
etiam actiones, neque vna cum alia
vniri potest ad faciendum vnum;
neque enim auditio vnus confes-
sionis, potest cum auditione alte-
rius componere vnum, magis;
quàm vna fornicatio, cum alia vnâ
fornicationem, vel vulneratio Ti-
tij, cum vulneratione Sempronij
vnâ vulnerationem; Nam quæli-
bet ex istis actionibus, est omnino
independens ab aliâ in esse pecca-
ti, sicut sunt ipsæ personæ, & to-
tam malitiam, in suo genere com-
pletam habet, non minus, quam
fornicatio cum diuersis personis;
Sicut ergo plures fornicationes,
sunt plura peccata, ita plures ad-
ministraciones confessionis, erunt
plura peccata.

11 Secundò; Quia; si quis, percu-
so Petro, statim percutiat Paulum,
aut prolata blasphemiâ in S. Petrum,
aliâ statim conijciat in S. Paulum
non vnum tantum peccatum com-
mittit, sed duo. Ergo etiam, si
Parochus, audita Titij, cōfessione in

statu peccati mortalis, audiat con-
fessionem Sempronij, non vnum,
sed duo peccata committit; non
minus enim hanc, tam physicè, quàm
moraliter eputantur duo actus cō-
plète distincti, quam illi.

12 Tertiò; Quia, sicut diuersitas nu-
merica motuum desumitur ex di-
uersitate subiectorum, quæ mouen-
tur, vt communiter docent Philo-
sophi, ita diuersitas numerica
peccatorum, desumenda videtur
ex diuersitate obiectorum, vel per-
sonarum, circa quas diuersi actus
successiue versantur.

OBJECTIONVM SOLVTIO.

13 **A**D rationes autem in contra-
rium respondetur; Ad pri-
mam; administratignes illas con-
fessionis, nihil habere, in quo vniri
possint, ac continuari, sicut nec
habent plures fornicationes; ideo-
que integrare non posse morali-
ter, aut componere vnum actum,
vel administrationem; sicut, nec
plures fornicationes vnâ forni-
cationem; Qui autem, eodem im-
petu iræ, eadem conuicia, vel bla-
sphemias, vel percussiones, pluries
repetit, vnum tantum peccatum
committere videtur, quia prius
peccatum videtur moraliter cum
subsequentibus continuari, ita vt
omnes illi actus, vnâ rixam, vel
pugnam integrent; sicut ludus to-
tius noctis, vnum ludum integra-
re videtur. Neque dici potest,
actiones illas vniri in voluntate
finis; Tum quia, hac ratione, etiam
plures fornicationes vniri possent.

A 2 4 Tum

- Tum quia, administrationes illæ, non sunt ex se medium ad aliud.
- 16 Ad secundam Respondetur; Disparitatem esse maximam inter actiones ordinatas ad occisionem inimici, & inter confessionis administrationem, factam pluribus; nam illæ actiones, cum omnes ordinentur tanquam media ad occisionem, tanquam ad finem, & actum principalem; censentur facere vnum cum illa; unde, explicato actu principali, censentur omnes sufficienter explicatæ; ac auditiones confessionum, non ordinantur vna ad aliam, sed quælibet est omnino independens ab alia, & in se est adæquatè completa. Si tamen occisio, siue actus principalis non sequeretur, tunc teneretur, qui illa media adhibuit, ad ea confitenda, quia tunc essent plura peccata, eo quod tunc non haberent in quo vnirentur.
- 15 Ad tertiam; Iam ex supradictis patet responsio; periuria enim illa, vniuntur, quia fiunt ad confirmandam eandem falsitatem; & iniuriæ, vnam rixam constituunt; hoc autem non contingit in administratione confessionis, facta pluribus.
- 16 Ad quartam Respondetur; Voluntatem internam occidendi integram familiam per modum vnus posse dici vnum numero peccatum, sicut voluntas comburendi domum, vel voluntas omittendi officium; quia omnes ex illà familià, accipiuntur per modum vnus, sicut omnia cubicula accipiuntur, quatenus constituunt vnam domum, &

omnes horæ canonicæ; quatenus componunt vnum officium diuinum; At occisio successiua singulorum, nunquam dici poterit vnum peccatum, sed tot, quot erunt personæ occisæ, Similiter ergo, quamuis concederetur, voluntatem internam audiendi confessiones omnium, fuisse vnum solum numero peccatum internum; adhuc tamen non sequeretur, quod actualis auditio confessionis singulorum, non esset multiplex peccatum pro multipliciitate personarum, quarum confessio audiretur. Dixi, pro multipliciitate personarum; quia, si idem sæpius, sine notabili morâ inter vnâ confessionem, & aliam, ad confessionem accederet, tunc cenferi posset moraliter vna confessio, sicut cum quis eundem, pluries percutit sine interruptione, censetur semel solum moraliter illum percutere; tunc enim, non daretur, neque diuersitas obiecti, neque moralis temporis interruptio. Ex his autem solum capitibus, desumitur numerica peccatorum diuersitas.

COROLLARIA.

- 17 **C**olligitur ex dictis primò; Tot esse peccata numero diuersa, quot sunt actus externi consummati, vna post alterum, quia post consummatum primum actum; qui sequitur, est omnino alius, & diuersus, & sua turpitudine per se malus, ac vitiosus. Quando verò actus externus, vnus est & cõtinuus, semper peccatum est vnum nume-

ro, quamvis internæ voluntates multiplicentur; licet enim voluntas formalis cesseret, ac interromperetur; virtualis tamen semper continuatur, sicque omnes illi actus interni, censentur esse vnus moraliter. *Suarez de pen. d. 23. sec. 5. num. 20.*

- 18 Secundò; Peccatum externum non restituendi, etiam si durer per annum, esse vnum numero peccatum, quamvis actus interni multiplicentur, quia semper continuatur in illà exteriori omisione debitz restitutionis. Dummodo tamen non interrompatur; hoc enim necessarium est in quocumque peccato; interruptur autem, vel per propositum restituendi, vel si fiat impotens ad restituendum. Quia in his casibus, retentio illa, exterius desinit esse verè, & formaliter in se peccatum, cum desinat esse voluntaria; vnde iterum incipit deinde noua, ac diuersa retentio, sicque nouum, ac diuersum peccatum. *Vasquez tom. 4. in tertiam par. quæst. 91. art. 1. dub. 5. num. 21.*

- 19 Tertiò; Licet in rebus, quæ vsu consumuntur; vt sunt panis, vinum, pecunia &c. Vfus rei alienæ, non sit nouum peccatum distinctum, à peccato iniustæ acceptionis; quia earum vsus non est æstimabilis pretio distincto à pretio ipsius rei; vsus enim panis non habet pretium distinctum à pretio ipsius panis. In rebus tamen, quæ vsu non consumuntur; vt sunt equus, domus, veris &c. Vsum rei furto ablatæ, esse nouum peccatum numero saltem,

distinctum ab ipso peccato furti, & in Confessione explicandum. Quia earum vsus, est æstimabilis pretio distincto à pretio ipsius rei; pro vsu enim equi, vel vestis, aut domus, recipi licitè potest pretium. Ergo sicut Depositarius si contra Deponentis voluntatem vtatur re deposita, peccat; ita qui vtitur re furto ablata, peccat nouo peccato distincto à peccato iniustæ acceptionis, & in confessione explicando. *Nauar. cap. 17. summ. num. 54.*

- 20 Quarto; Quando actus, qui peccatum consummatum præcedunt, vel subsequuntur, sunt actus ex se indifferentes; vt, cum quis, ex intentione occidendi inimicum, surgit è lecto, parat ensen, domo egreditur, & alias actiones exercet; donec illum interficiat; omnes esse vnum tantum peccatum, quia tota illa series actionum, fit ex vi vnius voluntatis occidendi, in quâ est vna tantum malitia homicidij. Ergo tota illa, est vnum peccatum; Vnde satis est dicere; vel; *occidi hominem*; si secutum est homicidium; vel, si secutum non est; *habui voluntatem occidendi*.

- 21 Quintò; Quando actus, qui præcedunt, vel comitantur actum externum consummatum, sunt per se mali; vt sunt in peccato fornicationis, oscula, tactus, amplexus, & similia; esse etiam omnes moraliter vnum tantum peccatum; quia, cum omnes tactus impudici, præscindendo à copulâ, sint eiusdem rationis, ac speciei, siue sint oscula, siue amplexus &c. sicut omnes

contumeliæ sunt eiusdem speciei ; sequitur, quod, sicut non statim, ac iniuriæ multiplicantur physicè, censentur etiam multiplicari moraliter ; sed, cum quis vno impetu iræ, ter aut quater vocat alium latronem, censetur vna numero contumelia ; Ita non statim, ac quis alium impudicè osculatur, amplectitur, vel tangit &c. censetur plura moraliter, peccata committere, sed vnum solum, quod explicabitur in confessione sufficienter dicendo ; *semel impudicè tetigi* : ratio enim tactus impudici, necessariò includitur in copulâ forni-

caria, quæ haberi non potest sine tactu. Ergo eo ipso, quod quis explicat copulam, explicat etiam necessariò, se tactum impudicum habuisse. Cum ergo multitudo tactuum impudicorum, non sit necessariò declaranda, quia moraliter censetur vnus numero tactus ; neque oscula confitenda sint sub nomine osculi, sed sufficiat sub nomine tactus impudici ; sequitur, explicatâ fornicatione, omnia sufficienter remanere explicata, siue copulam antecedant, siue subsequantur. *Fagundez de præ. Eccl. lib. 3. c. 4. num. 14.*

QVÆSTIO LXVI.

Per quid, peccata merè interna distinguantur inter se, numero.

C A S V S.

TITIVS proposuerat, ad domum meretricis accedere, ad fornicandum ; dum autem esset in via, ob negotium quoddam, quod absoluerè voluit, ad alia distractus, propositum aliquoties interrupit, & postea renouauit, donec tandem accessit, & fornicatus est. Quæritur ; an plura illa proposita, fuerint plura numero peccata, an vnum.

SUMMARIVM.

- 2 Quot modis voluntas ab actu interno possit cessare.
- 3 Plura fornicandi proposita, videntur fuisse plura peccata.
- 6 Quæ diuersitas sit inter peccata interna voluntatis.
- 7 Voluntas inefficax, per quid differat ab efficaci.
- 8 Quomodo utraque censeatur moraliter perseuerare.
- 9 Plura illa proposita, sunt unum numero peccatum.
- 10 Omnia, sunt moralis continuatio primi.
- 11 Primum censetur moraliter perseuerare, quandiu non retractatur.
- 12 Hanc pluralitatem, nec penitentes consentiunt, nec Confessarii quarunt.
- 13 Non est confitendus numerus vulnerum, quibus alius occisus est.
- 14 Quæ diuersitas inter actus efficaces, & inefficaces.
- 15 An efficax, longo tempore durare possit.
- 16 Plures actus inefficaces, cur non possint variari.
- 17 Actus inefficaces, multiplicantur per solam cessationem, ac interruptionem.
- 18 Efficaces per solam retractionem.
- 19 Quamuis non sequatur actus externus, pluralitas actuum interiorum efficacium, confitenda non est.

20. Quando actus efficax retractatur, & postea repetitur, secundus, est nouum peccatum in Confessione explicandum.

RATIONES DVBITANDI.

- 2 Sicut certum est, Voluntatem, quandiu in eodem actu interno peccaminoso perseuerat, vnum tantum peccatum committere; ita certum videtur, quando cessat ab eo actu, & post aliquod tempus, per nouum, ac distinctum liberi arbitrij exercitium, alium similem actum producit, aliud etiam peccatum à primo saltem physicè numero distinctum, committere. Quia tamen, voluntas diuerso modo cessare potest à primo actu, & post aliquod tempus, alium similem producere; aliquando enim cessare potest voluntariè; vt cum illum, vel formaliter, vel virtualiter retractat; aliquando verò naturaliter; vt, cum illum, vel per somnum, vel per comestionem, vel per distractionem ad aliud, interrumpit. Ideo queri solet, quæ interruptio, siue quæ cessatio requiratur, vt secundus actus sit peccatum, non solum physicè, sed etià moraliter numero distinctum à primo. Plura enim Titij proposita, moraliter plura numero peccata fuisse videntur. Ita Suar. tom. 4. in 3. p. d. 32. s. 5. num. 17. Vafq. 1. 2. d. 73. c. 2. Bonac. d. 2. de pecc. quæst. 4. p. 2. num. 9. Filliuc. to. 2. tract. 21. c. 8. num. 313. qui tamen num. 318. ait in ordine ad confessionem non multiplicari numero

mero, nisi interruptio sit moralis, & voluntaria.

- 3 Primò; Quia alioqui sequeretur, quod, si quis pluries proponeret fornicari, & postea non fornicaretur, sufficeret dicere in confessione, semel habui voluntatem efficacem fornicandi, nec explicare teneretur numerum actuum internorum voluntatis, quibus peccare statuerat; omnes enim illi actus, censerentur vnus actus moraliter continuatus. Consequens autem est absurdum; si quis enim pluries voluntate inefficaci, sibi complaceat in fornicatione, numerum actuum internorum explicare tenetur; Ergo multo magis tenebitur eundem numerum explicare, quando voluntates, fuerunt efficaces.

- 4 Secundò; Quia, si quis haberet voluntatem efficacem fornicandi, & postea ab illà cessaret, & post mensem eandem voluntatem repeteret, certè in isto casu, nouum peccatum committeret numero distinctum à priore, & in confessione explicandum. Ergo, multiplicatis actibus internis, multiplicentur numero peccata.

- 5 Tertiò; Quia, si quis eliciat actum odij erga proximum, & postea ab eo cesset, & illum repetat, censetur nouum peccatum committere, in confessione explicandum. Ergo à fortiori, si quis efficaciter proponat fornicari, & postea ab eo proposito, per aliquam distractionem, vel somnum cesset, & iterum deinde illud repetat, committet nouum

peccatum, in confessione explicandum.

NOTABILIA.

- 6 **A**duertendum est primò; Peccata, quæ interius à voluntate committuntur, esse in triplici differentia; Quædam enim sunt; quæ actum externum nullo modo respiciunt, neque tanquam effectum per ipsos ponendum, in quo consumuntur; neque tanquam obiectum, à quo sumant suam malitiam, & specificentur. vt est odiù Dei, vel proximi; superbia; inuidia &c. Alia sunt, quæ, licet non ordinentur ad ponendum actum externum, ab eo tamen specificantur, & sumunt suam malitiam; vt delectatio morosa; vel simplex complacentia; vel desiderium inefficax alicuius peccati, siue actus externi; v. g. fornicationis, aut homicidij. Alia denique sunt, quæ, non solum respiciunt actum externum vt obiectum, sed etiam vt effectum per ipsos ponendum, ac executioni mandandum; vt est intentio, siue propositum efficax fornicationis, vel homicidij. Hi enim actus, ordinantur ad ponendum actum externum, suntque illius causa.

- 7 Aduertendum est secundò; Voluntatem efficacem, ab inefficaci distingui, quia efficax, si non retractetur, mouet necessariò ad ponendam media ad actum externum consequendum; illum enim respicit, vt executioni mandandum; inefficax verò, non mouet ad ponendam.

media; quia non respicit actum externum, ut executioni mandandum. Dupliciter autem retractari potest actus efficax; Primò per actum contrarium, ut si quis, postquam efficaciter proposuit inimicum occidere, mutata voluntate, statuat non occidere. Secundò, non ponendo media necessaria; eo enim ipso, quod infirmus, oblatam medicinam necessariam ad sanitatem consequendam, recusat, conuincitur, nolle amplius efficaciter sanitatem, & priorem voluntatem retractare in actu exercitio.

8 Aduertendum est tertio; Voluntatem efficacem, ex eo quod sit causa actus externi, censeri moraliter perseverare, quandiu non retractatur, vel formaliter per actum retractionis, vel virtualiter, & in actu exercitio per aliquem alium actum, qui impediat eius causalitatem, & efficaciam: ex eo enim, quod est causa actus externi, censetur moraliter manere, quandiu est aliquo modo utilis ad illum ponendum. Semper autem est utilis, quandiu eius efficacia non impeditur; vnde cum quis hodie habet intentionem applicandi Sacrificium crastinum pro defunctis, voluntas applicandi sacrificij, censetur cras moraliter perseverare per hoc quod retractata non fuerit, quia per hoc, erit causa sufficiens, & efficax applicationis Sacrificij. Ex eo autem, quod perseveret moraliter, donec aliquo modo retractetur, sit, ut non interrumpatur moraliter, nisi per aliquam retra-

ctionem, sue formalem, sue virtualem, & æquivalentem; Sicut enim actus inefficax, non interrumpitur, nisi per id, quod cessare facit eius existentiam; ita actus efficax non interrumpitur, nisi per id, quod cessare facit eius causalitatem, & efficaciam, eumque reddit inutilem ad ponendum suo modo actum externum: Hoc autem est, sola retractionis vel formalis, vel virtualis. His positis.

RESOLUTIO.

9 **A**D Casum responderetur; Plura illa proposita à Titio recepta, vnum solum numero peccatum fuisse, & non multa. *Salas 1.2. qu. 73. tr. 13. d. 58. Nauarr. c. 6. summ. n. 16. Rebell. de oblig. iust. p. 1. lib. 2. quæst. 17. num. 9. Caiet. tom. 1. opusc. tr. 31. resp. 15. d. 2. P. Nauar. lib. 4. de rest. c. 4. num. 10. ubi ait oppositam opinionem esse poenitentibus scrupulosissimam, & Confessarijs molestissimam. Philarc. p. 2. lib. 2. c. 21. Granado controu. 6. tract. 2. d. 5. num. 5. Ledesma p. 2. sum. tr. 9. c. 4. Concl. 14. diff. 1. Rodriguez p. 1. sum. c. 52. num. 7. Garzia to. 1. de benef. p. 3. c. 2. num. 137. Aragon. 2. 2. quæst. 62. art. 8. ad 2.*

10 Primò; Quia, si quis efficaciter proponat, inimicum occidere, & deinde, per aliquantulum temporis spatium, ad alia se diuerteret, ita ut homicidij non recorderetur, sicque propositum physicè interrumpat, & postea idem propositum repetat; hic secundus actus non erit

erit peccatum numero distinctum moraliter à primo, sed erit vnum numero peccatum cum illo continuatum, & moraliter non interruptum; cum enim voluntas secundum actum repetit, solum facit, ut primus actus, qui adhuc implicitè, ac virtualiter durabat, eo quod nullo modo fuerit retractatus, efficiatur explicitus, ac formalis; vnde mutatur solum secundum accidentalia, manens moraliter idem secundum substantiam indiuidualem, ut docet *Salus* 1.2.q. 73. ar. 13. d. 5. §. 8. n. 85. Ergo idem dici potest de proposito fornicandi in Titio. illud autem, vnde sumi potest hæc vnitas numerica, suo continuatio moralis istorum actuum, est ipse actus externus, quem omnes interni respiciunt, ut in eo perfectè consummentur.

11. Secundò; Quia, quando prior voluntas, per contrariam voluntatem non retractatur, & interruptitur, censetur moraliter perseverare. Ergo, quamvis eandem voluntatem, quis sæpe repetat, si eam per retractionem non interruptit, semper moraliter censeatur eandem voluntatem habere, idemque numero peccatum committere; Sicut enim ad distinctionem specificam peccatorum non sufficit distinctio physica, sed requiritur moralis; ita ad distinctionem numericam, non sufficit distinctio physica, sed requiritur moralis. Cum ergo Titius, supponatur primum propositum fornicandi nunquam retractasse; consequenter per repetitionem alterius

similis propositi, nouum peccatum non commisit, sed eandem voluntatem semper moraliter habuit; ideoque idem numero peccatum commisit.

12. Tertiò; Quia hanc repetitionem actuum voluntatis efficacis, neque poenitentes confiteri solent, nec Confessarii interrogare, quamvis regulariter, antequam consummetur peccatū externū, præcedere soleat eius internum propositum, quod formaliter continuari non solet, vsque ad consummationem, sed sæpius interrumpi per distractionem ad alia, & deinde repetendum peccatum consummatum. Ergo singulum est, non esse plura peccata, sed vnum; si enim essent plura, non daretur hæc praxis in tota Ecclesia. Ita *Nauar. c. 6. summ. num. 17.* cuius praxis ea videtur esse ratio; quia, explicato actu externo, sufficienter explicatur voluntas efficax illum ponendi, à qua processit; Quod autem hæc voluntas, fuerit physicè multiplex, est omnino per accidens, satis enim est, quod sit vna moraliter.

16. Quartò; Quia in Confessione, non est necessariò explicandus numerus vulnorum, quæ quis inimico infixit, dum eum occidit, quauis vulnera illa fuerint physicè discontinuata, sed sufficit, si ille confiteatur peccatum homicidij. Ex hoc non alia de causà, nisi quia, vel omnia illa vulnera ordinabantur ad consummationem vnius homicidij; vel explicato homicidio, remanet explicata vulneratio; quod verò plura, vel pauciora vul-

vulnere præcesserint, se habet solum materialiter; unde non multiplicat numero peccatum. Ergo similiter necesse non erit explicare multitudinem actuum, quibus Titius ante fornicationem fornicari propositum fuit, sed sufficit explicare peccatum consummatum; Tum quia, omnes illi actus, erant ordinati tanquam media ad eandem numero fornicationem consummandam. Tum quia, explicata fornicatione, manet etiam explicata voluntas fornicandi, quæ in eâ includitur. Quod verò plures actus præcesserint, materialiter se habet, ideoque non propterea peccata numero multiplicantur; ut dictum est de osculis, ac tactibus, fornicationem antecedentibus.

OBJECTIONVM SOLVTIO.

NEquè obstant rationes in contrarium; Ad primam enim Respondetur; Negando minorem Disparitas autem inter actus efficares, & inefficares, est; quia inefficares consumantur interius, ideoque continuari non possunt cum subsequenter, cum non habeant in quo uniantur, & continuentur; sed omnes faciunt unam quantitatem, non solum physice, sed etiam moraliter discretam; At verò, actus efficares, cum ex se, tendant ad actum externum, in quo consummantur, consentus facere unam quantitatem moraliter continuam, ita ut secundus actus sit moralis continuatio primi, cum in eodem actu externo, omnes uniantur.

15 Ad secundam Respondetur; Negando consequentiam; si enim primus actus fuit efficax, mouere debuit ad ponendam media, ad ipsum actum externum obtinendum necessaria; Ergo, si quis hæc media, ponere non eurat, eum facile possit, iam censetur, in actu exercito, primum actum efficacem retractare; Unde, si postea eundem actum repetat, dicitur nouum peccatum committere; At, si solâ actuum replicatione, præerim, ubi inter unum, & alium actum, non intercedit mora notabilis, non datur vlla retractatio, ideoque prior censetur moraliter perseverare; sicut enim, si duo matrimonium contrahant, & alter contrahentium interius non consentiat, ut postea validetur matrimonium, (quod fuit nullum ob defectum consensus alterius,) non requiritur, ut ille, qui consensus prius præbuit, illum renouet; sed sufficit, ut ille, qui non consenserat, consensum præbeat, quia ille prior consensus, eo ipso, quod non fuit retractatus, censetur virtualiter, siue moraliter durare. Ita similiter, quamdiu prior voluntas efficax fornicandi, per actum contrarium non retractatur, censetur moraliter durare, ac perseverare, & consequenter, si iterum repetatur, non censetur moraliter noua voluntas, sed continuatio prioris. *Sanch. l. 2. matr. d. 32. m. 9.*

16 Ad tertiam Respondetur; rationem disparitatis esse euidentem; nam plures actus inefficares, dici non possunt unum peccatum numero, uni-

vnitate numericà extrinseca, quæ est per continuationem, quia nihil assignari potest, à quo sumatur hæc continuatio; cum enim interius consummentur, nec aliquem actum externum respiciant, ad quæ tendant, vt in eo consummentur, nihil habent, in quo continuentur, ac vniantur; vnde necessariò debent esse plura peccata numero distincta, etiam in ratione morali, & habent malitias morales distinctas, & per vsum libertatis distinctum committuntur. At verò, actus omnes efficaces interni, cum respiciant eundem actum externum, vt in eo consummentur, accipiunt vnitatem numericam, & moralem continuationem, per ordinem ad illum.

COROLLARIA:

- 17 **C**olligitur ex dictis primò; Actus inefficaces, multiplicari numero per solam cessationem, siue interruptionem moralem, siue fiat per somnum, siue per distractionem, siue quocumque alio modo; Cum enim non possint esse vnum, nisi per continuationem, & nihil detur extrinsecum, in quo, vel ratione cuius continentur, eo quod ordinem non dicant ad vllum actum externum; sequitur, non posse esse vnum peccatum, sed debere esse plura, in confessione, meliori modo, quo fieri poterit, explicanda; sæpe enim, horum peccatorum numerus cognosci nõ potest; Tunc autem, sufficit temporis diuturnitatem, in tali interno

consensu declarare; ea enim declarata, censetur sufficienter declarata multitudo ipsorum actuum internorum, quantum humano modo declarari potest.

- 18 **S**ecundò; Actus efficaces, multiplicari numero per solam retractionem, vel formalem, vel æquivalentem, vt dictum est; eo enim ipso, quod non retractantur, moraliter perseverant; eo modo, quo voluntas suscipiendi baptismum in adulto, dicitur moraliter manere per hoc, quod illam semel habuerit, & postea non retractauerit; Hinc autem fit, vt quamuis pluries repetatur, non censeantur tamen moraliter noua voluntas, sed continuatio prioris, quia cum omnes ordinentur ad ponendum eundem actum externum, videntur quasi succedere in locum primi, & eius vices supplere in ordine ad eundem actum ponendum. Neque hinc sequitur, quod si quis renouet voluntatem occidendi inimicum, etiam post multos annos, adhuc sit moraliter idem numero peccatum, nec teneatur illam multiplicationem voluntatû in confessione aperire; vt inferre *Suar. loco cit. nu. 9.* Nam si prior actus, fuit efficax, mouere debuit ad ponenda media ad occisionem necessaria; Ergo dari non potuit longa temporis interpositio; alioquin ipsa negligentia in medijs ponendis; iam censeretur in actu exercito, retractatio prioris actus efficacis. Si tamen daretur casus, in quo prior actus, nullo modo fuisset retractatus; vt, si quis proposuisset

posuisset, post mensem, occidere inimicum, & nunquam hunc actum retractasset, & in fine mensis illum occideret; in hoc casu, nona ista voluntas, censeretur moraliter prioris continuatio, nec esset nouum peccatum in confessione aperendum; præsertim, si quando voluntatem occidendi renouauit, habuisset memoriam propositi præcedentis; in hoc enim casu, prius propositum, per sui memoriam directè determinaret ad nouam voluntatem occidendi, & indirectè ad ipsam occisionem.

- 19 Tertiò; Si quis pluries efficaciter proponat committere; v.g. fornicationem, & postea non committat, non teneri in confessione explicare numerum actuum internorum, quibus statuit fornicari, sed satisfacere dicendo, *habui voluntatem efficax fornicandi*. Omnes enim illi actus interni, censentur moraliter vnus numero actus continuatus per ordinem ad vnā fornicationem, quam respiciunt tanquam effectum; Quod verò fornicatio, de facto, non sit secuta, est mere per accidens. Quod si, secuta sit fornicatio, tunc satis erit

dicere; *fornicatus sum*; nam eo ipso explicatur voluntas fornicandi, quæ in ipsa fornicatione includitur.

- 20 Quartò; Quando actus efficax voluntatis retractatur per actum contrarium, & postea idem repetitur, committi nouum peccatum distinctum numero à priori. Quia primus iam moraliter interrumpitur. Quia tamen, non ita ordinariè accidet, vt homo, postquam efficaciter proposuit peccatum aliquod committere, & deinde propositum retractauit, iterum statim redeat ad priuilegiā voluntatem, ideo quando accidet, communiter aduertitur, sicque explicari facile potest in confessione. At, quod homo, antequam peccatum externum committat, pluries proponat illud committere; hoc fere semper euenire solet; impossibile enim, moraliter est, vt primum propositum semper duret, vsque ad peccati consummationem. & ob aliquam mentis distractionem physice sæpius nō interrumpatur. Hinc ergo fit, vt physica hæc interruptio, non aduertatur, nec explicari debeat in confessione.



QVAESTIO LXVII.

*An unus actus physicus, plures numero malitias
continere possit.*

CASVS.

TITIVS, cum vigesimum primum annum iam expleuisset, initio quadragesimæ statuit, totam quadragesimam non ieiunare. Quæritur; Vnum ne, an plura peccata commiserit.

SUMMARIUM.

1. Voluntas totâ quadragesimâ non ieiunandi, videtur vnicum peccatum.
6. Quidam actus externi, sunt obiectum integrum actus interni; quidam vero, solum partiale.
7. Actus interni, qui externos non respiciunt, malitiam sumunt ex solo motivo.
8. Quando actus externi, non sunt integrum obiectum actus interni, in illum diffinitam malitiam non refundunt.
9. Voluntas non ieiunandi tot numero peccata continet, quot in quadragesima sunt dies.
10. In eodem actus reperiri possunt plures malitias numero diffinitæ.
11. Copula coniugati cum coniugata, est duplex adulterium.
12. Singuli quadragesimæ dies, propriam deformitatem refundunt in voluntatem non ieiunandi.
13. Et in Confessione, singule sunt explicande.
14. Non quia sint circumstantie aggregatæ.
15. Neque, qui constituent actum in individuum.
16. Sed, quia sunt plura numero peccata.
17. Etiam idem actus bonus, plures bonitates continere potest.
18. Actus charitatis, cur unicam bonitatem contineat.
19. Voluntas occidendi plures, est peccatum multiplex.
20. Si quis etiam, voluntas integram familiam occidendi.
21. Et eadem Dei, ac Sanctorum maledictio.
22. Et idem verbum, plurimum bonorem, vel famam ladens.
23. Plures actus physici, unam nu-

numero malitiam continere possunt.

RATIONES DUBITANDI.

2 **C**ertum est, eundem actum physicum, continere posse plures malitias specie diuersas; Si quis enim foret, ut ad fornicandum; furtum illud, habebit simul malitiam furti, & fornicationis; & si foret, ut in loco sacro, erit simul iniuria, ac sacrilegium. Quæritur igitur, an eodem modo, vnus, & idem actus physicus, continere possit plures malitias solo numero distinctas, & in confessione explicandas. Multi enim volunt, Titium, per illud propositum, vnum tantum numero peccatum commisisse. Ita Suarez tom. 4. in 3. par. disp. 12. sect. 5. nu. 33. Filiucius tract. 27. c. 5. nu. 87. & tr. 28. c. 8. nu. 320. qui tamen, secus dicit de actu externo, c. 9. n. 331. Layman lib. 1. tract. 3. c. 3. num. 2. Bonse. d. de pecc. qn. 4. par. 2. Quæritur in Bullam Cæna lib. 3. §. 3. quæ. n. 3.

3 **P**rimò; quia, si quis vno actu voluntatis tres homines occidere velit, actus ille non continet tres malitias numero distinctas, sed vnã tantum, causatam ab omnibus illis rebus homicidijs, concurrentibus per modum vnius obiecti, & illum actum specificantibus. Ergo similiter, Titius, nolendo totam quadragesimam ieiunare, vnum tantum peccatum commisit; tota enim quadragesima, illi fuit obiecta per modum vnius obiecti, nec voluntas distin-

ctè in singulos quadragesimæ dies lata est.

4. **S**ecundo; Quia: bona voluntas dandi eleemosynas pauperibus, non habet plures bonitates, sed vnã indiuisibilem; Ergo etiam voluntas totam quadragesimam non ieiunandi, plures malitias non habebit; sed vnã indiuisibilem; contrariorum enim eadem est ratio.

5. **T**ertio; Quia, si quis, vno actu indiuisibili charitatis, amet quinque proximos, ille actus vnã indiuisibilem bonitatem habebit; talis enim bonitas, erit differentia distinctua illius actus à quolibet alio; differentia autem, est omnino indiuisibilis, respiciens illos quinque homines per modum vnius obiecti adequati; ideoque vnica relatione transcendentali. Ergo similiter, obitum eorundem hominum, vnica malitiam habebit. Idemque dicendum erit, etiam de voluntate efficaci illos occidendi, præsertim, si quis eos, vnico actu, occidere veller.

NOTABILIA.

6 **A**duertendū est primò, postea diuisione actuum internorum, in eos, qui nullum respiciunt actum externum, tamquam obiectum, ac specificatum, & in eos, qui illud respiciunt, de qua Quæst. præced. nu. 6. aliquos actus externos, ita esse per se obiecta integra, ac completa actus interni, vt vnus non sit pars alterius, nec ab alio dependeat; vt, cum quis tres ho-

B b 2 mi-

mines vult efficaciter occidere, vel de tribus fornicationibus deleatur; singulæ enim occisiones, & fornicationes, sunt per se obiecta integra, completa, & sufficientia ad actum terminandum, eique suam malitiam communicandam; aliquos vero terminare actum internum, non vt obiecta integra, sed, vt partes obiecti; singulæ enim horæ canonicæ, ita terminant voluntatem omittendi officium diuinum, vt se habeant, tamquam partes integrantes officium, quod est obiectum adæquatum illius voluntatis; vel cum quis vult domum comburere; voluntas illa terminatur ad singula cubicula, solum, tamquam ad partes integrantes domum, quæ est obiectum adæquatum illius actus. Aliquos denique dicere inter se ordinem, non partem ad partem, sed, medijs ad finem; vt, cum quis surgit à lecto, arripit armam, & adhibet alia ad occidendum inimicum; & hęc etiam, simul cum actu principali, constituunt vnum obiectum integrum actus interni; ita, vt singuli sint partes obiecti, non obiectum; eadem enim voluntas, quæ fertur efficaciter in finem, fertur etiam necessariò in media, tamquam in vniuersum obiectum suum adæquatum.

7. Aduertendum est secundo actus internos, qui nullum dicunt ordinem ad actum externum, nec ab eo specificantur, tamquam à suo obiecto, vnicam tantum continere malitiam, quamuis ferantur in plura obiecta materialia, quia in omnia feruntur sub vno, eodem-

que motiuo, à quo solo specificantur, & sumunt suam malitiam. Cum ergo, hoc, vnum sit, non mirum, si etiam malitia sit tantum vna; Atque ita, vnicam malitiam continet, odium quinque proximorum, quia in omnes fertur sub vno motiuo, à quo solo specificatur, & sumit suam malitiam. At vero actus interni, qui dicunt ordinem ad actum externum, tamquam ad suum obiectum, ab eoque specificantur; nec necessariò continent malitias, quot sunt ipsi actus externi, quos respiciunt, si isti in ratione obiecti, sint obiecta per se integra, ac completa; cum enim ab eis specificentur, illos respicere non possunt solum, tamquam obiecta materialia, sed respicere debent, tamquam obiecta formalia. Atque, ita voluntas efficax tres homines occidendi, cum fertur in tres occisiones, tamquam in tria obiecta per se integra, ac completa, & ab inuicem independentia; tres malitias continet, si cut occisio ipsa trium hominum, tres continet malitias, & est triplex homicidium.

8. Aduertendum est tertio; quando actus externi, tamquam partes, aliquod obiectum integrum, ac totale constituunt, tunc non censeri obiecta, numero diuersa, & consequenter, nec refundere posse distinctionem numericam in ipsa peccata interna. Hinc fit, vt, si quis vellet, omnes ceteri alicuius bibliothecæ libros, surripere; aut magnum aliquem aurosum cumulum furari; aut totum aliquem gre-

gregem ouium; vnum tantum peccatum numero committeret; quia oues, vnum gregem; plures libri, vnam bibliothecam; & plures auri, vnum oumulum efficiunt; & qui habet animum furandi, non intendit committere, nisi vnum furtum, & vnam iniustitiam; totamen grauius erit peccatum, quo materia peccati, maior erit. Si tamen libri, vel oues, essent diuerforum Dominorum, ita vt, vna pars esset vnius, & altera alterius, censenda essent duo numero furti, explicanda in Confessione, etiam si quis, vnico actu, ea furaretur; quia essent duæ iniustitiæ duorum enim Dominorum ius laderetur. His positis.

RESOLVTIO.

- 9 **A**D Casum Responderetur; Titium, tot peccata commississe, quot sunt dies quadragesimæ, in quibus ieiunatur *Sanchez lib. 9. matr. d. 15. n. 5. Vsq. 1. 2. d. 75. c. 2. nu. 10. Et 10. 4. in 3. par. q. 91. ar. 1. d. 4. Azor. 10. 1. lib. 4. c. 4. q. 5. Salas 1. 2. qu. 72. tract. 13. dist. 3. sect. 2. num. 19. Coninch. de Sacram. disp. 7. d. 1. Tanner. 2. 2. d. 4. qu. 2. d. 4. nu. 55. Clauis reg. lib. 2. c. 5. nu. 14. Rodrig. qu. 1. Summ. c. 195. num. 4. Diana de circumst. aggraua. resol. 29. & alij apud illos.*
- 10 Primò; Quia in eodem actu physico, reperiri possunt plures malitiæ morales specie inter se distinctæ; si quis enim habens vorum castitatis, cognoscere coniugata, eadem copula, esset, & for-

nicatio, & adulterium, & sacrilegium. Ergo à fortiori, reperiri poterunt etiam plures malitiæ morales numero distinctæ; distinctio enim numerica, minor est, quam specifica.

- 11 Secundò; Quia coniugatus, qui alterius vxorem cognoscit, eadem copulâ, duplicem malitiam iniustitiæ committit, vnam contra propriam vxorem, alteram contra virum illius, cum qua copulam habet. Secundo, Religiosus, qui rem habet cum femina Vorum castitatis habente, duo committit sacrilegia moraliter distincta. Tertiò, Qui, vno ictu bombardæ, tres homines occidit, tria homicidia numero distincta committit. Quarto, Qui aliquem inducit ad aliam occidendum, duo peccata committit, alterum respectu illius, quem vult occidi, alterum respectu illius, quem inducit. Ergo etiam, qui non vult quadragesimam ieiunare, tot peccata committit, quot in quadragesimâ sunt dies ieiunij; non minus enim, hæc voluntas, est multiplex violatio ieiunij, quam copula coniugati cum coniugata, sit duplex adulterium.
- 12 Tertiò; Quia illa voluntas non ieiunandi dicit ordinem ad plures dies, quorum vnusquisque per se, & independentes ab alio, in illam refundit propriam deformitatem, & contrarietatem cum restâ rationis; non minus, quam copula Coniugati cum Coniugata, dicat ordinem ad alios duos Coniuges, quorum singuli, in illam refundunt propriam malitiam iniustitiæ.

Es-

Ergo voluntas illa tot habet malitias numero distinctas, quot ieiunia. *Quadragesimâ sunt dies; hac enim regula vitur S. Thom. 2. 2. qm. 18. art. 11. ad discernendum;* quando circumstantia, addat nouam malitiam; quando scilicet, est talis, ut sit ex se sufficiens ad refundendam malitiam independentem ab alia.

- 13 *Quartò;* Quia, si quis vno actu, velit tres homines interficere, vel vno actu illos interficiat, tenetur numerum hominum in confessione explicare; similiter coniugatus, qui cum uxore alterius, rem habuit, tenetur explicare, & se esse coniugatum, & cum coniugata rem habuisse. Huius autem obligationis alia ratio assignari non potest, nisi quia in eodem actu physico, sunt plures malitiae morales numero distinctae, & consequenter plura numero peccata; Et ex *Tridentino sess. 14. can. 7.* In confessione explicanda sunt peccata, non solum, quoad species, sed etiam quoad numerum: Cum enim coniugatus explicare tenetur, & se esse coniugatum, & rem habuisse cum coniugata, nisi quia eadem numero copula offendit duplex vinculum. Matrimonij? Ergo, si coniugatus vno actu interno efficaci velit rem habere cum coniugata, eadem circumstantia fateri tenebitur, quia vult offendere duplex vinculum. Matrimonij. Ergo idem dicendum erit de eo, qui vno actu voluntatis, vult plures homines interficere, quia plures vult iniustitias committere; & de eo, qui tota Quadragesima ieiunare non vult;

quia vult plures violationes Ieiunij.

- 14 Neque dici potest, eas circumstantias, esse in confessione explicandas; non quia multiplicent peccata, sed quia eiusdem peccati grauitatem augent. Nam, cum probabilius sit, circumstantias aggravantes, non esse necessario confitendas, sequeretur, esse in potestate poenitentis, illas explicare, vel non explicare: ita enim conscientia sequi vnusquisque potest opinionem probabilem; sicque, qui vno actu, tres homines occidit, satisfacere dicendo; *commisi homicidium, vel habui intentionem committendi homicidium;* quod tamen est contra communem usum, ac sensum fidelium.

- 15 Neque etiam dici potest; istas circumstantias, esse explicandas; non quia constituunt plura numero peccata, sed quia sunt aliquid tenens se ex parte obiecti, & constituens actum in suo esse individuali; Nam poenitens, in confessione, explicare non tenetur differentiam individualement peccati, sed solum specificam; neque enim tenetur dicere, *occidi Petrum;* sed satis est dicere; *occidi hominem.* Si ergo, cum quis, vno actu, tres homines occidit, vnum tantum numero peccatum committit, satis erit dicere; *occidi hominem;* quod tamen nemo concedit.

OBIECTIONVM SOLVTIO.

- 16 **A**D rationes in contrarium. Respondetur; Ad primam; Ne-

Negando antecedens; Sicut enim, qui vno actu tres homines occidit, verè tria homicidia committit; & non vnum; ita, qui vno actu interno, vult efficaciter tres homines occidere, tria peccata iniustitiæ numero distincta committet, & non vnum.

- 17 Ad secundam Respondetur; Negando antecedens, quamvis enim, ille actus sit vnus physicè, habet tamen tres bonitates, quia totidem sunt in actibus externis eleemosynarum à quibus actus internus specificatur, & si quis vno actu tres illos pauperes subleuaret, verè essent tres subuentiones, eo quod tres essent pauperes; quibus subueniretur: sicut, si quis vno actu tres homines occideret, verè essent tres occisiones, siue tria homicidia, & si personæ occisæ essent Clerici, vel clerici tres excommunicationes incurreret, vt docet, *Molina to. 4. sr. 3. d. 41. num. 3.*

- 18 Ad tertiam Respondetur; Negando vltimam consequentiam: Dirigitur autem est, quia actus charitatis, & odij, cum interioribus conueniuntur, nec vllum alium externum respiciant, à quo tanquam ab obiecto specificentur; & sumant suam bonitatem, autem alicui, sed illam accipiant à solo motu voluntatis, siue bonitatem, siue malitiam; & indiuisibilem bonitatem, ac malitiam continent, cum vnicuique indiuisibile habere malitiam. At vero voluntas efficax occidendi, respicit occisionem externam, tanquam suum obiectum; ab eaque specificatur, & accipit suam mali-

tiam; hinc ergo fit, vt quot sunt occisiones, quas respicit, tot illa voluntate sint malitiæ; idemque dicendum est de proposito totam Quadragesimam non ieiunandi.

COROLLARIA.

- 19 Colligitur ex dictis primò; Si quis habeat voluntatem occidendi hominum multitudinem, cuius numerum ignorat; illam voluntatem, tot malitias homicidij continere, quot a parte rei sunt homines, quos vult occidere; imò etiam plures, si ipse probabiliter crederet, vel dubitaret esse plures; quia quantum est ex se, illos omnes vult occidere. Hoc autem intelligendum est etiam de actu inefficaci: si quis enim de tribus fornicationibus delectetur, tria peccata delectationis morosa committeret, eorumque numerus, et in cōfessione explicandus; quia hi etiam actus inefficaces, respiciunt actum externum tanquam obiectum, ab eoque specificantur, & consequenter suam bonitatem, aut malitiam desumunt.

- 20 Secundò; Si quis occidere vult suum cum tota familia, non dicit solus peccata committere, vt vult *Nazarius sum. n. 18.* eo quod tota familia, in iure, vna persona reputetur; & familia sit multarum personarum collectio, siue aggregatio; ut si quoddam totum ex multis ouibus, tanquam ex partibus constitutum; sed tot, quot sunt homines in eà familia; quia singuli homines illius familie, sunt per

INDEX

RERVM NOTABILIVM

QVAE IN PRIMO LIBRO

TRACTANTVR.

Primus numerus, Paginam. Secundus, Numerum indicat.

A



BORTVS, de cuius animatione dubitatur, sufficit ad incurrendam irregularitatem. pag. 102. num. 11.

Absoluens male ex ignorantia, committit unum peccatum consummatum. p. 139. n. 20.

Absoluens a casibus per Decretum Clem. VIII. reservatis, incurrit excommunicationem, a qua non potest absolui a quocumque, vel Privilegiato. p. 19. n. 38.

Absolvere a reservatis per Decretum Clem. VIII. Romae, & extra Italiam possunt Privilegiati. pag. 17. nu. 32. Ex errore Absolventes, vel non Privilegiati, nullibi incurrunt poenas illius Decreti ibi nu. 31. & p. 18. n. 36.

Absolutus a Papalibus per Privilegium in mortis articulo, si po-

stea convalescat, non tenetur se presentare Papa. p. 18. n. 35.

Absolutio a censuris, metu iniusto extorta, est irrita. p. 280. n. 6.

Acceptio personarum, quoad beneficium, materia parvitatem admittit. p. 336. n. 29.

Actio non solum interna, sed etiam externa, est mala si sit contraria conscientiae erroneae. p. 8. n. 27.

Actio aliqua, ratione metus, a peccato excusatur. p. 264. n. 21.

Actio, quot modis esse possit occasio proxima peccandi. p. 339. n. 9.

Actiones, quanam excusentur a scandaloso. p. 348. n. 23.

Actiones impossibiles cum auditione Sacri, an omnes sint causa omissionis Sacri. pag. 359. num. 4. Quanam sint causa omissionis Sacri. p. 360. nu. 8. Quot modis sint cum ipsa omissione comparabiles n. 9. Non omnes sunt peccata. num. 10.

Cc Actio

I N D E X

- Actiones cum Sacro impossibiles, non omnes sunt causa omissionis illius p. 361. n. 11: sed sola prima n. 12. ex vi istius solius panitur omisso num. 14.*
- Actiones, post causam sufficientem omissionis, electas, ipsius omissionis non sunt causa. p. 362. n. 17.*
- Actus externi, licet solum indirecte voliti, inducunt censuras, & obligationem restitutionis. p. 306. num. 13.*
- Actus internus, & externus non sunt duo peccata. p. 138. n. 14.*
- Actus obligatorius obligat ad minimum quod potest. p. 113. n. 10.*
- Actus, qui est causa omissionis Sacri, non habet aliam malitiam, quam ipsius omissionis. pag. 362. num. 18.*
- Actus praecedentes, vel subsequentes actum principalem peccati, sunt unum peccatum cum eo. p. 377. n. 20. Etiam si, ex se, non sint indifferentes, sed mali. num. 21.*
- Actus efficax, in quo differat ab inefficaci. p. 383. n. 14.*
- Actus efficax, an longo tempore durare possit. p. 383. num. 15.*
- Actus inefficaces, cur uniri inter se non possint. p. 383. n. 15.*
- Actus inefficaces, multiplicantur per solam interruptionem. pag. 384. num. 17.*
- Actus efficaces multiplicantur, per solam retractionem. pag. 384. num. 18.*
- Actus efficax post retractionem, est nonnum peccatum. pag. 385. num. 20.*
- Actus idem physicus continere potest plures malitias specie diversas. p. 387. n. 2.*
- Actus externus aliquando est obiectum adequatum actus interni, aliquando inadecuatum. p. 387. num. 6.*
- Actus externus; quando in internam refundat malitiam distinctam. p. 388. n. 8.*
- Actus interni, qui externos non respiciunt, malitiam sumunt, ex solo motivo. p. 388. num. 7.*
- Actus idem, plures malitias numero distinctas continere potest. p. 389. num. 10.*
- Actus idem bonus, plures bonitates continere potest. p. 391. n. 17.*
- Actus charitatis cur unicam bonitatem contineat. p. 391. n. 18.*
- ad Actus valorem, quam voluntas, & libertas requiratur. pag. 48. num. 2.*
- Actus plures physici unam numero malitiam continere possunt. p. 392. num. 23.*
- de Actus cuiuscumque essentia sunt materia, & causa finalis. p. 166. num. 6.*
- Aduertentia semiplena, in quo consistat. p. 313. num. 7. & pag. 315. n. 18. Excusat à mortali. p. 315. num. 17.*
- Aduertentia semiplena indicia. pag. 316. num. 21.*
- Adultera, an à Marito cogi possit, ad professionem emittendam. p. 270. n. 2.*
- Adulterinus filius natus in domo mariti, praesumitur legitimus, donec probetur contrarium. p. 91. n. 6.*
- Adultus, ex metu mortis, baptismummittere potest. pag. 257. num. 61.*
- Actas ad Ordines, Matrimonium,*

in professionem requisita, materia paruitatem non admittit. pag. 335. num. 25.
 Actus dubia Fidei, non reddit dubiam potestatem irritatiuam Patris. pag. 124. n. 17.
 Actus legimus ad Ordinem Presbyteratus, est annus vigesimus quartus completus. p. 98. n. 17. in dubio an sit completus, non licet eum Ordinem suscipere. ibidem.
 Aetas dubia inualidat professionem. p. 100. n. 2.
 Alienatio de cuius valore dubitatur, est valida. p. 104. n. 15.
 Amicitia sola, non est ratio sufficiens deponendi practice, dubium. p. 66. num. 13.
 An ex duobus malis, semper sit eligendum minus. p. 88. n. 22.
 Animus matrimonium extorquendi, si non manifestetur, non nocet. p. 269. n. 14.
 Applicatio ignis ad domum comburendam, an unquam liceat. p. 265. num. 25.
 Applicatio hodierna Sacrificij die crassina offerendi, sufficit. p. 161. num. 12.
 Aquam, in calice, vino non miscere, est mortale. p. 326. num. 20.
 Arma Turcis suppeditare, non est intrinsece malum. p. 262. num. 12.
 Est cooperatio solum materialis. p. 263. num. 16.
 Articulorum Fidei, ac preceptorum Decalogi ignorantia, in quo differant. p. 145. n. 13.
 Articulum aliquem ex ignorantia vincibili negans, peccat solum contra Fidem. p. 144. n. 11. Contra eandem etiam peccat, qui ex

eadem ignorantia, exponit se periculo negandi. p. 145. n. 12.
 Assensus Fidei quam requirat auctoritatem. p. 54. num. 74. eo deinceps.
 Assensus opinatiuus est voluntarius. p. 33. num. 16. Est regula operandi, solum radicalis. p. 44. n. 47.
 Auctoritas requisita ad assensum Fidei, quamam sit. p. 54. n. 74.

B

Baptismus, ex metu mortis omitti potest. p. 257. n. 16.
 Baptizans, vel tenens in baptismo Filium communem ex conscientia erronea, non priuatur iure petendi debitum. p. 16. num. 26.
 ad Baptizandum non sufficit intentio praterita. p. 164. n. 23.
 ad Baptismum recipiendum sufficit intentio praterita. p. 164. n. 24.
 Beneficia plura retinens cum opinione probabili, non peccat. pag. 37. num. 23.
 Beneficij promissio, ad quem in dubio, pertineat. p. 91. num. 7.
 Beneficij tenuitas, in dubio non excusat a recitatione Officij. pag. 93. num. 15.
 Beneficiarius Sacerdos, Officium omittens, quot peccata committat. p. 370. num. 16.
 Beneficij Parochialis collatio ex errore circa mores, & doctrinam, est inualida. p. 184. n. 9. Mores, & doctrina concurrunt ad constituendum digniorem. ibi num. 10. Ideoque sunt simul causa impulsiva, ac finalis. p. 185. n. 11. Sicut infirmitas constituit pauperem.

magis indigentem. ibi n. 12. & sicut in matrimonio, qualitas pertinet ad personam. ibi n. 13.

in Beneficij simplicis collatione, mores, & doctrina sunt causa solum impulsiva. p. 185. n. 14. in collatione verò beneficij Parochialis, sunt etiam causa finalis. p. 186. n. 15.

Beneficij resignatio metu extorta, an sit validè iure positivo. p. 280. n. 3. Est rescindenda. n. 8. & pag. 281. num. 10. Si addatur incarceration, est nulla. n. 11.

Blanditijs acquisita, restitutioni obnoxia non sunt. p. 292. n. 19.

Blasphemia in loco Sacro quoduplex sit peccatum. p. 371. n. 19

Blasphemia, materiæ leuitatem non admittit. p. 333. n. 20.

Bona intentio, aliquam malitiæ ignorantiam inducit. p. 309. num. 11.

Et minuit rationem voluntarij, n. 12. per accidens. p. 310. n. 13.

Bona intentio tendit in furtum solum tanquam in medium. p. 310. num. 15.

Bonitas intentionis, an minuat malitiam furti. pag. 308. n. 3. Non minuit sicut calor minuit, in aqua frigus. n. 5. & 6.

Bonitas operis, non minuit malitiam finis. p. 308. n. 7.

Breuiarij proiectio, est causa omissionis Officij. p. 361. n. 16.

Breuiarij proiectio, est virtualis omisso Officij. p. 306. n. 12.

C

Casibus reſeruatis in Decreto Clem. VIII. Absoluentes Romæ, vel extra Italiam, non incur-

runt pœnas, & censuras in eo Decreto contentas. pag. 17. nu. 32. Imo neque in Italia, si faciant eum errore. ibi num. 31. vel sint Sacerdotes non priuilegiati. pag. 18. num. 36;

à Casibus Episcopo reſeruatis à iure, & à Papalibus occultis absoluere possunt, qui habet priuilegium absoluendi ab omnibus casibus, & censuris etiam Pontifici reſeruatis. pag. 17. num. 32.

à Casibus, quos Episcopi ipsi sibi reſeruant, non possunt absoluere Regulares, etiam extra Italiam. p. 18. n. 33.

Casus reſeruati nomine, veniunt etiã censura. p. 19. n. 37.

Casus reſeruati à Clem. VIII. quinam sint, & ubi reſeruentur. p. 17 num. 31. & deinceps. Ab ijs absolutus in mortis articulo ab aliquo Priuilegiato, non tenetur poslea, si conualuerit, presentare se Pontifici. p. 18. n. 35.

Caupones, quæ prestare possint sine scandalo. p. 347. n. 22.

Catholicus, an ducere possit Hæreticam. p. 342. n. 23.

Causa finalis intrinseca, quid sit: & quid extrinseca. p. 177. n. 7.

Causa finalis emptionis, quando nam coincidat cum eiusdem causa materiali. p. 215. n. 12.

Causa finali cessante, cessat lex. pag. 189. num. 10.

Causa, quæ respectu Voti simplicis, est finalis, respectu solemnis est impulsiva. p. 189. num. 11.

Causa finalis, & materia sunt de essentia cuiuscunque actus. p. 166. num. 6.

- Causa materialis, & finalis emptio-
nis, quanam sit.* p.166. n.7.
- Causa materialis, & finalis donatio-
nis quanam sit.* p.167. n.8.
- Causa finalis quid sit, quid impulsu-
us.* p.178. n.9. *Regula ad eas di-
stinguendas.* p.180. num.18.
- Causa finalis, qua.* p.181. n.19.
- Causa qualibet est finalis respectu
voluntatis conditionata.* pag.181.
num.20.
- Causa impulsiva, est aliquando cir-
cunstancia causa finalis.* p.184.
num.7. *Hoc contingit, cum causa
finalis est terminus comparativus.*
ibi num.8. *In quibus casibus error
circa causam impulsivam, vitiet
actum.* p.186. num.17.
- Causa in dubio Voti, praesumitur
impulsiva, & cur* p.190. num.14.
- Error circa unam causam, non
tollit valorem Voti, si alia subsi-
stat.* ibi. num.15.
- Causa inductiva non vitiat contra-
ctum onerosum.* p.169. num.20.
- Aliquando nec etiam gratuitos.*
ibi. num.21.
- Causa impulsiva. vide, Error circa
causam impulsivam.*
- Causa iusta reddit omnino tutam
partem cateroqui minus tutam.*
p.97. n.12.
- Causa moralis, quia sit.* p.359. nu.5.
non requiritur, ut ab ea sola sit
effectus. p.359. n.6.
- Causa motiva Voti, satis est si subsi-
stat tempore executionis.* pag.195.
num.6. *Sicut in Voto facto ad Fi-
lij sanitatem obtinendam.* ibi n.7.
*Etiam in Dispensatione satis est,
ut causa subsistat tempore concef-
sionis.* ibi n.8.
- Causa motiva Voti existere potest
tempore executionis, licet non
existat tempore emissionis Voti.*
p.195. n.10. *Error circa causam
pro tempore executionis, reddit
Votum invalidum.* p.196. nu.11:
*Per causam cessationem Votum non
extinguitur, sed suspenditur.* ibi
num.12.
- Causa motiva in contractibus onero-
sis non pertinet ad eorum sub-
stantiam.* p.200. num.16.
- Censura, de cuius valore, ac circum-
stantijs dubitatur, ligat.* pag.102.
num.10.
- Censura dubia non ligat.* pag.98.
num.18.
- Circunstancia inadvertentia, cur in
Confessione explicanda non sit.*
p.301. n.18.
- Circunstancia iuris humani, quando
in Confessione, non est explican-
da.* p.252. n.16.
- Circunstancia facti, in dubio semper
praesumitur.* p.101. n.5. *quia fa-
ctum tunc possidet.* p.102. n.6.
- Circunstancia defectus in neutro fo-
ro praesumitur.* p.102. num.8.
- Circunstancia alicuius ignorantia
mera, non impedit valorem actus.*
p.151. n.13.
- Circunstancia ignorantia, quando
impediat valorem actus.* p.152.
num.14.
- Circunstancia alicuius error conco-
mitans, non impedit valorem actus.*
p.156. n.27. *Idem dic de Ignoran-
tia affectata.* ibi n.28.
- Circunstancia particulares, sunt sa-
pe causa sufficiens deponendi du-
bium.* p.67. n.16.
- Circunstancia, quae respectu unius*
actus

I N D E X

- actus sunt accidentales, respectu alterius sunt substantiales.* p. 186. num. 18.
- Circumstantijs mutatis, an promissio obliget.* p. 191. n. 3.
- Clericus, cum opinione probabili plura retinens beneficia non peccat.* p. 37. n. 23
- Coactio quæ est ab intrinseco, libertatem non tollit.* p. 269. n. 12.
- Coactio, an reddat irritum matrimonium.* p. 283. n. 2.
- Coactio, formaliter iusta, matrimonium irritat.* p. 286. n. 7. ad illud irritandum, sufficit coactio iniusta materialiter. n. 9. Vnde oriatur tunc nullitas matrimonij. pag. 287. num. 14.
- Coactio, ut matrimonium non irritet, debet esse materialiter, & formaliter iusta.* p. 287. n. 15.
- Communicatio cum Excommunicato, licet ex metu, non excusatur à culpa.* p. 249. n. 5.
- Concubina, an Domini domum desecrare teneatur.* p. 343. n. 22.
- Concurrentibus ad beneficium duobus, quorum excessus in dignitate sit dubius, potest Episcopus utrumlibet præferre.* p. 67. n. 14.
- Concurrentibus duabus possessionibus prævalet antiquior.* p. 123. n. 13.
- Conditio, participat rationem causa motiva.* p. 187. n. 2. Videtur participare rationem causa impulsivæ. p. 188. n. 3.
- Conditionata voluntas, in quo differat ab absolute.* p. 188. n. 5.
- Conditio est similis causa finali.* p. 188 num. 6.
- Conditio in ebrietate posita, non reddit invalidam promissionem ante ebrietatem factam.* p. 162. n. 15.
- Conditionata promissionis obligatio incipit quando ponitur conditio.* p. 163. n. 19.
- Conditionata promissio in quo adæquatè consistat.* p. 163. n. 20. Quid requiratur ut obliget. ibi n. 21.
- Conditio in Voto simplici est causa finalis.* p. 190. n. 12.
- Conditio possidentis in dubio quare melior.* p. 77. n. 12.
- Conditio possidentis melior est in quacumque materia.* p. 84. n. 10.
- Confessarius, levis obligare non potest in materia gravi.* pag. 320. num. 22.
- Confessionis sigillum, materia paritatem non admittit.* pag. 334. num. 22.
- Confessiones nihil habent, in quo uni inter se possint.* p. 375. n. 13. Non ordinantur ad aliud. p. 376. num. 14.
- in Confirmatione tenens communem Filium ex conscientia erronea, non privatur iure petendi debitum.* p. 16. n. 26.
- Coniugis peccandi periculum permittitur.* p. 340. n. 13.
- Coniux cognoscens consanguineam coniugis, vel baptizans, aut tenens in Baptismo, vel Confirmatione Filium communem, propter conscientiam erroneam non privatur iure petendi debitum.* p. 16. num. 26.
- Conscientia in foro interno est legitimus Iudex inter voluntatem, ac legem.* p. 83. n. 9.
- Conscientia obligat non virtute propria, sed virtute præcepti, quod representat.* p. 25. n. 6.

Conscientia erronea, Prælati præcepto præferenda est, & cur. p. 25. n. 7. 8. & 9. Obligat nomine Dei. p. 26. n. 10. Quid requirat ad hoc, ut plus obliget quam Prælati præceptum. p. 26. n. 12. & 13. etiam quando est vincibilis, strictius obligat, quam Prælati præceptum ibi n. 14. Quando verò vincibilis est, tunc Prælati præceptum obligat non solum ad obediendum, sed etiam ad talem conscientiam deponendam. p. 27. n. 15.

Conscientia quid sit. p. 30. n. 2.

Conscientia probabilis quid sit. p. 30. n. 3. & deinceps.

Conscientia dubia nominè quid intelligatur. p. 56. n. 2. & deinceps.

Conscientia dubia, non est propriè conscientia. p. 61. n. 18.

Conscientia obiectivè dubia, in quo differat à dubiâ formaliter. p. 62. num. 21.

Conscientia speculativè dubia, vel est circa ius, vel circa factum. pag. 63. num. 2.

Conscientiam dubiam deponere licet ex solo titulo legitimæ possessionis. p. 77. n. 11.

Conscientiæ debet nota esse obligatio ad hoc ut liget. p. 85. num. 13.

Conscientia erronea cur excuset à culpa. p. 6. n. 15.

Conscientia erronea, nunquam est Divina legi contraria p. 8. n. 23.

Conscientia erronea dictans dilectionem Dei esse peccatum, repugnat. p. 8. n. 26.

Conscientia erronea obligat solum per modum applicationis. pag. 9. num. 28. Et quatenus creditur esse præceptum Dei. ibi. n. 29. Debet

esse actum dum operamur. ibi r. 3. Ut possit deponi, requiritur aliqua ratio ibi n. 30. Dum dicitur duas rationes oppositas, non potest peccari. ibi n. 32. Est testis, Iudex, & regula. p. 10. n. 33.

Conscientia erronea, alia vincibilis, alia invincibilis, & utraque quid sit. p. 12. n. 6. Iuxta conscientiam erroneam vincibilem operari, est peccatum, & cur. p. 13. num. 8. 9. & 10.

Conscientia erronea est culpabilis, non quatenus representat bonum, sed quatenus posita suspitione de lege, obligat ad inquirendum. p. 13. n. 13. Peccans ex conscientia erronea non semper incurrit penas legis. ibi p. 14. n. 15. & 16. Tam iuxta quam contra conscientiam erroneam agendo, peccari potest. p. 15. num. 23.

Conscientia erronea culpabilis in quo differat ab inculpabili. p. 15. n. 24. An gravius peccetur agendo contra, an verò iuxta conscientiam vincibilem. ibi n. 25.

Conscientia erronea refundit in actum bonitatem, vel malitiam illius generis, quod representat. pag. 21. num. 5.

cum **Conscientia** erronea, quod aliquid sit peccatum in genere, operans, peccat mortaliter. p. 21. n. 6. & deinceps. Putans aliquid esse peccatum in genere, peccat contra præceptum generale dictans bonum esse sequendum. p. 22. n. 12. Putans aliquid esse virtuosum facit actum illius virtutis, quam putat. ibi n. 13. Si tamen error sit vincibilis, opus, non est bonum, sed

I N D E X

- sed malum. ibi num. 14.*
Conscientiæ erronea vis ad obligandum, examinatur. p. 2. n. 1. &c.
Conscientia quid, & quoduplex. p. 4. num. 10.
Conscientia cur sit proxima regula operandi. p. 5. n. 12.
Conscientia quam habeat vim præcepti, & quam Consilij. p. 6. num. 14.
Conscientiæ munus, quid sit. p. 297. num. 2.
Consecrare non licet in fermentato, ad Viaticum infirmo ministrandum. p. 247. num. 22.
Consensus directus, & indirectus, quid. p. 313. n. 9.
Consensus imperfectus reputatur communiter solum venialis. pag. 314. num. 14.
Consilij reuocatio in foro externo non presumitur sufficiens, quando factum est secutum. pag. 108. num. 15. Efficacia sequi solet consilium. ibi n. 16.
Consiliarius rationabiliter obligatur ad damna. p. 108. n. 19.
Consilij efficacia rationabiliter presumitur. p. 109. n. 2.
Consilij reuocatio non semper est sufficiens. p. 109. n. 22.
Consilium ad faciendum homicidium quot modis dari possit. pag. 106. num. 8.
Consilio reuocato, Consulens aliquando ad nihil tenetur. p. 107. num. 9. Possessio tunc stat pro reuocatione. ibi, n. 10. In foro externo consilium censetur sufficienter reuocatum. ibi n. 11.
Consulens aliquando etiam reuocato consilio tenetur ad damna, p. 107. n. 12. Possessio tunc stat pro efficacia consilij. ibi. n. 13.
Consuetudo peccandi includit contemptum. p. 349. n. 4.
Consulens dubitans, se suo consilio fuisse causam mortis, tenetur ad damna. p. 107. n. 14.
Contra idem præceptum plura numero peccata committi possunt. p. 146. n. 19.
Contractus à dormiente factus per Procuratorem, est validus. p. 162. num. 14.
Contractus, à detruso in carcerem celebratus, est validus. pag. 269. num. 16.
Contractus, per iniuriam celebratus, iure natura est irritus. pag. 275. num. 3.
Contractus, metu iniusto celebratus dominium transfert. p. 278. n. 17. & est etiam iure positio validus. num. 18. Est tamen rescindendus. num. 19.
Contractus, ut obligent, debent à iure positio, approbari. p. 290. num. 10.
Contractus gratuiti, & onerosi differentia. p. 201. n. 18. Alia differentia. ibi n. 19. Regula vniuersalis pro contractibus gratuitis, & onerosis. p. 202. n. 20.
Contractus non semper vitatur ob errorem circa qualitatem materia. p. 209. n. 2.
Contractus onerosi, & gratuiti in quo differant. p. 169. n. 19.
Contractus onerosus non vitatur ex errore circa causam inducendam. p. 169. n. 20. Aliquando nec gratuitus. ibi n. 21.
Contractus onerosi habent motuum di-

distinctum à motiuo Operantis: secus gratuiti. p. 171. n. 7. Ingratuitis, idem semper est motiuum operis, & Operantis. ibi n. 8. Ideo error circa motiuum operandi hos semper irritat. ibi n. 9. motiuum operandi in his est causa finalis intrinseca operationibus. pag. 172. num. 10.

in Contractibus lucrativis idem est finis operis, & Operantis. pag. 175. num. 22.

Contractus, in dubio minoritatis, non videtur irritabilis à Patre. p. 121. num. 5.

Contractus rescissio, est fauor ætatis: p. 122. n. 6. Idem dic de Voti irritatione ibid. In dubio minoritatis, utrumque fieri potest à Patre. ibi n. 9. In tali dubio, possidet in Patre potestas irritandi, & rescindendi. ibi n. 10.

in ordine ad Contractus, quam potestatem habeat Respublica pag. 233 n. 4. De facto, aliquos Contractus iure natura irritos conualidat. ibi n. 5. Ius civile quandam det actionem ad Contractum rescindendum. p. 334. nu. 7. Et quando concedat actionem redhibitoriam. ibi n. 8.

Contractus valide, vide Respublica.

Contractus ex errore concomitante qui non sit circa materiam adæquatam, non vitiatur. pag. 240. num. 12.

Contractus bonæ fidei, & stricti iuris quid. p. 222. n. 9. Quomodo inter se differant. pag. 223. n. 10. Alij Contractus, iure civili, irriti. pag. 224. num. 13. Iura Contractuum

irritant in odium deceptoris. ibi n. 14. Non obstat lex, si dolo. ibi n. 15. Argumentum ab equiparationis quando valeat. ibi n. 16. Quinam dolo Contractum irriat. p. 225. n. 17. Deceptor, per Contractum dolum acquisita tenetur restituere. ibi n. 19.

Contractus bonæ fidei per legem, & & eleganter &c. irritatur, non aut rem stricti iuris. p. 225. nu. 20. Non semper omnes Contractus dolo irritantur. p. 226. n. 23.

Contractus an irritetur ex errore profecto ex dolo Tertij. p. 228. n. 3. Non irritatur. ibi n. 5.

Contractus imperfecti, & perfecti, quid. p. 228. n. 7.

Contrahens, quot modis errare possit circa causam inductiuam. p. 229. num. 8.

Contumelia, materiæ leuitatem admittit. pag. 331. num. 12.

Cooperari Christianorum neci, an unquam liceat. p. 259. n. 4. videtur intrinsece malum. ibi.

Cooperari malo proximi quot modis quis possit. p. 261. n. 10.

Cooperatio ex metu, non est voluntaria. p. 262. n. 13.

Cooperatio materialis, non est intrinsece mala, sicut est formalis. p. 263. n. 17.

Cooperatio formalis opponitur præcepto negativo. p. 264. n. 19.

Cooperari peccato alterius, est peccatum scandalum. p. 343. n. 4.

Cooperari directe peccato proximi, quid sit. p. 344. n. 6. quid, cooperari indirecte. n. 7. Quæ obligatio non cooperandi. n. 8.

Copula Coniugati, cum Coniugata, est

I N D E X

est duplex adulterium. pag. 389. num. 11.

Copulam habens cum Consanguineâ sua Coniugis ex conscientia erronea, non priuatur iure petendi debitum. p. 16. n. 26.

Cur aliquid moraliter certum, appelletur aliquando dubium. p. 87. num. 19.

D

Debiti remissio, facta ex desperatione illud recuperandi, non tenet. p. 292. n. 18.

Debitorum solutio, anima defuncti non prodest. p. 173. n. 15. & deinceps. Prodest autem, cum rationem habet elemosinæ. pag. 174. num. 21.

Debitum dubium ad nihil obligat. p. 99. n. 19.

Deceptor, per contractum dolosum, acquisita tenetur restituere. p. 225. num. 19.

Decretum Clementis VIII. circa casus reservatos, quos, & ad quid obliget. pag. 17. num. 31. Comprehendit etiam Insulas Italie adiacentes. ibi n. 33. Non obligat extra Italiam, & Roma. ibi n. 32.

Deliberatio plena, ad peccatum mortale requiritur. p. 314. n. 11.

Depositarius, ad quid in dubio teneatur. p. 80. n. 25.

Desiderium sæmina in communi, est peccatum speciale. p. 364. n. 6.

Detractiones leues de pluribus, sunt solum veniale. p. 357. n. 10.

Deus quot modis considerari possit. p. 298. n. 8.

Dei offensæ, est actio contra Dei le-

gem, vel formaliter, vel consequenter. p. 300. n. 15.

Dictamen prudentiæ, quo syllogismo concludatur. p. 55. n. 77.

Dictamen quod est regula immediata operationem non præcipit, sed permittit. p. 35. n. 20.

Diebus festis, labor duarum horarum, videtur esse materia levis. p. 227. n. 23.

Differentia individualis peccati, non est necessariò confitenda. pag. 390. num. 15.

Difficultates notabiles in Voto ignoratæ, videntur illud reddere nullum. p. 217. n. 3. Aliud est difficultates ignorare; aliud circa illas errare. ibi n. 6.

Dirimentis impediementi dubius, post debitam diligentiam non indiget Episcopi dispensatione. p. 89. n. 27.

Dispensatio ut valeat, satis est, si causa subsistat tempore concessionis. p. 195. n. 8.

Diuersitas numerica peccatorum, sumitur ex diuersitate obiectorum & actionum exteriorum. p. 375. num. 12.

Diuersitas peccatorum interiorum voluntatis, quæ. p. 380. n. 6.

Diuersitas inter actus efficaces, & inefficaces. p. 383. n. 14.

Doctrina de opinione probabili, est communis. p. 49. n. 61. Eius electio est licita in quacunque materia. p. 50. n. 63. Etiam si rationum oppositarum ignoretur solutio. ibi n. 64.

Dolus, dans causam contractui, illum non irritat. p. 276. n. 11.

Dolus, Error, & Ignorantia per quid differant inter se. p. 151. n. 12.

De-

Dolus matrimonium non irritat. p. 226. n. 21. Neque Professionem Religiosam. ibi n. 22. Nec semper reliquos contractus. ibi n. 23.

Dolus circa causam inducitur, quando trahit errorem circa substantialia, contractus est nullus. p. 230. n. 13. Si tamen addatur protestatio, est validus, & quomodo, ibi num. 14. Dolose inducens tenetur ad damna, pag. 231. n. 15. Si alius contrahens sit doli conscius, contractus est nullus: ibi n. 16. Imo etiam si illum ignoret ignorantia moraliter vincibili. ibi n. 17.

Dolus Venditoris, emptionis valori non videtur obviare. p. 222. n. 3. **Dolus Venditoris**, emptionem iure civili irritat. p. 223. n. 21. Quanam iura hoc decernant. ibi num. 12.

quinam Dolus contractum irritet. p. 225. n. 17.

Dolus velatus, non irritat contractum. p. 225. n. 18.

Donatio Latroni, ex metu facta, cur sit rescindenda. p. 273. n. 16.

Donationis, quam sit causa materialis, & finalis. p. 167. n. 8.

Donatio ex errore circa personam Donatarii, est inualida. pag. 168. num. 15. Persona Donatarii pertinet ad causam finalem donationis. ibi n. 16.

in Donatione, voluntas semper est virtualiter conditionata. pag. 168. num. 17.

Donatio, personam essentialiter respicit. p. 168. n. 18.

ad Dubia non se extendit potestas Superioris. p. 115. num. 18.

Dubia conscientia, non est proprie conscientia. p. 61. n. 18. Cum dubio operans committit peccatum eius speciei, de qua dubitat. ibi nu. 19.

In dubio practico pars tutior necessaria est eligenda. p. 62. n. 20.

Dubia materia an eximat ab obligatione precepti. p. 111. n. 2.

Dubia obligatio non ligat in foro externo. p. 86. n. 17.

ad Dubium deponendum, prater possessionem, dantur etiam alij tituli. p. 89. n. 29.

ad Dubium deponendum, an sufficiat titulus possessionis. pag. 75. n. 2. & deinceps. Titius sericis pannis utendo cum dubio, non peccavit. p. 77. n. 10. Dubiam conscientiam deponere licet ex solo titulo legitimæ possessionis. ibi n. 11.

Dubitans, an expleuerit annum 21. non tenetur ieiunare. p. 85. n. 14.

Dubitans an media nox sit elapsa, non dubitat an sit ieiunus. p. 72. num. 18. Sed hoc rationabiliter presumit. ibi n. 19. Cum dubio media noctis haberi potest certitudo ieiunij. ibi n. 22.

Dubitans de beneficii tenuitate, tenetur Officium recitare. pag. 93. num. 15.

Dubitans an ex animo Votum emisserit, obligatur. p. 102. n. 7.

Dubitans an Lex sit abrogata, tenetur illam servare. p. 103. n. 12.

Dubitans an homicidium sit secutum ex suo consilio, censetur irregularis. p. 102. n. 11.

Dubitans an materia quam vovit sit indifferens, obligatur. pag. 103. num. 13.

Dubitans se, suo consilio, fuisse cau-

I N D E X

- causam mortis, tenetur ad dam-*
na. p. 107. n. 14.
- Dubitans an sui Pralati potestas le-*
gitima sit, tenetur obedire. p. 109.
num. 24.
- Dubitans de impedimento matrimo-*
nij dispensationem petere non te-
netur. p. 96. n. 9.
- Dubitans de matrimonij valore, an*
possit petere debitum. p. 89. n. 28.
- Dubitans de materia honestate non*
tenetur obedire. p. 113. num. 12.
Quomodoque dubitet. ibi n. 13.
- Dubitans de precepto, post debitam*
diligentiam non obligatur. p. 88.
num. 24. Similiter nec dubitans de
Voto, aut iuramento, ibi n. 25.
- Dubitans de impedimento dirimente*
post debitam diligentiam non indi-
get Episcopi dispensatione. pag. 89.
num. 27.
- Dubitans de sufficientia sua scientia*
ad audiendas confessiones, non te-
netur obedire Superiori precipien-
ti, ut audiat. p. 113. n. 11.
- Dubitans de utraque parte, vel mi-*
nus malam, vel utramlibet elige-
re potest. p. 60. n. 16.
- Dubitans de valore matrimonij, an*
possit petere debitum. p. 79. n. 20.
- Dubitans miles de sui Principis ius-*
titutia in bello, quomodo possit il-
lum licite sequi. p. 64. n. 3.
- Dubitans Episcopus uter ex concur-*
rentibus ad beneficium, sit dignior
quomodo possit utrilibet conferre.
p. 64. n. 40.
- Dubium quid, & quod duplex sit. p. 58.*
num. 7.
- Dubium speculative quid sit. p. 58.*
num. 8.
- Dubium practicum quid sit. pag. 58.*
n. 8. Vxor cum dubio practico de-
bitum reddens, peccat mortaliter.
p. 59. n. 9. Cum dubio practico ope-
rari, est intrinsece malum. ibi
n. 10. Est contra preceptum, quod
prohibet operationem. ibi num. 11.
Qui cum dubio practico operatur
saltem indeterminate vult malum
ibi n. 12. Necessario male opera-
tur. p. 60. n. 13. Cum dubio spe-
culativo operari, potest non esse
malum. ibi n. 14. Quando non est
malum. ibi. n. 15.
- Dubium, cum post debitam diligen-*
tiam vinci non potest, aequale
ignorantia inuincibili. p. 70. n. 9.
Cum dubio media noctis Titius
accedens ad Eucharistiam non
peccauit. ibi n. 10.
- Dubium de filij atate, non trahit du-*
bium de Patris potestate. pa. 124.
num. 17.
- Dubium de honestate materia Voti,*
trahit dubium de ipso Voto. p. 119.
num. 9.
- Dubium facti quandoque trahit*
dubium iuris. p. 88. n. 23.
- Dubium facti trahit secum dubium*
iuris. p. 70. nu. 12. In dubio facti
preceptum non est in possessione
obligandi. p. 71. n. 13.
- Dubium nunquam potest esse regula*
operandi. p. 67. n. 15. Circumstan-
tia particulares, sunt sepe ratio
sufficiens deponendi dubium. ibi
num. 16.
- Dubium quod operatio sit illicita,*
sufficit ad peccandum. p. 61. n. 17.
- Dubium speculative, & iudi-*
cium practicum certum quando
possint dari simul. p. 85. n. 12.
- Dubium speculative per se loquen-*
do

- do trahit practicum. p.64. n.6. Titius rem dubiam uni parti applicando mortaliter peccauit. p. 65. n. 7. Operari cum dubio speculatio, quando non datur ratio illud practice deponendi, est intrinsece malum. ibi n.8. Idem est, ac operari cum dubio practico. ibi n.9. Vnum necessarium insertur ex alio. ibi n.10.
- Dubium superueniens, certa rei possessione spoliare non potest. p. 71. num.15.
- Dubius de aliquo facto, post debitam diligentiam, habetur pro laborante ignorantia inuincibili. pag. 71. num.16.
- Dubius de ieiunio a culpa, non potest accedere ad Eucharistiam. p. 72. n.23.
- Dubium speculatiuum, fieri potest practice certum. p.73. n.24.
- Dubius rei Dominus, cur postponendus possessori. p.78. n.14.
- Dubium in inchoante possessionem, impedit bonam fidem, non autem in continuante. p.79. n.16. Cum dubio retinens possessionem, nulli se periculo exponit. ibi n.17.
- cum Dubio operans, ante debitam diligentiam, iuste punitur. p.87. n.18. Cur aliquid mortaliter certum appelletur aliquando dubium. p.87. n.19.
- cum Dubio speculatio potest formari iudicium practicum. p.70. n.11.
- in Dubio an expositus sit legitimus, reputandus est illegitimus. pag.93. num.16.
- in Dubijs, an, & quando tutior pars sit eligenda. p.73. n.25. Post adhibitam diligentiam, qualibet pars est aequae tuta. ibi num.26.
- in Dubio, cur melior sit conditio possidentis. c.77. n.12. Possessio in dubio sufficit ad formandum iudicium, certum de licito usu rei. p.78. num.13.
- in Dubio dignitatis duorum concurrentium, potest Episcopus utrilibet conferre beneficium. pag. 66. num.14.
- in Dubio, factum non praesumitur, sed probari debet. p.69. n.8.
- in Dubio iuris duorum, res uni iuste applicari non potest. p.65. num.11. In simili dubio Iudex hereditatem diuidere tenetur. p.66. n.12. Sola Amicitia, non est ratio sufficiens dubium practice deponendi. ibi num.13.
- in Dubio obligationis, praeceptum non obligat. p.71. n.14.
- in Dubio quando tutior via eligenda sit. p.85. n.11.
- in Dubio minoritatis, potest Pater irritare Votum, & rescindere contractum factum a filio. p.122. n.9. In tali dubio possidet in Patre potestas irritandi, & rescindendi. ibi n.10.
- in Dubio praeceptum obligat, quando possessio stat pro ipso. p. 87. n. 20. Ex homicidio dubio cur contrahatur irregularitate. p. 88. n. 21.
- in Dubio, iurisdictio non potest exerceri. p.99. n.20.
- in Dubio aetatis, Professio non valet. p.100. n.21.
- in Dubio, praesumitur factum, quod iure erat faciendum. p.100. n.22.
- in Dubio, circumstantia facti semper praesumitur. p.101. nu.5. Factam tunc possidet. p.102. n.6.

in

I N D E X

in Dubio practico, nulla datur iuxta causam sequendi partem minus tutam. p.97. n. 13.

in Dubio, Votum non obligat. p.98. n. 14. *Neque peccatum, aut reservatio.* ibi n. 15. *Neque lex, aut praeceptum.* ibi n.16.

in Dubio atatis, Ordines suscipere non licet. p.98. n.17.

in Dubio, Censura non ligat. p. 98. num.18.

in Dubio, ad quem pertineat prouiso beneficij. p.91. n. 7. *Possessio stat pro reservatione Pontificis.* p.92. n.3. *Noti pro Episcopi iurisdictione.* ibi n.9. *Dubium est de eius inceptioe.* ibi n.10. *Presumptio iuris est pro reservatione.* ibi n.11. *Constat de reservatione, non de eius cessatione.* ibi n. 12. *Incaptio iurisdictionis Episcopi, cum sit quid facti, non praesumitur.* p.93. num.14.

pro Dubio facti datur principium quoddam vniuersaliissimum. p.95. n. 7. *Idem principium magis probatur.* p.96. n.8.

B

Brietas ex se semper est contra temperantiam. p.140. n.25.

Ebrii promissio quando obliget. p.160 num.10.

Ecclesia, an obligare possit cum vitae periculo. pag. 245. num. 16. & n.21. p.246.

Effectus peccati, an sit peccatum. p.303. n.3.

Efficacia solet sequi consilium. p.108. num. 16.

Electio ad beneficium, metu facta,

est irrita. p.280. n.5. & pag.281. num.13.

Eleemosyna facta etiam cum ignorantia antecedente, aliquando est valida. p.220. n.16.

in Eleemosynae distributione, pauperis infirmitas, regulariter est solum causa impulsiva. pag. 186. num.16.

Emptio cum errore circa materiam valida est, non autem matrimonium, & cur. p.140. n.11.

Emptio ex sola deceptione orta, iure ciuili est valida. p.234. n.6.

Emptio ex dolo Vendoris irritatur iure ciuili. p.223. n.11. *Quenam iura hoc decernant.* ibi n.12.

Emptio quamuis cum ignorantia circa qualitatem rei empti, est valida. p. 153. n. 17. *Est voluta per voluntatem absolutam, & hac sufficit ad valorem.* p.154. n.18.

Emptio quamuis ex errore circa motum emendi, est valida. p.178. n.10. *Error tunc est solum circa circumstantiam accidentalem.* ibi n.11. *Sicut in eleemosyna, error circa pauperis mores.* p.179. n.12. & *sicut in matrimonio, error circa Sponsa diuitias.* ibi n.13. *Est error circa finem Operantis, non operis.* ibi n.14.

Emptio, per quam voluntatem constituitur. p. 180. n.15. *Voluntas imperans emptionem, ad eius essentiam non pertinet.* ibi num.16. *Deceptio circa illam est deceptio circa causam impulsivam.* ibi num.17.

Emptionis quenam sit causa materialis, & finalis. p.166. n.7.

Emptio ex errore circa personam non

R E R V M.

- non fit inuálida. p. 167. n. 9. Persona Venditoris est circumſtantia accidentalis emptioni. ibi n. 10. Sicut etiam qualitas perſona, cum quâ contrahitur matrimonium. ibi n. 11.*
- Emens, regulariter voluntatem habet abſolutam, non conditionatam. p. 168. n. 14.*
- Emptio eſſentialiter reſpicit ſolum aequalitatem inter pretium, & rem. p. 167. n. 12. Metus inducens ad emendum, emptionis valorem non tollit. ibi n. 13.*
- Emptionis cauſa finalis, quando nã coincidat cum eiſdem cauſa materialis. p. 115. n. 12.*
- Emptio cur irritetur ex ignorantia vitiorum rei emenda. p. 219. n. 13. in Emptione, ac Venditione non ſolum res vendenda, ſed eiſe etiam qualitates pertinent ad materiam. p. 105. n. 6. Rei valor deſumitur ex eius utilitate in ordine ad vſu, ad quem vendi ſolet. ibi nu. 7. Et ex communi aſſimatione, quam res habet in illo loco. p. 206. n. 8.*
- Episcopus dubitans vter ex concurrentibus dignior ſit, quomodo poſſit utramlibet eligere. p. 64. n. 4. & p. 66. n. 14.*
- Error circa mores, & doctrinam reddit inuálidam collationem Beneficij Parochialis. p. 184. n. 9.*
- Error. Vide Emptio ex errore.*
- Error circa perſonam Donatarij reddit donationem inuálidam. p. 168. n. 15.*
- Error circa virtutem rei vendenda irritat venditionem. p. 206. nu 9. Illam reddit ſimpliciter inuoluntariam. ibi n. 10.*
- Error circa qualitatem materie. nã ſemper vitiat contractum. p. 209. num. 2.*
- Error circa cauſam impulſiuam, in quibus caſibus vitiet actum. p. 186. n. 17.*
- Error circa vnam cauſam, non tollit valorem Voti, ſi alia ſubſiſtat. p. 190. n. 15.*
- Error circa cauſam Voti pro tempore executionis, reddit Votum inuálidum. p. 196. n. 11.*
- Error circa cauſam finalem Profeſſionis, videtur illam reddere inuálidam. p. 197. n. 2. Videtur error circa ſubſtantialia Profeſſionis. p. 198. n. 3. Sicut ſi eſſet circa materiam profeſſionis. ibi nu. 3. & ſicut eſt in Voto ſimplici. ibi nu. 6. Verè tamen illam non vitiat. ibi num. 7.*
- Error circa cauſam motiuam in contractibus oneroſis, non tollit eorum voluntatem abſolutam. p. 199. n. 11. Hac voluntas datur in Profeſſione, ſicut in Matrimonio. ibi n. 12.*
- Error circa cauſam motiuam Profeſſionis, non eſt circa ſubſtantialia. p. 200. n. 15.*
- Error circa cauſam impulſiuam operationem non vitiat. pag. 176. num. 2.*
- Error circa motiuum emendi non inuálidat emptionem. p. 178. n. 10. quia eſt ſolum circa circumſtantiam accidentalem. ibi n. 11.*
- Error circa cauſam inducſiuam nõ vitiat contractus oneroſos. p. 169. n. 20. Aliquando nec etiam gratuitos. ibi. n. 21.*
- Error circa motiuum operandi ſemper*

I N D E X

- per irritat contractus gratuitos*. p. 171. n. 9. *Error circa motium non obligat ad promissa*. pag. 172. num. 11.
- Error circa motium tollit animum se obligandi*. p. 172. n. 12. *Est error antecedens*. p. 173. n. 13. *Est error circa causam finalem*. ibi num. 14.
- Error concomitans, dummodo non sit circa materiam adequatam, contractum non vitiat*. pag. 240. num. 12.
- Error dans causam contractui, illum non irritat*. p. 276. n. 11.
- Error communis*. Vide *Respublicam*.
- Error incidens in emptionem, an eam irritet*. p. 238. n. 3. *Verè non irritat*. ibi n. 6. *Non tollit voluntatem absolutam emendi*. p. 239. n. 7. *Supponitur vincibilis*. ibi n. 8. *Non tollit voluntatem emendi rei, quacumque circumstantia posita*. ibi n. 9. *Non est circa materiam emptionis adequatam*. ibi n. 10.
- Error, Dolus, & Ignorantia per quid differant inter se*. pag. 151. num. 12.
- Error impedit valorem actus, quod non facit mera ignorantia alienius circumstantia*. p. 151. n. 13.
- Error etiam vincibilis circa materiam Voti, sufficit ad reddendum illud invalidum*. p. 156. n. 26.
- Error concomitans alienius circumstantia, actus valorem non impedit*. p. 156. n. 27.
- Error ex dolo Tertij, quod irritet contractum*. p. 228. n. 3. *Quod non irritet*. ibi n. 4. *Quot modis errare possit contrahens circa causam inducivam*. pag. 219. num. 8.
- Error circa valorem extrinsecum rei vendenda, venditionem non vitiat*. p. 230. n. 12.
- Error an contractus iure natura irritos, irritet etiam semper iurè civili*. p. 233. n. 2.
- Error, valoris, quem res alicubi habet, non irritat contractum*. p. 210. n. 7. *Est error circa valorem extrinsecum*. ibi n. 8.
- Error circa materiam operationis, cur illam vitare videntur*. p. 213. n. 3. *Inconueniens inde consequens*. ibi num. 4.
- Error levis circa materiam Voti, non illud irritat*. p. 214. num. 7. *Error notabilis irritat*. ibi n. 8.
- Error circa accessorium non irritat Votum circa principale*. pag. 214. num. 9.
- Error circa circumstantiam materiales, illam non semper reddit inuoluntariam*. p. 215. n. 10.
- de Essentia cuiuscumque actus, sunt materia, & causa finalis*. p. 166. num. 6.
- Euangelium scire non tenebamur ante eius promulgationem*. p. 144. num. 8.
- Eucharistiam sumere cum dubio de mediâ nocte, quomodo liceat*. p. 70. n. 10. & deinceps.
- ad Eucharistiam accedere cum dubio de ieiunio à culpa non licet*. p. 72. num. 23.
- Eucharistia ministratio, occulto peccatori publice petenti, ex iustâ causâ licet*. p. 263. n. 14.
- Excommunicationes lata contra aliquid præsumentes, non incurrit, qui operatur ex errore*. p. 16. n. 27. & deinceps. Ex-

*Excommunicationes varia contra
presumes lata. p. 16. n. 27. &
deinceps.*

*Excommunicantur affirmantes esse
hæresim, vel mortale asserere
B. Virginem conceptam esse sine
peccato originali; vel peccare eos,
qui audiunt concionem, aut cele-
brant Officium immaculata Con-
ceptionis. p. 16. n. 29.*

*Excommunicatus vi Bulla Clemen-
tis VIII. contra pronocantes ad
duellum non potest absolui, neque
à Privilegiatis. p. 19. n. 38.*

*Ex duobus malis, an semper sit eli-
gendum minus. p. 88. n. 22.*

*Expositus, in dubio reputanda ille-
gitimus. p. 93. n. 16.*

*Exponere se periculo peccandi, est
peccatum. p. 338. n. 4. etiamsi fiat
ad vitandas minas, ibi n. 5.*

*Exponere se periculo peccandi, ex
iusta causa, non est peccatum.
p. 339. n. 10. Tunc non amatur.
p. 340. n. 11. Nec est volunta-
rium, ibi n. 12.*

*Exponere se, temere, peccandi peri-
culo, est intrinsecè malum. p. 340.
n. 14. Est contemptus interpreta-
tius salutis. p. 341. n. 15.*

*Exponere se periculo peccandi, quan-
do liceat. p. 341. n. 18.*

*Extræctio quinque modiorum triti-
ci è Regno, non est mortale. p. 323.
num. 9. Legem grauius non vio-
lat. p. 324. nu. 10. Reputatur ma-
teria leuis, ibi n. 12. Reipublica in-
fert damnum leue. n. 14.*

Factum dubium non potest pare-
re obligationem certam. pag. 96.
num. 8.

*Factum in dubio, in neutro Foro
presumitur nisi probetur. pag. 97.
num. 10. Aequiualeat ignorantia
inuincibilis. ibi n. 11.*

*Factum; quod de iure faciendum
erat, in dubio presumitur. p. 100.
num. 22.*

*Factum, in dubio, non presumitur,
sed probari debet. p. 69. num. 8. &
p. 95. num. 7.*

*Factum dubium, post debitam dili-
gentiam, inuincibiliter ignoratur.
p. 71. n. 16.*

*Famulus, quæ sine peccato scandali
prestare possit. p. 346. n. 17.*

*Fidei assensus quamnam requirat au-
thoritatem. p. 54. num. 74. & de-
inceps.*

*Fidei mysteria scire tenemur ex
præcepto obligante ad ea creden-
da. p. 143. n. 7.*

*Fidei mysteriorum ignorantia unico
tantum præcepto opponitur. p. 144.
num. 9.*

*Fideles captiui arma Turcis su-
tando ex metu, an peccant. p. 259.
num. 3.*

*Fideiussio ex metu leui facta, in fo-
ro conscientie, non obligat. p. 290
num. 7.*

*in Foro externo obligat. pag. 289.
num. 4.*

*Fideiubens ex metu leui, habet ius
ad contractum rescindendum.
p. 291. n. 14.*

*Filius, an Patris domum deserere
teneatur ad peccati periculum.*

vitandum. pag. 341. num. 20.
 Finis malitia, ab operis bonitate non minuitur. p. 308. n. 7.
 Finis operis, & Operantis est idem in contractibus lucrativis. p. 175. num. 22. Quis sit. p. 177. num. 8.
 Forma Sacramentorum, materia paruitatem non admittunt. p. 334. num. 23.
 quæ Formido honestatem operationis impediatur. p. 48. n. 59.
 Forum interuum conformatur externo. p. 76. n. 9.
 Forum internum quando cum externo conveniat. p. 291. n. 11.
 Furta plura levia, constituunt unum furtum grave. p. 352. n. 16.
 Furtum de se leue, quando sit mortale. p. 352. n. 42.
 Furti malitia, an ex fine bono minuitur. p. 308. nu. 3. in genere furti. n. 8.
 Furtum ad dandam eleemosynam, est minus peccatum in genere furti, quam furtum simpliciter. p. 309. n. 9. Est minus voluntarium. n. 10.
 Furtum ad dandam eleemosynam, non est minus grave, quam furtum. si autem comedendum. p. 311. num. 17.
 Furtum, materia leuitatem admittit. p. 331. n. 12.

G

Gladium præbens semper censetur ad homicidium concurrere, quando quis illo gladio occiditur. p. 108. n. 17. Quia delictum tunc est certum, & excusatio incerta. ibi n. 18.

H

Habilitas ad Sacerdotium est finis ætatis. p. 124. n. 18.
 Hereditatis renunciatio, metu reverentia facta est rescindenda. p. 292. n. 16.
 Heresim proferens, censetur Hæreticus, quando non probat se interius, non ita sensisse. pag. 91. num. 6.
 cui Homicidio dubio, à iure sit imposita irregularitas. p. 102. n. 11.
 Homicidium quot modis consili possit. p. 106. n. 8.
 ad Homicidium concurrere censetur qui dedit gladium, quando quis eo gladio occiditur. p. 108. n. 17.
 Delictum tunc est certum, & excusatio incerta. ibi n. 18.
 ex Homicidio dubio cur contrabatur irregularitas. p. 88. n. 21.

I

Ieiunare non tenetur, qui dubitat an expleverit annum 21. p. 85. num. 14.
 Ieiunii certitudo haberi potest cum dubio de media nocte. p. 72. n. 22.
 Ieiunium, una aut altera uncia, non frangitur. p. 326. n. 21.
 Ieiunium ad Eucharistiam requisitum, materia paruitatem non admittit. p. 334. n. 24.
 Ignorantia notitia cur necessaria. p. 126. num. 2.
 Ignorantia quid. p. 127. n. 8. Quotuplex sit in ordine ad varios terminos considerata. ibi n. 9.
 Ignorantia concomitans, quam dispositionem includat ad actum igno-

ignoratum. pag. 128. num. 10.
Ignorantia inuincibilis, etiam concomitans excusat à culpâ. p. 128. num. 11. In quo sensu non excuset. p. 129. nu. 14. Excusat etiam à pœnâ. ibi n. 15. Reddit actum non voluntarium. p. 130. num. 18. Quando censetur reddere voluntarium. ibi n. 20. Cur in Foro externo, Ignorantia facti, sed non iuris excuset. ibi n. 22.
Ignorantia inuincibilis excusat etiâ à suspensione. p. 131. n. 23. Et ab Irregularitate. ibi n. 24. Et à reservatione. ibi n. 25. Impedit actus nullitatem, quando hæc est pœna. ibi n. 26. Excusat etiam ab alijs pœnis. p. 132. n. 27.
Ignorantia non solum iuris, sed etiâ facti excusat. p. 132. n. 29. Non solum antecedens, sed etiam concomitans. ibi n. 30. Imo etiam venialiter vincibilis. p. 133. n. 31. Vincibilis tamen mortaliter non excusat. ibi n. 32.
Ignorantia aliqua culpabilis datur. p. 135. n. 2. Cur videatur culpa diuersa à præcepti transgressione, quam causat. ibi n. 3.
Ignorantia ex se non est peccatum. p. 136. n. 10.
Ignorantia non est peccatum diuersum à peccato transgressionis. p. 137. n. 12. Est violatio eiusdem præcepti. ibi n. 13.
Ignorantia eodem præcepto prohibetur, quo transgressio. p. 138. n. 15. Non prohibetur propter se, sed solum tanquam occasio transgressionis. ibi n. 16. Non semper opoponitur virtuti studiositatis. ibi num. 17. Num peccatum ex igno-

rantiâ sit grauius, quam scienter commissum. p. 139. nu. 18. Male absoluens ex ignorantia committit unum peccatum consummatum. ibi n. 19.
Ignorantia præcepti non habet malitiam diuersam ab eius transgressione. p. 140. n. 26. Neque est peccatum ab eo numero diuersum. p. 141. n. 27.
Ignorantia vincibilis mysteriorum Fidei, videtur plures specie malitias continere. p. 143. n. 3. Verè tamen non continet. ibi n. 6.
Ignorantia mysteriorum Fidei unico tantum præcepto opponitur. p. 144. num. 9.
Ignorantia est speciale peccatum, solum cum ex intentione ignorandi, ignorantur res scitu necessaria. p. 144. n. 10. Articulum aliquem ex ignorantia vincibili negans, peccat solum contra Fidem. p. 144. n. 11. Contra eandem etiam peccat, qui ex eadem ignorantia exponit se periculo negandi. p. 145. num. 12.
Ignorantia Articulorum Fidei, ac præceptorum Decalogi, in quo differant. p. 145. n. 13. Cur plures malitias numero diuersas constineat. p. 146. num. 16. Exponit periculo plures articulos negandi. ibi n. 17. Imo censetur esse indirecta voluntas plures negandi. ibi num. 18.
cum Ignorantia inuincibili operans, regulariter peccat. p. 148. num. 3. ipsa tamen operatio aliquibus videtur valida, & cur. p. 149. nu. 4. Aliquibus verò inualida, & cur. ibi. num. 8.

I N D E X

- Ignorantia, error, & dolus per quid inter se differant.* p. 151. n. 12.
- mera Ignorantia alicuius circumstantia, actus valorem non impedit; error vero impedit.* p. 151. n. 13.
- Ignorantia circumstantia, quando actus valorem impedit.* pag. 152. num. 14.
- Ignorantia antecedens, & concomitans, quæ.* p. 153. n. 15. *Duplex cum ignorantia dari potest dispositio erga obiectum ignoratum.* ibi num. 16.
- Ignorantia circa qualitatem rei, quæ quis absolutè voluit emere, non reddit inuálidam emptionem.* p. 153. n. 17.
- Ignorantia tollit voluntatem directam, quam non tollit metus.* p. 155 num. 23.
- Ignorantia affectata circa aliquam conditionem, aut circumstantiam, actus valorem non impedit.* p. 156. num. 28.
- Ignorantia vincibilis, actum valorem impedit, sicut ebrietas.* p. 158. n. 2.
- Ignorantia, difficultates ignoratas non excludit, error excludit.* p. 217. num. 7.
- Ignorantia difficultatum, voluntatem vouendi absolutam non impedit.* p. 218. n. 9.
- Ignorantia vitiorum rei emenda, cur irritet emptionem.* pag. 219. num. 13.
- quæ Ignorantia causet inuoluntarium.* p. 219. n. 14.
- Ignorantia, & error concomitans, dummodo non sint circa materiã adequatam, contractum non vitiant.* p. 240. n. 12.
- Impedimenta luminis, posita post primum, non impediunt.* pag. 361. num. 13.
- de Impedimento dirimente dubitans post debitam diligentiam, non indiget Episcopi dispensatione.* p. 89. num. 27.
- Imperfecta libertas, an sufficiat ad reddendum peccatum veniale,* p. 312. n. 3.
- Impuber, non dominus sue voluntatis est, sed eius Pater.* p. 122. n. 11. *Sicut nec seruus suæ, sed eius Dominus.* p. 123. n. 12.
- Impulsiva causa quid.* p. 178. n. 9.
- Inadvertentia cur in confessione explicanda non sit.* p. 301. n. 18.
- Indicia semiplena advertentia.* pag. 316. n. 21.
- Inducere ad peccatum, est peccatum scandalii.* p. 344. n. 5.
- Iniuria, ex metuleui, contractum rescindit.* p. 290. n. 9.
- Iniuria, contractum, iure natura, non irritat.* p. 276. n. 10. *nec donationem.* p. 277. n. 14. *nec promissionem.* n. 15.
- Insula Italie adiacentes, an, & quando veniant nomine Italia.* p. 17. n. 33.
- Intellectus propositis sibi motinis probabilibus equalibus pro utraque parte, est perfectè subordinatus voluntati.* p. 42. n. 42.
- Intellectum à voluntate determinari constet experientia.* p. 43. n. 45.
- Intellectus potest simul probabilem utramque partem iudicare.* p. 43. num. 46.
- Intentio aliqua requiritur tunc quando conficitur Sacramentum, ad hoc ut sit validum.* p. 160. n. 9.

Intentio preterita ad baptizandum; non sufficit. p.164. n.23. sufficit ad baptismum recipiendum. ibi num.24.

Intentio bona, an peccati malitiam minuat. p.308. n.3.

Intentio bona, aliquam malitiam ignorantiam inducit. p.309. n.11. & minuit rationem voluntarij. n.12. Non per se, sed per accidens. p.310. num.13.

Intentio bona tendit in furtum solum tanquam in medium. p.310. num.15.

Irregularitas non contrahitur ob violationem censuræ ex metu. p.252. n.17.

Irregularitas cuinam homicidio dubio sit à iure imposta. p.102. n.11.

Irregularitas cur contrahitur ex homicidio dubio. p.88. n.21.

Irregularitas incurritur ob abortum de cuius animatione dubitatur. p.102. n.11.

Irritationis Votorum Filij, valor fundatur in potestate Patris. p.123. n.15. Hac potestas utrobet antiquior præuales Voto. ibi n.16.

Irritari potest à Patre Votum Filij, cum datur iudicium probabile de eiusdem impubertate. p.124. n.19.

Irritandi potestas, se extendit etiam ad tempus antecedens. p.125. n.10.

Italia nomine an, & quando veniunt etiam Insulæ adiacentes. pag. 17: num.33.

Iudex, in iure duorum dubio, tenetur hereditatem diuidere. pag.66. num.12.

Iudicium practicum, formari potest cum dubio speculativo. p.70. n.11.

Iudicium practicum certum, & du-

bium speculativum, quando possint dari simul. p.85. n.12.

Iuramentum ex consuetudine, in ipsâ solum est volitum. pag.162. num.17.

Iuramentum non magis obligat, quâ promissio. p.174. n.20.

Iuramentum, quando à iure irritetur. p.281. n.9.

Iuramentum promissorium, materia paruitatem admittit. p.335. n.27. de Iuramento dubitans post debitam diligentiam, non obligatur. p. 88. num.15.

Iure dubio duorum stante, res uni iussu applicari non potest. pag 65. num.11.

Iurisdicctio in dubio exerceri non potest. p.99. n.20.

Ius Civile quandomam det actionem ad contractum rescindendum. p.334. nu.7. Et quando concedat actionem redhibitoriam. ibi n.8.

Ius habens ad aliquid, propter solum dubium; illo spoliari non potest. p.72. n.21.

Iusta causa partem minus tutam reddit omnino tutam. p.97. n.12.

L

Labor dæarum horarum; diebus festis, videtur esse materia levis. p.327. n.23.

Legatum precibus importunis impediens, tenetur ad restitutionem. p.296. n.14.

Legislator, an obligare possit leuiter in materiâ graui. p.317. n.3. in materia leui non potest obligare grauiter. p.318. n.6. & pag.319. num.18.

I N D E X

Lex diuina in materia graui, non obligat leuiter. p. 318. num. 7. & p. 320. num. 19.

Lex obligare potest leuiter in materia graui. p. 318. n. 11.

Lex Ecclesiastica, an unquam violari possit. p. 232. n. 4.

Lex humana, non magis obligat, quam positiua diuina. p. 244. n. 14.

Legis obligatio cessat in vita periculo. p. 245. n. 17.

Lex humana regulariter non obligat cum graui incommodo. pag. 250. num. 8.

Lex naturalis sola, tunc obligat. ibid. num. 9.

Lex inuincibiliter ignorata, non obligat. p. 150. n. 10.

Lex, propter metum, violatur solum materialiter, non formaliter. p. 251. n. 14.

Lex positiua Diuina, quando obliget cum vita periculo. p. 257. n. 17.

Lex non obligat nisi ut proposita. p. 7. n. 20. *Obligat autem etiam falsò proposita.* ibi n. 21.

Lex humana, alia punit simpliciter delinquentem, alia solum delinquere presumentem. pag. 12. n. 7. *Obligat etiam ad vitandum periculum proximum transgressionis.* p. 13. n. 11.

Lex non obligat nisi iuxta Legislatoris voluntatem verbis expressam. p. 14. n. 17.

Leges aliquæ puniunt solum àlictum directè volutum. ibi n. 18.

Lex certa, licet quoad circumstantiam dubiam, obligat. p. 88. n. 26.

Lex, in dubio, an sit, non obligat. p. 98. n. 16.

Lex, de cuius abrogatione dubitatur,

obligat. pag. 103. num. 12.

Lex cessat, cessante causa finali. pag. 189. n. 10.

Lex, & eleganter contractus dolosos bona Fidei irritat, non stricti iuris. p. 225. n. 20.

Libertas, ac voluntas ad valorem actus requisita, quam sit p. 148. num. 2.

Libertas imperfecta, an peccatum reddat veniale. p. 312. n. 3.

Libertatis semiplena indicia. p. 316. num. 21.

Libri Hæretici lectio, ex se, Religionis contemptum non includit. p. 246. n. 20.

Librum hæreticum legere ad saluandam vitam licet. p. 244. n. 12.

Licentia precibus importunis extorta non valet. p. 296. n. 15.

Ludus, precibus importunis extortas, cur sit validus. p. 295. n. 12.

M

Maledictio Dei, & Sanctorum, est peccatum multiplex. p. 392. num. 21.

Malitia peccati, an ex fine bono minuat. p. 308. n. 3.

Malitia finis ab operis bonitate, non minuitur. p. 308. n. 7.

Malum in genere volens censetur illud velle, siue graue sit, siue leue. p. 22. n. 11.

Mandati reuocatio semper est sufficiens. p. 109. n. 22.

Materia, & causa finalis sunt de essentia cuiuscunque actus. p. 166. num. 6.

Materia dubia, an eximat ab obligatione precepti. pag. 111. num. 2.

- Duplex dubium circa materiam dubiam.* p. 112. n. 9.
- de Materia honestate dubitans, non tenetur obedire.* p. 113. n. 12. Nec obligatur Voto. p. 118. n. 6.
- Materia solum, certò licita, præcipi potest a Superiore.* p. 114. nu. 16. Subditus ad eam solum obligare se voluit. p. 115. n. 17.
- Materia honestas dubia, trahit dubium de ipso Voto.* p. 119. num. 9. Voluntas se obligandi etiam in materia dubia est imprudens. ibi num. 10.
- Materia solum certò grata Deo, est materia Voti.* p. 120. n. 13. Iudicium probabile de inhonestate materie sufficit ad tollendam obligationem. Voti. ibi n. 14.
- Materia de se levis, quomodo fieri possit gravis.* p. 320. n. 24.
- Materia gravitas, & leuitas, unde desumatur.* p. 322. n. 7. Eadem materia, respectu diuersorum, potest esse gravis, & levis. p. 323. num. 8.
- Materia, quam censenda sit, graue damnum asserre.* p. 325. n. 17.
- Materia paruitas non rectè desumitur per comparisonem ad totam rem præceptam.* p. 325. n. 18. desumitur ex fine præcepti. pag. 326. num. 19.
- Materia gravitas, Prudentis arbitrio pensanda est.* p. 326. n. 22.
- Materia paruitas, in aliquibus præceptis datur, in alijs non.* p. 329. num. 7.
- Materia Simonia, non admittit paruitatem.* p. 329. n. 4.
- Materia leuitas, ex quo argui possit.* p. 333. n. 19.
- Materia paruitatem, qua non admittant.* p. 333. n. 20. & seq. Quæ admittant. p. 337. n. 30.
- Materia plurium præceptorum, in unam coalescere non possunt.* pag. 356. n. 8.
- Materia Voti aliquando coincidit cum eius causâ finali.* p. 213. n. 5. Error circa Voti materiam, aliquando levis, aliquando notabilis. p. 214. n. 6.
- de Materia Voti dubitans, an sit indifferens, tenetur Votum seruare.* p. 106. n. 13.
- Matrimonium est contractus onerosus.* p. 199. n. 10. In contractibus onerosis, error circa causam motiuam, non tollit eorum voluntatem absolutam. ibi. n. 11.
- Matrimonij materia, regulariter non constituitur per qualitatem personæ.* p. 208. n. 15.
- Matrimonium contrahens cum Consanguineo, vel affine in gradu prohibito, si per errorem putabat non esse talem, non incurrit excommunicationem.* p. 16. n. 27.
- Matrimonium dolo non irritatur.* p. 226. n. 21.
- Matrimonium ex errore circa materiam est inualidum, & cur.* pag. 240. n. 11.
- Matrimonium in dubio censendum est validum.* p. 103. n. 14.
- in Matrimonio, qualitas personæ, cum quâ contrahitur, est circumstantia accidentales.* p. 167. n. 11.
- Matrimonium metu extortum, irritum est.* p. 271. num. 7. metu leui contractum, est validum. p. 289. n. 5. & p. 291. n. 13. metu iniusto extortum, iure positio irritum.

I N D E X

Lex diuina in materia graui, non obligat leuiter. p. 318. num. 7. & p. 320. num. 19.

Lex obligare potest leuiter in materia graui. p. 318. n. 11.

Lex Ecclesiastica, an unquam violari possit. p. 232. n. 4.

Lex humana, non magis obligat, quam positua diuina. p. 244. n. 14.

Legis obligatio cessat in uitae periculo. p. 245. n. 17.

Lex humana regulariter non obligat cum graui incommodo. pag. 250. num. 8.

Lex naturalis sola, tunc obligat. ibid. num. 9.

Lex inuincibiliter ignorata, non obligat. p. 150. n. 10.

Lex, propter metum, violatur solum materialiter, non formaliter. p. 251. n. 14.

Lex positua Diuina, quando obliget cum uitae periculo. p. 257. n. 17.

Lex non obligat nisi ut proposita. p. 7. n. 20. *Obligat autem etiam falsò proposita.* ibi n. 21.

Lex humana, alia punit simpliciter delinquentem, alia solum delinquere praesumentem. pag. 12. n. 7. *Obligat etiam ad vitandum periculum proximum transgressionis.* p. 13. n. 11.

Lex non obligat nisi iuxta Legislatoris voluntatem verbis expressam. p. 14. n. 17.

Leges aliquae puniunt solum a. sictum directè volitum. ibi n. 18.

Lex certa, licet quoad circumstantiam dubiam, obligat. p. 88. n. 26.

Lex, in dubio, an sit, non obligat. p. 98. n. 16.

Lex, de omnis abrogatione dubitatur,

obligat. pag. 103. num. 12.

Lex cessat, cessante causa finali. pag. 189. n. 10.

Lex, & eleganter contractus dolosos bonae Fidei irritat, non stricti iuris. p. 225. n. 20.

Libertas, ac voluntas ad valorem actus requisita, quanam sit p. 148. num. 2.

Libertas imperfecta, an peccatum reddat veniale. p. 312. n. 3.

Libertatis semiplena indicia. p. 316. num. 21.

Libri Hæretici lectio, ex se, Religionis contemptum non includit. p. 246. n. 20.

Librum hæreticum legere ad salvandam vitam licet. p. 244. n. 12.

Licentia precibus importunis extorta non valet. p. 296. n. 15.

Ludus, precibus importunis extortas, cur sit validus. p. 295. n. 12.

M

Maledictio Dei, & Sanctorum, est peccatum multiplex. p. 392. num. 21.

Malitia peccati, an ex fine bono minuatur. p. 308. n. 3.

Malitia finis ab operis bonitate, non minuitur. p. 308. n. 7.

Malum in genere volens censetur illud velle, siue graue sit, siue leue. p. 22. n. 11.

Mandati renouatio semper est sufficiens. p. 109. n. 22.

Materia, & causa finalis sunt de essentia cuiuscumque actus. p. 166. num. 6.

Materia dubia, an eximat ab obligatione præcepti. pag. 111. num. 2.

Du

- Duplex dubium circa materiam dubiam.* p. 112. n. 9.
- de Materia honestate dubitans, non tenetur obedire.* p. 113. n. 12. Nec obligatur Voto. p. 118. n. 6.
- Materia solum, certo licita, precipi potest a Superiore.* p. 114. nu. 16.
- Subditus ad eam solum obligare se voluit.* p. 115. n. 17.
- Materia honestas dubia, trahit dubium de ipso Voto.* p. 119. num. 9.
- Voluntas se obligandi etiam in materia dubia est imprudens.* ibi num. 10.
- Materia solum certo grata Deo, est materia Voti.* p. 120. n. 13.
- Iudicium probabile de inhonestate materiae sufficit ad tollendam obligationem. Voti.* ibi n. 14.
- Materia de se levis, quomodo fieri possit gravis.* p. 320. n. 24.
- Materia gravitas, & leuitas, unde desumatur.* p. 322. n. 7.
- Eadem materia, respectu diuersorum, potest esse gravis, & levis.* p. 323. num. 8.
- Materia, quam censenda sit, graue damnum afferre.* p. 325. n. 17.
- Materia paruitas non recte desumitur per comparisonem ad totam rem preceptam.* p. 325. n. 18.
- desumitur ex fine precepti.* pag. 326. num. 19.
- Materia gravitas; Prudentis arbitrio pensanda est.* p. 326. n. 22.
- Materia paruitas, in aliquibus preceptis datur, in alijs non.* p. 329. num. 7.
- Materia Simonia, non admittit paruitatem.* p. 329. n. 4.
- Materia leuitas, ex quo argui possit.* p. 333. n. 19.
- Materia paruitatem, qua non admittant.* p. 333. n. 20. & seq. Quae admittant. p. 337. n. 30.
- Materia plurium preceptorum, in unam coalescere non possunt.* pag. 356. n. 8.
- Materia Voti aliquando coincidit cum eius causa finali.* p. 313. n. 5.
- Error circa Voti materiam, aliquando levis, aliquando notabilis.* p. 314. n. 6.
- de Materia Voti dubitans, an sit indifferens, tenetur Votum seruare.* p. 106. n. 13.
- Matrimonium est contractus onerosus.* p. 199. n. 10.
- In contractibus onerosis, error circa causam motuam, non tollit eorum voluntatem absolutam.* ibi. n. 11.
- Matrimonij materia, regulariter non constituitur per qualitatem personae.* p. 208. n. 15.
- Matrimonium contrahens cum Consanguineo, vel affine in gradu prohibito, si per errorem putabat non esse talem, non incurrit excommunicationem.* p. 16. n. 17.
- Matrimonium dolo non irritatur.* p. 226. n. 21.
- Matrimonium ex errore circa materiam est inualidum, & cur.* pag. 240. n. 11.
- Matrimonium in dubio censendum est validum.* p. 103. n. 14.
- in Matrimonio, qualitas personae, cum qua contrahitur, est circumstantia accidentales.* p. 167. n. 11.
- Matrimonium metu extortum, irritum est.* p. 271. num. 7.
- metu leui contractum, est validum.* p. 289. n. 5. & p. 291. n. 13.
- metu iniusto extortum, iure positio irritum.*

I N D E X

- est. pag. 280. n. 6. coactum, an sit validum. p. 283. n. 2. Quid ad eius libertatem requiratur. pag. 284. num. 8. & 11.*
- Matrimonium, celebratum ad mortem vitandam, est validum. p. 268. n. 7. Est liberè assumptum, et medium ad mortem vitandam. p. 268. n. 8.*
- Matrimonium, ex metu, cum Concubina contractum, est validum. p. 269. n. 15. & cum Filia Medici. ibi num. 17.*
- de Matrimonij valore dubitans, an possit petere debitum. p. 89. n. 28.*
- de Matrimonij impedimento dubitans non tenetur petere dispensationem. p. 96. n. 9.*
- Mendacium, etiam antecederet ad Dei legem, est peccatum. pag. 300. n. 14. Est prohibitum, quia malum. p. 300. n. 13.*
- Mentis cum inadvertentia ad Dei legem, Deum graviter offendit. p. 299 num. 10.*
- Metus quid sit. p. 242. n. 2.*
- Metus probabilis, & improbabilis quid. p. 243. n. 9.*
- Metus antecedens, & concomitans, quid. ibid. n. 10.*
- Metus, licet à culpà non excuset, contractus rescindit. p. 246. n. 19.*
- Metus etiam iussu incussus, ac legis obligatione excusat. p. 247. n. 23.*
- Metus excusare non videtur, quando res precepta, est intrinsecè mala. pag. 248. n. 2.*
- Metus, in ijs, quæ iniuri naturali, ac Divino adversantur, non excusat à pœnà. p. 249. n. 4.*
- Metus, non excusat à pœnà incestus. p. 249. n. 6.*
- Metus semper excusat à culpà. pag. 250. n. 7.*
- Metus tollit obligationem humanam, sicut ignorantia. pag. 251. num. 11.*
- Metus excusat à pœnà Iuris humani. p. 251. n. 12. Non tamen semper. ibi n. 13.*
- Metus excusat à Censuris. p. 252. n. 15. & ab irregularitate. ibidem n. 17. Quando non excusat. p. 256. n. 12. Excusat à suscipiendo baptismo. p. 257. n. 16.*
- Metus, an reddat matrimonium nullum. p. 266. nu. 2. Causat involuntarium secundum quid. p. 267. num. 5.*
- Metus, alius oritur ab intrinseco, alio ab extrinseco. p. 267. n. 6.*
- Metus, ad actum extorquendum, iussu incussus Professionem non irritat. p. 271. n. 8.*
- Metus inducens ad emendum, emptionis valorem non tollit. p. 167. num. 13.*
- Metus iussus, ab alio propriè non incutitur. p. 271. num. 9. Aegrote non incutitur à Medico. pag. 272. n. 10. Oritur à proprio delicto. n. 11. Absolutè non obligat. n. 12. solum conditionatè. n. 14. Non tollit voluntarium saltem in causa. p. 273. nu. 20. Non est cadens in constantem virum. ibi n. 21.*
- Metus, promissionem Latroni factam reddit irritam. p. 275. n. 5. & Votum. n. 6. Venditionem, iure natura, non irritat. p. 276. n. 7. Non tollit consensum sufficienter voluntarium. nu. 8. Sacramentorum valorem non impedit. p. 277. n. 12. cur irritat Votum. p. 278. n. 16.*

Me-

R E R V M!

Metus levis iniustus contractum nō irritat. p.276. n.10. levis, in iure, pro nibilo reputatur. p.289. nu.3. iniuriam includit. p.290. n.9.

Metus materialiter iniustus sufficit ad matrimonium irritandum. p.286. n.9.

Metus reuerentialis, aequaleque precibus importunis. p.296. n.13.

Miles speculatiue dubitans de sui Principis iustitia in bello quomodo possit illum licitè sequi vacentem ad bellum. p.64. n.3.

Mina iniusta, matrimonium irritant. p.273. n.17.

Minus malum ex duobus, an semper eligendum sit. p.88. n.22.

Mores, ac doctrina concurrunt ad constituendum digniorem. p.184. n.10. ideoque sunt simul causa impulsiva, ac finalis. p.185. n.11.

Sicut infirmitas constituit pauperem magis indigentem. ibi n.12. & sicut in matrimonio, qualitas pertinet ad personam. ibi n.13.

Motiva probabilia ex imperio voluntatis contemni possunt. pag.42. nu.41. tunc enim intellectus est perfecte subordinatus voluntati. ibi n.42. Nec voluntas tunc se exponit periculo peccandi. pag.43. num.44.

Motuum operantis est distinctum à motiuo operis in contractu oneroso, secus in gratuito pag.171. num.7. & 8.

Motuum operandi in gratuitis est causa finalis intrinseca operationis. p.172. n.10. Vide error circa motuum.

Motus primo primi, & secundo primi; quid. p.313. n.8.

*Multiplicitas praeceptorum, non re-
ctè arguit multiplicitatem peccatorum. p.367. n.6.*

Mysteria Fidei scire tenemur, ex praecepto obligante ad ea credenda. p.143. n.7.

Mysteriorum Fidei ignorantia unico tantum praecepto opponitur. p.144. n.9.

Mysterium unum, cum alio continuari moraliter non potest. p.146. num.20.

N

Negans articulum aliquem ex ignorantia vincibili, peccat solum contra fidem. p.144. n.11. Contra eandem etiam peccat, qui ex eadem ignorantia, negandi periculo se exponit.

Negligentia levis in repellendis tentationibus, est solum venialis. p.314. n.14.

Notitia ignorantiae, cur necessaria. p.126. n.2.

Numerus vulnorum, quibus alius occisus est, non est in Confessione explicandus. p.382. n.13.

O

Obedire non tenetur dubitans de materia honestate. p.113. n.12. Quomocumque dubitet. ibi n.13.

Obedire tenetur Subditus solum ratione Voti. p.113. n.11.

Obiecta singula propriam deformitatem refundunt in actum internum. p.389. n.12.

Obligatio dubia praecepti non obligat. p.71. n.14.

Obli-

I N D E X

- Obligatio non ligat, nisi conscientia sit nota.* p. 85. n. 13.
- Obligatio dubia non ligat in foro externo.* p. 86. n. 17.
- Obligatio est effectus consequens ad legem.* p. 318. n. 9. pendet totaliter à voluntate Legislatoris. pag. 318. num. 12.
- Obligatio levis in materia graui, aliquando est conueniens.* pag. 319. num. 14.
- Obligatio promissionis conditionata incipit cum ponitur conditio.* p. 163 num. 19.
- Obligatio Regule, & Voti, non est duplex sed vna.* p. 367. n. 4. Verè tamen est duplex. p. 368. n. 9. Quomodo possit esse vna. p. 369. n. 12.
- Obligatio sciendi præcepta Decalogi oritur ex duplici præcepto credendi, & seruandi.* p. 139. n. 22.
- Obligatio sciendi mysteria fidei oritur ex præcepto obligante ad ea credenda.* p. 143. n. 7.
- Obligatio sciendi Euangelium, non dabatur ante ipsius Euangelij promulgationem.* p. 144. n. 8.
- Obligationem impediens, si illi superueniat, eam tollit.* p. 220. n. 15.
- Obligatio obligat ad minimum quod potest.* p. 113. n. 10.
- Occasio proxima mortalis, est peccatum mortale.* p. 339 n. 7.
- Occasio proxima quoduplex.* pag. 339. num. 8.
- Occasio peccati, non est peccatum.* p. 341. n. 16.
- Occasione peccandi se exponere, quando liceat.* p. 341. n. 18. & quando eam non vitare. p. 341. num. 20. & 21.
- Occidens Sacerdotem, quos peccata committat.* pag. 370. num. 17.
- Occisio est essentialiter cooperatio formalis ad malum.* p. 264. n. 20.
- Odi. peccatum, sit ne vnum, an multiplex.* p. 371. n. 18.
- Oeconomi Officium vendens, peccat solum contra Religionem.* p. 333. num. 18.
- Offensa Dei, est actio contra Dei legem, vel formaliter, vel consequenter.* p. 300. n. 15.
- Officium recitare tenetur dubitans de sui beneficii tenuitate.* p. 93. n. 15.
- Omissio Officij ex proiectione breuiarij, est peccatum in confessione explicandum.* p. 304. n. 6. & 7.
- Omissio Officij ex proiectione Breuiarij est volita saltem in causa.* pag. 305. nu. 8. Quamuis non sit in nostra potestate, n. 9. Non est notuum peccatum distinctum à Breuiarij proiectione. ibi n. 11.
- Opera facta, quando in nostra potestate non sunt, an sint peccatum.* p. 304. n. 4.
- Opus aliquod, ut sit peccatum, satis est, quod sit volitum in causa.* p. 305. n. 10.
- Opera ad lucrandas Indulgentias iniuncta, materia paruitatem admittunt.* p. 336. n. 28.
- Operans cum ignorantia inuincibili regulariter peccat.* p. 148. n. 3. Ipsa tamen operatio aliquibus videtur valida, & cur. p. 149. n. 4. Aliquibus verò inualida, & cur. ibi num. 8.
- Operans cum dubio ante debitam diligentiam, iuste punitur.* pag. 87. num. 18.
- ad Operandum validè requiritur voluntas directà.* p. 155. n. 24.

Ope-

R E R V M.

Operari cum dubio practico est intrinsecè malum. p. 59. nu. 10. Est contra preceptum, quod prohibet operationem. ibi n. 11.

Operans cum dubio practico saltem indeterminatè vult malum. p. 59. n. 12. Necessariò malè operatur. p. 60. n. 13.

Operari cum dubio speculativo, potest non esse malum. p. 60. n. 14. Quando non est malum. ibi n. 15.

Operans cum dubio committit peccatum illius speciei, de quâ dubitat. p. 61. n. 19.

Operari cum dubio speculativo, quando non datur ratio illud practicè deponendi, est intrinsecè malum. p. 65. num. 8. Idem est, ac operari cum dubio practico. ibi n. 9. Vnum infertur ex alio. ibi n. 10.

Operatio quocumque modis potest esse intrinsecè mala. p. 260. n. 9.

Operatio aliqua, ratione metus excusatur à peccato. p. 264. n. 21.

ad Operationis substantiam pertinet non solum finis, sed etiam materiâ. p. 204. n. 2.

Operis bonitas, non minuit malitiam finis. p. 308. n. 7.

Opinativus assensus est voluntarius. p. 33. n. 16.

ex Opinione probabilis, quomodo prudenter operetur voluntas. pag. 34. num. 17.

ex Opinione verè probabilis, operatio est prudens ex duplici capite. p. 34. num. 18.

Opinio probabilis non est regula immediata operandi. p. 35. n. 19.

Opinio remanet probabilis etiam presentibus motibus oppositis. p. 36. num. 21.

Opinio una, quomodo sit alia probabilior. p. 36. n. 22.

cum Opinione probabilis retinens Clericus plura beneficia non peccat. p. 37. n. 23.

Opinio probabilis est rationalis, & prudens. p. 37. n. 25. Causat iudicium evidens de honestate se illi conformandi. p. 37. n. 26. Voluntas illi se conformans prudenter operatur. ibi n. 27. & certò scis se prudenter operari. p. 38. n. 28. Est etiam certa, quod intellectus proponit operationem, ut licitam. ibi num. 29.

Opinionis probabilis usus si esset illicitus, ferè nunquam licitè opereremur. p. 38. n. 30.

Opinionem probabilem sequi, actus est prudentiæ. p. 39. n. 31.

Opinio probabilis aliquando etiam obligat. p. 39. n. 32. Qui eam sequitur, nulli se periculo exponit. p. 40. n. 33. Nec formido partis oppositæ obstat. ibi n. 34.

Opinioni probabilis se conformans, voluntas cur peccare non possit. p. 41. num. 35.

Opinionis probabilis usus, non relaxat conscientias. p. 44. n. 48. Cum opinione probabilis datur iudicium certum de honestate operandi. pag. 44. n. 49. Ex vi illius iudicij operamur. p. 45. n. 50.

Opinio eo ipso, quod est verè probabilis est tuta. p. 45. n. 51. Nulla dari potest minus tuta. ibi n. 52. est aequè prudens, & tuta, siue fauceat præcepto, siue liberati. p. 46. n. 53. Quæ non est certò probabilis, non est tuta. ibi num. 54. Illa sola est tuta, de quâ dubitari non

I N D E X

non potest, quin sit probabilis; ibi n. 55.

Opiniones practice improbabilis quanam sint. p. 48. n. 57.

Opinio est similis Fidei saltem humane. p. 48. n. 58. quæ formido honestatem operationis impediatur. ibi num. 59.

Opinionis probabilis doctrina est communis. p. 49. n. 61. Eius electio est licita in quacumque materia. p. 50. n. 63. Etiam si rationum oppositarum ignoretur solutio. ibi n. 64.

Opinionem probabilem sui Superioris subditus sequi potest. p. 51. n. 66.

Opinio alterius potest alteri esse regula operandi. p. 50. n. 65.

Opinio probabilis potest esse regula in materia iurisdictionis. p. 51. n. 67. & in materia consilij. ibi num. 68. etiam in materia litis. ibi n. 69.

Opinio speculativa etiam est licita, cum nihil obstat. p. 52. n. 70.

Opinio potest evadere improbabilis, & contra. p. 53. n. 72.

Ordines suscipere non licet in dubio aetatis. p. 98. n. 17.

P

P*rochus an Officium deferere teneatur ad vitandam occasionem peccandi. p. 341. n. 21.*

Pars minus tuta, redditur omnino tuta, si adsit iusta causa. pag. 97. num. 12.

Pars qualibet dubia, post adhibitam diligentiam, est aequè tuta. p. 73. num. 26.

Pars tutior, necessariò eligenda est in dubio practico. p. 62. n. 20.

Paritas rei temporalis, cur excusa-

tur à Simoniâ. p. 332. num. 16.

Pater, an adire possit Concubinam ad Filios alendos. p. 341. n. 19.

Pater potest rescindere contractum factum à Filio in dubio minoritatis. p. 122. n. 9. idem de Voto. ibid. Potestas irritandi in Patre possidet in dicto dubio. ibi n. 10.

Pater potest irritare Votum Filij, cum datur iudicium probabile de ipsius impubertate. pag. 124. num. 19.

Peccatum, quid sit. p. 297. n. 2.

Peccati essentia, in quo consistat. p. 297. n. 3. est legis prauaricatio, ac transgressio. p. 298. n. 5. & 6.

Peccatum mortale, & veniale, quid. p. 299. n. 9.

Peccatum est transgressio legis naturalis cognita. pag. 299. n. 11. & virtualis contemptus Dei. p. 300. num. 12.

Peccatum, constituitur per oppositionem cum aliqua lege. pag. 301. num. 16.

Peccatum, est inobedientia Deo facta, vel directè, vel indirectè. p. 301. n. 17.

Peccatum, quomodo sit contra Dei legem. p. 301. n. 19.

Peccatum veniale, est legis prauaricatio. p. 301. n. 20.

Peccatum, reddit actum inordinabilem ad ultimum finem. pag. 302. num. 21.

Peccatum veniale, cur dicatur esse prater legem. p. 302. n. 22. In quo differat à mortali. ibi n. 23.

Peccatum mortale, cur dicatur auersio à Deo, & conuersio ad creaturam. p. 302. n. 24.

Peccati effectus, an sit peccatum. p. 303. n. 2.

Pec-

R E R V M.

Peccata, alia merè interna, alia etiam externa. p. 374. n. 8.
Peccata interna, quam diuersitatem habeant. p. 380. n. 6.
Peccata, per quid inter se differant: p. 367. n. 7.
Peccata plura numero committi possunt contra idem præceptum. p. 146. num. 19.
Peccata tot sunt, quot actus externi consummati. p. 376. n. 17.
Peccata venialia constituunt solum in periculo remoto mortalis. p. 365 num. 13.
Peccata venialia disponunt ad mortale. p. 363. n. 4.
Peccata venialia, quænam sint venibilia. p. 350. n. 6. & p. 351. n. 8.
Peccata venialia non constituunt mortale per hoc, quod uniantur in motiuo. p. 357. n. 11.
Peccata venialia, ratione multitudinis, speciem non mutant. p. 351. n. 10. nec eorum malitia augetur. n. 11. nec redduntur impossibilia cum gratia. n. 12.
Peccata mortalia, ratione multitudinis, non constituunt unum mortale maius. p. 351. n. 13.
Peccata venialia, quænam, ex multiplicatione fiant mortale. p. 352. n. 14. Sola eorum frequentia, non est legis contemptus. ibi n. 15.
Peccans contra conscientiam, & præceptum ab eâ propositum, unum tantum peccatum committit. p. 23. num. 15.
Peccati grauitas mediatè pendet è Superioris voluntate. pag. 319. num. 16.
Peccatum ex se mortale, ex Superioris voluntate fieri potest veniale,

le, & è contra. p. 320. n. 13.
Peccati malitia, an ex fine homo minuitur. p. 308. n. 3.
Peccatum non semper est minus graue, quo intentio est melior. p. 310. num. 16.
Peccatum, quid requirat, ut sit mortale. p. 312. n. 2. plenam deliberationem requirit. p. 314. n. 10. debet esse plene voluntarium. ibi num. 13.
Peccatum mortale, requirit aduertentiam ad malitiam actus. p. 315 n. 19. sufficit aduertentia ad malitiam in genere. ibi n. 20.
Peccatum, quod sit mortale, vel veniale, pendet ex rebus. pag. 317. num. 4.
Peccatorum diuersitas, colligitur ex diuersitate virtutum, & non è contra. p. 368. n. 8.
Peccatorum diuersitas numerica, sumitur ex diuersitate obiectorum, vel actionum externarum. p. 375. num. 12.
Peccatum em ignorantia, an sit grauius, quàm scienter commissum. p. 139. n. 18.
Peccatum dubium non tenemur confiteri. p. 98. n. 15.
Peccatum non restituendi, est unum non plura. p. 377. n. 18.
Peccatum internum, & externum; non rectè inseritur, quod sint diuersa peccata ex eo, quod diuersimodè manifestantur. pag. 140. num. 14.
ad Peccatum sufficit voluntas indirecta. p. 155. n. 24.
Peccatum veniale, si fiat occasio proxima mortalis, sit mortale. p. 339. num. 7.

Pec-

I N D E X

- Peccatum veniale, an ratione frequentia, fieri possit mortale.* p. 349. n. 2.
- Peccandi consuetudo includit contemptum.* p. 349. n. 4.
- Peccatum odij, sit ne unum, an multiplex.* p. 371. n. 18.
- Peccatum idem, pluribus legibus potest esse prohibitum.* p. 371. n. 20.
- Peccata cordis, per quid specie differant.* p. 371. n. 21.
- Peccata oris, per quid differant specie.* p. 371. n. 22.
- Peccata operis per quid specie differant.* p. 371. n. 23.
- Peccatorum diuersitas specifica, unde cognoscatur.* p. 372. n. 24.
- Pecunia, metu, vt pretium extorta retineri potest.* p. 273. n. 15. & p. 291. n. 15.
- Pecunias apud Vsurarium deponere an sit peccatum scandalum.* p. 343. n. 2. ex iusta causa, non est peccatum. p. 345. n. 9. Iusta causa dat ius deponendi, ibi n. 10.
- Pecunia depositio apud Vsurarium, ex se, est res indifferens.* pag. 345. n. 11. nec est cooperatio ad vsuras ibi n. 2. est solum permissio vsura. p. 346. n. 14. non est ad vsuras inducenda; ibi n. 16.
- Petens ratione conscientia erronea inuincibiliter erronea non peccat.* p. 6. à n. 15. & deinceps.
- Percussio Petri, & Pauli sunt numero diuersa.* p. 375. n. 11.
- Periculo peccandi se aliquando, quis exponere tenetur.* p. 341. num. 17. quando liceat. ibi n. 18.
- Periculo peccandi se exponere, est peccatum.* p. 338. n. 4. etiamsi fiat ad vitandas minas. ibi n. 5.
- Periculo peccandi, ex iusta causa, se exponere non est peccatum.* p. 339. n. 10. tunc non amatur. pag. 340. nu. 11. nec est voluntarium. ibi num. 12.
- Periculum peccandi Coniugatis permittitur.* p. 340. n. 13.
- Periculo peccandi, temere se exponere est intrinsecè malum.* pag. 340. n. 14. est contemptus interpretatiuus salutis. p. 341. n. 15.
- Periculum peccati, non est peccatum.* p. 341. n. 16.
- Periculum vite, tollit legis obligationem.* p. 245. n. 17.
- Perseuerantia moralis voluntatis, per quid habeatur.* p. 381. n. 8.
- Persona venditoris, est circumstantia accidentalis emptioni.* pag. 167. num. 10. Sicut qualitas persona, cum qua contrahitur matrimonium. ibi n. 11.
- Persona donatarij, pertinet ad causam finalem donationis.* pag. 168. num. 16.
- Personarum acceptio, quoad beneficii, materia paruitatem admittit.* p. 336. n. 29.
- Petitio mutui ab Vsurario, ex iusta causa, licet.* p. 263. n. 15.
- Plura fornicandi proposita, sunt unum numero peccatum.* p. 381. num. 9. Omnia sunt moralis continuatio primi. ibi, n. 10.
- Plura fornicandi proposita, videntur plura peccata.* p. 380. n. 3.
- Plura periuria ordinantur ad confirmandam eandem falsitatem.* p. 376. nu. 15. plures confessiones ad nihil aliud ordinantur. p. 376. num. 14.
- Plura venialia committens, per se*
10-

- loquendo, venialiter solum peccat. p. 351. n. 9.
- Pluralitas actuum interiorum, nec à Consistentibus explicatur, nec à Confessarijs inquiritur. p. 382. num. 12.
- Plures actus inefficaces, cur uniri non possint. p. 383. n. 16.
- Pluralitas actuum interiorum confitenda non est, quando non sequitur actus externus. p. 385. n. 19.
- Plures malitiae specie diversa, eidem actui inesse possunt. p. 387. n. 2.
- Plures actus physici, unam numero malitiam continere possunt. p. 392. num. 23.
- Plures Confessiones successivè audita videntur unum actum moraliter integrare. p. 373. n. 4. Sunt plura peccata. p. 375. num. 9. sunt plures actiones completae, & inter se non unibiles. ibi n. 10.
- Plures modica pecunia, quomodo uniri possint. p. 357. n. 13.
- Plura Vota, eadem die, obligant, sicut plura praecepta. p. 358. n. 15.
- Plures promissiones de materia levi obligant graviter. p. 356. n. 5.
- Plura praecepta leviter violans, venialiter solum peccat. p. 356. n. 7.
- Plurium praeceptorum materia in unam coalescere non possunt. pag. 356. n. 8.
- Plurium Confessiones audire in statu peccati mortalis, videtur unum numero peccatum. p. 373. n. 3.
- Pluries eodem ieiunii die comedens, tandem mortaliter peccat. p. 352. n. 17. & pluries eodem die festo laborans. p. 353. n. 18.
- Pluribus modicum panis distribuens die ieiunii, non peccat. p. 353. n. 19.
- Pluribus diebus Salutationem Anglicam, Deo promissam, omittens, an mortaliter peccet. p. 353. n. 20.
- Plura praecepta leviter violans, an peccet mortaliter. p. 355. n. 2.
- Poenitentia in materia gravi obligare non potest solum sub veniali. p. 318. n. 10.
- Possessio antiquior praevalet recentiori, si simul concurrant. p. 123. num. 13.
- Possessio non stat pro obligatione, quando eius inceptio est incerta. p. 72. n. 17.
- Possessio pro qua parte sit, quomodo possit cognosci. p. 91. n. 6.
- Possessionis titulus, an sit ratio sufficiens dubium deponendi. pag. 75. num. 2.
- Possessio generat presumptionem dominij. p. 76. n. 8.
- Possessio legitima, est sufficiens titulus conscientiam dubiam deponendi. p. 77. n. 11.
- Possidentis conditio in dubijs, quare praefenda. p. 77. n. 12.
- Possessio in dubio sufficit ad formandum iudicium certum de licito rei usu. p. 78. n. 13.
- Possessor, cur praefendus Domino rei dubio. p. 78. n. 14.
- Possessio inchoata cum dubio impedit bonam fidem. p. 78. n. 16.
- Possessionis, bona fide, inchoata continuatio non evadit mala fidei per dubium superueniens. p. 78. n. 16.
- Possessor, rem in dubio retinendo, nulli se periculo exponit. pag. 78. num. 17.
- Possessio, utramlibet partem reddit omnino tutam. p. 79. n. 18. & 19.
- Possessor, debitam diligentiam omittens

I N D E X

- tem ad dubium vincendum, tenetur ad restitutionem: pag. 80. n. 21. ante adhibitam diligentiam, re possessa, uti non potest. ibi n. 22. post illam, uti potest; si tamen vendat, Emptorem monere tenetur. ibi n. 23.
- Possessionem inchoanti eum dubio, non fauet possessio. p. 80. n. 24.
- Possidentis conditio melior est in quacumque materia. p. 84. n. 10.
- Possessor in omni materia, prater ius dubium, habet certam possessionem. p. 86. n. 15.
- Possessionis titulus, omnibus virtutibus est communis. p. 86. n. 16.
- Potestas irritandi, se extendit etiam ad tempus antecedens. pag. 125. num. 20.
- Potestas Superioris, extendit se solum ad materiam certo licitam. p. 114. n. 16. Subditus ad eam solum obligare se voluit. pag. 113. num. 17.
- Potestas Superioris non se extendit ad dubia. p. 115. n. 18.
- Præcepta Decalogi scire tenemur ex duplici præcepto, credendi, & servandi. p. 139. n. 22.
- Præcepta diversa rationis, nihil habent commune, in quo continuari possint. p. 357. n. 14.
- quæ Præcepta naturalia obligent cum eodem periculo. p. 257. n. 18.
- Præceptorum Decalogi, & Articulorum Fidei ignorantia, in quo differant. p. 145. n. 13.
- Præceptum constituit rem præceptam in materia alicuius virtutis. pag. 317. n. 5.
- Præceptum humanum, quas actiones prohibeat. p. 244. num. 11. Ec-
- clesiasticum, non obligat cum gravi incommodo. p. 345. n. 15.
- Præceptum obligans ad sui observantiam, obligat etiam ad sui cognitionem. p. 137. n. 11.
- Præceptum quodlibet, proprium respicit finem. p. 356. n. 9.
- Præceptum septimum, & decimum Decalogi, quomodo differant. pag. 370. n. 14.
- Præceptorum multiplicitas, quomodo arguat multipliciter peccatorum. p. 370. n. 15.
- Præceptum Superioris regulariter obligat ad conscientiam erroneam deponendam. p. 216. n. 11.
- Præceptum Superioris non potest reddere licitam rem, alioqui illicitam. p. 114. n. 14. Præceptum Divinum praevallet. ibi. n. 15.
- Præceptum de Confessionis integritate, an obliget cum quocumque periculo. p. 254. num. 4. obligare videtur, sicut lex naturalis. ibi n. 5. & sicut sigillum Confessionis. ibi n. 6. verè tamen non obligat. ibi num. 7.
- Præceptum Divinum de re non intrinsecè mala, regulariter non obligat cum gravi incommodo. p. 255. n. 8. nec aliqua præcepta naturalis. ibi n. 10. postituum, obligat sicut humanum. pag. 256. n. 13. de Confessionis integritate obligat sicut præceptum de restitutione. p. 257. n. 14. Præceptum sigilli, ordinatur ad bonum Sacramenti. ibi n. 15.
- Præceptum in dubio non obligat. p. 98. n. 16.
- Præceptum in dubio obligat, cum pro ipso fiat possessio. p. 87. n. 20.
- De

R E R V M.

- De præcepto dubitans, post debitam diligentiam non obligatur.* p. 88. n. 24.
- Præceptum in dubio facti non est in possessione obligandi.* p. 71. n. 13.
- Præceptum in dubio obligationis, non obligat.* p. 71. n. 14.
- Præceptum Superioris non semper præsumitur iustum.* p. 115. n. 21.
- Præsumitur quando oritur ex potestate legislativa, ibi n. 22. Nulum hinc sequitur inconueniens;* ibi n. 23.
- Precibus importunis extorta, retineri non possunt.* p. 294. n. 5.
- Preces importuna, æquiparantur coactioni.* p. 294. n. 6. *Et in iure etiam metui.* ibi n. 7. *Nec plenam libertatem relinquunt.* ibi n. 8. *Qui propter illas aliquid facit, cum repugnantia facit.* p. 295. n. 9.
- Preces per quid sint importuna.* p. 295. n. 10.
- Preces Pauperum, cur non dicantur importuna.* p. 295. n. 11.
- Precibus importunis legatum impediens tenetur ad restitutionem.* p. 296. n. 14. *Et licentia à Superioribus sic extorta, non tenet.* ibi num. 15.
- Prælati potestas, in dubio, an sit legitima, obligat subditum ad obediendum.* p. 109. n. 24.
- Presbyteratus ordinem suscipere non licet ante annum 24. completum.* p. 98. n. 17. *Neque in dubio an compleuerit.* ibid.
- Præsumptio est quadam verisimilitudo, ac probabilis coniectura.* p. 91. n. 6.
- Præsumptio, semper est pro ea parte, cui non incumbit onus probandi.* p. 61. n. 6.
- Præsumptio facti, quod de iure faciendum erat, semper stat pro ipso facto.* p. 100. n. 22.
- Præsumptio in re dubia, facit unam partem haberi pro certa, donec pars opposita aliunde probetur.* p. 91. n. 6.
- ad Præsumptionem requiritur notitia tam iuris, quam facti.* p. 16. n. 26. *Requiritur etiam directæ, ac formalis voluntas transgrediendi.* ibidem.
- Pretium pertinet ad substantiam venditionis, non quantitas pretij.* p. 211. n. 11. *Idem valet in donatione.* ibi n. 12. *Id quod in illis fuit inuoluntarium, est restituendum.* p. 212. n. 13.
- Primus actus impossibilis, cum auditione Sacri, integrè illam impedit.* p. 361. n. 15.
- Principium vniuersalissimum pro dubio circumstantia facti.* p. 101. n. 4.
- Principium quoddam vniuersalissimum pro dubio facti.* p. 95. nu. 7. *idem principium magis probatur.* ibi n. 2.
- Priuilegium Regularium absoluedi à reservatis per Decretum. Clem. VIII. neque extra Italiam suffragatur quoad casus, quos Episcopi sibi reservant.* p. 18. n. 33.
- Priuilegiati Romæ, & extra Italiam possunt absolueri à Casibus reservatis per Decretum Clem. VIII.* p. 17. n. 32. *Possunt etiam ubique à Casibus Episcopo reservatis à iure, & à Papalibus occultis.* ibid.
- A Casibus, quos sibi Episcopi reservant, nullibi possunt, si sint Regulares.* p. 18. n. 33. *Si ex errore absoluant etiam in Italia, non in-*

I N D E X

- currunt pœnas, & censuras in eo Decreto contentas.* p. 17. n. 31.
- Probabile, quid sit, & quid ad hoc requiratur,* p. 33. n. 15.
- Probabilitas non idem significat, cum dicitur de opinione, ac de alijs rebus.* p. 47. n. 56.
- Probabilis opinio potest euadere improbabilis, & de contra.* p. 53. n. 72.
- Probabilitas logica, quid sit, quid probabilitas moralis.* p. 53. n. 73.
- Professio ex errore circa causam finalem, videtur inuvalidari.* p. 197. n. 2. *Talis enim error, videtur esse circa substantialia Professionis.* p. 198. n. 3. *Sicut si esset circa materiam Professionis, ibi n. 5. & sicut est in Voto simplici.* ibi n. 6. *Verè tamen non inuvalidatur talis professio.* ibi n. 7.
- Professio est contractus onerosus.* p. 199. n. 9. *Sicut est Matrimonium.* ibi nu. 10. *In contractibus onerosis, error circa causam motiuam non tollit eorum voluntatem.* ibi n. 11. *Hæc voluntas datur in Professione, sicut in matrimonio.* ibi n. 12.
- Professio debet esse libera, sicut etià Votum simplex.* p. 200. n. 14. *Error circa causam motiuam Professionis, non est circa substantialia.* ibi n. 15.
- Professionis emissio est absoluta.* p. 200. n. 17.
- Professio in dubio ætatis non valet.* p. 100. n. 21.
- Professio Religiosa dolo non irritatur.* p. 226. n. 22.
- Professio Religiosa, quam libertatem requirat.* p. 284. n. 11. *metu iniustæ extortæ, est irrita.* p. 280. n. 6.
- Sicut promissio rerum Ecclesiæ.* n. 6.
- Prohibitio Breuiarij, est vietualis omisso Officij.* p. 306. n. 12.
- Prohibitio Breuiarij, est causa omissionis Officij.* p. 361. n. 16.
- Promissio ex errore circa motiuum, promittendi, non obligat.* p. 172. n. 11.
- Promissio obligat, cum includit animum se obligandi.* p. 174. nu. 18.
- Promissio conditionata hunc animum non includit.* ibi n. 19.
- Promissio, ex quocumque fine facta, semper obligat.* p. 242. n. 6.
- Promissio facta in ebrietate aliquando obligat.* p. 160. n. 10.
- Promissio conditionalis, posita conditione obligat.* p. 161. n. 11. *Quid sufficiat ad hoc, ut promissio sit valida.* p. 162. n. 18.
- Promissionis conditionate obligatio incipit, cum ponitur conditio.* p. 163. n. 19.
- Promissio conditionata in quo adequatè consistat.* p. 163. n. 20. *Quid requiratur, ut obliget.* ibi n. 21.
- Promissio, per positionem conditionis ex conditionalis fit absoluta.* p. 162. num. 13.
- Promissio includens conditionem in ebrietate ponendum, valida est.* p. 162. n. 15.
- Promissio, an obliget mutatis circumstantijs.* p. 191. n. 3. *Ex se nullum habet finem intrinsecum, quæ respiciat.* p. 192. n. 6. *Iuxta varios promittendi modos obliget, vel nō obligat.* ibi n. 7. *& deinceps.*
- Promissio in gratiam illius, qui aliquem in carcere coniecit, vel in eo detinet, est irrita.* p. 280. n. 6.
- Promissio, metu recurrentiâ facta, non obligat.* p. 292. n. 17.

Pro-

R E R V M.

Proposium committendi omnia venialia non est occasio proxima peccati mortalis. p. 364. n. 8. neque est virtualiter propositum periculi proximi. ibi n. 9.

Proposium committendi omnia venialia, videtur esse occasio proxima mortalis. p. 363. n. 3.

Proposium committendi plura venialia, quando sit mortale. p. 350. num. 7.

Proposium censetur moraliter perseverare, quandiu non retrahatur. p. 382. n. 11.

Proposium venialia non vitandi stare potest cum proposito vitandi mortalia. p. 365. n. 14.

Proposium committendi venialia, potest esse aliquando mortale. p. 365. n. 16.

Provisio beneficij, ad quem in dubio pertineat. p. 91. n. 7. Possessio stat pro reservatione Pontificis. p. 92. n. 8. Non pro Episcopi iurisdictione. ibi n. 9. Dubium est de eius incaptione. ibi n. 10. Presumptio iuris est pro reservatione. ibi n. 11. Constat de reservatione, non de eius cessatione. ibi n. 12. Incaptio iurisdictionis Episcopi, cum sit quid facti, non presumitur. p. 93. num. 14.

Proximi malo cooperari, quot modis possit. p. 261. n. 10.

Prudentia, quo utatur principio ad operationes voluntatis regulandas. p. 5. n. 13.

Prudentia dictamen, quo syllogismo concludatur. p. 55. n. 77.

Putans aliquid esse peccatum in genere peccat contra preceptum dictans bonum esse sequendum. p. 22. n. 12.

Putans aliquid esse virtuosum, facit actum illius virtutis, quam putat. p. 22. n. 13.



Qualitas persona, cum qua contrahitur, est circumstantia accidentalis matrimonio. p. 167. n. 11.

Qualitas rei vendenda constituit valorem, qui est venditionis materia. p. 207. n. 13. Quae qualitas rei valorem, ac venditionis materiam constituat. ibi n. 14.

Qualitas persona regulariter non constituit materiam matrimonij. p. 208. n. 15. Non omnes rei qualitates pertinent ad venditionis materiam. ibi n. 16.

Quantitas notabilis in furto, quae. p. 322. n. 4.

Quinque modij tritici, an sint quantitas notabilis. p. 322. n. 2.

Quinque tritici modios de Regno extrahere, non est mortale. p. 323. num. 9. reputantur materia levis. p. 324. n. 12. Nec Reipublica infert damnum grave. ibi n. 14.

Quomodo cognosci possit, pro qua parte sit possessio. p. 91. n. 6.

R

Regula, ac Voti obligatio, non est duplex, sed una p. 367. n. 4. Verè tamen est duplex. p. 368. n. 9.

Regula, ac Votum, quas obligationes inducant. p. 369. n. 13.

Regula ad specificam peccatorum diversitatem cognoscendam. p. 372. num. 24.

Rei aliena usus, est peccatum diversum ab eius acceptione. p. 377. n. 19.

I N D E X

Religiosus minima usurpans, quando mortaliter peccet. p. 354. n. 21.
Remissio debiti, ex desperatione illud recuperandi, facta, non tenet. p. 292. n. 18.
Renunciatio hereditatis, metu reuerentiali facta, est rescindenda. p. 292. n. 16.
Rescissio renunciationis, est tacita beneficii collatio. p. 281. n. 12.
Rescissio contractus est fauor atatis. p. 122. n. 6.
Rescindi potest à Patre contractus filij in dubio pubertatis. pag. 122. n. 9. in eo dubio possidet in Patre potestas irritandi. ibi n. 10.
Reservatio non incurritur ab eo, qui inuincibiliter ignorat talem reservationem decretam tali culpa. p. 131. n. 25.
Reservationis beneficiorum tempus durat, donec constet de eius cessatione. p. 92. n. 8.
Reservatio in dubio non incurritur. p. 98. n. 15.
Res illicita, non redditur licita, per præceptum Superioris. pag. 114. num. 14.
Resignans beneficium ex metu, ante rescissionem resignationis, fructus percipere non potest. p. 282. n. 14.
Officium recitare non tenetur. ibi num. 15.
Resignatio beneficii metu extorta, an sit valida. p. 280. n. 3.
Respublica, quam potestatem habeat in ordine ad contractus. pag. 233. num. 4.
Respublica supplere potest defectum consensus ad valorem requisiti. p. 334. n. 9. Irritare potest contractus iure natura validos. pag. 335.

n. 10. Cum supplet defectum consensus reddit contractum etiam iure natura validum. ibi num. 11.
Supplet hunc defectum solum quando error est prudens. ibi n. 12.
Convalidat contractum saltem quoad effectus. ibi n. 13. Convalidare solum potest inualidum ex defectu consensus. p. 236. num. 14.
Convalidat etiam, quando error est solum concomitans. ibi num. 15. Hinc efficaciter probatur convalidare etiam gesta, quando datur error communis. ibi n. 16.
Restituere tenetur possessor omittens debitam diligentiam ad vincendum dubium. p. 80. n. 21.
Revocatio consilij, quando in foro externo censeatur sufficiens. pag. 107. n. 11. Aliquando non presumitur sufficiens. p. 108. n. 15. Et p. 109. n. 22.
Revocatio mandati semper est sufficiens. p. 109. n. 22.
Revocationis sufficientia probatur ex coniecturis in oppositum. pag. 109. num. 23.

S

Sacerdos Beneficiarius, Officium omittens, quot peccata committat. p. 370. n. 16.
Sacerdotem occidens, quot peccata committat. p. 370. n. 17.
Sacramentorum consecratio in materia dubia, an unquam liceat. pag. 265. num. 24.
Sacramentorum forma, materia paruitatem non admittunt. p. 334. num. 23.
ad Sacramenta conficienda, cur requi-

R E R V M.

- quiratur voluntas aliquo modo præsens. p. 164. n. 22.*
- ad Sacramenti valorem, cur requiratur intentio aliqua, tunc cum conficitur Sacramentum. p. 160. num. 9.*
- Sacrificium crastinum sufficienter applicatur per hodiernam, imò per prateritam applicationem. p. 161. num. 12.*
- Sacerista Officium vendens, peccat solum contra Religionem. p. 333. num. 18.*
- Scandalum, cur sit peccatum. p. 343. num. 2.*
- Scandalum, an sit, pecuniam apud Vsurarium deponere. p. 343. n. 2. aut Meretrici domum locare. p. 347. n. 21. quæ præstare possit Famulus sine scandalo. pag. 346. n. 17. quæ Caupo. p. 347. n. 22.*
- Scientia eorum, quæ ad proprium munus spectant, est debita solum propter opus. p. 139. n. 21.*
- Secreti reuelatio, an unquam excusetur à peccato. p. 265. n. 23.*
- Semiplena aduertentia in quo confitatur. p. 313. n. 7. & p. 315. nu. 18. reddit peccatum veniale. pag. 314. n. 10. & p. 315. n. 17.*
- Semiplena aduertentia indicia. p. 316. num. 21.*
- Sepultura tradens hæreticum, vel eius receptatorem, aut fantorem non incurrit excommunicationem nisi illi per publicam sententiam damnati sint, ut tales, vel si per errorem non putauit esse tales. p. 16. num. 28.*
- Sigillum Confessionis materia leuitatem non admittit. p. 334. n. 22.*
- Simonia non admittit materia paruitatem. pag. 329. num. 24.*
- Simonia, alia iuris Diuini, alia Ecclesiastici. p. 350. n. 9.*
- Simonia iuris Ecclesiastici, materia paruitatem admittit. p. 331. n. 11. Est mala, quia prohibita. p. 332. n. 14. quæ quantitas sit grauis. p. 333. n. 17.*
- Simonia iuris Diuini, cur materia paruitatem non admittat. p. 332. num. 15.*
- Singula obiecta propriam deformitatem refundunt in actum voluntatis internum. p. 389. n. 12.*
- Singula deformitates, in confessione, sunt explicanda. p. 390. n. 13. Sunt plura numero peccata. pag. 390. num. 16.*
- Sortilegium, materia paruitatem non admittit. p. 334. n. 21.*
- Sponsalia, metu iniuncto extorta, iure positio sunt irrita. pag. 280. num. 6.*
- Studio sitatis virtus, non semper specialiter obligat. p. 140. n. 23.*
- Subditus in dubio, an Prælati potestas sit legitima, tenetur obedire. p. 109. num. 24.*
- Subditus, solum ratione Voti tenetur ad obedientiam. p. 113. n. 11.*
- Subditus dubitans de materia honestate, non tenetur obedire. p. 113. n. 12. quomocumque dubitet: ibi n. 13.*
- Subditus sequi potest opinionem probabilem sui Superioris. p. 51. n. 66.*
- Suburbia Roma veniunt nomine Roma. p. 18 n. 34.*
- Superioris præceptum non potest reddere licitam rem aliqui illicitam. p. 114. n. 14.*
- Superioris potestas ad materiam solum*

I N D E X

- lūm certò licitam se extendit. pag. 114. n. 16. Subditus ad eam solam obligare se voluit. p. 115. n. 17.
- Superioris potestas, non se extendit ad dubia. p. 115. n. 18.
- Superior illud solum ius habet, quod subditi per Votum contulerunt. p. 115. n. 19.
- Superioris preceptum non semper praesumitur iustum. p. 115. nu. 21. praesumitur quāto oritur ex potestate legislativa. ibi n. 22. Nullum hinc sequitur inconueniens. ibi n. 23.
- Superior in dubio obligare non potest ad secreti reuelationem. pag. 116. n. 24. nec tempore Quadragesima ad carnes comedendas. ibi num. 25.
- Possessio stat pro precepto Ieiunij. ibi n. 26. Nec in dubio de belli iustitia, ad militandum. pag. 117. n. 27. Multò minus si subditus de belli iniustitia habeat iudicium probabile. ibi n. 28.
- Suspensio non incurritur ab inuincibiliter ignorante eam pro tali culpa impositam. p. 131. n. 23.
- Syllogismus, cuius conclusio est dictamen prudentia. p. 55. n. 77.
- Synderefsis quid, & quomodo ex illa oriatur conscientia. p. 4. n. 11.

T

- T**estes coacti, in testamento adhibiti, non valent. pag. 230. num. 6.
- Tesaurus absconditus non pertinet ad materiam venditionis agri. p. 208. n. 17.
- Timor. v. Metus.
- Titulus possessionis, omnibus vir-

- tutibus est communis. p. 86. n. 16.
- alij Tituli praeter possessionem, sufficientes ad dubium deponendum. p. 89. n. 29.
- Titulus possessionis, an sit ratio sufficiens dubium deponendi. pag. 75. num. 2.
- Transactio rerum Ecclesiae, metu facta, est irrita. p. 280. n. 6.
- Tutior pars, an, & quando in dubijs eligenda sit. p. 73. n. 25.
- Tutior via, quando eligenda sit in dubio. p. 85. n. 11.

V

- V**alidare, seu convalidare contractus. vide Respublica.
- Ad valorem actus, quam voluntas ac libertas requiratur. pag. 148. num. 2.
- Valor irritationis, in potestate Patris fundatur. p. 123. n. 16. Hec ut potè antiquior praeualet Voto. ibi num. 16.
- Valor rei desumitur ex eius utilitate in ordine ad usum, ad quem vendi solet. p. 205. num. 7. & ex communi aestimatione, quam res habet in illo loco. p. 206. n. 8.
- Valor, qui est venditionis materia, constituitur per rei vendenda qualitatē. p. 207. n. 13. Quam qualitas rei valorem, ac venditionis materiam constituat. ibi n. 14.
- Non omnes rei qualitates pertinent ad materiam Venditionis. p. 208. n. 16.
- Valor rei vendenda duplex; intrinsecus, & extrinsecus. p. 210. nu. 6.
- Error valoris, quem res alicubi habet, non irritat contractum. ibi

ibi nu.7. Est error circa valorem extrinsecum. ibi nu.8. Vide error valoris.

Valor rei extrinsecus, est venditioni accidentalis. pag.210. num.9. Error circa illum reddit venditionem inuoluntariam, solum secundum quid p.211. n.10. Pretii pertinet ad substantiam venditionis, non quantitas pretij. p.211. n.11. Idem valet in donatione. ibi n.12. Id quod in illis fuit inuoluntarium, est restituendum. pag.212. num.13.

Vendens Officium Sacristæ, vel Aconomi peccat solum contra Religionem. p.333. n.18.

Venditio, ex metu, facta, iure natura, est valida. p.276. n.7.

ad Venditionis substantiam non minus pertinet qualitas rei, quam res. pag.206. nu.11. Nec minus, quam causa finalis. ibi n.12.

in Venditione, & emptione, non solum res vendenda, sed eius etiam qualitates pertinent ad materiam. p.105. n.6.

Venditio non inuolidatur ex errore circa personam ementis. pag.167. n.9. Persona emptoris est circumstantia accidentalis venditioni, sicut emptioni personæ venditoris. ibi n.10. Et sicut qualitas personæ, cum qua contrahitur in matrimonio. ibi n.11.

Venditoris dolus emptionis valori non videtur obfata. p.222. nu.3. Iure tamen civili emptionem irritas. p.223. num.11. Quanam iura hoc decernant. ibi n.12.

Venditio orta ex dolo Tertij, est valida. p.219. n.9. In ea nulla in-

teruenit iniuria ex parte Contrahentium. ibi n.10. Cum sit contractus perfectus censetur celebratus absolute. ibi n.11.

Veniale, si fiat occasio proxima mortalis, fit mortale. p.339. n.7.

Veniale, an ratione frequentia fiat mortale. p.349. n.2.

Venialia, alia sunt inter se venibilia, alia non. p.350. n.6.

Venialium frequentia, non est legis contemptus. p.352. n.15.

Venialia disponunt ad mortale. p.363 num.4.

Venialia consueunt solum in periculo remoto mortalis. pag.365. num.13.

Verbum, plurium honorem, vel famam ladens, est peccatum multiplex. p.392. n.22.

Violatio iuris humani, quando, in Confessione, non est explicanda. p.252. n.16.

Virtus non semper grauitur laditur. p.319. n.17.

Vna, aut altera uncia ieiunium non frangit. p.326. n.31.

Voluntas omitendi Officium, fertur in singulas horas. p.376. n.16.

Voluntas amans bonum, siue verè, siue falsò propositum, ut bonum, non peccat, imò facit actum virtutis, ut de eo potest gaudere. p.7. n.20. 21. 22.

Volens malum in genere, censetur illud velle, siue graue sit, siue leue. p.22. n.11.

Voluntas, quomodo prudenter operetur ex opinione probabili. pag.34. num.17.

à Voluntate determinari intellectum habentem equalia motiua pro

I N D E X

- pro utraque parte, constat experientia. p. 43. n. 45.
- Voluntas*, quot modis ab actu interno cessare possit. p. 379. n. 2.
- Voluntas inefficax*, per quid differat ab efficaci. pag. 380. num. 7. Quomodo utraque censetur moraliter perseverare. p. 381. n. 8.
- Voluntas, integra Quadragesima*, non ie unandi, tot peccata continet, quot sunt dies in Quadragesima. p. 389. n. 9.
- Voluntas occidendi plures*, est multiplex peccatum. p. 391. n. 19. Et integram familiam occidendi. ibi num. 20.
- Voluntas requisita ad Sacramentum conficiendum*, debet esse aliquo modo præsens, & cur. p. 164. num. 22.
- Voluntas in donatione semper est virtualiter conditionata*. pag. 168. num. 17.
- Voluntas etiam præterita sufficit ad Sacrificium applicandum*. p. 161. num. 12.
- Voluntas constitutiva emptionis*, quam sit. p. 180. n. 15. respectu voluntatis conditionata, qualibet causa est finalis. p. 181. n. 20.
- Voluntas conditionata in quo differat ab absoluta*. p. 188. n. 5.
- Voluntas, & libertas ad valorem actus requisita* quam sit. p. 148. n. 2, & p. 150. n. 9.
- Voluntas absoluta rei*, virtualiter fertur etiam in circumstantias occultas cum re illa connexas. p. 154 n. 19. Similis voluntas regulariter datur in administratione Sacramentorum. ibi num. 20. Si autem voluntas non esset absoluta, actus non esset validus. p. 155. n. 21.
- Voluntas indirecta sufficit ad peccatum*, ad valide vero operandum, requiritur directa. p. 155. n. 24.
- Voti, ac Regula obligatio*, non est duplex, sed una. p. 367. n. 4. Verè tamen est duplex. p. 368. n. 9.
- Votum, ac Regula, quas obligationes inducant*. p. 369. n. 13.
- Votum, metu extortum, cur sit irritum*. p. 278. n. 16.
- Votum in materia gravi obligare non potest solum venialiter*. p. 318 n. 8. Verè tamen potest. pag. 319. num. 13.
- Votum, materia leuitatem admittit*. p. 332. n. 13.
- Votum obligat, ad instar legis humane*. p. 252. n. 18.
- Votum, ad mortem vitandam emissum est validum*. p. 268. n. 10.
- Votum certum obligat, quandiu non constat de ratione excusante*. p. 93. num. 13.
- Votum, in dubio, non obligat*. p. 98. n. 14. & p. 119. n. 11.
- Votum qui emisit, & dubitat de animo se obligandi, tenetur votum observare*. p. 102. n. 7. *Voti obligatio est certa, & excusatio dubia ibi* n. 9.
- Votum de cuius materia dubitatur, an sit indifferens, obligat*. p. 103. num. 13.
- Votum, an obliget sicut Lex*. p. 118. num. 2.
- Votum de cuius materia honestate dubitatur, non obligat*. p. 118. n. 6.
- Vouens non habet communiter intentionem se obligandi ad materiam dubiam*. p. 119. n. 7. Neque tunc materia est grata Deo. ibi n. 8. Volun-

luntas se obligandi etiam in materia dubia, est imprudens. ibi n. 10. Votum est stricte interpretandum. p. 120. n. 12. se extendit solum ad materiam certo gratam Deo. ibi n. 13.

Votum non obligat, cum datur iudicium probabile de inhonestate materie. p. 120. n. 14.

Votum in dubio pubertatis, non videtur irritabile à Patre. pag. 121. n. 3. Sicut nec contractus in dubio minoritatis. ibi n. 5. verè tamen est irritabile. p. 122. n. 9.

Voti irritatio, & rescissio contractus sunt fauor atatis. p. 122. n. 6. In dubio minoritatis, & pubertatis, possessio potestatis irritandi, & rescindendi stat pro Patre. ibi n. 10.

Votum possidet respectu filij vouentis, sed non respectu Patris. p. 123. num. 14.

Votum filij irritari potest à Patre, cum datur iudicium probabile de illius impubertate. p. 124. n. 19.

ad Voti valorem requiritur, ut sit in se formaliter volitum, ac liberum. p. 138. n. 4.

Votum in ebrietate emissum, non est volitum in se ipso. p. 162. n. 16.

Voti materia aliquando coincidit cù eius causà finali. p. 213. n. 5. Error circa Voti materiam, aliquando levis, aliquando notabilis. p. 214. n. 6. Error levis Votum non irritat. ibi n. 7. Error circa accessorium, non irritat Votum circa principale. ibi n. 9.

Votum irritum circa principale, est etiam irritum circa accessorium. p. 215. n. 11.

in Voto difficultates notabiles ignora-

te illud reddere videntur nullum. p. 217. n. 3. Aliud est difficultates ignorare; aliud circa illas errare. ibi nu. 6. Ignorantia difficultates ignoratas non excludit, error excludit. ibi n. 7.

Votum Religionis, etiam difficultatibus ignoratis tenet. p. 218. nu. 8. Ignorantia difficultatum, voluntatem vouendi absolutam non impedit. ibi n. 9.

ad Voti valorem cognitio confusa rei promissa sufficit. p. 218. n. 10. Cur cognitio distincta non requiratur, ibi n. 11. Non obstat, quod ignorantia sit antecedens. p. 219. n. 12. Obligationem impediens, si illi superueniat, eam tollit. p. 220. num. 15.

Votum ex suppositione erronea factum non obligat. p. 189. n. 7. Non est absolutum, sed conditionatum. ibi nu. 8. Cessante suppositione, cessat sicut cessante causa finali. ibi n. 9. Et sicut cessante eadem causa, cessat lex. ibi n. 10. Causa, quæ respectu Voti simplicis, est finalis; respectu solemnis, est impulsiva. ibi n. 11. In Voto simplici, conditio est causa finalis. p. 190. n. 12.

Votum restituendi, si res antea non erat debita, non obligat. pag. 190. n. 13. Causa in dubio præsumitur impulsiva, ibi n. 14.

Votum non inuvalidatur ex aliquo errore circa causam finalem. p. 194. n. 5. Satis est si causa motiua subsistat tempore executionis. pag. 195. nu. 6. Sicut etiam in Voto facto ad filij sanitatem obtinendam. ibi num. 7.

Vouentis intentio est se obligare pro
t em-

INDEX RERV.

tempore executionis . p. 195. nu. 9.
Causa existere potest tempore
executionis, licet non existat tem-
pore emissionis Voti. ibi n. 10. Er-
ror circa causans pro tempore exe-
cutionis reddit Votum inualidum.
p. 196. n. 11. Per causa cessationem
Votum non extinguitur, sed sus-
penditur. ibi n. 12.
Vsura, materia paruitatem admit-
tit. p. 335. n. 26.
Vsuras non semper impedire tene-
mur. p. 346. n. 15.

Vsus rei alienæ, est peccatum dimer-
sum ab eius acceptione. pag. 377.
num. 19.
Vulnerum numerus; quibus alius
occisus est, non est in Confessione
explicandus. p. 382. n. 13.
Vxor cum dubio practico debitum
reddens, peccat mortaliter. p. 59.
num. 9.
de Voto dubitans, post debitam dili-
gentiam, non obligatur. pag. 88.
num. 25.

